

நமோ தஸ்ஸ ப⁴க³வதோ அரஹதோ ஸம்மாஸம்பு³த⁴ஸ்ஸ

ஸங்யுத்தனிகாயே

ஸகா³தா²வக்³க³-அட்ட²கதா²

க³ந்தா²ரம்ப⁴கதா²

கருணாஸீதலஹத³யங் , பஞ்ஞாபஜ்ஜோதவிஹதமோஹதமங்;
ஸனராமரலோகக³ருங், வந்தே³ ஸுக³தங் க³திவிமுத்தங்.

பு³த³தோ⁴பி பு³த³த⁴பா⁴வங், பா⁴வெத்வா சேவ ஸச்சி²கத்வா ச;
யங் உபக³தோ க³தமலங், வந்தே³ தமனுத்தரங் த⁴ம்மங்.

ஸுக³தஸ்ஸ ஓரஸானங், புத்தானங் மாரஸேனமத²னானங்;
அட்ட²ன்னம்பி ஸமுஹங், ஸிரஸா வந்தே³ அரியஸங்க⁴ங்.

இதி மே பஸன்னமதினோ, ரதனத்தயவந்த³னாமயங் புஞ்ஞங்;
யங் ஸுவிஹதந்தராயோ, ஹுத்வா தஸ்ஸானுபா⁴வேன.

ஸங்யுத்தவக்³க³படிமண்டி³தஸ்ஸ, ஸங்யுத்தஆக³மவரஸ்ஸ;
பு³த³தா⁴னுபு³த³த⁴ஸங்வண்ணிதஸ்ஸ, ஞாணப்பபே⁴த³ஜனநஸ்ஸ.

அத்த²ப்பகாஸனத்த²ங், அட்ட²கதா² ஆதி³தோ வஸிஸதேஹி;
பஞ்சஹி யா ஸங்கீ³தா, அனுஸங்கீ³தா ச பச்சா²பி.

ஸீஹளதீ³பங் பன ஆப⁴தாத², வஸினா மஹாமஹிந்தே³ன;
ட²பிதா ஸீஹளபா⁴ஸாய, தீ³பவாஸீனமத்தா²ய.

அபனெத்வான ததோஹங், ஸீஹளபா⁴ஸங் மனோரமங் பா⁴ஸங்;
தந்தினயானுச்ச²விகங், ஆரோபெந்தோ விக³ததோ³ஸங்.

ஸமயங் அவிலோமெந்தோ, தே²ரானங் தே²ரவங்ஸதீ³பானங்;
ஸுனிபுணவினிச்ச²யானங், மஹாவிஹாரே நிவாஸீனங்.

ஹித்வா புனப்புனாக³த-மத்த²ங், அத்த²ங் பகாஸயிஸ்ஸாமி;
ஸுஜனஸ்ஸ ச துட்ட²த்த²ங், சிரட்டி²தத்த²ஞ்ச த⁴ம்மஸ்ஸ.

ஸாவத்தி²பபூ⁴தீனங், நக³ரானங் வண்ணனா கதா ஹெட்டா²;
ஸங்கீ³தீனங் த³வின்னங், யா மே அத்த²ங் வத³ந்தேன.

வித்தா²ரவஸேன ஸுத³ங், வத்து²னி ச யானி தத்த² வுத்தானி;
தேஸம்பி ந இத⁴ பி⁴ய்யோ, வித்தா²ரகத²ங் கரிஸ்ஸாமி.

ஸுத்தானங் பன அத்தா², ந வினா வத்து²ஹி யே பகாஸந்தி;
தேஸங் பகாஸனத்த²ங், வத்து²னிபி த³ஸ்ஸயிஸ்ஸாமி.

ஸீலகதா² து⁴தத⁴ம்மா, கம்மட்டா²னானி சேவ ஸப்³பா³னி;
சரியாவிதா⁴னஸஹிதோ, ஜா²னஸமாபத்திவித்தா²ரோ.

ஸப்³பா³ ச அபி⁴ஞ்ஞாயோ, பஞ்ஞாஸங்கலனநிச்ச²யோ சேவ;
க²ந்தா⁴தா⁴தாயதனிந்த³ரியானி, அரியானி சேவ சத்தாரி.

ஸச்சானி பச்சயாகாரதே³ஸனா, ஸுபரிஸுத்³த⁴னிபுணனயா;
அவிமுத்ததந்திமக்³கா³, விபஸ்ஸனாபா⁴வனா சேவ.

இதி பன ஸப்³பா³ங் யஸ்மா, விஸுத்³தி⁴மக்³கே³ மயா
ஸுபரிஸுத்³த⁴ங்;
வுத்தங் தஸ்மா பி⁴ய்யோ, ந தங் இத⁴ விசாரயிஸ்ஸாமி.

“மஜ்ஜே² விஸுத்³தி⁴மக்³கோ³, ஏஸ சதுன்னம்பி ஆக³மானஞ்ஹி;
ட²த்வா பகாஸயிஸ்ஸதி, தத்த² யதா²பா⁴ஸிதமத்த²ங்”.

இச்சேவ கதோ தஸ்மா, தம்பி க³ஹேத்வான ஸத்³தி⁴மேதாய;
அட்ட²கதா²ய விஜானத², ஸங்யுத்தவினிஸ்ஸிதங் அத்த²ந்தி.

1. தே³வதாஸங்யுத்தங்

1. நளவக்³கோ³

1. ஓக்⁴தரணஸுத்தவண்ணனா

தத்த² ஸங்யுத்தாக³மோ நாம ஸகா³தா²வக்³கோ³, நிதா³னவக்³கோ³, க²ந்த⁴கவக்³கோ³, ஸளாயதனவக்³கோ³, மஹாவக்³கோ³தி பஞ்சவக்³கோ³ ஹோதி. ஸுத்ததோ -

“ஸத்த ஸுத்தஸஹஸ்ஸானி, ஸத்த ஸுத்தஸதானி ச;
த்³வாஸட்டி² சேவ ஸுத்தானி, ஏஸோ ஸங்யுத்தஸங்க³ஹோ”.

பா⁴ணவாரதோ பா⁴ணவாரஸதங் ஹோதி. தஸ்ஸ வக்³கே³ஸு ஸகா³தா²வக்³கோ³ ஆதி³, ஸுத்தேஸு ஓக்⁴தரணஸுத்தங். தஸ்ஸாபி “ஏவங் மே ஸுத”ந்திஆதி³கங் ஆயஸ்மதா ஆனந்தே³ன பட²மமஹாஸங்கீ³திகாலே வுத்தங் நிதா³னமாதி³. ஸா பனேஸா பட²மமஹாஸங்கீ³தி ஸுமங்க³லவிலாஸினியா தீ³க்⁴னிகாயட்ட²கதா²ய ஆதி³ம்ஹி வித்தா²ரிதா, தஸ்மா ஸா தத்த² வித்தா²ரிதனயேனேவ வேதி³தப்³பா³.

1. யங் பனேதங் “ஏவங் மே ஸுத”ந்திஆதி³கங் நிதா³னங், தத்த² ஏவந்தி நிபாதபத³ங். மேதிஆதீ³னி நாமபதா³னி. ஸாவத்தி²யங் விஹரதீதி எத்த² வீதி உபஸக்³க³பத³ங், ஹரதீதி ஆக்³யாதபத³ந்தி இமினா தாவ நயேன பத³விபா⁴கோ³ வேதி³தப்³போ³.

அத்த²தோ பன ஏவங்ஸத்³தோ³ தாவ உபமூபதே³ஸ-ஸம்பஹங்ஸன- க³ரஹண-வசனஸம்படிக்க³ஹாகாரனித³ஸ்ஸனாவதா⁴ரணாதி³- அனேகத்த²ப்பபே⁴தோ³. ததா² ஹேஸ - “ஏவங் ஜாதேன மச்சேன, கத்தப்³ப³ங் குஸலங் ப³ஹு”ந்தி (த⁴. ப. 53) ஏவமாதீ³ஸு உபமாயங் ஆக³தோ. “ஏவங் தே அபி⁴க்கமிதப்³ப³ங் , ஏவங் தே படிக்கமிதப்³ப³”ந்திஆதீ³ஸு (அ. நி. 4.122) உபதே³ஸே. “ஏவமேதங் ப⁴க³வா, ஏவமேதங் ஸுக³தா”திஆதீ³ஸு (அ. நி. 3.66) ஸம்பஹங்ஸனே. “ஏவமேவங் பனாயங் வஸலீ யஸ்மிங் வா தஸ்மிங் வா தஸ்ஸ முண்ட³கஸ்ஸ ஸமணகஸ்ஸ வண்ணங் பா⁴ஸதீ³திஆதீ³ஸு (ஸங். நி. 1.187) க³ரஹணே. “ஏவங், ப⁴ந்தேதி கோ² தே பி⁴க்க² ப⁴க³வதோ பச்சஸ்ஸோஸு”ந்திஆதீ³ஸு (ம. நி. 1.1) வசனஸம்படிக்க³ஹே. “ஏவங் ப³யா கோ² அஹங், ப⁴ந்தே, ப⁴க³வதா த⁴ம்மங் தே³ஸிதங் ஆஜானாமீ³திஆதீ³ஸு (ம. நி. 1.398) ஆகாரே . “ஏஹி த்வங் மாணவக, யேன ஸமணோ ஆனந்தோ³ தேனுபஸங்கம; உபஸங்கமித்வா மம வசனேன ஸமணங் ஆனந்த³ங் அப்பாபா³த⁴ங் அப்பாதங்கங் லஹுட்டா²னங் ப³லங் பா²ஸுவிஹாரங் புச்ச² -

‘ஸுபோ⁴ மாணவோ தோதெ³ய்யபுத்தோ ப⁴வந்தங் ஆனந்த³ங் அப்பாபா³த⁴ங் அப்பாதங்கங் லஹுட்டா²னங் ப³லங் பா²ஸுவிஹாரங் புச்ச²தீ³தி. ஏவஞ்ச வதே³ஹி - ‘ஸாது⁴ கிர ப⁴வங் ஆனந்தோ³ யேன ஸுப⁴ஸ்ஸ மாணவஸ்ஸ தோதெ³ய்யபுத்தஸ்ஸ நிவேஸனங், தேனுபஸங்கமது அனுகம்பங் உபாதா³யா³தி”ஆதீ³ஸு (தீ³. நி. 1.445) நித³ஸ்ஸனே. “தங் கிங் மஞ்ஞத² காலாமா, இமே த⁴ம்மா குஸலா வா அகுஸலா வாதி? அகுஸலா, ப⁴ந்தே. ஸாவஜ்ஜா வா அனவஜ்ஜா வாதி? ஸாவஜ்ஜா, ப⁴ந்தே. விஞ்ஞுக³ரஹிதா வா விஞ்ஞுப்பஸத்தா² வாதி? விஞ்ஞுக³ரஹிதா, ப⁴ந்தே. ஸமத்தா ஸமாதி³ன்னா அஹிதாய து³க்கா²ய ஸங்வத்தந்தி வா நோ வா, கத²ங் வோ எத்த² ஹோதீ³தி? ஸமத்தா, ப⁴ந்தே, ஸமாதி³ன்னா அஹிதாய து³க்கா²ய ஸங்வத்தந்தி, ஏவங் நோ எத்த² ஹோதீ³திஆதீ³ஸு (அ. நி. 3.66) அவதா⁴ரணே. ஸ்வாயமித⁴ ஆகாரனித³ஸ்ஸனாவதா⁴ரணேஸு த³ட்ட²ப³போ³.

தத்த² ஆகாரத்தே²ன ஏவங்ஸத்தே³ன ஏதமத்த²ங் தீ³பேதி - நானானயனிபுணங் அனேகஜ்ஜா²ஸயஸமுட்டா²னங் அத்த²ப³யஞ்ஜனஸம்பன்னங் விவித⁴பாடிஹாரியங் த⁴ம்மத்த²தே³ஸனா படிவேத⁴க³ம்பீ⁴ரங் ஸப்³ப³ஸத்தானங் ஸகஸகபா⁴ஸானுருபதோ ஸோதபத²மாக³ச்சந்தங் தஸ்ஸ ப⁴க³வதோ வசனங் ஸப்³ப³ப்பகாரேன கோ ஸமத்தோ² விஞ்ஞாதுங்? ஸப்³ப³தா²மேன பன ஸோதுகாமதங் ஜனெத்வாபி ஏவங் மே ஸுதங், மயாபி ஏகேனாகாரேன ஸுதந்தி.

நித³ஸ்ஸனத்தே²ன - “நாஹங் ஸயம்பூ⁴, ந மயா இத³ங் ஸச்சி²கத²ந்தி அத்தானங் பரிமோசெந்தோ - “ஏவங் மே ஸுதங், மயாபி ஏவங் ஸுத²ந்தி இதா³னி வத்தப்³ப³ங் ஸகலஸுத்தங் நித³ஸ்ஸேதி.

அவதா⁴ரணத்தே²ன - “ஏதத³க்³ங், பி⁴க்²வே, மம ஸாவகானங் பி⁴க்²னங் ப³ஹுஸ்ஸுதானங் யதி³த³ங் ஆனந்தோ³, க³திமந்தானங், ஸதிமந்தானங், தி⁴திமந்தானங், உபட்டா²கானங் யதி³த³ங் ஆனந்தோ³”தி (அ. நி. 1.220-223) ஏவங் ப⁴க³வதா - “ஆயஸ்மா ஆனந்தோ³ அத்த²குஸலோ த⁴ம்மகுஸலோ ப³யஞ்ஜனகுஸலோ நிருத்திகுஸலோ புப்³பா³பரகுஸலோ”தி (அ. நி. 5.169) ஏவங் த⁴ம்மஸேனாபதினா ச பஸத்த²பா⁴வானுருபங் அத்தனோ தா⁴ரணப³லங் த³ஸ்ஸெந்தோ ஸத்தானங் ஸோதுகாமதங் ஜனேதி - “ஏவங் மே ஸுதங், தஞ்ச கோ² அத்த²தோ வா ப³யஞ்ஜனதோ வா அனுனமனதி⁴கங், ஏவமேவ ந அஞ்ஞதா² த³ட்ட²ப³ப³”ந்தி.

மேஸத்தோ³ தீஸு அத்தே²ஸு தி³ஸ்ஸதி. ததா² ஹிஸ்ஸ - “கா³தா²பி⁴கீ³தங் மே அபோ⁴ஜனெய்ய”ந்திஆதீ³ஸு (ஸு. நி. 81) மயாதி அத்தோ². “ஸாது⁴ மே, ப⁴ந்தே, ப⁴க³வா ஸங்கி²த்தேன த⁴ம்மங் தே³ஸேதுா ” திஆதீ³ஸு (ஸங். நி. 4.88) மய்ஹந்தி அத்தோ². “த⁴ம்மதா³யாதா³ மே,

பி⁴க்க²வே, ப⁴வதா²”திஆதீ³ஸு (ம. நி. 1.29) மம²தி அத்தோ². இத⁴ பன “மயா
ஸுத”ந்தி ச “மம ஸுத”ந்தி ச அத்த²த்³வயே யுஜ்ஜதி.

ஸுதந்தி அயங் ஸுதஸத்³தோ³ ஸஉபஸக்³கோ³ அனுபஸக்³கோ³ ச க³மன-
விஸ்ஸுத-கிலின்னஉபசிதானுயோக³-ஸோதவிஞ்ஞய்ய-
ஸோதத்³வாரானுஸாரவிஞ்ஞாதாதி³அனேகத்த²ப்பே⁴தோ³. ததா² ஹிஸ்ஸ -
“ஸேனாய பஸுதோ”திஆதீ³ஸு க³ச்ச²ந்தோதி அத்தோ². “ஸுதத்⁴ம்மஸ்ஸ
பஸ்ஸதோ”திஆதீ³ஸு (உதா³. 11) விஸ்ஸுதத்⁴ம்மஸ்ஸாதி அத்தோ².
“அவஸ்ஸுதா அவஸ்ஸுதஸ்ஸா”திஆதீ³ஸு (பாசி. 657)
கிலின்னாகிலின்னஸ்ஸாதி அத்தோ². “தும்ஹேஹி புஞ்ஞங் பஸுதங்
அனப்பக”ந்திஆதீ³ஸு (கு². பா. 7.12) உபசிதந்தி அத்தோ². “யே ஜா²னபஸுதா
தீ⁴ரா”திஆதீ³ஸு (த⁴. ப. 181) ஜா²னானுயுத்தாதி அத்தோ². “தி³ட்ட²ங் ஸுதங்
முத”ந்திஆதீ³ஸு (ம. நி. 1.241) ஸோதவிஞ்ஞய்யந்தி அத்தோ². “ஸுதத்⁴ரோ
ஸுதஸன்னிசயோ”திஆதீ³ஸு (ம. நி. 1.339)
ஸோதத்³வாரானுஸாரவிஞ்ஞாதத்⁴ரோதி அத்தோ². இத⁴ பனஸ்ஸ
ஸோதத்³வாரானுஸாரேன உபதா⁴ரிதந்தி வா உபதா⁴ரணந்தி வா அத்தோ².
மே-ஸத்³தஸ்ஸ ஹி மயாதி அத்தே² ஸதி - “ஏவங் மயா ஸுதங்,
ஸோதத்³வாரானுஸாரேன உபதா⁴ரித”ந்தி யுஜ்ஜதி. மம²தி அத்தே² ஸதி -
“ஏவங் மம ஸுதங், ஸோதத்³வாரானுஸாரேன உபதா⁴ரண”ந்தி யுஜ்ஜதி.

ஏவமேதேஸு தீஸு பதே³ஸு ஏவந்தி
ஸோதவிஞ்ஞாணாதி³விஞ்ஞாணகிச்சனித³ஸ்ஸனங். மேதி
வுத்தவிஞ்ஞாணஸமங்கி³புக்³க³லனித³ஸ்ஸனங். ஸுதந்தி
அஸ்ஸவனபா⁴வபடிக்கே²பதோ
அனானாதி⁴காவிபரீதக்³க³ஹணனித³ஸ்ஸனங். ததா² ஏவந்தி தஸ்ஸ
ஸோதத்³வாரானுஸாரேன பவத்தாய விஞ்ஞாணவீதி²யா நானப்பகாரேன
ஆரம்மணே பவத்திபா⁴வப்பகாஸனங். மேதி அத்தப்பகாஸனங். ஸுதந்தி
த்⁴ம்மப்பகாஸனங். அயஞ்ஞெஹத்த² ஸங்கே²போ - “நானப்பகாரேன ஆரம்மணே
பவத்தாய விஞ்ஞாணவீதி²யா மயா ந அஞ்ஞங் கதங், இத³ங் பன கதங், அயங்
த்⁴ம்மோ ஸுதோ”தி.

ததா² ஏவந்தி நித்³தி³ஸிதப்³ப்பகாஸனங். மேதி புக்³க³லப்பகாஸனங்.
ஸுதந்தி புக்³க³லகிச்சப்பகாஸனங். இத³ங் வுத்தங் ஹோதி - “யங் ஸுத்தங்
நித்³தி³ஸிஸ்ஸாமி, தங் மயா ஏவங் ஸுத”ந்தி.

ததா² ஏவந்தி யஸ்ஸ சித்தஸந்தானஸ்ஸ நானாகாரப்பவத்தியா
நானத்த²ப்³யஞ்ஞனக³ஹணங் ஹோதி, தஸ்ஸ நானாகாரனித்³தே³ஸோ . ஏவந்தி
ஹி அயங் ஆகாரபஞ்ஞத்தி. மேதி கத்துனித்³தே³ஸோ. ஸுதந்தி

விஸயனித்³தே³ஸோ. எத்தாவதா நானாகாரப்பவத்தேன சித்தஸந்தானேன தங்ஸமங்கி³னோ கத்துவிஸயே க³ஹணஸன்னிட்டா²னங் கதங் ஹோதி.

அத² வா ஏவந்தி புக்³க³லகிச்சனித்³தே³ஸோ. ஸுதந்தி விஞ்ஞாணகிச்சனித்³தே³ஸோ. மேதி உப⁴யகிச்சயுத்தபுக்³க³லனித்³தே³ஸோ. அயங் பனெத்த² ஸங்கே²போ - “மயா ஸவனகிச்சவிஞ்ஞாணஸமங்கி³னா புக்³க³லேன விஞ்ஞாணவஸேன லத்³த⁴ஸவனகிச்சவோஹாரேன ஸுத²ந்தி.

தத்த² ஏவந்தி ச மேதி ச ஸச்சிகட்ட²பரமத்த²வஸேன அவிஜ்ஜமானபஞ்ஞத்தி. கிஞ்ஹெத்த² தங் பரமத்த²தோ அத்தி², யங் ஏவந்தி வா மேதி வா நித்³தே³ஸங் லபே⁴த². ஸுதந்தி விஜ்ஜமானபஞ்ஞத்தி. யஞ்ஹி தங் எத்த² ஸோதேன உபலத்³த⁴ங், தங் பரமத்த²தோ விஜ்ஜமானந்தி. ததா² ஏவந்தி ச மேதி ச தங் தங் உபாதா³ய வத்தப்³ப³தோ உபாதா³பஞ்ஞத்தி. ஸுதந்தி தி³ட்டா²தீ³னி உபனிதா⁴ய வத்தப்³ப³தோ உபனிதா⁴பஞ்ஞத்தி.

எத்த² ச ஏவந்தி வசனேன அஸம்மோஹங் தீ³பேதி. ந ஹி ஸம்முள்ஹோ நானப்பகாரபடிவேத⁴ஸமத்தோ² ஹோதி. ஸுதந்தி வசனேன ஸுதஸ்ஸ அஸம்மோஸங் தீ³பேதி. யஸ்ஸ ஹி ஸுதங் ஸம்முட்ட²ங் ஹோதி, ந ஸோ காலந்தரேன மயா ஸுதந்தி படிஜானாதி. இச்சஸ்ஸ அஸம்மோஹேன பஞ்ஞாஸித்³தி⁴, அஸம்மோஸேன பன ஸதிஸித்³தி⁴. தத்த² பஞ்ஞாபுப்³ப³ங்க³மாய ஸதியா ப்யஞ்ஜனாவதா⁴ரணஸமத்த²தா, ஸதிபுப்³ப³ங்க³மாய பஞ்ஞாய அத்த²படிவேத⁴ஸமத்த²தா . தது³ப⁴யஸமத்த²தாயோகே³ன அத்த²ப்யஞ்ஜனஸம்பன்னஸ்ஸ த⁴ம்மகோஸஸ்ஸ அனுபாலனஸமத்த²தோ த⁴ம்மப⁴ண்டா³கா³ரிகத்தஸித்³தி⁴.

அபரோ நயோ - ஏவந்தி வசனேன யோனிஸோ மனஸிகாரங் தீ³பேதி, அயோனிஸோ மனஸிகரோதோ ஹி நானப்பகாரபடிவேதா⁴பா⁴வதோ. ஸுதந்தி வசனேன அவிக்கே²பங் தீ³பேதி விக்கி²த்தசித்தஸ்ஸ ஸவனாபா⁴வதோ. ததா² ஹி விக்கி²த்தசித்தோ புக்³க³லோ ஸப்³ப³ஸம்பத்தியா வுச்சமானோபி “ந மயா ஸுதங், புன ப⁴ணதா²”தி ப⁴ணதி. யோனிஸோ மனஸிகாரேன செத்த² அத்தஸம்மாபணிதி⁴ங் புப்³பே³ ச கதபஞ்ஞதங் ஸாதே⁴தி, ஸம்மா அப்பணிஹிதத்தஸ்ஸ புப்³பே³ அகதபஞ்ஞஸ்ஸ வா தத³பா⁴வதோ. அவிக்கே²பேன ஸத்³த⁴ம்மஸ்ஸவனங் ஸப்புரிஸுபனிஸ்ஸயஞ்ச ஸாதே⁴தி. ந ஹி விக்கி²த்தசித்தோ ஸோதுங் ஸக்கோதி, ந ச ஸப்புரிஸே அனுபனிஸ்ஸயமானஸ்ஸ ஸவனங் அத்தீ²தி.

அபரோ நயோ - யஸ்மா “ஏவந்தி யஸ்ஸ சித்தஸந்தானஸ்ஸ நானாகாரப்பவத்தியா நானத்த²ப்யஞ்ஜனக்³க³ஹணங் ஹோதி, தஸ்ஸ நானாகாரனித்³தே³ஸோ”தி வுத்தங், ஸோ ச ஏவங் ப⁴த்³த³கோ ஆகாரோ ந

ஸம்மா அப்பணிஹிதத்தனோ புப்³பே³ அகதபுஞ்ஞஸ்ஸ வா ஹோதி, தஸ்மா ஏவந்தி இமினா ப⁴த்³த³கேன ஆகாரேன பச்சி²மசக்கத்³வயஸம்பத்திமத்தனோ தீ³பேதி. ஸுதந்தி ஸவனயோகே³ன புரிமசக்கத்³வயஸம்பத்திங். ந ஹி அப்பதிருபதே³ஸே வஸதோ ஸப்புரிஸுபனிஸ்ஸயவிரஹிதஸ்ஸ வா ஸவனங் அத்தி². இச்சஸ்ஸ பச்சி²மசக்கத்³வயஸித்³தி⁴யா ஆஸயஸுத்³தி⁴ ஸித்³தா⁴ ஹோதி, புரிமசக்கத்³வயஸித்³தி⁴யா பயோக³ஸுத்³தி⁴, தாய ச ஆஸயஸுத்³தி⁴யா அதி⁴க³மப்³யத்திஸித்³தி⁴, பயோக³ஸுத்³தி⁴யா ஆக³மப்³யத்திஸித்³தி⁴. இதி பயோக³ஸயஸுத்³த⁴ஸ்ஸ ஆக³மாதி⁴க³மஸம்பன்னஸ்ஸ வசனங் அருணுக³ங் விய ஸூரியஸ்ஸ உத³யதோ, யோனிஸோ மனஸிகாரோ விய ச குஸலகம்மஸ்ஸ, அரஹதி ப⁴க³வதோ வசனஸ்ஸ புப்³பங்³மங் ப⁴விதுந்தி டா²னே நிதா³னங் ட²பெந்தோ ஏவங் மே ஸுதந்திஆதி³மாஹ.

அபரோ நயோ - ஏவந்தி இமினா நானப்பகாரபடிவேத⁴தீ³பகேன வசனேன அத்தனோ அத்த²படிபா⁴னபடிஸம்பி⁴தா³ஸம்பத்திஸப்³பா⁴வங் தீ³பேதி. ஸுதந்தி இமினா ஸோதப்³பே⁴த³படிவேத⁴தீ³பகேன த⁴ம்மனிருத்திபடிஸம்பி⁴தா³ஸம்பத்திஸப்³பா⁴வங். ஏவந்தி ச இத³ங் யோனிஸோ மனஸிகாரதீ³பகவசனங் பா⁴ஸமானோ - “ஏதே மயா த⁴ம்மா மனஸாணுபெக்கி²தா தி³ட்டி²யா ஸுப்படிவித்³தா⁴”தி தீ³பேதி. ஸுதந்தி இத³ங் ஸவனயோக³தீ³பகவசனங் பா⁴ஸமானோ - “புஹூ மயா த⁴ம்மா ஸுதா தா⁴தா வசஸா பரிசிதா”தி தீ³பேதி. தது³ப⁴யேனபி அத்த²ப்³யஞ்ஜனபாரிபூரிங் தீ³பெந்தோ ஸவனே ஆத³ரங் ஜனேதி. அத்த²ப்³யஞ்ஜனபரிபுண்ணஞ்ஹி த⁴ம்மங் ஆத³ரேன அஸ்ஸுணந்தோ மஹதா ஹிதா பரிபா³ஹிரோ ஹோதீதி ஆத³ரங் ஜனெத்வா ஸக்கச்சங் த⁴ம்மோ ஸோதப்³போ³தி.

ஏவங் மே ஸுதந்தி இமினா பன ஸகலேன வசனேன ஆயஸ்மா ஆனந்தோ³ ததா²க³தப்பவேதி³தங் த⁴ம்மங் அத்தனோ அத³ஹந்தோ அஸப்புரிஸபூ⁴மிங் அதிக்கமதி, ஸாவகத்தங் படிஜானந்தோ ஸப்புரிஸபூ⁴மிங் ஓக்கமதி. ததா² அஸத்³த⁴ம்மா சித்தங் வுட்டா²பேதி, ஸத்³த⁴ம்மே சித்தங் பதிட்டா²பேதி. “கேவலங் ஸுதமேவேதங் மயா, தஸ்ஸேவ பன ப⁴க³வதோ வசன”ந்தி தீ³பெந்தோ அத்தானங் பரிமோசேதி, ஸத்தா²ரங் அபதி³ஸதி, ஜினவசனங் அப்பேதி, த⁴ம்மனெத்திங் பதிட்டா²பேதி.

அபிச “ஏவங் மே ஸுத”ந்தி அத்தனா உப்பாதி³தபா⁴வங் அப்படிஜானந்தோ புரிமவசனங் விவரந்தோ - “ஸம்முகா² படிக்க³ஹிதமித³ங் மயா தஸ்ஸ ப⁴க³வதோ சதுவேஸாரஜ்ஜவிஸாரத³ஸ்ஸ த³ஸப³லத⁴ரஸ்ஸ ஆஸப⁴ட்டா²னட்டா²யினோ ஸீஹனாத³னாதி³னோ ஸப்³ஸத்துத்தமஸ்ஸ த⁴ம்மிஸ்ஸரஸ்ஸ த⁴ம்மராஜஸ்ஸ த⁴ம்மாதி⁴பதினோ த⁴ம்மதீ³பஸ்ஸ த⁴ம்மஸரணஸ்ஸ ஸத்³த⁴ம்மவரசக்கவத்தினோ ஸம்மாஸம்புத்³த⁴ஸ்ஸ

வசனங், ந எத்த² அத்தே² வா த⁴ம்மே வா பதே³ வா ப்யஞ்ஜனே வா கங்கா²
வா விமதி வா கத்தப்³பா³”தி ஸப்³பதே³வமனுஸ்ஸானங் இமஸ்மிங் த⁴ம்மே
அஸ்ஸத்³தி⁴யங் வினாஸேதி, ஸத்³தா⁴ஸம்பத³ங் உப்பாதே³தீதி. தேனேதங்
வுச்சதி -

“வினாஸயதி அஸ்ஸத்³த⁴ங், ஸத்³த⁴ங் வட்³டே⁴தி ஸாஸனே;
ஏவங் மே ஸுதமிச்சேவங், வத³ங் கோ³தமஸாவகோ”தி.

ஏகந்தி க³ணனபரிச்சே²த³னித்³தே³ஸோ. ஸமயந்தி பரிச்சி²ன்னநித்³தே³ஸோ.
ஏகங் ஸமயந்தி அனியமிதபரிதீ³பனங். தத்த² ஸமயஸத்³தோ³ -

“ஸமவாயே க²ணே காலே, ஸமூஹே ஹேதுதி³ட்டி²ஸு;
படிலாபே⁴ பஹானே ச, படிவேதே⁴ ச தி³ஸ்ஸதி”.

ததா² ஹிஸ்ஸ “அப்பேவ நாம ஸ்வேபி உபஸங்கமெய்யாம காலஞ்ச
ஸமயஞ்ச உபாதா³யா”தி ஏவமாதீ³ஸு (தீ³. நி. 1.447) ஸமவாயோ அத்தோ².
“ஏகோவ கோ², பி⁴க்க²வே, க²ணோ ச ஸமயோ ச
ப்³ரஹ்மசரியவாஸாயா”திஆதீ³ஸு (அ. நி. 8.29) க²ணோ. “உண்ஹஸமயோ
பரிளாஹஸமயோ”திஆதீ³ஸு (பாசி. 358) காலோ. “மஹாஸமயோ
பவனஸ்மி”ந்திஆதீ³ஸு (தீ³. நி. 2.332) ஸமூஹோ. “ஸமயோபி கோ² தே,
ப⁴த்³தா³லி, அப்படிவித்³தோ⁴ அஹோஸி, ப⁴க³வா கோ² ஸாவத்தி²யங்
விஹரதி, ப⁴க³வாபி மங் ஜானிஸ்ஸதி - ‘ப⁴த்³தா³லி, நாம பி⁴க்கு²
ஸத்து²ஸாஸனே ஸிக்கா²ய அபரிபூரகாரீ”தி. அயம்பி கோ² தே , ப⁴த்³தா³லி,
ஸமயோ அப்படிவித்³தோ⁴ அஹோஸி”திஆதீ³ஸு (ம. நி. 2.135) ஹேது. “தேன
கோ² பன ஸமயேன உக்³கா³ஹமானோ பரிப்³பா³ஜகோ ஸமணமுண்டி³காபுத்தோ
ஸமயப்பவாத³கே திந்து³காசீரே ஏகஸாலகே மல்லிகாய ஆராமே
படிவஸதீ”திஆதீ³ஸு (ம. நி. 2.260) தி³ட்டி².

“தி³ட்டே² த⁴ம்மே ச யோ அத்தோ², யோ சத்தோ² ஸம்பராயிகோ;
அத்தா²பி⁴ஸமயா தீ⁴ரோ, பண்டி³தோதி பவுச்சதீ”தி. -

ஆதீ³ஸு (ஸங். நி. 1.129) படிலாபே⁴. “ஸம்மா மானாபி⁴ஸமயா அந்தமகாஸி
து³க்க²ஸ்ஸா”திஆதீ³ஸு (ம. நி. 1.28) பஹானங். “து³க்க²ஸ்ஸ பீளனட்டோ²
ஸங்க²தட்டோ² ஸந்தாபட்டோ² விபரிணாமட்டோ²
அபி⁴ஸமயட்டோ²”திஆதீ³ஸு (படி. ம. 2.8) படிவேதோ⁴. இத⁴ பனஸ்ஸ
காலோ அத்தோ². தேன ஸங்வச்ச²ர-உது-மாஸட்³ட⁴மாஸ-ரத்தி-தி³வ-
புப்³பண்ண-மஜ்ஜ²ன்ஹிக-ஸாயன்ஹ-பட²மமஜ்ஜி²மபச்சி²மயாம-முஹுத்தாதீ³ஸு
காலப்பபே⁴த³பூ⁴தேஸு ஸமயேஸு ஏகங் ஸமயந்தி தீ³பேதி.

தத்த² கிஞ்சாபி ஏதேஸு ஸங்வச்ச²ராதீ³ஸு ஸமயேஸு யங் யங் ஸுத்தங்
யஸ்மிங் யஸ்மிங் ஸங்வச்ச²ரே உதும்ஹி மாஸே பக்கே² ரத்திபா⁴கே³
தி³வஸபா⁴கே³ வா வுத்தங், ஸப்³பங் தங் தே²ரஸ்ஸ ஸுவிதி³தங்
ஸுவவத்தா²பிதங் பஞ்ஞாய. யஸ்மா பன “ஏவங் மே ஸுதங்
அஸுகஸங்வச்ச²ரே அஸுகஉதும்ஹி அஸுகமாஸே அஸுகபக்கே²
அஸுகரத்திபா⁴கே³ அஸுகதி³வஸபா⁴கே³ வா”தி ஏவங் வுத்தே ந ஸக்கா
ஸுகே²ன தா⁴ரேதுங் வா உத்³தி³ஸிதுங் வா உத்³தி³ஸாபேதுங் வா, ப³ஹு ச
வத்தப்³பங் ஹோதி, தஸ்மா ஏகேனேவ பதே³ன தமத்த²ங் ஸமோதா⁴னெத்வா
“ஏகங் ஸமய”ந்தி ஆஹ.

யே வா இமே க³ப்³போ⁴க்கந்திஸமயோ ஜாதிஸமயோ ஸங்வேக³ஸமயோ
அபி⁴னிக்க²மனஸமயோ து³க்கரகாரிகஸமயோ மாரவிஜயஸமயோ
அபி⁴ஸம்போ³தி⁴ஸமயோ தி³ட்ட²த⁴ம்மஸுக²விஹாரஸமயோ
தே³ஸனாஸமயோ பரினிப்³பா³னஸமயோதி ஏவமாத³யோ ப⁴க³வதோ
தே³வமனுஸ்ஸேஸு அதிவிய ஸப்பகாஸா அனேககாலப்பபே⁴தா³ ஏவ
ஸமயா. தேஸு ஸமயேஸு தே³ஸனாஸமயஸங்கா²தங் ஏகங் ஸமயந்தி
தி³பேதி. யோ சாயங் ஞாணகருணாகிச்சஸமயேஸு கருணாகிச்சஸமயோ,
அத்தஹிதபரஹிதபடிபத்திஸமயேஸு பரஹிதபடிபத்திஸமயோ ,
ஸன்னிபதிதானங் கரணீயத்³வயஸமயேஸு த⁴ம்மிகதா²ஸமயோ,
தே³ஸனாபடிபத்திஸமயேஸு தே³ஸனாஸமயோ, தேஸுபி ஸமயேஸு
அஞ்ஞதரங் ஸந்தா⁴ய “ஏகங் ஸமய”ந்தி ஆஹ.

கஸ்மா பனெத்த² யதா² அபி⁴த⁴ம்மே “யஸ்மிங் ஸமயே காமாவசர”ந்தி ச
இதோ அஞ்ஞேஸு ஸுத்தபதே³ஸு “யஸ்மிங் ஸமயே, பி⁴க்க²வே, பி⁴க்கு²
விவிச்சேவ காமேஹி”தி ச பு⁴ம்மவசனேன நித்³தே³ஸோ கதோ, வினயே ச
“தேன ஸமயேன புத்³தோ⁴ ப⁴க³வா”தி கரணவசனேன, ததா² அகத்வா “ஏகங்
ஸமய”ந்தி உபயோக³வசனேன நித்³தே³ஸோ கதோதி. தத்த² ததா², இத⁴ ச
அஞ்ஞதா² அத்த²ஸம்ப⁴வதோ. தத்த² ஹி அபி⁴த⁴ம்மே இதோ அஞ்ஞேஸு
ஸுத்தபதே³ஸு ச அதி⁴கரணத்தோ² பா⁴வேனபா⁴வலக்க²ணத்தோ² ச
ஸம்ப⁴வதி. அதி⁴கரணஞ்ஹி காலத்தோ² ஸமுஹத்தோ² ச ஸமயோ, தத்த²
வுத்தானங் ப²ஸ்ஸாதி³த⁴ம்மானங் க²ணஸமவாயஹேதுஸங்கா²தஸ்ஸ ச
ஸமயஸ்ஸ பா⁴வேன தேஸங் பா⁴வோ லக்கீ²யதி. தஸ்மா
தத³த்த²ஜோதனத்த²ங் தத்த² பு⁴ம்மவசனநித்³தே³ஸோ கதோ.

வினயே ச ஹேதுஅத்தோ² கரணத்தோ² ச ஸம்ப⁴வதி. யோ ஹி ஸோ
ஸிக்கா²பத³பஞ்ஞத்திஸமயோ ஸாரிபுத்தாதீ³ஹிபி து³ப்³பி³ஞ்ஞய்யோ, தேன
ஸமயேன ஹேதுபூ⁴தேன கரணபூ⁴தேன ச ஸிக்கா²பதா³னி பஞ்ஞாபயந்தோ
ஸிக்கா²பத³பஞ்ஞத்திஹேதுஞ்ச அபெக்க²மானோ ப⁴க³வா தத்த² தத்த²

விஹாஸி. தஸ்மா தத³த்த²ஜோதனத்த²ங் தத்த² கரணவசனேன நித்³தே³ஸோ கதோ.

இத⁴ பன அஞ்ஞஸ்மிங் ச ஏவங்ஜாதிகே அச்சந்தஸங்யோக³த்தோ² ஸம்ப⁴வதி. யஞ்ஹி ஸமயங் ப⁴க³வா இமங் அஞ்ஞங் வா ஸுத்தந்தங் தே³ஸேஸி, அச்சந்தமேவ தங் ஸமயங் கருணாவிஹாரேன விஹாஸி. தஸ்மா தத³த்த²ஜோதனத்த²ங் இத⁴ உபயோக³வசனநித்³தே³ஸோ கதோதி.

தேனேதங் வுச்சதி -

“தங் தங் அத்த²மபெக்கி²த்வா, பு⁴ம்மேன கரணேன ச;
அஞ்ஞத்ர ஸமயோ வுத்தோ, உபயோகே³ன ஸோ இதா⁴”தி.

போராணா பன வண்ணயந்தி - “தஸ்மிங் ஸமயே”தி வா “தேன ஸமயேனா”தி வா “ஏகங் ஸமய”ந்தி வா அபி⁴லாபமத்தபே⁴தோ³ ஏஸ, ஸப்³புத்த² பு⁴ம்மமேவ அத்தோ²தி. தஸ்மா “ஏகங் ஸமய”ந்தி வுத்தேபி “ஏகஸ்மிங் ஸமயே”தி அத்தோ² வேதி³தப்³போ³.

ப⁴க³வாதி க³ரு. க³ருங் ஹி லோகே “ப⁴க³வா”தி வத³ந்தி. அயஞ்ச ஸப்³புகுணவிஸிட்ட²தாய ஸப்³புஸத்தானங் க³ரு, தஸ்மா “ப⁴க³வா”தி வேதி³தப்³போ³. போராணேஹிபி வுத்தங் -

“ப⁴க³வாதி வசனங் ஸெட்ட²ங், ப⁴க³வாதி வசனமுத்தமங்;
க³ரு கா³ரவயுத்தோ ஸோ, ப⁴க³வா தேன வுச்சதி”தி. (விஸுத்³தி⁴. 1.142);

அபிச -

“ப⁴க³யவா ப⁴க³க³வா யுத்தோ, ப⁴கே³ஹி ச விப⁴த்தவா;
ப⁴த்தவா வந்தக³மனோ, ப⁴வேஸு ப⁴க³வா ததோ”தி. -

இமிஸ்ஸா கா³தா²ய வஸேனஸ்ஸ பத³ஸ்ஸ வித்தா²ரதோ அத்தோ² வேதி³தப்³போ³. ஸோ ச விஸுத்³தி⁴மக்³கே³ (விஸுத்³தி⁴. 1.144)
புத்³தா⁴னுஸ்ஸதினித்³தே³ஸே வுத்தோயேவ.

எத்தாவதா செத்த² ஏவங் மே ஸுதந்தி வசனேன யதா²ஸுதங் த⁴ம்மங் த³ஸ்ஸெந்தோ ப⁴க³வதோ த⁴ம்மஸரீரங் பச்சக்க³ங் கரோதி. தேன “நயித³ங் அதிகந்தஸத்து²கங் பாவசனங், அயங் வோ ஸத்தா²”தி ஸத்து² அத³ஸ்ஸனேன உக்கண்டி²தங் ஜனங் ஸமஸ்ஸாஸேதி. ஏகங் ஸமயங் ப⁴க³வாதி வசனேன தஸ்மிங் ஸமயே ப⁴க³வதோ அவிஜ்ஜமானபா⁴வங் த³ஸ்ஸெந்தோ ரூபகாயபரினிப்³பா³னங் ஸாதே⁴தி. தேன “ஏவங்வித⁴ஸ்ஸ நாம

அரியத்⁴ம்மஸ்ஸ தே³ஸகோ த³ஸப³லத்⁴ரோ வஜிரஸங்கா⁴தஸமானகாயோ
ஸோபி ப⁴க³வா பரினிப்³பு³தோ, கேன அஞ்ஞேன ஜீவிதே ஆஸா
ஜனேதப்³பா³தி ஜீவிதமத்³மத்தங் ஜனங் ஸங்வேஜேதி, ஸத்³த்⁴ம்மே சஸ்ஸ
உஸ்ஸாஹங் ஜனேதி. ஏவந்தி ச ப⁴ணந்தோ தே³ஸனாஸம்பத்திங்
நித்³தி³ஸதி. மே ஸுதந்தி ஸாவகஸம்பத்திங். ஏகங் ஸமயந்தி
காலஸம்பத்திங். ப⁴க³வாதி தே³ஸகஸம்பத்திங்.

ஸாவத்தி²யந்தி ஏவங்னாமகே நக³ரே. ஸமீபத்தே² சேதங் பு⁴ம்மவசனங்.
விஹரதீதி அவிஸேஸேன இரியாபத்²தி³ப்³ப்³ரஹ்மஅரியவிஹாரேஸு
அஞ்ஞதரவிஹாரஸமங்கீ³பரிதீ³பனமேதங். இத⁴ பன
டா²னக³மனநிஸஜ்ஜாஸயனப்பபே⁴தே³ஸு இரியாபதே²ஸு
அஞ்ஞதரஇரியாபத்²ஸமாயோக³பரிதீ³பனங் , தேன டி²தோபி க³ச்சந்தோபி
நிஸின்னோபி ஸயானோபி ப⁴க³வா விஹரதிச்சேவ வேதி³தப்³போ³. ஸோ ஹி
ஏகங் இரியாபத்²பா³த்⁴னங் அஞ்ஞேன இரியாபதே²ன விச்சி³ந்தி³த்வா
அபரிபதந்தங் அத்தபா⁴வங் ஹரதி பவத்தேதி, தஸ்மா “விஹரதீ”தி வுச்சதி.

ஜேதவனேதி ஜேதஸ்ஸ ராஜகுமாரஸ்ஸ வனே. தஞ்ஹி தேன ரோபிதங்
ஸங்வட்³டி⁴தங் பரிபாலிதங் அஹோஸி, தஸ்மா “ஜேதவன”ந்தி ஸங்க²ங்
க³தங். தஸ்மிங் ஜேதவனே. அனாத²பிண்டி³கஸ்ஸ ஆராமேதி
அனாத²பிண்டி³கேன க³ஹபதினா சதுபஞ்ஞாஸஹிரஞ்ஞகோடிபரிச்சாகே³ன
புத்³த்⁴ப்பமுக²ஸ்ஸ பி⁴க்கு²ஸங்க⁴ஸ்ஸ நிய்யாதிதத்தா
“அனாத²பிண்டி³கஸ்ஸ ஆராமோ”தி ஸங்க²ங் க³தே ஆராமே. அயமெத்த²
ஸங்கே²போ, வித்தா²ரோ பன பபஞ்சஸு³த³னியா மஜ்ஜி²மட்ட²கதா²ய
ஸப்³பா³ஸவஸுத்தவண்ணனாயங் (ம. நி. அட்ட². 1.14) வுத்தோ.

தத்த² ஸியா - யதி³ தாவ ப⁴க³வா ஸாவத்தி²யங் விஹரதி, “ஜேதவனே”தி
ந வத்தப்³பங். அத² தத்த² விஹரதி, “ஸாவத்தி²ய”ந்தி ந வத்தப்³பங். ந ஹி
ஸக்கா உப⁴யத்த² ஏகங் ஸமயங் விஹரிதுந்தி. ந கோ² பனேதங் ஏவங்
த³ட்ட²ப்³பங்.

நனு அவோசம்ஹ “ஸமீபத்தே² பு⁴ம்மவசன”ந்தி. தஸ்மா யதா²
க³ங்கா³யமுனாதீ³னங் ஸமீபே கோ³யூதா²னி சரந்தானி “க³ங்கா³யங் சரந்தி,
யமுனாயங் சரந்தீ”தி வுச்சதி, ஏவமிதா⁴பி யதி³த³ங் ஸாவத்தி²யா ஸமீபே
ஜேதவனங், தத்த² விஹரந்தோ வுச்சதி “ஸாவத்தி²யங் விஹரதி ஜேதவனே”தி.
கோ³சரகா³மனித³ஸ்ஸனத்த²ங் ஹிஸ்ஸ ஸாவத்தி²வசனங்,
பப்³பி³ஜிதானுருபனிவாஸட்டா²னநித³ஸ்ஸனத்த²ங் ஸேஸவசனங்.

அஞ்ஞதரா தே³வதாதி நாமகொத்தவஸேன அபாகடா ஏகா தே³வதாதி
அத்தோ². “அபி⁴ஜானாதி நோ, ப⁴ந்தே, ப⁴க³வா அஹு ஞாதஞ்ஞதரஸ்ஸ
மஹேஸக்க²ஸ்ஸ யக்க²ஸ்ஸ ஸங்கி²த்தேன தண்ஹாஸங்க²யவிமுத்திங்

பா⁴ஸிதா²”தி எத்த² பன அபி⁴ஞ்ஞாதோ ஸக்கோபி தே³வராஜா
 “அஞ்ஞதரோ”தி வுத்தோ. “தே³வதா”தி ச இத³ங் தே³வானம்பி தே³வதீ⁴தானம்பி
 ஸாதா⁴ரணவசனங். இமஸ்மிங் பனத்தே² தே³வோ அதி⁴ப்பேதோ, ஸோ ச
 கோ² ரூபாவசரானங் தே³வானங் அஞ்ஞதரோ.

அபி⁴க்கந்தாய ரத்தியாதி எத்த² அபி⁴க்கந்த-ஸத்தோ³
 க²யஸுந்த³ராபி⁴ரூபஅப்பா⁴னுமோத³னாதீ³ஸு தி³ஸ்ஸதி . தத்த²
 “அபி⁴க்கந்தா, ப⁴ந்தே, ரத்தி, நிக்க²ந்தோ பட²மோ யாமோ , சிரனிஸின்னோ
 பி⁴க்கு²ஸங்கோ⁴, உத்³தி³ஸது, ப⁴ந்தே, ப⁴க³வா பி⁴க்க²னங்
 பாதிமொக்க²”ந்தி ஏவமாதீ³ஸு (அ. நி. 8.20; சூளவ. 383) க²யே தி³ஸ்ஸதி. “அயங்
 இமேஸங் சதுன்னங் புக்³லானங் அபி⁴க்கந்ததரோ ச பணீததரோ சா”தி
 ஏவமாதீ³ஸு (அ. நி. 4.100) ஸுந்த³ரே.

“கோ மே வந்த³தி பாதா³னி, இத்தி⁴யா யஸஸா ஜலங்;
 அபி⁴க்கந்தேன வண்ணேன, ஸப்பா³ ஓபா⁴ஸயங் தி³ஸா”தி. -

ஏவமாதீ³ஸு (வி. வ. 857) அபி⁴ரூபே. “அபி⁴க்கந்தங் போ⁴ கோ³தம,
 அபி⁴க்கந்தங் போ⁴ கோ³தமா”தி ஏவமாதீ³ஸு (பாரா. 15)
 அப்பா⁴னுமோத³னே. இத⁴ பன க²யே. தேன அபி⁴க்கந்தாய ரத்தியா,
 பரிக்²ணாய ரத்தியாதி வுத்தங் ஹோதி. தத்தா²யங் தே³வபுத்தோ
 மஜ்ஜி²மயாமஸமனந்தரே ஆக³தோதி வேதி³தப்போ³. நியாமோ ஹி கிரேஸ
 தே³வதானங் யதி³தங் புத்த³தா⁴னங் வா புத்த³த⁴ஸாவகானங் வா உபட்டா²னங்
 ஆக³ச்சந்தா மஜ்ஜி²மயாமஸமனந்தரேயேவ ஆக³ச்சந்தி.

அபி⁴க்கந்தவண்ணாதி இத⁴ அபி⁴க்கந்த-ஸத்தோ³ அபி⁴ரூபே,
 வண்ண-ஸத்தோ³ பன ச²விது²தி-குலவக்³க³-காரண-ஸண்டா²னப்பமாண-
 ரூபாயதனாதீ³ஸு தி³ஸ்ஸதி. தத்த² “ஸுவண்ணவண்ணோஸி ப⁴க³வா”தி
 ஏவமாதீ³ஸு (ஸு. நி. 553) ச²வியா. “கதா³ ஸஞ்ஞாஹா பன தே, க³ஹபதி,
 இமே ஸமணஸ்ஸ வண்ணா”தி ஏவமாதீ³ஸு (ம. நி. 2.77) து²தியங்.
 “சத்தாரோமே, போ⁴ கோ³தம, வண்ணா”தி ஏவமாதீ³ஸு (தீ. நி. 3.115)
 குலவக்³கே³. “அத² கேன நு வண்ணேன, க³ந்த⁴தே²னோதி வுச்சதீ”தி
 ஏவமாதீ³ஸு (ஸங். நி. 1.234) காரணே. “மஹந்தங் ஹத்தி²ராஜவண்ணங்
 அபி⁴னிம்மினித்வா”தி ஏவமாதீ³ஸு (ஸங். நி. 1.138) ஸண்டா²னே. “தயோ
 பத்தஸ்ஸ வண்ணா”தி ஏவமாதீ³ஸு (பாரா. 602) பமாணே. “வண்ணோ க³ந்தோ⁴
 ரஸோ ஓஜா”தி ஏவமாதீ³ஸு ரூபாயதனே. ஸோ இத⁴ ச²வியா த³ட்ட²ப்போ³.
 தேன அபி⁴க்கந்தவண்ணா அபி⁴ரூபச்ச²வி, இட்ட²வண்ணா மனாபவண்ணாதி
 வுத்தங் ஹோதி. தே³வதா ஹி மனுஸ்ஸலோகங் ஆக³ச்சமானா பகதிவண்ணங்
 பகதிஇத்தி⁴ங் ஜஹித்வா ஓளாரிகங் அத்தபா⁴வங் கத்வா அதிரேகவண்ணங்
 அதிரேகஇத்தி⁴ங் மாபெத்வா நடஸமஜ்ஜாதீ³னி க³ச்சந்தா மனுஸ்ஸா விய

அபி⁴ஸங்க²தேன காயேன ஆக³ச்ச²ந்தி. தத்த² காமாவசரா
 அனபி⁴ஸங்க²தேனபி ஆக³ந்துங் ஸக்கொந்தி, ரூபாவசரா பன ந ஸக்கொந்தி.
 தேஸஞ்ஹி அதிஸுகு²மோ அத்தபா⁴வோ, ந தேன இரியாபத²கப்பனங்
 ஹோதி. தஸ்மா அயங் தே³வபுத்தோ அபி⁴ஸங்க²தேனேவ ஆக³தோ. தேன
 வுத்தங் “அபி⁴க்கந்தவண்ணா”தி.

கேவலகப்பந்தி எத்த² கேவல-ஸத்³தோ³ அனவஸேஸ-
 யேபு⁴ய்யாப³யாமிஸ்ஸானதிரேகத³ள்ஹத்த²விஸங்யோகா³தி³அனேகத்தோ².
 ததா² ஹிஸ்ஸ “கேவலபரிபுண்ணங் பரிஸுத்³த⁴ங் ப்ரஹ்மசரிய”ந்தி
 ஏவமாதீ³ஸு (பாரா. 1) அனவஸேஸத்த²மத்தோ². “கேவலகப்பா ச
 அங்க³மக³தா⁴ பஹுதங் கா²த³னீயபோ⁴ஜனீயங் ஆதா³ய
 உபஸங்கமிஸ்ஸந்தீ”தி ஏவமாதீ³ஸு (மஹாவ. 43) யேபு⁴ய்யதா. “கேவலஸ்ஸ
 து³க்க²க்க²ந்த⁴ஸ்ஸ ஸமுத³யோ ஹோதீ”தி ஏவமாதீ³ஸு (விப⁴. 225)
 அப்யாமிஸ்ஸதா. “கேவலங் ஸத்³தா⁴மத்தகங் நூன அயமாயஸ்மா”தி
 ஏவமாதீ³ஸு (மஹாவ. 244) அனதிரேகதா. “ஆயஸ்மதோ, ப⁴ந்தே,
 அனுருத்³த⁴ஸ்ஸ பா³ஹியோ நாம ஸத்³தி⁴விஹாரிகோ கேவலகப்பங்
 ஸங்க⁴பே⁴தா³ய டி²தோ”தி ஏவமாதீ³ஸு (அ. நி. 4.243) த³ள்ஹத்த²தா. “கேவலீ
 வுஸிதவா உத்தமபுரிஸோதி வுச்சதீ”தி ஏவமாதீ³ஸு (ஸங். நி. 3.57)
 விஸங்யோகோ³ அத்தோ². இத⁴ பனஸ்ஸ அனவஸேஸத்தோ² அதி⁴ப்பேதோ.

கப்ப-ஸத்³தோ³ பனாயங் அபி⁴ஸத்த³ஹன-வோஹார-கால-பஞ்ஞத்தி-
 சே²த³ன-விகப்ப-லேஸஸமந்தபா⁴வாதி³அனேகத்தோ². ததா² ஹிஸ்ஸ
 “ஓகப்பனியமேதங் போ⁴தோ கோ³தமஸ்ஸ, யதா² தங் அரஹதோ
 ஸம்மாஸம்புத்³த⁴ஸ்ஸா”தி ஏவமாதீ³ஸு (ம. நி. 1.387)
 அபி⁴ஸத்த³ஹனமத்தோ². “அனுஜானாமி, பி⁴க்க²வே, பஞ்சஹி
 ஸமணகப்பேஹி ப²லங் பரிபு⁴ஞ்ஜிது”ந்தி ஏவமாதீ³ஸு (சூளவ. 250)
 வோஹாரோ. “யேன ஸுத³ங் நிச்சகப்பங் விஹராமீ”தி ஏவமாதீ³ஸு (ம. நி.
 1.387) காலோ. “இச்சாயஸ்மா கப்போ”தி ஏவமாதீ³ஸு பஞ்ஞத்தி. “அலங்கதோ
 கப்பிதகேஸமஸ்ஸு”தி ஏவமாதீ³ஸு (வி. வ. 1094, 1101) சே²த³னங். “கப்பதி
 த்³வங்கு³லகப்போ”தி ஏவமாதீ³ஸு (சூளவ. 446) விகப்போ. “ஆத்தி² கப்போ
 நிபஜ்ஜிது”ந்தி ஏவமாதீ³ஸு (அ. நி. 8.80) லேஸோ. “கேவலகப்பங் வேருவனங்
 ஓபா⁴ஸெத்வா”தி ஏவமாதீ³ஸு (ஸங். நி. 1.94) ஸமந்தபா⁴வோ. இத⁴
 பனஸ்ஸ ஸமந்தபா⁴வத்தோ² அதி⁴ப்பேதோ. தஸ்மா கேவலகப்பங்
 ஜேதவனந்தி எத்த² “அனவஸேஸங் ஸமந்ததோ ஜேதவன”ந்தி ஏவமத்தோ²
 த³ட்ட²ப்போ³.

ஓபா⁴ஸெத்வாதி வத்தா²லங்காரஸரீரஸமுட்டி²தாய ஆபா⁴ய ப²ரித்வா,
 சந்தி³மா விய ஸூரியோ விய ச ஏகோபா⁴ஸங் ஏகபஜ்ஜோதங் கரித்வாதி

அத்தோ².

யேனாதி பு⁴ம்மத்தே² கரணவசனங். யேன ப⁴க³வா தேனுபஸங்கமீதி
தஸ்மா “யத்த² ப⁴க³வா, தத்த² உபஸங்கமீ”தி ஏவமெத்த² அத்தோ²
த³ட்ட²ப³போ³. யேன வா காரணேன ப⁴க³வா தே³வமனுஸ்ஸேஹி
உபஸங்கமிதப்³போ³, தேன காரணேன உபஸங்கமீதி ஏவமெத்த² அத்தோ²
த³ட்ட²ப³போ³. கேன ச காரணேன ப⁴க³வா உபஸங்கமிதப்³போ³?
நானப்பகாரகு³ணவிஸேஸாதி⁴க³மாதி⁴ப்பாயேன,
ஸாது³ப²லூபபோ⁴கா³தி⁴ப்பாயேன தி³ஜக³ணேஹி நிச்சப²லிதமஹாருக்கோ²
விய. உபஸங்கமீதி ச க³தாதி வுத்தங் ஹோதி. உபஸங்கமித்வாதி
உபஸங்கமனபரியோஸானதீ³பனங். அத² வா ஏவங் க³தா ததோ ஆஸன்னதரங்
டா²னங் ப⁴க³வதோ ஸமீபஸங்கா²தங் க³ந்த்வாதிபி வுத்தங் ஹோதி.

இதா³னி யேனத்தே²ன லோகே அக்³க³புக்³க³லஸ்ஸ உபட்டா²னங் ஆக³தா,
தங் புச்சி²துகாமா த³ஸனக²ஸமோதா⁴னஸமுஜ்ஜலங் அஞ்ஜுலிங் ஸிரஸி
பதிட்ட²பெத்வா ஏகமந்தங் அட்டா²ஸி. ஏகமந்தந்தி
பா⁴வனபுங்ஸகனித்³தே³ஸோ - “விஸமங் சந்தி³மஸூரியா
பரிவத்தந்தீ”திஆதீ³ஸு (அ. நி. 4.70) விய. தஸ்மா யதா² டி²தா ஏகமந்தங் டி²தா
ஹோதி, ததா² அட்டா²ஸீதி ஏவமெத்த² அத்தோ² த³ட்ட²ப³போ³. பு⁴ம்மத்தே² வா
ஏதங் உபயோக³வசனங். அட்டா²ஸீதி டா²னங் கப்பேஸி. பண்டி³தா ஹி
தே³வமனுஸ்ஸா க³ருட்டா²னியங் உபஸங்கமித்வா ஆஸனகுஸலதாய
ஏகமந்தங் திட்ட²ந்தி, அயஞ்ச தே³வோ தேஸங் அஞ்ஞதரோ, தஸ்மா ஏகமந்தங்
அட்டா²ஸி.

கத²ங் டி²தோ பன ஏகமந்தங் டி²தோ ஹோதீதி? ச² டா²னதோ³ஸே
வஜ்ஜெத்வா. ஸெய்யதி²த³ங் - அதிதூ³ரங், அச்சாஸன்னங், உபரிவாதங் ,
உன்னதப்பதே³ஸங், அதிஸம்முக²ங், அதிபச்சா²தி. அதிதூ³ரே டி²தோ ஹி ஸசே
கதே²துகாமோ ஹோதி, உச்சாஸத்³தே³ன கதே²தப்³ப³ங் ஹோதி. அச்சாஸன்னே
டி²தோ ஸங்க⁴ட்டனங் கரோதி. உபரிவாதே டி²தோ ஸரீரக³ந்தே⁴ன பா³த⁴தி.
உன்னதப்பதே³ஸே டி²தோ அகா³ரவங் பகாஸேதி. அதிஸம்முகா² டி²தோ ஸசே
த³ட்டு²காமோ ஹோதி, சக்கு²னா சக்கு²ங் ஆஹச்ச த³ட்ட²ப³ப³ங் ஹோதி.
அதிபச்சா² டி²தோ ஸசே த³ட்டு²காமோ ஹோதி, கீ³வங் பஸாரெத்வா
த³ட்ட²ப³ப³ங் ஹோதி. தஸ்மா அயம்பி ஏதே ச² டா²னதோ³ஸே வஜ்ஜெத்வா
அட்டா²ஸி. தேன வுத்தங் “ஏகமந்தங் அட்டா²ஸீ”தி.

ஏதத³வோசாதி ஏதங் அவோச. கத²ங் நூதி காரணபுச்சா². ப⁴க³வதோ ஹி
திண்ணோக⁴பா⁴வோ த³ஸஸஹஸ்ஸிலோகதா⁴துயா பாகடோ,
தேனிமிஸ்ஸா தே³வதாய தத்த² கங்கா² நத்தி², இமினா பன காரணேன
“திண்ணோ”தி ந ஜானாதி, தேன ஸா தங் காரணங் புச்ச²மானா ஏவமாஹ.

மாரிஸாதி தே³வதானங் பியஸமுதா³சாரவசனமேதங். நித்³து³க்கா²தி வுத்தங் ஹோதி. யதி³ ஏவங் “யதா³ கோ² தே, மாரிஸ, ஸங்குனா ஸங்கு ஹத³யே ஸமாக³ச்செ²ய்ய, அத² நங் த்வங் ஜானெய்யாஸி ‘வஸ்ஸஸஹஸ்ஸங் மே நிரயே பச்சமானஸ்ஸா””தி (ம. நி. 1.512) இத³ங் விருஜ்ஜ²தி. ந ஹி நேரயிகஸத்தோ நித்³து³க்கோ² நாம ஹோதி. கிஞ்சாபி ந நித்³து³க்கோ², ருள்ஹீஸத்³தே³ன பன ஏவங் வுச்சதி. புப்³பே³ கிர பட²மகப்பிகானங் நித்³து³க்கா²னங் ஸுக²ஸமப்பிதானங் ஏஸ வோஹாரோ, அபரபா⁴கே³ து³க்கங் ஹோது வா மா வா, ருள்ஹீஸத்³தே³ன அயங் வோஹாரோ வுச்சதேவ நிப்பது³மாபி நிருத³காபி வா பொக்க²ரணீ பொக்க²ரணீ விய.

ஓக⁴மதரீதி எத்த² சத்தாரோ ஓகா⁴, காமோகோ⁴ ப⁴வோகோ⁴ தி³ட்டோ²கோ⁴ அவிஜ்ஜோகோ⁴தி. தத்த² பஞ்சஸு காமகு³ணேஸு ச²ந்த³ராகோ³ காமோகோ⁴ நாம. ரூபாருபப⁴வேஸு ச²ந்த³ராகோ³ ஜா²னநிகந்தி ச ப⁴வோகோ⁴ நாம. த்வாஸட்டி² தி³ட்டி²யோ தி³ட்டோ²கோ⁴ நாம. சதூஸு ஸச்சேஸு அஞ்ஞாணங் அவிஜ்ஜோகோ⁴ நாம. தத்த² காமோகோ⁴ அட்ட²ஸு லோப⁴ஸஹக³தேஸு சித்துப்பாதே³ஸு உப்பஜ்ஜதி, ப⁴வோகோ⁴ சதூஸு தி³ட்டி²க³தவிப்பயுத்தலோப⁴ஸஹக³தேஸு சித்துப்பாதே³ஸு உப்பஜ்ஜதி, தி³ட்டோ²கோ⁴ சதூஸு தி³ட்டி²க³தஸம்பயுத்தேஸு சித்துப்பாதே³ஸு உப்பஜ்ஜதி, அவிஜ்ஜோகோ⁴ ஸப்பா³குஸலேஸு உப்பஜ்ஜதி.

ஸப்போ³பி சேஸ அவஹனந்தட்டே²ன ராஸட்டே²ன ச ஓகோ⁴தி வேதி³தப்போ³. அவஹனந்தட்டே²னாதி அதோ⁴க³மனட்டே²ன. அயஞ்ஹி அத்தனோ வஸங் க³தே ஸத்தே அதோ⁴ க³மேதி, நிரயாதி³பே⁴தா³ய து³க்க³தியங்யேவ நிப்ப³த்தேதி, உபரிபா⁴வங் வா நிப்பா³னங் க³ந்துங் அதெ³ந்தோ அதோ⁴ தீஸு ப⁴வேஸு சதூஸு யோனீஸு பஞ்சஸு க³தீஸு ஸத்தஸு விஞ்ஞாணட்டி²தீஸு நவஸு ஸத்தாவாஸேஸு ச க³மேதீதிபி அத்தோ². ராஸட்டே²னாதி மஹந்தட்டே²ன. மஹா ஹேஸோ கிலேஸராஸி அவீசிதோ பட்டா²ய யாவ ப⁴வக்³கா³ பத்த²டோ, யதி³த³ங் பஞ்சஸு காமகு³ணேஸு ச²ந்த³ராகோ³ நாம. ஸேஸேஸுபி ஏஸேவ நயோ. ஏவமயங் ராஸட்டே²னாபி ஓகோ⁴தி வேதி³தப்போ³. அதரீதி இமங் சதுப்பி³த⁴ம்பி ஓக⁴ங் கேன நு த்வங், மாரிஸ, காரணேன திண்ணோதி புச்ச²தி.

அத²ஸ்ஸா ப⁴க³வா பஞ்ஹங் விஸ்ஸஜ்ஜெந்தோ அப்பதிட்ட²ங் க்வாஹந்திஆதி³மாஹ. தத்த² அப்பதிட்ட²ந்தி அப்பதிட்ட²ஹந்தோ. அனாயுஹந்தி அனாயுஹந்தோ, அவாயமந்தோதி அத்தோ². இதி ப⁴க³வா கூ³ள்ஹங் படிச்ச²ன்னங் கத்வா பஞ்ஹங் கதே²ஸி. தே³வதாபி நங் ஸுத்வா “பா³ஹிரகங் தாவ ஓக⁴ங் தரந்தா நாம டா²தப்ப³ட்டா²னே திட்ட²ந்தா தரிதப்ப³ட்டா²னே ஆயுஹந்தா தரந்தி, அயங் பன அவீசிதோ யாவ ப⁴வக்³கா³ பத்த²டங் கிலேஸோக⁴ங் கிலேஸராஸிங் அப்பதிட்ட²ஹந்தோ

அனாயுஹந்தோ அதரிந்தி ஆஹ. கிங் நு கோ² ஏதங்? கத²ங் நு கோ² ஏத²ந்தி? விமதிங் பக்க²ந்தா பஞ்ஹஸ்ஸ அத²ங் ந அஞ்ஞாஸி.

கிங் பன ப்⁴க³வதா யதா² ஸத்தா ந ஜானந்தி, ஏவங் கத²னத்தா²ய பாரமியோ பூரெத்வா ஸப்³ப³ஞ்ஞுதா படிவித்³தா⁴தி? ந ஏதத³த்தா²ய படிவித்³தா⁴. த்³வே பன ப்⁴க³வதோ தே³ஸனா நிக்³க³ஹமுகே²ன ச அனுக்³க³ஹமுகே²ன ச. தத்த² யே பண்டி³தமானினோ ஹொந்தி அஞ்ஞாதேபி ஞாதஸஞ்ஞினோ பஞ்சஸதா ப்³ராஹ்மணபப்³ப³ஜிதா விய, தேஸங் மானநிக்³க³ஹத்த²ங் யதா² ந ஜானந்தி, ஏவங் மூலபரியாயாதி³ஸதி³ஸங் த⁴ம்மங் தே³ஸேதி. அயங் நிக்³க³ஹமுகே²ன தே³ஸனா. வுத்தம்பி சேதங் “நிக்³க³ய்ஹ நிக்³க³ய்ஹாஹங், ஆனந்த³, வக்கா²மி, பவய்ஹ பவய்ஹ, ஆனந்த³, வக்கா²மி, யோ ஸாரோ, ஸோ ட²ஸ்ஸதீ”தி (ம. நி. 3.196). யே பன உஜுகா ஸிக்கா²காமா, தேஸங் ஸுவிஞ்ஞுய்யங் கத்வா ஆகங்கெ²ய்யஸுத்தாதி³ஸதி³ஸங் த⁴ம்மங் தே³ஸேதி, “அபி⁴ரம, திஸ்ஸ, அபி⁴ரம, திஸ்ஸ, அஹமோவாதே³ன அஹமனுக்³க³ஹேன அஹமனுஸாஸனியா”தி (ஸங். நி. 3.84) ச நே ஸமஸ்ஸாஸேதி. அயங் அனுக்³க³ஹமுகே²ன தே³ஸனா.

அயங் பன தே³வபுத்தோ மானத்த²த்³தோ⁴ பண்டி³தமானீ, ஏவங் கிரஸ்ஸ அஹொஸி - அஹங் ஓக⁴ங் ஜானாமி, ததா²க³தஸ்ஸ ஓக⁴திண்ணபா⁴வங் ஜானாமி, “இமினா பன காரணேன திண்ணோ”தி எத்தகமத்தங் ந ஜானாமி. இதி மய்ஹங் ஞாதமேவ ப³ஹு, அப்பங் அஞ்ஞாதங், தமஹங் கதி²தமத்தமேவ ஜானிஸ்ஸாமி. கிஞ்ஹி நாம தங் ப்⁴க³வா வதெ³ய்ய, யஸ்ஸாஹங் அத²ங் ந ஜானெய்யந்தி. அத² ஸத்தா² “அயங் கிலிட்ட²வத்த²ங் விய ரங்க³ஜாதங் அப⁴ப்³போ³ இமங் மானங் அப்பஹாய தே³ஸனங் ஸம்படிச்சி²துங், மானநிக்³க³ஹங் தாவஸ்ஸ கத்வா புன நீசசித்தேன புச்ச²ந்தஸ்ஸ பகாஸெஸ்ஸாமீ”தி படிச்ச²ன்னங் கத்வா பஞ்ஹங் கதே²ஸி. ஸோபி நிறுதமானோ அஹொஸி, ஸா சஸ்ஸ நிறுதமானதா உத்தரிபஞ்ஹபுச்ச²னேனேவ வேதி³தப்³பா³. தஸ்ஸ பன பஞ்ஹபுச்ச²னஸ்ஸ அயமத்தோ² - கத²ங் பன த்வங், மாரிஸ, அப்பதிட்ட²ங் அனாயுஹங் ஓக⁴மதரி, யதா²ஹங் ஜானாமி, ஏவங் மே கதே²ஹீதி.

அத²ஸ்ஸ ப்⁴க³வா கதெ²ந்தோ யதா³ஸ்வாஹந்திஆதி³மாஹ. தத்த² யதா³ ஸ்வாஹந்தி யஸ்மிங் காலே அஹங். ஸுகாரோ நிபாதமத்தங். யதா² ச எத்த², ஏவங் ஸப்³ப³பதே³ஸு. ஸங்ஸீதா³மீதி படிச்ச²ன்னங் கத்வா அதரந்தோ தத்தே²வ ஓஸீதா³மி. நிப்³பு³ய்ஹாமீதி டா²துங் அஸக்கொந்தோ அதிவத்தாமி. இதி டா²னே ச வாயாமே ச தோ³ஸங் தி³ஸ்வா அதிட்ட²ந்தோ அவாயமந்தோ ஓக⁴மதரிந்தி ஏவங் ப்⁴க³வதா பஞ்ஹொ கதி²தோ. தே³வதாயபி படிவித்³தோ⁴, ந பன பாகடோ, தஸ்ஸ பாகடிகரணத்த²ங் ஸத்த து³கா

த³ஸ்ஸிதா. கிலேஸவஸேன ஹி ஸந்திட்ட²ந்தோ ஸங்ஸீத³தி நாம,
அபி⁴ஸங்கா²ரவஸேன ஆயுஹந்தோ நிப்³புய்ஹதி நாம. தண்ஹாதி³ட்டி²ஹி
வா ஸந்திட்ட²ந்தோ ஸங்ஸீத³தி நாம, அவஸேஸகிலேஸானஞ்சேவ
அபி⁴ஸங்கா²ரானஞ்ச வஸேன ஆயுஹந்தோ நிப்³புய்ஹதி நாம.
தண்ஹாவஸேன வா ஸந்திட்ட²ந்தோ ஸங்ஸீத³தி நாம, தி³ட்டி²வஸேன
ஆயுஹந்தோ நிப்³புய்ஹதி நாம. ஸஸ்ஸததி³ட்டி²யா வா ஸந்திட்ட²ந்தோ
ஸங்ஸீத³தி நாம, உச்சேத³தி³ட்டி²யா ஆயுஹந்தோ நிப்³புய்ஹதி நாம.
ஓலீயனாபி⁴னிவேஸா ஹி ப⁴வதி³ட்டி², அதிதா⁴வனாபி⁴னிவேஸா
விப⁴வதி³ட்டி². லீனவஸேன வா ஸந்திட்ட²ந்தோ ஸங்ஸீத³தி நாம,
உத்³த⁴ச்சவஸேன ஆயுஹந்தோ நிப்³புய்ஹதி நாம. ததா²
காமஸுக²ல்லிகானுயோக³வஸேன ஸந்திட்ட²ந்தோ ஸங்ஸீத³தி நாம,
அத்தகிலமதா²னுயோக³வஸேன ஆயுஹந்தோ நிப்³புய்ஹதி நாம.
ஸப்³பாகுஸலாபி⁴ஸங்கா²ரவஸேன ஸந்திட்ட²ந்தோ ஸங்ஸீத³தி நாம,
ஸப்³பலோகியகுஸலாபி⁴ஸங்கா²ரவஸேன ஆயுஹந்தோ நிப்³புய்ஹதி நாம.
வுத்தம்பி சேதங் - “ஸெய்யதா²பி, சுந்த³, யே கேசி அகுஸலா த⁴ம்மா, ஸப்³பே³
தே அதோ⁴பா⁴கங்க³மனீயா, யே கேசி குஸலா த⁴ம்மா, ஸப்³பே³ தே
உபரிபா⁴கங்க³மனீயா”தி (ம. நி. 1.86).

இமங் பஞ்ஹவிஸ்ஸஜ்ஜனங் ஸுத்வாவ தே³வதா ஸோதாபத்திப²லே
பதிட்டா²ய துட்டா² பஸன்னா அத்தனோ துட்டி²ஞ்ச பஸாத³ஞ்ச பகாஸயந்தீ
சிரஸ்ஸங் வதாதி கா³த²மாஹ. தத்த² சிரஸ்ஸந்தி சிரஸ்ஸ காலஸ்ஸ
அச்சயேனாதி அத்தோ². அயங் கிர தே³வதா கஸ்ஸபஸம்மாஸம்புத்த⁴ங்
தி³ஸ்வா தஸ்ஸ பரினிப்³பானதோ பட்டா²ய அந்தரா அஞ்ஞங் புத்த⁴ங் ந
தி³ட்ட²புப்³பா³, தஸ்மா அஜ்ஜ ப⁴க³வந்தங் தி³ஸ்வா ஏவமாஹ. கிங் பனிமாய
தே³வதாய இதோ புப்³பே³ ஸத்தா² ந தி³ட்ட²புப்³போ³தி. தி³ட்ட²புப்³போ³ வா
ஹோது அதி³ட்ட²புப்³போ³ வா, த³ஸ்ஸனங் உபாதா³ய ஏவங் வத்துங் வட்டதி.
ப்³ராஹ்மணந்தி பா³ஹிதபாபங் கீ²ணாஸவப்³ராஹ்மணங். பரினிப்³புதந்தி
கிலேஸனிப்³பானேன நிப்³புதங். லோகேதி ஸத்தலோகே. விஸத்திகந்தி
ருபாதீ³ஸு ஆரம்மணேஸு ஆஸத்தவிஸத்ததாதீ³ஹி காரணேஹி விஸத்திகா
வுச்சதி தண்ஹா, தங் விஸத்திகங் அப்பதிட்ட²மானங் அனாயுஹமானங்
திண்ணங் நித்திண்ணங் உத்திண்ணங் சிரஸ்ஸங் வத கீ²ணாஸவப்³ராஹ்மணங்
பஸ்ஸாமீதி அத்தோ².

ஸமனுஞ்ஞோ ஸத்தா² அஹோஸீதி தஸ்ஸா தே³வதாய வசனங்
சித்தேனேவ ஸமனுமோதி³, ஏகஜ்ஜா²ஸயோ அஹோஸி. அந்தரதா⁴யீதி
அபி⁴ஸங்க²தகாயங் ஜஹித்வா அத்தனோ பகதிஉபாதி³ண்ணககாயஸ்மிங்யேவ
ட²த்வா லத்³தா⁴ஸா லத்³த⁴பதிட்டா² ஹுத்வா த³ஸப³லங் க³ந்தே⁴ஹி ச
மாலேஹி ச பூஜெத்வா அத்தனோ ப⁴வனங்யேவ அக³மாஸீதி.

ஓக்⁴தரணஸுத்தவண்ணனா நிட்டி²தா.

2. நிமொக்க²ஸுத்தவண்ணனா

2. இதா³னி து³தியஸுத்ததோ பட்டா²ய பட²மமாக³தஞ்ச உத்தானத்த²ஞ்ச பஹாய யங் யங் அனுத்தானங், தங் ததே³வ வண்ணயிஸ்ஸாம. ஜானாஸி நோதி ஜானாஸி நு. நிமொக்க²ந்திஆதீ³னி மக்³கா³தீ³னங் நாமானி . மக்³கே³ன ஹி ஸத்தா கிலேஸப³ந்த⁴னதோ நிமுச்சந்தி, தஸ்மா மக்³கோ³ ஸத்தானங் நிமொக்கோ²தி வுத்தோ. ப²லக்க²ணே பன தே கிலேஸப³ந்த⁴னதோ பமுத்தா, தஸ்மா ப²லங் ஸத்தானங் பமொக்கோ²தி வுத்தங். நிப்³பா³னங் பத்வா ஸத்தானங் ஸப்³புதுக்க²ங் விவிச்சதி, தஸ்மா நிப்³பா³னங் விவேகோதி வுத்தங். ஸப்³பா³னி வா ஏதானி நிப்³பா³னஸ்ஸேவ நாமானி. நிப்³பா³னஞ்ஹி பத்வா ஸத்தா ஸப்³புதுக்க²தோ நிமுச்சந்தி பமுச்சந்தி விவிச்சந்தி, தஸ்மா ததே³வ “நிமொக்கோ² பமொக்கோ² விவேகோ”தி வுத்தங். ஜானாமி க்வாஹந்தி ஜானாமி கோ² அஹங். அவதா⁴ரணத்தோ² கோ²காரோ . அஹங் ஜானாமியேவ. ஸத்தானங் நிமொக்கா²திஜானந்த²மேவ ஹி மயா ஸமதிங்ஸ பாரமியோ பூரெத்வா ஸப்³புஞ்ஞுதஞ்ஞாணங் படிவித்³த⁴ந்தி ஸீஹனாத³ங் நத³தி. புத்³த⁴ஸீஹனாத³ங் நாம கிர ஏதங் ஸுத்தங்.

நந்தீ³ப⁴வபரிக்க²யாதி நந்தீ³மூலகஸ்ஸ கம்மப⁴வஸ்ஸ பரிக்க²யேன. நந்தி³யா ச ப⁴வஸ்ஸ சாதிபி வட்டதி. தத்த² ஹி புரிமனயே நந்தீ³ப⁴வேன திவித்⁴கம்மாபி⁴ஸங்கா²ரவஸேன ஸங்கா²ரக்க²ந்தோ⁴ க³ஹிதோ, ஸஞ்ஞாவிஞ்ஞாணேஹி தங்ஸம்பயுத்தா ச த்³வே க²ந்தா⁴. தேஹி பன தீஹி க²ந்தே⁴ஹி ஸம்பயுத்தா வேத³னா தேஸங் க³ஹணேன க³ஹிதாவாதி அனுபாதி³ண்ணகானங் சதுன்னங் அருபக்க²ந்தா⁴னங் அப்பவத்திவஸேன ஸஉபாதி³ஸேஸங் நிப்³பா³னங் கதி²தங் ஹோதி. வேத³னானங் நிரோதா⁴ உபஸமாதி உபாதி³ண்ணகவேத³னானங் நிரோதே⁴ன ச உபஸமேன ச. தத்த² வேத³னாக³ஹணேன தங்ஸம்பயுத்தா தயோ க²ந்தா⁴ க³ஹிதாவ ஹொந்தி, தேஸங் வத்தா²ரம்மணவஸேன ரூபக்க²ந்தோ⁴பி. ஏவங் இமேஸங் உபாதி³ண்ணகானங் பஞ்சன்னங் க²ந்தா⁴னங் அப்பவத்திவஸேன அனுபாதி³ஸேஸங் நிப்³பா³னங் கதி²தங் ஹோதி. து³தியனயே பன நந்தி³க்³ஹணேன ஸங்கா²ரக்க²ந்தோ⁴ க³ஹிதோ, ப⁴வக்³ஹணேன உபபத்திப⁴வஸங்கா²தோ ரூபக்க²ந்தோ⁴, ஸஞ்ஞாதீ³ஹி ஸரூபேனேவ தயோ க²ந்தா⁴. ஏவங் இமேஸங் பஞ்சன்னங் க²ந்தா⁴னங் அப்பவத்திவஸேன நிப்³பா³னங் கதி²தங் ஹோதீதி வேதி³தப்³ங். இமமேவ ச நயங் சதுனிகாயிகப⁴ண்டி³கத்தே²ரோ ரோசேதி. இதி நிப்³பா³னவஸேனேவ ப⁴க³வா தே³ஸனங் நிட்டா²பேஸீதி.

நிமொக்க²ஸுத்தவண்ணனா நிட்டி²தா.

3. உபனியஸுத்தவண்ணனா

3. ததியே உபனியதீதி பரிக்ஃயதி நிருஜ்ஜதி, உபகச்சதி வா, அனுபுப்பேன மரணங் உபேதீதி அத்தோ². யதா² வா கோ³பாலேன கோ³கணோ நீயதி, ஏவங் ஜராய மரணஸந்திகங் உபனியதீதி அத்தோ². ஜீவிதந்தி ஜீவிதிந்த³ரியங். அப்பந்தி பரித்தங் தோ²கங். தஸ்ஸ த்³வீஹாகாரேஹி பரித்ததா வேதி³தப்பா³ ஸரஸபரித்ததாய ச க²ணபரித்ததாய ச. ஸரஸபரித்ததாயபி ஹி “யோ, பி⁴க்கவே, சிரங் ஜீவதி, ஸோ வஸ்ஸஸதங் அப்பங் வா பி⁴ய்யோ”தி (தீ³. நி. 2.7; ஸங். நி. 2.143) வசனதோ பரித்தங். க²ணபரித்ததாயபி. பரமத்த²தோ ஹி அதிபரித்தோ ஸத்தானங் ஜீவிதக்க²ணோ ஏகசித்தப்பவத்திமத்தோயேவ . யதா² நாம ரத²சக்கங் பவத்தமானம்பி ஏகேனேவ நேமிப்பதே³ஸேன பவத்ததி, திட்ட²மானம்பி ஏகேனேவ திட்ட²தி, ஏவமேவங் ஏகசித்தக்க²ணிகங் ஸத்தானங் ஜீவிதங், தஸ்மிங் சித்தே நிருத்த⁴மத்தே ஸத்தோ நிருத்தோ⁴தி வுச்சதி. யதா²ஹ - அதீதே சித்தக்க²ணே ஜீவித்த² ந ஜீவதி ந ஜீவிஸ்ஸதி, அனாக³தே சித்தக்க²ணே ஜீவிஸ்ஸதி ந ஜீவதி ந ஜீவித்த², பச்சப்பன்னே சித்தக்க²ணே ஜீவதி ந ஜீவித்த² ந ஜீவிஸ்ஸதி.

“ஜீவிதங் அத்தபா⁴வோ ச, ஸுக²துக்கா² ச கேவலா;
ஏகசித்தஸமாயுத்தா, லஹுஸோ வத்ததே க²ணோ.

“யே நிருத்தா⁴ மரந்தஸ்ஸ, திட்ட²மானஸ்ஸ வா இத⁴;
ஸப்பே³பி ஸதி³ஸா க²ந்தா⁴, க³தா அப்படிஸந்தி⁴கா.

“அனிப்பத்தேன ந ஜாதோ, பச்சப்பன்னேன ஜீவதி;
சித்தப⁴ங்கா³ மதோ லோகோ, பஞ்ஞத்தி பரமத்தி²யா”தி. (மஹானி. 10);

ஜருபனீதஸ்ஸாதி ஜரங் உபக³தஸ்ஸ, ஜராய வா மரணஸந்திகங் உபனீதஸ்ஸ. ந ஸந்தி தாணாதி தாணங் லேணங் ஸரணங் ப⁴விதுங் ஸமத்தா² நாம கேசி நத்தி². ஏதங் ப⁴யந்தி ஏதங் ஜீவிதிந்த³ரியஸ்ஸ மரணாபக³மனங், ஆயுபரித்ததா, ஜருபனீதஸ்ஸ தாணாபா⁴வோதி திவித⁴ங் ப⁴யங் ப⁴யவத்து² ப⁴யகாரணந்தி அத்தோ². புஞ்ஞானி கயிராத² ஸுகா²வஹானீதி விஞ்ஞா புரிஸோ ஸுகா²வஹானி ஸுக²தா³யகானி புஞ்ஞானி கரெய்ய. இதி தே³வதா ரூபாவசரஜ்ஜா²னங் ஸந்தா⁴ய புப்ப³சேதனங் அபரசேதனங் முஞ்சசேதனஞ்ச க³ஹெத்வா ப³ஹுவசனவஸேன “புஞ்ஞானீ”தி ஆஹ. ஜா²னஸ்ஸாத³ங் ஜா²னநிகந்திங் ஜா²னஸுக²ஞ்ச க³ஹெத்வா “ஸுகா²வஹானீ”தி ஆஹ. தஸ்ஸா கிர தே³வதாய ஸயங் தீ³கா⁴யுகட்டா²னே ப்³ரஹ்மலோகே நிப்ப³த்தத்தா ஹெட்டா² காமாவசரதே³வேஸு பரித்தாயுகட்டா²னே சவமானே உபபஜ்ஜமானே ச து²ல்லபுஸிதகே வுட்டி²பாதஸதி³ஸே ஸத்தே தி³ஸ்வா ஏதத³ஹோஸி “அஹோவதிமே ஸத்தா ஜா²னங் பா⁴வெத்வா அபரிஹீனஜ்ஜா²னா காலங் கத்வா ப்³ரஹ்மலோகே

ஏககப்ப-த்³வேகப்ப-சதுகப்ப-அட்ட²கப்ப-ஸோளஸகப்ப-த்³வத்திங்ஸகப்ப-
சதுஸட்டி²கப்பப்பமாணங் அத்³தா⁴னங் திட்டெ²ய்யு³ந்தி. தஸ்மா ஏவமாஹ.

அத² ப⁴க³வா - “அயங் தே³வதா அனிய்யானிகங் வட்டகத²ங் கதே²தீ”தி
விவட்டமஸ்ஸா த³ஸ்ஸெந்தோ து³தியங் கா³த²மாஹ. தத்த² லோகாமிஸந்தி
த்³வே லோகாமிஸா பரியாயேன ச நிப்பரியாயேன ச. பரியாயேன
தேபூ⁴மகவட்டங் லோகாமிஸங், நிப்பரியாயேன சத்தாரோ பச்சயா. இத⁴
பரியாயலோகாமிஸங் அதி⁴ப்பேதங். நிப்பரியாயலோகாமிஸம்பி வட்டதியேவ.
ஸந்திபெக்கோ²தி நிப்³பா³னஸங்கா²தங் அச்சந்தஸந்திங் பெக்க²ந்தோ
இச்ச²ந்தோ பத்த²யந்தோதி.

உபனியஸுத்தவண்ணனா நிட்டி²தா.

4. அச்செந்திஸுத்தவண்ணனா

4. சதுத்தே² அச்செந்தீதி அதிகமந்தி. காலாதி புரேப⁴த்தாத³யோ காலா.
தரயந்தி ரத்தியோதி ரத்தியோ அதிகமமானா புக்³க³லங் மரணூபக³மனாய
தரயந்தி ஸீக⁴ங் ஸீக⁴ங் க³மயந்தி. வயோகு³ணாதி
பட²மமஜ்ஜி²மபச்சி²மவயானங் கு³ணா, ராஸயோதி அத்தோ². “அனுஜானாமி,
பி⁴க்க²வே, அஹதானங் வத்தா²னங் தி³கு³ணங் ஸங்கா⁴டி”ந்தி (மஹாவ. 348)
எத்த² ஹி படலட்டோ² கு³ணட்டோ². “ஸதகு³ணா த³க்கி²ணா பாடிகங்கி²தப்³பா³”தி
(ம. நி. 3.379) எத்த² ஆனிஸங்ஸட்டோ². “அந்தங் அந்தகு³ண”ந்தி எத்த²
கொட்டா²ஸட்டோ². “கயிரா மாலாகு³ணே ப³ஹு”தி (த⁴. ப. 53) எத்த²
ராஸட்டோ². “பஞ்ச காமகு³ணா”தி எத்த² ப³ந்த⁴னட்டோ². இத⁴ பன
ராஸட்டோ² கு³ணட்டோ². தஸ்மா வயோகு³ணாதி வயோராஸயோ
வேதி³தப்³பா³. அனுபுப்³பங் ஜஹந்தீதி அனுபடிபாடியா புக்³க³லங் ஜஹந்தி.
மஜ்ஜி²மவயே டி²தங் ஹி பட²மவயோ ஜஹதி, பச்சி²மவயே டி²தங் த்³வே
பட²மமஜ்ஜி²மா ஜஹந்தி, மரணக்க²ணே பன தயோபி வயா ஜஹந்தேவ. ஏதங்
ப⁴யந்தி ஏதங் காலானங் அதிகமனங், ரத்திதி³வானங் தரிதபா⁴வோ,
வயோகு³ணானங் ஜஹனபா⁴வோதி திவித⁴ங் ப⁴யங். ஸேஸங்
புரிமஸதி³ஸமேவாதி.

அச்செந்திஸுத்தவண்ணனா நிட்டி²தா.

5. கதிசி²ந்த³ஸுத்தவண்ணனா

5. பஞ்சமே கதி சி²ந்தே³தி சி²ந்த³ந்தோ கதி சி²ந்தெ³ய்ய. ஸேஸபதே³ஸுபி
ஏஸேவ நயோ. எத்த² ச “சி²ந்தே³ ஜஹே”தி அத்த²தோ ஏகங்.
கா³தா²ப³ந்த⁴ஸ்ஸ பன மட்ட²பா⁴வத்த²ங் அயங் தே³வதா ஸத்³த³புனருத்திங்
வஜ்ஜயந்தீ ஏவமாஹ. கதி ஸங்கா³திகோ³தி கதி ஸங்கே³ அதிக³தோ,

அதிக்கந்தோதி அத்தோ². ஸங்கா³திகோதிபி பாடோ², அயமேவ அத்தோ². பஞ்ச
சிந்தே³தி சிந்த³ந்தோ பஞ்ச ஓரம்பா⁴கியஸங்யோஜனானி சிந்தெ³ய்ய. பஞ்ச
ஜஹேதி ஜஹந்தோ பஞ்சத்³த⁴ம்பா⁴கியஸங்யோஜனானி ஜஹெய்ய.
இதா⁴பி சிந்த³னஞ்ச ஜஹனஞ்ச அத்த²தோ ஏகமேவ, ப⁴க³வா பன தே³வதாய
ஆரோபிதவசனானுருபேனேவ ஏவமாஹ. அத² வா பா⁴தே³ஸு
ப³த்³த⁴பாஸஸகூணோ விய பஞ்சோரம்பா⁴கியஸங்யோஜனானி ஹெட்டா²
ஆகட்³ட⁴மானாகாரானி ஹொந்தி, தானி அனாகா³மிமக்³கே³ன சிந்தெ³ய்யாதி
வத³தி. ஹத்தே²ஹி க³ஹிதருக்க²ஸாகா² விய
பஞ்சத்³த⁴ம்பா⁴கியஸங்யோஜனானி உபரி ஆகட்³ட⁴மானாகாரானி ஹொந்தி,
தானி அரஹத்தமக்³கே³ன ஜஹெய்யாதி வத³தி. பஞ்ச சுத்தரி பா⁴வயேதி
ஏதேஸங் ஸங்யோஜனானங் சிந்த³னத்தா²ய சேவ பஹானத்தா²ய ச உத்தரி
அதிரேகங் விலேஸஸங் பா⁴வெந்தோ ஸத்தா⁴பஞ்சமானி இந்த்³ரியானி
பா⁴வெய்யாதி அத்தோ². பஞ்ச ஸங்கா³திகோ³தி ராக³ஸங்கோ³
தோ³ஸஸங்கோ³ மோஹஸங்கோ³ மானஸங்கோ³ தி³ட்டி²ஸங்கோ³தி இமே
பஞ்ச ஸங்கே³ அதிக்கந்தோ. ஓக⁴திண்ணோதி வச்சதீதி
சதுரோக⁴திண்ணோதி கதீ²யதி. இமாய பன கா³தா²ய பஞ்சிந்த்³ரியானி
லோகியலோகுத்தரானி கதி²தானீதி.

கதிசிந்த³ஸுத்தவண்ணனா நிட்டி²தா.

6. ஜாக³ரஸுத்தவண்ணனா

6. ச²ட்டே² ஜாக³ரதந்தி ஜாக³ரந்தானங். பஞ்ச ஜாக³ரதந்தி
விஸ்ஸஜ்ஜனகா³தா²யங் பன ஸத்தா⁴தீ³ஸு பஞ்சஸு இந்த்³ரியேஸு
ஜாக³ரந்தேஸு பஞ்ச நீவரணா ஸுத்தா நாம. கஸ்மா? யஸ்மா
தங்ஸமங்கீ³புக்³கலோ யத்த² கத்த²சி நிஸின்னோ வா டி²தோ வா அருணங்
உட்ட²பெந்தோபி பமாத³தாய அகுஸலஸமங்கி³தாய ஸுத்தோ நாம ஹொதி.
ஏவங் ஸுத்தேஸு பஞ்சஸு நீவரணேஸு பஞ்சிந்த்³ரியானி ஜாக³ரானி நாம.
கஸ்மா ? யஸ்மா தங்ஸமங்கீ³புக்³கலோ யத்த² கத்த²சி நிபஜ்ஜித்வா
நித்தா³யந்தோபி அப்பமாத³தாய குஸலஸமங்கி³தாய ஜாக³ரோ நாம ஹொதி.
பஞ்சஹி பன நீவரணேஹேவ கிலேஸரஜங் ஆதி³யதி க³ண்ஹாதி பராமஸதி.
புரிமா ஹி காமச்சந்தா³த³யோ பச்சி²மானங் பச்சயா ஹொந்தீதி பஞ்சஹி
இந்த்³ரியேஹி பரிஸுஜ்ஜதீதி அயமத்தோ² வேதி³தப்³போ³. இதா⁴பி
பஞ்சிந்த்³ரியானி லோகியலோகுத்தரானேவ கதி²தானீதி.

ஜாக³ரஸுத்தவண்ணனா நிட்டி²தா.

7. அப்படிவிதி³தஸுத்தவண்ணனா

7. ஸத்தமே த⁴ம்மாதி சதுஸச்சத⁴ம்மா. அப்படிவிதி³தாதி ஞானேன அப்படிவித்³தா⁴. பரவாதே³ஸூதி த்³வாஸட்டி²தி³ட்டி²க³தவாதே³ஸு. தே ஹி இதோ பரேஸங் தித்தி²யானங் வாத³த்தா பரவாதா³ நாம. நீயரேதி அத்தனோ த⁴ம்மதாயபி க³ச்ச²ந்தி, பரேனபி நீயந்தி. தத்த² ஸயமேவ ஸஸ்ஸதாதீனி க³ண்ஹந்தா க³ச்ச²ந்தி நாம, பரஸ்ஸ வசனேன தானி க³ண்ஹந்தா நீயந்தி நாம. காலோ தேஸங் பபுஜ்ஜி²துந்தி தேஸங் புக்³க³லானங் பபுஜ்ஜி²துங் அயங் காலோ. லோகஸ்மிஞ்ஹி புத்³தோ⁴ உப்பன்னோ, த⁴ம்மோ தே³ஸியதி, ஸங்கோ⁴ ஸுப்படிபன்னோ, படிபதா³ ப⁴த்³தி³கா, இமே ச பன மஹாஜனா வட்டே ஸுத்தா நப்பபுஜ்ஜ²ந்தீதி தே³வதா ஆஹ. ஸம்புத்³தா⁴தி ஸம்மா ஹேதுனா காரணேன புத்³தா⁴. சத்தாரோ ஹி புத்³தா⁴ - ஸப்³புஞ்ஞபுத்³தோ⁴, பச்சேகபுத்³தோ⁴, சதுஸச்சபுத்³தோ⁴, ஸுதபுத்³தோ⁴தி. தத்த² ஸமதிங்ஸபாரமியோ பூரெத்வா ஸம்மாஸம்போதி⁴ங் பத்தோ ஸப்³புஞ்ஞபுத்³தோ⁴ நாம. கப்பஸதஸஹஸ்ஸாதி⁴கானி த்³வே அஸங்க்²யெய்யானி பாரமியோ பூரெத்வா ஸயம்பு⁴தங் பத்தோ பச்சேகபுத்³தோ⁴ நாம. அவஸேஸா கீணாஸவா சதுஸச்சபுத்³தா⁴ நாம. ப்³ஹுஸ்ஸுதோ ஸுதபுத்³தோ⁴ நாம. இமஸ்மிங் அத்தே² தயோபி புரிமா வட்டந்தி. ஸம்மத³ஞ்ஞாதி ஸம்மா ஹேதுனா காரணேன ஜானித்வா. சரந்தி விஸமே ஸமந்தி விஸமே வா லோகஸன்னிவாஸே விஸமே வா ஸத்தனிகாயே விஸமே வா கிலேஸஜாதே ஸமங் சரந்தீதி.

அப்படிவிதி³தஸுத்தவண்ணனா நிட்டி²தா.

8. ஸுஸம்முட்ட²ஸுத்தவண்ணனா

8. அட்ட²மே ஸுஸம்முட்டா²தி பஞ்ஞாய அப்படிவித்³த⁴பா⁴வேனேவ ஸுனட்டா². யதா² ஹி த்³வே கெத்தானி கஸித்வா, ஏகங் வபித்வா, ப்³ஹுத⁴ஞ்ஞங் அதி⁴க³தஸ்ஸ அவாபிதகெத்ததோ அலத்³த⁴ங் ஸந்தா⁴ய “ப்³ஹுங் மே த⁴ஞ்ஞங் நட்ட²”ந்தி வத³ந்தோ அலத்³த⁴மேவ “நட்ட²”ந்தி வத³தி, ஏவமிதா⁴பி அப்படிவிதி³தாவ ஸுஸம்முட்டா² நாம. அஸம்முட்டா²தி பஞ்ஞாய படிவித்³த⁴பா⁴வேனேவ அனட்டா². ஸேஸங் புரிமஸதி³ஸமேவாதி.

ஸுஸம்முட்ட²ஸுத்தவண்ணனா நிட்டி²தா.

9. மானகாமஸுத்தவண்ணனா

9. நவமே மானகாமஸ்ஸாதி மானங் காமெந்தஸ்ஸ இச்சந்தஸ்ஸ. த்³மோதி ஏவருபஸ்ஸ புக்³க³லஸ்ஸ ஸமாதி⁴பக்கி²கோ த்³மோ நத்தீ²தி வத³தி. “ஸச்சேன த்³ந்தோ த்³மஸா உபேதோ, வேத³ந்தக்³ வுஸிதப்³ரஹ்மசரியோ”தி (ஸங். நி. 1.195) எத்த² ஹி இந்த்³ரியஸங்வரோ த்³மோதி வுத்தோ. “யதி³ ஸச்சா

த³மா சாகா³, க²ந்த்யா பி⁴ய்யோத⁴ விஜ்ஜதி² (ஸங். நி. 1.246; ஸு. நி. 191) எத்த² பஞ்ஞா. “தா³னேன த³மேன ஸங்யமேன ஸச்சவஜ்ஜேன அத்தி² பஞ்ஞங், அத்தி² பஞ்ஞஸ்ஸ ஆக³மோ”தி (ஸங். நி. 4.365) எத்த² உபோஸத²கம்மங். “ஸக்கி²ஸ்ஸஸி கோ² த்வங், புண்ண, இமினா த³முபஸமேன ஸமன்னாக³தோ ஸுனாபரந்தஸ்மிங் ஜனபதே³ விஹரிது”ந்தி (ஸங். நி. 4.88; ம. நி. 3.396) எத்த² அதி⁴வாஸனக²ந்தி. இமஸ்மிங் பன ஸுத்தே த³மோதி ஸமாதி⁴பக்கி²கத⁴ம்மானங் ஏதங் நாமங். தேனேவாஹ - “ந மோனமத்தி² அஸமாஹிதஸ்ஸா”தி. தத்த² மோனந்தி சதுமக்³ஞாணங், தஞ்ஹி முனாதீதி மோனங், சதுஸச்சத⁴ம்மே ஜானாதீதி அத்தோ². மச்சதெ⁴ய்யஸ்ஸாதி தேபூ⁴மகவட்டஸ்ஸ. தஞ்ஹி மச்சனோ பதிட்டா²னட்டே²ன மச்சதெ⁴ய்யந்தி வச்சதி. பாரந்தி தஸ்ஸேவ பாரங் நிப்³பா³னங். தரெய்யாதி படிவிஜ்ஜெ²ய்ய பாபுணெய்ய வா. இத³ங் வுத்தங் ஹோதி - ஏகோ அரஞ்ஞே விஹரந்தோ பமத்தோ புக³கலோ மச்சதெ⁴ய்யஸ்ஸ பாரங் ந தரெய்ய ந படிவிஜ்ஜெ²ய்ய ந பாபுணெய்யாதி.

மானங் பஹாயாதி அரஹத்தமக்³கே³ன நவவித⁴மானங் பஜஹித்வா. ஸுஸமாஹிதத்தோதி உபசாரப்பனாஸமாதீ⁴ஹி ஸுட்டு² ஸமாஹிதத்தோ. ஸுசேதஸோதி ஞாணஸம்பயுத்ததாய ஸுந்த³ரசித்தோ. ஞாணவிப்பயுத்தசித்தேன ஹி ஸுசேதஸோதி ந வச்சதி, தஸ்மா ஞாணஸம்பயுத்தேன ஸுசேதஸோ ஹுத்வாதி அத்தோ². ஸப்³பதி⁴ விப்பமுத்தோதி ஸப்³பே³ஸு க²ந்தா⁴யதனாதீ³ஸு விப்பமுத்தோ ஹுத்வா. தரெய்யாதி எத்த² தேபூ⁴மகவட்டங் ஸமதிக்கமந்தோ நிப்³பா³னங் படிவிஜ்ஜ²ந்தோ தரதீதி படிவேத⁴தரணங் நாம வுத்தங். இதி இமாய கா³தா²ய திஸ்ஸோ ஸிக்கா² கதி²தா ஹோந்தி. கத²ங் - மானோ நாமாயங் ஸீலபே⁴த³னோ, தஸ்மா “மானங் பஹாயா”தி இமினா அதி⁴ஸீலஸிக்கா² கதி²தா ஹோதி. “ஸுஸமாஹிதத்தோ”தி இமினா அதி⁴சித்தஸிக்கா². “ஸுசேதஸோ”தி எத்த² சித்தேன பஞ்ஞா த³ஸ்ஸிதா, தஸ்மா இமினா அதி⁴பஞ்ஞாஸிக்கா² கதி²தா. அதி⁴ஸீலஞ்ச நாம ஸீலே ஸதி ஹோதி, அதி⁴சித்தங் சித்தே ஸதி, அதி⁴பஞ்ஞா பஞ்ஞாய ஸதி. தஸ்மா ஸீலங் நாம பஞ்சபி த³ஸபி ஸீலானி, பாதிமொக்க²ஸங்வரோ அதி⁴ஸீலங் நாமாதி வேதி³தப்³ங். அட்ட² ஸமாபத்தியோ சித்தங், விபஸ்ஸனாபாத³கஜ்ஜா²னங் அதி⁴சித்தங். கம்மஸ்ஸகதஞாணங் பஞ்ஞா, விபஸ்ஸனா அதி⁴பஞ்ஞா. அனுப்பன்னேபி ஹி பு³த்³து⁴ப்பாதே³ பவத்ததீதி பஞ்சஸீலங் த³ஸஸீலங் ஸீலமேவ, பாதிமொக்க²ஸங்வரஸீலங் பு³த்³து⁴ப்பாதே³யேவ பவத்ததீதி அதி⁴ஸீலங். சித்தபஞ்ஞாஸுபி ஏஸேவ நயோ. அபிச நிப்³பா³னங் பத்த²யந்தேன ஸமாதி³ன்னங் பஞ்சஸீலம்பி த³ஸஸீலம்பி அதி⁴ஸீலமேவ. ஸமாபன்னா அட்ட² ஸமாபத்தியோபி அதி⁴சித்தமேவ. ஸப்³பம்பி வா லோகியஸீலங் ஸீலமேவ, லோகுத்தரங் அதி⁴ஸீலங். சித்தபஞ்ஞாஸுபி

ஏஸேவ நயோதி. இதி இமாய கா³தா²ய ஸமோதா⁴னெத்வா திஸ்ஸோ
ஸிக்கா² ஸகலஸாஸனங் கதி²தங் ஹோதீதி.

மானகாமஸுத்தவண்ணனா நிட்டி²தா.

10. அரஞ்ஞஸுத்தவண்ணனா

10. த³ஸமே ஸந்தானந்தி ஸந்தகிலேஸானங், பண்டி³தானங் வா. “ஸந்தோ
ஹவே ஸப்³பி⁴ பவேத³யந்தி (ஜா. 2.21.413), தூ³ரே ஸந்தோ
பகாஸந்தீ³திஆதீ³ஸு (த⁴. ப. 304) ஹி பண்டி³தாபி ஸந்தோதி வுத்தா.
ப்³ரஹ்மசாரினந்தி ஸெட்ட²சாரீனங் மக்³க³ப்³ரஹ்மசரியவாஸங் வஸந்தானங்.
கேன வண்ணோ பஸீத³தீதி கேன காரணேன ச²விவண்ணோ பஸீத³தீதி புச்ச²தி.
கஸ்மா பனேஸா ஏவங் புச்ச²தி? ஏஸா கிர வனஸண்ட³வாஸிகா
பு⁴ம்மதே³வதா ஆரஞ்ஞகே பி⁴க்க² பச்சா²பு⁴த்தங் பிண்ட³பாதபடிக்கந்தே
அரஞ்ஞங் பவிஸித்வா ரத்திட்டா²னதி³வாட்டா²னேஸு மூலகம்மட்டா²னங்
க³ஹெத்வா நிஸின்னே பஸ்ஸதி. தேஸஞ்ச ஏவங் நிஸின்னானங்
ப³லவசித்தேகக்³க³தா உப்பஜ்ஜதி. ததோ விஸபா⁴க³ஸந்ததி வுபஸம்மதி,
ஸபா⁴க³ஸந்ததி ஓக்கமதி, சித்தங் பஸீத³தி. சித்தே பஸன்னே லோஹிதங்
பஸீத³தி, சித்தஸமுட்டா²னானி உபாதா³ருபானி பரிஸுத்தா⁴னி ஹொந்தி,
வண்டா பமுத்ததாலப²லஸ்ஸ விய முக²ஸ்ஸ வண்ணோ ஹொதி. தங்
தி³ஸ்வா தே³வதா சிந்தேஸி - “ஸரீரவண்ணோ நாமாயங் பணீதானி
ரஸஸம்பன்னானி போ⁴ஜனானி ஸுக²ஸம்ப²ஸ்ஸானி
நிவாஸனபாபுரணஸயனானி உதுஸுகே² தேபு⁴மிகாதி³பே⁴தே³ ச பாஸாதே³
மாலாக³ந்த⁴விலேபனாதீ³னி ச லப⁴ந்தானங் பஸீத³தி, இமே பன பி⁴க்க²
பிண்டா³ய சரித்வா மிஸ்ஸகபு⁴த்தங் பு⁴ஞ்ஜந்தி, விரளமஞ்சகே வா ப²லகே
வா ஸிலாய வா ஸயனானி கப்பெந்தி, ருக்க²மூலாதீ³ஸு வா அப்³போ⁴காஸே
வா வஸந்தி, கேன நு கோ² காரணேன ஏதேஸங் வண்ணோ பஸீத³தீ³தி.
தஸ்மா புச்சி².

அத²ஸ்ஸா ப⁴க³வா காரணங் கதெ²ந்தோ து³தியங் கா³த²ங் ஆஹ. தத்த²
அதீதந்தி அதீதே அஸுகோ நாம ராஜா த⁴ம்மிகோ அஹொஸி, ஸோ
அம்ஹாகங் பணீதே பச்சயே அதா³ஸி. ஆசரியுபஜ்ஜா²யா லாபி⁴னோ
அஹேஸுங். அத² மயங் ஏவருபானி போ⁴ஜனானி பு⁴ஞ்ஜிம்ஹா, சீவரானி
பாருபிம்ஹாதி ஏவங் ஏகச்சே பச்சயபா³ஹுல்லிகா விய இமே பி⁴க்க² அதீதங்
நானுஸோசந்தி. நப்பஜப்பந்தி நாக³தந்தி அனாக³தே த⁴ம்மிகோ ராஜா
பு⁴விஸ்ஸதி, பீ²தா ஜனபதா³ பு⁴விஸ்ஸந்தி, ப³ஹுனி ஸப்பினவனீதாதீ³னி
உப்பஜ்ஜிஸ்ஸந்தி, “கா²த³த² பு⁴ஞ்ஜதா²”தி தத்த² தத்த² வத்தாரோ
பு⁴விஸ்ஸந்தி, ததா³ மயங் ஏவருபானி போ⁴ஜனானி பு⁴ஞ்ஜிஸ்ஸாம,
சீவரானி பாருபிஸ்ஸாமாதி ஏவங் அனாக³தங் ந பத்தெ²ந்தி. பச்சப்பன்னேனாதி

யேன கேனசி தங்க²ணை லத்³தே⁴ன யாபெந்தி. தேனாதி தேன திவிதே⁴னாபி காரணென.

ஏவங் வண்ணஸம்பத்திங் த³ஸ்ஸெத்வா இதா³னி தஸ்ஸேவ வண்ணஸ்ஸ வினாஸங் த³ஸ்ஸெந்தோ அனந்தரங் கா³த²மாஹ. தத்த² அனாக³தப்பஜப்பாயாதி அனாக³தஸ்ஸ பத்த²னாய. ஏதேனாதி ஏதேன காரணத்³வயேன. நளோவ ஹரிதோ லுதோதி யதா² ஹரிதோ நளோ லாயித்வா உண்ஹபாஸாணே பக்கி²த்தோ ஸுஸ்ஸதி, ஏவங் ஸுஸ்ஸந்தீதி.

அரஞ்ஞஸுத்தவண்ணனா நி²டி²தா. நளவக்³கோ³ பட²மோ.

2. நந்த³னவக்³கோ³

1. நந்த³னஸுத்தவண்ணனா

11. நந்த³னவக்³க³ஸ்ஸ பட²மே தத்ராதி தஸ்மிங் ஆராமே. கோ²தி ப்³யஞ்ஜனஸிலிட்ட²தாவஸேன நிபாதமத்தங். பி⁴க்க² ஆமந்தேஸீதி பரிஸஜெட்ட²கே பி⁴க்க² ஜானாபேஸி. பி⁴க்க²வோதி தேஸங் ஆமந்தனாகாரதீ³பனங். ப⁴த³ந்தேதி பதிவசனதா³னங். தே பி⁴க்க²தி யே தத்த² ஸம்முகீ²பூ⁴தா த⁴ம்மபடிக்கா³ஹகா பி⁴க்க². ப⁴க³வதோ பச்சஸ்ஸோஸுந்தி ப⁴க³வதோ வசனங் பதிஅஸ்ஸோஸுங், அபி⁴முகா² ஹுத்வா ஸுணிங்ஸு ஸம்படிச்சி²ங்ஸுதி அத்தோ². ஏதத்³வோசாதி ஏதங் இதா³னி வத்தப்³பங் “பூ⁴தப்பு³ப”ந்திஆதி³வசனங் அவோச. தத்த² தாவதிங்ஸகாயிகாதி தாவதிங்ஸகாயே நிப்³பத்தா. தாவதிங்ஸகாயோ நாம து³தியதே³வலோகோ வுச்சதி. மகே⁴ன மாணவேன ஸத்³தி⁴ங் மசலகா³மே காலங் கத்வா தத்த² உப்பன்னே தெத்திங்ஸ தே³வபுத்தே உபாதா³ய கிர தஸ்ஸ தே³வலோகஸ்ஸ அயங் பண்ணத்தி ஜாதாதி வத்³ந்தி. யஸ்மா பன ஸேஸசக்கவாளேஸுபி ச² காமாவசரதே³வலோகா அத்தி². வுத்தம்பி சேதங் “ஸஹஸ்ஸங் சாதுமஹாராஜிகானங் ஸஹஸ்ஸங் தாவதிங்ஸான”ந்தி (அ. நி. 10.29), தஸ்மா நாமபண்ணத்தியேவேஸா தஸ்ஸ தே³வலோகஸ்ஸாதி வேதி³தப்³பா³. ஏவஞ்ஹி நித்³தோ³ஸங் பத³ங் ஹோதி.

நந்த³னே வனேதி எத்த² தங் வனங் பவிட்டே² பவிட்டே² நந்த³யதி தோஸேதீதி நந்த³னங். பஞ்சஸு ஹி மரணனிமித்தேஸு உப்பன்னேஸு “ஸம்பத்திங் பஹாய சவிஸ்ஸாமா”தி பரிதே³வமானா தே³வதா ஸக்கோ தே³வானமிந்தோ³ “மா பரிதே³வித்த², அபி⁴ஜ்ஜனத⁴ம்மா நாம ஸங்கா²ரா நத்தீ²”தி ஓவதி³த்வா தத்த² பவேஸாபேதி. தாஸங் அஞ்ஞாஹி தே³வதாஹி பா³ஹாஸு க³ஹெத்வா பவேஸிதானம்பி தஸ்ஸ ஸம்பத்திங் தி³ஸ்வாவ மரணஸோகோ லுபஸம்மதி, பீதிபாமோஜ்ஜமேவ உப்பஜ்ஜதி. அத² தஸ்மிங் கீளமானா ஏவ உண்ஹஸந்தத்தோ ஹிமபிண்டோ³ விய விலீயந்தி,

வாதாபஹததீ³பஸிகா² விய விஜ்ஜா²யந்தீதி ஏவங் யங்கிஞ்சி அந்தோ பவிட்ட²ங்
நந்த³யதி தோஸேதியேவாதி நந்த³னங், தஸ்மிங் நந்த³னே.
அச்ச²ராஸங்க⁴பரிவுதாதி அச்ச²ராதி தே³வதீ⁴தானங் நாமங், தாஸங்
ஸமூஹேன பரிவுதா.

தி³ப்³பே³ஹீதி தே³வலோகே நிப்³புத்தேஹி. பஞ்சஹி காமகு³ணேஹீதி
மனாபியரூபஸத்³த³க³ந்த⁴ரஸபொ²ட்ட²ப்³புஸங்கா²தேஹி பஞ்சஹி
காமப³ந்த⁴னேஹி காமகொட்டா²ஸேஹி வா . ஸமப்பிதாதி உபேதா. இதரங்
தஸ்ஸேவ வேவசனங். பரிசாரயமானாதி ரமமானா, தேஸு தேஸு வா
ரூபாதீ³ஸு இந்த³ரியானி ஸஞ்சாரயமானா. தாயங் வேலாயந்தி தஸ்மிங்
பரிசாரணகாலே. ஸோ பனஸ்ஸ தே³வபுத்தஸ்ஸ அது⁴னா
அபி⁴னிப்³புத்தகாலோ வேதி³தப்³போ³. தஸ்ஸ ஹி படிஸந்தி⁴க்க²ணேயேவ
ரத்தஸுவண்ணக்க²ந்தோ⁴ விய விரோசயமானோ திகா³வுதப்பமானோ
அத்தபா⁴வோ நிப்³புத்தி. ஸோ தி³ப்³பு³வத்த²னிவத்தோ²
தி³ப்³பா³லங்காரபடிமண்டி³தோ தி³ப்³பு³மாலாவிலேபனத⁴ரோ தி³ப்³பே³ஹி
சந்த³னசுண்ணேஹி ஸமங் விகிரியமானோ தி³ப்³பே³ஹி பஞ்சஹி
காமகு³ணேஹி ஓவுதோ நிவுதோ பரியோனத்³தோ⁴ லோபா⁴பி⁴பூ⁴தோ
ஹுத்வா லோப⁴னிஸ்ஸரணங் நிப்³பா³னங் அபஸ்ஸந்தோ ஆஸபி⁴ங் வாசங்
பா⁴ஸந்தோ விய மஹாஸத்³தே³ன “ந தே ஸுக²ங் பஜானந்தீ”தி இமங்
கா³த²ங் கா³யமானோ நந்த³னவனே விசரி. தேன வுத்தங் - “தாயங் வேலாயங்
இமங் கா³த²ங் அபா⁴ஸீ”தி.

யே ந பஸ்ஸந்தி நந்த³னந்தி யே தத்ர பஞ்சகாமகு³ணானுப⁴வனவஸேன
நந்த³னவனங் ந பஸ்ஸந்தி. நரதே³வானந்தி தே³வனரானங், தே³வபுரிஸானந்தி
அத்தோ². தித³ஸானந்தி திக்க²த்துங் த³ஸன்னங். யஸஸ்ஸினந்தி
பரிவாரஸங்கா²தேன யஸேன ஸம்பன்னானங்.

அஞ்ஞதரா தே³வதாதி ஏகா அரியஸாவிகா தே³வதா. பச்சபா⁴ஸீதி “அயங்
பா³லதே³வதா இமங் ஸம்பத்திங் நிச்சங் அசலங் மஞ்ஞதி, நாஸ்ஸா
சே²த³னபே⁴த³னவித்³த⁴ங்ஸனத⁴ம்மதங் ஜானாதீ”தி அதி⁴ப்பாயங்
விவட்டெத்வா த³ஸ்ஸெந்தீ “ந த்வங் பா³லே”தி இமாய கா³தா²ய பதிஅபா⁴ஸி.
யதா² அரஹதங் வசோதி யதா² அரஹந்தானங் வசனங், ததா² த்வங் ந
ஜானாஸீதி. ஏவங் தஸ்ஸா அதி⁴ப்பாயங் படிக்கி²பித்வா இதா³னி
அரஹந்தானங் வசனங் த³ஸ்ஸெந்தீ அனிச்சாதிஆதி³மாஹ. தத்த² அனிச்சா
வத ஸங்கா²ராதி ஸப்³பே³ தேபூ⁴மகஸங்கா²ரா ஹுத்வா அபா⁴வத்தே²ன
அனிச்சா. உப்பாத³வயத⁴ம்மினோதி உப்பாத³வயஸபா⁴வா. உப்பஜ்ஜித்வா
நிருஜ்ஜந்தீதி இத³ங் புரிமஸ்ஸேவ வேவசனங். யஸ்மா வா உப்பஜ்ஜித்வா
நிருஜ்ஜந்தி, தஸ்மா உப்பாத³வயத⁴ம்மினோதி. உப்பாத³வயக்³ஹணேன
செத்த² தத³னந்தரா வேமஜ்ஜ²ட்டா²னங் க³ஹிதமேவ ஹோதி. தேஸங்

ஓபஸமோ ஸுகோதி தேஸங் ஸங்கா²ரானங் ஓபஸமஸங்கா²தங்
நிப³பா³னமேவ ஸுக²ங். இத³ங் அரஹதங் வசோதி.

நந்த³ஸுத்தவண்ணனா நிட்டி²தா.

2. நந்த³திஸுத்தவண்ணனா

12. து³தியே நந்த³தீதி துஸ்ஸதி அத்தமனோ ஹோதி. புத்திமாதி
ப³ஹுபுத்தோ. தஸ்ஸ ஹி ஏகச்சே புத்தா கஸிகம்மங் கத்வா த்⁴ஞ்ஞஸ்ஸ
கொட்டே² பூரெந்தி, ஏகச்சே வணிகஜங் கத்வா ஹிரஞ்ஞஸுவண்ணங்
ஆஹரந்தி, ஏகச்சே ராஜானங் உபட்ட²ஹித்வா யானவாஹனகா³மனிக³மாதீ³னி
லப⁴ந்தி. அத² தேஸங் ஆனுபா⁴வஸங்கா²தங் ஸிரிங் அனுப⁴வமானா மாதா
வா பிதா வா நந்த³தி. ச²ணதி³வஸாதீ³ஸு வா மண்டி³தபஸாதி⁴தே புத்தே
ஸம்பத்திங் அனுப⁴வமானே தி³ஸ்வா நந்த³தீதி, “நந்த³தி புத்தேஹி புத்திமா”தி
ஆஹ. கோ³ஹி ததே²வாதி யதா² புத்திமா புத்தேஹி, ததா² கோ³ஸாமிகோபி
ஸம்பன்னங் கோ³மண்ட³லங் தி³ஸ்வா கா³வோ நிஸ்ஸாய கோ³ரஸஸம்பத்திங்
அனுப⁴வமானோ கோ³ஹி நந்த³தி. உபதீ⁴ ஹி நரஸ்ஸ நந்த³னாதி, எத்த²
உபதீ⁴தி சத்தாரோ உபதீ⁴ - காழபதி⁴, க²ந்தா⁴பதி⁴, கிலேஸுபதி⁴,
அபி⁴ஸங்கா²ருபதீ⁴தி. காமாபி ஹி “யங் பஞ்ச காமகு³ணே படிச்ச உப்பஜ்ஜதி
ஸுக²ங் ஸோமனஸ்ஸங், அயங் காமானங் அஸ்ஸாதோ³”தி (ம. நி. 1.166)
ஏவங் வுத்தஸ்ஸ ஸுக²ஸ்ஸ அதி⁴ட்டா²னபா⁴வதோ “உபதி⁴யதி எத்த²
ஸுக²”ந்தி இமினா வசனத்தே²ன உபதீ⁴தி வுச்சதி. க²ந்தா⁴பி
க²ந்த⁴மூலகஸ்ஸ து³க்க²ஸ்ஸ அதி⁴ட்டா²னபா⁴வதோ, கிலேஸாபி
அபாயது³க்க²ஸ்ஸ அதி⁴ட்டா²னபா⁴வதோ, அபி⁴ஸங்கா²ராபி
ப⁴வது³க்க²ஸ்ஸ அதி⁴ட்டா²னபா⁴வதோதி. இத⁴ பன காழபதி⁴
அதி⁴ப்பேதோ. பஞ்ச ஹி காமகு³ணா தேபூ⁴மிகாதி³பாஸாத³-உளாரஸயன-
வத்தா²லங்கார-நாடகபரிவாராதி³வஸேன பச்சுபட்டி²தா பீதிஸோமனஸ்ஸங்
உபஸங்ஹரமானா நரங் நந்த³யந்தி. தஸ்மா யதா² புத்தா ச கா³வோ ச, ஏவங்
இமேபி உபதீ⁴ ஹி நரஸ்ஸ நந்த³னாதி வேதி³தப்பா³. ந ஹி ஸோ நந்த³தி
யோ நிரூபதீ⁴தி யோ காமகு³ணஸம்பத்திரஹிதோ த³லித்தோ³
து³ல்லப⁴கா⁴ஸச்சா²த³னோ , ந ஹி ஸோ நந்த³தி. ஏவருபோ
மனுஸ்ஸபேதோ ச மனுஸ்ஸனேரயிகோ ச கிங் நந்தி³ஸ்ஸதி ப⁴க³வாதி
ஆஹ.

இத³ங் ஸுத்வா ஸத்தா² சிந்தேஸி - “அயங் தே³வதா ஸோகவத்து²மேவ
நந்த³வத்து²ங் கரோதி, ஸோகவத்து²பா⁴வமஸ்ஸா தீ³பெஸ்ஸாமீ”தி ப²லேன
ப²லங் பாதெந்தோ விய தாயேவ உபமாய தஸ்ஸா வாத³ங் பி⁴ந்த³ந்தோ
தமேவ கா³த³ங் பரிவத்தெத்வா ஸோசதீதி ஆஹ. தத்த² ஸோசதி புத்தேஹீதி
விதே³ஸக³மனாதி³வஸேன புத்தேஸு நட்²ஸுபி நஸ்ஸந்தேஸுபி இதா³னி

நஸ்ஸிஸ்ஸந்தீதி நாஸஸங்கீபி ஸோசதி, ததா² மதேஸுபி மரந்தேஸுபி
 சோரேஹி ராஜபுரிஸேஹி க³ஹிதேஸு வா பச்சத்தி²கானங் ஹத்த²ங்
 உபக³தேஸு வா மரணஸங்கீபி ஹுத்வா ஸோசதி. ருக்க²பப்³ப³தாதீ³ஹி
 பதித்வா ஹத்த²பாதா³தீ³னங் பே⁴த³வஸேன பி⁴ன்னேஸுபி பி⁴ஜ்ஜந்தேஸுபி
 பே⁴த³ஸங்கீபி ஹுத்வா ஸோசதி. யதா² ச புத்தேஹி புத்திமா,
 கோ³ஸாமிகோபி ததே²வ நவஹாகாரேஹி கோ³ஹி ஸோசதி. உபதீ⁴ ஹி
 நரஸ்ஸ ஸோசனாதி யதா² ச புத்தகா³வோ, ஏவங் பஞ்ச காமகு³ணோபதீ⁴பி -

“தஸ்ஸ சே காமயானஸ்ஸ, ச²ந்த³ஜாதஸ்ஸ ஜந்துனோ;

தே காமா பரிஹாயந்தி, ஸல்லவித்³தோ⁴வ ருப்பதீ³தி. (ஸு. நி. 773) -

வுத்தனயேன நரங் ஸோசந்தி. தஸ்மா நரஸ்ஸ ஸோசனா
 ஸோகவத்து²கமேவாதி வேதி³தப்³பா³. ந ஹி ஸோ ஸோசதி, யோ நிருபதீ⁴தி
 யஸ்ஸ பன சதுப்³பி³தா⁴பேதே உபதி⁴யோ நத்தி², ஸோ நிருபதி⁴
 மஹாகீ³ணாஸவோ கிங் ஸோசிஸ்ஸதி, ந ஸோசதி தே³வதேதி.

நந்த³திஸுத்தவண்ணனா நிட்டி²தா.

3. நத்தி²புத்தஸமஸுத்தவண்ணனா

13. ததியே நத்தி² புத்தஸமங் பேமந்தி விருபேபி ஹி அத்தனோ புத்தகே
 ஸுவண்ணபி³மப்³கங் விய மஞ்ஞந்தி, மாலாகு³ளே விய ஸீஸாதீ³ஸு கத்வா
 பரிஹரமானா தேஹி ஓஹதி³தாபி ஓமுத்திகாபி க³ந்த⁴விலேபனபதிதா விய
 ஸோமனஸ்ஸங் ஆபஜ்ஜந்தி. தேனாஹ - “நத்தி² புத்தஸமங் பேம”ந்தி .
 புத்தபேமஸமங் பேமங் நாம நத்தீ²தி வுத்தங் ஹோதி. கோ³ஸமிதங் த⁴னந்தி
 கோ³ஹி ஸமங் கோ³த⁴னஸமங் கோ³த⁴னஸதி³ஸங் அஞ்ஞங் த⁴னங் நாம
 நத்தி² ப⁴க³வாதி ஆஹ. ஸூரியஸமா ஆபா⁴தி ஸூரியாபா⁴ய ஸமா
 அஞ்ஞா ஆபா⁴ நாம நத்தீ²தி த³ஸ்ஸேதி. ஸமுத்³த³பரமாதி யே கேசி அஞ்ஞே
 ஸரா நாம, ஸப்³பே³ தே ஸமுத்³த³பரமா, ஸமுத்³தோ³ தேஸங் உத்தமோ,
 ஸமுத்³த³ஸதி³ஸங் அஞ்ஞங் உத³கனிதா⁴னங் நாம நத்தி², ப⁴க³வாதி.

யஸ்மா பன அத்தபேமேன ஸமங் பேமங் நாம நத்தி². மாதாபிதாத³யோ ஹி
 ச²ட்³டெ³த்வாபி புத்ததீ⁴தாத³யோ ச அபோஸெத்வாபி ஸத்தா அத்தானமேவ
 போஸெந்தி. த⁴ஞ்ஞேன ச ஸமங் த⁴னங் நாம நத்தி². (யதா³ ஹி ஸத்தா
 து³ப்³பி⁴க்கா² ஹோந்தி), ததா²ருபே ஹி காலே ஹிரஞ்ஞஸுவண்ணாதீ³னி
 கோ³மஹிங்ஸாதீ³னிபி த⁴ஞ்ஞக்³க³ஹணத்த²ங் த⁴ஞ்ஞஸாமிகானமேவ
 ஸந்திகங் க³ஹெத்வா க³ச்ச²ந்தி. பஞ்ஞாய ச ஸமா ஆபா⁴ நாம நத்தி².
 ஸூரியாத³யோ ஹி ஏகதே³ஸங்யேவ ஓபா⁴ஸந்தி, பச்சப்பன்னமேவ ச தமங்
 வினோதே³ந்தி. பஞ்ஞா பன த³ஸஸஹஸ்ஸிம்பி லோகதா⁴துங்
 ஏகப்பஜ்ஜோதங் காதுங் ஸக்கோதி, அதீதங்ஸாதி³படிச்சா²த³கஞ்ச தமங்

வித⁴மதி. மேக⁴வுட்டி²யா ச ஸமோ ஸரோ நாம நத்தி². நதீ³வாபி ஹோது தலாகாதீ³னி வா, வுட்டி²ஸமோ ஸரோ நாம நத்தி². மேக⁴வுட்டி²யா ஹி பச்சி²ன்னாய மஹாஸமுத்³தோ³ அங்கு³லிபப்³தேமனமத்தம்பி உத³கங் ந ஹோதி, வுட்டி²யா பன பவத்தமானாய யாவ ஆப⁴ஸ்ஸரப⁴வனாபி ஏகோத³கங் ஹோதி. தஸ்மா ப⁴க³வா தே³வதாய படிகா³த²ங் வத³ந்தோ நத்தி² அத்தஸமங் பேமந்திஆதி³மாஹாதி.

நத்தி²புத்தஸமஸுத்தவண்ணனா நிட்டி²தா.

4. க²த்தியஸுத்தவண்ணனா

14. சதுத்தே² க²த்தியோ த்³விபத³ந்தி த்³விபதா³னங் ராஜா ஸெட்டோ². கோமாரீதி குமாரிகாலே க³ஹிதா. அயங் ஸேஸப⁴ரியானங் ஸெட்டா²தி வத³தி. புப்³பஜோதி பட²மங் ஜாதோ கானோ வாபி ஹோது குணிஆதீ³னங் வா அஞ்ஞதரோ, யோ பட²மங் ஜாதோ, அயமேவ புத்தோ இமிஸ்ஸா தே³வதாய வாதே³ ஸெட்டோ² நாம ஹோதி. யஸ்மா பன த்³விபதா³தீ³னங் புத்³தா⁴த³யோ ஸெட்டா², தஸ்மா ப⁴க³வா படிகா³த²ங் ஆஹ. தத்த² கிஞ்சாபி ப⁴க³வா ஸப்³பேஸங்யேவ அபதா³தி³பே⁴தா³னங் ஸத்தானங் ஸெட்டோ², உப்பஜ்ஜமானோ பனேஸ ஸப்³பஸத்தஸெட்டோ² த்³விபதே³ஸுயேவ உப்பஜ்ஜதி, தஸ்மா ஸம்புத்³தோ⁴ த்³விபத³ங் ஸெட்டோ²தி ஆஹ. த்³விபதே³ஸு உப்பன்னஸ்ஸ சஸ்ஸ ஸப்³பஸத்தஸெட்ட²பா⁴வோ அப்படிஹதோவ ஹோதி. ஆஜானீயோதி ஹத்தீ² வா ஹோது அஸ்ஸாதீ³ஸு அஞ்ஞதரோ வா, யோ காரணங் ஜானாதி, அயங் ஆஜானீயோவ சதுப்பதா³னங் ஸெட்டோ²தி அத்தோ². கூடகண்ணரஞ்ஞோ கு³ளவண்ணஅஸ்ஸோ விய. ராஜா கிர பாசீனத்³வாரேன நிக்க²மித்வா சேதியபப்³பதங் க³மிஸ்ஸாமீதி கலம்ப³னதீ³தீரங் ஸம்பத்தோ, அஸ்ஸோ தீரே ட²த்வா உத³கங் ஓதரிதுங் ந இச்ச²தி, ராஜா அஸ்ஸாசரியங் ஆமந்தெத்வா, “அஹோ வத தயா அஸ்ஸோ ஸிக்கா²பிதோ உத³கங் ஓதரிதுங் ந இச்ச²தி”தி ஆஹ. ஆசரியோ “ஸுஸிக்கா²பிதோ தே³வ அஸ்ஸோ, ஏதஸ்ஸ ஹி சித்தங் - ‘ஸசாஹங் உத³கங் ஓதரிஸ்ஸாமி, வாலங் தேமிஸ்ஸதி, வாலே திந்தே ரஞ்ஞோ அங்கே³ உத³கங் பாதெய்யாதி, ஏவங் தும்ஹாகங் ஸரீரே உத³கபாதனப⁴யேன ந ஓதரதி, வாலங் க³ண்ஹாபேதா²”தி ஆஹ. ராஜா ததா² காரேஸி. அஸ்ஸோ வேகே³ன ஓதரித்வா பாரங் க³தோ. ஸுஸ்ஸஸாதி ஸுஸ்ஸஸமானா. குமாரிகாலே வா க³ஹிதா ஹோது பச்சா² வா, ஸுருபா வா விருபா வா, யா ஸாமிகங் ஸுஸ்ஸஸதி பரிசரதி தோஸேதி, ஸா ப⁴ரியானங் ஸெட்டா². அஸ்ஸவோதி ஆஸுணமானோ. ஜெட்டோ² வா ஹி ஹோது கனிட்டோ² வா, யோ மாதாபிதூனங் வசனங் ஸுணாதி, ஸம்படிச்ச²தி, ஓவாத³படிகரோ ஹோதி, அயங் புத்தானங் ஸெட்டோ², அஞ்ஞஹி ஸந்தி⁴ச்சே²த³காதி³சோரேஹி புத்தேஹி கோ அத்தோ² தே³வதேதி.

கத்தியஸுத்தவண்ணனா நிட்டிதா.

5. ஸணமானஸுத்தவண்ணனா

15. பஞ்சமே டிதே மஜ்ஜன்ஹிகேதி டிதமஜ்ஜன்ஹிகே.

ஸன்னிஸீவேஸுதி யதா² பா²ஸுகட்டா²னங் உபக³ந்த்வா ஸன்னிஸின்னேஸு விஸ்ஸமமானேஸு. டிதமஜ்ஜன்ஹிககாலோ நாமேஸு ஸப்³புஸத்தானங் இரியாபத²து³பு³பு³ல்யகாலோ. இத⁴ பன பக்கீ²னங்யேவ வஸேன து³ஸ்ஸிதோ. ஸணதேவாதி ஸணதி விய மஹாவிரவங் விய முச்சதி. ஸணமானமேவ செத்த² “ஸணதேவா”தி வுத்தங். தப்படிபா⁴க³ங் நாமேதங். நிதா³க⁴ஸமயஸ்மிஞ்ஹி டிதமஜ்ஜன்ஹிககாலே சதுப்பத³க³ணேஸு சேவ பக்கீ²க³ணேஸு ச ஸன்னிஸின்னேஸு வாதபூரிதானங் ஸுஸிரருக்கா²னஞ்சேவ சி²த³த³வேணுபப்³பா³னஞ்ச க²ந்தே⁴ன க²ந்த⁴ங் ஸாகா²ய ஸாக²ங் ஸங்க⁴ட்டயந்தானங் பாத³பானஞ்ச அரஞ்ஞமஜ்ஜே² மஹாஸத்³தோ³ உப்பஜ்ஜதி . தங் ஸந்தா⁴யேதங் வுத்தங். தங் ப⁴யங் படிபா⁴தி மந்தி தங் ஏவருபே காலே மஹாஅரஞ்ஞஸ்ஸ ஸணமானங் மய்ஹங் ப⁴யங் ஹுத்வா உபட்டா²தி. த³ந்த⁴பஞ்ஞா கிரேஸா தே³வதா தஸ்மிங் க²ணே அத்தனோ நிஸஜ்ஜபா²ஸுகங் கதா²பா²ஸுகங் து³தியகங் அலப⁴ந்தீ ஏவமாஹ. யஸ்மா பன தாதி³ஸே காலே பிண்ட³பாதபடிக்கந்தஸ்ஸ விவித்தே அரஞ்ஞாயதனே கம்மட்டா²னங் க³ஹேத்வா நிஸின்னஸ்ஸ பி⁴க்கு²னோ அனப்பகங் ஸுக²ங் உப்பஜ்ஜதி, யங் ஸந்தா⁴ய வுத்தங் -

“ஸுஞ்ஞாகா³ரங் பவிட்ட²ஸ்ஸ, ஸந்தசித்தஸ்ஸ பி⁴க்கு²னோ;

அமானுஸீ ரதீ ஹோதி, ஸம்மா த⁴ம்மங் விபஸ்ஸதோ”தி. (த⁴. ப. 373) ச,

“புரதோ பச்ச²தோ வாபி, அபரோ சே ந விஜ்ஜதி;

அதீவ பா²ஸு ப⁴வதி, ஏகஸ்ஸ வஸதோ வனே”தி. (தே²ரகா³. 537) ச;

தஸ்மா ப⁴க³வா து³தியங் கா³த²மாஹ. தத்த² ஸா ரதி படிபா⁴தி மந்தி யா ஏவருபே காலே ஏககஸ்ஸ நிஸஜ்ஜா நாம, ஸா ரதி மய்ஹங் உபட்டா²தீதி அத்தோ². ஸேஸங் தாதி³ஸமேவாதி.

ஸணமானஸுத்தவண்ணனா நிட்டிதா.

6. நித்தா³தந்தீ³ஸுத்தவண்ணனா

16. ச²ட்டே² நித்தா³தி, “அபி⁴ஜானாமஹங், அக்³கி³வெஸ்ஸன, கி³ம்ஹானங் பச்சி²மே மாஸே நித்த³தங் ஓக்கமிதா”தி (ம. நி. 1.387) ஏவருபாய அப்யாகதனித்தா³ய புப்³பா⁴கா³பரபா⁴கே³ஸு ஸேக²புது²ஜ்ஜனானங்

ஸஸங்கா²ரிகஅகுஸலே சித்தே உப்பன்னங் தி²னமித்³த⁴ங். தந்தீ³தி
அதிச்சா²தாதிஸீதாதி³காலேஸு உப்பன்னங் ஆக³ந்துகங் ஆலஸியங். வுத்தம்பி
சேதங் - “தத்த² கதமா தந்தீ³? யா தந்தீ³ தந்தி³யனா தந்தி³மனதா ஆலஸ்யங்
ஆலஸ்யாயனா ஆலஸ்யாயிதத்தங், அயங் வுச்சதி தந்தீ³”தி (விப⁴. 857).
விஜம்பி⁴தாதி காயவிஜம்ப⁴னா. அரதீ³தி அகுஸலபக்கா² உக்கண்டி²ததா.
ப⁴த்தஸம்மதோ³தி ப⁴த்தமுச்சா² ப⁴த்தகிலமதோ². வித்தா²ரோ பன தேஸங்
- “தத்த² கதமா விஜம்பி⁴தா? யா காயஸ்ஸ ஜம்ப⁴னா
விஜம்ப⁴னா”திஆதி³னா நயேன அபி⁴த⁴ம்மே ஆக³தோவ. ஏதேனாதி ஏதேன
நித்தா³தி³னா உபக்கிலேஸேன உபக்கிலிட்டோ² நிவாரிதபாதுபா⁴வோ.
நப்பகாஸதீ³தி ந ஜோததி, ந பாதுப⁴வதீ³தி அத்தோ². அரியமக்³கோ³தி
லோகுத்தரமக்³கோ³. இதா⁴தி இமஸ்மிங் லோகே. பாணிநந்தி ஸத்தானங்.
வீரியேனாதி மக்³க்ஸஹஜாதவீரியேன. நங் பணாமெத்வாதி ஏதங்
கிலேஸஜாதங் நீஹரித்வா. அரியமக்³கோ³தி லோகியலோகுத்தரமக்³கோ³. இதி
மக்³கே³னேவ உபக்கிலேஸே நீஹரித்வா மக்³க்ஸஸ விஸுத்³தி⁴ வுத்தாதி.

நித்தா³தந்தீ³ஸுத்தவண்ணனா நி⁴டி²தா.

7. து³க்கரஸுத்தவண்ணனா

17. ஸத்தமே து³த்திதிக்க²ந்தி து³க்க²மங் து³அதி⁴வாஸியங்.
அப்யத்தேனாதி பா³லேன. ஸாமஞ்ஞந்தி ஸமணத⁴ம்மோ. இமினா தே³வதா
இத³ங் த³ஸ்ஸேதி - யங் பண்டி³தா குலபுத்தா த³ஸபி வஸ்ஸானி வீஸதிபி
ஸட்டி²பி வஸ்ஸானி த³ந்தே அபி⁴த³ந்தமாதா⁴ய ஜிவ்ஹாய தாலுங்
ஆஹச்சபி சேதஸா சித்தங் அபி⁴னிக்³க்ணஹித்வாபி ஏகாஸனங் ஏகப⁴த்தங்
படிஸேவமானா ஆபாணகோடிகங் ப்ரஹ்மசரியங் சரந்தா ஸாமஞ்ஞங்
கரொந்தி. தங் ப⁴க³வா பா³லோ அப்யத்தோ காதுங் ந ஸக்கோதீ³தி. ப³ஹு
ஹி தத்த² ஸம்பா³தா⁴தி தஸ்மிங் ஸாமஞ்ஞஸங்கா²தே அரியமக்³கே³ ப³ஹு
ஸம்பா³தா⁴ மக்³கா³தி⁴க³மாய படிபன்னஸ்ஸ புப்³பா⁴கே³ ப³ஹு
பரிஸ்ஸயாதி த³ஸ்ஸேதி.

சித்தஞ்சே ந நிவாரயேதி யதி³ அயோனிஸோ உப்பன்னங் சித்தங் ந
நிவாரெய்ய, கதி அஹானி ஸாமஞ்ஞங் சரெய்ய? ஏகதி³வஸம்பி ந சரெய்ய.
சித்தவஸிகோ ஹி ஸமணத⁴ம்மங் காதுங் ந ஸக்கோதி. பதே³ பதே³தி
ஆரம்மணே ஆரம்மணே. ஆரம்மணஞ்ஹி இத⁴ பத³ந்தி அதி⁴ப்பேதங்.
யஸ்மிங் யஸ்மிங் ஹி ஆரம்மணே கிலேஸோ உப்பஜ்ஜதி, தத்த² தத்த² பா³லோ
விஸீத³தி நாம. இரியாபத²பத³ம்பி வட்டதி. க³மனாதீ³ஸு ஹி யத்த² யத்த²
கிலேஸோ உப்பஜ்ஜதி, தத்த² தத்தே²வ விஸீத³தி நாம. ஸங்கப்பானந்தி
காமஸங்கப்பாதீ³னங்.

கும்மோ வாதி கச்ச²போ விய. அங்கா³னீதி கீ³வபஞ்சமணி அங்கா³னி. ஸமோத³ஹந்தி ஸமோத³ஹந்தோ, ஸமோத³ஹித்வா வா. மனோவிதக்கேதி மனம்ஹி உப்பன்னவிதக்கே. எத்தாவதா இத³ங் த³ஸ்ஸேதி - யதா² கும்மோ ஸொண்டி³பஞ்சமணி அங்கா³னி ஸகே கபாலே ஸமோத³ஹந்தோ ஸிங்கா³லஸ்ஸ ஓதாரங் ந தே³தி, ஸமோத³ஹித்வா சஸ்ஸ அப்பஸய்ஹதங் ஆபஜ்ஜதி, ஏவமேவங் பி⁴க்கு² மனம்ஹி உப்பன்னவிதக்கே ஸகே ஆரம்மணகபாலே ஸமோத³ஹங் மாரஸ்ஸ ஓதாரங் ந தே³தி, ஸமோத³ஹித்வா சஸ்ஸ அப்பஸய்ஹதங் ஆபஜ்ஜதீதி. அனிஸ்ஸிதோதி தண்ஹாதி³ட்டி²னிஸ்ஸயேஹி அனிஸ்ஸிதோ ஹுத்வா. அஹோ²யானோதி அவிஹிங்ஸமானோ. பரினிப்³பு³தோதி கிலேஸனிப்³பா³னேன பரினிப்³பு³தோ. நூபவதெ³ய்ய கஞ்சீதி யங்கிஞ்சி புக்³க³லங் ஆசாரவிபத்திஆதீ³ஸு யாய காயசி மங்குங் காதுகாமோ ஹுத்வா ந வதெ³ய்ய, “காலேன வக்கா²மி நோ அகாலேனா²திஆத³யோ பன பஞ்ச த⁴ம்மே அஜ்ஜ²த்தங் உபட்ட²பெத்வா உல்லும்பனஸபா⁴வஸண்டி²தேன சித்தேன காருஞ்ஞதங் படிச்ச வதெ³ய்யாதி.

து³க்கரஸுத்தவண்ணனா நி²ட்டி²தா.

8. ஹிரீஸுத்தவண்ணனா

18. அட்ட²மே ஹிரீனிஸேதோ⁴தி ஹிரியா அகுஸலே த⁴ம்மே நிஸேதே⁴தீதி ஹிரீனிஸேதோ⁴. கோசி லோகஸ்மிங் விஜ்ஜதீதி கோசி ஏவருபோ விஜ்ஜதீதி புச்ச²தி. யோ நிந்த³ங் அபபோ³த⁴தீதி யோ க³ரஹங் அபஹரந்தோ புஜ்ஜ²தி. அஸ்ஸோ ப⁴த்³ரோ கஸாமிவாதி யதா² ப⁴த்³ரோ அஸ்ஸாஜானீயோ கஸங் அபஹரந்தோ புஜ்ஜ²தி, பதோத³ச்சா²யங் தி³ஸ்வா ஸங்விஜ்ஜ²ந்தோ விய கஸாய அத்தனி நிபாதங் ந தே³தி, ஏவமேவ யோ பி⁴க்கு² பூ⁴தஸ்ஸ த³ஸஅக்கோஸவத்து²னோ அத்தனி நிபாதங் அத³த³ந்தோ நிந்த³ங் அபபோ³த⁴தி அபஹரந்தோ புஜ்ஜ²தி, ஏவருபோ கோசி கீ²ணாஸவோ விஜ்ஜதீதி புச்ச²தி. அபூ⁴தக்கோஸேன பன பரிமுத்தோ நாம நத்தி². தனுயாதி தனுகா, ஹிரியா அகுஸலே த⁴ம்மே நிஸேதெ⁴த்வா சரந்தா கீ²ணாஸவா நாம அப்பகாதி அத்தோ². ஸதா³ ஸதாதி நிச்சகாலங் ஸதிவேபுல்லேன ஸமன்னாக³தா. அந்தங் து³க்க²ஸ்ஸ பப்புய்யாதி வட்டது³க்க²ஸ்ஸ கோடிங் அந்தபூ⁴தங் நிப்³பா³னங் பாபுணித்வா. ஸேஸங் வுத்தனயமேவாதி.

ஹிரீஸுத்தவண்ணனா நி²ட்டி²தா.

9. குடிகாஸுத்தவண்ணனா

19. நவமே கச்சி தே குடிகாதி அயங் தே³வதா த³ஸ மாஸே அந்தோவஸனட்டா²னட்டே²ன மாதரங் குடிகங் கத்வா, யதா² ஸகுணா தி³வஸங் கோ³சரபஸுதா ரத்திங் குலாவகங் அல்லீயந்தி, ஏவமேவங் ஸத்தா தத்த² தத்த²

க³ந்த்வாபி மாதுகா³மஸ்ஸ ஸந்திகங் ஆக³ச்ச²ந்தி, ஆலயவஸேன ப்⁴ரியங் குலாவகங் கத்வா. குலபவேணிங் ஸந்தானகட்டே²ன புத்தே ஸந்தானகே கத்வா, தண்ஹங் ப³ந்த்⁴னங் கத்வா, கா³தா²ப³ந்த்⁴னேன இமே பஞ்ஹே ஸமோதா⁴னெத்வா ப்⁴க³வந்தங் புச்சி², ப்⁴க³வாபிஸ்ஸா விஸ்ஸஜ்ஜெந்தோ தக்³கா⁴திஆதி³மாஹ. தத்த² தக்³கா⁴தி ஏகங்ஸவசனே நிபாதோ. நத்தீ²தி பஹாய பப்³ப³ஜிதத்தா வட்டஸ்மிங் வா புன மாதுகுச்சி²வாஸஸ்ஸ தா³ரப்⁴ரணஸ்ஸ புத்தனிப்³ப³த்தியா வா அபா⁴வதோ நத்தி².

தே³வதா “மயா ஸன்னாஹங் ப³ந்தி⁴த்வா கு³ள்ஹா பஞ்ஹா புச்சி²தா, அயஞ்ச ஸமணோ புச்சி²தமத்தேயேவ விஸ்ஸஜ்ஜேஸி, ஜானங் நு கோ² மே அஜ்ஜா²ஸயங் கதே²ஸி, உதா³ஹு அஜானங் யங் வா தங் வா முகா²ருள்ஹங் கதே²ஸீ”தி சிந்தெத்வா புன கிந்தாஹந்திஆதி³மாஹ. தத்த² கிந்தாஹந்தி கிங் தே அஹங். அத²ஸ்ஸா ப்⁴க³வா ஆசிக்க²ந்தோ மாதரந்திஆதி³மாஹ. ஸாஹு தேதி கா³தா²ய அனுமோதி³த்வா ஸம்பஹங்ஸித்வா ப்⁴க³வந்தங் வந்தி³த்வா க³ந்த்⁴மாலாதீ³ஹி பூஜெத்வா அத்தனோ தே³வட்டா²னமேவ க³தாதி.

குடிகாஸுத்தவண்ணனா நிட்டி²தா.

10. ஸமித்தி³தி⁴ஸுத்தவண்ணனா

20. த³ஸமே தபோதா³ராமேதி தபோத³ஸ்ஸ தத்தோத³கஸ்ஸ ரஹத³ஸ்ஸ வஸேன ஏவங் லத்³த்⁴னாமே ஆராமே. வேபா⁴ரபப்³ப³தஸ்ஸ கிர ஹெட்டா² பு⁴ம்மட்ட²கனாகா³னங் பஞ்சயோஜனஸதிகங் நாக³ப்⁴வனங் தே³வலோகஸதி³ஸங் மணிமயேன தலேன ஆராமுய்யானேஹி ச ஸமன்னாக³தங். தத்த² நாகா³னங் கீளனட்டா²னே மஹாஉத³கரஹதோ³, ததோ தபோதா³ நாம நதீ³ ஸந்த³தி குதி²தா உண்ஹோத³கா. கஸ்மா பனேஸா ஏதி³ஸா? ராஜக³ஹங் கிர பரிவாரெத்வா மஹாபேதலோகோ திட்ட²தி, தத்த² த்³வின்னங் மஹாலோஹகும்பி⁴னிரயானங் அந்தரேன அயங் தபோதா³ ஆக³ச்ச²தி, தஸ்மா குதி²தா ஸந்த³தி. வுத்தம்பி சேதங் -

“யதாயங், பி⁴க்க²வே, தபோதா³ ஸந்த³தி, ஸோ த³ஹோ அச்சோ²த³கோ ஸீதோத³கோ ஸாதோத³கோ ஸேதோத³கோ ஸுப்பதித்தோ² ரமணீயோ பஹுதமச்ச²கச்ச²போ, சக்கமத்தானி ச பது³மானி புப்ப²ந்தி. அபிசாயங், பி⁴க்க²வே, தபோதா³ த்³வின்னங் மஹானிரயானங் அந்தரிகாய ஆக³ச்ச²தி, தேனாயங் தபோதா³ குதி²தா ஸந்த³தீ”தி (பாரா. 231).

இமஸ்ஸ பன ஆராமஸ்ஸ அபி⁴முக²ட்டா²னே ததோ மஹாஉத³கரஹதோ³ ஜாதோ, தஸ்ஸ வஸேனாயங் விஹாரோ “தபோதா³ராமோ”தி வுச்சதி.

ஸமித்⁴தி தஸ்ஸ கிர தே²ரஸ்ஸ அத்தபா⁴வோ ஸமித்³தோ⁴ அபி⁴ருபோ பாஸாதி³கோ, தஸ்மா “ஸமித்³தி⁴”த்வேவ ஸங்க²ங் க³தோ. க³த்தானி பரிஸிஞ்சிதுந்தி பதா⁴னிகத்தே²ரோ ஏஸ, ப³லவபச்சுஸே உட்டா²யாஸனா ஸரீரங் உதுங் கா³ஹாபெத்வா ப³ஹி ஸட்டி²ஹத்த²மத்தே மஹாசங்கமே அபராபரங் சங்கமித்வா “ஸேத³க³ஹிதேஹி க³த்தேஹி பரிபு⁴ஞ்ஜமானங் ஸேனாஸனங் கிலிஸ்ஸதி”தி மஞ்ஞமானோ க³த்தானி பரிஸிஞ்சனத்த²ங் ஸரீரதோ⁴வனத்த²ங் உபஸங்கமி. ஏகசீவரோ அட்டா²ஸீதி நிவாஸனங் நிவாஸெத்வா காயப³ந்த⁴னங் ப³ந்தி⁴த்வா சீவரங் ஹத்தே²ன க³ஹெத்வா அட்டா²ஸி.

க³த்தானி பு³பா³பயமானோதி க³த்தானி பு³ப³ஸதி³ஸானி வோத³கானி குருமானோ. அல்லஸரீரே பாருதங் ஹி சீவரங் கிலிஸ்ஸதி து³க்³ந்த⁴ங் ஹோதி, ந சேதங் வத்தங். தே²ரோ பன வத்தஸம்பன்னோ, தஸ்மா வத்தே டி²தோவ ந்ஹாயித்வா பச்சுத்தரித்வா அட்டா²ஸி. தத்த² இத³ங் ந்ஹானவத்தங் - உத³கதித்த²ங் க³ந்த்வா யத்த² கத்த²சி சீவரானி நிக்கி²பித்வா வேகே³ன டி²தகேனேவ ந ஓதரிதப்³பங், ஸப்³ப³தி³ஸா பன ஓலோகெத்வா விவித்தபா⁴வங் குத்வா கா²ணுகு³ம்ப³லதாதீ³னி வவத்த²பெத்வா திக்க²த்துங் உக்காஸித்வா அவகுஜ்ஜ டி²தேன உத்தராஸங்க³சீவரங் அபனெத்வா பஸாரேதப்³பங், காயப³ந்த⁴னங் மோசெத்வா சீவரபிட்டே²யேவ ட²பேதப்³பங். ஸசே உத³கஸாடிகா நத்தி², உத³கந்தே உக்குடிகங் நிஸீதி³த்வா நிவாஸனங் மோசெத்வா ஸசே ஸின்னட்டா²னங் அத்தி², பஸாரேதப்³பங். நோ சே அத்தி², ஸங்ஹரித்வா ட²பேதப்³பங். உத³கங் ஓதரந்தேன ஸணிகங் நாபி⁴ப்பமாணமத்தங் ஓதரித்வா வீசிங் அனுட்டா²பெந்தேன ஸத்³த³ங் அகரொந்தேன நிவத்தித்வா ஆக³ததி³ஸாபி⁴முகே²ன நிமுஜ்ஜிதப்³பங், ஏவங் சீவரங் ரக்கி²தங் ஹோதி. உம்முஜ்ஜந்தேனபி ஸத்³த³ங் அகரொந்தேன ஸணிகங் உம்முஜ்ஜித்வா ந்ஹானபரியோஸானே உத³கந்தே உக்குடிகேன நிஸீதி³த்வா நிவாஸனங் பரிக்கி²பித்வா உட்டா²ய ஸுபரிமண்ட³லங் நிவாஸெத்வா காயப³ந்த⁴னங் ப³ந்தி⁴த்வா சீவரங் அபாருபித்வாவ டா²தப்³பந்தி.

தே²ரோபி ததா² ந்ஹாயித்வா பச்சுத்தரித்வா விக³ச்ச²மானஉத³கங் காயங் ஓலோகயமானோ அட்டா²ஸி. தஸ்ஸ பகதியாபி பாஸாதி³கஸ்ஸ பச்சுஸஸமயே ஸம்மா பரிணதாஹாரஸ்ஸ உண்ஹோத³கேன ந்ஹாதஸ்ஸ அதிவிய முக²வண்ணோ விரோசி, ப³ந்த⁴னா பவுத்ததாலப²லங் விய பபா⁴ஸம்பன்னோ புண்ணசந்தோ³ விய தங்க²ணவிகஸிதபது³மங் விய முக²ங் ஸஸ்ஸிரிகங் அஹோஸி, ஸரீரவண்ணோபி விப்பஸீதி³. தஸ்மிங் ஸமயே வனஸண்டே³ அதி⁴வத்தா² பு⁴ம்மதே³வதா பாஸாதி³கங் பி⁴க்கு²ங் ஓலோகயமானா ஸமனங் நிக்³க³ஹேதுங் அஸக்கொந்தீ காமபரிளாஹாபி⁴பு⁴தா ஹுத்வா, “தே²ரங் பலோபெ⁴ஸ்ஸாமீ”தி அத்தபா⁴வங் உளாரேன அலங்காரேன அலங்கரித்வா ஸஹஸ்ஸவட்டிபதீ³பங்

பஜ்ஜலமானா விய சந்த³ங் உட்டா²பயமானா விய ஸகலாராமங் ஏகோபா⁴ஸங்
கத்வா தே²ரங் உபஸங்கமித்வா அவந்தி³த்வாவ வேஹாஸே டி²தா கா³த²ங்
அபா⁴ஸி. தேன வுத்தங் - “அத² கோ² அஞ்ஞதரா தே³வதா...பே...
அஜ்ஜ²பா⁴ஸீ”தி.

அபு⁴த்வாதி பஞ்ச காமகு³ணே அபரிபு⁴ஞ்ஜித்வா. பி⁴க்க²ஸீதி பிண்டா³ய
சரஸி. மா தங் காலோ உபச்சகா³தி எத்த² காலோ நாம
பஞ்சகாமகு³ணபடிஸேவனக்க²மோ த³ஹரயொப்³பனகாலோ. ஜராஜிண்ணேன
ஹி ஒப⁴க்³கே³ன த³ண்ட³பராயணேன பவேத⁴மானேன
காஸஸாஸாபி⁴பூ⁴தேன ந ஸக்கா காமே பரிபு⁴ஞ்ஜிதுங். இதி இமங் காலங்
ஸந்தா⁴ய தே³வதா “மா தங் காலோ உபச்சகா³”தி ஆஹ. தத்த² மா
உபச்சகா³தி மா அதிக்மமி.

காலங் வோஹங் ந ஜானாமீதி எத்த² வோதி நிபாதமத்தங். காலங் ந
ஜானாமீதி மரணகாலங் ஸந்தா⁴ய வத³தி. ஸத்தானஞ்ஹி -

“ஜீவிதங் ப்³யாதி⁴ காலோ ச, தே³ஹனிக்கே²பனங் க³தி;
பஞ்சேதே ஜீவலோகஸ்மிங், அனிமித்தா ந நாயரே”.

தத்த² ஜீவிதங் தாவ “எத்தகமேவ, ந இதோ பர³ந்தி வவத்தா²னாபா⁴வதோ
அனிமித்தங். கலலகாலேபி ஹி ஸத்தா மரந்தி, அப்³பு³த³-பேஸி-க⁴ன-
அட்³ட்⁴மாஸ-ஏகமாஸ-த³வேமாஸ-தேமாஸ-சதுமாஸபஞ்சமாஸ...பே...
த³ஸமாஸகாலேபி, குச்சி²தோ நிக்க²ந்தஸமயேபி, ததோ பரங்
வஸ்ஸஸதஸ்ஸ அந்தோபி ப³ஹிபி மரந்தியேவ. ப்³யாதி⁴பி “இமினாவ
ப்³யாதி⁴னா ஸத்தா மரந்தி, ந அஞ்ஞனா”தி வவத்தா²னாபா⁴வதோ
அனிமித்தோ. சக்கு²ரோகே³னபி ஹி ஸத்தா மரந்தி ஸோதரோகா³தீ³னங்
அஞ்ஞதரேனபி. காலோபி, “இமஸ்மிங் யேவ காலே மரிதப்³பங், ந
அஞ்ஞஸ்மி”ந்தி ஏவங் வவத்தா²னாபா⁴வதோ அனிமித்தோ. புப்³பு³ண்ஹேபி
ஹி ஸத்தா மரந்தி மஜ்ஜ²ன்ஹிகாதீ³னங் அஞ்ஞதரஸ்மிமபி.
தே³ஹனிக்கே²பனம்பி, “இதே⁴வ மீயமானானங் தே³ஹேன பதிதப்³பங், ந
அஞ்ஞத்தா²”தி ஏவங் வவத்தா²னாபா⁴வதோ அனிமித்தங். அந்தோகா³மே
ஜாதானஞ்ஹி ப³ஹிகா³மேபி அத்தபா⁴வோ பததி, ப³ஹிகா³மேபி ஜாதானங்
அந்தோகா³மேபி. ததா² த²லஜானங் ஜலே, ஜலஜானங் த²லேதி அனேகப்பகாரதோ
வித்தா²ரேதப்³பங். க³திபி, “இதோ சுதேன இத⁴ நிப்³பு³த்திதப்³ப”ந்தி ஏவங்
வவத்தா²னாபா⁴வதோ அனிமித்தா. தே³வலோகதோ ஹி சுதா
மனுஸ்ஸேஸுபி நிப்³பு³த்தந்தி , மனுஸ்ஸலோகதோ சுதா தே³வலோகாதீ³னங்
யத்த² கத்த²சி நிப்³பு³த்தந்தீதி ஏவங் யந்தே யுத்தகோ³ணோ விய க³திபஞ்சகே
லோகோ ஸம்பரிவத்ததி. தஸ்ஸேவங் ஸம்பரிவத்ததோ “இமஸ்மிங் நாம

காலே மரணங் ப்⁴விஸ்ஸதீ²தி இமங் மரணஸ்ஸ காலங் வோஹங் ந ஜானாமி.

சு²ன்னோ காலோ ந தி³ஸ்ஸதீ²தி அயங் காலோ மய்ஹங் படிச்சு²ன்னோ அவிபு⁴தோ ந பஞ்ஞாயதி. தஸ்மாதி யஸ்மா அயங் காலோ படிச்சு²ன்னோ ந பஞ்ஞாயதி, தஸ்மா பஞ்ச காமகு³ணே அபு⁴த்வாவ பி⁴க்கா²மி. மா மங் காலோ உபச்சகா³தி எத்த² ஸமணத⁴ம்மகரணகாலங் ஸந்தா⁴ய “காலோ”தி ஆஹ. அயஞ்ஹி ஸமணத⁴ம்மோ நாம பச்சி²மே காலே திஸ்ஸோ வயோஸீமா அதிக்கந்தேன ஓப⁴க்³கே³ன துண்ட³பராயணேன பவேத⁴மானேன காஸஸாஸாபி⁴பு⁴தேன ந ஸக்கா காதுங். ததா³ ஹி ந ஸக்கா ஹோதி இச்சி²திச்சி²தங் பு³த்²த⁴வசனங் வா க³ண்ணிதுங், து⁴தங்க³ங் வா பரிபு⁴ஞ்ஜிதுங், அரஞ்ஞவாஸங் வா வஸிதுங், இச்சி²திச்சி²தக்க²ணே ஸமாபத்திங் வா ஸமாபஜ்ஜிதுங், பத³பா⁴ண-ஸரப⁴ஞ்ஞத⁴ம்மகதா²- அனுமோத³னாதீ³னி வா காதுங், தருணயொப்³பனகாலே பனேதங் ஸப்³பங் ஸக்கா காதுந்தி அயங் ஸமணத⁴ம்மகரணஸ்ஸ காலோ மா மங் உபச்சகா³, யாவ மங் நாதிக்கமதி, தாவ காமே அபு⁴த்வாவ ஸமணத⁴ம்மங் கரோமீதி ஆஹ.

பத²வியங் பதிட்ட²ஹித்வாதி ஸா கிர தே³வதா - “அயங் பி⁴க்கு² ஸமணத⁴ம்மகரணஸ்ஸ காலங் நாம கதே²தி, அகாலங் நாம கதே²தி, ஸஹேதுகங் கதே²தி ஸானிஸங்ஸ²ந்தி எத்தாவதாவ தே²ரே லஜ்ஜங் பச்சபட்டா²பெத்வா மஹாப்³ரஹ்மங் விய அக்³கி³க்க²ந்த⁴ங் விய ச நங் மஞ்ஞமானா கா³ரவஜாதா ஆகாஸா ஒருய்ஹ பத²வியங் அட்டா²ஸி, தங் ஸந்தா⁴யேதங் வுத்தங். கிஞ்சாபி பத²வியங் டி²தா, யேன பனத்தே²ன ஆக³தா, புனபி தமேவ க³ஹேத்வா து³ஹரோ த்வந்திஆதி³மாஹ. தத்த² ஸு³ஸு³தி தருணோ. காளகேஸோதி ஸுட்டு² காளகேஸோ. ப⁴த்³ரேனாதி ப⁴த்³த³கேன. ஏகச்சோ ஹி து³ஹரோபி ஸமானோ காணோ வா ஹோதி குணிஆதீ³னங் வா அஞ்ஞதரோ, ஸோ ப⁴த்³ரேன யொப்³பனேன ஸமன்னாக³தோ நாம ந ஹோதி. யோ பன அபி⁴ருபோ ஹோதி து³ஸ்ஸனீயோ பாஸாதி³கோ ஸப்³பு³ஸம்பத்திஸம்பன்னோ, யங் யதே³வ அலங்காரபரிஹாரங் இச்ச²தி, தேன தேன அலங்கதோ தே³வபுத்தோ விய சரதி, அயங் ப⁴த்³ரேன யொப்³பனேன ஸமன்னாக³தோ நாம ஹோதி. தே²ரோ ச உத்தமருபஸம்பன்னோ, தேன நங் ஏவமாஹ.

அனிக்கீளிதாவீ காமேஸு³தி காமேஸு³ அகீளிதகீளோ அபு⁴த்தாவீ, அகதகாமகீளோதி அத்தோ². மா ஸந்தி³ட்டி²கங் ஹித்வாதி யேபு⁴ய்யேன ஹி தா அதி³ட்ட²ஸச்சா அவீதராகா³ அபரசித்தவிது³னியோ தே³வதா பி⁴க்க² து³ஸபி வஸ்ஸானி வீஸதிம்பி...பே... ஸட்டி²ம்பி வஸ்ஸானி பரிஸுத்³த⁴ங் அக²ண்ட³ங் ப்³ரஹ்மசரியங் சரமானே தி³ஸ்வா - “இமே பி⁴க்க² மாணுஸகே

பஞ்ச காமகு³ணே பஹாய தி³பு³பே³ காமே பத்த²யந்தா ஸமணத⁴ம்மங்
கரொந்தீ²தி ஸஞ்ஞங் உப்பாதெ³ந்தி, அயம்பி தத்தே²வ உப்பாதே³ஸி. தஸ்மா
மானுஸகே காமே ஸந்தி³ட்டி²கே, தி³பு³பே³ ச காலிகே கத்வா ஏவமாஹ.

ந கோ² அஹங், ஆவுஸோதி, ஆவுஸோ, அஹங் ஸந்தி³ட்டி²கே காமே
ஹித்வா காலிகே காமே ந அனுதா⁴வாமி ந பத்தே²மி ந பிஹேமி. கலிகஞ்ச
கோ² அஹங், ஆவுஸோதி அஹங் கோ², ஆவுஸோ, காலிகங் காமங் ஹித்வா
ஸந்தி³ட்டி²கங் லோகுத்தரத⁴ம்மங் அனுதா⁴வாமி. இதி தே²ரோ சித்தானந்தரங்
அலத்த⁴பு³பு³தாய தி³பு³பே³பி மானுஸகேபி பஞ்ச காமகு³ணே காலிகாதி
அகாஸி, சித்தானந்தரங் லத்த⁴பு³பு³தாய லோகுத்தரத⁴ம்மங் ஸந்தி³ட்டி²கந்தி.
பஞ்சகாமகு³ணேஸு ஸமோஹிதேஸுபி ஸம்பன்னகாமஸ்ஸாபி காமினோ
சித்தானந்தரங் இச்சி²திச்சி²தாரம்மணானுப⁴வனங் ந ஸம்பஜ்ஜதி. சக்கு²த்வாரே
இட்டா²ரம்மணங் அனுப⁴விதுகாமேன ஹி சித்தகாரபொத்த²காரருபகாராத³யோ
பக்கோஸாபெத்வா, “இத³ங் நாம ஸஜ்ஜேதா²”தி வத்தப்³பங் ஹோதி. எத்த²ந்தரே
அனேககோடிஸதஸஹஸ்ஸானி சித்தானி உப்பஜ்ஜித்வா நிருஜ்ஜந்தி. அத²
பச்சா² தங் ஆரம்மணங் ஸம்பாபுணாதி . ஸேஸத்³வாரேஸுபி ஏஸேவ நயோ.
ஸோதாபத்திமக்³கா³னந்தரங் பன ஸோதாபத்திப²லமேவ உப்பஜ்ஜதி, அந்தரா
அஞ்ஞஸ்ஸ சித்தஸ்ஸ வாரோ நத்தி². ஸேஸப²லேஸுபி ஏஸேவ நயோதி.

ஸோ தமேவத்த²ங் க³ஹெத்வா காலிகா ஹி, ஆவுஸோதிஆதி³மாஹ.
தத்த² காலிகாதி வுத்தனயேன ஸமோஹிதஸம்பத்தினாபி காலந்தரே
பத்தப்³பா³. ப³ஹுது³க்கா²தி பஞ்ச காமகு³ணே நிஸ்ஸாய பத்தப்³பு³து³க்க²ஸ்ஸ
ப³ஹுதாய ப³ஹுது³க்கா². தங்வத்து²கஸ்ஸேவ உபாயாஸஸ்ஸ ப³ஹுதாய
ப³ஹுபாயாஸா. ஆதீ³னவோ எத்த² பி⁴ய்யோதி பஞ்ச காமகு³ணே நிஸ்ஸாய
லத்த⁴பு³பு³ஸுக²தோ ஆதீ³னவோ பி⁴ய்யோ, து³க்க²மேவ ப³ஹுதாரந்தி
அத்தோ². ஸந்தி³ட்டி²கோ அயங் த⁴ம்மோதி அயங் லோகுத்தரத⁴ம்மோ
யேன யேன அதி⁴க²தோ ஹோதி, தேன தேன பரஸத்த³தா⁴ய க³ந்தப்³பு³தங்
ஹித்வா பச்சவெக்க²ணஞானேன ஸயங் த³ட்ட²பு³போ³தி ஸந்தி³ட்டி²கோ.
அத்தனோ ப²லதா³னங் ஸந்தா⁴ய நாஸ்ஸ காலோதி அகாலோ, அகாலோயேவ
அகாலிகோ. யோ எத்த² அரியமக்³க²த⁴ம்மோ, ஸோ அத்தனோ
பவத்திஸமணந்தரமேவ ப²லங் தே³தீதி அத்தோ². “ஏஹி பஸ்ஸ இமங்
த⁴ம்ம”ந்தி ஏவங் பவத்தங் ஏஹிபஸ்ஸவிதி⁴ங் அரஹதீதி ஏஹிபஸ்ஸிகோ.
ஆதி³த்தங் சேலங் வா ஸீஸங் வா அஜ்ஜ²பெக்கி²த்வாபி பா⁴வனாவஸேன
அத்தனோ சித்தே உபனயங் அரஹதீதி ஓபனெய்யிகோ. ஸப்³பே³ஹி
உக்³க⁴டிதஞ்ஞாஆதீ³ஹி விஞ்ஞாஹி “பா⁴விதோ மே மக்³கோ³, அதி⁴க³தங்
ப²லங், ஸச்சி²கதோ நிரோதோ⁴”தி அத்தனி அத்தனி வேதி³தப்³போ³தி பச்சத்தங்
வேதி³தப்³போ³ விஞ்ஞாஹீதி. அயமெத்த² ஸங்கே²போ, வித்தா²ரோ பன
விஸுத்³தி⁴மக்³கே³ (விஸுத்³தி⁴. 1.146 ஆத³யோ)
த⁴ம்மானுஸ்ஸதிவண்ணனாயங் வுத்தோ.

இதா³னி ஸா தே³வதா அந்தோ⁴ விய ரூபவிஸேஸங் தே²ரேன கதி²தஸ்ஸ அத்தே² அஜானந்தீ கத²ஞ்ச பி⁴க்கூ²திஆதி³மாஹ. தத்த² கத²ஞ்சாதிபத³ஸ்ஸ “கத²ஞ்ச பி⁴க்கு² காலிகா காமா வுத்தா ப⁴க³வதா, கத²ங் ப³ஹுது³க்கா², கத²ங் ப³ஹுபாயாஸா”தி? ஏவங் ஸப்³பதே³ஹி ஸம்ப³ந்தோ⁴ வேதி³தப்போ³.

நவோதி அபரிபுண்ணபஞ்சவஸ்ஸோ ஹி பி⁴க்கு² நவோ நாம ஹோதி, பஞ்சவஸ்ஸதோ பட்டா²ய மஜ்ஜி²மோ, த³ஸ்வஸ்ஸதோ பட்டா²ய தே²ரோ. அபரோ நயோ - அபரிபுண்ணத³ஸ்வஸ்ஸோ நவோ, த³ஸ்வஸ்ஸதோ பட்டா²ய மஜ்ஜி²மோ, வீஸதிவஸ்ஸதோ பட்டா²ய தே²ரோ. தேஸங் அஹங் நவோதி வத³தி.

நவோபி ஏகச்சோ ஸத்தட்ட²வஸ்ஸகாலே பப்³புஜித்வா த்³வாத³ஸதேரஸ்வஸ்ஸானி ஸாமணேரபா⁴வேனேவ அதிக்கந்தோ சிரபப்³புஜிதோ ஹோதி, அஹங் பன அசிரபப்³புஜிதோதி வத³தி. இமங் த⁴ம்மவினயந்தி இமங் த⁴ம்மஞ்ச வினயஞ்ச. உப⁴யம்பேதங் ஸாஸனஸ்ஸேவ நாமங். த⁴ம்மேன ஹெத்த² த்³வே பிடகானி வுத்தானி, வினயேன வினயபிடகங், இதி தீஹி பிடகேஹி பகாஸிதங் படிபத்திங் அது⁴னா ஆக³தொம்ஹீதி வத³தி.

மஹேஸக்கா²ஹீதி மஹாபரிவாராஹி. ஏகேகஸ்ஸ ஹி தே³வரஞ்ஞோ கோடிஸதம்பி கோடிஸஹஸ்ஸம்பி பரிவாரோ ஹோதி, தே அத்தானங் மஹந்தே டா²னே ட²பெத்வா ததா²க³தங் பஸ்ஸந்தி. தத்த² அம்ஹாதி³ஸானங் அப்பேஸக்கா²னங் மாதுகா³மஜாதிகானங் குதோ ஓகாஸோதி த³ஸ்ஸேதி.

மயம்பி ஆக³ச்செ²ய்யாமாதி இத³ங் ஸா தே³வதா “ஸசேபி சக்கவாளங் பூரெத்வா பரிஸா நிஸின்னா ஹோதி, மஹதியா பு³த்³த⁴வீதி²யா ஸத்து² ஸந்திகங் க³ந்துங் லப⁴தீ”தி ஞத்வா ஆஹ. புச்ச² பி⁴க்கு², புச்ச² பி⁴க்கூ²தி தி²ரகரணவஸேன ஆமேடி³தங் கதங்.

அக்கெ²ய்யஸஞ்ஞினோதி எத்த² “தே³வோ, மனுஸ்ஸோ, க³ஹட்டோ², பப்³புஜிதோ, ஸத்தோ, புக்³க³லோ, திஸ்ஸோ, பு²ஸ்ஸோ”திஆதி³னா நயேன அக்கெ²ய்யதோ ஸப்³பே³ஸங் அக்கா²னானங் ஸப்³பா³ஸங் கதா²னங் வத்து²பு⁴ததோ பஞ்சக்க³ந்தா⁴ “அக்கெ²ய்யா”தி வுச்சந்தி. “ஸத்தோ நரோ போஸோ புக்³க³லோ இத்தீ² புரிஸோ”தி ஏவங் ஸஞ்ஞா ஏதேஸங் அத்தீ²தி ஸஞ்ஞினோ, அக்கெ²ய்யெஸ்வேவ ஸஞ்ஞினோதி அக்கெ²ய்யஸஞ்ஞினோ, பஞ்சஸு க³ந்தே⁴ஸு ஸத்தபுக்³க³லாதி³ஸஞ்ஞினோதி அத்தோ².

அக்கெ²ய்யஸ்மிங் பதிட்டி²தாதி பஞ்சஸு க³ந்தே⁴ஸு அட்ட²ஹாகாரேஹி பதிட்டி²தா. ரத்தோ ஹி ராக³வஸேன பதிட்டி²தோ ஹோதி, து³ட்டோ² தோ³ஸ்வஸேன, மூள்ஹோ மோஹவஸேன, பராமட்டோ² தி³ட்டி²வஸேன, தா²மக³தோ அனுஸயவஸேன, வினிபத்³தோ⁴ மானவஸேன, அனிட்ட²ங்க³தோ

விசிகிச்சா²வஸேன, விக்²பக்³தோ உத்³த⁴ச்சவஸேன பதிட்டி²தோ ஹோதி.
அக்²ய்யங் அபரிஞ்ஞாயாதி பஞ்சக்க²ந்தே⁴ தீஹி பரிஞ்ஞாஹி
அபரிஜானித்வா. யோக³மாயந்தி மச்சனோதி மச்சனோ யோக³ங் பயோக³ங்
பக்கே²பங் உபக்கே²பங் உபக்கமங் அப³ப⁴ந்தரங் ஆக³ச்சந்தி, மரணவஸங்
க³ச்சந்தீதி அத்தோ². ஏவமிமாய கா³தா²ய காலிகா காமா கதி²தா.

பரிஞ்ஞாயாதி ஞாதபரிஞ்ஞா, தீரணபரிஞ்ஞா, பஹானபரிஞ்ஞாதி இமாஹி
தீஹி பரிஞ்ஞாஹி பரிஜானித்வா. தத்த² கதமா ஞாதபரிஞ்ஞா? பஞ்சக்க²ந்தே⁴
பரிஜானாதி - “அயங் ரூபக்க²ந்தோ⁴, அயங் வேத³னாக்க²ந்தோ⁴, அயங்
ஸஞ்ஞாக்க²ந்தோ⁴, அயங் ஸங்கா²ரக்க²ந்தோ⁴, அயங் விஞ்ஞாணக்க²ந்தோ⁴,
இமானி தேஸங் லக்க²ணரஸபச்சபட்டா²னபத்³ட்டா²னானீ²தி, அயங்
ஞாதபரிஞ்ஞா. கதமா தீரணபரிஞ்ஞா? ஏவங் ஞாதங் கத்வா பஞ்சக்க²ந்தே⁴
தீரேதி அனிச்சதோ து³க்க²தோ ரோக³தோதி த்வாசத்தாலீஸாய ஆகாரேஹி.
அயங் தீரணபரிஞ்ஞா. கதமா பஹானபரிஞ்ஞா? ஏவங் தீரயித்வா
அக்³மக்³கே³ன பஞ்சஸு க²ந்தே⁴ஸு சந்த³ராக³ங் பஜஹதி. அயங்
பஹானபரிஞ்ஞா.

அக்கா²தாரங் ந மஞ்ஞதீதி ஏவங் தீஹி பரிஞ்ஞாஹி பஞ்சக்க²ந்தே⁴
பரிஜானித்வா கீ²ணாஸவோ பி⁴க்கு² அக்கா²தாரங் புக³க³லங் ந மஞ்ஞதி.
அக்கா²தாரந்தி கம்மவஸேன காரணங் வேதி³தப்³பங், அக்கா²தப்³பங்
கதே²தப்³பங் புக³க³லங் ந மஞ்ஞதி, ந பஸ்ஸதீதி அத்தோ². கிந்தி
அக்கா²தப்³பந்தி? “திஸ்ஸோ”தி வா “புஸ்ஸோ”தி வா ஏவங் யேன கேனசி
நாமேன வா கொ³த்தேன வா பகாஸேதப்³பங். தஞ்ஹி தஸ்ஸ ந ஹோதீதி
தங் தஸ்ஸ கீ²ணாஸவஸ்ஸ ந ஹோதி. யேன நங் வஜ்ஜாதி யேன நங்
“ராகே³ன ரத்தோ”தி வா “தோ³ஸேன து³ட்டோ²”தி வா “மோஹேன
மூள்ஹோ”தி வாதி கோசி வதே³ய்ய, தங் காரணங் தஸ்ஸ கீ²ணாஸவஸ்ஸ
நத்தி².

ஸசே விஜானாஸி வதே³ஹீதி ஸசே ஏவரூபங் கீ²ணாஸவங் ஜானாஸி,
“ஜானாமீ”தி வதே³ஹி. நோ சே ஜானாஸி, அத² “ந ஜானாமீ”தி வதே³ஹி.
யக்கா²தி தே³வதங் ஆலபந்தோ ஆஹ. இதி இமாய கா³தா²ய ஸந்தி³ட்டி²கோ
நவவிதோ⁴ லோகுத்தரத⁴ம்மோ கதி²தோ. ஸாதூ⁴தி ஆயாசனத்தே²
நிபாதோ.

யோ மஞ்ஞதீதி யோ அத்தானங் “அஹங் ஸமோ”தி வா “விஸேஸீ”தி வா
“நிஹீனோ”தி வா மஞ்ஞதி. ஏதேன “ஸெய்யோஹமஸ்மீ”திஆத³யோ தயோ
மானா க³ஹிதாவ. தேஸு க³ஹிதேஸு நவ மானா க³ஹிதாவ ஹோந்தி. ஸோ
விவதே³த² தேனாதி ஸோ புக³க³லோ தேனேவ மானேன யேன கேனசி
புக³க³லேன ஸத்³தி⁴ங் - “கேன மங் த்வங் பாபுணாஸி, கிங் ஜாதியா

பாபுணாஸி, உதாஹு கொத்தேன, குலபதேஸேன, வண்ணபொக்கரதாய, பாஹுஸச்சேன, துத்தகுணேனாதி ஏவங் விவதெய்ய. இதி இமாயபி உபட்ல்காதாய காலிகா காமா கதிதா.

தீஸு விதாஸுதி தீஸு மானேஸு. “ஏகவிதேன ரூபஸங்கஹோதிஆதீஸு (த. ஸ. 584) ஹி கொட்டாஸோ “விதோ”தி வுத்தோ. “கதங்விதங் ஸீலவந்தங் வதந்தி, கதங்விதங் பஞ்ஞவந்தங் வதந்தி”திஆதீஸு (ஸங். நி. 1.95) ஆகாரோ. “திஸ்ஸோ இமா, பிக்குவே, விதா. கதமா திஸ்ஸோ ? ஸெய்யோஹமஸ்மீதி விதா, ஸதிஸ்ஸோஹமஸ்மீதி விதா, ஹீனோஹமஸ்மீதி விதா”திஆதீஸு (ஸங். நி. 5.162) மானோ “விதா”தி வுத்தோ. இதாபி மானோவ. தேன வுத்தங் “தீஸு விதாஸுதி தீஸு மானேஸு”தி. **அவிகம்பமானோதி** ஸோ புகுலோ ஏதேஸு ஸங்கேபதோ தீஸு , வித்தாரதோ நவஸு மானேஸு ந கம்பதி, ந சலதி. **ஸமோ விஸேஸீதி ந தஸ்ஸ ஹோதீதி** தஸ்ஸ பஹீனமானஸ்ஸ கீணாஸவஸ்ஸ “அஹங் ஸதிஸ்ஸோ”தி வா “ஸெய்யோ”தி வா “ஹீனோ”தி வா ந ஹோதீதி தஸ்ஸேதி. பச்சிம்பதங் வுத்தனயமேவ. இதி இமாயபி உபட்ல்காதாய நவவிதோ ஸந்தித்திகோ லோகுத்தரதம்மோ கதிதோ.

பஹாஸி ஸங்கந்தி, “படிஸங்கா யோனிஸோ ஆஹாரங் ஆஹாரேதி”திஆதீஸு (ஸங். நி. 4.120, 239) பஞ்ஞா “ஸங்கா”தி ஆகதா. “அத்தி தே கோசி கண்கோ வா முத்திகோ வா ஸங்காயகோ வா, யோ பஹோதி கங்காய வாலுகங் கணேது”ந்தி (ஸங். நி. 4.410) எத்த கணனா. “ஸஞ்ஞானிதாநா ஹி பபஞ்சஸங்கா”திஆதீஸு (ஸு. நி. 880) கொட்டாஸோ. “யா தேஸங் தேஸங் தம்மானங் ஸங்கா ஸமஞ்ஞா”தி (த. ஸ. 1313-1315) எத்த பண்ணத்தி “ஸங்கா”தி ஆகதா. இதாபி அயமேவ அதிப்பேதா. **பஹாஸி ஸங்கந்தி** பதஸ்ஸ ஹி அயமேவத்தோ - ரத்தோ துட்டோ மூள்ஹோ இதி இமங் பண்ணத்திங் கீணாஸவோ பஹாஸி ஜஹி பஜஹீதி.

ந விமானமஜ்ஜகாதி நவபேதங் திவிதமானங் ந உபகதோ. நிவாஸட்டேன வா மாதுகுச்சி “விமான”ந்தி வுச்சதி, தங் ஆயதிங் படிஸந்திவஸேன ந உபகச்சீதிபி அத்தோ. அனாகத்ததே அதீதவசனங். **அச்சேச்சீதி** சிந்தி. சின்னகந்தந்தி சத்தாரோ கந்தே சிந்தித்வா திதங். **அனீகந்தி** நித்துக்கங். **நிராஸந்தி** நித்தணஹங். **பரியேஸமானாதி** ஓலோகயமானா. **நாஜ்ஜகமுந்தி** ந அதிகச்சந்தி ந விந்தந்தி ந பஸ்ஸந்தி. வத்தமானத்தே அதீதவசனங். இத வா ஹுரங் வாதி இதலோகே வா பரலோகே வா. **ஸப்பனிவேஸனேஸுதி** தயோ பவா, சதஸ்ஸோ யோனியோ, பஞ்ச கதியோ, ஸத்த விஞ்ஞாண்டிதியோ, நவ ஸத்தாவாஸா, இதி இமேஸுபி ஸப்பேஸு ஸத்தனிவேஸனேஸு ஏவரூபங் கீணாஸவங்

காயஸ்ஸ பே⁴தா³ உப்பஜ்ஜமானங் வா உப்பன்னங் வா ந பஸ்ஸந்தீதி
அத்தோ². இமாய கா³தா²ய ஸந்தி³ட்டி²கங் லோகுத்தரத⁴ம்மமேவ கதே²ஸி.

இமஞ்ச கா³த²ங் ஸுத்வா ஸாபி தே³வதா அத்த²ங் ஸல்லக்கே²ஸி, தேனேவ
காரணேன இமஸ்ஸ க்வாஹங், ப⁴ந்தேதிஆதி³மாஹ. தத்த² பாபங் ந
கயிராதி கா³தா²ய த³ஸகுஸலகம்மபத²வஸேனபி கதே²துங் வட்டதி
அட்ட²ங்கி³கமக்³வஸேனபி. த³ஸகுஸலகம்மபத²வஸேன தாவ வசஸாதி
சதுப்³பி³த⁴ங் வசீஸுசரிதங் க³ஹிதங். மனஸாதி திவித⁴ங் மனோஸுசரிதங்
க³ஹிதங். காயேன வா கிஞ்சன ஸப்³புலோகேதி திவித⁴ங் காயஸுசரிதங்
க³ஹிதங். இமே தாவ த³ஸகுஸலகம்மபத²த⁴ம்மா ஹொந்தி. காமே
பஹாயாதி இமினா பன காமஸுக²ல்லிகானுயோகோ³ படிக்கித்தோ. ஸதிமா
ஸம்பஜானோதி இமினா த³ஸகுஸலகம்மபத²காரணங் ஸதிஸம்பஜஞ்ஞங்
க³ஹிதங். து³க்க²ங் ந ஸேவேத² அனத்த²ஸங்ஹிதந்தி இமினா
அத்தகிலமதா²னுயோகோ³ படிஸித்தோ⁴. இதி தே³வதா “உபோ⁴ அந்தே
விவஜ்ஜெத்வா காரணேஹி ஸதிஸம்பஜஞ்ஞேஹி ஸத்³தி⁴ங்
த³ஸகுஸலகம்மபத²த⁴ம்மே தும்ஹேஹி கதி²தே ஆஜானாமி ப⁴க³வா”தி
வத்³தி.

அட்ட²ங்கி³கமக்³வஸேன பன அயங் நயோ - தஸ்மிங் கிர டா²னே மஹதீ
த⁴ம்மதே³ஸனா அஹொஸி. தே³ஸனாபரியோஸானே தே³வதா யதா²டா²னே
டி²தாவ தே³ஸனானுஸாரேன ஞாணங் பேஸெத்வா ஸோதாபத்திப²லே
பதிட்டா²ய அத்தனா அதி⁴க³தங் அட்ட²ங்கி³கங் மக்³க³ங் த³ஸ்ஸெந்தீ
ஏவமாஹ. தத்த² வசஸாதி ஸம்மாவாசா க³ஹிதா, மனோ பன அங்க³ங் ந
ஹொதீதி மனஸாதி மக்³க³ஸம்பயுத்தகங் சித்தங் க³ஹிதங். காயேன வா
கிஞ்சன ஸப்³புலோகேதி ஸம்மாகம்மந்தோ க³ஹிதோ, ஆஜீவோ பன
வாசாகம்மந்தபக்கி²கத்தா க³ஹிதோவ ஹொதி. ஸதிமாதி இமினா
வாயாமஸதிஸமாத⁴யோ க³ஹிதா. ஸம்பஜானோதிபதே³ன
ஸம்மாதி³ட்டி²ஸம்மாஸங்கப்பா. காமே பஹாய, து³க்க²ங் ந
ஸேவேதா²திபத³த்³வயேன அந்தத்³வயவஜ்ஜனங். இதி இமே த்³வே அந்தே
அனுபக³ம்ம மஜ்ஜி²மங் படிபத³ங் தும்ஹேஹி கதி²தங், ஆஜானாமி ப⁴க³வாதி
வத்வா ததா²க³தங் க³ந்த⁴மாலாதீ³ஹி பூஜெத்வா பத³க்கி²ணங் கத்வா பக்காமீதி.

ஸமித்³தி⁴ஸுத்தவண்ணனா நிட்டி²தா.

நந்த³னவக்³கோ³ து³தியோ.

3. ஸத்திவக்³கோ³

1. ஸத்திஸுத்தவண்ணனா

21. ஸத்திவக்³க்³ஸ்ஸ பட²மே ஸத்தியாதி தே³ஸனாஸ்ஸமேதங்.
 ஏகதோகா²ராதி³னா ஸத்தே²னாதி அத்தோ². ஓமட்டோ²தி பஹதோ. சத்தாரோ
 ஹி பஹாரா ஓமட்டோ² உம்மட்டோ² மட்டோ² விமட்டோ²தி. தத்த² உபரி
 ட²த்வா அதோ⁴முக²ங் தி³ன்னபஹாரோ ஓமட்டோ² நாம; ஹெட்டா² ட²த்வா
 உத்³த⁴ங்முக²ங் தி³ன்னோ உம்மட்டோ² நாம; அக்³க்³ளஸூசி விய
 வினிவிஜ்ஜி²த்வா க³தோ மட்டோ² நாம; ஸேஸோ ஸப்³போ³பி விமட்டோ² நாம.
 இமஸ்மிங் பன டா²னே ஓமட்டோ² க³ஹிதோ. ஸோ ஹி ஸப்³புதா³ருணோ
 து³ருத்³த⁴ரஸல்லோ து³த்திகிச்சோ² அந்தோதோ³ஸோ
 அந்தோபுப்³புலோஹிதோவ ஹோதி , புப்³புலோஹிதங் அனிக்க²மித்வா
 வணமுக²ங் பரியோனந்தி⁴த்வா திட்ட²தி. புப்³புலோஹிதங் நிறுரிதுகாமேஹி
 மஞ்சேன ஸத்³தி⁴ங் பந்தி⁴த்வா அதோ⁴ஸிரோ காதப்³போ³ ஹோதி, மரணங்
 வா மரணமத்தங் வா து³க்க²ங் பாபுணாதி. பரிப்³புஜேதி விஹரெய்ய.

இமாய கா³தா²ய கிங் கதே²தி? யதா² ஸத்தியா ஓமட்டோ² புரிஸோ
 ஸல்லுப்³புஹன-வணதிகிச்ச²னானங் அத்தா²ய வீரியங் ஆரப⁴தி, பயோக³ங்
 கரோதி பரக்கமதி. யதா² ச ட³ய்ஹமானோ மத்த²கே ஆதி³த்தஸீஸோ தஸ்ஸ
 நிப்³பா³பனத்தா²ய வீரியங் ஆரப⁴தி, பயோக³ங் கரோதி பரக்கமதி, ஏவமேவ
 பி⁴க்கு² காமராக³ங் பஹானாய ஸதோ அப்பமத்தோ ஹுத்வா விஹரெய்ய
 ப⁴க³வாதி கதே²ஸி.

அத² ப⁴க³வா சிந்தேஸி - இமாய தே³வதாய உபமா தாவ த³ள்ஹங் கத்வா
 ஆனீதா, அத்த²ங் பன பரித்தகங் க³ஹெத்வா டி²தா, புனப்புனங் கதெ²ந்தீபி
 ஹேஸா காமராக³ஸ்ஸ விக்க²ம்ப⁴னபஹானமேவ கதெ²ய்ய. யாவ ச
 காமராகோ³ மக்³கே³ன ந ஸமுக³கா⁴டியதி, தாவ அனுப³த்³தோ⁴வ ஹோதி.
 இதி தமேவ ஒபம்மங் க³ஹெத்வா பட²மமக்³க்³வஸேன தே³ஸனங்
 வினிவட்டெத்வா தே³ஸெந்தோ து³தியங் கா³த²மாஹ. தஸ்ஸத்தோ²
 புரிமானுஸாரேனேவ வேதி³தப்³போ³தி. பட²மங்.

2. பு²ஸதிஸுத்தவண்ணனா

22. து³தியே நாபு²ஸந்தங் பு²ஸதீதி கம்மங் அபு²ஸந்தங் விபாகோ ந பு²ஸதி,
 கம்மமேவ வா அபு²ஸந்தங் கம்மங் ந பு²ஸதி. கம்மஞ்ஹி நாகரோதோ கரியதி.
 பு²ஸந்தஞ்ச ததோ பு²ஸேதி கம்மங் பு²ஸந்தங் விபாகோ பு²ஸதி, கம்மமேவ
 வா பு²ஸதி. கம்மஞ்ஹி கரோதோ கரியதி. தஸ்மா பு²ஸந்தங் பு²ஸதி,
 அப்பது³ட்ட²பதோ³ஸினந்தி யஸ்மா ந அபு²ஸந்தங் பு²ஸதி, பு²ஸந்தஞ்ச பு²ஸதி,
 அயங் கம்மவிபாகானங் த⁴ம்மதா, தஸ்மா யோ “அப்பது³ட்ட²ஸ்ஸ நரஸ்ஸ
 து³ஸ்ஸதி, ஸுத்³த⁴ஸ்ஸ போஸஸ்ஸ அனங்க³ணஸ்ஸா”தி ஏவங் வுத்தோ
 அப்பது³ட்ட²பதோ³ஸீ புக்³க்³லோ, தங் புக்³க்³லங் கம்மங் பு²ஸந்தமேவ கம்மங்
 பு²ஸதி, விபாகோ வா பு²ஸதி. ஸோ ஹி பரஸ்ஸ உபகா⁴தங் காதூங்

ஸக்கோதி வா மா வா, அத்தா பனானேன சதுஸு அபாயேஸு ட²பிதோ நாம ஹோதி. தேனாஹ ப்⁴க³வா - “தமேவ பா³லங் பச்சேதி பாபங், ஸுகு²மோ ரஜோ படிவாதங்வ கி²த்தோ”தி. து³தியங்.

3. ஜடாஸுத்தவண்ணனா

23. ததியே அந்தோஜடாதி கா³தா²யங் ஜடாதி தண்ஹாய ஜாலினியா அதி⁴வசனங். ஸா ஹி ரூபாதீ³ஸு ஆரம்மணேஸு ஹெட்டு²பரியவஸேன புனப்புனங் உப்பஜ்ஜனதோ ஸங்ஸிப்³புனட்டே²ன வேளுகு³ம்பா³தீ³னங் ஸாகா²ஜாலஸங்கா²தா ஜடா வியாதி ஜடா. ஸா பனேஸா ஸகபரிக்கா²ரபரபரிக்கா²ரேஸு ஸகஅத்தபா⁴வ-பரஅத்தபா⁴வேஸு அஜ்ஜ²த்திகாயதன-பா³ஹிராயதனேஸு ச உப்பஜ்ஜனதோ அந்தோஜடா ப³ஹிஜடாதி வச்சதி. தாய ஏவங் உப்பஜ்ஜமானாய ஜடாய ஜடிதா பஜா. யதா² நாம வேளுஜடாதீ³ஹி வேளுஆத³யோ, ஏவங் தாய தண்ஹாஜடாய ஸப்³பா³பி அயங் ஸத்தனிகாயஸங்கா²தா பஜா ஜடிதா வினத்³தா⁴, ஸங்ஸிப்³பி³தாதி அத்தோ². யஸ்மா ச ஏவங் ஜடிதா, தங் தங் கோ³தம புச்சா²மீதி தஸ்மா தங் புச்சா²மி. கோ³தமாதி ப்⁴க³வந்தங் கொ³த்தேன ஆலபதி. கோ இமங் விஜடயே ஜடந்தி இமங் ஏவங் தேதா⁴துகங் ஜடெத்வா டி²தங் ஜடங் கோ விஜடெய்ய, விஜடேதுங் கோ ஸமத்தோ²தி புச்ச²தி.

அத²ஸ்ஸ ப்⁴க³வா தமத்த²ங் விஸ்ஸஜ்ஜெந்தோ ஸீலே பதிட்டா²யாதிஆதி³மாஹ. தத்த² ஸீலே பதிட்டா²யாதி சதுபாரிஸுத்³தி⁴ஸீலே ட²த்வா. எத்த² ச ப்⁴க³வா ஜடாவிஜடனங் புச்சி²தோ ஸீலங் ஆரப⁴ந்தோ ந “அஞ்ஞங் புட்டோ² அஞ்ஞங் கதே²தீ”தி வேதி³தப்³போ³. ஜடாவிஜடகஸ்ஸ ஹி பதிட்டா²த³ஸ்ஸனத்த²மெத்த² ஸீலங் கதி²தங்.

நரோதி ஸத்தோ. ஸபஞ்ஞோதி கம்மஜதிஹேதுகபடிஸந்தி⁴பஞ்ஞாய பஞ்ஞவா. சித்தங் பஞ்ஞஞ்ச பா⁴வயந்தி ஸமாதி⁴ஞ்சேவ விபஸ்ஸனஞ்ச பா⁴வயமானோ. சித்தஸீஸேன ஹெத்த² அட்ட² ஸமாபத்தியோ கதி²தா, பஞ்ஞானாமேன விபஸ்ஸனா. ஆதாபீதி விரியவா. விரியஞ்ஹி கிலேஸானங் ஆதாபனபரிதாபனட்டே²ன “ஆதாபோ”தி வச்சதி, தத³ஸ்ஸ அத்தீ²தி ஆதாபீ. நிபகோதி நேபக்கங் வச்சதி பஞ்ஞா, தாய ஸமன்னாக³தோதி அத்தோ². இமினா பதே³ன பாரிஹாரியபஞ்ஞங் த³ஸ்ஸேதி. பாரிஹாரியபஞ்ஞா நாம “அயங் காலோ உத்³தே³ஸஸ்ஸ, அயங் காலோ பரிபுச்சா²யா”திஆதி³னா நயேன ஸப்³புத்த² காராபிதா பரிஹரிதப்³புபஞ்ஞா. இமஸ்மிஞ்ஹி பஞ்ஹாப்³யாகரணே திக்க²த்துங் பஞ்ஞா ஆக³தா. தத்த² பட²மா ஜாதிபஞ்ஞா, து³தியா விபஸ்ஸனாபஞ்ஞா, ததியா ஸப்³புச்சபரிணாயிகா பாரிஹாரியபஞ்ஞா.

ஸோ இமங் விஜடயே ஜடந்தி ஸோ இமேஹி ஸீலாதீ³ஹி ஸமன்னாக³தோ பி⁴க்கு². யதா² நாம புரிஸோ பத³வியங் பதிட்டா²ய

ஸுனிஸிதங் ஸத்த²ங் உக்கி²பித்வா மஹந்தங் வேருகு³ம்ப³ங் விஜடெய்ய,
 ஏவமேவங் ஸீலே பதிட்டா²ய ஸமாதி⁴ஸிலாயங் ஸுனிஸிதங்
 விபஸ்ஸனாபஞ்ஞாஸத்த²ங் வீரியப³லபக்³க³ஹிதேன
 பாரிஹாரியபஞ்ஞாஹத்தே²ன உக்கி²பித்வா ஸப்³ப³ம்பி தங் அத்தனோ
 ஸந்தானே பதிதங் தண்ஹாஜடங் விஜடெய்ய ஸஞ்சி²ந்தெ³ய்ய
 ஸம்பதா³லெய்யாதி.

எத்தாவதா ஸேக²பூ⁴மிங் கதெ²த்வா இதா³னி ஜடங் விஜடெத்வா டி²தங்
 மஹாகீ²ணாஸவங் த³ஸ்ஸெந்தோ யேஸந்திஆதி³மாஹ. ஏவங் ஜடங்
 விஜடெத்வா டி²தங் கீ²ணாஸவங் த³ஸ்ஸெத்வா புன ஜடாய விஜடனோகாஸங்
 த³ஸ்ஸெந்தோ யத்த² நாமஞ்சாதிஆதி³மாஹ. தத்த² நாமந்தி சத்தாரோ
 அருபினோ க²ந்தா⁴. படிக⁴ங் ரூபஸஞ்ஞா சாதி எத்த²
 படிக⁴ஸஞ்ஞாவஸேன காமப⁴வோ க³ஹிதோ, ரூபஸஞ்ஞாவஸேன
 ரூபப⁴வோ. தேஸு த்³வீஸு க³ஹிதேஸு அருபப⁴வோ க³ஹிதோவ ஹோதி
 ப⁴வஸங்கே²பேனாதி. எத்தே²ஸா சி²ஜ்ஜதே ஜடாதி எத்த²
 தேபூ⁴மகவட்டஸ்ஸ பரியாதி³யனட்டா²னே ஏஸா ஜடா சி²ஜ்ஜதி, நிப்³பா³னங்
 ஆக³ம்ம சி²ஜ்ஜதி நிருஜ்ஜ²தீதி அயங் அத்தோ² த³ஸ்ஸிதோ ஹோதி. ததியங்.

4. மனோனிவாரணஸுத்தவண்ணனா

24. சதுத்தே² யதோ யதோதி பாபதோ வா கல்யாணதோ வா. அயங் கிர
 தே³வதா “யங்கிஞ்சி குஸலாதி³பே⁴த³ங் லோகியங் வா லோகுத்தரங் வா
 மனோ, தங் நிவாரேதப்³ப³மேவ, ந உப்பாதே³தப்³ப³”ந்தி ஏவங்லத்தி⁴கா . ஸ
 ஸப்³ப³தோதி ஸோ ஸப்³ப³தோ. அத² ப⁴க³வா - “அயங் தே³வதா
 அனிய்யானிககத²ங் கதே²தி, மனோ நாம நிவாரேதப்³ப³ம்பி அத்தி²
 பா⁴வேதப்³ப³ம்பி, விப⁴ஜித்வா நமஸ்ஸா த³ஸ்ஸெஸ்ஸாமீ”தி சிந்தெத்வா
 து³தியகா³த²ங் ஆஹ. தத்த² ந மனோ ஸங்யதத்தமாக³தந்தி, யங் வுத்தங் “ந
 ஸப்³ப³தோ மனோ நிவாரயே”தி, கதரங் தங் மனோ, யங் தங் ஸப்³ப³தோ ந
 நிவாரேதப்³ப³ந்தி சே. மனோ ஸங்யதத்தங் ஆக³தங், யங் மனோ யத்த²
 ஸங்யதபா⁴வங் ஆக³தங், “தா³னங் த³ஸ்ஸாமி, ஸீலங்
 ரக்கி²ஸ்ஸாமீ”திஆதி³னா நயேன உப்பன்னங், ஏதங் மனோ ந நிவாரேதப்³ப³ங்,
 அஞ்ஞத³த்து² ப்³ருஹேதப்³ப³ங் வட்³டே⁴தப்³ப³ங். யதோ யதோ ச பாபகந்தி
 யதோ யதோ அகுஸலங் உப்பஜ்ஜதி, ததோ ததோ ச தங் நிவாரேதப்³ப³ந்தி.
 சதுத்த²ங்.

5. அரஹந்தஸுத்தவண்ணனா

25. பஞ்சமே கதாவீதி சதுஹி மக்³கே³ஹி கதகிச்சோ. அஹங் வதா³மீதி
 அயங் தே³வதா வனஸண்ட³வாஸினீ, ஸா ஆரஞ்ஞகானங் பி⁴க்கூ²னங்
 “அஹங் பு⁴ஞ்ஜாமி, அஹங் நிஸீதா³மி, மம பத்தோ, மம

சீவர"ந்திஆதி³கதா²வோஹாரங் ஸுத்வா சிந்தேஸி - "அஹங் இமே பி⁴க்² கீ²ணாஸவா¹தி மஞ்ஞாமி, கீ²ணாஸவானஞ்ச நாம ஏவருபா அத்துபலத்³தி⁴னிஸ்ஸிதகதா² ஹோதி, ந ஹோதி நு கோ²தி ஜானந்த²ங் ஏவங் புச்ச²தி.

ஸாமஞ்ஞந்தி லோகனிருத்திங் லோகவோஹாரங். குஸலோதி க²ந்தா⁴தீ³ஸு குஸலோ. வோஹாரமத்தேனாதி உபலத்³தி⁴னிஸ்ஸிதகதா²ங் ஹித்வா வோஹாரபே⁴த³ங் அகரொந்தோ "அஹங், மமா"தி வதெ³ய்ய. "க²ந்தா⁴ பு⁴ஞ்ஜந்தி, க²ந்தா⁴ நிஸீத³ந்தி, க²ந்தா⁴னங் பத்தோ, க²ந்தா⁴னங் சீவர"ந்தி ஹி வுத்தே வோஹாரபே⁴தோ³ ஹோதி, ந கோசி ஜானாதி. தஸ்மா ஏவங் அவத்வா லோகவோஹாரேன வோஹரதீதி.

அத² தே³வதா - "யதி³ தி³ட்டி²யா வஸேன ந வத³தி, மானவஸேன நு கோ² வத³தீ"தி சிந்தெத்வா புன யோ ஹோதீதி புச்சி². தத்த² மானங் நு கோ²தி ஸோ பி⁴க்² மா²னங் உபக³ந்த்வா மானவஸேன வதெ³ய்ய நு கோ²தி. அத² ப⁴க³வா - "அயங் தே³வதா கீ²ணாஸவங் ஸமானங் விய கரோதீ"தி சிந்தெத்வா, "கீ²ணாஸவஸ்ஸ நவவிதோ⁴பி மானோ பஹீனோ"தி த³ஸ்ஸெந்தோ படிகா³த²ங் ஆஹ. தத்த² விதூ⁴பிதாதி வித⁴மிதா. மானக³ந்த²ஸ்ஸாதி மானா ச க³ந்தா² ச அஸ்ஸ. மஞ்ஞந்தி மஞ்ஞனங். திவித⁴ம்பி தண்ஹா- தி³ட்டி²-மான-மஞ்ஞனங் ஸோ வீதிவத்தோ, அதிக்கந்தோதி அத்தோ². ஸேஸங் உத்தானத்த²மேவாதி. பஞ்சமங்.

6. பஜ்ஜோதஸுத்தவண்ணனா

26. ச²ட்டே² புட்டு²ந்தி புச்சி²துங். கத²ங் ஜானேமூதி கத²ங் ஜானெய்யாம. தி³வாரத்திந்தி தி³வா ச ரத்திஞ்ச. தத்த² தத்தா²தி யத்த² யத்தே²வ பஜ்ஜலிதோ ஹோதி, தத்த² தத்த². ஏஸா ஆபா⁴தி ஏஸா புத்த³தா⁴பா⁴. கதமா பன ஸாதி? ஞாணாலோகோ வா ஹோது பீதிஆலோகோ வா பஸாதா³லோகோ வா த⁴ம்மகதா²ஆலோகோ வா, ஸப்³போ³பி புத்த³தா⁴னங் பாதுபா⁴வா உப்பன்னோ ஆலோகோ புத்த³தா⁴பா⁴ நாம. அயங் அனுத்தரா ஸப்³பு³ஸெட்டா² அஸதி³ஸாதி. ச²ட்ட²ங்.

7. ஸரஸுத்தவண்ணனா

27. ஸத்தமே குதோ ஸரா நிவத்தந்தீதி இமே ஸங்ஸாரஸரா குதோ நிவத்தந்தி, கிங் ஆக³ம்ம நப்பவத்தந்தீதி அத்தோ². ந கா³த⁴தீதி ந பதிட்டா²தி. அதோதி அதோ நிப்பா³னதோ. ஸேஸங் உத்தானத்த²மேவாதி. ஸத்தமங்.

8. மஹத்த⁴னஸுத்தவண்ணனா

28. அட்ட²மே நிதா⁴னக³தங் முத்தஸாராதி³ மஹந்தங் த⁴னமேதேஸந்தி மஹத்³த⁴னா. ஸுவண்ணரஜதபா⁴ஜனாதி³ மஹாபோ⁴கோ³ ஏதேஸந்தி மஹாபோ⁴கா³. அஞ்ஞமஞ்ஞாபி⁴கி³ஜ்ஜ²ந்தீதி அஞ்ஞமஞ்ஞங் அபி⁴கி³ஜ்ஜ²ந்தி பத்தெ²ந்தி பிஹந்தி. அனலங்கதாதி அதித்தா அபரியத்தஜாதா. உஸ்ஸுக்கஜாதேஸுதி நானாகிச்சஜாதேஸு அனுப்பன்னானங் ரூபாதீ³னங் உப்பாத³னத்தா²ய உப்பன்னானங் அனுப⁴வனத்தா²ய உஸ்ஸுக்கேஸு. ப⁴வஸோதானுஸாரீஸுதி வட்டஸோதங் அனுஸரந்தேஸு. அனுஸ்ஸுகாதி அவாவடா. அகா³ரந்தி மாதுகா³மேன ஸத்³தி⁴ங் கே³ஹங். விராஜியாதி விராஜெத்வா. ஸேஸங் உத்தானமேவாதி. அட்ட²மங்.

9. சதுசக்கஸுத்தவண்ணனா

29. நவமே சதுசக்கந்தி சதுஇரியாபத²ங். இரியாபதோ² ஹி இத⁴ சக்கந்தி அதி⁴ப்பேதோ. நவத்³வாரந்தி நவஹி வணமுகே²ஹி நவத்³வாரங். புண்ணந்தி அஸுசிபூரங். லோபே⁴ன ஸங்யுதந்தி தண்ஹாய ஸங்யுத்தங். கத²ங் யாத்ரா ப⁴விஸ்ஸதீதி ஏதஸ்ஸ ஏவரூபஸ்ஸ ஸரீரஸ்ஸ கத²ங் நிக்³க³மனங் ப⁴விஸ்ஸதி, கத²ங் முத்தி பரிமுத்தி ஸமதிக்கமோ ப⁴விஸ்ஸதீதி புச்ச²தி. நத்³தி⁴ந்தி உபனாஹங், புப்³புகாலே கோதோ⁴, அபரகாலே உபனாஹோதி ஏவங் பவத்தங் ப³லவகோத⁴ந்தி அத்தோ². வரத்தந்தி “செ²த்வா நத்³தி⁴ வரத்தஞ்ச, ஸந்தா³னங் ஸஹனுக்கம”ந்தி கா³தா²ய (த⁴. ப. 398; ஸு. நி. 627) தண்ஹா வரத்தா, தி³ட்டி² ஸந்தா³னங் நாம ஜாதங். இத⁴ பன பாளினித்³தி³ட்டே² கிலேஸே ட²பெத்வா அவஸேஸா “வரத்தா”தி வேதி³தப்³பா³, இதி கிலேஸவரத்தஞ்ச செ²த்வாதி அத்தோ². இச்சா² லோப⁴ந்தி ஏகோயேவ த⁴ம்மோ இச்ச²னட்டே²ன இச்சா², லுப்³ப⁴னட்டே²ன லோபோ⁴தி வுத்தோ. பட²முப்பத்திகா வா துப்³ப³லா இச்சா², அபராபருப்பத்திகோ ப³லவா லோபோ⁴. அலத்³த⁴பத்த²னா வா இச்சா², படிலத்³த⁴வத்து²ம்ஹி லோபோ⁴. ஸமூலங் தண்ஹந்தி அவிஜ்ஜாமூலேன ஸமூலகங் தண்ஹங். அப்³புய்ஹாதி அக்³க³மக்³கே³ன உப்பாடெத்வா. ஸேஸங் உத்தானமேவாதி. நவமங்.

10. ஏணிஜங்க⁴ஸுத்தவண்ணனா

30. த³ஸமே ஏணிஜங்க⁴ந்தி ஏணிமிக³ஸ்ஸ விய ஸுவட்டிதஜங்க⁴ங். கிஸந்தி அதூ²லங் ஸமஸரீரங். அத² வா ஆதபேன மிலாதங் மாலாக³ந்த⁴விலேபனேஹி அனுபப்³ருஹிதஸரீரந்திபி அத்தோ². வீரந்தி வீரியவந்தங். அப்பாஹாரந்தி போ⁴ஜனே மத்தஞ்ஞதாய மிதாஹாரங், விகாலபோ⁴ஜனபடிக்கே²பவஸேன வா பரித்தாஹாரங். அலோலுபந்தி சதுஸு பச்சயேஸு லோலுப்பவிரஹிதங். ரஸதண்ஹாபடிக்கே²போ வா ஏஸ. ஸீஹங்வேகசரங் நாக³ந்தி ஏகசரங் ஸீஹங் விய, ஏகசரங் நாக³ங் விய.

கண்ணவாஸினோ ஹி பமத்தா ஹொந்தி, ஏகசரா அப்பமத்தா, தஸ்மா ஏகசராவ கஹிதாதி. பவேதிதாதி பகாஸிதா கதிதா. எத்தாதி ஏதஸ்மிங் நாமருபே. பஞ்சகாமகுணவஸேன ஹி ரூபங் கஹிதங், மனேன நாமங், உபயேஹி பன அவினிபுத்தம்மே கஹெத்வா பஞ்சக்கந்தாதிவஸேனபெத்த பும்மங் யோஜேதப்பந்தி. தஸ்மங்.

ஸத்திவக்கோ ததியோ.

4. ஸதுல்லபகாயிகவக்கோ

1. ஸப்பிஸுத்தவண்ணனா

31. ஸதுல்லபகாயிகவக்கஸ்ஸ படமே ஸதுல்லபகாயிகாதி ஸதங் தம்மங் ஸமாதானவஸேன உல்லபெத்வா ஸக்கே நிப்பத்தாதி ஸதுல்லபகாயிகா. தத்ரிதங் வத்து - ஸம்பஹுலா கிர ஸமுத்த்வாணிஜா நாவாய ஸமுத்தங் பக்கந்திங்ஸு. தேஸங் கித்தஸரவேகேன கச்சந்தியா நாவாய ஸத்தமே திவஸே ஸமுத்தமஜ்ஜே மஹந்தங் உப்பாதிகங் பாதுபுதங், மஹாணமியோ உட்டஹித்வா நாவங் உதகஸ்ஸ பூரெந்தி. நாவாய நிமுஜ்ஜமானாய மஹாஜனோ அத்தனோ அத்தனோ தேவதானங் நாமானி கஹெத்வா ஆயாசனாதீனி கரொந்தோ பரிதேவி. தேஸங் மஜ்ஜே ஏகோ புரிஸோ - “அத்தி நு கோ மே ஏவருபே பயே பதிட்டா”தி ஆவஜ்ஜெந்தோ அத்தனோ பரிஸுத்தாநி ஸரணானி சேவ ஸீலானி ச திஸ்வா யோகீ விய பல்லங்கங் ஆபுஜித்வா நிஸீதி. தமேனங் இதரே ஸபயகாரணங் புச்சிங்ஸு. ஸோ தேஸங் கதேஸி - “அம்போ அஹங் நாவங் அபிருஹனதிவஸே பிக்குஸங்கஸ்ஸ தானங் தத்வா ஸரணானி சேவ ஸீலானி ச அக்கஹேஸிங், தேன மே பயங் நத்தி”தி. கிங் பன ஸாமி ஏதானி அஞ்ஞேஸம்பி வத்தந்திதி? ஆம வத்தந்திதி தேன ஹி அம்ஹாகம்பி தேதாதி. ஸோ தே மனுஸ்ஸே ஸதங் ஸதங் கத்வா ஸத்த கொட்டாஸே அகாஸி, ததோ பஞ்சஸீலானி அதாஸி. தேஸு படமங் ஜங்கஸதங் கொப்பகமத்தே உதகே டிதங் அக்கஹேஸி, துதியங் ஜாணுமத்தே, ததியங் கடிமத்தே, சதுத்தங் நாபிமத்தே, பஞ்சமங் தனமத்தே, சட்டங் கலப்பமானே, ஸத்தமங் முகேன லோணோதகே பவிஸந்தே அக்கஹேஸி. ஸோ தேஸங் ஸீலானி தத்வா - “அஞ்ஞங் தும்ஹாகங் படிஸரணங் நத்தி, ஸீலமேவ ஆவஜ்ஜேதா”தி உக்கோஸேஸி. தானி ஸத்தபி ஜங்கஸதானி தத்த காலங் கத்வா ஆஸன்னகாலே கஹிதஸீலங் நிஸ்ஸாய தாவதிங்ஸபவனே நிப்பத்திங்ஸு, தேஸங் கடாவஸேனேவ விமானானி நிப்பத்திங்ஸு. ஸப்பேஸங் மஜ்ஜே ஆசரியஸ்ஸ யோஜனஸதிகங் ஸுவண்ணவிமானங் நிப்பத்தி, அவஸேனானி தஸ்ஸ பரிவாரானி ஹுத்வா ஸப்பஹெட்டிமங் த்வாதஸயோஜனிகங் அஹொஸி.

தே நிப்³ப³த்தக்க²னேயேவ கம்மங் ஆவஜ்ஜெந்தா ஆசரியங் நிஸ்ஸாய
ஸம்பத்திலாப⁴ங் ஞத்வா, “க³ச்சா²ம தாவ, த³ஸப³லஸ்ஸ ஸந்திகே
அம்ஹாகங் ஆசரியஸ்ஸ வண்ணங் கதெ²ய்யாமா”தி மஜ்ஜி²மயாமஸமனந்தரே
ப⁴க³வந்தங் உபஸங்கமிங்ஸு, தா தே³வதா ஆசரியஸ்ஸ
வண்ணப⁴ணனத்த²ங் ஏகேகங் கா³த²ங் அபா⁴ஸிங்ஸு.

தத்த² ஸப்³பி⁴ரேவாதி பண்டி³தேஹி, ஸப்புரிஸேஹி ஏவ. ர-காரோ
பத³ஸந்தி⁴கரோ. ஸமாஸேதா²தி ஸஹ நிஸீதெ³ய்ய. தே³ஸனாஸீஸமேவ
சேதங், ஸப்³ப³இரியாபதே² ஸப்³பி⁴ரேவ ஸஹ குப்³பெ³ய்யாதி அத்தோ².
குப்³பே³தா²தி கரெய்ய. ஸந்த²வந்தி மித்தஸந்த²வங். தண்ஹாஸந்த²வோ பன ந
கேனசி ஸத்³தி⁴ங் காதப்³போ³, மித்தஸந்த²வோ பு³த்³த⁴-பச்சேகபு³த்³த⁴-
பு³த்³த⁴ஸாவகேஹி ஸஹ காதப்³போ³. இத³ங் ஸந்தா⁴யேதங் வுத்தங்.
ஸதந்தி பு³த்³தா⁴தீ³னங் ஸப்புரிஸானங். ஸத்³த⁴ம்மந்தி
பஞ்சஸீலத³ஸஸீஸசதுஸதிபட்டா²னாதி³பே⁴த³ங் ஸத்³த⁴ம்மங், இத⁴ பன
பஞ்சஸீலங் அதி⁴ப்பேதங். ஸெய்யோ ஹோதீதி வட்³டி⁴ ஹோதி. ந
பாபியோதி லாமகங் கிஞ்சி ந ஹோதி. நாஞ்ஞதோதி வாலிகாதீ³ஹி
தேலாதீ³னி விய அஞ்ஞதோ அந்த⁴பா³லதோ பஞ்ஞா நாம ந லப்³ப⁴தி,
திலாதீ³ஹி பன தேலாதீ³னி விய ஸதங் த⁴ம்மங் ஞத்வா பண்டி³தமேவ
ஸேவந்தோ ப⁴ஜந்தோ லப⁴தீதி. ஸோகமஜ்ஜே²தி ஸோகவத்தூ²னங்
ஸோகானுக³தானங் வா ஸத்தானங் மஜ்ஜ²க³தோ ந ஸோசதி
ப³ந்து⁴லமல்லஸேனாபதிஸ்ஸ உபாஸிகா விய, பஞ்சன்னங் சோரஸதானங்
மஜ்ஜே² த⁴ம்மஸேனாபதிஸ்ஸ ஸத்³தி⁴விஹாரிகோ ஸங்கிச்சஸாமணேரோ
விய ச.

ஞாதிமஜ்ஜே² விரோசதீதி ஞாதிக³ணமஜ்ஜே² ஸங்கிச்சதே²ரஸ்ஸ
ஸத்³தி⁴விஹாரிகோ அதி⁴முத்தகஸாமணேரோ விய ஸோப⁴தி. ஸோ கிர
தே²ரஸ்ஸ பா⁴கி³னெய்யோ ஹோதி, அத² நங் தே²ரோ ஆஹ - “ஸாமணேர,
மஹல்லகோஸி ஜாதோ, க³ச்ச², வஸ்ஸானி புச்சி²த்வா ஏஹி,
உபஸம்பாதெ³ஸ்ஸாமி த”ந்தி. ஸோ “ஸாதூ⁴”தி தே²ரங் வந்தி³த்வா
பத்தசீவரமாதா³ய சோரஅடவியா ஓரபா⁴கே³ ப⁴கி³னிகா³மங் க³ந்த்வா
பிண்டா³ய சரி, தங் ப⁴கி³னீ தி³ஸ்வா வந்தி³த்வா கே³ஹே நிஸீதா³பெத்வா
போ⁴ஜேஸி. ஸோ கதப⁴த்தகிச்சோ வஸ்ஸானி புச்சி². ஸா “அஹங் ந
ஜானாமி, மாதா மே ஜானாதீ”தி ஆஹ. அத² ஸோ “திட்ட²த² தும்ஹே, அஹங்
மாதுஸந்திகங் க³மிஸ்ஸாமீ”தி அடவிங் ஓதிண்ணோ. தமேனங் தூ³ரதோவ
சோரபுரிஸோ தி³ஸ்வா சோரானங் ஆரோசேஸி. சோரா “ஸாமணேரோ கிரேகோ
அடவிங் ஓதிண்ணோ, க³ச்ச²த² நங் ஆனேதா²”தி ஆணாபெத்வா ஏகச்சே “மாரேம
ந”ந்தி ஆஹங்ஸு, ஏகச்சே விஸ்ஸஜ்ஜேமாதி. ஸாமணேரோ சிந்தேஸி -
“அஹங் ஸேகோ² ஸகரணீயோ, இமேஹி ஸத்³தி⁴ங் மந்தெத்வா

ஸொத்தி²மத்தானங் கரிஸ்ஸாமீ¹தி சோரஜெட்ட²கங் ஆமந்தெத்வா, “உபமங் தே, ஆவுஸோ, கரிஸ்ஸாமீ¹தி இமா கா³தா² அபா⁴ஸி -

“அஹு அதீதமத்³தா⁴னங், அரஞ்ஞஸ்மிங் ப்³ரஹாவனே;
சேதோ கூடானி ஒட்³டெ³த்வா, ஸஸகங் அவதீ⁴ ததா³.

“ஸஸகஞ்ச மதங் தி³ஸ்வா, உப்³பி³க்³கா³ மிக³பக்கி²னோ;
ஏகரத்திங் அபக்காமுங், ‘அகிச்சங் வத்ததே இத⁴’.

“ததே²வ ஸமணங் ஹந்த்வா, அதி⁴முத்தங் அகிஞ்சனங்;
அத்³தி⁴கா நாக³மிஸ்ஸந்தி, த⁴னஜானி ப⁴விஸ்ஸதீ¹தி.

“ஸச்சங் கோ² ஸமணோ ஆஹ, அதி⁴முத்தோ அகிஞ்சனோ;
அத்³தி⁴கா நாக³மிஸ்ஸந்தி, த⁴னஜானி ப⁴விஸ்ஸதி.

“ஸசே படிபதே² தி³ஸ்வா, நாரோசெஸ்ஸஸி கஸ்ஸசி;
தவ ஸச்சமனுரக்க²ந்தோ, க³ச்ச² ப⁴ந்தே யதா²ஸுக²ந்தி.

ஸோ தேஹி சோரேஹி விஸ்ஸஜ்ஜிதோ க³ச்ச²ந்தோ ஞாதயோபி தி³ஸ்வா
தேஸம்பி ந ஆரோசேஸி. அத² தே அனுப்பத்தே சோரா க³ஹெத்வா
விஹேட²யிங்ஸு, உரங் பஹரித்வா பரிதே³வமானஞ்சஸ்ஸ மாதரங் சோரா
ஏதத³வோசங் -

“கிங் தே ஹோதி அதி⁴முத்தோ, உத³ரே வஸிகோ அஸி;
புட்டா² மே அம்ம அக்கா²ஹி, கத²ங் ஜானேமு தங் மய¹ந்தி.

“அதி⁴முத்தஸ்ஸ அஹங் மாதா, அயஞ்ச ஜனகோ பிதா;
ப⁴கி³னீ பா⁴தரோ சாபி, ஸப்³பே³வ இத⁴ ஞாதயோ.

“அகிச்சகாரீ அதி⁴முத்தோ, யங் தி³ஸ்வா ந நிவாரயே;
ஏதங் கோ² வத்தங் ஸமணானங், அரியானங் த⁴ம்மஜீவினங்.

“ஸச்சவாதீ³ அதி⁴முத்தோ, யங் தி³ஸ்வா ந நிவாரயே;
அதி⁴முத்தஸ்ஸ ஸுசிண்ணேன, ஸச்சவாதி³ஸ்ஸ பி⁴க்கு²னோ;
ஸப்³பே³வ அப⁴யங் பத்தா, ஸொத்தி²ங் க³ச்ச²ந்து ஞாதயோ¹தி.

ஏவங் தே சோரேஹி விஸ்ஸஜ்ஜிதா க³ந்த்வா அதி⁴முத்தங் ஆஹங்ஸு -

“தவ தாத ஸுசிண்ணேன, ஸச்சவாதி³ஸ்ஸ பி⁴க்கு²னோ;
ஸப்³பே³வ அப⁴யங் பத்தா, ஸொத்தி²ங் பச்சாக³மம்ஹஸே¹தி.

தேபி பஞ்சஸதா சோரா பஸாத³ங் ஆபஜ்ஜித்வா அதி⁴முத்தஸ்ஸ
ஸாமணேரஸ்ஸ ஸந்திகே பப்³புஜிங்ஸு. ஸோ தே ஆதா³ய உபஜ்ஜா²யஸ்ஸ
ஸந்திகங் க³ந்த்வா பட²மங் அத்தனா உபஸம்பன்னோ பச்சா² தே பஞ்சஸதே
அத்தனோ அந்தேவாஸிகே கத்வா உபஸம்பாதே³ஸி. தே அதி⁴முத்ததே²ரஸ்ஸ
ஓவாதே³ டி²தா ஸப்³பே³ அக்³க³ப²லங் அரஹத்தங் பாபுணிங்ஸு. இமமத்த²ங்
க³ஹேத்வா தே³வதா “ஸதங் ஸத்³த⁴ம்மமஞ்ஞாய ஞாதிமஜ்ஜே² விரோசதீ”தி
ஆஹ.

ஸாததந்தி ஸததங் ஸுக²ங் வா சிரங் திட்ட²ந்தீதி வத³தி. ஸப்³பா³ஸங்
வோதி ஸப்³பா³ஸங் தும்ஹாகங். பரியாயேனாதி காரணேன. ஸப்³பு³க்கா²
பமுச்சதீதி, ந கேவலங் ஸெய்யோவ ஹோதி, ந ச கேவலங் பஞ்ஞங் லப⁴தி,
ஸோகமஜ்ஜே² ந ஸோசதி, ஞாதிமஜ்ஜே² விரோசதி, ஸுக³தியங் நிப்³புத்ததி,
சிரங் ஸுக²ங் திட்ட²தி, ஸகலஸ்மா பன வட்டது³க்கா²பி முச்சதீதி. பட²மங்.

2. மச்ச²ரிஸுத்தவண்ணனா

32. து³தியே மச்சே²ரா ச பமாதா³ சாதி

அத்தஸம்பத்தினிக்³ஹனலக்க²ணேன மச்சே²ரேன சேவ
ஸதிவிப்பவாஸலக்க²ணேன பமாதே³ன ச. ஏகச்சோ ஹி ‘இத³ங் மே
தெ³ந்தஸ்ஸ பரிக்க²யங் க³மிஸ்ஸதி, மய்ஹங் வா க⁴ரமானுஸகானங் வா ந
ப⁴விஸ்ஸதீ”தி மச்ச²ரியேன தா³னங் ந தே³தி. ஏகச்சோ கி²ட்³டா³தி³பஸுதத்தா
‘தா³னங் தா³தப்³ப³”ந்தி சித்தம்பி ந உப்பாதே³தி. ஏவங் தா³னங் ந தீ³யதீதி
ஏவமேதங் யஸதா³யகங் ஸிரீதா³யகங் ஸம்பத்திதா³யகங் ஸுக²தா³யகங்
தா³னங் நாம ந தீ³யதீதிஆதி³னா காரணங் கதே²ஸி. புஞ்ஞங்
ஆகங்க²மானேனாதி புப்³புச்சேதனாதி³பே⁴த³ங் புஞ்ஞங் இச்ச²மானேன.
தெ³ய்யங் ஹோதி விஜானதாதி அத்தி² தா³னஸ்ஸ ப²லந்தி ஜானந்தேன
தா³தப்³ப³மேவாதி வத³தி.

தமேவ பா³லங் பு²ஸதீதி தங்யேவ பா³லங் இத⁴லோகபரலோகேஸு
ஜிக⁴ச்சா² ச பிபாஸா ச பு²ஸதி அனுப³ந்த⁴தி ந விஜஹதி. தஸ்மாதி யஸ்மா
தமேவ பு²ஸதி, தஸ்மா. வினெய்ய மச்சே²ரந்தி மச்சே²ரமலங் வினெத்வா.
த³ஜ்ஜா தா³னங் மலாபி⁴பூ⁴தி மலாபி⁴பூ⁴ ஹுத்வா தங் மச்சே²ரமலங்
அபி⁴ப⁴வித்வா தா³னங் த³தெ³ய்ய.

தே மதேஸு ந மீயந்தீதி அதா³னஸ்ஸீலதாய மரணேன மதேஸு ந மீயந்தி.
யதா² ஹி மதோ ஸம்பரிவாரெத்வா ட²பிதே ப³ஹும்ஹிபி அன்னபானாதி³ம்ஹி
“இத³ங் இமஸ்ஸ ஹோது, இத³ங் இமஸ்ஸா”தி உட்ட²ஹித்வா
ஸங்விபா⁴க³ங் ந கரோதி, ஏவங் அதா³னஸ்ஸீலோபீதி மதகஸ்ஸ ச
அதா³னஸ்ஸீலஸ்ஸ ச போ⁴கா³ ஸமஸமா நாம ஹொந்தி. தேன தா³னஸ்ஸீலா
ஏவருபேஸு மதேஸு ந மீயந்தீதி அத்தோ². பந்தா³னங்வ ஸஹ வஜங்,

அப்பஸ்மிங் யே பவெச்சுந்தீதி யதா² அத்³தா⁴னங் கந்தாரமக்³ங் ஸஹ வஜந்தா பதி²கா ஸஹ வஜந்தானங் பதி²கானங் அப்பஸ்மிங் பா²தெ²ய்யே ஸங்விபா⁴க்³ங் கத்வா பவெச்சுந்தி த³த³ந்தியேவ, ஏவமேவங் யே பன அனமதக்³ங் ஸங்ஸாரகந்தாரங் ஸஹ வஜந்தா ஸஹ வஜந்தானங் அப்பஸ்மிம்பி தெ³ய்யத⁴ம்மே ஸங்விபா⁴க்³ங் கத்வா த³த³ந்தியேவ, தே மதேஸு ந மீயந்தி.

ஏஸ த⁴ம்மோ ஸனந்தனோதி ஏஸ போராணகோ த⁴ம்மோ, ஸனந்தனானங் வா பண்டி³தானங் ஏஸ த⁴ம்மோதி. அப்பஸ்மேகேதி அப்பஸ்மிங் தெ³ய்யத⁴ம்மே ஏகே. பவெச்சுந்தீதி த³த³ந்தி. ப்³ஹுனேகே ந தி³ச்சு²ரேதி ப்³ஹுனாபி போ⁴கே³ன ஸமன்னாக³தா ஏகச்சே ந த³த³ந்தி. ஸஹஸ்ஸேன ஸமங் மிதாதி ஸஹஸ்ஸேன ஸத்³தி⁴ங் மிதா, ஸஹஸ்ஸ தா³னஸதி³ஸா ஹோதி.

து³ரன்வயோதி து³ரனுக்³மனோ, து³ப்பூரோதி அத்தோ². த⁴ம்மங் சரேதி த்³ஸுகுஸலகம்மபத²த⁴ம்மங் சரதி. யோபி ஸமுஞ்ஜகஞ்சரேதி யோ அபி க்²லமண்ட³லாதி³ஸோத⁴னபலாலபோ²னாதி³வஸேன ஸமுஞ்ஜகஞ்சரதி. தா³ரஞ்ச போஸந்தி தா³ரஞ்ச போஸந்தோ. த³த³ங் அப்பகஸ்மிந்தி அப்பகஸ்மிங் பண்ணஸாகமத்தஸ்மிம்பி ஸங்விபா⁴க்³ங் கத்வா த³த³ந்தோவ ஸோ த⁴ம்மங் சரதி. ஸதங் ஸஹஸ்ஸானந்தி ஸஹஸ்ஸங் ஸஹஸ்ஸங் கத்வா க்³ணிதானங் புரிஸானங் ஸதங், ஸதஸஹஸ்ஸந்தி அத்தோ². ஸஹஸ்ஸயாகி³னந்தி பி⁴க்²ஸஹஸ்ஸஸ்ஸ வா யாகோ³ கஹாபணஸஹஸ்ஸேன வா நிப்³ப்த்திதோ யாகோ³பி ஸஹஸ்ஸயாகோ³. ஸோ ஏதேஸங் அத்தீ²தி ஸஹஸ்ஸயாகி³னோ, தேஸங் ஸஹஸ்ஸயாகி³னங். ஏதேன த்³ஸன்னங் வா பி⁴க்²கோடனங் த்³ஸன்னங் வா கஹாபணகோடனங் பிண்ட³பாதோ த்³ஸ்ஸிதோ ஹோதி. யே எத்தகங் த³த³ந்தி, தே கலம்பி நக்³க⁴ந்தி ததா²வித⁴ஸ்ஸாதி ஆஹ. ய்வாயங் ஸமுஞ்ஜகங் சரந்தோபி த⁴ம்மங் சரதி, தா³ரங் போஸெந்தோபி, அப்பகஸ்மிங் த³த³ந்தோபி, ததா²வித⁴ஸ்ஸ ஏதே ஸஹஸ்ஸயாகி³னோ கலம்பி நக்³க⁴ந்தி. யங் தேன த்³லித்³தே³ன ஏகபடிவீஸகமத்தம்பி ஸலாகப⁴த்தமத்தம்பி வா தி³ன்னங், தஸ்ஸ தா³னஸ்ஸ ஸப்³பே³ஸம்பி தேஸங் தா³னங் கலங் நக்³க⁴தீதி. கலங் நாம ஸோளஸபா⁴கோ³பி ஸதபா⁴கோ³பி ஸஹஸ்ஸபா⁴கோ³பி. இத⁴ ஸதபா⁴கோ³ க்³ஹிதோ. யங் தேன தா³னங் தி³ன்னங், தஸ்மிங் ஸததா⁴ விப⁴த்தே இதரேஸங் த்³ஸகோடிஸஹஸ்ஸதா³னங் ததோ ஏககொட்டா²ஸம்பி நக்³க⁴தீதி ஆஹ.

ஏவங் ததா²க்தே தா³னஸ்ஸ அக்³க⁴ங் கரொந்தே ஸமீபே டி²தா தே³வதா சிந்தேஸி - “ஏவங் ப⁴க்³வா மஹந்தங் தா³னங் பாதே³ன பவட்டெத்வா ரதனஸதிகே விய நரகே பக்கி²பந்தோ இத³ங் ஏவங் பரித்தகங் தா³னங்

சந்த³மண்ட³லே பஹரந்தோ விய உக்கி²பதி, கத²ங் நு கோ² ஏதங்
மஹப்ப²லதர³ந்தி ஜானந்த²ங் கா³தா²ய அஜ்ஜ²பா⁴ஸி. தத்த² கேனாதி கேன
காரணேன. மஹக்³க³தோதி மஹத்தங் க³தோ, விபுலஸ்ஸேதங் வேவசனங்.
ஸமேன தி³ன்னஸ்ஸாதி ஸமேன தி³ன்னஸ்ஸ தா³னஸ்ஸ. அத²ஸ்ஸா
ப⁴க³வா தா³னங் விப⁴ஜித்வா த³ஸ்ஸெந்தோ த³த³ந்தி ஹேகேதிஆதி³மாஹ.
தத்த² விஸமே நிவிட்டா²தி விஸமே காயவசீமனோகம்மே பதிட்டி²தா
ஹுத்வா. செ²த்வாதி போதெ²த்வா. வதி⁴த்வாதி மாரெத்வா. ஸோசயித்வாதி
பரங் ஸோகஸமப்பிதங் கத்வா. அஸ்ஸமு²கா²தி அஸ்ஸமு²க²ஸம்மிஸ்ஸா.
பரங் ரோதா³பெத்வா தி³ன்னதா³னஞ்ஹி அஸ்ஸமு²க²தா³னந்தி வுச்சதி.
ஸத³ண்டா³தி த³ண்டே³ன தஜ்ஜெத்வா பஹரித்வா தி³ன்னத³க்கி²ணா
ஸத³ண்டா³தி வுச்சதி. ஏவந்தி நாஹங் ஸம்மாஸம்பு³த்³த⁴தாய மஹாதா³னங்
க³ஹெத்வா அப்பப²லங் நாம காதுங் ஸக்கோமி பரித்தகதா³னங் வா
மஹப்ப²லங் நாம. இத³ங் பன மஹாதா³னங் அத்தனோ உப்பத்தியா
அபரிஸு³த்³த⁴தாய ஏவங் அப்பப²லங் நாம ஹோதி, இதரங் பரித்ததா³னங்
அத்தனோ உப்பத்தியா பரிஸு³த்³த⁴தாய ஏவங் மஹப்ப²லங் நாமாதி
இமமத்த²ங் த³ஸ்ஸெந்தோ ஏவந்திஆதி³மாஹாதி. து³தியங்.

3. ஸாது⁴ஸுத்தவண்ணனா

33. ததியே உதா³னங் உதா³னேஸீதி உதா³ஹாரங் உதா³ஹரி. யதா² ஹி
யங் தேலங் மானங் க³ஹேதுங் ந ஸக்கோதி விஸ்ஸந்தி³த்வா க³ச்ச²தி, தங்
அவஸேஸகோதி வுச்சதி. யஞ்ச ஜலங் தளாகங் க³ஹேதுங் ந ஸக்கோதி,
அஜ்ஜெ²த்த²ரித்வா க³ச்ச²தி, தங் ஓகோ⁴தி வுச்சதி, ஏவமேவங் யங் பீதிவசனங்
ஹத³யங் க³ஹேதுங் ந ஸக்கோதி, அதி⁴கங் ஹுத்வா அந்தோ
அஸண்ட²ஹித்வா ப³ஹி நிக்க²மதி, தங் உதா³னந்தி வுச்சதி. ஏவருபங் பீதிமயங்
வசனங் நிச்சா²ரேஸீதி அத்தோ². ஸத்த³தா⁴யபி ஸாஹு தா³னந்தி கம்மஞ்ச
கம்மப²லஞ்ச ஸத்த³த³ஹித்வாபி தி³ன்னதா³னங் ஸாஹு லத்த³த⁴கங்
ப⁴த³த³கமேவ. ஆஹுதி கதெ²ந்தி. கத²ங் பனேதங் உப⁴யங் ஸமங் நாம
ஹோதீதி? ஜீவிதபீ⁴ருகோ ஹி யுஜ்ஜி²துங் ந ஸக்கோதி, க²யபீ⁴ருகோ தா³துங்
ந ஸக்கோதி. “ஜீவிதஞ்ச ரக்கி²ஸ்ஸாமி யுஜ்ஜி²ஸ்ஸாமி சா”தி ஹி வத³ந்தோ ந
யுஜ்ஜ²தி. ஜீவிதே பன ஆலயங் விஸ்ஸஜ்ஜெத்வா, “சே²ஜ்ஜங் வா ஹோது
மரணங் வா, க³ண்ஹிஸ்ஸாமேதங் இஸ்ஸரிய”ந்தி உஸ்ஸஹந்தோவ
யுஜ்ஜ²தி. “போ⁴கே³ ச ரக்கி²ஸ்ஸாமி, தா³னஞ்ச த³ஸ்ஸாமீ”தி வத³ந்தோ ந
த³தா³தி. போ⁴கே³ஸு பன ஆலயங் விஸ்ஸஜ்ஜெத்வா மஹாதா³னங்
த³ஸ்ஸாமீதி உஸ்ஸஹந்தோவ தே³தி. ஏவங் தா³னஞ்ச யுத்³த⁴ஞ்ச ஸமங்
ஹோதி. கிஞ்ச பி⁴ய்யோ? அப்பாபி ஸந்தா ப³ஹுகே ஜினந்தீதி யதா² ச
யுத்³தே⁴ அப்பகாபி விரபுரிஸா ப³ஹுகே பீ⁴ருபுரிஸே ஜினந்தி, ஏவங்
ஸத்த³தா⁴தி³ஸம்பன்னோ அப்பகம்பி தா³னங் த³த³ந்தோ ப³ஹுமச்சே²ரங்

மத்³த³தி, ப³ஹுஞ்ச தா³னவிபாகங் அதி⁴க³ச்ச²தி. ஏவம்பி தா³னஞ்ச யுத்³த⁴ஞ்ச ஸமானங். தேனேவாஹ -

“அப்பம்பி சே ஸத்³த³ஹானோ த³தா³தி,
தேனேவ ஸோ ஹோதி ஸுகீ² பரத்தா²”தி.

இமஸ்ஸ ச பனத்த²ஸ்ஸ பகாஸனத்த²ங் ஏகஸாடகப்³ராஹ்மணவத்து² ச அங்குரவத்து² ச வித்தா²ரேதப்³ப³ங்.

த⁴ம்மலத்³த⁴ஸ்ஸாதி த⁴ம்மேன ஸமேன லத்³த⁴ஸ்ஸ போ⁴க³ஸ்ஸ த⁴ம்மலத்³த⁴ஸ்ஸ ச புக³க³லஸ்ஸ. எத்த² புக³க³லோ லத்³த⁴த⁴ம்மோ நாம அதி⁴க³தத⁴ம்மோ அரியபுக³க³லோ. இதி யங் த⁴ம்மலத்³த⁴ஸ்ஸ போ⁴க³ஸ்ஸ தா³னங் த⁴ம்மலத்³த⁴ஸ்ஸ அரியபுக³க³லஸ்ஸ தீ³யதி, தம்பி ஸாதா⁴தி அத்தோ². யோ த⁴ம்மலத்³த⁴ஸ்ஸாதி இமஸ்மிம்பி கா³தா²பதே³ அயமேவ அத்தோ². உட்டா²னவீரியாதி⁴க³தஸ்ஸாதி உட்டா²னேன ச வீரியேன ச அதி⁴க³தஸ்ஸ போ⁴க³ஸ்ஸ. வேதரணிந்தி தே³ஸனாஸீஸமத்தமேதங். யமஸ்ஸ பன வேதரணிம்பி ஸஞ்ஜீவகாளஸுத்தாத³யோபி ஏகதிங்ஸமஹானிரயேபி ஸப்³ப³ஸோவ அதிக்கமித்வாதி அத்தோ².

விசெய்ய தா³னந்தி விசினித்வா தி³ன்னதா³னங். தத்த² த³வே விசினநா த³க்கி²ணாவிசினநங் த³க்கி²ணெய்யவிசினநஞ்ச. தேஸு லாமகலாமகே பச்சயே அபனெத்வா பணீதபணீதே விசினித்வா தேஸங் தா³னங் த³க்கி²ணாவிசினநங் நாம. விபன்னஸ்ஸே இதோ ப³ஹித்தா⁴ பஞ்சனவுதிபாஸண்ட³பே⁴தே³ வா த³க்கி²ணெய்யே பஹாய ஸீலாதி³குணஸம்பன்னானங் ஸாஸனே பப்³ப³ஜிதானங் தா³னங் த³க்கி²ணெய்யவிசினநங் நாம. ஏவங் த³வீஹாகாரேஹி விசெய்ய தா³னங். ஸுக³தப்பஸத்த²ந்தி ஸுக³தேன வண்ணிதங். தத்த² த³க்கி²ணெய்யவிசினநங் த³ஸ்ஸெந்தோ யே த³க்கி²ணெய்யாதிஆதி³மாஹ. பீ³ஜானி வுத்தானி யதா²தி இமினா பன த³க்கி²ணாவிசினநங் ஆஹ. அவிபன்னபீ³ஜஸதி³ஸா ஹி விசினித்வா க³ஹிதா பணீதபணீதா தெ³ய்யத⁴ம்மாதி.

பாணேஸுபி ஸாது⁴ ஸங்யமோதி பாணேஸு ஸங்யதபா⁴வோபி ப⁴த்³த³கோ. அயங் தே³வதா இதராஹி கதி²தங் தா³னானிஸங்ஸங் அதிக்கமித்வா ஸீலானிஸங்ஸங் கதே²துமாரத்தா⁴. அஹேட²யங் சரந்தி அவிஹிங்ஸந்தோ சரமானோ. பருபவாதா³தி பரஸ்ஸ உபவாத³ப⁴யேன. ப⁴யாதி உபவாத³ப⁴யா. தா³னா ச கோ² த⁴ம்மபத³ங்வ ஸெய்யோதி தா³னதோ நிப்³பா³னஸங்கா²தங் த⁴ம்மபத³மேவ ஸெய்யோ. புப்³பே³ ச ஹி புப்³ப³தரே ச ஸந்தோதி புப்³பே³ ச கஸ்ஸபபு³த்தா⁴தி³காலே புப்³ப³தரே ச கோணாக³மனபு³த்தா⁴தி³காலே, ஸப்³பே³பி வா ஏதே புப்³பே³ ச புப்³ப³தரே ச ஸந்தோ நாமாதி. ததியங்.

4. நஸந்திஸுத்தவண்ணனா

34. சதுத்தே² கமனீயானீதி ரூபாதீ³னி இட்டா²ரம்மணானி. அபுனாக³மனங்
அனாக³ந்தா புரிஸோ மச்சுதெ⁴ய்யாதி தேபூ⁴மகவட்டஸங்கா²தா
மச்சுதெ⁴ய்யா அபுனாக³மனஸங்கா²தங் நிப்³பா³னங் அனாக³ந்தா.
நிப்³பா³னஞ்ஹி ஸத்தா ந புனாக³ச்சந்தி, தஸ்மா தங் அபுனாக³மனந்தி வச்சதி.
தங் காமேஸு ப³த³தோ⁴ ச பமத்தோ ச அனாக³ந்தா நாம ஹோதி, ஸோ தங்
பாபுணிதுங் ந ஸக்கோதி, தஸ்மா ஏவமாஹ. ச²ந்த³ஜந்தி தண்ஹாச²ந்த³தோ
ஜாதங். அக⁴ந்தி பஞ்சக்க²ந்த⁴துக்க²ங். து³தியபத³ங் தஸ்ஸேவ வேவசனங்.
ச²ந்த³வினயா அக⁴வினயோதி தண்ஹாவினயேன பஞ்சக்க²ந்த⁴வினயோ .
அக⁴வினயா து³க்க²வினயோதி பஞ்சக்க²ந்த⁴வினயேன வட்டது³க்க²ங்
வினீதமேவ ஹோதி. சித்ரானீதி ஆரம்மணசித்தானி. ஸங்கப்பராகோ³தி
ஸங்கப்பிதராகோ³. ஏவமெத்த² வத்து²காமங் படிக்கி²பித்வா கிலேஸகாமோ
காமோதி வுத்தோ. அயங் பனத்தோ² பஸூரஸுத்தேன (ஸு. நி. 830 ஆத³யோ)
விபா⁴வேதப்³போ³. பஸூரபரிப்³பா³ஜகோ ஹி தே²ரேன “ஸங்கப்பராகோ³
புரிஸஸ்ஸ காமோ”தி வுத்தே -

“ந தே காமா யானி சித்ரானி லோகே,
ஸங்கப்பராக³ஞ்ச வதே³ஸி காமங்;
ஸங்கப்பயங் அகுஸலே விதக்கே,
பி⁴க்க²பி தே ஹேஹிந்தி காமபோ⁴கீ³”தி. -

ஆஹ. அத² நங் தே²ரோ அவோச -

“தே சே காமா யானி சித்ரானி லோகே,
ஸங்கப்பராக³ங் ந வதே³ஸி காமங்;
பஸ்ஸந்தோ ரூபானி மனோரமானி,
ஸத்தா²பி தே ஹேஹிதி காமபோ⁴கீ³”.

ஸுணந்தோ ஸத்தா³னி, கா⁴யந்தோ க³ந்தா⁴னி;
ஸாயந்தோ ரஸானி, பு²ஸந்தோ ப²ஸ்ஸானி மனோரமானி;
ஸத்தா²பி தே ஹேஹிதி காமபோ⁴கீ³”தி.

அதெ²த்த² தீ⁴ராதி அத² ஏதேஸு ஆரம்மணேஸு பண்டி³தா ச²ந்த³ராக³ங்
வினயந்தி. ஸங்யோஜனங் ஸப்³பந்தி த³ஸவித⁴ம்பி ஸங்யோஜனங்.
அகிஞ்சனந்தி ராக³கிஞ்சனாதி³விரஹிதங். நானுபதந்தி து³க்கா²தி வட்டது³க்கா²
பன தஸ்ஸ உபரி ந பதந்தி. இச்சாயஸ்மா மோக⁴ராஜாதி, “பஹாஸி
ஸங்க²”ந்தி கா³த²ங் ஸுத்வா தஸ்ஸங் பரிஸதி அனுஸந்தி⁴குஸலோ
மோக⁴ராஜா நாம தே²ரோ “இமிஸ்ஸா கா³தா²ய அத்தோ² ந யதா²னுஸந்தி⁴ங்
க³தோ”தி சிந்தெத்வா யதா²னுஸந்தி⁴ங் க⁴டெந்தோ ஏவமாஹ. தத்த² இத⁴

வா ஹுரங் வாதி இத⁴லோகே வா பரலோகே வா. நருத்தமங் அத்த²சரங்
நரானந்தி கிஞ்சாபி ஸப்³பே³ கீ²ணாஸவா நருத்தமா சேவ அத்த²சரா ச நரானங்,
தே²ரோ பன த³ஸப³லங் ஸந்தா⁴யேவமாஹ. யே தங் நமஸ்ஸந்தி
பஸங்ஸியா தேதி யதி³ ததா²விமுத்தங் தே³வமனுஸ்ஸா நமஸ்ஸந்தி, அத²
யே தங் ப⁴க³வந்தங் காயேன வா வாசாய வா அனுபடிபத்தியா வா
நமஸ்ஸந்தி, தே கிங் பஸங்ஸியா, உதா³ஹு அபஸங்ஸியாதி. பி⁴க்க²தி
மோக⁴ராஜத்தே²ரங் ஆலபதி. அஞ்ஞாய த⁴ம்மந்தி சதுஸச்சத⁴ம்மங்
ஜானித்வா. ஸங்கா³திகா³ தேபி ப⁴வந்தீதி யே தங் காயேன வா வாசாய வா
அனுபடிபத்தியா வா நமஸ்ஸந்தி. தே சதுஸச்சத⁴ம்மங் அஞ்ஞாய விசிகிச்ச²ங்
பஹாய ஸங்கா³திகா³பி ஹொந்தி, பஸங்ஸியாபி ஹொந்தீதி. சதுத்த²ங்.

5. உஜ்ஜா²னஸஞ்ஞிகா³த்தவண்ணனா

35. பஞ்சமே உஜ்ஜா²னஸஞ்ஞிகா³தி உஜ்ஜா²னஸஞ்ஞி தே³வலோகோ நாம
பாடியேக்கோ நத்தி², இமா பன தே³வதா ததா²க³தஸ்ஸ சதுபச்சயபரிபோ⁴க³ங்
நிஸ்ஸாய உஜ்ஜா²யமானா ஆக³தா. தாஸங் கிர ஏவங் அஹொஸி - “ஸமணோ
கோ³தமோ பி⁴க்க²னங் பங்ஸுகூலசீவர-பிண்டி³யாலோப-
ருக்க²மூலஸேனாஸனபூதிமுத்தபே⁴ஸஜ்ஜேஹி ஸந்தோஸஸ்ஸேவ
பரியந்தகாரிதங் வண்ணேதி, ஸயங் பன பத்துண்ணது³கூல கோ²மாதீ³னி
பணீதசீவரானி தா⁴ரேதி, ராஜாரஹங் உத்தமங் போ⁴ஜனங் பு⁴ஞ்ஜதி,
தே³வவிமானகப்பாய க³ந்த⁴குடியா வரஸயனே ஸயதி, ஸப்பினவனீதாதீ³னி
பே⁴ஸஜ்ஜானி படிஸேவதி, தி³வஸங் மஹாஜனஸ்ஸ த⁴ம்மங் தே³ஸேதி,
வசனமஸ்ஸ அஞ்ஞதோ க³ச்ச²தி, கிரியா அஞ்ஞதோ³தி உஜ்ஜா²யமானா
ஆக³மிங்ஸு. தேன தாஸங் த⁴ம்மஸங்கா³ஹகத்தே²ரேஹி
“உஜ்ஜா²னஸஞ்ஞிகா³தி நாமங் க³ஹிதங்.

அஞ்ஞதா² ஸந்தந்தி அஞ்ஞனாகாரேன பூ⁴தங். நிகச்சாதி நிகதியா
வஞ்சனாய, வஞ்செத்வாதி அத்தோ². கிதவஸ்ஸேவாதி கிதவோ வச்சதி
ஸாகுணிகோ. ஸொ ஹி அகு³ம்போ³வ ஸமானோ
ஸாக²பண்ணாதி³படிச்சா²த³னேன கு³ம்ப³வண்ணங் த³ஸ்ஸெத்வா உபக³தே
மோரதித்திராத³யோ ஸகுணே மாரெத்வா தா³ரப⁴ரணங் கரோதி. இதி தஸ்ஸ
கிதவஸ்ஸ இமாய வஞ்சனாய ஏவங் வஞ்செத்வா ஸகுணமங்ஸபோ⁴ஜனங்
விய குஹகஸ்ஸாபி பங்ஸுகூலேன அத்தானங் படிச்சா²தே³த்வா
கதா²சே²கதாய மஹாஜனங் வஞ்செத்வா கா²த³மானஸ்ஸ விசரதோ. பு⁴த்தங்
தெ²ய்யேன தஸ்ஸ தந்தி ஸப்³போ³பி தஸ்ஸ சதுபச்சயபரிபோ⁴கோ³
தெ²ய்யேன பரிபு⁴த்தோ நாம ஹொதீதி தே³வதா ப⁴க³வந்தங் ஸந்தா⁴ய
வத³தி. பரிஜானந்தி பண்டி³தாதி அயங் காரகோ வா அகாரகோ வாதி பண்டி³தா
ஜானந்தி. இதி தா தே³வதா “ததா²க³தாபி மயமேவ பண்டி³தா³தி மஞ்ஞமானா
ஏவமாஹங்ஸு.

அத² ப⁴க³வா நயித³ந்திஆதி³மாஹ. தத்த² யாயங் படிபதா³ த³ள்ஹாதி
அயங் த⁴ம்மானுத⁴ம்மபடிபதா³ த³ள்ஹா தி²ரா. யாய படிபதா³ய தீ⁴ரா
பண்டி³தா ஆரம்மணுபனிஜ்ஜா²னேன லக்க²ணுபனிஜ்ஜா²னேன சாதி த³வீஹி
ஜா²னேஹி ஜா²யினோ மாரப³ந்த⁴னா பமுச்சந்தி, தங் படிபத³ங்
பா⁴ஸிதமத்தேன வா ஸவனமத்தேன வா ஓக்கமிதுங் படிபஜ்ஜிதுங் ந
ஸக்காதி அத்தோ². ந வே தீ⁴ரா பகுப்³பந்தீதி தீ⁴ரா பண்டி³தா விதி³த்வா
லோகபரியாயங் ஸங்கா²ரலோகஸ்ஸ உத³யப்³பயங் சூத்வா
சதுஸச்சத⁴ம்மஞ்ச அஞ்ஞாய கிலேஸனிப்³பா³னேன நிப்³புதா லோகே
விஸத்திகங் திண்ணா ஏவங் ந குப்³பந்தி, மயங் ஏவருபானி ந கதே²மாதி
அத்தோ².

பத²வியங் பதிட்ட²ஹித்வாதி “அயுத்தங் அம்ஹேஹி கதங், அகாரகமேவ
மயங் காரகவாதே³ன ஸமுதா³சரிம்ஹா”தி லஜ்ஜமானா மஹாப்³ரஹ்மனி விய
ப⁴க³வதி கா³ரவங் பச்சபட்ட²பெத்வா அக்³கி³க்க²ந்த⁴ங் விய ப⁴க³வந்தங்
து³ராஸத³ங் கத்வா பஸ்ஸமானா ஆகாஸதோ ஓதரித்வா பூ⁴மியங் ட²த்வாதி
அத்தோ². அச்சயோதி அபராதோ⁴. நோ, ப⁴ந்தே, அச்சாக³மாதி அம்ஹே
அதிக்கம்ம அபி⁴ப⁴வித்வா பவத்தோ. ஆஸாதே³தப்³பந்தி க⁴ட்டயிதப்³பங்.
தா கிர தே³வதா ப⁴க³வந்தங் காயேன வாசாயாதி த³வீஹிபி க⁴ட்டயிங்ஸு.
ததா²க³தங் அவந்தி³த்வா ஆகாஸே பதிட்ட²மானா காயேன க⁴ட்டயிங்ஸு,
கிதவோபமங் ஆஹரித்வா நானப்பகாரகங் அஸப்³பி⁴வாத³ங் வத³மானா
வாசாய க⁴ட்டயிங்ஸு. தஸ்மா ஆஸாதே³தப்³பங் அமஞ்ஞிம்ஹாதி
ஆஹங்ஸு. படிக்க³ண்ஹாதாதி க²மது. ஆயதிங் ஸங்வராயாதி அனாக³தே
ஸங்வரணத்தா²ய, புன ஏவருபஸ்ஸ அபராத⁴ஸ்ஸ தோ³ஸஸ்ஸ
அகரணத்தா²ய.

ஸிதங் பாத்வாகாஸீதி அக்³க³த³ந்தே த³ஸ்ஸெந்தோ பஹட்டா²காரங்
த³ஸ்ஸேஸி. கஸ்மா? தா கிர தே³வதா ந ஸபா⁴வேன க²மாபெந்தி,
லோகியமஹாஜனஞ்ச ஸதே³வகே லோகே அக்³க³புக்³லங் ததா²க³தஞ்ச
ஏகஸதி³ஸங் கரொந்தி. அத² ப⁴க³வா “பரதோ கதா²ய உப்பன்னாய
பு³த்த⁴ப³லங் தீ³பெத்வா பச்சா² க²மிஸ்ஸாமீ”தி ஸிதங் பாத்வாகாஸி.
பி⁴ய்யோஸோ மத்தாயாதி அதிரேகப்பமானேன. இமங் கா³த²ங் அபா⁴ஸீதி
குபிதோ ஏஸ அம்ஹாகந்தி மஞ்ஞமானா அபா⁴ஸி.

ந படிக்க³ண்ஹதீதி ந க²மதி நாதி⁴வாஸேதி. கோபந்தரோதி அப்³ப⁴ந்தரே
உப்பன்னகோபோ. தோ³ஸக³ருதி தோ³ஸங் க³ருங் கத்வா ஆதா³ய விஹரந்தோ.
ஸ வேரங் படிமுஞ்சதீதி ஸோ ஏவருபோ க³ண்டிகங் படிமுஞ்சந்தோ விய தங்
வேரங் அத்தனி படிமுஞ்சதி ட²பேதி, ந படினிஸ்ஸஜ்ஜதீதி அத்தோ². அச்சயோ
சே ந விஜ்ஜேதா²தி ஸசே அச்சாயிககம்மங் ந ப⁴வெய்ய. நோ சிதா⁴பக³தங்

ஸியாதி யதி³ அபராதோ⁴ நாம ந பா⁴வெய்ய. கேனீத⁴ குஸலோ ஸியாதி யதி³ வேரானி ந ஸம்மெய்யுங், கேன காரணேன குஸலோ ப⁴வெய்ய.

கஸ்ஸச்சயாதி கா³தா²ய கஸ்ஸ அதிக்மோ நத்தி²? கஸ்ஸ அபராதோ⁴ நத்தி²? கோ ஸம்மோஹங் நாபஜ்ஜதி? கோ நிச்சமேவ பணடி³தோ நாமாதி அத்தோ²? இமங் கிர கா³த²ங் ப⁴ணாபனத்த²ங் ப⁴க³வதோ ஸிதபாதுகம்மங். தஸ்மா இதா³னி தே³வதானங் பு³த்த⁴ப³லங் தீ³பெத்வா க²மிஸ்ஸாமீதி ததா²க³தஸ்ஸ பு³த்த⁴ஸ்ஸாதிஆதி³மாஹ. தத்த² ததா²க³தஸ்ஸாதி ததா² ஆக³தோதி ஏவமாதீ³ஹி காரணேஹி ததா²க³தஸ்ஸ. பு³த்த⁴ஸ்ஸாதி சதுன்னங் ஸச்சானங் பு³த்த⁴த்தாதீ³ஹி காரணேஹி விமொக்க²ந்திகபண்ணத்திவஸேன ஏவங் லத்³த⁴னாமஸ்ஸ. அச்சயங் தே³ஸயந்தீனந்தி யங் வுத்தங் தும்ஹேஹி “அச்சயங் தே³ஸயந்தீனங்...பே... ஸ வேரங் படிமுஞ்சதீ”தி, தங் ஸாது⁴ வுத்தங், அஹங் பன தங் வேரங் நாபி⁴னந்தா³மி ந பத்த²யாமீதி அத்தோ². படிக்க³ண்ஹாமி வோச்சயந்தி தும்ஹாகங் அபராத⁴ங் க²மாமீதி. பஞ்சமங்.

6. ஸத்தா⁴ஸுத்தவண்ணனா

36. ச²ட்டே² ஸத்தா⁴ து³தியா புரிஸஸ்ஸ ஹோதீதி புரிஸஸ்ஸ தே³வலோகே மனுஸ்ஸலோகே சேவ நிப்³பா³னஞ்ச க³ச்ச²ந்தஸ்ஸ ஸத்தா⁴ து³தியா ஹோதி, ஸஹாயகிச்சங் ஸாதே⁴தி. நோ சே அஸ்ஸத்தி⁴யங் அவதிட்ட²தீதி யதி³ அஸ்ஸத்தி⁴யங் ந திட்ட²தி. யஸோதி பரிவாரோ. கித்தீதி வண்ணப⁴ணனங். தத்வஸ்ஸ ஹோதீதி ததோ அஸ்ஸ ஹோதி. நானுபதந்தி ஸங்கா³தி ராக³ஸங்கா³த³யோ பஞ்ச ஸங்கா³ ந அனுபதந்தி. பமாத³மனுயுஞ்ஜந்தீதி யே பமாத³ங் கரொந்தி நிப்³புத்தெந்தி, தே தங் அனுயுஞ்ஜந்தி நாம. த⁴னங் ஸெட்ட²ங்வ ரக்க²தீதி முத்தாமணிஸாராதி³உத்தமத⁴னங் விய ரக்க²தி. ஜா²யந்தோதி லக்க²ணூபனிஜ்ஜா²னேன ச ஆரம்மணூபனிஜ்ஜா²னேன ச ஜா²யந்தோ. தத்த² லக்க²ணூபனிஜ்ஜா²னங் நாம விபஸ்ஸனாமக்³க³ப²லானி. விபஸ்ஸனா ஹி தீணி லக்க²ணானி உபனிஜ்ஜா²யதீதி லக்க²ணூபனிஜ்ஜா²னங். மக்³கோ³ விபஸ்ஸனாய ஆக³தகிச்சங் ஸாதே⁴தீதி லக்க²ணூபனிஜ்ஜா²னங். ப²லங் தத்²லக்க²ணங் நிரோத⁴ஸச்சங் உபனிஜ்ஜா²யதீதி லக்க²ணூபனிஜ்ஜா²னங். அட்ட² ஸமாபத்தியோ பன கஸிணாரம்மணஸ்ஸ உபனிஜ்ஜா²யனதோ ஆரம்மணூபனிஜ்ஜா²னந்தி வேதி³தப்³பா³. பரமங் நாம அரஹத்தஸுக²ங் அதி⁴ப்பேதந்தி. ச²ட்ட²ங்.

7. ஸமயஸுத்தவண்ணனா

37. ஸத்தமே ஸக்கேஸுதி “ஸக்யா வத, போ⁴ குமாரா”தி (தீ³. நி. 1.267) உதா³னங் படிச்ச ஸக்காதி லத்³த⁴னாமானங் ராஜகுமாரானங் நிவாஸோ

ஏகோபி ஜனபதோ³ ஞுள்ஹீஸத்³தே³ன ஸக்காதி வுச்சதி . தஸ்மிங் ஸக்கேஸு ஜனபதே³. மஹாவனேதி ஸயங்ஜாதே அரோபிமே ஹிமவந்தேன ஸத்³தி⁴ங் ஏகாபத்³தே⁴ மஹதி வனே. ஸப்³பே³ஹேவ அரஹந்தேஹீதி இமங் ஸுத்தங் கதி²ததி³வஸேயேவ பத்தஅரஹந்தேஹி.

தத்ராயங் அனுபுப்³பி³கதா² - ஸாகியகோலியா ஹி கிர கபிலவத்து²னக்³ரஸ்ஸ ச கோலியனக்³ரஸ்ஸ ச அந்தரே ரோஹிணிங் நாம நதி³ங் ஏகேனேவ ஆவரணேன பந்தா⁴பெத்வா ஸஸ்ஸானி காரெந்தி. அத² ஜெட்ட²மூலமாலேஸ ஸஸ்ஸேஸு மிலாயந்தேஸு உப⁴யனக்³ரவாஸீனம்பி கம்மகாரா ஸன்னிபதிங்ஸு. தத்த² கோலியனக்³ரவாஸினோ ஆஹங்ஸு - “இத³ங் உத³கங் உப⁴யதோ ஆஹரியமானங் ந தும்ஹாகங், ந அம்ஹாகங் பஹாஸ்ஸதி , அம்ஹாகங் பன ஸஸ்ஸங் ஏகேன உத³கேனேவ நிப்பஜ்ஜிஸ்ஸதி, இத³ங் உத³கங் அம்ஹாகங் தே³தா²”தி. கபிலவத்து²வாஸினோ ஆஹங்ஸு - “தும்ஹேஸு கொட்டே² பூரெத்வா டி²தேஸு மயங் ரத்தஸுவண்ணனீலமணிகாளகஹாபணே ச க³ஹெத்வா பச்சி²பஸிப்³பகாதி³ஹத்தா² ந ஸக்கி²ஸ்ஸாம தும்ஹாகங் க⁴ரத்³வாரே விசரிதுங், அம்ஹாகம்பி ஸஸ்ஸங் ஏகேனேவ உத³கேன நிப்பஜ்ஜிஸ்ஸதி, இத³ங் உத³கங் அம்ஹாகங் தே³தா²”தி. “ந மயங் த³ஸ்ஸாமா”தி. “மயம்பி ந த³ஸ்ஸாமா”தி. ஏவங் கத²ங் வட்³டெ⁴த்வா ஏகோ உட்டா²ய ஏகஸ்ஸ பஹாரங் அதா³ஸி, ஸோபி அஞ்ஞஸ்ஸாதி ஏவங் அஞ்ஞமஞ்ஞங் பஹரித்வா ராஜகுலானங் ஜாதிங் க⁴ட்டெத்வா கலஹங் வட்³ட⁴யிங்ஸு.

கோலியகம்மகாரா வத³ந்தி - “தும்ஹே கபிலவத்து²வாஸிகே க³ஹெத்வா க³ஜ்ஜத², யே ஸோணஸிங்கா³லாத³யோ விய அத்தனோ ப⁴கி³னீஹி ஸத்³தி⁴ங் ஸங்வஸிங்ஸு, ஏதேஸங் ஹத்தி²னோ ச அஸ்ஸா ச ப²லகாவுதா⁴னி ச அம்ஹாகங் கிங் கரிஸ்ஸந்தி”தி? ஸாகியகம்மகாரா வத³ந்தி - “தும்ஹே தா³னி குட்டி²னோ தா³ரகே க³ஹெத்வா க³ஜ்ஜத², யே அனாதா² நிக்³க³திகா திரச்சா²னா விய கோலருக்கே² வஸிங்ஸு, ஏதேஸங் ஹத்தி²னோ ச அஸ்ஸா ச ப²லகாவுதா⁴னி ச அம்ஹாகங் கிங் கரிஸ்ஸந்தி”தி? தே க³ந்த்வா தஸ்மிங் கம்மே நியுத்தஅமச்சானங் கதே²ஸுங், அமச்சா ராஜகுலானங் கதே²ஸுங். ததோ ஸாகியா - “ப⁴கி³னீஹி ஸத்³தி⁴ங் ஸங்வஸிதகானங் தா²மஞ்ச ப³லஞ்ச த³ஸ்ஸெஸ்ஸாமா”தி யுத்³த⁴ஸஜ்ஜா நிக்³க²மிங்ஸு. கோலியாபி - “கோலருக்க²வாஸீனங் தா²மஞ்ச ப³லஞ்ச த³ஸ்ஸெஸ்ஸாமா”தி யுத்³த⁴ஸஜ்ஜா நிக்³க²மிங்ஸு.

ப⁴க³வாபி ரத்தியா பச்சுஸஸமயேவ மஹாகருணாஸமாபத்திதோ உட்டா²ய லோகங் வோலோகெந்தோ இமே ஏவங் யுத்³த⁴ஸஜ்ஜே நிக்³க²மந்தே அத்³த³ஸ. தி³ஸ்வா - “மயி க³தே அயங் கலஹோ வுபஸம்மிஸ்ஸதி நு கோ² உதா³ஹு நோ”தி உபதா⁴ரெந்தோ - “அஹமெத்த² க³ந்த்வா

கலஹவூபஸமனத்தங் தீணி ஜாதகானி கதே²ஸ்ஸாமி, ததோ கலஹோ
வூபஸம்மிஸ்ஸதி. அத² ஸாமக்³கி³தீ³பனத்தா²ய த்வே ஜாதகானி கதே²த்வா
அத்தத³ண்ட³ஸுத்தங் தே³ஸெஸ்ஸாமி. தே³ஸனங் ஸுத்வா
உப⁴யனக்³ரவாஸினோபி அட்³ட⁴தியானி அட்³ட⁴தியானி குமாரஸதானி
த³ஸ்ஸந்தி, அஹங் தே பப்³பா³ஜெஸ்ஸாமி, ததா³ மஹாஸமாக³மோ
ப⁴விஸ்ஸதீ³தி ஸன்னிட்டா²னங் அகாஸி. தஸ்மா இமேஸு
யுத்³த⁴ஸஜ்ஜேஸு நிக்³மந்தேஸு கஸ்ஸசி அனாரோசெத்வா ஸயமேவ
பத்தசீவரமாதா³ய க³ந்த்வா த்வின்னங் ஸேனானங் அந்தரே ஆகாஸே
பல்லங்கங் ஆபு⁴ஜித்வா ச²ப்³பண்ணரஸ்மியோ விஸ்ஸஜ்ஜெத்வா நிஸீதி³.

கபிலவத்து²வாஸினோ ப⁴க³வந்தங் தி³ஸ்வாவ, “அம்ஹாகங்
ஞாதிஸெட்டோ² ஸத்தா² ஆக³தோ. தி³ட்டோ² நு கோ² தேன அம்ஹாகங்
கலஹகரணபா⁴வோ”தி சிந்தெத்வா, “ந கோ² பன ஸக்கா ப⁴க³வதி ஆக³தே
அம்ஹேஹி பரஸ்ஸ ஸரீரே ஸத்தங் பாதேதுங். கோலியனக்³ரவாஸினோ
அம்ஹே ஹனந்து வா ப³ஜ்ஜ²ந்து வா”தி. ஆவுதா⁴னி ச²ட்³டெ³த்வா,
ப⁴க³வந்தங் வந்தி³த்வா, நிஸீதி³ங்ஸு. கோலியனக்³ரவாஸினோபி ததே²வ
சிந்தெத்வா ஆவுதா⁴னி ச²ட்³டெ³த்வா, ப⁴க³வந்தங் வந்தி³த்வா, நிஸீதி³ங்ஸு.

ப⁴க³வா ஜானந்தோவ, “கஸ்மா ஆக³தத்த², மஹாராஜா”தி புச்சி²? “ந,
ப⁴க³வா, தித்த²கீளாய ந பப்³ப³தகீளாய, ந நதீ³கீளாய, ந கி³ரித³ஸ்ஸனத்தங்,
இமஸ்மிங் பன டா²னே ஸங்கா³மங் பச்சபட்ட²பெத்வா ஆக³தம்ஹா”தி. “கிங்
நிஸ்ஸாய வோ கலஹோ, மஹாராஜாதி? உத³கங், ப⁴ந்தேதி. உத³கங் கிங்
அக்³க⁴தி, மஹாராஜாதி? அப்பங், ப⁴ந்தேதி. பத²வீ நாம கிங் அக்³க⁴தி,
மஹாராஜாதி? அனக்³கா⁴, ப⁴ந்தேதி. க²த்தியா கிங் அக்³க⁴ந்தீதி? க²த்தியா
நாம அனக்³கா⁴, ப⁴ந்தேதி. அப்பமுலங் உத³கங் நிஸ்ஸாய கிமத்த²ங்
அனக்³கே⁴ க²த்தியே நாஸேத², மஹாராஜ, கலஹே அஸ்ஸாதோ³ நாம நத்தி²,
கலஹவஸேன, மஹாராஜ, அட்டா²னே வேரங் கத்வா ஏகாய ருக்க²தே³வதாய
காளஸீஹேன ஸத்³தி⁴ங் ப³த்தா⁴கா⁴தோ ஸகலம்பி இமங் கப்பங்
அனுப்பத்தோயேவாதி வத்வா ப²ந்த³னஜாதகங் (ஜா. 1.13.14 ஆத³யோ) கதே²ஸி”.
ததோ “பரபத்தியேன நாம, மஹாராஜ, ந ப⁴விதப்³ங். பரபத்தியா ஹுத்வா
ஹி ஏகஸ்ஸ ஸஸகஸ்ஸ கதா³ய தியோஜனஸஹஸ்ஸவித்த²தே ஹிமவந்தே
சதுப்பத³க³ணா மஹாஸமுத்³தங் பக்³ந்தி³னோ அஹேஸுங். தஸ்மா
பரபத்தியேன ந ப⁴விதப்³ங்”ந்தி வத்வா, பத²வீ²ந்த³ரியஜாதகங் கதே²ஸி.
ததோ “கதா³சி, மஹாராஜ, துப்³ப³லோபி மஹாப³லஸ்ஸ ரந்த⁴ங் விவரங்
பஸ்ஸதி, கதா³சி மஹாப³லோ துப்³ப³லஸ்ஸ. லடுகிகாபி ஹி ஸகுணிகா
ஹத்தி²னாகங் கா⁴தேஸீ”தி லடுகிகஜாதகங் (ஜா. 1.5.39 ஆத³யோ) கதே²ஸி.
ஏவங் கலஹவூபஸமனத்தா²ய தீணி ஜாதகானி கதே²த்வா
ஸாமக்³கி³பரிதீ³பனத்தா²ய த்வே ஜாதகானி கதே²ஸி. கத²ங்? “ஸமக்³கா³னஞ்ஹி,
மஹாராஜ, கோசி ஓதாரங் நாம பஸ்ஸிதுங் ந ஸக்கோதீதி வத்வா,

ருக்க²த⁴ம்மஜாதகங் (ஜா. 1.1.74) கதே²ஸி . ததோ “ஸமக்³கா³னங், மஹாராஜ, கோசி விவரங் த³ஸ்ஸிதுங் ந ஸக்கி². யதா³ பன அஞ்ஞமஞ்ஞங் விவாத³மகங்ஸு, அத² தே நேஸாத³புத்தோ ஜீவிதா வோரோபெத்வா ஆதா³ய க³தோதி விவாதே³ அஸ்ஸாதோ³ நாம நத்தீ²”தி வத்வா, வட்டகஜாதகங் (ஜா. 1.1.118) கதே²ஸி. ஏவங் இமானி பஞ்ச ஜாதகானி கதெ²த்வா அவஸானே அத்தத³ண்ட³ஸுத்தங் (ஸு. நி. 941 ஆத³யோ) கதே²ஸி.

ராஜானோ பஸன்னா - “ஸசே ஸத்தா² நாக³மிஸ்ஸ, மயங் ஸஹத்தா² அஞ்ஞமஞ்ஞங் வதி⁴த்வா லோஹிதனதி³ங் பவத்தயிஸ்ஸாம. அம்ஹாகங் புத்தபா⁴தரோ ச கே³ஹத்³வாரே ந பஸ்ஸெய்யாம, ஸாஸனபடிஸாஸனம்பி நோ ஆஹரணகோ நாப⁴விஸ்ஸ. ஸத்தா²ரங் நிஸ்ஸாய நோ ஜீவிதங் லத்³த⁴ங். ஸசே பன ஸத்தா² ஆகா³ரங் அஜ்ஜா²வஸிஸ்ஸ தீ³பஸஹஸ்ஸத்³வயபரிவாரங் சதுமஹாதீ³பரஜ்ஜமஸ்ஸ ஹத்த²க³தங் அப⁴விஸ்ஸ, அதிரேகஸஹஸ்ஸங் கோ² பனஸ்ஸ புத்தா அப⁴விஸ்ஸங்ஸு, ததோ க²த்தியபரிவாரோ அவிசரிஸ்ஸ. தங் கோ² பனேஸ ஸம்பத்திங் பஹாய நிக்க²மித்வா ஸம்போ³தி⁴ங் பத்தோ. இதா³னிபி க²த்தியபரிவாரோயேவ விசரதூ²தி உப⁴யனக³ரவாஸினோ அட்³ட⁴தியானி அட்³ட⁴தியானி குமாரஸதானி அத³ங்ஸு. ப⁴க³வாபி தே பப்³பா³ஜெத்வா மஹாவனங் அக³மாஸி. தேஸங் க³ருகா³ரவேன ந அத்தனோ ருசியா பப்³பஜிதானங் அனபி⁴ரதி உப்பஜ்ஜி. புராணது³தியிகாயோபி தேஸங் - “அய்யபுத்தா உக்கண்ட²ந்து, க⁴ராவாஸோ ந ஸண்டா²தீ²”திஆதீ³னி வத்வா ஸாஸனங் பேஸெந்தி. தே ச அதிரேகதரங் உக்கண்டி²ங்ஸு.

ப⁴க³வா ஆவஜ்ஜெந்தோ தேஸங் அனபி⁴ரதிபா⁴வங் ஞத்வா - “இமே பி⁴க்க² மாதி³ஸேன புத்³தே⁴ன ஸத்³தி⁴ங் ஏகதோ வஸந்தா உக்கண்ட²ந்தி, ஹந்த³ நேஸங் குணாலத³ஹஸ்ஸ வண்ணங் கதெ²த்வா தத்த² நெத்வா அனபி⁴ரதிங் வினோதே³மீ²தி குணாலத³ஹஸ்ஸ வண்ணங் கதே²ஸி. தே தங் த³ட்டு²காமா அஹேஸுங். த³ட்டு²காமத்த², பி⁴க்க²வே, குணாலத³ஹந்தி? ஆம ப⁴க³வாதி. யதி³ ஏவங் ஏத² க³ச்சா²மாதி. இத்³தி⁴மந்தானங் ப⁴க³வா க³மனட்டா²னங் மயங் கத²ங் க³மிஸ்ஸாமாதி. தும்ஹே க³ந்துகாமா ஹோத², அஹங் மமானுபா⁴வேன க³ஹெத்வா க³மிஸ்ஸாமீதி. ஸாது⁴, ப⁴ந்தேதி. ப⁴க³வா பஞ்ச பி⁴க்கு²ஸதானி க³ஹெத்வா ஆகாஸே உப்பதித்வா குணாலத³ஹே பதிட்டா²ய தே பி⁴க்க² ஆஹ - “பி⁴க்க²வே, இமஸ்மிங் குணாலத³ஹே யேஸங் மச்சா²னங் நாமங் ந ஜானாத² மமங் புச்ச²தா²”தி.

தே புச்சி²ங்ஸு. ப⁴க³வா புச்சி²தங் புச்சி²தங் கதே²ஸி. ந கேவலஞ்ச, மச்சா²னங்யேவ, தஸ்மிங் வனஸண்டே³ ருக்கா²னம்பி பப்³பதபாதே³ த³விபத³சதுப்பத³ஸகுணானம்பி நாமானி புச்சா²பெத்வா கதே²ஸி. அத² த³வீஹி ஸகுணேஹி முக²துண்ட³கேன ட³ங்ஸித்வா க³ஹிதத³ண்ட³கே நிஸின்னோ

குணாலஸகுணராஜா புரதோ பச்ச²தோ உபோ⁴ஸு ச பஸ்ஸேஸு
 ஸகுணஸங்க⁴பரிவுதோ ஆக³ச்ச²தி. பி⁴க்க² தங் தி³ஸ்வா - “ஏஸ, ப⁴ந்தே,
 இமேஸங் ஸகுணானங் ராஜா ப⁴விஸ்ஸதி, பரிவாரா ஏதே ஏதஸ்ஸா”தி
 மஞ்ஞாமாதி. ஏவமேதங், பி⁴க்க²வே, அயம்பி மமேவ வங்ஸோ மம பவேணீதி.
 இதா³னி தாவ மயங், ப⁴ந்தே, ஏதே ஸகுணே பஸ்ஸாம. யங் பன ப⁴க³வா
 “அயம்பி மமேவ வங்ஸோ மம பவேணீ”தி ஆஹ, தங் ஸோதுகாமம்ஹாதி.
 ஸோதுகாமத்த², பி⁴க்க²வேதி? ஆம ப⁴க³வாதி. தேன ஹி ஸுணாதா²தி தீஹி
 கா³தா²ஸதேஹி மண்டெ³த்வா குணாலஜாதகங் (ஜா. 2.21.குணாலஜாதக)
 கதே²ந்தோ அனபி⁴ரதிங் வினோதே³ஸி. தே³ஸனாபரியோஸானே ஸப்³பே³பி
 ஸோதாபத்திப²லே பதிட்ட²ஹிங்ஸு, மக்³கே³னேவ ச நேஸங் இத்³தி⁴பி
 ஆக³தா. ப⁴க³வா “ஹோது தாவ எத்தகங் தேஸங் பி⁴க்க²ன”ந்தி ஆகாஸே
 உப்பதித்வா மஹாவனமேவ அக³மாஸி. தேபி பி⁴க்க² க³மனகாலே
 த³ஸப³லஸ்ஸ ஆனுபா⁴வேன க³ந்த்வா ஆக³மனகாலே அத்தனோ
 ஆனுபா⁴வேன ப⁴க³வந்தங் பரிவாரெத்வா மஹாவனே ஓதரிங்ஸு.

ப⁴க³வா பஞ்ஞத்தாஸனே நிஸீதி³த்வா தே பி⁴க்க² ஆமந்தெத்வா - “ஏத²,
 பி⁴க்க²வே, நிஸீத³த². உபரிமக்³க³த்தயவஜ்ஜா²னங் வோ கிலேஸானங்
 கம்மட்டா²னங் கதே²ஸ்ஸாமீ”தி கம்மட்டா²னங் கதே²ஸி. பி⁴க்க² சிந்தயிங்ஸு
 - “ப⁴க³வா அம்ஹாகங் அனபி⁴ரதபா⁴வங் ஞத்வா குணாலத³ஹங் நெத்வா
 அனபி⁴ரதிங் வினோதே³ஸி, தத்த² ஸோதாபத்திப²லங் பத்தானங் நோ இதா³னி
 இத⁴ திண்ணங் மக்³கா³னங் கம்மட்டா²னங் அதா³ஸி, ந கோ² பன அம்ஹேஹி
 ‘ஸோதாபன்னா மய’ந்தி வீதினாமேதுங் வட்டதி, புரிஸபுரிஸேஹி நோ
 ப⁴விதுங் வட்டதீ”தி தே த³ஸப³லஸ்ஸ பாதே³ வந்தி³த்வா உட்டா²ய
 நிஸீத³னங் பப்போ²டெத்வா விஸுங் விஸுங் பப்³பா⁴ரருக்க²மூலேஸு
 நிஸீதி³ங்ஸு.

ப⁴க³வா சிந்தேஸி - “இமே பி⁴க்க² பகதியாபி
 அவிஸ்ஸட்ட²கம்மட்டா²னா, லத்³து⁴பாயஸ்ஸ பன பி⁴க்கு²னோ
 கிலமனகாரணங் நாம நத்தி². க³ச்ச²ந்தா க³ச்ச²ந்தா ச விபஸ்ஸனங்
 வட்³டெ⁴த்வா அரஹத்தங் பத்வா ‘அத்தனா படிவித்³த⁴கு³ணங்
 ஆரோசெஸ்ஸாமா’தி மம ஸந்திகங் ஆக³மிஸ்ஸந்தி. ஏதேஸு ஆக³தேஸு
 த³ஸஸஹஸ்ஸசக்கவாளதே³வதா ஏகசக்கவாளே ஸன்னிபதிஸ்ஸந்தி,
 மஹாஸமயோ ப⁴விஸ்ஸதி, விவித்தே ஓகாஸே மயா நிஸீதி³துங் வட்டதீ”தி
 ததோ விவித்தே ஓகாஸே பு³த்தா⁴ஸனங் பஞ்ஞாபெத்வா நிஸீதி³.

ஸப்³ப³பட²மங் கம்மட்டா²னங் க³ஹெத்வா க³தத்தே²ரோ ஸஹ
 படிஸம்பி⁴தா³ஹி அரஹத்தங் பாபுணி. ததோ அபரோ ததோ அபரோதி
 பஞ்சஸதாபி பது³மினியங் பது³மானி விய விகஸிங்ஸு. ஸப்³ப³பட²மங்
 அரஹத்தங் பத்தபி⁴க்கு² “ப⁴க³வதோ ஆரோசெஸ்ஸாமீ”தி பல்லங்கங்

வினிப்பு⁴ஜித்வா நிஸீத³னங் பப்போ²டெத்வா உட்டா²ய த³ஸப³லாபி⁴முகோ² அஹோஸி. ஏவங் அபரோபி அபரோபீதி பஞ்சஸதா ப⁴த்தஸாலங் பவிஸந்தா விய படிபாடியாவ ஆக³மிங்ஸு. பட²மங் ஆக³தோ வந்தி³த்வா நிஸீத³னங் பஞ்ஞாபெத்வா, ஏகமந்தங் நிஸீதி³த்வா, படிவித்³த⁴கு³ணங் ஆரோசேதுகாமோ “அத்தி² நு கோ² அஞ்ஞோ கோசி? நத்தீ²”தி நிவத்தித்வா ஆக³தமக்³கங் ஒலோகெந்தோ அபரம்பி அத்³த³ஸ அபரம்பி அத்³த³ஸயேவாதி ஸப்³பே³பி தே ஆக³ந்த்வா ஏகமந்தங் நிஸீதி³த்வா, அயங் இமஸ்ஸ ஹராயமானோ ந கதே²ஸி, அயங் இமஸ்ஸ ஹராயமானோ ந கதே²ஸி. கீ²ணாஸவானங் கிர த்³வே ஆகாரா ஹோந்தி - “அஹோ வத மயா படிவித்³த⁴கு³ணங் ஸதே³வகோ லோகோ கி²ப்பமேவ படிவிஜ்ஜெ²ய்யா”தி சித்தங் உப்பஜ்ஜதி. படிவித்³த⁴பா⁴வங் பன நிதி⁴லத்³த⁴புரிஸோ விய ந அஞ்ஞஸ்ஸ ஆரோசேதுகாமா ஹோந்தி.

ஏவங் ஓஸடமத்தே பன தஸ்மிங் அரியமண்ட³லே பாசீனயுக³ந்த⁴ரபரிக்கே²பதோ அப்³பா⁴ மஹிகா தூ⁴மோ ரஜோ ராஹுதி, இமேஹி உபக்கிலேஸேஹி விப்பமுத்தங் பு³த்³து⁴ப்பாத³படிமண்டி³தஸ்ஸ லோகஸ்ஸ ராமணெய்யகத³ஸ்ஸனத்த²ங் பாசீனதி³ஸாய உக்கி²த்தரஜதமயமஹாஆதா³ஸமண்ட³லங் விய, நேமிவட்டியங் க³ஹெத்வா, பரிவத்தியமானரஜதசக்கஸஸ்ஸிரிகங் புண்ணசந்த³மண்ட³லங் உல்லங்கி⁴த்வா, அனிலபத²ங் படிபஜ்ஜித்த². இதி ஏவருபே க²ணே லயே முஹுத்தே ப⁴க³வா ஸக்கேஸு விஹரதி கபிலவத்து²ஸ்மிங் மஹாவனே மஹதா பி⁴க்கு²ஸங்கே⁴ன ஸத்³தி⁴ங் பஞ்சமத்தேஹி பி⁴க்கு²ஸதேஹி ஸப்³பே³ஹேவ அரஹந்தேஹி.

தத்த² ப⁴க³வாபி மஹாஸம்மதஸ்ஸ வங்ஸே உப்பன்னோ, தேபி பஞ்சஸதா பி⁴க்க² மஹாஸம்மதஸ்ஸ குலே உப்பன்னா. ப⁴க³வாபி க²த்தியக³ப்³பே⁴ ஜாதோ, தேபி க²த்தியக³ப்³பே⁴ ஜாதா. ப⁴க³வாபி ராஜபப்³புஜிதோ, தேபி ராஜபப்³புஜிதா. ப⁴க³வாபி ஸேதச்ச²த்தங் பஹாய ஹத்த²க³தங் சக்கவத்திரஜ்ஜங் நிஸ்ஸஜ்ஜித்வா பப்³புஜிதோ, தேபி ஸேதச்ச²த்தங் பஹாய ஹத்த²க³தானி ரஜ்ஜானி விஸ்ஸஜ்ஜித்வா பப்³புஜிதா. இதி ப⁴க³வா பரிஸுத்³தே⁴ ஓகாஸே, பரிஸுத்³தே⁴ ரத்திபா⁴கே³, ஸயங் பரிஸுத்³தே⁴ பரிஸுத்³த⁴பரிவாரோ, வீதராகோ³ வீதராக³பரிவாரோ, வீததோ³ஸோ வீததோ³ஸபரிவாரோ, வீதமோஹோ வீதமோஹபரிவாரோ, நித்தண்ஹோ நித்தண்ஹபரிவாரோ, நிக்கிலேஸோ நிக்கிலேஸபரிவாரோ, ஸந்தோ ஸந்தபரிவாரோ, த³ந்தோ த³ந்தபரிவாரோ, முத்தோ முத்தபரிவாரோ, அதிவிய விரோசதீதி. வண்ணபூ⁴மி நாமேஸா, யத்தகங் ஸக்கோதி, தத்தகங் வத்தப்³பங். இதி இமே பி⁴க்க² ஸந்தா⁴ய வுத்தங், “பஞ்சமத்தேஹி பி⁴க்கு²ஸதேஹி ஸப்³பே³ஹேவ அரஹந்தேஹி”தி.

யேபு⁴ய்யேனாதி ப்ஹுதரா ஸன்னிபதிதா, மந்தா³ ந ஸன்னிபதிதா
அஸஞ்ஞீ அருபாவசரதே³வதா ஸமாபன்னதே³வதாயோ ச. தத்ராயங்
ஸன்னிபாதக்கமோ - மஹாவனஸ்ஸ கிர ஸாமந்தா தே³வதா சலிங்ஸு,
“ஆயாம போ⁴! பு³த்³த⁴த³ஸ்ஸனங் நாம ப்ஹுபகாரங், த⁴ம்மஸ்ஸவனங்
ப்ஹுபகாரங், பி⁴க்கு²ஸங்க⁴த³ஸ்ஸனங் ப்ஹுபகாரங். ஆயாம ஆயாமா”தி!
மஹாஸத்³தங் குருமானா ஆக³ந்த்வா ப⁴க³வந்தஞ்ச தங்முஹுத்தங்
அரஹத்தப்பத்தகீ²ணாஸவே ச வந்தி³த்வா ஏகமந்தங் அட்ட²ங்ஸு. ஏதேனேவ
உபாயேன தாஸங் தாஸங் ஸத்³தங் ஸுத்வா
ஸத்³தந்தரஅட்³ட⁴கா³வுதகா³வுதஅட்³ட⁴யோஜனயோஜனாதி³வஸேன
தியோஜனஸஹஸ்ஸவித்த²தே ஹிமவந்தே, திக்க²த்துங் தேஸட்டி²யா
நக³ரஸஹஸ்ஸேஸு, நவனவுதியா தோ³ணமுக²ஸதஸஹஸ்ஸேஸு,
ச²னவுதியா பட்டனகோடிஸதஸஹஸ்ஸேஸு, ச²பண்ணாஸாய
ரதனாகரேஸுதி ஸகலஜம்பு³தீ³பே, புப்³ப³விதே³ஹே, அபரகோ³யானே,
உத்தரகுரும்ஹி, த்³வீஸு பரித்த³தீ³பஸஹஸ்ஸேஸுதி ஸகலசக்கவாளே,
ததோ து³தியததியசக்கவாளேதி ஏவங் த³ஸஸஹஸ்ஸசக்கவாளேஸு தே³வதா
ஸன்னிபதிதாதி வேதி³தப்³பா³. த³ஸஸஹஸ்ஸசக்கவாளஞ்ஹி இத⁴
த³ஸலோகதா⁴துயோதி அதி⁴ப்பேதங். தேன வுத்தங் - “த³ஸஹி ச
லோகதா⁴துஹி தே³வதா யேபு⁴ய்யேன ஸன்னிபதிதா ஹொந்தி”தி.

ஏவங் ஸன்னிபதிதாஹி தே³வதாஹி ஸகலசக்கவாளக³ப்³ப⁴ங் யாவ
ப்³ரஹ்மலோகா ஸுசிக⁴ரே நிரந்தரங் பக்கி²த்தஸு³ஹி விய பரிபுண்ணங்
ஹோதி. தத்த² ப்³ரஹ்மலோகஸ்ஸ ஏவங் உச்சத்தனங் வேதி³தப்³ப³ங் -
லோஹபாஸாதே³ கிர ஸத்தகூடாகா³ரஸமோ பாஸாணோ ப்³ரஹ்மலோகே
ட²த்வா அதோ⁴ கி²த்தோ சதுஹி மாஸேஹி பத²விங் பாபுணாதி. ஏவங்
மஹந்தே ஓகாஸே யதா² ஹெட்டா² ட²த்வா கி²த்தானி புப்பா²னி வா துா⁴மோ
வா உபரி க³ந்துங், உபரி வா ட²த்வா கி²த்தஸாஸபா ஹெட்டா² ஓதரிதுங்
அந்தரங் ந லப⁴ந்தி, ஏவங் நிரந்தரா தே³வதா அஹேஸுங். யதா² கோ² பன
சக்கவத்திரஞ்ஞா நிஸின்னட்டா²னங் அஸம்பா³த⁴ங் ஹோதி, ஆக³தாக³தா
மஹேஸக்கா² க²த்தியா ஓகாஸங் லப⁴ந்தியேவ, பரதோ பரதோ பன
அதிஸம்பா³த⁴ங் ஹோதி. ஏவமேவ ப⁴க³வதோ நிஸின்னட்டா²னங்
அஸம்பா³த⁴ங், ஆக³தாக³தா மஹேஸக்கா² தே³வா ச ப்³ரஹ்மானோ ச
ஓகாஸங் லப⁴ந்தியேவ. அபி ஸுத³ங் ப⁴க³வதோ ஆஸன்னாஸன்னட்டா²னே
வாலக்³க³னித்துத³னமத்தே பதே³ஸே த³ஸபி வீஸதிபி தே³வா ஸுகு²மே
அத்தபா⁴வே மாபெத்வா அட்ட²ங்ஸு. ஸப்³ப³பரதோ ஸட்டி² ஸட்டி² தே³வதா
அட்ட²ங்ஸு.

ஸுத்³தா⁴வாஸகாயிகானந்தி ஸுத்³தா⁴வாஸவாஸீனங்.
ஸுத்³தா⁴வாஸா நாம ஸுத்³தா⁴னங் அனாகா³மிகீ²ணாஸவானங் ஆவாஸா
பஞ்ச ப்³ரஹ்மலோகா. ஏதத³ஹோஸீதி கஸ்மா அஹோஸி? தே கிர

ப்ரஹ்மானோ ஸமாபத்திங் ஸமாபஜ்ஜித்வா யதா² பரிச்சே²தே³ன வுட்டி²தா ப்ரஹ்மப⁴வனங் ஒலோகெந்தா பச்சா²ப⁴த்தே ப⁴த்தகே³ஹங் விய ஸுஞ்ஞதங் அத்³த³ஸங்ஸு. ததோ “குஹிங் ப்ரஹ்மானோ க³தா”தி ஆவஜ்ஜந்தா மஹாஸமாக³மங் ஞத்வா - “அயங் ஸமாக³மோ மஹா, மயங் ஒஹீனா, ஒஹீனகானங் பன ஓகாஸோ து³ல்லபோ⁴ ஹோதி, தஸ்மா க³ச்ச²ந்தா அதுச்ச²ஹத்தா² ஹுத்வா ஏகேகங் கா³த²ங் அபி⁴ஸங்க²ரித்வா க³ச்சா²ம. தாய மஹாஸமாக³மே ச அத்தனோ ஆக³தபா⁴வங் ஜானாபெஸ்ஸாம, த³ஸப³லஸ்ஸ ச வண்ணங் பா⁴ஸிஸ்ஸாமா”தி. இதி தேஸங் ஸமாபத்திதோ உட்டா²ய ஆவஜ்ஜிதத்தா ஏதத³ஹோஸி.

ப⁴க³வதோ புரதோ பாதுரஹேஸுந்தி பாளியங் ப⁴க³வதோ ஸந்திகே அபி⁴முக²ட்டா²னேயேவ ஒதிண்ணா விய கத்வா வுத்தா, ந கோ² பனெத்த² ஏவங் அத்தோ² வேதி³தப்³போ³. தே பன ப்ரஹ்மலோகே டி²தாயேவ கா³தா² அபி⁴ஸங்க²ரித்வா ஏகோ புரத்தி²மசக்கவாளமுக²வட்டியங் ஓதரி, ஏகோ த³க்கி²ணசக்கவாளமுக²வட்டியங், ஏகோ பச்சி²மசக்கவாளமுக²வட்டியங், ஏகோ உத்தரசக்கவாளமுக²வட்டியங் ஓதரி. ததோ புரத்தி²மசக்கவாளமுக²வட்டியங் ஒதிண்ணப்³ரஹ்மா நீலகஸிணங் ஸமாபஜ்ஜித்வா நீலரஸ்மியோ விஸ்ஸஜ்ஜெத்வா த³ஸஸஹஸ்ஸசக்கவாளதே³வதானங் மணிவம்மங் படிமுஞ்சந்தோ விய அத்தனோ ஆக³தபா⁴வங் ஜானாபெத்வா பு³த்த⁴வீதி² நாம கேனசி உத்தரிதுங் ந ஸக்கா, தஸ்மா மஹதியா பு³த்த⁴வீதி²யாவ ஆக³ந்த்வா ப⁴க³வந்தங் அபி⁴வாதெ³த்வா ஏகமந்தங் அட்டா²ஸி. ஏகமந்தங் டி²தோ கோ² அத்தனா அபி⁴ஸங்க²தங் கா³த²ங் அபா⁴ஸி.

த³க்கி²ணசக்கவாளமுக²வட்டியங் ஒதிண்ணப்³ரஹ்மா பீதகஸிணங் ஸமாபஜ்ஜித்வா ஸுவண்ணபப⁴ங் முஞ்சித்வா த³ஸஸஹஸ்ஸசக்கவாளதே³வதானங் ஸுவண்ணபடங் பாருபந்தோ விய அத்தனோ ஆக³தபா⁴வங் ஜானாபெத்வா ததே²வ அகாஸி. பச்சி²மசக்கவாளமுக²வட்டியங் ஒதிண்ணப்³ரஹ்மா லோஹிதகஸிணங் ஸமாபஜ்ஜித்வா லோஹிதகரஸ்மியோ முஞ்சித்வா த³ஸஸஹஸ்ஸசக்கவாளதே³வதானங் ரத்தவரகம்ப³லேன பரிக்கி²பந்தோ விய அத்தனோ ஆக³தபா⁴வங் ஜானாபெத்வா ததே²வ அகாஸி. உத்தரசக்கவாளமுக²வட்டியங் ஒதிண்ணப்³ரஹ்மா ஓதா³தகஸிணங் ஸமாபஜ்ஜித்வா ஓதா³தரஸ்மியோ விஸ்ஸஜ்ஜெத்வா த³ஸஸஹஸ்ஸசக்கவாளதே³வதானங் ஸுமனகுஸுமபடங் பாருபந்தோ விய அத்தனோ ஆக³தபா⁴வங் ஜானாபெத்வா ததே²வ அகாஸி.

பாளியங் பன ப⁴க³வதோ புரதோ பாதுரஹேஸுங். அத² கோ² தா தே³வதா ப⁴க³வந்தங் அபி⁴வாதெ³த்வா ஏகமந்தங் அட்ட²ங்ஸுதி ஏவங் ஏகக்க²ணே விய புரதோ பாதுபா⁴வோ ச அபி⁴வாதெ³த்வா ஏகமந்தங்

டி²தபா⁴வோ ச வுத்தோ, ஸோ இமினா அனுக்கமேன அஹோஸி, ஏகதோ கத்வா பன த³ஸ்ஸிதோ. கா³தா²பா⁴ஸனங் பன பாளியம்பி விஸுங் விஸுங்யேவ வுத்தங்.

தத்த² மஹாஸமயோதி மஹாஸமுஹோ. பவனங் வுச்சதி வனஸண்டோ³. உப⁴யேனபி ப⁴க³வா “இமஸ்மிங் பன வனஸண்டே³ அஜ்ஜ மஹாஸமுஹோ ஸன்னிபாதோ”தி ஆஹ. ததோ யேஸங் ஸோ ஸன்னிபாதோ, தே த³ஸ்ஸேதுங் தே³வகாயா ஸமாக³தாதி ஆஹ. தத்த² தே³வகாயாதி தே³வக⁴டா. ஆக³தம்ஹ இமங் த⁴ம்மஸமயந்தி ஏவங் ஸமாக³தே தே³வகாயே தி³ஸ்வா மயம்பி இமங் த⁴ம்மஸமுஹங் ஆக³தா. கிங் காரணா? த³க்கி²தாயே அபராஜிதஸங்க⁴ந்தி கேனசி அபராஜிதங் அஜ்ஜேவ தயோ மாரே மத்³தி³த்வா விஜிதஸங்க³மங் இமங் அபராஜிதஸங்க⁴ங் த³ஸ்ஸனத்தா²ய ஆக³தம்ஹாதி அத்தோ². ஸோ பன, ப்³ரஹ்மா, இமங் கா³த²ங் பா⁴ஸித்வா, ப⁴க³வந்தங் அபி⁴வாதெ³த்வா, புரத்தி²மசக்கவாளமுக²வட்டியங்யேவ அட்டா²ஸி.

அத² து³தியோ வுத்தனயேனேவ ஆக³ந்த்வா அபா⁴ஸி. தத்த² தத்ர பி⁴க்க²வோதி தஸ்மிங் ஸன்னிபாதட்டா²னே பி⁴க்க². ஸமாத³ஹங்ஸுதி ஸமாதி⁴னா யோஜேஸுங். சித்தமத்தனோ உஜுகங் அகங்ஸுதி அத்தனோ சித்தே ஸப்³பே³ வங்ககுடிலஜிம்ஹபா⁴வே ஹரித்வா உஜுகங் அகரிங்ஸு. ஸாரதீ²வ நெத்தானி க³ஹெத்வாதி யதா² ஸமப்பவத்தேஸு ஸிந்த⁴வேஸு ஓத⁴ஸ்தபதோதோ³ ஸாரதீ² ஸப்³ப்யொத்தானி க³ஹெத்வா அசோதெ³ந்தோ அவாரெந்தோ திட்ட²தி, ஏவங் ச²ளங்கு³பெக்கா²ய ஸமன்னாக³தா கு³த்தத்³வாரா ஸப்³பே³பேதே பஞ்சஸதா பி⁴க்க² இந்த³ரியானி ரக்க²ந்தி பண்டி³தா, ஏதே த³ட்டு²ங் இதா⁴க³தம்ஹா ப⁴க³வாதி, ஸோபி க³ந்த்வா யதா²டா²னேயேவ அட்டா²ஸி.

அத² ததியோ வுத்தனயேனேவ ஆக³ந்த்வா அபா⁴ஸி. தத்த² செ²த்வா கீ²லந்தி ராக³தோ³ஸமோஹகீ²லங் சி²ந்தி³த்வா. பலிக⁴ந்தி ராக³தோ³ஸமோஹபலிக⁴மேவ. இந்த³கீ²லந்தி ராக³தோ³ஸமோஹஇந்த³கீ²லமேவ . ஊஹச்ச மனேஜாதி ஏதே தண்ஹாஏஜாய அனேஜா பி⁴க்க² இந்த³கீ²லங் ஊஹச்ச ஸமுஹனித்வா சதுாஸு தி³ஸாஸு அப்படிஹதசாரிகங் சரந்தி. ஸுத்³தா⁴தி நிருபக்கிலேஸா. விமலாதி நிம்மலா. இத³ங் தஸ்ஸேவ வேவசனங். சக்கு²மதாதி பஞ்சஹி சக்க²ஹி சக்கு²மந்தேன. ஸுத³ந்தாதி சக்கு²தோபி த³ந்தா ஸோததோபி கா⁴னதோபி ஜிவ்ஹாதோபி காயதோபி மனதோபி த³ந்தா. ஸுஸுனாகா³தி தருணனாகா³. தத்ராயங் வசனத்தோ² - ச²ந்தா³தீ³ஹி ந க³ச்ச²ந்தீதி நாகா³, தேன தேன மக்³கே³ன பஹீனே கிலேஸே ந ஆக³ச்ச²ந்தீதி நாகா³, நானப்பகாரங் ஆகு³ங் ந கரொந்தீதி

நாகா³. அயமெத்த² ஸங்கே²போ, வித்தா²ரோ பன மஹானித்³தே³ஸே (மஹானி.
80) வுத்தனயேனேவ வேதி³தப்³போ³.

அபிச -

“ஆகு³ங் ந கரோதி கிஞ்சி லோகே,
ஸப்³புஸங்யோக³ விஸஜ்ஜ ப³ந்த⁴னானி;
ஸப்³புத்த² ந ஸஜ்ஜதீ விமுத்தோ,
நாகோ³ தாதி³ பவுச்சதே தத²த்தா”தி. -

ஏவமெத்த² அத்தோ² வேதி³தப்³போ³. ஸுஸுனாகா³தி ஸுஸு நாகா³,
ஸுஸுனாக³பா⁴வஸம்பத்திங் பத்தாதி அத்தோ². தே ஏவருபே அனுத்தரேன
யொக்³கா³சரியேன த³மிதே தருணனாகே³ த³ஸ்ஸனாய ஆக³தம்ஹ ப⁴க³வாதி.
ஸோபி க³ந்த்வா யதா²டா²னேயேவ அட்டா²ஸி.

அத² சதுத்தோ² வுத்தனயேனேவ ஆக³ந்த்வா அபா⁴ஸி. தத்த² க³தாஸேதி
நிப்³பேமதிகஸரணக³மனேன க³தா. ஸோபி க³ந்த்வா யதா²டா²னேயேவ
அட்டா²ஸீதி. ஸத்தமங்.

8. ஸகலிகஸுத்தவண்ணனா

38. அட்ட²மே மத்³த³குச்சி²ஸ்மிந்தி ஏவங்னாமகே உய்யானே. தஞ்ஹி
அஜாதஸத்தும்ஹி குச்சி²க³தே தஸ்ஸ மாதரா - “அயங் மய்ஹங் குச்சி²க³தோ
க³ப்³போ⁴ ரஞ்ஞோ ஸத்து ப⁴விஸ்ஸதி. கிங் மே இமினா”தி?
க³ப்³பா⁴பாதனத்த²ங் குச்சி² மத்³தா³பிதா. தஸ்மா “மத்³த³குச்சி²”தி ஸங்க²ங் க³தங்.
மிகா³னங் பன அப⁴யவாஸத்தா²ய தி³ன்னத்தா மிக³தா³யோதி வுச்சதி.

தேன கோ² பன ஸமயேனாதி எத்த² அயங் அனுபுப்³பிகதா² - தே³வத³த்தோ
ஹி அஜாதஸத்துங் நிஸ்ஸாய த⁴னுக்³க³ஹே ச த⁴னபாலகஞ்ச
பயோஜெத்வாபி ததா²க³தஸ்ஸ ஜீவிதந்தராயங் காதுங் அஸக்கொந்தோ
“ஸஹத்தே²னேவ மாரெஸ்ஸாமீ”தி கி³ஜ்ஜ²கூடபப்³புதங் அபி⁴ருஹித்வா
மஹந்தங் கூடாகா³ரப்பமாணங் ஸிலங் உக்கி²பித்வா, “ஸமணோ கோ³தமோ
சுண்ணவிசண்ணோ ஹோதூ”தி பவிஜ்ஜி². மஹாதா²மவா கிரேஸ பஞ்சன்னங்
ஹத்தீ²னங் ப³லங் தா⁴ரேதி. அட்டா²னங் கோ² பனேதங், யங் புத்³தா⁴னங்
பருபக்கமேன ஜீவிதந்தராயோ ப⁴வெய்யாதி தங் ததா²க³தஸ்ஸ
ஸரீராபி⁴முக²ங் ஆக³ச்ச²ந்தங் ஆகாஸே அஞ்ஞா ஸிலா உட்ட²ஹித்வா
ஸம்படிச்சி². த்³வின்னங் ஸிலானங் ஸம்பஹாரேன மஹந்தோ பாஸாணஸ்ஸ
ஸகலிகா உட்ட²ஹித்வா ப⁴க³வதோ பிடி²பாத³பரியந்தங் அபி⁴ஹனி,
பாதோ³ மஹாப²ரஸுனா பஹதோ விய ஸமுக்³க³தலோஹிதேன
லாகா²ரஸமக்கி²தோ விய அஹோஸி. ப⁴க³வா உத்³த⁴ங் உல்லோகெத்வா

தேவதத்தங் ஏததவோச - “புஹு தயா மோகபுரிஸ, அபுஞ்ஞங் பஸுதங், யோ த்வங் பதுட்டசித்தோ வதகசித்தோ ததா²க³தஸ்ஸ லோஹிதங் உப்பாதே³ஸீ”தி. ததோ பட்டாய ப⁴க³வதோ அபா²ஸு ஜாதங். பி⁴க்க² சிந்தயிங்ஸு - “அயங் விஹாரோ உஜ்ஜங்கலோ விஸமோ, ப³ஹுனங் கத்தியாதீனஞ்சேவ பப்ப³ஜிதானஞ்ச அனோகாஸோ”தி. தே ததா²க³தங் மஞ்சஸிவிகாய ஆதாய மத்த³குச்சிங் நயிங்ஸு. தேன வுத்தங் - “தேன கோ² பன ஸமயேன ப⁴க³வதோ பாதோ³ ஸகலிகாய க²தோ ஹோதீ”தி.

பு⁴ஸாதி ப³லவதியோ. ஸுத³ந்தி நிபாதமத்தங். து³க்க²ந்தி ஸுக²படிக்²போ. திப்பா³தி ப³ஹலா. க²ராதி ப²ருஸா. கடுகாதி திகி²ணா. அஸாதாதி அமது⁴ரா. ந தாஸு மனோ அப்பேதி, ந தா மனங் அப்பாயந்தி வட்டெ⁴ந்தீதி அமனாபா. ஸதோ ஸம்பஜானோதி வேத³னாதி⁴வாஸனஸதிஸம்பஜஞ்ஞேன ஸமன்னாக³தோ ஹுத்வா. அவிஹஞ்ஞுமானோதி அபீளியமானோ, ஸம்பரிவத்தஸாயிதாய வேத³னானங் வஸங் அகச்ச²ந்தோ.

ஸீஹஸெய்யந்தி எத்த² காமபோ⁴கி³ஸெய்யா, பேதஸெய்யா, ஸீஹஸெய்யா, ததா²க³தஸெய்யாதி சதஸ்ஸோ ஸெய்யா. தத்த² “யேபு⁴ய்யேன, பி⁴க்க²வே, காமபோ⁴கீ³ ஸத்தா வாமேன பஸ்ஸேன ஸெந்தீ”தி அயங் காமபோ⁴கி³ஸெய்யா. தேஸு ஹி யேபு⁴ய்யேன தக்கி²ணபஸ்ஸேன ஸயானோ நாம நத்தி². “யேபு⁴ய்யேன, பி⁴க்க²வே, பேதா உத்தானா ஸெந்தீ”தி அயங் பேதஸெய்யா. அப்பமங்ஸலோஹிதத்தா ஹி அட்டி²ஸங்கா⁴டஜடிதா ஏகேன பஸ்ஸேன ஸயிதுங் ந ஸக்கொந்தி, உத்தானாவ ஸெந்தி. “யேபு⁴ய்யேன, பி⁴க்க²வே, ஸீஹோ மிக³ராஜா நங்கு³ட்ட²ங் அந்தரஸத்தி²ம்ஹி அனுபக்கி²பித்வா தக்கி²ணேன பஸ்ஸேன ஸேதீ”தி அயங் ஸீஹஸெய்யா. தேஜுஸ்ஸத³த்தா ஹி ஸீஹோ மிக³ராஜா த்வே புரிமபாதே³ ஏகஸ்மிங், ‘பச்சி²மபாதே³ ஏகஸ்மிங் டா²னே ட²பெத்வா நங்கு³ட்ட²ங் அந்தரஸத்தி²ம்ஹி பக்கி²பித்வா புரிமபாத³பச்சி²மபாத³னங்கு³ட்டா²னங் டி²தோகாஸங் ஸல்லக்க²த்வா த்வின்னங் புரிமபாதா³னங் மத்த²கே ஸீஸங் ட²பெத்வா ஸயதி, தி³வஸம்பி ஸயித்வா பபுஜ்ஜ²மானோ ந உத்ரஸந்தோ பபுஜ்ஜ²தி, ஸீஸங் பன உக்கி²பித்வா புரிமபாதா³தீ³னங் டி²தோகாஸங் ஸல்லக்க²தி. ஸசே கிஞ்சி டா²னங் விஜஹித்வா டி²தங் ஹோதி, “நயித³ங் துய்ஹங் ஜாதியா, ந ஸுரபா⁴வஸ்ஸ அனுருப”ந்தி அனத்தமனோ ஹுத்வா தத்தே²வ ஸயதி, ந கோ³சராய பக்கமதி. அவிஜஹித்வா டி²தே பன “துய்ஹங் ஜாதியா ச ஸுரபா⁴வஸ்ஸ ச அனுருபமித³”ந்தி ஹட்ட²துட்டோ² உட்டாய ஸீஹவிஜம்பி⁴தங் விஜம்பி⁴த்வா கேஸரபா⁴ரங் விது⁴னித்வா திக்க²த்துங் ஸீஹனாத³ங் நதி³த்வா கோ³சராய பக்கமதி. சதுத்த²ஜ்ஜா²னஸெய்யா பன

“ததா²க³தஸெய்யா”தி வுச்சதி. தாஸு இத⁴ ஸீஹஸெய்யா ஆக³தா. அயஞ்ஹி தேஜுஸ்ஸத³இரியாபத²த்தா உத்தமஸெய்யா நாம.

பாதே³ பாத³ந்தி த³க்கி²ணபாதே³ வாமபாத³ங். அச்சாதா⁴யாதி அதிஆதா⁴ய, ஈஸகங் அதிகம்ம ட²பெத்வா . கொ³ப்ப²கேன ஹி கொ³ப்ப²கே ஜாணுனா வா ஜாணும்ஹி ஸங்க⁴ட்டியமானே அபி⁴ண்ஹங் வேத³னா உப்பஜ்ஜதி, சித்தங் ஏகக்³க³ங் ந ஹோதி, ஸெய்யா அபா²ஸுகா ஹோதி. யதா² ந ஸங்க⁴ட்டேதி, ஏவங் அதிகம்ம ட²பிதே வேத³னா நுப்பஜ்ஜதி, சித்தங் ஏகக்³க³ங் ஹோதி, ஸெய்யா பா²ஸு ஹோதி. தஸ்மா ஏவங் நிபஜ்ஜி. ஸதோ ஸம்பஜானோதி ஸயனபரிக்க³ஹகஸதிஸம்பஜஞ்ஞேன ஸமன்னாக³தோ. “உட்டா²னஸஞ்ஞ”ந்தி பனெத்த² ந வுத்தங், கி³லானஸெய்யா ஹேஸா ததா²க³தஸ்ஸ.

ஸத்தஸதாதி இமஸ்மிங் ஸுத்தே ஸப்³பா³பி தா தே³வதா கி³லானஸெய்யட்டா²னங் ஆக³தா. உதா³னங் உதா³னேஸீதி கி³லானஸெய்யங் ஆக³தானங் தோ³மனஸ்ஸேன ப⁴விதப்³ப³ங் ஸியா. இமாஸங் பன ததா²க³தஸ்ஸ வேத³னாதி⁴வாஸனங் தி³ஸ்வா, “அஹோ பு³த்தா⁴னங் மஹானுபா⁴வதா! ஏவருபாஸு நாம வேத³னாஸு வத்தமானாஸு விகாரமத்தம்பி நத்தி², ஸிரீஸயனே அலங்கரித்வா ட²பிதஸுவண்ணருபகங் விய அனிஞ்ஜமானேன காயேன நிபன்னோ, இதா³னிஸ்ஸ அதி⁴கதரங் முக²வண்ணோ விரோசதி, ஆபா⁴ஸம்பன்னோ புண்ணசந்தோ³ விய ஸம்பதி விகஸிதங் விய ச அரவிந்த³ங் அஸ்ஸ முக²ங் ஸோப⁴தி, காயேபி வண்ணாயதனங் இதா³னி ஸுஸம்மட்ட²கஞ்சனங் விய விப்பஸீத³தி உதா³னங் உத³பாதி³.

நாகோ³ வத போ⁴தி, எத்த² போ⁴தி த⁴ம்மாலபனங். ப³லவந்தட்டே²ன நாகோ³. நாக³வதாதி நாக³பா⁴வேன. ஸீஹோ வதாதிஆதீ³ஸு அஸந்தாஸனட்டே²ன ஸீஹோ. ப்யத்தபரிசயட்டே²ன காரணாகாரணஜானநேன வா ஆஜானீயோ. அப்படிஸமட்டே²ன நிஸபோ⁴. க³வஸதஜெட்ட²கோ ஹி உஸபோ⁴, க³வஸஹஸ்ஸஜெட்ட²கோ வஸபோ⁴, க³வஸதஸஹஸ்ஸஜெட்ட²கோ நிஸபோ⁴தி வுச்சதி. ப⁴க³வா பன அப்படிஸமட்டே²ன ஆஸப⁴ங் டா²னங் படிஜானாதி. தேனேவத்தே²ன இத⁴ “நிஸபோ⁴”தி வுத்தோ. து⁴ரவாஹட்டே²ன தோ⁴ரய்ஹோ. நிப்³பி³ஸேவனட்டே²ன த³ந்தோ.

பஸ்ஸாதி அனியமிதாணத்தி. ஸமாதி⁴ந்தி அரஹத்தப²லஸமாதி⁴ங். ஸுவிமுத்தந்தி ப²லவிமுத்தியா ஸுவிமுத்தங். ராகா³னுக்³தங் பன சித்தங் அபி⁴னதங் நாம ஹோதி, தோ³ஸானுக்³தங் அபனதங். தது³ப⁴யபடிக்கே²பேன ந சாபி⁴னதங் ந சாபனதந்தி ஆஹ. ந ச

ஸஸங்கா²ரனிக்³க்ய்ஹவாரிதக³தந்தி ந ஸஸங்கா²ரேன ஸப்பயோகே³ன கிலேஸே நிக்³க்ய்ஹத்வா வாரிதவதங், கிலேஸானங் பன சி²ன்னத்தா வதங் ப²லஸமாதி்⁴னா ஸமாஹிதந்தி அத்தோ². **அதிக்கமிதப்³ப³ந்தி** விஹேடே²தப்³ப³ங் க்⁴ட்டேதப்³ப³ங். **அத³ஸ்ஸனாதி** அஞ்ஞாணா. அஞ்ஞாணீ ஹி அந்த்⁴பா³லோவ ஏவருபே ஸத்த²ரி அபரஜ்ஜெ²ய்யாதி தே³வத³த்தங் க்⁴ட்டயமானா வத³ந்தி.

பஞ்சவேதா³தி இதிஹாஸபஞ்சமானங் வேதா³னங் தா்⁴ரகா. **ஸதங்** ஸமந்தி வஸ்ஸஸதங். **தபஸ்ஸீதி** தபனிஸ்ஸிதகா ஹுத்வா. சரந்தி சரந்தா. ந ஸம்மாவிமுத்தந்தி ஸசேபி ஏவருபா ப்³ராஹ்மணா வஸ்ஸஸதங் சரந்தி, சித்தஞ்ச நேஸங் ஸம்மா விமுத்தங் ந ஹோதி. **ஹீனத்தருபா ந பாரங் க³மா தேதி** ஹீனத்தஸபா்⁴வா தே நிப்³பா³னங்க³மா ந ஹொந்தி. “ஹீனத்த²ருபா”திபி பாடோ², ஹீனத்த²ஜாதிகா பரிஹீனத்தா²தி அத்தோ². **தண்ஹாதி்⁴பன்னாதி** தண்ஹாய அஜ்ஜெ²த்த²டா. **வதஸீலப³த்தா்⁴தி** அஜவதகுக்குரவதாதீ³ஹி ச வதேஹி தாதி³ஸேஹேவ ச ஸீலேஹி ப³த்தா்⁴. **லூகங் தபந்தி** பஞ்சாதபதாபனங் கண்டகஸெய்யாதி³கங் தபங். இதா³னி ஸா தே³வதா ஸாஸனஸ்ஸ நிய்யானிகபா்⁴வங் கதெ²ந்தீ ந மானகாமஸ்ஸாதிஆதி³மாஹ. தங் வுத்தத்த²மேவாதி. அட்ட²மங்.

9. பட²மபஜ்ஜுன்னதீ்⁴துஸுத்தவண்ணனா

39. நவமே பஜ்ஜுன்னஸ்ஸ தீ்⁴தாதி பஜ்ஜுன்னஸ்ஸ நாம வஸ்ஸவலாஹகதே³வரஞ்ஞோ சாதுமஹாராஜிகஸ்ஸ தீ்⁴தா. **அபி்⁴வந்தே³தி** ப்⁴க³வா தும்ஹாகங் பாதே³ வந்தா³மி. **சக்கு²மதாதி** பஞ்சஹி சக்கூ²ஹி சக்கு²மந்தேன ததா²க³தேன. **த்⁴ம்மோ அனுப³த்தோ்⁴தி**, “இத³ங் மயா புப்³பே³ பரேஸங் ஸந்திகே கேவலங் ஸுதங்யேவ ஆஸீ”தி வத³தி. **ஸாஹங் தா³னீதி**, ஸா அஹங் இதா³னி. **ஸக்கி² ஜானாமீதி**, படிவேத்⁴வஸேன பச்சக்க²மேவ ஜானாமி. **விக³ரஹந்தாதி**, “ஹீனக்க²ரபத³ப்யஞ்ஜனோ”தி வா “அனிய்யானிகோ”தி வா ஏவங் க³ரஹந்தா. **ரோருவந்தி**, த்³வே ரோருவா - தூ்⁴மரோருவோ ச ஜாலரோருவோ ச. தத்த² தூ்⁴மரோருவோ விஸங் ஹோதி, ஜாலரோருவோதி பன அவீசிமஹானிரயஸ்ஸேவேதங் நாமங். தத்த² ஹி ஸத்தா அக்³கி³ம்ஹி ஜலந்தே ஜலந்தே புனப்புனங் ரவங் ரவந்தி, தஸ்மா ஸோ “ரோருவோ”தி வுச்சதி. **கோ்⁴ரந்தி தா³ருணங்**. **க²ந்தியா உபஸமேன உபேதாதி** ருச்சித்வா க²மாபெத்வா க³ஹணக²ந்தியா ச ராகா³தி³உபஸமேன ச உபேதாதி. நவமங்.

10. து³தியபஜ்ஜுன்னதீ்⁴துஸுத்தவண்ணனா

40. த³ஸமே த்⁴ம்மஞ்சாதி ச ஸத்³தே³ன ஸங்க்⁴ஞ்ச, இதி தீணி ரதனானி நமஸ்ஸமானா இதா்⁴க³தாதி வத³தி. **அத்த²வதீதி**, அத்த²வதியோ. **ப³ஹுனாபி**

கோ² தந்தி யங் த்⁴ம்மங் ஸா அபா⁴ஸி, தங் த்⁴ம்மங் ப்³ஹுனாபி
 பரியாயேன அஹங் விப⁴ஜெய்யங். தாதி³ஸோ த்⁴ம்மோதி, தாதி³ஸோ ஹி
 அயங் ப்⁴க்³வா த்⁴ம்மோ, தங்ஸண்டி²தோ தப்படிபா⁴கோ³ ப்³ஹுஹி
 பரியாயேஹி விப⁴ஜிதப்³ப்யுத்தகோதி த்³ஸ்ஸேதி. லபயிஸ்ஸாமீதி,
 கத²யிஸ்ஸாமி. யாவதா மே மனஸா பரியத்தந்தி யத்தகங் மயா மனஸா
 பரியாபுடங், தஸ்ஸத்த²ங் தி³வஸங் அவத்வா மது⁴படலங் பீளெந்தீ விய
 முஹுத்தேனேவ ஸங்கி²த்தேன கதெ²ஸ்ஸாமி. ஸேஸங் உத்தானமேவாதி.
 த்³ஸமங்.

ஸதுல்லபகாயிகவக்³கோ³ சதுத்தோ².

5. ஆதி³த்தவக்³கோ³

1. ஆதி³த்தஸுத்தவண்ணனா

41. ஆதி³த்தவக்³க்³ஸ்ஸ பட²மே ஜராய மரணேன சாதி
 தே³ஸனாஸீஸமேதங், ராகா³தீ³ஹி பன ஏகாத³ஸஹி அக்³கீ³ஹி லோகோ
 ஆதி³த்தோவ. தா³னேனாதி தா³னசேதனாய. தி³ன்னங் ஹோதி ஸுனீஹதந்தி
 தா³னபுஞ்ஞசேதனாஹி தா³யகஸ்ஸேவ ஹோதி க்⁴ரஸாமிகஸ்ஸ விய
 நீஹதப⁴ண்ட³கங், தேனேதங் வுத்தங். சோரா ஹரந்தீதி அதி³ன்னே போ⁴கே³
 சோராபி ஹரந்தி ராஜானோபி, அக்³கி³பி ட³ஹதி, ட²பிதட்டா²னேபி நஸ்ஸந்தி.
 அந்தேனாதி மரணேன. ஸரீரங் ஸபரிக்க³ஹந்தி ஸரீரஞ்சேவ சோராதி³னங்
 வஸேன அவினட்ட²போ⁴கே³ ச. ஸக்³க்³முபேதீதி
 வெஸ்ஸந்தரமஹாராஜாத³யோ விய ஸக்³கே³ நிப்³புத்ததீதி. பட²மங்.

2. கிங்த³த³ஸுத்தவண்ணனா

42. து³தியே அன்னதோ³தி யஸ்மா அதிப³லவாபி த்³வே தீணி ப்⁴த்தானி
 அபு⁴த்வா உட்டா²துங் ந ஸக்கோதி, பு⁴த்வா பன து³ப்³புலோபி ஹுத்வா
 ப³லஸம்பன்னோ ஹோதி, தஸ்மா “அன்னதோ³ ப³லதோ³”தி ஆஹ.
 வத்த²தோ³தி யஸ்மா ஸுருபோபி து³ச்சோளோ வா அசோளோ வா விருபோ
 ஹோதி ஓஹீனிதோ து³த்த³ஸிகோ, வத்த²ச்ச²ன்னோ தே³வபுத்தோ விய
 ஸோப⁴தி , தஸ்மா “வத்த²தோ³ ஹோதி வண்ணதோ³”தி ஆஹ. யானதோ³தி
 ஹத்தி²யானாதீ³னங் தா³யகோ. தேஸு பன -

“ந ஹத்தி²யானங் ஸமணஸ்ஸ கப்பதி,
 ந அஸ்ஸயானங், ந ரதே²ன யாதுங்;
 இத³ஞ்ச யானங் ஸமணஸ்ஸ கப்பதி,
 உபாஹனா ரக்க²தோ ஸீலக²ந்த⁴”ந்தி.

தஸ்மா ச²த்துபாஹனகத்தரயட்டி²மஞ்சபீடா²னங் தா³யகோ, யோ ச மக்³க்³ங் ஸோதே⁴தி, நிஸ்ஸேணிங் கரோதி, ஸேதுங் கரோதி, நாவங் படியாதே³தி, ஸப்³போ³பி யானதோ³வ ஹோதி. ஸுக²தோ³ ஹோதீதி யானஸ்ஸ ஸுக²வஹனதோ ஸுக²தோ³ நாம ஹோதி. சக்கு²தோ³தி அந்த⁴காரே சக்கு²மந்தானம்பி ரூபத³ஸ்ஸனாபா⁴வதோ தீ³பதோ³ சக்கு²தோ³ நாம ஹோதி, அனுருத்³த⁴த்தே²ரோ விய தி³ப்³சக்கு² ஸம்பத³ம்பி லப⁴தி.

ஸப்³ப³த³தோ³ ஹோதீதி ஸப்³பே³ஸங்யேவ ப³லாதீ³னங் தா³யகோ ஹோதி. த்³வே தயோ கா³மே பிண்டா³ய சரித்வா கிஞ்சி அலத்³தா⁴ ஆக³தஸ்ஸாபி ஸீதலாய பொக்க²ரணியா நஹாயித்வா பதிஸ்ஸயங் பவிஸித்வா முஹுத்தங் மஞ்சே நிபஜ்ஜித்வா உட்டா³ய நிஸின்னஸ்ஸ ஹி காயே ப³லங் ஆஹரித்வா பக்கி²த்தங் விய ஹோதி. ப³ஹி விசரந்தஸ்ஸ ச காயே வண்ணாயதனங் வாதாதபேஹி ஜா²யதி, பதிஸ்ஸயங் பவிஸித்வா த்³வாரங் பிதா⁴ய முஹுத்தங் நிபன்னஸ்ஸ ச விஸபா⁴க³ஸந்ததி வுபஸம்மதி, ஸபா⁴க³ஸந்ததி ஓக்கமதி, வண்ணாயதனங் ஆஹரித்வா பக்கி²த்தங் விய ஹோதி. ப³ஹி விசரந்தஸ்ஸ பாதே³ கண்டகோ விஜ்ஜ²தி, கா²ணு பஹரதி, ஸரீஸபாதி³பரிஸ்ஸயோ சேவ சோரப⁴யஞ்ச உப்பஜ்ஜதி, பதிஸ்ஸயங் பவிஸித்வா த்³வாரங் பிதா⁴ய நிபன்னஸ்ஸ ஸப்³பே³தே பரிஸ்ஸயா ந ஹொந்தி, த⁴ம்மங் ஸஜ்ஜா²யந்தஸ்ஸ த⁴ம்மபீதிஸுக²ங், கம்மட்டா²னங் மனஸிகரொந்தஸ்ஸ உபஸமஸுக²ங் உப்பஜ்ஜதி. ததா² ப³ஹி விசரந்தஸ்ஸ ச ஸேதா³ முச்சந்தி, அக்கீ²னி ப²ந்த³ந்தி, ஸேனாஸனங் பவிஸனக்க²ணே கூபே ஓதிண்ணோ விய ஹோதி, மஞ்சபீடா²தீ³னி ந பஞ்ஞாயந்தி. முஹுத்தங் நிஸின்னஸ்ஸ பன அக்கி²பஸாதோ³ ஆஹரித்வா பக்கி²த்தோ விய ஹோதி, த்³வாரகவாடவாதபானமஞ்சபீடா²தீ³னி பஞ்ஞாயந்தி. தேன வுத்தங் - “ஸோ ச ஸப்³ப³த³தோ³ ஹோதி, யோ த³தா³தி உபஸ்ஸய”ந்தி.

அமதங்த³தோ³ ச ஸோ ஹோதீதி பணீதபோ⁴ஜனஸ்ஸ பத்தங் பூரெந்தோ விய அமரணதா³னங் நாம தே³தி. யோ த⁴ம்மமனுஸாஸதீதி யோ த⁴ம்மங் அனுஸாஸதி, அட்ட²கத²ங் கதே²தி, பாளிங் வாசேதி, புச்சி²தபஞ்ஹங் விஸ்ஸஜ்ஜேதி, கம்மட்டா²னங் ஆசிக்க²தி, த⁴ம்மஸ்ஸவனங் கரோதி, ஸப்³போ³பேஸ த⁴ம்மங் அனுஸாஸதி நாம. ஸப்³ப³தா³னானஞ்ச இத³ங் த⁴ம்மதா³னமேவ அக்³க³ந்தி வேதி³தப்³பங். வுத்தம்பி சேதங் -

“ஸப்³ப³தா³னங் த⁴ம்மதா³னங் ஜினாதி,
ஸப்³ப³ரஸங் த⁴ம்மரஸோ ஜினாதி;
ஸப்³ப³ரதிங் த⁴ம்மரதி ஜினாதி,
தண்ணஹக்க²யோ ஸப்³ப³து³க்க²ங் ஜினாதீ³தி. (த⁴. ப. 354); து³தியங்;

3. அன்னஸுத்தவண்ணனா

43. ததியே அபி⁴னந்த³ந்தீதி பத்தெ²ந்தி. ப⁴ஜதீதி உபக³ச்ச²தி, சித்தக³ஹபதிஸ்வலித்தே²ராதி³கே விய பச்ச²தோ அனுப³ந்த⁴தி. தஸ்மாதி யஸ்மா இத⁴லோகே பரலோகே ச அன்னதா³யகமேவ அனுக³ச்ச²தி, தஸ்மா. ஸேஸங் உத்தானமேவாதி. ததியங்.

4. ஏகமூலஸுத்தவண்ணனா

44. சதுத்தே² ஏகமூலந்தி அவிஜ்ஜா தண்ஹாய மூலங், தண்ஹா அவிஜ்ஜாய. இத⁴ பன தண்ஹா அதி⁴ப்பேதா. த்³வீஹி ஸஸ்ஸதுச்சே²த³தி³ட்ட²ஹி ஆவட்டதீதி த்³விராவட்டா. ஸா ச ராகா³தீ³ஹி தீஹி மலேஹி திமலா. தத்ராஸ்ஸா மோஹோ ஸஹஜாதகோடியா மலங் ஹோதி, ராக³தோ³ஸா உபனிஸ்ஸயகோடியா. பஞ்ச பன காமகு³ணா அஸ்ஸா பத்த²ரணட்டா²னா, தேஸு ஸா பத்த²ரதீதி பஞ்சபத்த²ரா. ஸா ச அபுரணீயட்டே²ன ஸமுத்³தோ³. அஜ்ஜத்திகபா³ஹிரேஸு பனேஸா த்வாத³ஸாயதனேஸு ஆவட்டதி பரிவட்டதீதி த்வாத³ஸாவட்டா. அபதிட்ட²ட்டே²ன பன பாதாலோதி வச்சதீதி. ஏகமூலங்...பே... பாதாலங், அதரி இஸி, உத்தரி ஸமதிக்கமீதி அத்தோ². சதுத்த²ங்.

5. அனோமஸுத்தவண்ணனா

45. பஞ்சமே அனோமனாமந்தி ஸப்³ப³கு³ணஸமன்னாக³த்தா அவேகல்லனாமங், பரிபுரனாமந்தி அத்தோ². நிபுணத்த²த³ஸ்ஸிந்தி ப⁴க³வா ஸண்ஹஸுகு²மே க²ந்த⁴ந்தராத³யோ அத்தே² பஸ்ஸதீதி நிபுணத்த²த³ஸ்ஸீ. பஞ்ஞாத³ந்தி அன்வயபஞ்ஞாதி⁴க³மாய படிபத³ங் கத²னவஸேன பஞ்ஞாய தா³யகங். காமாலயே அஸத்தந்தி பஞ்சகாமகு³ணாலயே அலக்³க³ங். கமமானந்தி ப⁴க³வா மஹாபோ³தி⁴மண்டே³யேவ அரியமக்கே³ன க³தோ, ந இதா³னி க³ச்ச²தி, அதீதங் பன உபாதா³ய இத³ங் வுத்தங். மஹேஸிந்தி மஹந்தானங் ஸீலக்க²ந்தா⁴தீ³னங் ஏஸிதாரங் பரியேஸிதாரந்தி. பஞ்சமங்.

6. அச்ச²ராஸுத்தவண்ணனா

46. ச²ட்டே² அச்ச²ராக³ணஸங்கு⁴ட்ட²ந்தி அயங் கிர தே³வபுத்தோ ஸத்து²ஸாஸனே பப்³ப³ஜித்வா வத்தபடிபத்திங் பூரயமானோ பஞ்சவஸ்ஸகாலே பவாரெத்வா த்³வேமாதிகங் பகு³ணங் கத்வா கம்மாகம்மங் உக்³க³ஹெத்வா சித்தருசிதங் கம்மட்டா²னங் உக்³க³ணஹித்வா ஸல்லஹுகவுத்திகோ அரஞ்ஞங் பவிஸித்வா யோ ப⁴க³வதா மஜ்ஜி²மயாமோ ஸயனஸ்ஸ கொட்டா²ஸோதி அனுஞ்ஞாதோ. தஸ்மிம்பி ஸம்பத்தே “பமாத³ஸ்ஸ பா⁴யாமீ”தி மஞ்சகங் உக்கி²பித்வா ரத்திஞ்ச தி³வா ச நிராஹாரோ கம்மட்டா²னமேவ மனஸாகாஸி.

அதஸ்ஸ அப்ப்ந்தரே ஸத்த்கவாதா உப்பஜ்ஜித்வா ஜீவிதங்
பரியாதி³யிங்ஸு. ஸோ து⁴ரஸ்மிங்யேவ காலமகாஸி. யோ ஹி கோசி
பி⁴க்கு² சங்கமே சங்கமமானோ வா ஆலம்ப்னத்த²ம்ப⁴ங் நிஸ்ஸாய டி²தோ
வா சங்கமகோடியங் சீவரங் ஸீஸே ட²பெத்வா நிஸின்னோ வா நிபன்னோ வா
பரிஸமஜ்ஜே² அலங்கதத⁴ம்மாஸனே த⁴ம்மங் தே³ஸெந்தோ வா காலங்
கரோதி, ஸப்போ³ ஸோ து⁴ரஸ்மிங் காலங் கரோதி நாம. இதி அயங்
சங்கமனே காலங் கத்வா உபனிஸ்ஸயமந்த³தாய ஆஸவக்க²யங் அப்பத்தோ
தாவதிங்ஸப⁴வனே மஹாவிமானத்³வாரே நித்³தாயித்வா பபுஜ்ஜந்தோ விய
படிஸந்தி⁴ங் அக்க³ஹேஸி. தாவதே³வஸ்ஸ ஸுவண்ணதோரணங் விய
திகா³வுதோ அத்தபா⁴வோ நிப்ப³த்தி.

அந்தோவிமானே ஸஹஸ்ஸமத்தா அச்ச²ரா தங் தி³ஸ்வா,
“விமானஸாமிகோ தே³வபுத்தோ ஆக³தோ, ரமயிஸ்ஸாம ந³ந்தி தூரியானி
க³ஹெத்வா பரிவாரயிங்ஸு. தே³வபுத்தோ ந தாவ சுதபா⁴வங் ஜானாதி,
பப்ப³ஜிதஸஞ்ஞீயேவ அச்ச²ரா ஓலோகெத்வா விஹாரசாரிகங் ஆக³தங்
மாதுகா³மங் தி³ஸ்வா லஜ்ஜீ. பங்ஸுகூலிகோ விய உபரி டி²தங் க⁴னது³கூலங்
ஏகங்ஸங் கரொந்தோ அங்ஸகூடங் படிச்சா²தெ³த்வா இந்த³ரியானி ஒக்கி²பித்வா
அதோ⁴முகோ² அட்டா²ஸி. தஸ்ஸ காயவிகாரேனேவ தா தே³வதா
“ஸமணதே³வபுத்தோ அய³ந்தி ஞத்வா ஏவமாஹங்ஸு - “அய்ய, தே³வபுத்த,
தே³வலோகோ நாமாயங், ந ஸமணத⁴ம்மஸ்ஸ கரணோகாஸோ, ஸம்பத்திங்
அனுப⁴வனோகாஸோ³தி. ஸோ ததே²வ அட்டா²ஸி. தே³வதா “ந தாவாயங்
ஸல்லக்கே²தி³ தூரியானி பக்க³ணஹிங்ஸு. ஸோ ததா²பி
அனோலோகெந்தோவ அட்டா²ஸி.

அதஸ்ஸ ஸப்ப³காயிகங் ஆதா³ஸங் புரதோ ட²பயிங்ஸு. ஸோ சா²யங்
தி³ஸ்வா சுதபா⁴வங் ஞத்வா, “ந மயா இமங் டா²னங் பத்தெ²த்வா
ஸமணத⁴ம்மோ கதோ, உத்தமத்த²ங் அரஹத்தங் பத்தெ²த்வா கதோ³தி
ஸம்பத்தியா விப்படிஸாரீ அஹோஸி, “ஸுவண்ணபடங் படிஸபி⁴ஸ்ஸாமீ³தி
தக்கயித்வா யுத்³த⁴ட்டா²னங் ஓதிண்ணமல்லோ மூலகமுட்டி²ங் லபி⁴த்வா
விய. ஸோ - “அயங் ஸக்க³ஸம்பத்தி நாம ஸுலபா⁴, புத்³தா⁴னங்
பாதுபா⁴வோ து³ல்லபோ⁴³தி சிந்தெத்வா விமானங் அபவிஸித்வாவ
அஸம்பி⁴ன்னேனேவ ஸீலேன அச்ச²ராஸங்க⁴பரிவுதோ த³ஸப³லஸ்ஸ
ஸந்திகங் ஆக³ம்ம அபி⁴வாதெ³த்வா ஏகமந்தங் டி²தோ இமங் கா³த²ங்
அபா⁴ஸி.

தத்த² அச்ச²ராக³ணஸங்கு⁴ட்ட²ந்தி அச்ச²ராக³ணேன
கீதவாதி³தஸத்³தே³ஹி ஸங்கோ⁴ஸிதங். பிஸாசக³ணஸேவிதந்தி தமேவ
அச்ச²ராக³ணங் பிஸாசக³ணங் கத்வா வத³தி. வனந்தி நந்த³னவனங் ஸந்தா⁴ய
வத³தி. அயஞ்ஹி நியாமசித்ததாய அத்தனோ க³ருபா⁴வேன தே³வக³ணங்

“தேவகணோ”தி வத்துங் ந ரோசேதி. “பிஸாசகணோ”தி வததி. நந்தனவனஞ்ச
“நந்தன”ந்தி அவத்வா “மோஹன”ந்தி வததி . கதங் யாத்ரா பவிஸ்ஸதீதி
கதங் நிக்மனங் பவிஸ்ஸதி, கதங் அதிக்மோ பவிஸ்ஸதி,
அரஹத்தஸ்ஸ மே பதட்டாநபுதங் விபஸ்ஸனங் ஆசிக்கத பகவாதி
வததி.

அத பகவா “அதிஸல்லிகதேவ அயங் தேவபுத்தோ, கிங் நு கோ
இத”ந்தி? ஆவஜ்ஜெந்தோ அத்தனோ ஸாஸனே பப்பஜிதபாவங் ஞத்வா -
“அயங் அச்சாரத்தவீரியதாய காலங் கத்வா தேவலோகே நிப்பத்தோ,
அஜ்ஜாபிஸ்ஸ சங்கமனஸ்மிந்யேவ அத்தபாவோ அஸம்பின்னேன
ஸீலேன ஆகதோ”தி சிந்தேஸி. புத்தா ச அகதாபிநிவேஸஸ்ஸ
ஆதிக்கம்மிகஸ்ஸ அகதபரிகம்மஸ்ஸ அந்தேவாஸினோ சித்தகாரோ
பித்திபரிகம்மங் விய - “ஸீலங் தாவ ஸோதேஹி, ஸமாதிங்
பாவேஹி, கம்மஸ்ஸகதபஞ்ஞங் உஜுங் கரோஹி”தி படமங்
புப்பபாஃகப்படிபதங் ஆசிக்கந்தி, காரகஸ்ஸ பன யுத்தபயுத்தஸ்ஸ
அரஹத்தமக்கபதட்டாநபுதங் ஸண்ஹஸுகுமங்
ஸுஞ்ஞதாவிபஸ்ஸனந்யேவ ஆசிக்கந்தி, அயஞ்ச தேவபுத்தோ காரகோ
அபின்னஸீலோ, ஏகோ மக்கோ அஸ்ஸ அனாகதோதி
ஸுஞ்ஞதாவிபஸ்ஸனங் ஆசிக்கந்தோ உஜுகோ நாமாதிஆதிமாஹ.

தத்த உஜுகோதி காயவங்காதீனங் அபாவதோ அட்டங்கிகோ மக்கோ
உஜுகோ நாம. அபாயா நாம ஸா திஸாதி நிப்பாநங் ஸந்தாயாஹ.
தஸ்மிங் ஹி கிஞ்சி பாயங் நத்தி, தங் வா பத்தஸ்ஸ பாயங் நத்தீதி
“அபாயா நாம ஸா திஸா”தி வுத்தங். ரதோ அக்ஹனோதி அட்டங்கிகோ
மக்கோவ அதிப்பேதோ. யதா ஹி பாகதிகரதோ அக்கே வா
அனப்பஞ்ஜிதே அதிரேகேஸு வா மனுஸ்ஸேஸு அபிருள்ளேஸு கூஜதி
விரவதி, ந ஏவங் அரியமக்கோ. ஸோ ஹி ஏகப்பஹாரேன சதுராஸீதியாபி
பாணஸஹஸ்ஸேஸு அபிருஹந்தேஸு ந கூஜதி ந விரவதி. தஸ்மா
“அக்ஹனோ”தி வுத்தோ. தம்மசக்கேஹி ஸங்யுதோதி
காயிகசேதஸிகவீரியஸங்காதேஹி தம்மசக்கேஹி ஸங்யுத்தோ.

ஹிரீதி எத்த ஹிரிக்கஹணேன ஒத்தப்பம்பி கஹிதமேவ ஹோதி.
தஸ்ஸ அபாலம்போதி யதா பாஹிரகரதஸ்ஸ ரதே டிதானங் யோதாநங்
அபதனத்தாய தாருமயங் அபாலம்பநங் ஹோதி, ஏவங் இமஸ்ஸ
மக்கரதஸ்ஸ அஜ்ஜத்தபஹித்தாஸமுட்டாநங் ஹிரொத்தப்பங்
அபாலம்பநங். ஸத்யஸ்ஸ பரிவாரணந்தி ரதஸ்ஸ ஸீஹசம்மாதிபரிவாரோ
விய இமஸ்ஸாபி மக்கரதஸ்ஸ ஸம்பயுத்தா ஸதி பரிவாரணங். தம்மந்தி
லோகுத்தரமக்கங் . ஸம்மாதிட்டிபுரேஜவந்தி
விபஸ்ஸனாஸம்மாதிட்டிபுரேஜவா அஸ்ஸ புப்பயாயிகாதி

ஸம்மாதி³ட்டி²புரேஜவோ, தங் ஸம்மாதி³ட்டி²புரேஜவங். யதா² ஹி பட²மதரங்
ராஜபுரிஸேஹி காணகுணிஆதீ³னங்நீஹரணேன மக்³கே³ ஸோதி⁴தே பச்சா²
ராஜா நிக்க²மதி, ஏவமேவங் விபஸ்ஸனா ஸம்மாதி³ட்டி²யா அனிச்சாதி³வஸேன
கந்தா⁴தீ³ஸு ஸோதி⁴தேஸு பச்சா² பூ⁴மிலத்³த⁴வட்டங் பரிஜானமானா
மக்³க³ஸம்மாதி³ட்டி² உப்பஜ்ஜதி. தேன வுத்தங் “த⁴ம்மாஹங் ஸாரதி²ங் ப்³ருமி,
ஸம்மாதி³ட்டி²புரேஜவ”ந்தி.

இதி ப⁴க³வா தே³ஸனங் நிட்டா²பெத்வா அவஸானே சத்தாரி ஸச்சானி
தீ³பேஸி. தே³ஸனாபரியோஸானே தே³வபுத்தோ ஸோதாபத்தி²லே
பதிட்டா²ஸி. யதா² ஹி ரஞ்ஞோ போ⁴ஜனகாலே அத்தனோ முக²ப்பமானே
கப³ளே உக்கி²த்தே அங்கே நிஸின்னோ புத்தோ அத்தனோ முக²ப்பமானேனேவ
ததோ கப³ளங் கரோதி, ஏவமேவங் ப⁴க³வதி அரஹத்தனிகூடேன தே³ஸனங்
தே³ஸெந்தேபி ஸத்தா அத்தனோ உபனிஸ்ஸயானுருபேன
ஸோதாபத்தி²லாதீ³னி பாபுணந்தி. அயம்பி தே³வபுத்தோ ஸோதாபத்தி²லங்
பத்வா ப⁴க³வந்தங் கந்தா⁴தீ³ஹி பூஜெத்வா பக்காமீதி. ச²ட்ட²ங்.

7. வனரோபஸுத்தவண்ணனா

47. ஸத்தமே த⁴ம்மட்டா² ஸீலஸம்பன்னாதி கே த⁴ம்மட்டா², கே
ஸீலஸம்பன்னாதி புச்ச²தி. ப⁴க³வா இமங் பஞ்ஹங் தா²வரவத்து²னா
தீ³பெந்தோ ஆராமரோபாதிஆதி³மாஹ. தத்த² ஆராமரோபாதி
புப்பா²ராமப²லாராமரோபகா. வனரோபாதி ஸயங்ஜாதே அரோபிமவனே ஸீமங்
பரிக்கி²பித்வா
சேதியபோ³தி⁴சங்கமனமண்ட³பகுடிவேணரத்திட்டா²னதி³வாட்டா²னானங் காரகா
சா²யூபகே³ ருக்கே² ரோபெத்வா த³த³மானாபி வனரோபாயேவ நாம.
ஸேதுகாரகாதி விஸமே ஸேதுங் கரொந்தி, உத³கே நாவங் படியாதெ³ந்தி .
பபந்தி பானீயதா³னஸாலங். உத³பானந்தி யங்கிஞ்சி பொக்க²ரணீதளாகாதி³ங்.
உபஸ்ஸயந்தி வாஸாகா³ரங். “உபாஸய”ந்திபி பாடோ².

ஸதா³ புஞ்ஞங் பவட்³ட⁴தீ³தி ந அகுஸலவிதக்கங் வா விதக்கெந்தஸ்ஸ
நித்தா³யந்தஸ்ஸ வா பவட்³ட⁴தி. யதா³ யதா³ பன அனுஸ்ஸரதி, ததா³ ததா³
தஸ்ஸ வட்³ட⁴தி. இமமத்த²ங் ஸந்தா⁴ய “ஸதா³ புஞ்ஞங் பவட்³ட⁴தீ³தி
வுத்தங். த⁴ம்மட்டா² ஸீலஸம்பன்னாதி தஸ்மிங் த⁴ம்மே டி²தத்தா தேனபி
ஸீலேன ஸம்பன்னத்தா த⁴ம்மட்டா² ஸீலஸம்பன்னா. அத² வா ஏவருபானி
புஞ்ஞானி கரொந்தானங் த³ஸ குஸலா த⁴ம்மா பூரெந்தி, தேஸு டி²தத்தா
த⁴ம்மட்டா². தேனேவ ச ஸீலேன ஸம்பன்னத்தா ஸீலஸம்பன்னாதி.
ஸத்தமங்.

8. ஜேதவனஸுத்தவண்ணனா

48. அட்டமே இதங் ஹி தங் ஜேதவனந்தி அனாதபிண்டிகோ தேவபுத்தோ ஜேதவனஸ்ஸ சேவ புத்தாதீனஞ்ச வண்ணபணனத்தங் ஆகதோ ஏவமாஹ. இஸிஸங்கனிஸேவிதந்தி பிக்குஸங்கனிஸேவிதங்.

ஏவங் படமகாதாய ஜேதவனஸ்ஸ வண்ணங் கதெந்தோ இதானி அரியமக்கஸ்ஸ கதெந்தோ கம்மங் விஜ்ஜாதிஆதிமாஹ. தத்த கம்மந்தி மக்கசேதனா. விஜ்ஜாதி மக்கபஞ்ஞா. தம்மோதி ஸமாதிபக்கிகா தம்மா. ஸீலங் ஜீவிதமுத்தமந்தி ஸீலே பதிட்டிதஸ்ஸ ஜீவிதங் உத்தமந்தி தஸ்ஸேதி. அத வா விஜ்ஜாதி திட்டிஸங்கப்பா. தம்மோதி வாயாமஸதிஸமாதயோ. ஸீலந்தி வாசாகம்மந்தாஜீவா. ஜீவிதமுத்தமந்தி ஏதஸ்மிங் ஸீலே டிதஸ்ஸ ஜீவிதங் நாம உத்தமங். ஏதேன மச்சா ஸுஜ்ஜந்தீதி ஏதேன அட்டங்கிகமக்கேன ஸத்தா விஸுஜ்ஜந்தி.

தஸ்மாதி யஸ்மா மக்கேன ஸுஜ்ஜந்தி, ந கொத்ததனேஹி, தஸ்மா. யோனிஸோ விசினே தம்மந்தி உபாயேன ஸமாதிபக்கியதம்மங் விசினெய்ய. ஏவங் தத்த விஸுஜ்ஜந்தீதி ஏவங் தஸ்மிங் அரியமக்கே விஸுஜ்ஜந்தி. அத வா யோனிஸோ விசினே தம்மந்தி உபாயேன பஞ்சக்கந்ததம்மங் விசினெய்ய. ஏவங் தத்த விஸுஜ்ஜந்தீதி ஏவங் தேஸு சதுஸு ஸச்சேஸு விஸுஜ்ஜந்தி.

இதானி ஸாரிபுத்ததேரஸ்ஸ வண்ணங் கதெந்தோ ஸாரிபுத்தோவாதிஆதிமாஹ. தத்த ஸாரிபுத்தோவாதி அவதாரணவசனங், ஏதேஹி பஞ்ஞாதீஹி ஸாரிபுத்தோவ ஸெய்யோதி வததி. உபஸமேனாதி கிலேஸஉபஸமேன . பாரங் கதோதி நிப்பாணங் கதோ. யோ கோசி நிப்பாணங் பத்தோ பிக்கு, ஸோ ஏதாவபரமோ ஸியா, ந தேரேன உத்தரிதரோ நாம அத்தீதி வததி. ஸேஸங் உத்தானமேவாதி. அட்டமங்.

9. மச்சரிஸுத்தவண்ணனா

49. நவமே மச்சரினோதி மச்சேரேன ஸமன்னாகதா. ஏகச்சோ ஹி அத்தனோ வஸனட்டானே பிக்குங் ஹத்தங் பஸாரெத்வாபி ந வந்ததி, அஞ்ஞத்த கதோ விஹாரங் பவிஸித்வா ஸக்கச்சங் வந்தித்வா மதுரபடிஸந்தாரங் கரோதி - “பந்தே, அம்ஹாகங் வஸனட்டானங் நாகச்சத, ஸம்பன்னோ பதேஸோ, படிபலா மயங் அய்யானங் யாகுபத்தாதீஹி உபட்டானங் காது”ந்தி. பிக்கு “ஸத்தோ” அயங் உபாஸகோ”தி யாகுபத்தாதீஹி ஸங்கண்ணஹந்தி. அதேகோ தேரோ தஸ்ஸ காமங் கந்த்வா பிண்டாய சரதி. ஸோ தங் திஸ்வா அஞ்ஞேன வா கச்சதி, காரங் வா பவிஸதி. ஸசேபி ஸம்முகீபாவங் ஆகச்சதி, ஹத்தேன வந்தித்வா - “அய்யஸ்ஸ பிக்குங் தேத, அஹங் ஏகேன கம்மேன கச்சாமீ”தி பக்கமதி. தேரோ ஸகலகாமங் சரித்வா துச்சபத்தோவ நிக்கமதி.

இத³ங் தாவ முது³மச்ச²ரியங் நாம, யேன ஸமன்னாக³தோ அதா³யகோபி
தா³யகோ விய பஞ்ஞாயதி. இத⁴ பன த²த³த⁴மச்ச²ரியங் அதி⁴ப்பேதங், யேன
ஸமன்னாக³தோ பி⁴க்க²ஸு பிண்டா³ய பவிட்டே²ஸு, “தே²ரா டி²தா”தி வுத்தே,
“கிங் மய்ஹங் பாதா³ ருஜ்ஜந்தீ”திஆதீ³னி வத்வா ஸிலாத²ம்போ⁴ விய
கா²ணுகோ விய ச த²த³தோ⁴ ஹுத்வா திட்ட²தி, ஸாமீசிம்பி ந கரோதி.
கத³ரியாதி இத³ங் மச்ச²ரினோதி பத³ஸ்ஸேவ வேவசனங். முது³கம்பி ஹி
மச்ச²ரியங் “மச்ச²ரிய”ந்தேவ வச்சதி, த²த³த⁴ங் பன கத³ரியங் நாம.
பரிபா⁴ஸகாதி பி⁴க்க² க⁴ரத்³வாரே டி²தே தி³ஸ்வா, “கிங் தும்ஹே
கஸித்வா ஆக³தா, வபித்வா, லாயித்வா? மயங் அத்தனோபி ந லபா⁴ம, குதோ
தும்ஹாகங், ஸீக⁴ங் நிக்க²மதா²”திஆதீ³ஹி ஸங்தஜ்ஜகா. அந்தராயகராதி
தா³யகஸ்ஸ ஸக்³ந்தராயோ, படிக்க³ஹகானங் லாப⁴ந்தராயோ, அத்தனோ
உபகா⁴தோதி இமேஸங் அந்தராயானங் காரகா.

ஸம்பராயோதி பரலோகோ. ரதீதி பஞ்சகாமகு³ணரதி. கி²ட்டா³தி
காயிககி²ட்டா³தி³கா திவிதா⁴ கி²ட்டா³. தி³ட்டே² த⁴ம்மேஸ விபாகோதி
தஸ்மிங் நிப்³ப்த்தப⁴வனே தி³ட்டே² த⁴ம்மே ஏஸ விபாகோ. ஸம்பராயே ச
து³க்க³தீதி “யமலோகங் உபபஜ்ஜரே”தி வுத்தே ஸம்பராயே ச து³க்க³தி.

வத³ஞ்ஞாதி பி⁴க்க² க⁴ரத்³வாரே டி²தா கிஞ்சாபி துண்ஹீவ ஹொந்தி,
அத்த²தோ பன - “பி⁴க்க²ங் தே³தா²”தி வத³ந்தி நாம. தத்ர யே “மயங் பசாம,
இமே பன ந பசந்தி, பசமானே பத்வா அலப⁴ந்தா குஹிங் லபி⁴ஸ்ஸந்தீ”தி?
தெ³ய்யத⁴ம்மங் ஸங்விப⁴ஜந்தி, தே வத³ஞ்ஞா நாம. பகாஸந்தீதி
விமானப்பபா⁴ய ஜோதந்தி. பரஸம்ப⁴தேஸுதி பரேஹி ஸம்பிண்டி³தேஸு.
ஸம்பராயே ச ஸுக்³தீதி, “ஏதே ஸக்³கா³”தி ஏவங் வுத்தஸம்பராயே ஸுக்³தி.
உபி⁴ன்னம்பி வா ஏதேஸங் ததோ சவித்வா புன ஸம்பராயேபி
து³க்க³திஸுக்³தியேவ ஹொதீதி. நவமங்.

10. க⁴டகாரஸுத்தவண்ணனா

50. த³ஸமே உபபன்னாஸேதி நிப்³ப்த்திவஸேன உபக³தா. விமுத்தாதி
அவிஹாப்³ரஹ்மலோகஸ்மிங் உபபத்திஸமனந்தரமேவ
அரஹத்தப³லவிமுத்தியா விமுத்தா. மாணுஸங் தே³ஹந்தி இத⁴
பஞ்சோரம்பா⁴கியஸங்யோஜனானி ஏவ வுத்தானி. தி³ப்³யோக³ந்தி பஞ்ச
உத்³த⁴ம்பா⁴கியஸங்யோஜனானி. உபச்சகு³ந்தி அதிக்மிங்ஸு.
உபகோதிஆதீ³னி தேஸங் தே²ரானங் நாமானி. குஸலீ பா⁴ஸஸீ தேஸந்தி,
“குஸல”ந்தி இத³ங் வசனங் இமஸ்ஸ அதீ²தி குஸலீ, தேஸங் தே²ரானங்
த்வங் குஸலங் அனவஜ்ஜங் பா⁴ஸஸி, தோ²மேஸி பஸங்ஸஸி ,
பண்டி³தோஸி தே³வபுத்தாதி வத³தி. தங் தே த⁴ம்மங் இத⁴ஞ்ஞாயாதி தே
தே²ரா தங் த⁴ம்மங் இத⁴ தும்ஹாகங் ஸாஸனே ஜானித்வா. க³ம்பீ⁴ரந்தி

க³ம்பீ⁴ரத்த²ங். ப்ரஹ்மசாரீ நிராமிஸோதி நிராமிஸப்³ரஹ்மசாரீ நாம அனாகா³மீ, அனாகா³மீ அஹோஸிந்தி அத்தோ². அஹுவாதி அஹோஸி. ஸகா³மெய்யோதி ஏககா³மவாஸீ. பரியோஸானகா³தா² ஸங்கீ³திகாரேஹி ட²பிதாதி. த³ஸமங்.

ஆதி³த்தவக்³கோ³ பஞ்சமோ.

6. ஜராவக்³கோ³

1. ஜராஸுத்தவண்ணனா

51. ஜராவக்³க³ஸ்ஸ பட²மே ஸாதூ⁴தி லத்³த⁴கங் ப⁴த்³த³கங். ஸீலங் யாவ ஜராதி இமினா இத³ங் த³ஸ்ஸேதி - யதா² முத்தாமணிரத்தவத்தா²தீ³னி ஆப⁴ரணானி தருணகாலேயேவ ஸோப⁴ந்தி, ஜராஜிண்ணகாலே தானி தா⁴ரெந்தோ “அயங் அஜ்ஜாபி பா³லபா⁴வங் பத்தே²தி, உம்மத்தகோ மஞ்ஞே”தி வத்தப்³ப³தங் ஆபஜ்ஜதி , ந ஏவங் ஸீலங். ஸீலஞ்ஹி நிச்சகாலங் ஸோப⁴தி. பா³லகாலேபி ஹி ஸீலங் ரக்³ந்தங் “கிங் இமஸ்ஸ ஸீலேனா”தி? வத்தாரோ நத்தி². மஜ்ஜி²மகாலேபி மஹல்லககாலேபீதி.

ஸத்தா⁴ ஸாதூ⁴ பதிட்டி²தாதி ஹத்தா²ளவகசித்தக³ஹபதிஆதீ³னங் விய மக்³கே³ன ஆக³தா பதிட்டி²தஸத்தா⁴ நாம ஸாதூ⁴. பஞ்ஞா நரானங் ரதனந்தி எத்த² சித்தீகதட்டா²தீ³ஹி ரதனங் வேதி³தப்³ப³ங். வுத்தஞ்ஹேதங் -

“யதி³ சித்தீகதந்தி ரதனங், நனு ப⁴க³வா சித்தீகதோ புரிஸஸ்ஹோ, யே ச லோகே சித்தீகதா, தேஸங் சித்தீகதோ ப⁴க³வா. யதி³ ரதிகரந்தி ரதனங், நனு ப⁴க³வா ரதிகரோ புரிஸஸ்ஹோ, தஸ்ஸ வசனேன சரந்தா ஜ²னரதிஸுகே²ன அபி⁴ரமந்தி. யதி³ அதுல்யந்தி ரதனங், நனு ப⁴க³வா அதுலோ புரிஸஸ்ஹோ. ந ஹி ஸக்கா துலேதுங் கு³ணேஹி கு³ணபாரமிங் க³தோ. யதி³ து³ல்லப⁴ந்தி ரதனங், நனு ப⁴க³வா து³ல்லபோ⁴ புரிஸஸ்ஹோ. யதி³ அனோமஸத்தபரிபோ⁴க³ந்தி ரதனங், நனு ப⁴க³வா அனோமோ ஸீலேன ஸமாதி⁴னா பஞ்ஞாய விமுத்தியா விமுத்திஞாணத³ஸ்ஸனேனா”தி.

இத⁴ பன து³ல்லப⁴பாதுபா⁴வட்டே²ன பஞ்ஞா “ரதன”ந்தி வுத்தங். பஞ்ஞந்தி பஞ்ஞசேதனா, ஸா ஹி அருபத்தா பரிஹரிதுங் ந ஸக்காதி. பட²மங்.

2. அஜரஸாஸுத்தவண்ணனா

52. து³தியே அஜரஸாதி அஜீரணேன, அவிபத்தியாதி அத்தோ². ஸீலஞ்ஹி அவிபன்னமேவ ஸாதூ⁴ ஹோதி, விபன்னஸ்லங் ஆசரியுபஜ்ஜ²யாத³யோபி ந ஸங்க³ண்ஹந்தி, க³தக³தட்டா²னே நித்³த⁴மிதப்³போ³வ ஹோதீதி. து³தியங்.

3. மித்தஸுத்தவண்ணனா

53. ததியே ஸத்தோ²தி ஸத்³தி⁴ங்சரோ, ஜங்க⁴ஸத்தோ² வா ஸகடஸத்தோ² வா. மித்தந்தி ரோகே³ உப்பன்னே பாடங்கியா வா அஞ்ஞன வா யானேன ஹரித்வா கே²மந்தஸம்பாபனேன மித்தங். ஸகே க⁴ரேதி அத்தனோ கே³ஹே . ததா²ருபே ரோகே³ ஜாதே புத்தப⁴ரியாத³யோ ஜிகு³ச்ச²ந்தி, மாதா பன அஸுசிம்பி சந்த³னங் விய மஞ்ஞதி. தஸ்மா ஸா ஸகே க⁴ரே மித்தங். ஸஹாயோ அத்த²ஜாதஸ்ஸாதி உப்பன்னகிச்சஸ்ஸ யோ தங் கிச்சங் வஹதி நித்த²ரதி, ஸோ கிச்சேஸு ஸஹ அயனபா⁴வேன ஸஹாயோ மித்தங், ஸுராபானாதி³ஸஹாயா பன ந மித்தா. ஸம்பராயிகந்தி ஸம்பராயஹிதங். ததியங்.

4. வத்து²ஸுத்தவண்ணனா

54. சதுத்தே² புத்தா வத்து²தி மஹல்லககாலே படிஜக்³னட்டே²ன புத்தா பதிட்டா². பரமோதி அஞ்ஞஸங் அகதே²தப்³பு³ஸ்ஸபி கு³ய்ஹஸ்ஸ கதே²தப்³பு³யுத்ததாய ப⁴ரியா பரமோ ஸகா² நாம. சதுத்த²ங்.

5-7. பட²மஜனஸுத்தாதி³வண்ணனா

55. பஞ்சமே விதா⁴வதீதி பரஸமுத்தா³தி³க³மனவஸேன இதோ சிதோ ச விதா⁴வதி. பஞ்சமங்.

56. ச²ட்டே² து³க்கா²தி வட்டது³க்க²தோ. ச²ட்ட²ங்.

57. ஸத்தமே பராயணந்தி நிப்ப²த்தி அவஸ்ஸயோ. ஸத்தமங்.

8. உப்பத²ஸுத்தவண்ணனா

58. அட்ட²மே ராகோ³ உப்பதோ²தி ஸுக³திஞ்ச நிப்³பா³னஞ்ச க³ச்ச²ந்தஸ்ஸ அமக்³கோ³. ரத்திந்தி³வக்க²யோதி ரத்திதி³வேஹி, ரத்திதி³வேஸு வா கீ²யதி. இத்தீ² மலந்தி ஸேஸங் பா³ஹிரமலங் ப⁴ஸ்மகா²ராதி³ஹி தோ⁴வித்வா ஸக்கா ஸோதே⁴துங், மாதுகா³மமலேன து³ட்டோ² பன ந ஸக்கா ஸுத்³தோ⁴ நாம காதுந்தி இத்தீ² “மல”ந்தி வுத்தா. எத்தா²தி எத்த² இத்தி²யங் பஜா ஸஜ்ஜதி. தபோதி இந்த³ரியஸங்வரது⁴தங்க³கு³ணவீரியது³க்கரகாரிகானங் நாமங், இத⁴ பன ட²பெத்வா து³க்கரகாரிகங் ஸப்³பா³பி கிலேஸஸந்தாபிகா படிபதா³ வட்டதி. ப்³ரஹ்மசரியந்தி மேது²னவிரதி. அட்ட²மங்.

9. து³தியஸுத்தவண்ணனா

59. நவமே கிஸ்ஸ சாபி⁴ரதோதி கிஸ்மிங் அபி⁴ரதோ. து³தியாதி ஸுக³திஞ்சேவ நிப்³பா³னஞ்ச க³ச்ச²ந்தஸ்ஸ து³தியிகா. பஞ்ஞா சேனங்

பஸாஸதீதி பஞ்ஞா ஏதங் புரிஸங் “இத³ங் கரோஹி, இத³ங் மாகரீ”தி அனுஸாஸதி. நவமங்.

10. கவிஸுத்தவண்ணனா

60. த³ஸமே ச²ந்தோ³ நிதா³னந்தி கா³யத்திஆதி³கோ ச²ந்தோ³ கா³தா²னங் நிதா³னங். பு³பு³பட்டா²பனகா³தா² ஆரப⁴ந்தோ ஹி “கதரச்ச²ந்தே³ன ஹோதா”தி ஆரப⁴தி . வியஞ்ஜனந்தி ஜனநங். அக்க²ரங் ஹி பத³ங் ஜனேதி, பத³ங் கா³த²ங் ஜனேதி, கா³தா² அத்த²ங் பகாஸேதீதி. நாமஸன்னிஸ்ஸிதாதி ஸமுத்த³தா³தி³பண்ணத்தினிஸ்ஸிதா. கா³தா² ஆரப⁴ந்தோ ஹி ஸமுத்த³த³ங் வா பத²விங் வா யங் கிஞ்சி நாமங் நிஸ்ஸயித்வாவ ஆரப⁴தி. ஆஸயோதி பதிட்டா². கவிதோ ஹி கா³தா² பவத்தந்தி. ஸோ தாஸங் பதிட்டா² ஹோதீதி. த³ஸமங்.

ஜராவக்³கோ³ ச²ட்டோ².

7. அத்த³த⁴வக்³கோ³

1. நாமஸுத்தவண்ணனா

61. அத்த³த⁴வக்³க³ஸ்ஸ பட²மே நாமங் ஸப்³ப³ங் அத்த³த⁴ப⁴வீதி நாமங் ஸப்³ப³ங் அபி⁴ப⁴வதி அனுபத்தி. ஓபபாதிகேன வா ஹி கித்திமேன வா நாமேன முத்தோ ஸத்தோ வா ஸங்கா²ரோ வா நத்தி². யஸ்ஸபி ஹி ருக்க²ஸ்ஸ வா பாஸாணஸ்ஸ வா “இத³ங் நாம நாம”ந்தி ந ஜானந்தி, அனாமகொத்வேவ தஸ்ஸ நாமங் ஹோதி. பட²மங்.

2-3. சித்தஸுத்தாதி³வண்ணனா

62. து³தியே ஸப்³பே³வ வஸமன்வக்³தி யே சித்தஸ்ஸ வஸங் கச்ச²ந்தி, தேஸங்யேவ அனவஸேஸபரியாதா³னமேதங். து³தியங்.

63. ததியேபி ஏஸேவ நயோ. ததியங்.

4-5. ஸங்யோஜனஸுத்தாதி³வண்ணனா

64. சதுத்தே² கிங் ஸு ஸங்யோஜனோதி கிங் ஸங்யோஜனோ கிங் ப³ந்த⁴னோ? விசாரணந்தி விசரணா பாதா³னி. ப³ஹுவசனே ஏகவசனங் கதங். விதக்கஸ்ஸ விசாரணந்தி விதக்கோ தஸ்ஸ பாதா³. சதுத்த²ங்.

65. பஞ்சமேபி ஏஸேவ நயோ. பஞ்சமங்.

6. அத்தஹதஸுத்தவண்ணனா

66. ச²ட்டே² கேனஸ்ஸாப்³பா⁴ஹதோதி கேன அப்³பா⁴ஹதோ. ஸா-காரோ நிபாதமத்தங். இச்சா²தூ⁴பாயிதோதி இச்சா²ய ஆதி³த்தோ. ச²ட்ட²ங்.

7-9. உட்³டி³தஸுத்தாதி³வண்ணனா

67. ஸத்தமே தண்ஹாய உட்³டி³தோதி தண்ஹாய உல்லங்கி⁴தோ. சக்கு²ஞ்ஹி தண்ஹாரஜ்ஜுனா ஆவுனித்வா ரூபனாக³த³ந்தே உட்³டி³தங், ஸோதாதீ³னி ஸத்த³தா³தீ³ஸுதி தண்ஹாய உட்³டி³தோ லோகோ. மச்சுனா பிஹிதோதி அனந்தரே அத்தபா⁴வே கதங் கம்மங் ந தூ³ரங் ஏகசித்தந்தரங், ப³லவதியா பன மாரணந்திகவேத³னாய பப்³ப³தேன விய ஒத்த²டத்தா ஸத்தா தங் ந புஜ்ஜ²ந்தீதி “மச்சுனா பிஹிதோ லோகோ”தி வுத்தங். ஸத்தமங்.

68. அட்ட²மே ஸ்வேவ பஞ்ஹோ தே³வதாய ஹெட்டு²பரியாயவஸேன புச்சி²தோ. அட்ட²மங்.

69. நவமே ஸப்³ப³ங் உத்தானமேவ. நவமங்.

10. லோகஸுத்தவண்ணனா

70. த³ஸமே கிஸ்மிங் லோகோ ஸமுப்பன்னோதி கிஸ்மிங் உப்பன்னே லோகோ உப்பன்னோதி புச்ச²தி. ச²ஸுதி ச²ஸு அஜ்ஜ²த்திகேஸு ஆயதனேஸு உப்பன்னேஸு உப்பன்னோதி வுச்சதி. ச²ஸு குப்³ப³தீதி தேஸுயேவ ச²ஸு ஸந்த²வங் கரோதி. உபாதா³யாதி தானியேவ ச உபாதா³ய ஆக³ம்ம படிச்ச பவத்ததி. விஹஞ்ஞதீதி தேஸுயேவ ச²ஸு விஹஞ்ஞதி பீளியதி. இதி அஜ்ஜ²த்திகாயதனவஸேன அயங் பஞ்ஹோ ஆக³தோ, அஜ்ஜ²த்திகபா³ஹிரானங் பன வஸேன ஆஹரிதுங் வட்டதி. ச²ஸு ஹி அஜ்ஜ²த்திகாயதனேஸு உப்பன்னேஸு அயங் உப்பன்னோ நாம ஹோதி, ச²ஸு பா³ஹிரேஸு ஸந்த²வங் கரோதி, ச²ன்னங் அஜ்ஜ²த்திகானங் உபாதா³ய ச²ஸு பா³ஹிரேஸு விஹஞ்ஞதீதி. த³ஸமங்.

அத்³த⁴வக்³கோ³ ஸத்தமோ.

8. செ²த்வாவக்³கோ³

1. செ²த்வாஸுத்தவண்ணனா

71. செ²த்வாவக்³க³ஸ்ஸ பட²மே செ²த்வாதி வதி⁴த்வா. ஸாக²ங் ஸேதீதி கோத⁴பரிளாஹேன அபரித³ய்ஹமானத்தா ஸாக²ங் ஸயதி. ந ஸோசதீதி கோத⁴வினாஸேன வினட்ட²தோ³மனஸ்ஸத்தா ந ஸோசதி. விஸமூலஸ்ஸாதி து³க்க²விபாகஸ்ஸ . மது⁴ரக்³க³ஸ்ஸாதி குத்³த⁴ஸ்ஸ படிசுஜ்ஜி²த்வா, அக்குட்ட²ஸ்ஸ பச்சக்³கோஸித்வா, பஹடஸ்ஸ ச

படிபஹரித்வா ஸுக²ங் உப்பஜ்ஜதி, தங் ஸந்தா⁴ய மது⁴ரக்³கோ³தி வுத்தோ.
இமஸ்மிங் ஹி டா²னே பரியோஸானங் அக்³க³ந்தி வுத்தங். அரியாதி
பு³த்³தா⁴த³யோ. பட²மங்.

2. ரத²ஸுத்தவண்ணனா

72. து³தியே பஞ்ஞாயதி ஏதேனாதி பஞ்ஞாணங். த⁴ஜோ ரத²ஸஸாதி
மஹந்தஸ்மிங் ஹி ஸங்கா³மஸீஸே து³ரதோவ த⁴ஜங் தி³ஸ்வா
“அஸுகரஞ்ஞோ நாம அயங் ரதோ²”தி ரதோ² பாகடோ ஹோதி. தேன வுத்தங்
“த⁴ஜோ ரத²ஸஸ பஞ்ஞாண”ந்தி. அக்³கி³பி து³ரதோவ து⁴மேன பஞ்ஞாயதி.
சோளரட்ட²ங் பண்டு³ரட்ட²ந்தி ஏவங் ரட்ட²ம்பி ரஞ்ஞா பஞ்ஞாயதி.
சக்கவத்திரஞ்ஞோ தீ⁴தாபி பன இத்தீ² “அஸுகஸ்ஸ நாம ப⁴ரியா”தி
ப⁴த்தாரங் பத்வாவ பஞ்ஞாயதி. தஸ்மா து⁴மோ
பஞ்ஞாணமக்³கி³னோதிஆதி³ வுத்தங். து³தியங்.

3. வித்தஸுத்தவண்ணனா

73. ததியே ஸத்³தீ⁴த⁴ வித்தந்தி யஸ்மா ஸத்³தோ⁴ ஸத்³தா⁴ய
முத்தமணிஆதீ³னிபி வித்தானி லப⁴தி, திஸ்ஸோபி குலஸம்பதா³, ச²
காமஸக்³கா³னி, நவ ப்³ரஹ்மலோகே பத்வா பரியோஸானே
அமதமஹானிப்³பா³னத³ஸ்ஸனம்பி லப⁴தி, தஸ்மா மணிமுத்தாதீ³ஹி
வித்தேஹி ஸத்³தா⁴வித்தமேவ ஸெட்ட²ங். த⁴ம்மோதி
த³ஸுகுஸலகம்மபதோ². ஸுக²மாவஹதீ³தி ஸப்³ப³ம்பி ஸாஸவானாஸவங்
அஸங்கிலிட்ட²ஸுக²ங் ஆவஹதி. ஸாது³தரந்தி லோகஸ்மிங்
லோணம்பி³லாதீ³னங் ஸப்³ப³ரஸானங் ஸச்சமேவ மது⁴ரதரங். ஸச்சஸ்மிங்
ஹி டி²தா ஸீக்⁴வேக³ங் நதி³ம்பி நிவத்தெந்தி, விஸம்பி நிம்மத்³தெ³ந்தி,
அக்³கி³ம்பி படிபா³ஹந்தி, தே³வம்பி வஸ்ஸாபெந்தி, தஸ்மா தங்
ஸப்³ப³ரஸானங் மது⁴ரதரந்தி வுத்தங். பஞ்ஞாஜீவிங் ஜீவிதமாஹு
ஸெட்ட²ந்தி யோ பஞ்ஞாஜீவீ க³ஹட்டோ² ஸமானோ பஞ்சஸு ஸீலேஸு
பதிட்டா²ய ஸலாகப⁴த்தாதீ³னி பட்ட²பெத்வா பஞ்ஞாய ஜீவதி, பப்³ப³ஜிதோ வா
பன த⁴ம்மேன உப்பன்னே பச்சயே “இத³மத்த²”ந்தி பச்சவெக்கி²த்வா
பரிபு⁴ஞ்ஜந்தோ கம்மட்டா²னங் ஆதா³ய விபஸ்ஸனங் பட்ட²பெத்வா
அரியப²லாதி⁴க³மவஸேன பஞ்ஞாய ஜீவதி, தங் பஞ்ஞாஜீவிங் புக்³க³லங்
ஸெட்ட²ங் ஜீவிதங் ஜீவதீ³தி ஆஹு. ததியங்.

4. வுட்டி²ஸுத்தவண்ணனா

74. சதுத்தே² பீ³ஜந்தி உப்பதந்தானங் ஸத்தவித⁴ங் த⁴ஞ்ஞபீ³ஜங்
ஸெட்ட²ங். தஸ்மிஞ்ஹி உக்³க³தே ஜனபதோ³ கே²மோ ஹோதி ஸுபி⁴க்கோ².
நிபததந்தி நிபதந்தானங் மேக⁴வுட்டி² ஸெட்டா². மேக⁴வுட்டி²யஞ்ஹி ஸதி

விவிதா⁴னி ஸஸ்ஸானி உப்பஜ்ஜந்தி, ஜனபதா³ பீ²தா ஹொந்தி கே²மா ஸுபி⁴க்கா². பவஜமானானந்தி ஜங்க³மானங் பத³ஸா சரமானானங் கா³வோ ஸெட்டா². தா நிஸ்ஸாய ஹி ஸத்தா பஞ்ச கோ³ரஸே பரிபு⁴ஞ்ஜமானா ஸுக²ங் விஹரந்தி. பவத³தந்தி ராஜகுலமஜ்ஜா²தீ³ஸு வத³ந்தானங் புத்தோ வரோ. ஸோ ஹி மாதாபிதானங் அனத்தா²வஹங் ந வத³தி.

விஜ்ஜா உப்பததங் ஸெட்டா²தி புரிமபஞ்ஹே கிர ஸுத்வா ஸமீபே டி²தா ஏகா தே³வதா “தே³வதே, கஸ்மா த்வங் ஏதங் பஞ்ஹங் த³ஸப³லங் புச்ச²ஸி? அஹங் தே கதே²ஸ்ஸாமீ”தி அத்தனோ க²ந்தியா லத்³தி⁴யா பஞ்ஹங் கதே²ஸி. அத² நங் இதரா தே³வதா ஆஹ - “யாவ பத⁴ங்ஸீ வதே³ஸி தே³வதே யாவ பக³ப்பா⁴ முக²ரா, அஹங் புத்த³த⁴ங் ப⁴க³வந்தங் புச்சா²மி. த்வங் மய்ஹங் கஸ்மா கதே²ஸீ”தி? நிவத்தெத்வா ததே³வ பஞ்ஹங் த³ஸப³லங் புச்சி². அத²ஸ்ஸா ஸத்தா² விஸ்ஸஜ்ஜெந்தோ விஜ்ஜா உப்பததந்திஆதி³மாஹ. தத்த² விஜ்ஜாதி சதுமக்³க³விஜ்ஜா. ஸா ஹி உப்பதமானா ஸப்பா³குஸலத⁴ம்மே ஸமுக்³கா⁴தேதி. தஸ்மா “உப்பததங் ஸெட்டா²”தி வுத்தா. அவிஜ்ஜாதி வட்டமூலகமஹாஅவிஜ்ஜா. ஸா ஹி நிபதந்தானங் ஓஸீத³ந்தானங் வரா. பவஜமானானந்தி பத³ஸா சரமானானங் ஜங்க³மானங் அனோமபுஞ்ஞக்கெ²த்தபு⁴தோ ஸங்கோ⁴ வரோ. தஞ்ஹி தத்த² தத்த² தி³ஸ்வா பஸன்னசித்தா ஸத்தா ஸொத்தி²ங் பாபுணந்தி. புத்த³தோ⁴தி யாதி³ஸோ புத்தோ வா ஹோது அஞ்ஞோ வா, யேஸங் கேஸஞ்சி வத³மானானங் புத்த³தோ⁴ வரோ. தஸ்ஸ ஹி த⁴ம்மதே³ஸனங் ஆக³ம்ம அனேகஸதஸஹஸ்ஸானங் பாணானங் ப³ந்த⁴னமொக்கோ² ஹோதீதி. சதுத்த²ங்.

5. பீ⁴தாஸுத்தவண்ணனா

75. பஞ்சமே கிங்ஸுத⁴ பீ⁴தாதி கிங் பீ⁴தா? மக்³கோ³ சனேகாயதனப்பவத்தோதி அட்ட²திங்ஸாரம்மணவஸேன அனேகேஹி காரணேஹி கதி²தோ. ஏவங் ஸந்தே கிஸ்ஸ பீ⁴தா ஹுத்வா அயங் ஜனதா த்வாஸட்டி² தி³ட்டி²யோ அக்³க³ஹேஸீதி வத³தி. பூ⁴ரிபஞ்ஞாதி ப³ஹுபஞ்ஞ உஸ்ஸன்னபஞ்ஞ. பரலோகங் ந பா⁴யேதி இமஸ்மா லோகா பரங் லோகங் கச்ச²ந்தோ ந பா⁴யெய்ய. பணிதா⁴யாதி ட²பெத்வா. ப³ஹ்வன்னபானங் க⁴ரமாவஸந்தோதி அனாத²பிண்டிகாத³யோ விய ப³ஹ்வன்னபானே க⁴ரே வஸந்தோ. ஸங்விபா⁴கீ³தி அச்ச²ராய க³ஹிதம்பி நகே²ன பா²லெத்வா பரஸ்ஸ தத்வாவ பு⁴ஞ்ஜனஸீலோ. வத³ஞ்ஞாதி வுத்தத்த²மேவ.

இதா³னி கா³தா²ய அங்கா³னி உத்த³த⁴ரித்வா த³ஸ்ஸேதப்பா³னி - “வாச”ந்தி ஹி இமினா சத்தாரி வசீஸுசரிதானி க³ஹிதானி, “மனேனா”திபதே³ன தீணி மனோஸுசரிதானி, “காயேனா”தி பதே³ன தீணி காயஸுசரிதானி. இதி இமே

த³ஸ குஸலகம்மபதா² புப்³புஸுத்தி⁴அங்க³ங் நாம. ப³ஹ்வன்னபானங் க⁴ரமாவஸந்தோதி இமினா யஞ்ஞஉபக்க²ரோ க³ஹிதோ. ஸத்³தோ⁴தி ஏகமங்க³ங், முதூ³தி ஏகங், ஸங்விபா⁴கீ³தி ஏகங், வத³ஞ்ஞாதி ஏகங். இதி இமானி சத்தாரி அங்கா³னி ஸந்தா⁴ய “ஏதேஸு த⁴ம்மேஸு டி²தோ சதூஸு”தி ஆஹ.

அபரோபி பரியாயோ - வாசந்திஆதீ³னி தீணி அங்கா³னி, ப³ஹ்வன்னபானந்தி இமினா யஞ்ஞஉபக்க²ரோவ க³ஹிதோ, ஸத்³தோ⁴ முதூ³ ஸங்விபா⁴கீ³ வத³ஞ்ஞாதி ஏகங் அங்க³ங். அபரோ து³கனயோ நாம ஹோதி. “வாசங் மனஞ்சா”தி இத³மேகங் அங்க³ங், “காயேன பாபானி அகுப்³புமானோ, ப³ஹ்வன்னபானங் க⁴ரமாவஸந்தோ”தி ஏகங், “ஸத்³தோ⁴ முதூ³”தி ஏகங், “ஸங்விபா⁴கீ³ வத³ஞ்ஞா”தி ஏகங். ஏதேஸு சதூஸு த⁴ம்மேஸு டி²தோ த⁴ம்மே டி²தோ நாம ஹோதி. ஸோ இதோ பரலோகங் க³ச்ச²ந்தோ ந பா⁴யதி. பஞ்சமங்.

6. நஜீரதிஸுத்தவண்ணனா

76. ச²ட்டே² நாமகொத்தங் ந ஜீரதீதி அதீதபுத்தா⁴னங் யாவஜ்ஜதி³வஸா நாமகொத்தங் கதி²யதி, தஸ்மா ந ஜீரதீதி வச்சதி. போராணா பன “அத்தா⁴னே க³ச்ச²ந்தே ந பஞ்ஞாயிஸ்ஸதி, ஜீரணஸபா⁴வோ பன ந ஹோதியேவா”தி வத³ந்தி. ஆலஸ்யந்தி ஆலஸியங், யேன டி²தட்டா²னே டி²தோவ, நிஸின்னட்டா²னே நிஸின்னோவ ஹோதி, தேலேபி உத்தரந்தே டி²திங் ந கரோதி. பமாதோ³தி நித்தா³ய வா கிலேஸவஸேன வா பமாதோ³. அனுட்டா²னந்தி கம்மஸமயே கம்மகரணவீரியாபா⁴வோ. அஸங்யமோதி ஸீலஸஞ்ஞமாபா⁴வோ விஸ்ஸட்டா²சாரதா. நித்தா³தி ஸொப்பப³ஹுலதா. தாய க³ச்ச²ந்தோபி டி²தோபி நிஸின்னோபி நித்தா³யதி, பகே³வ நிபன்னோ. தந்தீ³தி அதிச்சா²தாதி³வஸேன ஆக³ந்துகாலஸியங். தே சி²த்தே³தி தானி ச² சி²த்தா³னி விவரானி. ஸப்³புஸோதி ஸப்³பா³காரேன. தந்தி நிபாதமத்தங். விவஜ்ஜயேதி வஜ்ஜெய்ய ஜஹெய்ய. ச²ட்ட²ங்.

7. இஸ்ஸரியஸுத்தவண்ணனா

77. ஸத்தமே ஸத்த²மலந்தி மலக்³க³ஹிதஸத்த²ங். கிங் ஸு ஹரந்தங் வாரெந்தீதி கங் ஹரந்தங் நிலேஸதெ⁴ந்தி. வஸோதி ஆணாபவத்தனங். இத்தீ²தி அவிஸ்ஸஜ்ஜனீயப⁴ண்ட³த்தா “இத்தீ² ப⁴ண்டா³னமுத்தமங், வரப⁴ண்ட³”ந்தி ஆஹ. அத² வா ஸப்³பே³பி போ³தி⁴ஸத்தா ச சக்கவத்தினோ ச மாதுகுச்சியங்யேவ நிப்³புத்தந்தீதி “இத்தீ² ப⁴ண்டா³னமுத்தம”ந்தி ஆஹ. கோதோ⁴ ஸத்த²மலந்தி கோதோ⁴ மலக்³க³ஹிதஸத்த²ஸதி³ஸோ, பஞ்ஞாஸத்த²ஸ்ஸ வா மலந்தி ஸத்த²மலங். அப்³புத³ந்தி வினாஸகாரணங், சோரா லோகஸ்மிங் வினாஸகாதி அத்தோ². ஹரந்தோதி ஸலாகப⁴த்தாதீ³னி

க³ஹெத்வா க³ச்ச²ந்தோ. ஸலாகப⁴த்தாதீ³னி ஹி பட்ட²பிதகாலேயேவ
மனுஸ்ஸேஹி பரிச்சத்தானி. தேஸங் தானி ஹரந்தோ ஸமணோ பியோ
ஹோதி, அனாஹரந்தே புஞ்ஞஹானிங் நிஸ்ஸாய விப்படிஸாரினோ ஹொந்தி.
ஸத்தமங்.

8. காமஸுத்தவண்ணனா

78. அட்ட²மே அத்தானங் ந த³தே³தி பரஸ்ஸ தா³ஸங் கத்வா அத்தானங் ந
த³தே³ய்ய ட²பெத்வா ஸப்³ப³போ³தி⁴ஸத்தேதி வுத்தங். ந பரிச்சஜேதி
ஸீஹப்³யக்³கா⁴தீ³னங் ந பரிச்சஜேய்ய ஸப்³ப³போ³தி⁴ஸத்தே
ட²பெத்வாயேவாதி வுத்தங். கல்யாணந்தி ஸண்ஹங் முது³கங். பாபிகந்தி
ப²ருஸங் வாசங். அட்ட²மங்.

9. பாதெய்யஸுத்தவண்ணனா

79. நவமே ஸத்தா⁴ ப³ந்த⁴தி பாதெய்யந்தி ஸத்த⁴ங் உப்பாதெத்வா
தா³னங் தே³தி, ஸீலங் ரக்க²தி, உபோஸத²கம்மங் கரோதி, தேனேதங் வுத்தங்.
ஸிரீதி இஸ்ஸரியங். ஆஸயோதி வஸனட்டா²னங். இஸ்ஸரியே ஹி
அபி⁴முகீ³பூ⁴தே த²லதோபி ஜலதோபி போ⁴கா³ ஆக³ச்ச²ந்தியேவ. தேனேதங்
வுத்தங். பரிகஸ்ஸதீதி பரிகட்³ட⁴தி. நவமங்.

10. பஜ்ஜோதஸுத்தவண்ணனா

80. த³ஸமே பஜ்ஜோதோதி பதீ³போ விய ஹோதி. ஜாக³ரோதி
ஜாக³ரப்³ராஹ்மணோ விய ஹோதி. கா³வோ கம்மே ஸஜீவானந்தி கம்மேன
ஸஹ ஜீவந்தானங் கா³வோவ கம்மே கம்மஸஹாயா கம்மது³தியகா நாம
ஹொந்தி. கோ³மண்ட³லேஹி ஸத்தி⁴ங் கஸிகம்மாதீ³னி நிப்பஜ்ஜந்தி.
ஸீதஸ்ஸ இரியாபதோ²தி ஸீதங் அஸ்ஸ ஸத்தகாயஸ்ஸ இரியாபதோ²
ஜீவிதவுத்தி. ஸீதந்தி நங்க³லங். யஸ்ஸ ஹி நங்க³லேஹி கெ²த்தங்
அப்பமத்தகம்பி கட்ட²ங் ந ஹோதி, ஸோ கத²ங் ஜீவிஸ்ஸதீதி வத³தி. த³ஸமங்.

11. அரணஸுத்தவண்ணனா

81. ஏகாத³ஸமே அரணாதி நிக்கிலேஸா. வுஸிதந்தி வுஸிதவாஸோ.
போ⁴ஜிஸ்ஸியந்தி அதா³ஸபா⁴வோ. ஸமணாதி கீ²ணாஸவஸமணா. தே
ஹி ஏகந்தேன அரணா நாம. வுஸிதங் ந நஸ்ஸதீதி தேஸங்
அரியமக்³க³வாஸோ ந நஸ்ஸதி. பரிஜானந்தீதி புது²ஜ்ஜனகல்யாணகதோ
பட்டா²ய ஸேகா² லோகியலோகுத்தராய பரிஞ்ஞாய பரிஜானந்தி.
போ⁴ஜிஸ்ஸியந்தி கீ²ணாஸவஸமணானங்யேவ நிச்சங் பு⁴ஜிஸ்ஸபா⁴வோ
நாம. வந்த³ந்தீதி பப்³ப³ஜிததி³வஸதோ பட்டா²ய வந்த³ந்தி. பதிட்டி²தந்தி ஸீலே
பதிட்டி²தங் . ஸமணீதா⁴தி ஸமணங் இத⁴. ஜாதிஹீனந்தி அபி

சண்டா³லகுலா பப்³ப³ஜிதங். க²த்தியாதி ந கேவலங் க²த்தியாவ, தே³வாபி
ஸீலஸம்பன்னங் ஸமணங் வந்த³ந்தியேவாதி. ஏகாத³ஸமங்.

செ²த்வாவக்³கோ³ அட்ட²மோ.

இதி ஸாரத்த²ப்பகாஸினியா

ஸங்யுத்தனிகாய-அட்ட²கதா²ய

தே³வதாஸங்யுத்தவண்ணனா நி²டி²தா.

2. தே³வபுத்தஸங்யுத்தங்

1. பட²மவக்³கோ³

1. பட²மகஸ்ஸபஸுத்தவண்ணனா

82. தே³வபுத்தஸங்யுத்தஸ்ஸ பட²மே தே³வபுத்தோதி தே³வானஞ்ஹி அங்கே நிப்³புத்தா புரிஸா தே³வபுத்தா நாம, இத்தி²யோ தே³வதீ⁴தரோ நாம ஹொந்தி. நாமவஸேன அபாகடாவ “அஞ்ஞதரா தே³வதா”தி வச்சதி, பாகடோ “இத்த²ன்னாமோ தே³வபுத்தோ”தி. தஸ்மா ஹெட்டா² “அஞ்ஞதரா தே³வதா”தி வத்வா இத⁴ “தே³வபுத்தோ”தி வுத்தங். அனுஸாஸந்தி அனுஸிட்டி²ங். அயங் கிர தே³வபுத்தோ ப⁴க³வதா ஸம்போ³தி⁴தோ ஸத்தமே வஸ்ஸே யமகபாடிஹாரியங் கத்வா தித³ஸபுரே வஸ்ஸங் உபக³ம்ம அபி⁴த⁴ம்மங் தே³ஸெந்தேன ஜா²னவிப⁴ங்கே³ - “பி⁴க்கூ²தி ஸமஞ்ஞாய பி⁴க்கு², படிஞ்ஞாய பி⁴க்கூ²”தி (விப⁴. 510). ஏவங் பி⁴க்கு²னித்³தே³ஸங் கதி²யமானங் அஸ்ஸோஸி. “ஏவங் விதக்கேத², மா ஏவங் விதக்கயித்த², ஏவங் மனஸிகரோத², மா ஏவங் மனஸாகத்த². இத³ங் பஜஹத², இத³ங் உபஸம்பஜ்ஜ விஹரதா²”தி (பாரா. 19). ஏவருபங் பன பி⁴க்கு²ஓவாத³ங் பி⁴க்கு²அனுஸாஸனங் ந அஸ்ஸோஸி. ஸோ தங் ஸந்தா⁴ய - “பி⁴க்கு²ங் ப⁴க³வா பகாஸேஸி, நோ ச பி⁴க்கு²னோ அனுஸாஸ”ந்தி ஆஹ.

தேன ஹீதி யஸ்மா மயா பி⁴க்கு²னோ அனுஸிட்டி² ந பகாஸிதாதி வத³ஸி, தஸ்மா. தஞ்ஞேவெத்த² படிபா⁴தூதி துய்ஹேவேஸா அனுஸிட்டி²பகாஸனா உபட்டா²தூதி. யோ ஹி பஞ்ஹங் கதே²துகாமோ ஹொதி, ந ச ஸக்கோதி ஸப்³புஞ்ஞுதஞ்ஞானேன ஸத்³தி⁴ங் ஸங்ஸந்தி³த்வா கதே²துங். யோ வா ந கதே²துகாமோ ஹொதி, ஸக்கோதி பன கதே²துங். யோ வா நேவ கதே²துகாமோ ஹொதி, கதே²துங் ந ச ஸக்கோதி. ஸப்³பே³ஸம்பி தேஸங் ப⁴க³வா பஞ்ஹங் பா⁴ரங் ந கரோதி. அயங் பன தே³வபுத்தோ கதே²துகாமோ சேவ, ஸக்கோதி ச கதே²துங். தஸ்மா தஸ்ஸேவ பா⁴ரங் கரொந்தோ ப⁴க³வா ஏவமாஹ. ஸோபி பஞ்ஹங் கதே²ஸி.

தத்த² ஸுபா⁴ஸிதஸ்ஸ ஸிக்கே²தா²தி ஸுபா⁴ஸிதங் ஸிக்கெ²ய்ய, சதுஸச்சனிஸ்ஸிதங் த³ஸகதா²வத்து²னிஸ்ஸிதங் ஸத்ததிங்ஸபோ³தி⁴பக்கி²யனிஸ்ஸிதங் சதுப்³பி³த⁴ங் வசீஸுசரிதமேவ ஸிக்கெ²ய்ய. ஸமணூபாஸனஸ்ஸ சாதி ஸமணேஹி உபாஸிதப்³பங் ஸமணூபாஸனங் நாம அட்ட²திங்ஸபோ⁴த³ங் கம்மட்டா²னங், தம்பி ஸிக்கெ²ய்ய பா⁴வெய்யாதி அத்தோ². ப³ஹுஸ்ஸுதானங் வா பி⁴க்கூ²னங் உபாஸனம்பி ஸமணூபாஸனங். தம்பி ‘கிங், ப⁴ந்தே, குஸல”ந்திஆதி³னா பஞ்ஹபுச்ச²னேன பஞ்ஞாவுத்³த⁴த்த²ங் ஸிக்கெ²ய்ய. சித்தவூபஸமஸ்ஸ சாதி

அட்டஸமாபத்திவஸேன சித்தவூபஸமங் ஸிக்கெய்ய. இதி தேவபுத்தேன திஸ்ஸோ ஸிக்கா கதிதா ஹொந்தி. புரிமபதேன ஹி அதிஸீலஸிக்கா கதிதா, துதியபதேன அதிபஞ்ஞாஸிக்கா, சித்தவூபஸமேன அதிசித்தஸிக்காதி ஏவங் இமாய காத்தாய ஸகலம்பி ஸாஸனங் பகாஸிதமேவ ஹொதி. படமங்.

2. துதியகஸ்ஸபஸுத்தவண்ணனா

83. துதியே ஜாயீதி த்வீஹி ஜானேஹி ஜாயீ. விமுத்தசித்தோதி கம்மட்டானவிமுத்தியா விமுத்தசித்தோ. ஹத்யஸ்ஸானுபத்திந்தி அரஹத்தங். லோகஸ்ஸாதி ஸங்காரலோகஸ்ஸ. அனிஸ்ஸிதோதி தண்ஹாதிட்டஹி அனிஸ்ஸிதோ, தண்ஹாதிட்டியோ வா அனிஸ்ஸிதோ. ததாஸனிஸங்ஸோதி அரஹத்தானிஸங்ஸோ. இதங் வுத்தங் ஹொதி - அரஹத்தானிஸங்ஸோ பிக்கு அரஹத்தங் பத்தெந்தோ ஜாயீ பவெய்ய, ஸுவிமுத்தசித்தோ பவெய்ய, லோகஸ்ஸ உத்யப்பயங் ஞத்வா அனிஸ்ஸிதோ பவெய்ய. தந்திதம்மோ பன இமஸ்மிங் ஸாஸனே புப்பபாக்கோதி. துதியங்.

3-4. மாகஸுத்தாதிவண்ணனா

84. ததியே மாகோதி ஸக்கஸ்ஸேதங் நாமங். ஸ்வேவ வத்தேன அஞ்ஞே அபிபவித்வா தேவிஸ்ஸரியங் பத்தோதி வத்ரபூ, வத்ரனாமகங் வா அஸுரங் அபிபவீதி வத்ரபூ. ததியங்.

85. சதுத்தங் வுத்தத்தமேவ. சதுத்தங்.

5. தாமலிஸுத்தவண்ணனா

86. பஞ்சமே ந தேனாஸீஸதே பவந்தி தேன காரணேன யங் கிஞ்சி பவங் ந பத்தேதி. ஆயதபக்கஹொ நாமேஸ தேவபுத்தோ, கீணாஸவஸ்ஸ கிச்சவோஸானங் நத்தி. கீணாஸவேன ஹி ஆதிதோ அரஹத்தப்பத்தியா விரியங் கதங், அபரபாக்கே மயா அரஹத்தங் பத்தந்தி மா துண்ஹீ பவது, ததேவ விரியங் த்ஹங் கரோது பரக்கமதூதி சிந்தெத்வா ஏவமாஹ.

அத பகவா “அயங் தேவபுத்தோ கீணாஸவஸ்ஸ கிச்சவோஸானங் அகதெந்தோ மம ஸாஸனங் அனிய்யானிகங் கதேதி, கிச்சவோஸானமஸ்ஸ கதெஸ்ஸாமீதி சிந்தெத்வா நத்தி கிச்சந்திஆதிமாஹ. தீஸு கிர பிடகேஸு அயங் காத்தா அஸங்கிண்ணா. பகவதா ஹி அஞ்ஞத்த விரியஸ்ஸ தோஸோ நாம தஸ்ஸிதோ நத்தி. இத பன இமங் தேவபுத்தங் படிபாஹித்வா “கீணாஸவேன புப்பபாக்கே ஆஸவக்கயத்தாய அரஞ்ஞே வஸந்தேன கம்மட்டானங் ஆதாய விரியங் கதங், அபரபாக்கே ஸசே இச்சதி,

கரோது, நோ சே இச்ச²தி, யதா²ஸுக²ங் விஹரதூ²தி கீணாஸவஸ்ஸ
கிச்சவோஸானத³ஸ்ஸனத்த²ங் ஏவமாஹ. தத்த² கா³த⁴ந்தி பதிட்ட²ங்.
பஞ்சமங்.

6. காமத³ஸுத்தவண்ணனா

87. ச²ட்டே² து³க்கரந்தி அயங் கிர தே³வபுத்தோ பு³ப³யோகா³வசரோ
ப³ஹலகிலேஸதாய ஸப்பயோகே³ன கிலேஸே விக்²ம்பெ⁴ந்தோ
ஸமணத⁴ம்மங் கத்வா பு³ப³பனிஸ்ஸயமந்த³தாய அரியபு⁴மிங் அப்பத்வாவ
காலங் கத்வா தே³வலோகே நி³ப³த்தோ. ஸோ “ததா²க³தஸ்ஸ ஸந்திகங்
க³ந்த்வா து³க்கரபா⁴வங் ஆரோசெஸ்ஸாமீ²தி ஆக³ந்த்வா ஏவமாஹ. தத்த²
து³க்கரந்தி த³ஸபி வஸ்ஸானி...பே... ஸட்டி²பி யதே³தங்
ஏகந்தபரிஸு³த⁴ஸ்ஸ ஸமணத⁴ம்மஸ்ஸ கரணங் நாம, தங் து³க்கரங்.
ஸேகா²தி ஸத்த ஸேகா². ஸீலஸமாஹிதாதி ஸீலேன ஸமாஹிதா
ஸமுபேதா. டி²தத்தாதி பதிட்டி²தஸபா⁴வா. ஏவங் புச்சி²தபஞ்ஹங்
விஸ்ஸஜ்ஜெத்வா இதா³னி உபரிபஞ்ஹஸமுட்டா²பனத்த²ங்
அனகா³ரியுபேதஸ்ஸாதிஆதி³மாஹ. தத்த² அனகா³ரியுபேதஸ்ஸாதி
அனகா³ரியங் நிக்³கே³ஹபா⁴வங் உபேதஸ்ஸ. ஸத்தபு⁴மிகேபி ஹி பாஸாதே³
வஸந்தோ பி⁴க்கு² வுட்³ட⁴தரேன ஆக³ந்த்வா “மய்ஹங் இத³ங் பாபுணாதீ²தி
வுத்தே பத்தசீவரங் ஆதா³ய நிக்²மதேவ. தஸ்மா “அனகா³ரியுபேதோ²தி வுச்சதி.
துட்டி²தி சதுபச்சயஸந்தோஸோ. பா⁴வனாயாதி சித்தவூபஸமபா⁴வனாய.

தே செ²த்வா மச்சனோ ஜாலந்தி யே ரத்திந்தி³வங் இந்த³ரியூபஸமே ரதா,
தே து³ஸ்ஸமாத³ஹங் சித்தங் ஸமாத³ஹந்தி. யே ச ஸமாஹிதசித்தா, தே
சதுபச்சயஸந்தோஸங் பூரெந்தா ந கிலமந்தி. யே ஸந்துட்டா², தே ஸீலங்
பூரெந்தா ந கிலமந்தி . யே ஸீலே பதிட்டி²தா ஸத்த ஸேகா², தே அரியா
மச்சனோ ஜாலஸங்கா²தங் கிலேஸஜாலங் சி²ந்தி³த்வா கச்ச²ந்தி. து³க்க³மோதி
“ஸச்சமேதங், ப⁴ந்தே, யே இந்த³ரியூபஸமே ரதா, தே து³ஸ்ஸமாத³ஹங்
ஸமாத³ஹந்தி...பே... யே ஸீலே பதிட்டி²தா, தே மச்சனோ ஜாலங் சி²ந்தி³த்வா
கச்ச²ந்தி”. கிங் ந கச்சி²ஸ்ஸந்தி? அயங் பன து³க்க³மோ ப⁴க³வா விஸமோ
மக்கோ³தி ஆஹ. தத்த² கிஞ்சாபி அரியமக்கோ³ நேவ து³க்க³மோ ந விஸமோ,
பு³ப³பா⁴க³படிபதா³ய பனஸ்ஸ ப³ஹு பரிஸ்ஸயா ஹொந்தி. தஸ்மா ஏவங்
வுத்தோ. அவங்ஸிராதி ஞாணஸிரேன அதோ⁴ஸிரா ஹுத்வா பபதந்தி.
அரியமக்க³ங் ஆரோஹிதுங் அஸமத்த²தாயேவ ச தே அனரியமக்கே³ பபதந்தீதி
ச வுச்சந்தி. அரியானங் ஸமோ மக்கோ³தி ஸ்வேவ மக்கோ³ அரியானங்
ஸமோ ஹொதி. விஸமே ஸமாதி விஸமேபி ஸத்தகாயே ஸமாயேவ.
ச²ட்ட²ங்.

7. பஞ்சாலசண்ட³ஸுத்தவண்ணனா

88. ஸத்தமே ஸம்பா³தே⁴தி நீவரணஸம்பா³த⁴ங் காமகு³ணஸம்பா³த⁴ந்தி த்³வே ஸம்பா³தா⁴. தேஸு இத⁴ நீவரணஸம்பா³த⁴ங் அதி⁴ப்பேதங். ஓகாஸந்தி ஜா²னஸ்ஸேதங் நாமங். படி⁴லீனநிஸபோ⁴தி படி⁴லீனஸெட்டோ². படி⁴லீனோ நாம பஹீனமானோ வுச்சதி. யதா²ஹ - “கத²ஞ்ச, பி⁴க்க²வே, பி⁴க்கு² படி⁴லீனோ ஹோதி . இத⁴, பி⁴க்க²வே, பி⁴க்கு²னோ அஸ்மிமானோ பஹீனோ ஹோதி உச்சி²ன்னமூலோ தாலாவத்து²கதோ அனபா⁴வங்கதோ ஆயதிங் அனுப்பாத³த⁴ம்மோ”தி (அ. நி. 4.38; மஹானி. 87). பச்சலத்த²ங்ஸு²தி படி⁴லபி⁴ங்ஸு. ஸம்மா தேதி யே நிப்³பா³னபத்தியா ஸதிங் படி⁴லபி⁴ங்ஸு, தே லோகுத்தரஸமாதி⁴னாபி ஸுஸமாஹிதாதி மிஸ்ஸகஜ்ஜா²னங் கதி²தங். ஸத்தமங்.

8. தாயனஸுத்தவண்ணனா

89. அட்ட²மே புராணதித்த²கரோதி புப்³பே³ தித்த²கரோ. எத்த² ச தித்த²ங் நாம த்³வாஸட்டி² தி³ட்டி²யோ, தித்த²கரோ நாம தாஸங் உப்பாத³கோ ஸத்தா². ஸெய்யதி²த³ங் நந்தோ³, வச்சோ², கிலோ, ஸங்கிச்சோ. புராணாத³யோ பன தித்தி²யா நாம. அயங் பன தி³ட்டி²ங் உப்பாதெ³த்வா கத²ங் ஸக்³கே³ நிப்³புத்தோதி? கம்மவாதி³தாய. ஏஸ கிர உபோஸத²ப⁴த்தாதீ³னி அதா³ஸி, அனாதா²னங் வத்தங் பட்ட²பேஸி, பதிஸ்ஸயே அகாஸி, பொக்க²ரணியோ க²ணாபேஸி, அஞ்ஞும்பி ப³ஹுங் கல்யாணங் அகாஸி. ஸோ தஸ்ஸ நிஸ்ஸந்தே³ன ஸக்³கே³ நிப்³புத்தோ, ஸாஸனஸ்ஸ பன நிய்யானிகபா⁴வங் ஜானாதி. ஸோ ததா²க³தஸ்ஸ ஸந்திகங் க³ந்த்வா ஸாஸனானுச்ச²விகா வீரியப்படிஸங்யுத்தா கா³தா² வக்கா²மீதி ஆக³ந்த்வா சி²ந்த³ ஸோதந்திஆதி³மாஹ.

தத்த² சி²ந்தா³தி அனியமிதஆணத்தி. ஸோதந்தி தண்ஹாஸோதங். பரக்கம்மாதி பரக்கமித்வா வீரியங் கத்வா. காமேதி கிலேஸகாமேபி வத்து²காமேபி. பனுதா³தி நீஹர. ஏகத்தந்தி ஜா²னங். இத³ங் வத்தங் ஹோதி - காமே அஜஹித்வா முனி ஜா²னங் ந உபபஜ்ஜதி, ந படி⁴லப⁴தீதி அத்தோ². கயிரா சே கயிராதே²னந்தி யதி³ வீரியங் கரெய்ய, கரெய்யாத², தங் வீரியங் ந ஓஸக்கெய்ய. த³ள்ஹமேனங் பரக்கமேதி த³ள்ஹங் ஏனங் கரெய்ய. ஸிதி²லோ ஹி பரிப்³பா³ஜோதி ஸிதி²லக³ஹிதா பப்³புஜ்ஜா. பி⁴ய்யோ ஆகிரதே ரஜந்தி அதிரேகங் உபரி கிலேஸரஜங் ஆகிரதி. அகதங் து³க்கடங் ஸெய்யோதி து³க்கடங் அகதமேவ ஸெய்யோ. யங் கிஞ்சீதி ந கேவலங் து³க்கடங் கத்வா கதஸாமஞ்ஞமேவ, அஞ்ஞும்பி யங் கிஞ்சி ஸிதி²லங் கதங் ஏவருபமேவ ஹோதி. ஸங்கிலிட்ட²ந்தி து³க்கரகாரிகவதங். இமஸ்மிங் ஹி ஸாஸனே பச்சயஹேது ஸமாதி³ன்னது⁴தங்க³வதங் ஸங்கிலிட்ட²மேவ. ஸங்கஸ்ஸரந்தி ஸங்காய ஸரிதங், “இத³ம்பி இமினா கதங் ப⁴விஸ்ஸதி, இத³ம்பி இமினா”தி

ஏவங் ஆஸங்கிதபரிஸங்கிதங். ஆதி³ப்³ரஹ்மசரியிகாதி
மக்³க்³ப்³ரஹ்மசரியஸ்ஸ ஆதி³பூ⁴தா புப்³ப்³பதா⁴னபூ⁴தா. அட்ட²மங்.

9. சந்தி³மஸுத்தவண்ணனா

90. நவமே சந்தி³மாதி சந்த³விமானவாஸ் தே³வபுத்தோ. ஸப்³ப்³தீ⁴தி
ஸப்³ப்³ஸு க²ந்த⁴ஆயதனாதீ³ஸு. லோகானுகம்பகாதி துய்ஹம்பி
ஏதஸ்ஸபி தாதி³ஸா ஏவ. ஸந்தரமானோவாதி துரிதோ விய. பமுஞ்சஸீதி
அதீதத்தே² வத்தமானவசனங். நவமங்.

10. ஸூரியஸுத்தவண்ணனா

91. த³ஸமே ஸூரியோதி ஸூரியவிமானவாஸ் தே³வபுத்தோ.
அந்த⁴காரேதி சக்கு²விஞ்ஞாணுப்பத்தினிவாரணேன அந்த⁴பா⁴வகரணே.
விரோசதீதி வேரோசனோ. மண்ட³லீதி மண்ட³லஸண்டா²னோ. மா, ராஹு,
கி³லீ சரமந்தலிக்கே²தி அந்தலிக்கே² சரங் ஸூரியங், ராஹு, மா கி³லீதி வத³தி.
கிங் பனேஸ தங் கி³லதீதி ? ஆம, கி³லதி. ராஹுஸ்ஸ ஹி அத்தபா⁴வோ
மஹா, உச்சத்தனேன அட்ட²யோஜனஸதாதி⁴கானி சத்தாரி
யோஜனஸஹஸ்ஸானி, பா³ஹந்தரமஸ்ஸ த³வாத³ஸயோஜனஸதானி,
ப³ஹலத்தேன ச² யோஜனஸதானி, ஸீஸங் நவ யோஜனஸதங், நலாடங்
தியோஜனஸதங், ப⁴முகந்தரங் பண்ணாஸயோஜனங், முக²ங்
த³வியோஜனஸதங், கா⁴னங் தியோஜனஸதங், முகா²தா⁴னங்
தியோஜனஸதக்³ம்பீ⁴ரங் ஹத்த²தலபாத³தலானி புது²லதோ
த³வியோஜனஸதானி . அங்கு³லிப்³பா³னி பண்ணாஸ யோஜனானி. ஸோ
சந்தி³மஸூரியே விரோசமானே தி³ஸ்வா இஸ்ஸாபகதோ தேஸங் க³மனவீதி²ங்
ஓதரித்வா முக²ங் விவரித்வா திட்ட²தி. சந்த³விமானங் ஸூரியவிமானங் வா
தியோஜனஸதிகே மஹானரகே பக்கி²த்தங் விய ஹோதி. விமானே
அதி⁴வத்தா² தே³வதா மரணப⁴யதஜ்ஜிதா ஏகப்பஹாரேனேவ விரவந்தி. ஸோ
பன விமானங் கதா³சி ஹத்தே²ன சா²தே³தி, கதா³சி ஹனுகஸ்ஸ ஹெட்டா²
பக்கி²பதி, கதா³சி ஜிவ்ஹாய பரிமஜ்ஜதி, கதா³சி அவக³ண்ட³காரகங்
பு⁴ஞ்ஜந்தோ விய கபோலந்தரே ட²பேதி. வேக³ங் பன வாரேதுங் ந ஸக்கோதி.
ஸசே வாரெஸ்ஸாமீதி க³ண்ட³கங் கத்வா திட்டெ²ய்ய, மத்த²கங் தஸ்ஸ
பி⁴ந்தி³த்வா நிக்க²மெய்ய, ஆகட்³டி⁴த்வா வா நங் ஓனமெய்ய. தஸ்மா
விமானேன ஸஹேவ க³ச்ச²தி. பஜங் மமந்தி சந்தி³மஸூரியா கிர த³வேபி
தே³வபுத்தா மஹாஸமயஸுத்தகத²னதி³வஸே ஸோதாபத்திப²லங் பத்தா. தேன
ப⁴க³வா “பஜங் மம”ந்தி ஆஹ, புத்தோ மம ஏஸோதி அத்தோ². த³ஸமங்.

பட²மோ வக்³கோ³.

2. அனாத²பிண்டி³கவக்³கோ³

1. சந்தி³மஸஸுத்தவண்ணனா

92. து³தியவக்³க³ஸ்ஸ பட²மே கச்சே²வாதி கச்சே² விய. கச்சே²தி பப்³ப³தகச்சே²பி நதீ³கச்சே²பி. ஏகோதி³ நிபகாதி ஏகக்³க³சித்தா சேவ பஞ்ஞானேபக்கேன ச ஸமன்னாக³தா. ஸதாதி ஸதிமந்தோ. இத³ங் வுத்தங் ஹோதி - யே ஜா²னானி லபி⁴த்வா ஏகோதி³ நிபகா ஸதா விஹரந்தி, தே அமகஸே பப்³ப³தகச்சே² வா நதீ³கச்சே² வா மகா³ விய ஸொத்தி²ங் க³மிஸ்ஸந்தீதி. பாரந்தி நிப்³பா³னங். அம்பு³ஜோதி மச்சோ². ரணஞ்ஜஹாதி கிலேஸஞ்ஜஹா. யேபி ஜா²னானி லபி⁴த்வா அப்பமத்தா கிலேஸே ஜஹந்தி, தே ஸுத்தஜாலங் பி⁴ந்தி³த்வா மச்சா² விய நிப்³பா³னங் க³மிஸ்ஸந்தீதி வுத்தங் ஹோதி. பட²மங்.

2. வெண்டு³ஸுத்தவண்ணனா

93. து³தியே வெண்டு³தி தஸ்ஸ தே³வபுத்தஸ்ஸ நாமங். பயிருபாஸியாதி பரிருபாஸித்வா. அனுஸிக்க²ரேதி ஸிக்க²ந்தி. ஸிட்டி²பதே³தி அனுஸிட்டி²பதே³. காலே தே அப்பமஜ்ஜந்தாதி காலே தே அப்பமாத³ங் கரொந்தா. து³தியங்.

3. தீ³க⁴லட்டி²ஸுத்தவண்ணனா

94. ததியே தீ³க⁴லட்டி²தி தே³வலோகே ஸப்³பே³ ஸமப்பமாணா திகா³வுதிகாவ ஹொந்தி, மனுஸ்ஸலோகே பனஸ்ஸ தீ³க⁴த்தபா⁴வதாய ஏவங்னாமங் அஹொஸி. ஸோ புஞ்ஞானி கத்வா தே³வலோகே நிப்³ப³த்தோபி ததே²வ பஞ்ஞாயி. ததியங்.

4. நந்த³னஸுத்தவண்ணனா

95. சதுத்தே² கோ³தமாதி ப⁴க³வந்தங் கொ³த்தேன ஆலபதி. அனாவடந்தி ததா²க³தஸ்ஸ ஹி ஸப்³ப³ஞ்ஞுதஞ்ஞாணங் பேஸெந்தஸ்ஸ ருக்கோ² வா பப்³ப³தோ வா ஆவரிதுங் ஸமத்தோ² நாம நத்தி². தேனாஹ “அனாவட”ந்தி. இதி ததா²க³தங் தோ²மெத்வா தே³வலோகே அபி⁴ஸங்க²தபஞ்ஹங் புச்ச²ந்தோ கத²ங்வித⁴ந்திஆதி³மாஹ. தத்த² து³க்க²மதிச்ச இரியதீதி து³க்க²ங் அதிக்மதித்வா விஹரதி. ஸீலவாதி லோகியலோகுத்தரேன ஸீலேன ஸமன்னாக³தோ கீ²ணாஸவோ. பஞ்ஞாத³யோபி மிஸ்ஸகாயேவ வேதி³தப்³பா³. பூஜயந்தீதி க³ந்த⁴புப்பா²தீ³ஹி பூஜெந்தி. சதுத்த²ங்.

5-6. சந்த³னஸுத்தாதி³வண்ணனா

96. பஞ்சமே அப்பதிட்டே² அனாலம்பே³தி ஹெட்டா² அபதிட்டே² உபரி அனாலம்ப³னே. ஸுஸமாஹிதோதி அப்பனாயபி உபசாரேனபி ஸுட்டு² ஸமாஹிதோ . பஹிதத்தோதி பேஸிதத்தோ. நந்தீ³ராக³பரிக்கீ²ணோதி

பரிக்²ணனந்தீ³ராகோ³. நந்தீ³ராகோ³ நாம தயோ கம்மாபி⁴ஸங்கா²ரா. இதி இமாய கா³தா²ய காமஸஞ்ஞாக³ஹணேன பஞ்சோரம்பா⁴கியஸங்யோஜனானி, ரூபஸங்யோஜனக³ஹணேன பஞ்ச உத்³த⁴ம்பா⁴கியஸங்யோஜனானி, நந்தீ³ராகே³ன தயோ கம்மாபி⁴ஸங்கா²ரா க³ஹிதா. ஏவங் யஸ்ஸ த³ஸ ஸங்யோஜனானி தயோ ச கம்மாபி⁴ஸங்கா²ரா பஹீனா, ஸோ க³ம்பீ⁴ரே மஹோகே⁴ ந ஸீத³தீதி. காமஸஞ்ஞாய வா காமப⁴வோ, ரூபஸங்யோஜனேன ரூபப⁴வோ க³ஹிதோ, தேஸங் க³ஹணேன அரூபப⁴வோ க³ஹிதோவ , நந்தீ³ராகே³ன தயோ கம்மாபி⁴ஸங்கா²ரா க³ஹிதாதி ஏவங் யஸ்ஸ தீஸ ப⁴வேஸு தயோ ஸங்கா²ரா நத்தி², ஸோ க³ம்பீ⁴ரே ந ஸீத³தீதிபி த³ஸ்ஸேதி. பஞ்சமங்.

97. ச²ட்ட²ங் வுத்தத்த²மேவ. ச²ட்ட²ங்.

7. ஸுப்³ரஹ்மஸுத்தவண்ணனா

98. ஸத்தமே ஸுப்³ரஹ்மாதி ஸோ கிர தே³வபுத்தோ அச்ச²ராஸங்க⁴பரிவுதோ நந்த³னகீளிகங் க³ந்த்வா பாரிச்ச²த்தகமூலே பஞ்ஞத்தாஸனே நிஸீதி³. தங் பஞ்சஸதா தே³வதீ⁴தரோ பரிவாரெத்வா நிஸின்னா, பஞ்சஸதா ருக்க²ங் அபி⁴ருள்ஹா. நனு ச தே³வதானங் சித்தவஸேன யோஜனஸதிகோபி ருக்கோ² ஓனமித்வா ஹத்த²ங் ஆக³ச்ச²தி, கஸ்மா தா அபி⁴ருள்ஹாதி. கி²ட்³டா³பஸுததாய. அபி⁴ருய்ஹ பன மது⁴ரஸ்ஸரேன கா³யித்வா கா³யித்வா புப்பா²னி பாதெந்தி, தானி க³ஹெத்வா இதரா ஏகதோவண்டிகமாலாதி³வஸேன க³ந்தெ²ந்தி. அத² ருக்க²ங் அபி⁴ருள்ஹா உபச்சே²த³ககம்மவஸேன ஏகப்பஹாரேனேவ காலங் கத்வா அவீசிம்ஹி நிப்³பத்தா மஹாது³க்க²ங் அனுப⁴வந்தி.

அத² காலே க³ச்ச²ந்தே தே³வபுத்தோ “இமாஸங் நேவ ஸத்³தோ³ ஸுய்யதி, ந புப்பா²னி பாதெந்தி. கஹங் நு கோ² க³தா”தி? ஆவஜ்ஜெந்தோ நிரயே நிப்³பத்தபா⁴வங் தி³ஸ்வா பியவத்து²கஸோகேன ரூப்பமானோ சிந்தேஸி - “ஏதா தாவ யதா²கம்மேன க³தா, மய்ஹங் ஆயுஸங்கா²ரோ கித்தகோ”தி. ஸோ - “ஸத்தமே தி³வஸே மயாபி அவஸேஸாஹி பஞ்சஸதாஹி ஸத்³தி⁴ங் காலங் கத்வா தத்தே²வ நிப்³பத்திதப்³”ந்தி தி³ஸ்வா ப³லவதரேன ஸோகேன ரூப்பி. ஸோ - “இமங் மய்ஹங் ஸோகங் ஸதே³வகே லோகே அஞ்ஞத்ர ததா²க³தா நித்³த⁴மிதுங் ஸமத்தோ² நாம நத்தீ²”தி சிந்தெத்வா ஸத்து² ஸந்திகங் க³ந்த்வா நிச்சங் உத்ரஸ்தந்தி கா³த²மாஹ.

தத்த² இத³ந்தி அத்தனோ சித்தங் த³ஸ்ஸேதி. து³தியபத³ங் புரிமஸ்ஸேவ வேவசனங். நிச்சந்தி ச பத³ஸ்ஸ தே³வலோகே நிப்³பத்தகாலதோ பட்டா²யாதி அத்தோ² ந க³ஹேதப்³போ³, ஸோகுப்பத்திகாலதோ பன பட்டா²ய நிச்சந்தி வேதி³தப்³பங். அனுப்பன்னேஸு கிச்சே²ஸுதி இதோ ஸத்தாஹச்சயேன யானி

து³க்கா²னி உப்பஜ்ஜிஸ்ஸந்தி, தேஸு. அதோ² உப்பதிதேஸு சாதி யானி பஞ்சஸதானங் அச்ச²ரானங் நிரயே நிப்³புத்தானங் தி³ட்டா²னி, தேஸு சாதி ஏவங் இமேஸு உப்பன்னா³னுப்பன்னேஸு து³க்கே²ஸு நிச்சங் மம உத்ரஸ்தங் சித்தங், அப்³ப⁴ந்தரே ட³ய்ஹுமானோ விய ஹோமி ப⁴க³வாதி த³ஸ்ஸேதி.

நாஞ்ஞத்ர பொ³ஜ்ஜா² தபஸாதி பொ³ஜ்ஜ²ங்க³பா⁴வனஞ்ச தபோகு³ணஞ்ச அஞ்ஞத்ர முஞ்சித்வா ஸொத்தி²ங் ந பஸ்ஸாமீதி அத்தோ². ஸப்³ப³னிஸ்ஸக்³கா³தி நிப்³பா³னதோ. எத்த² கிஞ்சாபி பொ³ஜ்ஜ²ங்க³பா⁴வனா பட²மங் க³ஹிதா, இந்த³ரியஸங்வரோ பச்சா², அத்த²தோ பன இந்த³ரியஸங்வரோவ பட²மங் வேதி³தப்³போ³. இந்த³யஸங்வரே ஹி க³ஹிதே சதுபாரிஸுத்³தி⁴ஸீலங் க³ஹிதங் ஹோதி. தஸ்மிங் பதிட்டி²தோ பி⁴க்கு² நிஸ்ஸயமுத்தகோ து⁴தங்க³ஸங்கா²தங் தபோகு³ணங் ஸமாதா³ய அரஞ்ஞங் பவிஸித்வா கம்மட்டா²னங் பா⁴வெந்தோ ஸஹ விபஸ்ஸனாய பொ³ஜ்ஜ²ங்கே³ பா⁴வேதி. தஸ்ஸ அரியமக்³கோ³ யங் நிப்³பா³னங் ஆரம்மணங் கத்வா உப்பஜ்ஜதி, ஸோ “ஸப்³ப³னிஸ்ஸக்³கோ³”தி ப⁴க³வா சதுஸச்சவஸேன தே³ஸனங் வினிவத்தேஸி. தே³வபுத்தோ தே³ஸனாபரியோஸானே ஸோதாபத்திப²லே பதிட்ட²ஹீதி. ஸத்தமங்.

8-10. ககுத⁴ஸுத்தாதி³வண்ணனா

99. அட்ட²மே ககுதோ⁴ தே³வபுத்தோதி அயங் கிர கோலனக்³ரே மஹாமொக்³க³ல்லானத்தே²ரஸ்ஸ உபட்டா²கபுத்தோ த³ஹரகாலேயேவ தே²ரஸ்ஸ ஸந்திகே வஸந்தோ ஜா²னங் நிப்³புத்தெத்வா காலங்கதோ, ப்³ரஹ்மலோகே உப்பஜ்ஜி. தத்ராபி நங் ககுதோ⁴ ப்³ரஹ்மாத்தவேவ ஸஞ்ஜானந்தி. நந்த³ஸீதி துஸ்ஸஸி. கிங் லத்³தா⁴தி துட்டி² நாம கிஞ்சி மனாபங் லபி⁴த்வா ஹோதி, தஸ்மா ஏவமாஹ. கிங் ஜீயித்தா²தி யஸ்ஸ ஹி கிஞ்சி மனாபங் சீவராதி³வத்து² ஜிண்ணங் ஹோதி, ஸோ ஸோசதி, தஸ்மா ஏவமாஹ. அரதீ நாபி⁴கீரதீதி உக்கண்டி²தா நாபி⁴ப⁴வதி.

அக⁴ஜாதஸ்ஸாதி து³க்க²ஜாதஸ்ஸ, வட்டது³க்கே² டி²தஸ்ஸாதி அத்தோ². நந்தீ³ஜாதஸ்ஸாதி ஜாததண்ஹஸ்ஸ. அக⁴ந்தி ஏவருபஸ்ஸ ஹி வட்டது³க்க²ங் ஆக³தமேவ ஹோதி . “து³க்கீ² ஸுக²ங் பத்த²யதீ”தி ஹி வுத்தங். இதி அக⁴ஜாதஸ்ஸ நந்தீ³ ஹோதி, ஸுக²விபரிணாமேன து³க்க²ங் ஆக³தமேவாதி நந்தீ³ஜாதஸ்ஸ அக⁴ங் ஹோதி. அட்ட²மங்.

100. நவமங் வுத்தத்த²மேவ. நவமங்.

101. த³ஸமே ஆனந்த³த்தே²ரஸ்ஸ அனுமானபு³த்தி⁴யா ஆனுபா⁴வப்பகாஸனத்த²ங் அஞ்ஞதரோதி ஆஹ. த³ஸமங்.

து³தியோ வக்³கோ³.

3. நானாதித்தி²யவக்³கோ³

1-2. ஸிவஸுத்தாதி³வண்ணனா

102. ததியவக்³கஸ்ஸ பட²மங் வுத்தத்த²மேவ. பட²மங்.

103. து³தியே படிகச்சேவாதி பட²மங்யேவ. அக்க²ச்சி²ன்னோவஜா²யதீதி அக்க²ச்சி²ன்னோ அவஜா²யதி, ப³லவசிந்தனங் சிந்தேதி. து³தியகா³தா²ய அக்க²ச்சி²ன்னோவாதி அக்க²ச்சி²ன்னோ விய. து³தியங்.

3-4. ஸேரீஸுத்தாதி³வண்ணனா

104. ததியே தா³யகோதி தா³னஸீலோ. தா³னபதீதி யங் தா³னங் தே³மி, தஸ்ஸ பதி ஹுத்வா தே³மி, ந தா³ஸோ ந ஸஹாயோ. யோ ஹி அத்தனா மது⁴ரங் பு⁴ஞ்ஜதி, பரேஸங் அமது⁴ரங் தே³தி, ஸோ தா³னஸங்கா²தஸ்ஸ தெ³ய்யத⁴ம்மஸ்ஸ தா³ஸோ ஹுத்வா தே³தி. யோ யங் அத்தனா பு⁴ஞ்ஜதி, ததே³வ தே³தி, ஸோ ஸஹாயோ ஹுத்வா தே³தி. யோ பன அத்தனா யேன தேன யாபேதி, பரேஸங் மது⁴ரங் தே³தி, ஸோ பதி ஜெட்ட²கோ ஸாமி ஹுத்வா தே³தி. அஹங் “தாதி³ஸோ அஹோஸி”ந்தி வத³தி.

சதுாஸு த்³வாரேஸுதி தஸ்ஸ கிர ரஞ்ஞோ ஸிந்த⁴வரட்ட²ங் ஸோதி⁴வாகரட்ட²ந்தி த்³வே ரட்டா²னி அஹேஸுங், நக³ரங் ரோருவங் நாம. தஸ்ஸ ஏகேகஸ்மிங் த்³வாரே தே³வஸிகங் ஸதஸஹஸ்ஸங் உப்பஜ்ஜதி, அந்தோனக³ரே வினிச்ச²யட்டா²னே ஸதஸஹஸ்ஸங். ஸோ ப³ஹுஹிரஞ்ஞஸுவண்ணங் ராஸிபு⁴தங் தி³ஸ்வா கம்மஸ்ஸகதஞாணங் உப்பாதெ³த்வா சதுாஸு த்³வாரேஸு தா³னஸாலாயோ காரெத்வா தஸ்மிங் தஸ்மிங் த்³வாரே உட்டி²தஆயேன தா³னங் தே³தா²தி அமச்சே ட²பேஸி. தேனாஹ - “சதுாஸு த்³வாரேஸு தா³னங் தீ³யித்தா²”தி.

ஸமணப்³ராஹ்மணகபணத்³தி⁴கவனிப்³புகயாசகானந்தி எத்த² ஸமணாதி பப்³பஜ்ஜபக³தா. ப்³ராஹ்மணாதி போ⁴வாதி³னோ. ஸமிதபாபபா³ஹிதபாபே பன ஸமணப்³ராஹ்மணே ஏஸ நாலத்த². கபணாதி து³க்³தா த்³லித்³த³மனுஸ்ஸா காணகுணிஆத³யோ. அத்³தி⁴காதி பதா²வினோ. வனிப்³புகாதி யே “இட்ட²ங், தி³ன்னங், கந்தங், மனாபங், காலேன, அனவஜ்ஜங் தி³ன்னங், த்³தங் சித்தங் பஸாதெ³ய்ய, கச்ச²து ப⁴வங் ப்³ரஹ்மலோக”ந்திஆதி³னா நயேன தா³னஸ்ஸ வண்ணங் தோ²மயமானா விசரந்தி. யாசகாதி யே “பஸதமத்தங் தே³த², ஸராவமத்தங் தே³தா²”திஆதீ³னி ச வத்வா யாசமானா விசரந்தி. இத்தா²கா³ரஸ்ஸ தா³னங் தீ³யித்தா²தி பட²மத்³வாரஸ்ஸ லத்³த⁴த்தா தத்த² உப்பஜ்ஜனகஸதஸஹஸ்ஸே அஞ்ஞம்பி த⁴னங் பக்கி²பித்வா ரஞ்ஞோ அமச்சே ஹாரெத்வா அத்தனோ அமச்சே

ட²பெத்வா ரஞ்ஞா தி³ன்னதா³னதோ ராஜித்தி²யோ மஹந்ததரங் தா³னங்
அத³ங்ஸு. தங் ஸந்தா³யேவமாஹ. மம தா³னங் படிக்கமீதி யங் மம தா³னங்
தத்த² தீ³யித்த², தங் படினிவத்தி. ஸேஸத்³வாரேஸுபி ஏஸேவ நயோ. கோசீதி
கத்த²சி. தீ³க²⁴ரத்தந்தி அஸீதிவஸ்ஸஸஹஸ்ஸானி. எத்தகங் கிர காலங்
தஸ்ஸ ரஞ்ஞா தா³னங் தீ³யித்த². ததியங்.

105. சதுத்த²ங் வுத்தத்த²மேவ. சதுத்த²ங்.

5. ஜந்துஸுத்தவண்ணனா

106. பஞ்சமே கோஸலேஸு விஹரந்தீதி ப⁴க³வதோ ஸந்திகே
கம்மட்டா²னங் க³ஹெத்வா தத்த² க³ந்த்வா விஹரந்தி. உத்³த⁴தாதி அகப்பியே
கப்பியஸஞ்ஞிதாய ச கப்பியே அகப்பியஸஞ்ஞிதாய ச அனவஜ்ஜே
ஸாவஜ்ஜஸஞ்ஞிதாய ச ஸாவஜ்ஜே அனவஜ்ஜஸஞ்ஞிதாய ச
உத்³த⁴ச்சபகதிகா ஹுத்வா. உன்னளாதி உக்³க³தனளா, உட்டி²ததுச்ச²மானாதி
வுத்தங் ஹோதி. சபலாதி பத்தசீவரமண்ட³னாதி³னா சாபல்லேன யுத்தா.
முக²ராதி முக²க²ரா, க²ரவசனாதி வுத்தங் ஹோதி. விகிண்ணவாசாதி
அஸங்யதவசனா, தி³வஸம்பி நிரத்த²கவசனபலாபினோ. முட்ட²ஸ்ஸதினோதி
நட்ட²ஸ்ஸதினோ ஸதிவிரஹிதா, இத⁴ கதங் எத்த² பமுஸ்ஸந்தி.
அஸம்பஜானாதி நிப்பஞ்ஞா. அஸமாஹிதாதி அப்பனாஉபசாரஸமாதி⁴ரஹிதா,
சண்ட³ஸோதே ப³த்த⁴னாவாஸதி³ஸா. விப்³ப⁴ந்தசித்தாதி அனவட்டி²தசித்தா,
பந்தா²ருள்ஹபா³லமிக³ஸதி³ஸா. பாகதிந்த³ரியாதி ஸங்வராபா⁴வேன
கி³ஹிகாலே விய விவடஇந்த³ரியா.

ஜந்துதி ஏவங்னாமகோ தே³வபுத்தோ. தத³ஹுபோஸதே²தி தஸ்மிங் அஹு
உபோஸதே², உபோஸத²தி³வஸேதி அத்தோ². பன்னரஸேதி
சாதுத்³த³ஸிகாதி³படிக்கே²போ. உபஸங்கமீதி சோத³னத்தா²ய உபக³தோ. ஸோ
கிர சிந்தேஸி - “இமே பி⁴க்க² ஸத்து² ஸந்திகே கம்மட்டா²னங் க³ஹெத்வா
நிக்க³ந்தா, இதா³னி பமத்தா விஹரந்தி, ந கோ² பனேதே பாடியேக்கங்
நிஸின்னட்டா²னே சோதி³யமானா கத²ங் க³ண்ஹிஸ்ஸந்தி, ஸமாக³மனகாலே
சோதி³ஸ்ஸாமீ”தி உபோஸத²தி³வஸே தேஸங் ஸன்னிபதிதபா⁴வங் ஞுத்வா
உபஸங்கமி. கா³தா²ஹி அஜ்ஜ²பா⁴ஸீதி ஸப்³பே³ஸங் மஜ்ஜே² ட²த்வா கா³தா²
அபா⁴ஸி.

தத்த² யஸ்மா கு³ணகதா²ய ஸத்த³தி⁴ங் நிக்³கு³ணஸ்ஸ அகு³ணோ பாகடோ
ஹோதி, தஸ்மா கு³ணங் தாவ கதெ²ந்தோ ஸுக²ஜீவினோ புரே
ஆஸுந்திஆதி³மாஹ. தத்த² ஸுக²ஜீவினோ புரே ஆஸுந்தி புப்³பே³ பி⁴க்க²
ஸுப்போஸா ஸுப⁴ரா அஹேஸுங், உச்சனீசகுலேஸு ஸபதா³னங் சரித்வா
லத்³தே⁴ன மிஸ்ஸகபிண்டே³ன யாபேஸுந்தி அதி⁴ப்பாயேன ஏவமாஹ.
அனிச்சா²தி நித்தண்ஹா ஹுத்வா.

ஏவங் போராணகபி⁴க்கூ²னங் வண்ணங் கதெ²த்வா இதா³னி தேஸங்
 அவண்ணங் கதெ²ந்தோ து³ப்போஸந்திஆதி³மாஹ. தத்த² கா³மே கா³மணிகா
 வியாதி யதா² கா³மே கா³மகுடா நானப்பகாரேன ஜனங் பீளெத்வா
 கீ²ரத³தி⁴தண்டுலாதீ³னி ஆஹராபெத்வா பு⁴ஞ்ஜந்தி, ஏவங் தும்ஹேபி
 அனேஸனாய டி²தா தும்ஹாகங் ஜீவிகங் கப்பேதா²தி அதி⁴ப்பாயேன வத³தி.
 நிபஜ்ஜந்தீதி உத்³தே³ஸபரிபுச்சா²மனஸிகாரேஹி அனத்தி²கா ஹுத்வா
 ஸயனம்ஹி ஹத்த²பாதே³ விஸ்ஸஜ்ஜெத்வா நிபஜ்ஜந்தி. பராகா³ரேஸுதி
 பரகே³ஹேஸு, குலஸுண்ஹாதீ³ஸுதி அத்தோ². முச்சி²தாதி கிலேஸமுச்சா²ய
 முச்சி²தா.

ஏகச்சேதி வத்தப்³புத்தகேயேவ. அபவித்³தா⁴தி ச²ட்³டி³தகா. அனாதா²தி
 அபதிட்டா². பேதாதி ஸுஸானே ச²ட்³டி³தா காலங்கதமனுஸ்ஸா. யதா² ஹி
 ஸுஸானே ச²ட்³டி³தா நானாஸகுணாதீ³ஹி க²ஜ்ஜந்தி, ஞாதகாபி நேஸங்
 நாத²கிச்சங் ந கரொந்தி, ந ரக்க²ந்தி, ந கோ³பயந்தி, ஏவமேவங் ஏவருபாபி
 ஆசரியுபஜ்ஜா²யாதீ³னங் ஸந்திகா ஓவாதா³னுஸாஸனிங் ந லப⁴ந்தீதி
 அபவித்³தா⁴ அனாதா², யதா² பேதா, ததே²வ ஹொந்தி. பஞ்சமங்.

6. ரோஹிதஸ்ஸஸுத்தவண்ணனா

107. ச²ட்டே² யத்தா²தி சக்கவாளலோகஸ்ஸ ஏகோகாஸே பு⁴ம்மங். ந
 சவதி ந உபபஜ்ஜந்தீதி இத³ங் அபராபரங் சுதிபடிஸந்தி⁴வஸேன க³ஹிதங்.
 க³மனேனாதி பத³க³மனேன. நாஹங் தங் லோகஸ்ஸ அந்தந்தி ஸத்தா²
 ஸங்கா²ரலோகஸ்ஸ அந்தங் ஸந்தா⁴ய வத³தி. ஞாதெய்யந்திஆதீ³ஸு
 ஞாதப்³பங், த³ட்ட²ப்³பங், பத்தப்³பந்தி அத்தோ².

இதி தே³வபுத்தேன சக்கவாளலோகஸ்ஸ அந்தோ புச்சி²தோ, ஸத்தா²ரா
 ஸங்கா²ரலோகஸ்ஸ கதி²தோ. ஸோ பன அத்தனோ பஞ்ஹேன ஸத்³தி⁴ங்
 ஸத்து² ப்³யாகரணங் ஸமேதீதி ஸஞ்ஞாய பஸங்ஸந்தோ
 அச்சு²ரியந்திஆதி³மாஹ.

த³ள்ஹத⁴ம்மோதி த³ள்ஹத⁴னு, உத்தமப்பமானேன த⁴னுனா
 ஸமன்னாக³தோ. த⁴னுக்³க³ஹோதி த⁴னுஆசரியோ. ஸுஸிக்கி²தோதி த³ஸ
 த்³வாத³ஸ வஸ்ஸானி த⁴னுஸிப்பங் ஸிக்கி²தோ. கதஹத்தோ²தி
 உஸப⁴ப்பமானேபி வாலக்³ங் விஜ்ஜி²துங் ஸமத்த²பா⁴வேன கதஹத்தோ².
 கதூபாஸனோதி கதஸரக்கே²போ த³ஸ்ஸிதஸிப்போ. அஸனேனாதி
 கண்டே³ன. அதிபாதெய்யாதி அதிகமெய்ய. யாவதா ஸோ தாலச்சா²யங்
 அதிகமெய்ய, தாவதா காலேன ஏகசக்கவாளங் அதிகமாமீதி அத்தனோ
 ஜவஸம்பத்திங் த³ஸ்ஸேதி.

புரத்தி²மா ஸமுத்³தா³ பச்சி²மோதி யதா² புரத்தி²மஸமுத்³தா³
 பச்சி²மஸமுத்³தோ³ தூ³ரே, ஏவங் மே தூ³ரே பத³வீதிஹாரோ அஹோஸீதி
 வத³தி. ஸோ கிர பாசீனசக்கவாளமுக²வட்டியங் டி²தோ பாத³ங் பஸாரெத்வா
 பச்சி²மசக்கவாளமுக²வட்டியங் அக்கமதி, புன து³தியங் பாத³ங் பஸாரெத்வா
 பரசக்கவாளமுக²வட்டியங் அக்கமதி. இச்சா²க³தந்தி இச்சா² ஏவ.
 அஞ்ஞத்ரேவாதி நிப்பபஞ்சதங் த³ஸ்ஸேதி. பி⁴க்கா²சாரகாலே கிரேஸ
 நாக³லதாத³ந்தகட்ட²ங் கா²தி³த்வா அனோதத்தே முக²ங் தோ⁴வித்வா காலே
 ஸம்பத்தே உத்தரகுரும்ஹி பிண்டா³ய சரித்வா சக்கவாளமுக²வட்டியங்
 நிஸின்னோ ப⁴த்தகிச்சங் கரோதி, தத்த² முஹுத்தங் விஸ்ஸமித்வா புன
 ஜவதி. வஸ்ஸஸதாயுகோதி ததா³ தீ³கா⁴யுககாலோ ஹோதி, அயங் பன
 வஸ்ஸஸதாவஸிட்டே² ஆயும்ஹி க³மனங் ஆரபி⁴. வஸ்ஸஸதஜீவீதி தங்
 வஸ்ஸஸதங் அனந்தராயேன ஜீவந்தோ. அந்தராவ காலங்கதோதி
 சக்கவாளலோகஸ்ஸ அந்தங் அப்பத்வா அந்தராவ மதோ. ஸோ பன தத்த²
 காலங் கத்வாபி ஆக³ந்த்வா இமஸ்மிந்யேவ சக்கவாளே நிப்³ப³த்தி. அப்பத்வாதி
 ஸங்கா²ரலோகஸ்ஸ அந்தங் அப்பத்வா. து³க்க²ஸ்ஸாதி வட்டது³க்க²ஸ்ஸ.
 அந்தகிரியந்தி பரியந்தகரணங். களேவரேதி அத்தபா⁴வே. ஸஸஞ்ஞிம்ஹி
 ஸமனகேதி ஸஸஞ்ஞே ஸசித்தே. லோகந்தி து³க்க²ஸ்ஸச்சங்.
 லோகஸமுத³யந்தி ஸமுத³யஸச்சங். லோகனிரோத⁴ந்தி நிரோத⁴ஸச்சங்.
 படிபத³ந்தி மக்³க³ஸ்ஸச்சங். இதி - “நாஹங், ஆவுஸோ, இமானி சத்தாரி ஸச்சானி
 திணகட்டா²தீ³ஸு பஞ்ஞபேமி , இமஸ்மிந் பன சாதுமஹாபூ⁴திகே காயஸ்மிந்
 யேவ பஞ்ஞபேமீ²தி த³ஸ்ஸேதி. ஸமிதாவீதி ஸமிதபாபோ. நாஸீஸதீதி ந
 பத்தே²தி. ச²ட்ட²ங்.

108-109. ஸத்தமட்ட²மானி வுத்தத்தா²னேவ. ஸத்தமங், அட்ட²மங்.

9. ஸுஸிமஸுத்தவண்ணனா

110. நவமே துய்ஹம்பி நோ, ஆனந்த³, ஸாரிபுத்தோ ருச்சதீதி ஸத்தா²
 தே²ரஸ்ஸ வண்ணங் கதே²துகாமோ, வண்ணோ ச நாமேஸ
 விஸபா⁴க³புக்³க³லஸ்ஸ ஸந்திகே கதே²துங் ந வட்டதி. தஸ்ஸ ஸந்திகே
 கதி²தோ ஹி மத்த²கங் ந பாபுணாதி. ஸோ ஹி “அஸுகோ நாம பி⁴க்கு²
 ஸீலவா”தி வுத்தே. “கிங் தஸ்ஸ ஸீலங்? கோ³ரூபஸீலோ ஸோ. கிங் தயா
 அஞ்ஞோ ஸீலவா ந தி³ட்ட²புப்³போ³”தி வா? “பஞ்ஞவா”தி வுத்தே, “கிங்
 பஞ்ஞோ ஸோ? கிங் தயா அஞ்ஞோ பஞ்ஞவா ந தி³ட்ட²புப்³போ³”தி? வா,
 ஆதீ³னி வத்வா வண்ணகதா²ய அந்தராயங் கரோதி. ஆனந்த³த்தே²ரோ பன
 ஸாரிபுத்தத்தே²ரஸ்ஸ ஸபா⁴கோ³, பணீதானி லபி⁴த்வா தே²ரஸ்ஸ தே³தி,
 அத்தனோ உபட்டா²கதா³ரகே பப்³பா³ஜெத்வா தே²ரஸ்ஸ ஸந்திகே உபஜ்ஜ²ங்
 க³ண்ஹாபேதி, உபஸம்பாதே³தி. ஸாரிபுத்தத்தே²ரோபி ஆனந்த³த்தே²ரஸ்ஸ
 ததே²வ கரோதி. கிங் காரணா? அஞ்ஞமஞ்ஞஸ்ஸ கு³ணேஸு பஸீதி³த்வா.

ஆனந்தத்தேரோ ஹி - “அம்ஹாகங் ஜெட்டபாதி கோ ஏகங்
அஸங்க்யெய்யங் ஸதஸஹஸ்ஸஞ்ச கப்பே பாரமியோ பூரெத்வா
ஸோளஸவிதங் பஞ்ஞங் படிவிஜ்ஜித்வா தம்மஸேனாபதிட்டானே
டிதோ”தி தேரஸ்ஸ குணேஸு பஸீதித்வாவ தேரங் மமாயதி.
ஸாரிபுத்தத்தேரோபி - “ஸம்மாஸம்புத்தஸ்ஸ மயா கத்தப்பங்
முகோதகதாநாதிச்சிசங் ஸப்பங் ஆனந்தோ கரோதி. ஆனந்தங் நிஸ்ஸாய
அஹங் இச்சித்திச்சிதங் ஸமாபத்திங் ஸமாபஜ்ஜிதுங் லபாமீ”தி ஆயஸ்மதோ
ஆனந்தஸ்ஸ குணேஸு பஸீதித்வாவ தங் மமாயதி. தஸ்மா பகவா
ஸாரிபுத்தத்தேரஸ்ஸ வண்ணங் கதேதுகாமோ ஆனந்தத்தேரஸ்ஸ ஸந்திகே
கதேதுங் ஆரத்தோ.

தத்த துய்ஹம்பீதி ஸம்பிண்டனத்தோ பி-காரோ. இதங் வுத்தங் ஹோதி -
“ஆனந்த, ஸாரிபுத்தஸ்ஸ ஆசாரோ கோசரோ விஹாரோ அபிஃக்கமோ
படிக்கமோ ஆலோகிதவிலோகிதங் ஸமிஞ்ஜிதபஸாரணங் மய்ஹங் ருச்சதி,
அஸீதிமஹாதேரானங் ருச்சதி, ஸதேவகஸ்ஸ லோகஸ்ஸ ருச்சதி.
துய்ஹம்பி ருச்சதீ”தி?

ததோ தேரோ ஸாடகந்தரே லத்தோகாஸோ ப்லவமல்லோ விய
துட்டமானஸோ ஹுத்வா - “ஸத்தா மய்ஹங் பியஸஹாயஸ்ஸ வண்ணங்
கதாபேதுகாமோ. லபிஸஸாமி நோ அஜ்ஜ, தீபதஜபுதங் மஹாஜம்புங்
விதுனந்தோ விய வலாஹகந்தரதோ சந்தங் நீஹரித்வா தஸ்ஸெந்தோ விய
ஸாரிபுத்தத்தேரஸ்ஸ வண்ணங் கதேதுந்தி சிந்தெத்வா படமதரங் தாவ
சதூஹி பதேஹி புக்ஃலபலாபே ஹரந்தோ கஸ்ஸ ஹி நாம, பந்தே,
அபாலஸ்ஸாதிஆதிமாஹ. பாஸோ ஹி பாலதாய, துட்டோ தோஸதாய,
மூள்ஹோ மோஹேன, விபல்லத்தசித்தோ உம்மத்தகோ சித்தவிபல்லாஸேன
வண்ணங் “வண்ணோ”தி வா அவண்ணங் “அவண்ணே”தி வா, “அயங்
புத்தோ, அயங் ஸாவகோ”தி வா ந ஜானாதி. அபாலாதயோ பன ஜானந்தி,
தஸ்மா அபாலஸ்ஸாதிஆதிமாஹ. ந ருச்செய்யாதி பாஸாதீனங்யேவ ஹி
ஸோ ந ருச்செய்ய, ந அஞ்ஞஸ்ஸ கஸ்ஸசி ந ருச்செய்ய.

ஏவங் புக்ஃலபலாபே ஹரித்வா இதானி ஸோளஸஹி பதேஹி
யதாபுதங் வண்ணங் கதேந்தோ பண்டிதோ, பந்தேதிஆதிமாஹ. தத்த
பண்டிதோதி பண்டிச்சேன ஸமன்னாகதோ, சதூஸு கோஸல்லேஸு
டிதஸ்ஸேதங் நாமங். வுத்தஞ்ஹேதங் - “யதோ கோ, ஆனந்த, பிஃக்கு
தாதுகுஸலோ ச ஹோதி ஆயதனகுஸலோ ச படிச்சஸமுப்பாதகுஸலோ ச
டானாட்டானகுஸலோ ச, எத்தாவதா கோ, ஆனந்த, ‘பண்டிதோ பிஃகூ’தி
அலங் வசனாயா”தி (ம. நி. 3.124). மஹாபஞ்ஞாதிஆதீஸு மஹாபஞ்ஞாதீஹி
ஸமன்னாகதோதி அத்தோ. தத்ரிதங் மஹாபஞ்ஞாதீனங் நானத்தங் (படி. ம.
3.4) - கதமா மஹாபஞ்ஞா? மஹந்தே ஸீலக்கந்தே பரிக்கண்ணஹாதீதி

மஹாபஞ்ஞா, மஹந்தே ஸமாதி⁴க்க²ந்தே⁴, பஞ்ஞாக்க²ந்தே⁴,
விமுத்திக்க²ந்தே⁴, விமுத்திஞாணத³ஸ்ஸனக்க²ந்தே⁴ பரிக்க³ண்ஹாதீதி
மஹாபஞ்ஞா. மஹந்தானி டா²னாட்டா²னானி, மஹாவிஹாரஸமாபத்தியோ,
மஹந்தானி அரியஸச்சானி, மஹந்தே ஸதிபட்டா²னே, ஸம்மப்பதா⁴னே,
இத்³தி⁴பாதே³, மஹந்தானி இந்த³ரியானி, ப³லானி, பொ³ஜ்ஜ²ங்கா³னி, மஹந்தே
அரியமக்க³கே³, மஹந்தானி ஸாமஞ்ஞப²லானி, மஹாஅபி⁴ஞ்ஞாயோ,
மஹந்தங் பரமத்த²ங் நிப்பா³னங் பரிக்க³ண்ஹாதீதி மஹாபஞ்ஞா.

ஸா பன தே²ரஸ்ஸ தே³வோரோஹனங் கத்வா ஸங்கஸ்ஸனக³ரத்³வாரே
டி²தேன ஸத்தா²ரா புது²ஜ்ஜனபஞ்சகே பஞ்ஹே புச்சி²தே தங்
விஸ்ஸஜ்ஜெந்தஸ்ஸ பாகடா ஜாதா.

கதமா புது²பஞ்ஞா? புது² நானாக²ந்தே⁴ஸு, (ஞாணங் பவத்தீதி
புது²பஞ்ஞா.) புது² நானாதா⁴தூஸு, புது² நானாஆயதனேஸு, புது²
நானாபடிச்சஸமுப்பாதே³ஸு, புது² நானாஸஞ்ஞதமனுபலப்பே⁴ஸு, புது²
நானாஅத்தே²ஸு, த⁴ம்மேஸு நிருத்தீஸு படிபா⁴னேஸு, புது²
நானாஸீலக்க²ந்தே⁴ஸு, புது² நானாஸமாதி⁴-பஞ்ஞாவிமுத்தி-
விமுத்திஞாணத³ஸ்ஸனக்க²ந்தே⁴ஸு, புது² நானாடா²னாட்டா²னேஸு, புது²
நானாவிஹாரஸமாபத்தீஸு, புது² நானாஅரியஸச்சேஸு, புது²
நானாஸதிபட்டா²னேஸு, ஸம்மப்பதா⁴னேஸு, இத்³தி⁴பாதே³ஸு,
இந்த³ரியேஸு, ப³லேஸு, பொ³ஜ்ஜ²ங்கே³ஸு, புது² நானாஅரியமக்க³கே³ஸு,
ஸாமஞ்ஞப²லேஸு, அபி⁴ஞ்ஞாஸு, புது² நானாஜனஸாதா⁴ரணே த⁴ம்மே
ஸமதிக்கம்ம பரமத்தே² நிப்பா³னே ஞாணங் பவத்தீதி புது²பஞ்ஞா.

கதமா ஹாஸபஞ்ஞா? இதே⁴கச்சோ ஹாஸப³ஹுலோ வேத³ப³ஹுலோ
துட்டி²ப³ஹுலோ பாமோஜ்ஜப³ஹுலோ ஸீலங் பரிபுரேதி, இந்த³ரியஸங்வரங்
பரிபுரேதி, போ⁴ஜனே மத்தஞ்ஞதங், ஜாக³ரியானுயோக³ங், ஸீலக்க²ந்த⁴ங்,
ஸமாதி⁴க்க²ந்த⁴ங், பஞ்ஞாக்க²ந்த⁴ங், விமுத்திக்க²ந்த⁴ங்,
விமுத்திஞாணத³ஸ்ஸனக்க²ந்த⁴ங் பரிபுரேதீதி, ஹாஸபஞ்ஞா.
ஹாஸப³ஹுலோ பாமோஜ்ஜப³ஹுலோ டா²னாட்டா²னங் படிவிஜ்ஜ²தீதி
ஹாஸபஞ்ஞா. ஹாஸப³ஹுலோ விஹாரஸமாபத்தியோ பரிபுரேதீதி
ஹாஸபஞ்ஞா. ஹாஸப³ஹுலோ அரியஸச்சானி படிவிஜ்ஜ²தி. ஸதிபட்டா²னே ,
ஸம்மப்பதா⁴னே, இத்³தி⁴பாதே³, இந்த³ரியானி, ப³லானி , பொ³ஜ்ஜ²ங்கா³னி,
அரியமக்க³ங் பா⁴வேதீதி ஹாஸபஞ்ஞா. ஹாஸப³ஹுலோ ஸாமஞ்ஞப²லானி
ஸச்சிகரோதி, அபி⁴ஞ்ஞாயோ படிவிஜ்ஜ²தீதி ஹாஸபஞ்ஞா,
ஹாஸப³ஹுலோ வேத³துட்டி²பாமோஜ்ஜப³ஹுலோ பரமத்த²ங் நிப்பா³னங்
ஸச்சிகரோதீதி ஹாஸபஞ்ஞா.

தே²ரோ ச ஸரதோ³ நாம தாபஸோ ஹுத்வா அனோமத³ஸ்ஸிஸ்ஸ ப⁴க³வதோ பாத³மூலே அக்³க³ஸாவகபத்த²னங் பட்ட²பேஸி. தங்காலதோ பட்டா²ய ஹாஸப³ஹுலோ ஸீலபரிபூரணாதீ³னி அகாஸீதி ஹாஸபஞ்ஞோ.

கதமா ஜவனபஞ்ஞா? யங்கிஞ்சி ரூபங் அதீதானாக³தபச்சுப்பன்னங்...பே... யங் து³ரே ஸந்திகே வா, ஸப்³ப³ங் ரூபங் அனிச்சதோ கி²ப்பங் ஜவதீதி ஜவனபஞ்ஞா. து³க்க²தோ கி²ப்பங், அனத்ததோ கி²ப்பங் ஜவதீதி ஜவனபஞ்ஞா. யா காசி வேத³னா...பே... யா காசி ஸஞ்ஞா... யே கேசி ஸங்கா²ரா... யங்கிஞ்சி விஞ்ஞாணங் அதீதானாக³தபச்சுப்பன்னங்...பே... ஸப்³ப³ங் விஞ்ஞாணங் அனிச்சதோ, து³க்க²தோ, அனத்ததோ கி²ப்பங் ஜவதீதி ஜவனபஞ்ஞா. சக்கு²...பே... ஜராமரணங் அதீதானாக³தபச்சுப்பன்னங் அனிச்சதோ, து³க்க²தோ, அனத்ததோ கி²ப்பங் ஜவதீதி ஜவனபஞ்ஞா. ரூபங் அதீதானாக³தபச்சுப்பன்னங் அனிச்சங் க²யட்டே²ன, து³க்க²ங் ப⁴யட்டே²ன, அனத்தா அஸாரகட்டே²னாதி துலயித்வா தீரயித்வா விபா⁴வயித்வா விபு⁴தங் கத்வா ரூபனிரோதே⁴ நிப்³பா³னே கி²ப்பங் ஜவதீதி ஜவனபஞ்ஞா. வேத³னா... ஸஞ்ஞா... ஸங்கா²ரா... விஞ்ஞாணங்... சக்கு²...பே... ஜராமரணங் அதீதானாக³தபச்சுப்பன்னங் அனிச்சங் க²யட்டே²ன...பே... விபு⁴தங் கத்வா ஜராமரணனிரோதே⁴ நிப்³பா³னே கி²ப்பங் ஜவதீதி ஜவனபஞ்ஞா. ரூபங் அதீதானாக³தபச்சுப்பன்னங்...பே... விஞ்ஞாணங். சக்கு²...பே... ஜராமரணங் அனிச்சங் ஸங்க²தங் படிச்சஸமுப்பன்னங் க²யத⁴ம்மங் வயத⁴ம்மங் விராக³த⁴ம்மங் நிரோத⁴த⁴ம்மந்தி துலயித்வா தீரயித்வா விபா⁴வயித்வா விபு⁴தங் கத்வா ஜராமரணனிரோதே⁴ நிப்³பா³னே கி²ப்பங் ஜவதீதி ஜவனபஞ்ஞா.

கதமா திக்க²பஞ்ஞா? கி²ப்பங் கிலேஸே சி²ந்த³தீதி திக்க²பஞ்ஞா. உப்பன்னங் காமவிதக்கங் நாதி⁴வாஸேதி, உப்பன்னங் ப்யாபாத³விதக்கங்... உப்பன்னங் விஹிங்ஸாவிதக்கங்... உப்பன்னுப்பன்னே பாபகே அகுஸலே த⁴ம்மே... உப்பன்னங் ராக³ங்... தோ³ஸங்... மோஹங்... கோத⁴ங்... உபனாஹங்... மக்க²ங்... பளாஸங்... இஸ்ஸங்... மச்ச²ரியங்... மாயங்... ஸாடெ²ய்யங்... த²ம்ப⁴ங்... ஸாரம்ப⁴ங்... மானங்... அதிமானங்... மத³ங்... பமாத³ங்... ஸப்³பே³ கிலேஸே... ஸப்³பே³ து³ச்சரிதே... ஸப்³பே³ அபி⁴ஸங்கா²ரே... ஸப்³பே³ ப⁴வகா³மிகம்மே நாதி⁴வாஸேதி பஜஹதி வினோதே³தி, ப்யந்தீகரோதி, அனபா⁴வங் க³மேதீதி திக்க²பஞ்ஞா. ஏகஸ்மிங் ஆஸனே சத்தாரோ ச அரியமக்³கா³, சத்தாரி ச ஸாமஞ்ஞப²லானி, சதஸ்ஸோ ச படிஸம்பி⁴தா³யோ, ச² ச அபி⁴ஞ்ஞாயோ அதி⁴க³தா ஹொந்தி ஸச்சி²கதா ப²ஸ்ஸிதா பஞ்ஞாயாதி திக்க²பஞ்ஞா.

தே²ரோ ச பா⁴கி³னெய்யஸ்ஸ தீ³க⁴னக²பரிப்³பா³ஜகஸ்ஸ வேத³னாபரிக்க³ஹஸுத்தே தே³ஸியமானே டி²தகோவ ஸப்³ப³கிலேஸே சி²ந்தித்வா ஸாவகபாரமிஞாணங் படிவித்³த⁴காலதோ பட்டா²ய திக்க²பஞ்ஞா நாம ஜாதோ. தேனாஹ - “திக்க²பஞ்ஞா, ப⁴ந்தே, ஆயஸ்மா ஸாரிபுத்தோ”தி.

கதமா நிப்³பே³தி⁴கபஞ்ஞா? இதே⁴கச்சோ ஸப்³பு³ஸங்கா²ரேஸு
 உப்³பே³க³பு³ஹுலோ ஹோதி உத்தாஸப³ஹுலோ உக்கண்ட²னப³ஹுலோ
 அரதிப³ஹுலோ அனபி⁴ரதிப³ஹுலோ ப³ஹிமு²கோ² ந ரமதி
 ஸப்³பு³ஸங்கா²ரேஸு, அனிப்³பி³த்த⁴பு³பு³ங் அப்பதா³லிதபு³பு³ங்
 லோப⁴க்க²ந்த⁴ங் நிப்³பி³ஜ்ஜ²தி பதா³லேதீதி நிப்³பே³தி⁴கபஞ்ஞா.
 அனிப்³பி³த்த⁴பு³பு³ங் அப்பதா³லிதபு³பு³ங் தோ³ஸக்க²ந்த⁴ங்...
 மோஹக்க²ந்த⁴ங்... கோத⁴ங்... உபனாஹங்...பே... ஸப்³பே³ ப⁴வகா³மிகம்மே
 நிப்³பி³ஜ்ஜ²தி பதா³லேதீதி நிப்³பே³தி⁴கபஞ்ஞா.

அப்பிச்சோ²தி ஸந்தகு³ணனி³கு³ஹனதா, பச்சயபடி³க³ஹணே ச
 மத்தஞ்ஞுதா, ஏதங் அப்பிச்ச²லக்க²ணந்தி இமினா லக்க²ணேன ஸமன்னாக³தோ.
 ஸந்துட்டோ²தி சதூஸு பச்சயேஸு யதா²லாப⁴ஸந்தோஸோ
 யதா²ப³லஸந்தோஸோ யதா²ஸாருப்பஸந்தோஸோதி, இமேஹி தீஹி
 ஸந்தோஸேஹி ஸமன்னாக³தோ. பவிவித்தோதி காயவிவேகோ ச
 விவேகட்ட²காயானங் நெக்க²ம்மாபி⁴ரதானங், சித்தவிவேகோ ச
 பரிஸுத்⁴சித்தானங் பரமவோதா³னப்பத்தானங், உபதி⁴விவேகோ ச
 நிருபதீ⁴னங் புக்³க³லானங் விஸங்கா²ரக³தானந்தி, இமேஸங் திண்ணங்
 விவேகானங் லாபீ⁴. அஸங்ஸட்டோ²தி து³ஸ்ஸனஸங்ஸக்³கோ³
 ஸவனஸங்ஸக்³கோ³ ஸமுல்லபனஸங்ஸக்³கோ³ பரிபோ⁴க³ஸங்ஸக்³கோ³
 காயஸங்ஸக்³கோ³தி, இமேஹி பஞ்சஹி ஸங்ஸக்³கே³ஹி விரஹிதோ. அயஞ்ச
 பஞ்சவிதோ⁴ ஸங்ஸக்³கோ³ ராஜுஹி ராஜமஹாமத்தேஹி தித்தி²யேஹி
 தித்தி²யஸாவகேஹி உபாஸகேஹி உபஸிகாஹி பி⁴க்க²ஹி பி⁴க்கு²னீஹிதி
 அட்ட²ஹி புக்³க³லேஹி ஸத்தி⁴ங் ஜாயதி, ஸோ ஸப்³பே³பி தே²ரஸ்ஸ
 நத்தீ²தி அஸங்ஸட்டோ².

ஆரத்த⁴வீரியோதி பக்³க³ஹிதவீரியோ பரிபுண்ணவீரியோ. தத்த²
 ஆரத்த⁴வீரியோ பி⁴க்கு² க³மனே உப்பன்னகிலேஸஸ்ஸ டா²னங் பாபுணிதுங்
 ந தே³தி, டா²னே உப்பன்னஸ்ஸ நிஸஜ்ஜங், நிஸஜ்ஜாய உப்பன்னஸ்ஸ
 ஸெய்யங் பாபுணிதுங் ந தே³தி, தஸ்மிங் தஸ்மிங் இரியாபதே² உப்பன்னங்
 தத்த² தத்தே²வ நிக்³க³ணஹாதி. தே²ரோ பன சதுசத்தாலீஸ வஸ்ஸானி மஞ்சே
 பிட்டி²ங் ந பஸாரேதி. தங் ஸந்தா⁴ய “ஆரத்த⁴வீரியோ”தி ஆஹ. வத்தாதி
 ஒது⁴னநவத்தா. பி⁴க்க²னங் அஜ்ஜா²சாரங் தி³ஸ்வா “அஜ்ஜ கதெ²ஸ்ஸாமி,
 ஸ்வே கதெ²ஸ்ஸாமீ”தி கதா²வவத்தா²னங் ந கரோதி, தஸ்மிங் தஸ்மிங் யேவ
 டா²னே ஓவத³தி அனுஸாஸதீதி அத்தோ².

வசனக்க²மோதி வசனங் க²மதி. ஏகோ ஹி பரஸ்ஸ ஓவாத³ங் தே³தி,
 ஸயங் பன அஞ்ஞேன ஓவதி³யமானோ குஜ்ஜ²தி. தே²ரோ பன பரஸ்ஸபி
 ஓவாத³ங் தே³தி, ஸயங் ஓவதி³யமானோபி ஸிரஸா ஸம்படிச்ச²தி. ஏகதி³வஸங்
 கிர ஸாரிபுத்தத்தே²ரங் ஸத்தவஸ்ஸிகோ ஸாமணேரோ - “ப⁴ந்தே, ஸாரிபுத்த,

தும்ஹாகங் நிவாஸனகண்ணோ ஓலம்புதி³தி ஆஹ. தே²ரோ கிஞ்சி அவத்வாவ
ஏகமந்தங் க³ந்த்வா பரிமண்ட³லங் நிவாஸெத்வா ஆக³ம்ம “எத்தகங் வட்டதி
ஆசரியா”தி அஞ்ஜலிங் பக்³க³ய்ஹ அட்டா²ஸி.

“தத³ஹு பப்³புஜிதோ ஸந்தோ, ஜாதியா ஸத்தவஸ்ஸிகோ;
ஸோபி மங் அனுஸாஸெய்ய, ஸம்படிச்சா²மி மத்த²கே”தி. (மி. ப. 6.4.8) -

ஆஹ.

சோத³கோதி வத்து²ஸ்மிங் ஓதிண்ணே வா அனோதிண்ணே வா வீதிக்கமங்
தி³ஸ்வா - “ஆவுஸோ, பி⁴க்கு²னா நாம ஏவங் நிவாஸேதப்³பங், ஏவங்
பாருபிதப்³பங், ஏவங் க³ந்தப்³பங், ஏவங் டா²தப்³பங், ஏவங் நிஸீதி³தப்³பங்,
ஏவங் கா²தி³தப்³பங், ஏவங் பு⁴ஞ்ஜிதப்³ப³ந்தி தந்திவஸேன அனுஸிட்டி²ங்
தே³தி.

பாபக³ரஹீதி பாபபுக்³க³லே ந பஸ்ஸே, ந தேஸங் வசனங் ஸுணே, தேஹி
ஸத்³தி⁴ங் ஏகசக்கவாளேபி ந வஸெய்யங்.

“மா மே கதா³சி பாபிச்சோ², குஸீதோ ஹீனவீரியோ;
அப்பஸ்ஸுதோ அனாத³ரோ, ஸமேதோ அஹு கத்த²சீ”தி. -

ஏவங் பாபபுக்³க³லேபி க³ரஹதி, “ஸமணேன நாம ராக³வஸிகேன
தோ³ஸமோஹவஸிகேன ந ஹோதப்³பங், உப்பன்னோ ராகோ³ தோ³ஸோ
மோஹோ பஹாதப்³போ³”தி ஏவங் பாபத⁴ம்மேபி க³ரஹதீதி த்³வீஹி
காரணேஹி “பாபக³ரஹீ, ப⁴ந்தே, ஆயஸ்மா ஸாரிபுத்தோ”தி வத்³தி.

ஏவங் ஆயஸ்மதா ஆனந்தே³ன ஸோளஸஹி பதே³ஹி தே²ரஸ்ஸ
யதா²பு⁴தவண்ணப்பகாஸனே கதே - “கிங் ஆனந்தோ³ அத்தனோ
பியஸஹாயஸ்ஸ வண்ணங் கதே²துங் ந லப⁴தி, கதே²து கிங் பன தேன
கதி²தங் ததே²வ ஹோதி, கிங் ஸோ ஸப்³புஞ்ஞா”தி? கோசி பாபபுக்³க³லோ
வத்துங் மா லப⁴துதி ஸத்தா² தங் வண்ணப⁴ணனங் அகுப்பங்
ஸப்³புஞ்ஞபா⁴ஸிதங் கரொந்தோ ஜினமுத்³தி³காய லஞ்சந்தோ
ஏவமேதந்திஆதி³மாஹ.

ஏவங் ததா²க³தேன ச ஆனந்தத்தே²ரேன ச மஹாதே²ரஸ்ஸ வண்ணே
கதி²யமானே பு⁴மட்ட²கா தே³வதா உட்ட²ஹித்வா ஏதேஹேவ ஸோளஸஹி
பதே³ஹி வண்ணங் கத²யிங்ஸு. ததோ ஆகாஸட்ட²கதே³வதா ஸீதவலாஹகா
உண்ஹவலாஹகா சாதுமஹாராஜிகாதி யாவ அகனிட்ட²ப்³ரஹ்மலோகா
தே³வதா உட்ட²ஹித்வா ஏதேஹேவ ஸோளஸஹி பதே³ஹி வண்ணங்
கத²யிங்ஸு. ஏதேனுபாயேன ஏகசக்கவாளங் ஆதி³ங் கத்வா த³ஸஸு
சக்கவாளஸஹஸ்ஸேஸு தே³வதா உட்ட²ஹித்வா கத²யிங்ஸு.

அதா²யஸ்மதோ ஸாரிபுத்தஸ்ஸ ஸத்³தி⁴விஹாரிகோ ஸுஸ்மோ
தே³வபுத்தோ சிந்தேஸி - “இமா தே³வதா அத்தனோ அத்தனோ நக்க²த்தகீளங்
பஹாய தத்த² தத்த² க³ந்த்வா மய்ஹங் உபஜ்ஜா²யஸ்ஸேவ வண்ணங்
கதே²ந்தி, க³ச்சா²மி ததா²க³தஸ்ஸ ஸந்திகங், க³ந்த்வா ஏததே³வ
வண்ணப⁴ண்ணங் தே³வதாபா⁴ஸிதங் கரோமீ²தி, ஸோ ததா² அகாஸி. தங்
த³ஸ்ஸேதுங் அத² கோ² ஸுஸ்மோதிஆதி³ வுத்தங்.

உச்சாவசாதி அஞ்ஞேஸு டா²னேஸு பணீதங் உச்சங் வுச்சதி, ஹீனங்
அவசங். இத⁴ பன உச்சாவசாதி நானாவிதா⁴ வண்ணனிபா⁴. தஸ்ஸா கிர
தே³வபரிஸாய நீலட்டா²னங் அதினீலங், பீதகட்டா²னங் அதிபீதகங்,
லோஹிதட்டா²னங் அதிலோஹிதங், ஓதா³தட்டா²னங் அச்சோதா³தந்தி,
சதுப்³பி³தா⁴ வண்ணனிபா⁴ பாதுப⁴வி. தேனேவ ஸெய்யதா²பி நாமாதி
சதஸ்ஸோ உபமா ஆக³தா. தத்த² ஸுபோ⁴தி ஸுந்த³ரோ. ஜாதிமாதி
ஜாதிஸம்பன்னோ. ஸுபரிகம்மகதோதி தோ⁴வனாதி³பரிகம்மேன ஸுட்டு²
பரிகம்மகதோ. பண்டு³கம்ப³லே நிக்கி²த்தோதி ரத்தகம்ப³லே ட²பிதோ.
ஏவமேவந்தி ரத்தகம்ப³லே நிக்கி²த்தமணி விய ஸப்³பா³ ஏகப்பஹாரேனேவ
விரோசிதுங் ஆரத்³தா⁴. நிக்க²ந்தி அதிரேகபஞ்சஸுவண்ணேன
கதபிளந்த⁴னங். தஞ்ஹி க⁴ட்டனமஜ்ஜனக்க²மங் ஹோதி. ஜம்போ³னத³ந்தி
மஹாஜம்பு³ஸாகா²ய பவத்தனதி³யங் நிப்³புத்தங், மஹாஜம்பு³ப²லரஸே வா
பத²வியங் பவிட்டே² ஸுவண்ணங்குரா உட்ட²ஹந்தி, தேன ஸுவண்ணேன
கதபிளந்த⁴னந்திபி அத்தோ².
த³க்க²கம்மாரபுத்தஉக்கா²மு²க²ஸுகுஸலஸம்பஹட்ட²ந்தி ஸுகுஸலேன
கம்மாரபுத்தேன உக்கா²முகே² பசித்வா ஸம்பஹட்ட²ங். தா⁴துவிப⁴ங்கே³ (ம.
நி. 3.357 ஆத³யோ) அகதப⁴ண்ட³ங் க³ஹிதங், இத⁴ பன கதப⁴ண்ட³ங்.

வித்³தே⁴தி தூ³ரீபு⁴தே. தே³வேதி ஆகாஸே. நப⁴ங்
அப்⁴பு⁴ஸ்ஸக்கமானோதி ஆகாஸங் அபி⁴லங்க⁴ந்தோ. இமினா
தருணஸூரியபா⁴வோ த³ஸ்ஸிதோ. ஸோரதோதி ஸோரச்சேன
ஸமன்னாக³தோ. த³ந்தோதி நிப்³பி³ஸேவனோ. ஸத்து²வண்ணாப⁴தோதி
ஸத்தா²ரா ஆப⁴தவண்ணோ. ஸத்தா² ஹி அட்ட²பரிஸமஜ்ஜே² நிஸீதி³த்வா
“ஸேவத², பி⁴க்க²வே, ஸாரிபுத்தமொக்³க³ல்லானே”திஆதி³னா (ம. நி. 3.371)
நயேன தே²ரஸ்ஸ வண்ணங் ஆஹரீதி தே²ரோ ஆப⁴தவண்ணோ நாம
ஹோதி. காலங் கங்க²தீதி பரினிப்³பா³னகாலங் பத்தே²தி. கீ²ணாஸவோ ஹி
நேவ மரணங் அபி⁴னந்த³தி, ந ஜீவிதங் பத்தே²தி, தி³வஸஸங்கே²பங் வேதனங்
க³ஹெத்வா டி²தபுரிஸோ விய காலங் பன பத்தே²தி, ஓலோகெந்தோ திட்ட²தீதி
அத்தோ². தேனேவாஹ -

“நாபி⁴னந்தா³மி மரணங், நாபி⁴னந்தா³மி ஜீவிதங்;

காலஞ்ச படிகங்கா²மி, நிப்³பி³ஸங் ப⁴தகோ யதா²தி. (தே²ரகா³. 1001-1002);
நவமங்;

10. நானாதித்தி²யஸாவகஸுத்தவண்ணனா

111. த³ஸமே நானாதித்தி²யஸாவகாதி தே கிர கம்மவாதி³னோ
அஹேஸுங், தஸ்மா தா³னாதீ³னி புஞ்ஞானி கத்வா ஸக்³கே³ நிப்³புத்தா, தே
“அத்தனோ அத்தனோ ஸத்த²ரி பஸாதே³ன நிப்³புத்தம்ஹா”தி ஸஞ்ஞினோ
ஹுத்வா “க³ச்சா²ம த³ஸப³லஸ்ஸ ஸந்திகே ட²த்வா அம்ஹாகங்
ஸத்தா²ரானங் வண்ணங் கதே²ஸ்ஸாமா”தி ஆக³ந்த்வா பச்சேககா³தா²ஹி
கத²யிங்ஸு. தத்த² சி²ந்தி³தமாரிதேதி சி²ந்தி³தே ச மாரிதே ச. ஹதஜானீஸுதி
போத²னே ச த⁴னஜானீஸு ச. புஞ்ஞங் வா பனாதி அத்தனோ புஞ்ஞம்பி ந
ஸமனுபஸ்ஸதி, ஸங்கே²பதோ புஞ்ஞாபுஞ்ஞானங் விபாகோ நத்தீ²தி வத³தி. ஸ
வே விஸ்ஸாஸமாசிக்கீ²தி ஸோ - “ஏவங் கதபாபானம்பி கதபுஞ்ஞானம்பி
விபாகோ நத்தீ²தி வத³ந்தோ ஸத்தானங் விஸ்ஸாஸங் அவஸ்ஸயங்
பதிட்ட²ங் ஆசிக்க²தி, தஸ்மா மானநங் வந்த³னங் பூஜனங் அரஹதீதி வத³தி.

தபோஜிகு³ச்சா²யாதி காயகிலமத²தபேன பாபஜிகு³ச்ச²னேன.
ஸுஸங்வுதத்தோதி ஸமன்னாக³தோ பிஹிதோ வா. ஜேகு³ச்சீ²தி தபேன
பாபஜிகு³ச்ச²கோ. நிபகோதி பண்டி³தோ. சாதுயாமஸுஸங்வுதோதி
சாதுயாமேன ஸுஸங்வுதோ. சாதுயாமோ நாம ஸப்³புவாரிவாரிதோ ச ஹோதி
ஸப்³புவாரியுத்தோ ச ஸப்³புவாரிது⁴தோ ச ஸப்³புவாரிபு²டோ சாதி இமே
சத்தாரோ கொட்டா²ஸா. தத்த² ஸப்³புவாரிவாரிதோதி வாரிதஸப்³புத³கோ,
படிக்கித்தஸப்³புஸீதோத³கோதி அத்தோ². ஸோ கிர ஸீதோத³கே ஸத்தஸஞ்ஞீ
ஹோதி , தஸ்மா தங் ந வலஞ்ஜேதி. ஸப்³புவாரியுத்தோதி ஸப்³பேன
பாபவாரணேன யுதோ. ஸப்³புவாரிது⁴தோதி ஸப்³பேன பாபவாரணேன
து⁴தபாபோ . ஸப்³புவாரிபு²டோதி ஸப்³பேன பாபவாரணேன பு²ட்டோ².
தி³ட்ட²ங் ஸுதஞ்ச ஆசிக்க²ந்தி தி³ட்ட²ங் “தி³ட்ட²ங் மே”தி ஸுதங் “ஸுதங்
மே”தி ஆசிக்க²ந்தோ, ந நிகு³ஹந்தோ. ந ஹி நூன கிப்³பி³ஸீதி ஏவருபோ
ஸத்தா² கிப்³பி³ஸகாரகோ நாம ந ஹோதி.

நானாதித்தி²யேதி ஸோ கிர நானாதித்தி²யானங்யேவ உபட்டா²கோ, தஸ்மா
தே ஆரப்³ப⁴ வத³தி. பகுத⁴கோ காதியானோதி பகுதோ⁴ கச்சாயனோ.
நிகுண்டோ²தி நாடபுத்தோ. மக்க²லிபூரணாஸேதி மக்க²லி ச பூரணோ ச.
ஸாமஞ்ஞப்பத்தாதி ஸமணத⁴ம்மே கோடிப்பத்தா. ந ஹி நூன தேதி
ஸப்புரிஸேஹி ந தூ³ரே, தேயேவ லோகே ஸப்புரிஸாதி வத³தி. பச்சபா⁴ஸீதி
“அயங் ஆகோடகோ இமேஸங் நக்³க³னிஸ்ஸிரிகானங் த³ஸப³லஸ்ஸ ஸந்திகே
ட²த்வா வண்ணங் கதே²தீதி தேஸங் அவண்ணங் கதே²ஸ்ஸாமீ”தி
பதிஅபா⁴ஸீதி.

தத்த² ஸஹாசரிதேனாதி ஸஹ சரிதமத்தேன. ச²வோ ஸிகா³லோதி
லாமகோ காலஸிகா³லோ. கொத்து²கோதி தஸ்ஸேவ வேவசனங்.
ஸங்கஸ்ஸராசாரோதி ஆஸங்கிதஸமாசாரோ. ந ஸதங் ஸரிக்²கோ²தி
பண்டி³தானங் ஸப்புரிஸானங் ஸதி³ஸோ ந ஹோதி, கிங் த்வங்
காலஸிகா³லஸதி³ஸே தித்தி²யே ஸீஹே கரோஸீதி?

அன்வாவிஸித்வாதி “அயங் ஏவருபானங் ஸத்தா²ரானங் அவண்ணங்
கதே²தி, தேனேவ நங் முகே²ன வண்ணங் கதா²பெஸ்ஸாமீ”தி சிந்தெத்வா
தஸ்ஸ ஸரீரே அனுஆவிஸி அதி⁴முச்சி, ஏவங் அன்வாவிஸித்வா.
ஆயுத்தாதி தபோஜிகு³ச்ச²னே யுத்தபயுத்தா. பாலயங் பவிவேகியந்தி
பவிவேகங் பாலயந்தா. தே கிர “ந்ஹாபிதபவிவேகங் பாலெஸ்ஸாமா”தி ஸயங்
கேஸே லுஞ்சந்தி. “சீவரபவிவேகங் பாதெஸ்ஸாமா”தி நக்³கா³ விசரந்தி.
“பிண்ட³பாதபவிவேகங் பாலெஸ்ஸாமா”தி ஸுனகா² விய பூ⁴மியங் வா
பு⁴ஞ்ஜந்தி ஹத்தே²ஸு வா. “ஸேனாஸனபவிவேகங் பாலெஸ்ஸாமா”தி
கண்டகஸெய்யாதீ³னி கப்பெந்தி. ரூபே நிவிட்டா²தி தண்ஹாதி³ட்ஹி ரூபே
பதிட்டி²தா. தே³வலோகாபி⁴னந்தி³னோதி தே³வலோகபத்த²னகாமா. மாதியாதி
மச்சா, தே வே மச்சா பரலோகத்தா²ய ஸம்மா அனுஸாஸந்தீதி வத³தி.

இதி விதி³த்வாதி “அயங் பட²மங் ஏதேஸங் அவண்ணங் கதெ²த்வா இதா³னி
வண்ணங் கதே²தி, கோ நு கோ² ஏஸோ”தி ஆவஜ்ஜெந்தோ ஜானித்வாவ. யே
சந்தலிக்²ஸ்மிங் பபா⁴ஸவண்ணாதி யே அந்தலிக்²
சந்தோ³பா⁴ஸஸூரியோபா⁴ஸஸஞ்ஜா²ராக³இந்த³த⁴னுதாரகருபானங்
பபா⁴ஸவண்ணா. ஸப்³பேவ தே தேதி ஸப்³பேவ தே தயா. நமுசீதி மாரங்
ஆலபதி. ஆமிஸங்வ மச்சா²னங் வதா⁴ய கி²த்தாதி யதா² மச்சா²னங்
வத⁴த்தா²ய ப³ளிஸலக்³கங் ஆமிஸங் கி²பதி, ஏவங் தயா பஸங்ஸமானேன
ஏதே ரூபா ஸத்தானங் வதா⁴ய கி²த்தாதி வத³தி.

மாணவகா³மியோதி அயங் கிர தே³வபுத்தோ பு³த்து⁴பட்டா²கோ.
ராஜக³ஹீயானந்தி ராஜக³ஹபப்³தானங். ஸேதோதி கேலாஸோ.
அக⁴கா³மினந்தி ஆகாஸகா³மீனங். உத³தி⁴னந்தி உத³கனிதா⁴னானங். இத³ங்
வுத்தங் ஹோதி - யதா² ராஜக³ஹீயானங் பப்³தானங் விபுலோ ஸெட்டோ²,
ஹிமவந்தபப்³தானங் கேலாஸோ, ஆகாஸகா³மீனங் ஆதி³ச்சோ,
உத³கனிதா⁴னானங் ஸமுத்³தோ³, நக்²த்தானங் சந்தோ³, ஏவங்
ஸதே³வகஸ்ஸ லோகஸ்ஸ பு³த்தோ⁴ ஸெட்டோ²தி. த³ஸமங்.

நானாதித்தி²யவக்³கோ³ ததியோ.

இதி ஸாரத்த²ப்பகாஸினியா

ஸங்யுத்தனிகாய-அட்ட²கதா²ய

தே³வபுத்தஸங்யுத்தவண்ணனா நி²டி²தா.

3. கோஸலஸங்யுத்தங்

1. பட²மவக்³கோ³

1. த³ஹரஸுத்தவண்ணனா

112. கோஸலஸங்யுத்தஸ்ஸ பட²மே ப்⁴க³வதா ஸத்³தி⁴ங் ஸம்மோதீ³தி யதா² க²மனீயாதீ³னி புச்ச²ந்தோ ப்⁴க³வா தேன, ஏவங் ஸோபி ப்⁴க³வதா ஸத்³தி⁴ங் ஸமப்பவத்தமோதோ³ அஹோஸி. ஸீதோத³கங் விய உண்ஹோத³கேன ஸம்மோதீ³தங் ஏகீபா⁴வங் அக³மாஸி. யாய ச - “கச்சி, போ⁴ கோ³தம, க²மனீயங், கச்சி யாபனீயங், கச்சி போ⁴தோ ச கோ³தமஸ்ஸ ஸாவகானஞ்ச அப்பாபா³த⁴ங் அப்பாதங்கங் லஹுட்டா²னங் ப³லங் பா²ஸுவிஹாரோ”திஆதி³காய கதா²ய ஸம்மோதி³, தங் பீதிபாமோஜ்ஜஸங்கா²தஸம்மோத³ஜனந்தோ ஸம்மோதி³துங் யுத்தபா⁴வதோ ச ஸம்மோத³னீயங், அத்த²ப்³யஞ்ஜனமது⁴ரதாய சிரம்பி காலங் ஸாரேதுங் நிரந்தரங் பவத்தேதுங் அரஹருபதோ ஸரிதப்³பா⁴வதோ ச ஸாரணீயங். ஸுய்யமானஸுக²தோ ச ஸம்மோத³னீயங், அனுஸ்ஸரியமானஸுக²தோ ஸாரணீயங். ததா² ப்³யஞ்ஜனபரிஸுத்³த⁴தாய ஸம்மோத³னீயங், அத்த²பரிஸுத்³த⁴தாய ஸாரணீயந்தி ஏவங் அனேகேஹி பரியாயேஹி ஸம்மோத³னீயங் கத²ங் ஸாரணீயங் வீதிஸாரெத்வா பரியோஸாபெத்வா நிட்ட²பெத்வா இதோ புப்³பே³ ததா²க³தஸ்ஸ அதி³ட்ட²த்தா கு³ணாகு³ணவஸேன க³ம்பீ⁴ரபா⁴வங் வா உத்தானபா⁴வங் வா அஜானந்தோ ஏகமந்தங் நிஸீதி³, ஏகமந்தங் நிஸின்னோ கோ² யங் ஓவட்டிகஸாரங் கத்வா ஆக³தோ லோகனிஸ்ஸரணப⁴வோக்கந்திபஞ்ஹங் ஸத்து² ஸம்மாஸம்பு³த்³த⁴தங் புச்சி²துங் ப்⁴வம்பி நோதிஆதி³மாஹ.

தத்த² ப்⁴வம்பீதி பி-காரோ ஸம்பிண்ட³னத்தே² நிபாதோ, தேன ச ச² ஸத்தா²ரே ஸம்பிண்டே³தி. யதா² பூரணாத³யோ “ஸம்மாஸம்பு³த்³த⁴ம்ஹா”தி படிஜானந்தி, ஏவங் ப்⁴வம்பி நு படிஜானாதீதி அத்தோ². இத³ங் பன ராஜா ந அத்தனோ லத்³தி⁴யா, லோகே மஹாஜனேன க³ஹிதபடிஞ்ஞாவஸேன புச்ச²தி. அத² ப்⁴க³வா பு³த்³த⁴ஸீஹனாத³ங் நத³ந்தோ யங் ஹி தங் மஹாராஜாதிஆதி³மாஹ. தத்த² அஹங் ஹி மஹாராஜாதி அனுத்தரங் ஸப்³பு³ஸெட்ட²ங் ஸப்³பு³ஞ்ஞுதஞ்ஞாணஸங்கா²தங் ஸம்மாஸம்போ³தி⁴ங் அஹங் அபி⁴ஸம்பு³த்³தோ⁴தி அத்தோ². ஸமணப்³ராஹ்மணாதி பப்³பு³ஜ்ஜுபக³மனேன ஸமணா, ஜாதிவஸேன ப்³ராஹ்மணா. ஸங்கி⁴னோதிஆதி³ஸு பப்³பு³ஜிதஸமுஹஸங்கா²தோ ஸங்கோ⁴ ஏதேஸங் அத்தீ²தி ஸங்கி⁴னோ. ஸ்வேவ க³ணோ ஏதேஸங் அத்தீ²தி க³ணினோ. ஆசாரஸிக்கா²பனவஸேன தஸ்ஸ க³ணஸ்ஸ ஆசரியாதி க³ணாசரியா. ஞாதாதி பஞ்ஞாதா பாகடா. “அப்பிச்சா² ஸந்துட்டா² அப்பிச்ச²தாய வத்த²ம்பி ந

நிவாஸெந்தீ”தி ஏவங் ஸமுக்³தோ யஸோ ஏதேஸங் அத்தீ²தி
யஸஸ்ஸினோ. தித்த²கராதி லத்³தி⁴கரா. ஸாது⁴ஸம்மதாதி “ஸந்தோ
ஸப்புரிஸா”தி ஏவங் ஸம்மதா. ப்ஹுஜனஸ்ஸாதி அஸ்ஸுதவதோ
அந்த⁴பா³லபுது²ஜ்ஜனஸ்ஸ. பூரணோதிஆதீ³னி தேஸங் நாமகொத்தானி.
பூரணோதி ஹி நாமமேவ. ததா², மக்²லீதி. ஸோ பன கோ³ஸாலாய ஜாதத்தா
கோ³ஸாலோதி வுத்தோ. நாடபுத்தோதி நாடஸ்ஸ புத்தோ. பே³லட்ட²புத்தோதி
பே³லட்ட²ஸ்ஸ புத்தோ. கச்சாயனோதி பகுத⁴ஸ்ஸ கொத்தங்.
கேஸகம்ப³லஸ்ஸ தா⁴ரணதோ அஜிதோ கேஸகம்ப³லோதி வுத்தோ.

தேபி மயாதி கப்பகோலாஹலங் புத்த³த⁴கோலாஹலங்
சக்கவத்திகோலாஹலந்தி தீணி கோலாஹலானி. தத்த²
“வஸ்ஸஸதஸஹஸ்ஸமத்த²கே கப்புட்டா²னங் ப⁴விஸ்ஸதீ”தி
கப்பகோலாஹலங் நாம ஹோதி - “இதோ வஸ்ஸஸதஸஹஸ்ஸமத்த²கே
லோகோ வினஸ்ஸிஸ்ஸதி, மெத்தங் மாரிஸா, பா⁴வேத², கருணங் முதி³தங்
உபெக்க²”ந்தி மனுஸ்ஸப்பதே² தே³வதா கோ⁴ஸெந்தியோ விசரந்தி.
“வஸ்ஸஸதஸஹஸ்ஸமத்த²கே பன புத்த³தோ⁴ உப்பஜ்ஜிஸ்ஸதீ”தி
புத்த³த⁴கோலாஹலங் நாம ஹோதி - “இதோ வஸ்ஸஸதஸஹஸ்ஸமத்த²கே
புத்த³தோ⁴ உப்பஜ்ஜித்வா த⁴ம்மானுத⁴ம்மபடிபத³ங் படிபன்னேன
ஸங்க⁴ரதனேன பரிவாரிதோ த⁴ம்மங் தே³ஸெந்தோ விசரிஸ்ஸதீ”தி
தே³வதா உக்³கோ⁴ஸெந்தி. “வஸ்ஸஸதமத்த²கே பன சக்கவத்தீ
உப்பஜ்ஜிஸ்ஸதீ”தி சக்கவத்திகோலாஹலங் நாம ஹோதி - “இதோ
வஸ்ஸஸதமத்த²கே ஸத்தரதனஸம்பன்னோ சதுத்³தீ³பிஸ்ஸரோ ஸஹஸ்ஸ
புத்தபரிவாரோ வேஹாஸங்க³மோ சக்கவத்திராஜா உப்பஜ்ஜிஸ்ஸதீ”தி தே³வதா
உக்³கோ⁴ஸெந்தி.

இமேஸு தீஸு கோலாஹலேஸு இமே ச² ஸத்தா²ரோ
புத்த³த⁴கோலாஹலங் ஸுத்வா ஆசரியே பயிருபாஸித்வா
சிந்தாமாணிவிஜ்ஜாதீ³னி உக்³கண்ணறித்வா - “மயங் புத்த³த⁴ம்ஹா”தி படிஞ்ஞங்
கத்வா மஹாஜனபரிவுதா ஜனபத³ங் விசரந்தா அனுபுப்பே³ன ஸாவத்தி²யங்
பத்தா. தேஸங் உபட்டா²கா ராஜானங் உபஸங்கமித்வா, “மஹாராஜ, பூரணோ
கஸ்ஸபோ...பே... அஜிதோ கேஸகம்ப³லோ புத்த³தோ⁴ கிர ஸப்ப³ஞ்ஞா கிரா”தி
ஆரோசேஸுங். ராஜா “தும்ஹேவ நே நிமந்தெத்வா ஆனேதா²”தி ஆஹ . தே
க³ந்த்வா தேஹி, “ராஜா வோ நிமந்தேதி. ரஞ்ஞோ கே³ஹே பி⁴க்க²ங்
க³ண்ணதா²”தி வுத்தா க³ந்துங் ந உஸ்ஸஹந்தி, புனப்புனங் வச்சமானா
உபட்டா²கானங் சித்தானுரக்க²ணத்தா²ய அதி⁴வாஸெத்வா ஸப்பே³ ஏகதோவ
அக³மங்ஸு. ராஜா ஆஸனானி பஞ்ஞாபெத்வா “நிஸீத³ந்தூ”தி ஆஹ.
நிக்³கு³ணானங் அத்தபா⁴வே ராஜுஸ்மா நாம ப²ரதி, தே மஹாரஹேஸு
ஆஸனேஸு நிஸீதி³துங் அஸக்கொந்தா ப²லகேஸு சேவ பூ⁴மியங் ச
நிஸீதி³ங்ஸு.

ராஜா “எத்தகேனேவ நத்தி² தேஸங் அந்தோ ஸுக்கத⁴ம்மோ”தி வத்வா ஆஹாரங் அத³த்வாவ தாலதோ பதிதங் முக்³க³ரேன போதெ²ந்தோ விய “தும்ஹே பு³த்தா⁴, ந பு³த்தா⁴”தி பஞ்ஹங் புச்சி². தே சிந்தயிங்ஸு - “ஸசே ‘பு³த்த⁴ம்ஹா”தி வக்கா²ம, ராஜா பு³த்த⁴விஸயே பஞ்ஹங் புச்சி²த்வா கதே²துங் அஸக்கொந்தே ‘தும்ஹே மயங் பு³த்தா⁴தி மஹாஜனங் வஞ்செத்வா ஆஹிண்ட³தா²தி ஜிவ்ஹம்பி சி²ந்தா³பெய்ய, அஞ்ஞம்பி அனத்த²ங் கரெய்யா”தி ஸகபடிஞ்ஞாய ஏவ ‘ந மயங் பு³த்தா⁴தி வதி³ங்ஸு. அத² நே ராஜா கே³ஹதோ நிகட்³டா⁴பேஸி. தே ராஜக⁴ரதோ நிக்க²ந்தே உபட்டா²கா புச்சி²ங்ஸு - “கிங் ஆசரியா ராஜா தும்ஹே பஞ்ஹங் புச்சி²த்வா ஸக்காரஸம்மானங் அகாஸ”தி? ராஜா “பு³த்தா⁴ தும்ஹே”தி புச்சி², ததோ மயங் - “ஸசே அயங் ராஜா பு³த்த⁴விஸயே பஞ்ஹங் கதி²யமானங் அஜானந்தோ அம்ஹேஸு மனங் பதோ³ஸெஸ்ஸதி, ப³ஹுங் அபுஞ்ஞங் பஸவிஸ்ஸதீ”தி ரஞ்ஞோ அனுக்ம்பாய ‘ந மயங் பு³த்தா⁴தி வதி³ம்ஹா, மயங் பன பு³த்தா⁴ ஏவ, அம்ஹாகங் பு³த்த⁴பா⁴வோ, உத³கேன தோ⁴வித்வாபி ஹரிதுங் ந ஸக்காதி. இதி ப³ஹித்தா⁴ ‘பு³த்த⁴ம்ஹா”தி ஆஹங்ஸு - ரஞ்ஞோ ஸந்திகே ‘ந மயங் பு³த்தா⁴தி வதி³ங்ஸுதி, இத³ங் க³ஹெத்வா ராஜா ஏவமாஹ. தத்த² கிங் பன ப⁴வங் கோ³தமோ த³ஹரோ சேவ ஜாதியா, நவோ ச பப்³ப³ஜ்ஜாயாதி இத³ங் அத்தனோ படிஞ்ஞங் க³ஹெத்வா வத³தி. தத்த² கிந்தி படிக்கே²பவசனங். ஏதே ஜாதிமஹல்லகா ச சிரபப்³ப³ஜிதா ச “பு³த்த⁴ம்ஹா”தி ந படிஜானந்தி, ப⁴வங் கோ³தமோ ஜாதியா ச த³ஹரோ பப்³ப³ஜ்ஜாய ச நவோ கிங் படிஜானாதி? மா படிஜானாஹீதி அத்தோ².

ந உஞ்ஞாதப்³பா³தி ந அவஜானிதப்³பா³. ந பரிபோ⁴தப்³பா³தி ந பரிப⁴விதப்³பா³. கதமே சத்தாரோதி கதே²துக்மயதாபுச்சா². க²த்தியோதி ராஜகுமாரோ. உரகோ³தி ஆஸீவிஸோ. அக்³கீதி அக்³கியேவ. பி⁴க்க²தி இமஸ்மிங் பன பதே³ தே³ஸனாகுஸலதாய அத்தானங் அப்³ப⁴ந்தரங் கத்வா ஸீலவந்தங் பப்³ப³ஜிதங் த³ஸ்ஸேதி. எத்த² ச த³ஹரங் ராஜகுமாரங் தி³ஸ்வா, உக்கமித்வா மக்³கங் அதெ³ந்தோ, பாருபனங் அனபனெந்தோ, நிஸின்னாஸனதோ அனுட்ட²ஹந்தோ, ஹத்தி²பிட்டா²தீ³ஹி அனோதரந்தோ, ஹெட்டா² கத்வா மஞ்ஞனவஸேன அஞ்ஞம்பி ஏவருபங் அனாசாரங் கரொந்தோ க²த்தியங் அவஜானாதி நாம. “ப⁴த்³த³கோ வதாயங் ராஜகுமாரோ, மஹாகண்டோ³ மஹோத³ரோ - கிங் நாம யங்கிஞ்சி சோருபத்³த³வங் வுபஸமேதுங் யத்த² கத்த²சி டா²னே ரஜ்ஜங் அனுஸாஸிதுங் ஸக்கி²ஸ்ஸதீ”திஆதீ³னி வத³ந்தோ பரிபோ⁴தி நாம. அஞ்ஜனிஸலாகமத்தம்பி ஆஸீவிஸபோதகங் கண்ணாதீ³ஸு பிளந்த⁴ந்தோ அங்கு³லிம்பி ஜிவ்ஹம்பி ட³ங்ஸாபெந்தோ உரக³ங் அவஜானாதி நாம . “ப⁴த்³த³கோ வதாயங் ஆஸீவிஸோ உத³கதெ³ட்³டு³போ⁴ விய கிங் நாம கிஞ்சிதே³வ ட³ங்ஸிதுங் கஸ்ஸசிதே³வ காயே விஸங் ப²ரிதுங் ஸக்கி²ஸ்ஸதீ”திஆதீ³னி வத³ந்தோ பரிபோ⁴தி நாம. க²ஜ்ஜோபனகமத்தம்பி அக்³கிங் க³ஹெத்வா ஹத்தே²ன

கீளந்தோ ப்⁴ண்டு³க்க²லிகாய கி²பந்தோ துளாய வா
 ஸயனபிட்ட²ஸாடகபஸிப்³புகாதீ³ஸ வா ட²பெந்தோ அக்³கிங் அவஜானாதி
 நாம. “ப்⁴த்³த³கோ வதாயங் அக்³கி³ கதரங் நு கோ² யாகு³ப்⁴த்தங் பசிஸ்ஸதி,
 கதரங் மச்ச²மங்ஸங், கஸ்ஸ ஸீதங் வினோதெ³ஸ்ஸதீ³திஆதீ³னி வத³ந்தோ
 பரிபோ⁴தி நாம. த³ஹரஸாமணேரம்பி பன தி³ஸ்வா உக்கமித்வா மக்³கங்
 அதெ³ந்தோதி ராஜகுமாரே வுத்தங் அனாசாரங் கரொந்தோ பி⁴க்கு²ங்
 அவஜானாதி நாம. “ப்⁴த்³த³கோ வதாயங் ஸாமணேரோ மஹாகண்டோ²
 மஹோத³ரோ யங்கிஞ்சி பு³த்³த⁴வசனங் உக்³க³ஹேதுங் யங்கிஞ்சி அரஞ்ஞங்
 அஜ்ஜோ²கா³ஹேத்வா வஸிதுங் ஸக்கி²ஸ்ஸதி, ஸங்க⁴த்தே²ரகாலே மனாபோ
 ப்⁴விஸ்ஸதீ³திஆதீ³னி வத³ந்தோ பரிபோ⁴தி நாம. தங் ஸப்³பம்பி ந
 காதப்³பந்தி த³ஸ்ஸெந்தோ ந உஞ்ஞாதப்³போ³ ந பரிபோ⁴தப்³போ³தி ஆஹ.

ஏதத³வோசாதி ஏதங் கா³தா²பந்த⁴ங் அவோச. கா³தா² ச நாமேதா
 தத³த்த²தீ³பனாபி ஹொந்தி விஸேஸத்த²தீ³பனாபி, தத்ரிமா தத³த்த²ம்பி
 விஸேஸத்த²ம்பி தீ³பெந்தியேவ. தத்த² க²த்தியந்தி கெ²த்தானங் அதி⁴பதிங்.
 வுத்தஞ்ஹேதங் “கெ²த்தானங் அதி⁴பதீதி கோ², வாஸெட்ட², ‘க²த்தியோ
 க²த்தியோத்வேவ து³தியங் அக்க²ரங் உபனிப்³புத்த³ந்தி (தீ³. நி. 3.131).
 ஜாதிஸம்பன்னந்தி தாயேவ க²த்தியஜாதியா ஜாதிஸம்பன்னங். அபி⁴ஜாதந்தி
 தீணி குலானி அதிக்கமித்வா ஜாதங்.

டா²னங் ஹீதி காரணங் விஜ்ஜதி. மனுஜிந்தோ³தி மனுஸ்ஸஜெட்ட²கோ.
 ராஜத³ண்டே³னாதி ரஞ்ஞோ உத்³த⁴டத³ண்டே³ன, ஸோ அப்பகோ நாம ந
 ஹொதி, த³ஸஸஹஸ்ஸவீஸதிஸஹஸ்ஸப்பமாணோ ஹொதியேவ. தஸ்மிங்
 பக்கமதே பு⁴ஸந்தி தஸ்மிங் புக்³க³லே ப³லவஉபக்கமங் உபக்கமதி. ரக்க²ங்
 ஜீவிதமத்தனோதி அத்தனோ ஜீவிதங் ரக்க²மானோ தங் க²த்தியங்
 பரிவஜ்ஜெய்ய ந க⁴ட்டெய்ய.

உச்சாவசேஹீதி நானாவிதே⁴ஹி. வண்ணேஹீதி ஸண்டா²னேஹி. யேன
 யேன ஹி வண்ணேன சரந்தோ கோ³சரங் லப⁴தி, யதி³ ஸப்பவண்ணேன, யதி³
 தெ³ட்³பு⁴வண்ணேன, யதி³ த⁴மனிவண்ணேன, அந்தமஸோ
 கலந்த³கவண்ணேனபி சரதியேவ. ஆஸஜ்ஜாதி பத்வா. பா³லந்தி யேன பா³லேன
 க⁴ட்டிதோ, தங் பா³லங் நரங் வா நாரிங் வா ட³ங்ஸெய்ய.

பஹுதப⁴க்க²ந்தி ப³ஹுப⁴க்க²ங். அக்³கி³ஸ்ஸ ஹி அப⁴க்க²ங் நாம
 நத்தி². ஜாலினந்தி ஜாலவந்தங். பாவகந்தி அக்³கி³ங். பாவக³ந்திபி பாடோ².
 கண்ஹவத்தனிந்தி வத்தனீதி மக்³கோ³, அக்³கி³னா க³தமக்³கோ³ கண்ஹொ
 ஹொதி காளகோ, தஸ்மா “கண்ஹவத்தனீ”தி வுச்சதி.

மஹா ஹுத்வானாதி மஹந்தோ ஹுத்வா. அக்³கி³ ஹி ஏகதா³
 யாவப்³ரஹ்மலோகப்பமாணோபி ஹொதி. ஜாயந்தி தத்த² பாரோஹாதி தத்த²

அக்³கி³னா த³ட்³ட⁴வனே பாரோஹா ஜாயந்தி. பாரோஹாதி திணருக்கா²த³யோ வுச்சந்தி. தே ஹி அக்³கி³னா த³ட்³ட⁴ட்டா²னே மூலமத்தேபி அவஸிட்²டே² பாத³தோ ரோஹந்தி ஜாயந்தி வட்³ட⁴ந்தி, தஸ்மா “பாரோஹா”தி வுச்சந்தி. புன ரோஹனத்தே²ன வா பாரோஹா. அஹோரத்தானமச்சயேதி ரத்திந்தி³வானங் அதிகக்கமே. நிதா³கே⁴பி தே³வே வுட்ட²மத்தே ஜாயந்தி.

பி⁴க்கு² ட³ஹதி தேஜஸாதி எத்த² அக்கோஸந்தங் பச்சக்கோஸந்தோ ப⁴ண்ட³ந்தங் படிப⁴ண்ட³ந்தோ பஹரந்தங் படிபஹரந்தோ பி⁴க்கு² நாம கிஞ்சி பி⁴க்கு²தேஜஸா ட³ஹிதுங் ந ஸக்கோதி. யோ பன அக்கோஸந்தங் ந பச்சக்கோஸதி, ப⁴ண்ட³ந்தங் ந படிப⁴ண்ட³தி. பஹரந்தங் ந படிபஹரதி, தஸ்மிங் விப்படிபன்னோ தஸ்ஸ ஸீலதேஜேன ட³ய்ஹதி. தேனேவேதங் வுத்தங். ந தஸ்ஸ புத்தா பஸவோதி தஸ்ஸ புத்ததீ⁴தரோபி கோ³மஹிங்ஸகுக்குடஸூகராத³யோ பஸவோபி ந ப⁴வந்தி, வினஸ்ஸந்தீதி அத்தோ². தா³யாதா³ விந்த³ரே த⁴னந்தி தஸ்ஸ தா³யாதா³பி த⁴னங் ந விந்த³ந்தி. தாலாவத்தூ² ப⁴வந்தி தேதி தே பி⁴க்கு²தேஜஸா த³ட்³டா⁴ வத்து²மத்தாவஸிட்²டோ² மத்த²கச்சி²ன்னதாலோ விய ப⁴வந்தி, புத்ததீ⁴தாதி³வஸேன ந வட்³ட⁴ந்தீதி அத்தோ².

தஸ்மாதி யஸ்மா ஸமணதேஜேன த³ட்³டா⁴ மத்த²கச்சி²ன்னதாலோ விய அவிருஹித⁴ம்மா ப⁴வந்தி, தஸ்மா. ஸம்மதே³வ ஸமாசரேதி ஸம்மா ஸமாசரெய்ய. ஸம்மா ஸமாசரந்தேன பன கிங் காதப்³ந்தி? க²த்தியங் தாவ நிஸ்ஸாய லத்³த⁴ப்³பங் கா³மனிக³மயானவாஹனாதி³ஆனிஸங்ஸங், உரக³ங் நிஸ்ஸாய தஸ்ஸ கீளாபனேன லத்³த⁴ப்³பங் வத்த²ஹிரஞ்ஞஸுவண்ணாதி³ஆனிஸங்ஸங் அக்³கி³ங் நிஸ்ஸாய தஸ்ஸானுபா⁴வேன பத்தப்³பங் யாகு³ப⁴த்தபசனஸீதவினோத³னாதி³ஆனிஸங்ஸங், பி⁴க்கு²ங் நிஸ்ஸாய தஸ்ஸ வஸேன பத்தப்³பங் அஸுதஸவனஸுதபரியோத³பன- ஸக்³க³மக்³கா³தி⁴க³மாதி³ஆனிஸங்ஸங் ஸம்பஸ்ஸமானேன “ஏதே நிஸ்ஸாய புப்³பே³ வுத்தப்பகாரோ ஆதீ³னவோ அத்தி². கிங் இமேஹி”தி? ந ஸப்³பே³ஸோ பஹாதப்³பா³. இஸ்ஸரியத்தி²கேன பன வுத்தப்பகாரங் அவஜானநஞ்ச பரிப⁴வனஞ்ச அகத்வா புப்³புட்டா²யிபச்சா²னிபாதிதாதீ³ஹி உபாயேஹி க²த்தியகுமாரோ தோஸேதப்³போ³, ஏவங் ததோ இஸ்ஸரியங் அதி⁴க³மிஸ்ஸதி. அஹிதுண்டி³கேன உரகே³ விஸ்ஸாஸங் அகத்வா நாக³விஜ்ஜங் பரிவத்தெத்வா அஜபதே³ன த³ண்டே³ன கீ³வாய க³ஹெத்வா விஸஹரேன மூலேன தா³டா² தோ⁴வித்வா பேளாயங் பக்கி²பித்வா கீளாபெந்தேன சரிதப்³பங். ஏவங் தங் நிஸ்ஸாய கா⁴ஸச்சா²த³னாதீ³னி லபி⁴ஸ்ஸதி. யாகு³பசனாதீ³னி கத்துகாமேன அக்³கி³ங் விஸ்ஸாலேன ப⁴ண்டு³க்க²லிகாதீ³ஸு அபக்கி²பித்வா ஹத்தே³ஹி அனாமஸந்தேன கோ³மயசுண்ணாதீ³ஹி ஜாலெத்வா யாகு³பசனாதீ³னி கத்தப்³பா³னி, ஏவங் தங்

நிஸ்ஸாய ஆனிஸங்ஸங் லபி⁴ஸ்ஸதி. அஸுதஸவனாதீ³னி பத்த²யந்தேனபி
பி⁴க்கு²ங் அதிவிஸ்ஸாஸேன வேஜ்ஜகம்மனவகம்மாதீ³ஸு அயோஜெத்வா
சதுஹி பச்சயேஹி ஸக்கச்சங் உபட்டா²தப்³போ³, ஏவங் தங் நிஸ்ஸாய
அஸுதபுப்³பங் பு³த்³த⁴வசனங் அஸுதபுப்³பங் பஞ்ஹாவினிச்ச²யங்
தி³ட்ட²த⁴ம்மிகஸம்பராயிகங் அத்த²ங் திஸ்ஸோ குலஸம்பத்தியோ ச²
காமஸக்³கா³னி நவ ச ப்³ரஹ்மலோகே பத்வா
அமதமஹானிப்³பா³னத³ஸ்ஸனம்பி லபி⁴ஸ்ஸதீ³தி இமமத்த²ங் ஸந்தா⁴ய
ஸம்மதே³வ ஸமாசரேதி ஆஹ.

ஏதத³வோசாதி த⁴ம்மதே³ஸனங் ஸுத்வா பஸன்னோ பஸாத³ங்
ஆவிகரொந்தோ ஏதங் “அபி⁴க்கந்த”ந்திஆதி³வசனங் அவோச. தத்த²
அபி⁴க்கந்தந்தி அபி⁴கந்தங் அதிஇட்ட²ங் அதிமனாபங், அதிஸுந்த³ரந்தி
அத்தோ². எத்த² ஏகேன அபி⁴க்கந்தஸத்³தே³ன தே³ஸனங் தோ²மேதி
“அபி⁴க்கந்தங், ப⁴ந்தே, யதி³த³ங் ப⁴க³வதோ த⁴ம்மதே³ஸனா”தி. ஏகேன
அத்தனோ பஸாத³ங் “அபி⁴க்கந்தங், ப⁴ந்தே, யதி³த³ங் ப⁴க³வதோ
த⁴ம்மதே³ஸனங் ஆக³ம்ம மம பஸாதோ³”தி.

ததோ பரங் சதுஹி உபமாஹி தே³ஸனங்யேவ தோ²மேதி. தத்த²
நிக்குஜ்ஜிதந்தி அதோ⁴முக²ட²பிதங், ஹெட்டா²முக²ஜாதங் வா.
உக்குஜ்ஜெய்யாதி உபரிமுக²ங் கரெய்ய. படிச்ச²ன்னந்தி
திணபண்ணாதி³சா²தி³தங். விவரெய்யாதி உக்³கா⁴டெய்ய. முள்ஹஸ்ஸாதி
தி³ஸாமுள்ஹஸ்ஸ. மக்³க³ங் ஆசிக்கெய்யாதி ஹத்தே² க³ஹெத்வா “ஏஸ
மக்³கோ³”தி வதெய்ய. அந்த⁴காரேதி காளபக்க²சாதுத்³த³ஸீ
அட்³ட⁴ரத்தக⁴னவனஸண்ட³ மேக⁴படலேஹி சதுரங்கே³ தமே. இத³ங்
வுத்தங் ஹோதி - யதா² கோசி நிக்குஜ்ஜிதங் உக்குஜ்ஜெய்ய, ஏவங்
ஸத்³த⁴ம்மவிமுக²ங் அஸத்³த⁴ம்மே பதிதங் மங் அஸத்³த⁴ம்மா
வுட்டா²பெந்தேன, யதா² படிச்ச²ன்னங் விவரெய்ய, ஏவங் கஸ்ஸபஸ்ஸ
ப⁴க³வதோ ஸாஸனந்தரதா⁴னா பபு⁴தி மிச்சா²தி³ட்ட²க³ஹனபடிச்ச²ன்னங்
ஸாஸனங் விவரந்தேன, யதா² முள்ஹஸ்ஸ மக்³க³ங் ஆசிக்கெய்ய, ஏவங்
கும்மக்³க³மிச்சா²மக்³க³படிபன்னஸ்ஸ மே ஸக்³க³மொக்க²மக்³க³ங்
ஆவிகரொந்தேன, யதா² அந்த⁴காரே தேலபஜ்ஜோதங் தா⁴ரெய்ய, ஏவங்
மோஹந்த⁴காரே நிமுக³க³ஸ்ஸ மே பு³த்தா⁴தி³ரதனரூபானி அபஸ்ஸதோ
தப்படிச்சா²த³கமோஹந்த⁴காரவித்³த⁴ங்ஸகதே³ஸனாபஜ்ஜோதங்
தா⁴ரெந்தேன மய்ஹங் ப⁴க³வதா ஏதேஹி பரியாயேஹி பகாஸிதத்தா
அனேகபரியாயேன த⁴ம்மோ பகாஸிதோதி.

ஏவங் தே³ஸனங் தோ²மெத்வா இமாய தே³ஸனாய ரதனத்தயே
பஸன்னசித்தோ பஸன்னாகாரங் கரொந்தோ ஏஸாஹந்திஆதி³மாஹ. தத்த²
ஏஸாஹந்தி ஏஸோ அஹங். ப⁴க³வந்தங் ஸரணங் கச்சா²மி த⁴ம்மஞ்ச

பி⁴க்கு²ஸங்க⁴ஞ்சாதி ப⁴க³வந்தஞ்ச த⁴ம்மஞ்ச பி⁴க்கு²ஸங்க⁴ஞ்சாதி இமங் ரதனத்தயங் ஸரணங் க³ச்சா²மி. உபாஸகங் மங், ப⁴ந்தே, ப⁴க³வா தா⁴ரேதுதி மங் ப⁴க³வா 'உபாஸகோ அய'ந்தி ஏவங் தா⁴ரேது, ஜானாதாதி அத்தோ². அஜ்ஜதக்³கே³தி அஜ்ஜதங் ஆதி³ங் கத்வா. அஜ்ஜதக்³கே³தி வா பாடோ², த³-காரோ பத³ஸந்தி⁴கரோ, அஜ்ஜ அக்³க³ங் கத்வாதி அத்தோ². பாணுபேதந்தி பாணேஹி உபேதங் யாவ மே ஜீவிதங் பவத்தி, தாவ உபேதங் அனஞ்ஞஸத்து²கங் தீஹி ஸரணக்³மனேஹி ஸரணங் க³தங் உபாஸகங் கப்பியகாரகங் மங் ப⁴க³வா தா⁴ரேதுதி அயமெத்த² ஸங்கே²போ, வித்தா²ரோ பன ஸுமங்க³லவிலாஸினியா தீக்⁴னிகாயட்ட²கதா²ய ஸாமஞ்ஞப²லஸுத்தே ஸப்³பா³காரேன வுத்தோதி. பட²மங்.

2. புரிஸஸுத்தவண்ணனா

113. து³தியே அபி⁴வாதெ³த்வாதி புரிமஸுத்தே ஸரணக்³தத்தா இத⁴ அபி⁴வாதே³ஸி. அஜ்ஜத்தந்தி நியகஜ்ஜ²த்தங், அத்தனோ ஸந்தானே உப்பஜ்ஜந்தீதி அத்தோ². லோபா⁴தீ³ஸு லுப்³ப⁴னலக்க²ணோ லோபோ⁴, து³ஸ்ஸனலக்க²ணோ தோ³ஸோ, முய்ஹனலக்க²ணோ மோஹோதி. ஹிங்ஸந்தீதி விஹேடெ²ந்தி நாஸெந்தி வினாஸெந்தி. அத்தஸம்பூ⁴தாதி அத்தனி ஸம்பூ⁴தா. தசஸாரங்வ ஸம்ப²லந்தி யதா² தசஸாரங் வேளுங் வா நளங் வா அத்தனோ ப²லங் ஹிங்ஸதி வினாஸேதி, ஏவங் ஹிங்ஸந்தி வினாஸெந்தீதி. து³தியங்.

3. ஜராமரணஸுத்தவண்ணனா

114. ததியே அஞ்ஞத்ர ஜராமரணாதி ஜராமரணதோ முத்தோ நாம அத்தீ²தி வுச்சதி. க²த்தியமஹாஸாலாதி க²த்தியமஹாஸாலா நாம மஹாஸாரப்பத்தா க²த்தியா. யேஸங் ஹி க²த்தியானங் ஹெட்டி²மந்தேன கோடிஸதங் நிதா⁴னக்³தங் ஹோதி, தயோ கஹாபணகும்பா⁴ வலஞ்ஜனத்தா²ய கே³ஹமஜ்ஜே² ராஸிங் கத்வா ட²பிதா ஹொந்தி, தே க²த்தியமஹாஸாலா நாம. யேஸங் ப்³ராஹ்மணானங் அஸீதிகோடித⁴னங் நிஹிதங் ஹோதி, தி³யட்³டோ⁴ கஹாபணகும்போ⁴ வலஞ்ஜனத்தா²ய கே³ஹமஜ்ஜே² ராஸிங் கத்வா ட²பிதோ ஹொதி, தே ப்³ராஹ்மணமஹாஸாலா நாம. யேஸங் க³ஹபதீனங் சத்தாலீஸகோடித⁴னங் நிஹிதங் ஹோதி, கஹாபணகும்போ⁴ வலஞ்ஜனத்தா²ய கே³ஹமஜ்ஜே² ராஸிங் கத்வா ட²பிதோ ஹொதி, தே க³ஹபதிமஹாஸாலா நாம.

அட்³டா⁴தி இஸ்ஸரா. நிதா⁴னக்³தத⁴னஸ்ஸ மஹந்ததாய மஹத்³த⁴னா. ஸுவண்ணரஜதபா⁴ஜனாதீ³னங் உபபோ⁴க³ப⁴ண்டா³னங் மஹந்ததாய மஹாபோ⁴கா³. அனிதா⁴னக்³தஸ்ஸ ஜாதருபரஜதஸ்ஸ பஹுததாய, பஹுதஜாதருபரஜதா . வித்துபகரணஸ்ஸ துட்டி²கரணஸ்ஸ

பஹுததாய பஹுதவித்துபகரணா. கோ³த⁴னாதீ³னஞ்ச
ஸத்தவித⁴த⁴ஞ்ஞானஞ்ச பஹுததாய பஹுதத⁴னத⁴ஞ்ஞா. தேஸம்பி
ஜாதானங் நத்தி² அஞ்ஞத்ர ஜராமரணாதி தேஸம்பி ஏவங் இஸ்ஸரானங்
ஜாதானங் நிப்³ப³த்தானங் நத்தி² அஞ்ஞத்ர ஜராமரணா, ஜாதத்தாயேவ
ஜராமரணதோ மொக்கோ² நாம நத்தி², அந்தோஜராமரணேயேவ ஹோதி.

அரஹந்தோதிஆதீ³ஸு ஆரகா கிலேஸேஹீதி அரஹந்தோ. கீ²ணா
ஏதேஸங் சத்தாரோ ஆஸவாதி கீ²ணாஸவா. ப்³ரஹ்மசரியவாஸங் வுட்டா²
பரினிட்²தவாஸாதி வுஸிதவந்தோ. சதூஹி மக்³கே³ஹி கரணியங் ஏதேஸங்
கதந்தி கதகரணியா. க²ந்த⁴பா⁴ரோ கிலேஸபா⁴ரோ அபி⁴ஸங்கா²ரபா⁴ரோ
காமகு³ணபா⁴ரோதி, இமே ஓஹிதா பா⁴ரா ஏதேஸந்தி ஓஹிதபா⁴ரா.
அனுப்பத்தோ அரஹத்தஸங்கா²தோ ஸகோ அத்தோ² ஏதேஸந்தி
அனுப்பத்தஸத³த்தா². த³ஸவித⁴ம்பி பரிக்²ணங் ப⁴வஸங்யோஜனங்
ஏதேஸந்தி பரிக்²ணப⁴வஸங்யோஜனா. ஸம்மா காரணேஹி ஜானித்வா
விமுத்தாதி ஸம்மத³ஞ்ஞாவிமுத்தா. மக்³க³பஞ்ஞாய சதுஸச்சத⁴ம்மங்
ஞத்வா ப²லவிமுத்தியா விமுத்தாதி அத்தோ². பே⁴த³னத⁴ம்மோதி
பி⁴ஜ்ஜனஸபா⁴வோ. நிக்²கே²பனத⁴ம்மோதி நிக்²கி²பிதப்³ப³ஸபா⁴வோ.
கீ²ணாஸவஸ்ஸ ஹி அஜீரணத⁴ம்மோபி அத்தி², ஆரம்மணதோ படிவித்³த⁴ங்
நிப்³பா³னங், தங் ஹி ந ஜீரதி. இத⁴ பனஸ்ஸ ஜீரணத⁴ம்மங் த³ஸ்ஸெந்தோ
ஏவமாஹ. அத்து²ப்பத்திகோ கிரஸ்ஸ ஸுத்தஸ்ஸ நிக்²கே²போ. ஸிவிகஸாலாய
நிஸீதி³த்வா கதி²தந்தி வத³ந்தி. தத்த² ப⁴க³வா சித்ரானி ரத²யானாதீ³னி
தி³ஸ்வா தி³ட்ட²மேவ உபமங் கத்வா, “ஜீரந்தி வே ராஜரதா²”தி கா³த²மாஹ.

தத்த² ஜீரந்தீதி ஜரங் பாபுணந்தி. ராஜரதா²தி ரஞ்ஞா அபி⁴ருஹனரதா².
ஸுசித்தாதி ஸுவண்ணரஜதாதீ³ஹி ஸுட்டு² சித்திதா. அதோ² ஸரீரம்பி ஜரங்
உபேதீதி ஏவருபேஸு அனுபாதி³ண்ணகேஸு ஸாரதா³ருமயேஸு ரதே²ஸு
ஜீரந்தேஸு இமஸ்மிங் அஜ்ஜ²த்திகே உபாதி³ண்ணகே மங்ஸலோஹிதாதி³மயே
ஸரீரே கிங் வத்தப்³ப³ங்? ஸரீரம்பி ஜரங் உபேதியேவாதி அத்தோ². ஸந்தோ
ஹவே ஸப்³பி⁴ பவேத³யந்தீதி ஸந்தோ ஸப்³பீ⁴ஹி ஸத³தி⁴ங் ஸதங்
த⁴ம்மோ ந ஜரங் உபேதீதி ஏவங் பவேத³யந்தி. “ஸதங் த⁴ம்மோ நாம
நிப்³பா³னங், தங் ந ஜீரதி, அஜரங் அமதந்தி ஏவங் கதெ²ந்தீ”தி அத்தோ². யஸ்மா
வா நிப்³பா³னங் ஆக³ம்ம ஸீத³னஸபா⁴வா கிலேஸா பி⁴ஜ்ஜந்தி, தஸ்மா தங்
ஸப்³பீ⁴தி வச்சதி. இதி புரிமபத³ஸ்ஸ காரணங் த³ஸ்ஸெந்தோ “ஸந்தோ
ஹவே ஸப்³பி⁴ பவேத³யந்தீ”தி ஆஹ. இத³ங் ஹி வத்தங் ஹோதி - ஸதங்
த⁴ம்மோ ந ஜரங் உபேதி, தஸ்மா ஸந்தோ ஸப்³பி⁴ பவேத³யந்தி. அஜரங்
நிப்³பா³னங் ஸதங் த⁴ம்மோதி ஆசிக்க²ந்தீதி அத்தோ². ஸுந்த³ராதி⁴வசனங்
வா ஏதங் ஸப்³பீ⁴தி. யங் ஸப்³பி⁴த⁴ம்மபூ⁴தங் நிப்³பா³னங் ஸந்தோ
பவேத³யந்தி கத³யந்தி, ஸோ ஸதங் த⁴ம்மோ ந ஜரங் உபேதீதிபி அத்தோ².
ததியங்.

4. பியஸுத்தவண்ணனா

115. சதுத்தே² ரஹோக³தஸ்ஸாதி ரஹஸி க³தஸ்ஸ. படிஸல்லீனஸ்ஸாதி நிலீனஸ்ஸ ஏகீபு⁴தஸ்ஸ. ஏவமேதங், மஹாராஜாதி இத⁴ ப⁴க³வா இமங் ஸுத்தங் ஸப்³புஞ்ஞபா⁴ஸிதங் கரொந்தோ ஆஹ. அந்தகேனாதி⁴பன்னஸ்ஸாதி மரணேன அஜ்ஜொ²த்த²டஸ்ஸ. சதுத்த²ங்.

5. அத்தரக்கி²தஸுத்தவண்ணனா

116. பஞ்சமே ஹத்தி²காயோதி ஹத்தி²க⁴டா. ஸேஸேஸுபி ஏஸேவ நயோ. ஸங்வரோதி பித³ஹனங். ஸாது⁴ ஸப்³புத்த² ஸங்வரோதி இமினா கம்மபத²பே⁴த³ங் அபத்தஸ்ஸ கம்மஸ்ஸ ஸங்வரங் த³ஸ்ஸேதி. லஜ்ஜீதி ஹிரிமா. லஜ்ஜீக³ஹணேன செத்த² ஒத்தப்பம்பி க³ஹிதமேவ ஹோதி. பஞ்சமங்.

6. அப்பகஸுத்தவண்ணனா

117. ச²ட்டே² உளாரே உளாரேதி பணீதே ச ப³ஹுகே ச. மஜ்ஜந்தீதி மானமஜ்ஜனேன மஜ்ஜந்தி. அதிஸாரந்தி அதிகமங். கூடந்தி பாஸங். பச்சா²ஸந்தி பச்சா² தேஸங். ச²ட்ட²ங்.

7. அட்³ட³கரணஸுத்தவண்ணனா

118. ஸத்தமே காமஹேதுதி காமமூலகங். காமனிதா³னந்தி காமபச்சயா. காமாதி⁴கரணந்தி காமகாரணா. ஸப்³பா³னி ஹேதானி அஞ்ஞமஞ்ஞவேவசனானேவ. ப⁴த்³ரமுகோ²தி ஸுந்த³ரமுகோ². ஏகதி³வஸங் கிர ராஜா அட்³ட³கரணே நிஸீதி³. தத்த² பட²மதரங் லஞ்ஜங் க³ஹெத்வா நிஸின்னா அமச்சா அஸ்ஸாமிகேபி ஸாமிகே கரிங்ஸு. ராஜா தங் சூத்வா - “மய்ஹங் தாவ பத²விஸ்ஸரஸ்ஸ ஸம்முகா²பேதே ஏவங் கரொந்தி, பரம்முகா² கிங் நாம ந கரிஸ்ஸந்தி? பஞ்ஞாயிஸ்ஸதி தா³னி விடடுபோ⁴ ஸேனாபதி ஸகேன ரஜ்ஜேன, கிங் மய்ஹங் ஏவருபேஹி லஞ்ஜகா²த³கேஹி முஸாவாதீ³ஹி ஸத்³தி⁴ங் ஏகட்டா²னே நிஸஜ்ஜாயா²தி சிந்தேஸி. தஸ்மா ஏவமாஹ. கி²ப்பங்வ ஒட்³டி³தந்தி குமினங் விய ஒட்³டி³தங். யதா² மச்சா² ஒட்³டி³தங் குமினங் பவிஸந்தா ந ஜானந்தி, ஏவங் ஸத்தா கிலேஸகாமேன வத்து²காமங் வீதிக்கமந்தா ந ஜானந்தீதி அத்தோ². ஸத்தமங்.

8. மல்லிகாஸுத்தவண்ணனா

119. அட்ட²மே அத்தி² நு கோ² தே மல்லிகேதி கஸ்மா புச்ச²தி? அயங் கிர மல்லிகா து³க்³தமாலாகாரஸ்ஸ தீ⁴தா, ஏகதி³வஸங் ஆபணதோ புவங் க³ஹெத்வா “மாலாராமங் க³ந்த்வாவ கா²தி³ஸ்ஸாமீ²தி க³ச்ச²ந்தீ படிபதே² பி⁴க்கு²ஸங்க⁴பரிவாரங் ப⁴க³வந்தங் பி⁴க்கா²சாரங் பவிஸந்தங் தி³ஸ்வா

பஸன்னசித்தா தங் ப⁴க³வதோ அதா³ஸி. ஸத்தா² நிஸீத³னாகாரங்
த³ஸ்ஸேஸி. ஆனந்த³த்தே²ரோ சீவரங் பஞ்ஞாபெத்வா அதா³ஸி. ப⁴க³வா
தத்த² நிஸீதி³த்வா தங் புவங் பரிபு⁴ஞ்ஜித்வா முக²ங் விக்கா²லெத்வா ஸிதங்
பாத்வாகாஸி. தே²ரோ “இமிஸ்ஸா, ப⁴ந்தே, கோ விபாகோ ப⁴விஸ்ஸதீ”தி
புச்சி². ஆனந்த³, அஜ்ஜேஸா ததா²க³தஸ்ஸ பட²மபோ⁴ஜனங் அதா³ஸி,
அஜ்ஜேவ கோஸலரஞ்ஞோ அக்³க³மஹேஸீ ப⁴விஸ்ஸதீதி. தங்தி³வஸமேவ ச
ராஜா காஸிகா³மே பா⁴கி³னெய்யேன யுத்³தே⁴ன பராஜிதோ பலாயித்வா
நக³ரங் ஆக³ச்ச²ந்தோ மாலாராமங் பவிஸித்வா ப³லகாயஸ்ஸ ஆக³மனங்
ஆக³மேஸி. தஸ்ஸ ஸா வத்தங் அகாஸி. ஸோ தாய வத்தே பஸீதி³த்வா தங்
அந்தேபுரங் அதிஹாராபெத்வா தங் அக்³க³மஹேஸிட்டா²னே ட²பேஸி.

அதே²கதி³வஸங் சிந்தேஸி - “மயா இமிஸ்ஸா து³க்³தகுலஸ்ஸ தீ⁴துயா
மஹந்தங் இஸ்ஸரியங் தி³ன்னங், யங்நூனாஹங் இமங் புச்செ²ய்யங் கோ தே
பியோதி? ஸா ‘த்வங் மே, மஹாராஜ, பியோதி வத்வா புன மங் புச்சி²ஸ்ஸதி.
அத²ஸ்ஸாஹங் ‘மய்ஹம்பி த்வங்யேவ பியாதி வக்கா²மீ”தி. இதி ஸோ
அஞ்ஞமஞ்ஞங் விஸ்ஸாஸஜனந்த²ங் ஸம்மோத³னீயங் கத²ங் கதெ²ந்தோ
புச்ச²தி. ஸா பன தே³வீ பண்டி³தா புத்³து⁴பட்டா²யிகா த⁴ம்முபட்டா²யிகா
ஸங்கு⁴பட்டா²யிகா மஹாபஞ்ஞா , தஸ்மா ஏவங் சிந்தேஸி - “நாயங்
பஞ்ஹோ ரஞ்ஞோ முக²ங் ஒலோகெத்வா கதே²தப்³போ³”தி. ஸா ஸரஸேனேவ
கதெ²த்வா ராஜானங் புச்சி². ராஜா தாய ஸரஸேன கதி²தத்தா நிவத்திதுங்
அலப⁴ந்தோ ஸயம்பி ஸரஸேனேவ கதெ²த்வா “ஸகாரணங் இத³ங்,
ததா²க³தஸ்ஸ நங் ஆரோசெஸ்ஸாமீ”தி க³ந்த்வா ப⁴க³வதோ ஆரோசேஸி.
நேவஜ்ஜ²கா³தி நாதி⁴க³ச்ச²தி. ஏவங் பியோ புது² அத்தா பரேஸந்தி யதா²
ஏகஸ்ஸ அத்தா பியோ, ஏவங் பரேஸங் புது²ஸத்தானம்பி அத்தா பியோதி
அத்தோ². அட்ட²மங்.

9. யஞ்ஞஸுத்தவண்ணனா

120. நவமே தூ²ணாபனீதானீதி தூ²ணங் உபனீதானி, தூ²ணாய ப³த்தா⁴னி
ஹொந்தி. பரிகம்மானி கரொந்தீதி எத்தாவதா தேஹி பி⁴க்க²ஹி ரஞ்ஞோ
ஆரத்³த⁴யஞ்ஞோ ததா²க³தஸ்ஸ ஆரோசிதோ. கஸ்மா பன ரஞ்ஞா அயங்
யஞ்ஞோ ஆரத்³தோ⁴? து³ஸ்ஸுபினபடிகா⁴தாய. ஏகதி³வஸங் கிர ராஜா
ஸப்³பா³லங்காரப்படிமண்டி³தோ ஹத்தி²க்க²ந்த⁴வரக³தோ நக³ரங்
அனுஸஞ்சரந்தோ வாதபானங் விவரித்வா ஒலோகயமானங் ஏகங் இத்தி²ங்
தி³ஸ்வா தஸ்ஸா படிப³த்⁴சித்தோ ததோவ படினிவத்தித்வா அந்தேபுரங்
பவிஸித்வா ஏகஸ்ஸ புரிஸஸ்ஸ தமத்த²ங் ஆரோசெத்வா “க³ச்ச² தஸ்ஸா
ஸஸ்ஸாமிகபா⁴வங் வா அஸ்ஸாமிகபா⁴வங் வா ஜானாஹீ”தி பேஸேஸி.
ஸோ க³ந்த்வா புச்சி². ஸா “ஏஸோ மே ஸாமிகோ ஆபணே நிஸின்னோ”தி
த³ஸ்ஸேஸி. ராஜபுரிஸோ ரஞ்ஞோ தமத்த²ங் ஆசிக்கி². ராஜா தங் புரிஸங்

பக்கோஸாபெத்வா “மங் உபட்ட²ஹா”தி ஆஹ. “நாஹங், தே³வ, உபட்ட²ஹிதுங் ஜானாமீ”தி ச வுத்தே “உபட்டா²னங் நாம ந ஆசரியஸ்ஸ ஸந்திகே உக்³க³ஹேதப்³”ந்தி ப³லக்காரேன ஆவுத⁴ப²லகங் கா³ஹாபெத்வா உபட்டா²கங் அகாஸி. உபட்ட²ஹித்வா கே³ஹங் க³தமத்தமேவ ச நங் புன பக்கோஸாபெத்வா “உபட்டா²கேன நாம ரஞ்ஞோ வசனங் கத்தப்³ப³ங், க³ச்ச² இதோ யோஜனமத்தே அம்ஹாகங் ஸீஸதோ⁴வனபொக்க²ரணீ அத்தி², ததோ அருணமத்திகஞ்ச லோஹிதுப்பலமாலஞ்ச க³ண்ஹித்வா ஏஹி. ஸசே அஜ்ஜேவ நாக³ச்ச²ஸி, ராஜத³ண்ட³ங் கரிஸ்ஸாமீ”தி வத்வா பேஸேஸி. ஸோ ராஜப⁴யேன நிக்க²மித்வா க³தோ.

ராஜாபி தஸ்மிங் க³தே தோ³வாரிகங் பக்கோஸாபெத்வா, “அஜ்ஜ ஸாயன்ஹேயேவ த³வாரங் பித³ஹித்வா ‘அஹங் ராஜதூ³தோ’தி வா ‘உபராஜதூ³தோ’தி வா ப⁴ணந்தானம்பி மா விவரீ”தி ஆஹ. ஸோ புரிஸோ மத்திகஞ்ச உப்பலானி ச க³ஹேத்வா த³வாரே பிஹிதமத்தே ஆக³ந்த்வா ப³ஹுங் வத³ந்தோபி த³வாரங் அலபி⁴த்வா பரிஸ்ஸயப⁴யேன ஜேதவனங் க³தோ. ராஜாபி ராக³பரிளாஹேன அபி⁴பூ⁴தோ காலே நிஸீத³தி, காலே திட்ட²தி, காலே நிபஜ்ஜதி, ஸன்னிட்டா²னங் அலப⁴ந்தோ யத்த² கத்த²சி நிஸின்னகோவ மக்கடனித்த³தா³ய நித்த³தா³யதி.

புப்³பே³ ச தஸ்மிங்யேவ நக³ரே சத்தாரோ ஸெட்டி²புத்தா பரதா³ரிககம்மங் கத்வா நந்தோ³பனந்தா³ய நாம லோஹகும்பி⁴யா நிப்³ப³த்திங்ஸு. தே பே²ணுத்³தே³ஹகங் பச்சமானா திங்ஸவஸ்ஸஸஹஸ்ஸானி ஹெட்டா² க³ச்ச²ந்தா கும்பி⁴யா தலங் பாபுணந்தி, திங்ஸவஸ்ஸஸஹஸ்ஸானி உபரி க³ச்ச²ந்தா மத்த²கங் பாபுணந்தி. தே தங் தி³வஸங் ஆலோகங் ஓலோகெத்வா அத்தனோ து³க்கடப⁴யேன ஏகேகங் கா³த²ங் வத்துகாமா வத்துங் அஸக்கொந்தா ஏகேகங் அக்க²ரமேவ ஆஹங்ஸு. ஏகோ ஸ-காரங், ஏகோ ஸோ-காரங், ஏகோ ந-காரங், ஏகோ து³-காரங் ஆஹ. ராஜா தேஸங் நேரயிகஸத்தானங் ஸத்³த³ங் ஸுதகாலதோ பட்டா²ய ஸுக²ங் அவிந்த³மானோவ தங்ரத்தாவஸேஸங் வீதினாமேஸி.

அருணே உட்டி²தே புரோஹிதோ ஆக³ந்த்வா தங் ஸுக²ஸெய்யங் புச்சி². ஸோ “குதோ மே, ஆசரிய, ஸுக²”ந்தி ? வத்வா, “ஸுபினே ஏவருபே ஸத்³தே³ அஸ்ஸோஸி”ந்தி ஆசிக்கி². ப்³ராஹ்மணோ - “இமஸ்ஸ ரஞ்ஞோ இமினா ஸுபினேன வுட்³டி⁴ வா ஹானி வா நத்தி², அபிச கோ² பன யங் இமஸ்ஸ கே³ஹே அத்தி², தங் ஸமணஸ்ஸ கோ³தமஸ்ஸ ஹோதி, கோ³தமஸாவகானங் ஹோதி, ப்³ராஹ்மணா கிஞ்சி ந லப⁴ந்தி, ப்³ராஹ்மணானங் பி⁴க்க²ங் உப்பாதெ³ஸ்ஸாமீ”தி, “பா⁴ரியோ அயங், மஹாராஜ, ஸுபினோ தீஸு ஜானீஸு ஏகா பஞ்ஞாயதி, ரஜ்ஜந்தராயோ வா ப⁴விஸ்ஸதி ஜீவிதந்தராயோ வா, தே³வோ வா ந வஸ்ஸிஸ்ஸதீ”தி ஆஹ. கத²ங் ஸொத்தி² ப⁴வெய்ய

ஆசரியாதி? “மந்தெத்வா ஞாதுங் ஸக்கா, மஹாராஜாதி. க³ச்ச²த² ஆசரியேஹி ஸத்³தி⁴ங் மந்தெத்வா அம்ஹாகங் ஸொத்தி²ங் கரோதா²”தி.

ஸோ ஸிவிகஸாலாயங் ப்³ராஹ்மணே ஸன்னிபாதெத்வா தமத்த²ங் ஆரோசெத்வா, “விஸுங் விஸுங் க³ந்த்வா ஏவங் வத³தா²”தி தயோ வக்³கே³ அகாஸி . ப்³ராஹ்மணா பவிஸித்வா ராஜானங் ஸுக²ஸெய்யங் புச்சி²ங்ஸு. ராஜா புரோஹிதஸ்ஸ கதி²தனியாமேனேவ கதெ²த்வா “கத²ங் ஸொத்தி² ப⁴வெய்யா”தி புச்சி². மஹாப்³ராஹ்மணா - “ஸப்³பஞ்சஸதங் யஞ்ஞங் யஜித்வா ஏதஸ்ஸ கம்மஸ்ஸ ஸொத்தி² ப⁴வெய்ய, ஏவங், மஹாராஜ, ஆசரியா கதெ²ந்தீ”தி ஆஹங்ஸு. ராஜா தேஸங் ஸுத்வா அனபி⁴னந்தி³த்வா அப்படிக்கோஸித்வா துண்ஹீ அஹோஸி. அத² து³தியவக்³ப்³ராஹ்மணாபி ஆக³ந்த்வா தத்தே²வ கதே²ஸுங். ததா² ததியவக்³ப்³ராஹ்மணாபி. அத² ராஜா “யஞ்ஞங் கரொந்தூ”தி ஆணாபேஸி. ததோ பட்டா²ய ப்³ராஹ்மணா உஸபா⁴த³யோ பாணே ஆஹராபேஸுங். நக³ரே மஹாஸத்³தோ³ உத³பாதி³ . தங் பவத்திங் ஞத்வா மல்லிகா ராஜானங் ததா²க³தஸ்ஸ ஸந்திகங் பேஸேஸி. ஸோ க³ந்த்வா ப⁴க³வந்தங் வந்தி³த்வா ஏகமந்தங் நிஸீதி³. அத² நங் ப⁴க³வா - “ஹந்த³ குதோ நு த்வங், மஹாராஜ, ஆக³ச்ச²ஸி தி³வாதி³வஸ்ஸா”தி ஆஹ. ராஜா - “அஜ்ஜ மே, ப⁴ந்தே, ஸுபினகே சத்தாரோ ஸத்³தா³ ஸுதா, ஸோஹங் ப்³ராஹ்மணே புச்சி²ங். ப்³ராஹ்மணா ‘பா⁴ரியோ, மஹாராஜ, ஸுபினோ, ஸப்³பஞ்சஸதங் யஞ்ஞங் யஜித்வா படிகம்மங் கரோமாதி ஆரத்³தா⁴”தி ஆஹ. கிந்தி தே, மஹாராஜ, ஸத்³தா³ ஸுதாதி. ஸோ யதா²ஸுதங் ஆரோசேஸி. அத² நங் ப⁴க³வா ஆஹ - புப்³பே³, மஹாராஜ, இமஸ்மிங்யேவ நக³ரே சத்தாரோ ஸெட்டி²புத்தா பரதா³ரிகா ஹுத்வா நந்தோ³பனந்தா³ய லோஹகும்பி⁴யா நிப்³புத்தா ஸெட்டி²வஸ்ஸஸஹஸ்ஸமத்த²கே உக்³கச்சி²ங்ஸு.

தத்த² ஏகோ -

“ஸெட்டி²வஸ்ஸஸஹஸ்ஸானி, பரிபுண்ணானி ஸப்³புஸோ;
நிரயே பச்சமானானங், கதா³ அந்தோ ப⁴விஸ்ஸதீ”தி.(பே. வ. 802; ஜா. 1.4.54) -

இமங் கா³த²ங் வத்து²காமோ அஹோஸி. து³தியோ -

“ஸோஹங் நூன இதோ க³ந்த்வா, யோனிங் லத்³தா⁴ன மானுஸிங்;
வத³ஞ்ஞா ஸீலஸம்பன்னோ, காஹாமி குஸலங் ப்³ஹு”ந்தி. (பே. வ. 805; ஜா. 1.4.56) -

இமங் கா³த²ங் வத்து²காமோ அஹோஸி. ததியோ -

“நத்தி² அந்தோ குதோ அந்தோ, ந அந்தோ படிதி³ஸ்ஸதி;
ததா³ ஹி பகதங் பாபங், மம துய்ஹஞ்ச மாரிஸா”தி. (பே. வ. 803; ஜா.
1.4.55) -

இமங் கா³த²ங் வத்து²காமோ அஹோஸி. சதுத்தோ² -

“து³ஜ்ஜீவிதமஜீவிம்ஹா, யே ஸந்தே ந த³த³ம்ஹஸே;
விஜ்ஜமானேஸு போ⁴கே³ஸு, தீ³பங் நாகம்ஹ அத்தனோ”தி. (பே. வ.
804; ஜா. 1.4.53) -

இமங் . தே இமா கா³தா² வத்துங் அஸக்கொந்தா ஏகேகங் அக்க²ரங் வத்வா
தத்தே²வ நிமுக்கா³. இதி, மஹாராஜ, தே நேரயிகஸத்தா யதா²கம்மேன
விரவிங்ஸு. தஸ்ஸ ஸத்³த³ஸ்ஸ ஸுதபச்சயா துய்ஹங் ஹானி வா வுட்³டி⁴
வா நத்தி². எத்தகானங் பன பஸுனங் கா⁴தனகம்மங் நாம பா⁴ரியந்தி
நிரயப⁴யேன தஜ்ஜெத்வா த⁴ம்மகத²ங் கதே²ஸி. ராஜா த³ஸப³லே
பஸீதி³த்வா, “முஞ்சாமி, நேஸங் ஜீவிதங் த³தா³மி, ஹரிதானி சேவ திணானி
கா²த³ந்து, ஸீதலானி ச பானீயானி பிவந்து, ஸீதோ ச நேஸங் வாதோ
உபவாயதூ”தி வத்வா, “க³ச்ச²த² ஹாரேதா²”தி மனுஸ்ஸே ஆணாபேஸி. தே
க³ந்த்வா ப்ராஹ்மணே பலாபெத்வா தங் பாணஸங்க⁴ங் ப³ந்த⁴னதோ
மோசெத்வா நக³ரே த⁴ம்மபே⁴ரிங் சராபேஸுங்.

அத² ராஜா த³ஸப³லஸ்ஸ ஸந்திகே நிஸின்னோ ஆஹ - “ப⁴ந்தே, ஏகரத்தி
நாம தியாமா ஹோதி, மய்ஹங் பன அஜ்ஜ த³வே ரத்தியோ ஏகதோ க⁴டிதா
விய அஹேஸு”ந்தி. ஸோபி புரிஸோ தத்தே²வ நிஸின்னோ ஆஹ - “ப⁴ந்தே,
யோஜனங் நாம சதுகா³வுதங் ஹோதி, மய்ஹங் பன அஜ்ஜ த³வே யோஜனானி
ஏகதோ கதானி விய அஹேஸு”ந்தி. அத² ப⁴க³வா - “ஜாக³ரஸ்ஸ தாவ
ரத்தியா தீ³க⁴பா⁴வோ பாகடோ, ஸந்தஸ்ஸ யோஜனஸ்ஸ தீ³க⁴பா⁴வோ
பாகடோ, வட்டபதிதஸ்ஸ பன பா³லபுது³ஜ்ஜனஸ்ஸ
அனமதக்³ஸங்ஸாரவட்டங் ஏகந்ததீ³க⁴மேவா”தி ராஜானஞ்ச தஞ்ச புரிஸங்
நேரயிகஸத்தே ச ஆரப்³ப⁴ த⁴ம்மபதே³ இமங் கா³த²ங் அபா⁴ஸி -

“தீ³கா⁴ ஜாக³ரதோ ரத்தி, தீ³க⁴ங் ஸந்தஸ்ஸ யோஜனங்;
தீ³கோ⁴ பா³லானங் ஸங்ஸாரோ, ஸத்³த⁴ம்மங் அவிஜானத”ந்தி. (த⁴.
ப. 60);

கா³தா²பரியோஸானே ஸோ இத்தி²ஸாமிகோ புரிஸோ ஸோதாபத்திப²லே
பதிட்ட²ஹி. ஏதமத்த²ங் விதி³த்வாதி ஏதங் காரணங் ஜானித்வா.

அஸ்ஸமேத⁴ந்திஆதீ³ஸு - போராணராஜகாலே கிர ஸஸ்ஸமேத⁴ங்
புரிஸமேத⁴ங் ஸம்மாபாஸங் வாசாபெய்யந்தி சத்தாரி ஸங்க³ஹவத்து²னி

அஹேஸுங், யேஹி ராஜானோ லோகங் ஸங்க்ணஹிங்ஸு. தத்த² நிப²ன்னஸஸ்ஸதோ த³ஸமபா⁴க்³க்³ஹணங் ஸஸ்ஸமேத⁴ங் நாம, ஸஸ்ஸஸம்பாத³னே மேதா⁴விதாதி அத்தோ². மஹாயோதா⁴னங் ச²மாஸிகங் ப⁴த்த-வேதனானுப்பதா³னங் புரிஸமேத⁴ங் நாம, புரிஸஸங்க்ணஹனே மேதா⁴விதாதி அத்தோ². த³லித்³த³மனுஸ்ஸானங் ஹத்த²தோ லேக²ங் க³ஹெத்வா தீணி வஸ்ஸானி வினாவ வட்³டி⁴யா ஸஹஸ்ஸத்³விஸஹஸ்ஸமத்தத⁴னானுப்பதா³னங் ஸம்மாபாஸங் நாம. தஞ்ஹி ஸம்மா மனுஸ்ஸே பாஸேதி, ஹத³யே ப³ந்தி⁴த்வா விய ட²பேதி, தஸ்மா ஸம்மாபாஸந்தி வுச்சதி. “தாத மாதூலா”திஆதி³னா நயேன ஸண்ஹவாசாப⁴ணனங் வாசாபெய்யங் நாம, பியவாசாதி அத்தோ². ஏவங் சதூஹி ஸங்க்ஹவத்தூ²ஹி ஸங்க்ஹிதங் ரட்²ங் இத்த⁴ஞ்சேவ ஹோதி பீ²தஞ்ச பஹுதஅன்னபானங் கே²மங் நிரப்³பு³த³ங். மனுஸ்ஸா முதா³ மோத³மானா உரே புத்தே நச்செந்தா அபாருதக⁴ரத்³வாரா விஹரந்தி. இத³ங் க⁴ரத்³வாரேஸு அக்³க்³ளானங் அபா⁴வதோ நிரக்³க்³ளந்தி வுச்சதி. அயங் போராணிகா பவேணீ.

அபரபா⁴கே³ பன ஓக்காகராஜகாலே ப்³ராஹ்மணா இமானி சத்தாரி ஸங்க்ஹவத்தூ²னி இமஞ்ச ரட்²ஸம்பத்திங் பரிவத்தெத்வா உத்³த⁴ங்மூலகங் கத்வா அஸ்ஸமேத⁴ங் புரிஸமேத⁴ந்தி ஆதி³கே பஞ்ச யஞ்ஞே நாம அகங்ஸு. தேஸு அஸ்ஸமெத்த² மேத⁴ந்தி வத⁴ந்தீதி அஸ்ஸமேதோ⁴. த³வீஹி பரியஞ்ஞேஹி யஜிதப்³பு³ஸ்ஸ ஏகவீஸதியூபஸ்ஸ ஏகஸ்மிங் மஜ்ஜி²மதி³வஸேயேவ ஸத்தனவுதிபஞ்சபஸுஸதகா⁴தபி⁴ங்ஸனஸ்ஸ ட²பெத்வா பூ⁴மிஞ்ச புரிஸே ச அவஸேஸஸப்³பு³விப⁴வத³க்கி²ணஸ்ஸ யஞ்ஞஸ்ஸேதங் அதி⁴வசனங். புரிஸமெத்த² மேத⁴ந்தீதி புரிஸமேதோ⁴. சதூஹி பரியஞ்ஞேஹி யஜிதப்³பு³ஸ்ஸ ஸத்³தி⁴ங் பூ⁴மியா அஸ்ஸமேதோ⁴ வுத்தவிப⁴வத³க்கி²ணஸ்ஸ யஞ்ஞஸ்ஸேதங் அதி⁴வசனங். ஸம்மமெத்த² பாஸெந்தீதி ஸம்மாபாஸோ. தி³வஸே தி³வஸே ஸம்மங் கி²பித்வா தஸ்ஸ பதிதோகாஸே வேதி³ங் கத்வா ஸங்ஹாரிமேஹி யூபாதீ³ஹி ஸரஸ்ஸதினதி³யா நிமுக்³கோ³காஸதோ பபு⁴தி படிலோமங் கச்ச³ந்தேன யஜிதப்³பு³ஸ்ஸ ஸத்ரயாக³ஸ்ஸேதங் அதி⁴வசனங். வாஜமெத்த² பிவந்தீதி வாஜபெய்யோ. ஏகேன பரியஞ்ஞேன ஸத்தரஸஹி பஸுஹி யஜிதப்³பு³ஸ்ஸ பே³லுவயூபஸ்ஸ ஸத்தரஸகத³க்கி²ணஸ்ஸ யஞ்ஞஸ்ஸேதங் அதி⁴வசனங். நத்தி² எத்த² அக்³க்³ளாதி நிரக்³க்³ளோ. நவஹி பரியஞ்ஞேஹி யஜிதப்³பு³ஸ்ஸ ஸத்³தி⁴ங் பூ⁴மியா ச புரிஸேஹி ச அஸ்ஸமேதோ⁴ வுத்தவிப⁴வத³க்கி²ணஸ்ஸ ஸப்³பு³மேத⁴பரியாயனாமஸ்ஸ அஸ்ஸமேத⁴விகப்பஸ்ஸேவேதங் அதி⁴வசனங். மஹாரம்பா⁴தி மஹாகிச்சா மஹாகரணீயா. ஸம்மக்³க³தாதி ஸம்மா படிபன்னா புத்த³தா⁴த³யோ. நிராரம்பா⁴தி அப்பத்தா² அப்பகிச்சா. யஜந்தி அனுகுலந்தி

அனுகுலேஸு யஜந்தி, யங் நிச்சப⁴த்தாதி³ பு³பு³புரிஸேஹி பட்ட²பிதங், தங்
அபராபரங் அனுபச்சி²ன்னத்தா மனுஸ்ஸா த³த³ந்தீதி அத்தோ². நவமங்.

10. ப³ந்த⁴னஸுத்தவண்ணனா

121. த³ஸமே இத⁴, ப⁴ந்தே, ரஞ்ஞாதி இத³ங் தே பி⁴க்க² தேஸு
மனுஸ்ஸேஸு ஆனந்த³த்தே²ரஸ்ஸ ஸுகதகாரணங் ஆரோசெந்தா
ஆரோசேஸுங். ரஞ்ஞா கிர ஸக்கேன குஸராஜஸ்ஸ தி³ன்னோ அட்ட²வங்கோ
மணி பவேணியா ஆக³தோ. ராஜா அலங்கரணகாலே தங் மணிங் ஆஹரதா²தி
ஆஹ. மனுஸ்ஸா “²பிதட்டா²னே ந பஸ்ஸாமா”தி ஆரோசேஸுங். ராஜா
அந்தோக⁴ரசாரினோ “மணிங் பரியேஸித்வா தே³தா²”தி ப³ந்தா⁴பேஸி.
ஆனந்த³த்தே²ரோ தே தி³ஸ்வா மணிபடிஸாமகானங் ஏகங் உபாயங் ஆசிக்கி².
தே ரஞ்ஞா ஆரோசேஸுங். ராஜா “பண்டி³தோ தே²ரோ, தே²ரஸ்ஸ வசனங்
கரோதா²”தி. படிஸாமகமனுஸ்ஸா ராஜங்க³ணே உத³கசாடிங் ²பெத்வா
ஸாணியா பரிக்கி²பாபெத்வா தே மனுஸ்ஸே ஆஹங்ஸு - “ஸாடகங்
பாருபித்வா எத்த² க³ந்த்வா ஹத்த²ங் ஓதாரேதா²”தி. மணிசோரோ சிந்தேஸி -
“ராஜப⁴ண்ட³ங் விஸ்ஸஜ்ஜேதுங் வா வலஞ்ஜேதுங் வா ந ஸக்கா”தி. ஸோ
கே³ஹங் க³ந்த்வா மணிங் உபகச்ச²கே ²பெத்வா ஸாடகங் பாருபித்வா
ஆக³ம்ம உத³கசாடியங் பக்கி²பித்வா பக்காமி. மஹாஜனே படிக்கந்தே
ராஜமனுஸ்ஸா சாடியங் ஹத்த²ங் ஓதாரெத்வா மணிங் தி³ஸ்வா ஆஹரித்வா
ரஞ்ஞா அத³ங்ஸு. “ஆனந்த³த்தே²ரேன கிர த³ஸ்ஸிதனயேன மணி
தி³ட்டோ²”தி மஹாஜனோ கோலாஹலங் அகாஸி. தே பி⁴க்க² தங் காரணங்
ததா²க³தஸ்ஸ ஆரோசெந்தா இமங் பவத்திங் ஆரோசேஸுங். ஸத்தா² -
“அனச்ச²ரியங், பி⁴க்க²வே, யங் ஆனந்தோ³ மனுஸ்ஸானங்
ஹத்தா²ருள்ஹமணிங் ஆஹராபெய்ய , யத்த² பு³பே³ பண்டி³தா அத்தனோ
ஞாணே ²த்வா அஹேதுகபடிஸந்தி⁴யங் நி³ப³த்தானங் திரச்சா²னக³தானம்பி
ஹத்தா²ருள்ஹங் ப⁴ண்ட³ங் ஆஹராபெத்வா ரஞ்ஞா அத³ங்ஸு”தி வத்வா -

“உக்கட்டே² ஸுரமிச்ச²ந்தி, மந்தீஸு அகுதுஹலங்;

பியஞ்ச அன்னபானம்ஹி, அத்தே² ஜாதே ச பண்டி³த”ந்தி. (ஜா. 1.1.92) -

மஹாஸாரஜாதகங் கதே²ஸி.

ந தங் த³ஸ்ஹந்தி தங் ப³ந்த⁴னங் தி²ரந்தி ந கதே²ந்தி. யதா³யஸந்தி யங்
ஆயஸா கதங். ஸாரத்தரத்தாதி ஸுட்டு² ரத்தரத்தா, ஸாரத்தேன வா ரத்தா
ஸாரத்தரத்தா, ஸாரங் இத³ந்தி மஞ்ஞனாய ரத்தாதி அத்தோ². அபெக்கா²தி
ஆலயோ நிகந்தி. ஆஹுதி கதே²ந்தி. ஓஹாரினந்தி சதுஸு அபாயேஸு
ஆகட்ட³னகங். ஸிதி²லந்தி ந ஆயஸாதி³ப³ந்த⁴னங் விய இரியாபத²ங்
நிவாரெத்வா டி²தங். தேன ஹி ப³ந்த⁴னேன ப³த்தா⁴ பரதே³ஸம்பி

கச்சந்தியேவ. துப்பமுஞ்சந்தி அஞ்சுத்ர லோகுத்தரஞானேன முஞ்சிதுங்
அஸக்குணெய்யந்தி. துஸமங்.

படமோ வக்கோ.

2. துதியவக்கோ

1. ஸத்தஜடிலஸுத்தவண்ணனா

122. துதியவக்குஸ்படமே புப்பா³ராமே மிகா³ரமாதுபாஸாதே³தி
புப்பா³ராமஸங்கா²தே விஹாரே மிகா³ரமாதுயா பாஸாதே³. தத்ராயங்
அனுபுப்பி³கதா² - அதீதே ஸதஸஹஸ்ஸகப்பமத்த²கே ஏகா உபாஸிகா
பது³முத்தரங் ப⁴க³வந்தங் நிமந்தெத்வா புத்த⁴ப்பமு²க³ஸ்ப
பி⁴க்கு²ஸங்க⁴ஸ்ப ஸதஸஹஸ்ஸதா³னங் தத்வா ப⁴க³வதோ பாத³முலே
நிபஜ்ஜித்வா - “அனாக³தே தும்ஹாதி³ஸஸ்ப புத்த⁴ஸ்ப அக்கு³பட்டா²யிகா
ஹோமீ³தி பத்த²னங் அகாஸி. ஸா கப்பஸதஸஹஸ்ஸங் தே³வேஸு ச
மனுஸ்ஸேஸு ச ஸங்ஸரித்வா அம்ஹாகங் ப⁴க³வதோ காலே
ப⁴த்தி³யனக³ரே மெண்ட³கபுத்தஸ்ப த⁴னஞ்சயஸெட்டி²னோ கே³ஹே
ஸுமனதே³வியா குச்சி²ஸமிங் படிஸந்தி⁴ங் க³ணஹி . ஜாதகாலே சஸ்பா
விஸாகா²தி நாமங் அகங்ஸு. ஸா யதா³ ப⁴க³வா ப⁴த்தி³யனக³ரங்
அக³மாஸி, ததா³ பஞ்சஹி தா³ரிகாஸதேஹி ஸத்தி⁴ங் ப⁴க³வதோ
பச்சக்³மனங் க³தா பட²மத³ஸ்பனம்ஹியேவ ஸோதாபன்னா அஹோஸி.
அபரபா⁴கே³ ஸாவத்தி²யங் மிகா³ரஸெட்டி²புத்தஸ்ப
புண்ணவட்³ட⁴னகுமாரஸ்ப கே³ஹங் க³தா. தத்த² நங் மிகா³ரஸெட்டி²
மாதிட்டா²னே ட²பேஸி, தஸ்மா மிகா³ரமாதாதி வச்சதி. தாய காரிதே பாஸாதே³.

ப³ஹி த்வாரகொட்ட²கே³தி பாஸாத³த்வாரகொட்ட²கஸ்ப ப³ஹி, ந
விஹாரத்³வாரகொட்ட²கஸ்ப. ஸோ கிர பாஸாதோ³ லோஹபாஸாதோ³ விய
ஸமந்தா சதுத்³வாரகொட்ட²கயுத்தேன பாகாரேன பரிக்கித்தோ. தேஸு
பாசீனத்³வாரகொட்ட²கஸ்ப ப³ஹி பாஸாத³ச்சா²யாயங் பாசீனலோகதா⁴துங்
ஓலோகெந்தோ பஞ்சுத்தே வரபுத்த⁴ஸனே நிஸின்னோ ஹோதி.

பருள்ஹகச்ச²னக²லோமாதி பருள்ஹகச்சா² பருள்ஹனகா²
பருள்ஹலோமா, கச்சா²தீ³ஸு தீ³க⁴லோமா தீ³க⁴னகா² சாதி அத்தோ².
கா²ரிவிவித⁴ந்தி விவித⁴கா²ரிங் நானப்பகாரகங்
பப்ப³ஜிதபரிக்கா²ரப⁴ண்ட³கங். அவிதா³ரே அதிகமந்தீதி அவிதா³ரமக்கே³ன
நக³ரங் பவிஸந்தி. ராஜாஹங் , ப⁴ந்தேதி அஹங், ப⁴ந்தே, ராஜா பஸேனதி³
கோஸலோ, மய்ஹங் நாமங் தும்ஹே ஜானாதா²தி. கஸ்மா பன ராஜா லோகே
அக்க³புக்க³லஸ்ப ஸந்திகே நிஸின்னோ ஏவருபானங்
நக்க³பொ⁴க்க³னிஸ்ஸிரிகானங் அஞ்ஜலிங் பக்க³ணஹாதீதி.

ஸங்க்ண்ணஹனத்தா²ய. ஏவங் ஹிஸ்ஸ அஹோஸி - “ஸசாஹங் எத்தகம்பி ஏதேஸங் ந கரிஸ்ஸாமி , ‘மயங் புத்ததா³ரங் பஹாய ஏதஸ்ஸத்தா²ய து³ப்³போ⁴ஜனது³க்க²ஸெய்யாதீ³னி அனுபோ⁴ம, அயங் அம்ஹாகங் அஞ்ஜலிமத்தம்பி ந கரோதீ³தி அத்தனா தி³ட்ட²ங் ஸுதங் படிச்சா²தெ³த்வா ந கதெ²ய்யுங். ஏவங் கதே பன அனிக்³ஹித்வா கதெ²ஸ்ஸந்தீ³தி. தஸ்மா ஏவமகாஸி. அபிச ஸத்து² அஜ்ஜா²ஸயஜானந்த²ங் ஏவமகாஸி.

காஸிகசந்த³னந்தி ஸண்ணசந்த³னங். மாலாக³ந்த⁴விலேபனந்தி வண்ணக³ந்த⁴த்தா²ய மாலங், ஸுக³ந்த⁴பா⁴வத்தா²ய க³ந்த⁴ங், வண்ணக³ந்த⁴த்தா²ய விலேபனஞ்ச தா⁴ரெந்தேன.

ஸங்வாஸேனாதி ஸஹவாஸேன. ஸீலங் வேதி³தப்³ப³ந்தி அயங் ஸுஸீலோ வா து³ஸ்ஸீலோ வாதி ஸங்வஸந்தேன உபஸங்கமந்தேன ஜானிதப்³போ³. தஞ்ச கோ² தீ³கே⁴ன அத்³து⁴னா ந இத்தரந்தி தஞ்ச ஸீலங் தீ³கே⁴ன காலேன வேதி³தப்³ப³ங், ந இத்தரேன. த்³வீஹீஹஞ்ஹி ஸங்யதாகாரோ ச ஸங்வுதிந்த்³ரியாகாரோ ச ந ஸக்கா த்³ஸ்ஸேதுங். மனஸிகரோதாதி ஸீலமஸ்ஸ பரிக்க³ஹேஸ்ஸாமீதி மனஸிகரொந்தேன பச்சவெக்க³ந்தேனேவ ஸக்கா ஜானிதுங், ந இதரேன. பஞ்ஞவதாதி தம்பி ஸப்பஞ்ஞேனேவ பண்டி³தேன. பா³லோ ஹி மனஸிகரொந்தோபி ஜானிதுங் ந ஸக்கோதி.

ஸங்வோஹாரேனாதி கத²னேன.

“யோ ஹி கோசி மனுஸ்ஸேஸு, வோஹாரங் உபஜீவதி;
ஏவங் வாஸெட்ட² ஜானாஹி, வாணிகோ ஸோ ந ப்³ராஹ்மணோ”தி. (ம. நி. 2.457) -

எத்த² ஹி ப்³யவஹாரோ வோஹாரோ நாம. “சத்தாரோ அரியவோஹாரா சத்தாரோ அனரியவோஹாரா”தி (தீ³. நி. 3.313) எத்த² சேதனா. “ஸங்கா² ஸமஞ்ஞா பஞ்ஞத்தி வோஹாரோ”தி (த⁴. ஸ. 1313-1315) எத்த² பஞ்ஞத்தி. “வோஹாரமத்தேன ஸோ வோஹரெய்யா”தி (ஸங். நி. 1.25) எத்த² கதா² வோஹாரோ. இதா⁴பி ஏஸோவ அதி⁴ப்பேதோ. ஏகச்சஸ்ஸ ஹி ஸம்முகா² கதா² பரம்முகா²ய கதா²ய ந ஸமேதி, பரம்முகா² கதா² ச ஸம்முகா²ய கதா²ய, ததா² புரிமகதா² ச பச்சி²மகதா²ய, பச்சி²மகதா² ச புரிமகதா²ய. ஸோ கதெ²ந்தேனேவ ஸக்கா ஜானிதுங் “அஸூசி ஏஸோ புக்க³லோ”தி. ஸூசிஸ்ஸ ஸபன புரிமங் பச்சி²மேன, பச்சி²மஞ்ச புரிமேன ஸமேதி, ஸம்முகா²கதி²தங் பரம்முகா²கதி²தேன, பரம்முகா²கதி²தஞ்ச ஸம்முகா²கதி²தேன, தஸ்மா கதெ²ந்தேன ஸக்கா ஸூசிபா⁴வோ ஜானிதுந்தி பகாஸெந்தோ ஏவமாஹ.

தா²மோதி ஞாணதா²மோ. யஸ்ஸ ஹி ஞாணதா²மோ நத்தி², ஸோ
 உப்பன்னேஸு உபத்³த³வேஸு க³ஹேதப்³ப³க்³ஹணங் கதப்³ப³கிச்சங்
 அபஸ்ஸந்தோ அத்³வாரக⁴ரங் பவிட்டோ² விய சரதி. தேனாஹ ஆபதா³ஸு
 கோ², மஹாராஜ, தா²மோ வேதி³தப்³போ³தி. ஸாகச்சா²யாதி ஸங்கதா²ய.
 து³ப்பஞ்ஞஸ்ஸ ஹி கதா² உத³கே கெ³ண்டு³ விய உப்பலவதி, பஞ்ஞவதோ
 கதே²ந்தஸ்ஸ படிபா⁴னங் அனந்தரங் ஹோதி. உத³கவிப்ப²ந்தி³தேனேவ ஹி
 மச்சோ² கு²த்³த³கோ வா மஹந்தோ வாதி ஞாயதி. ஓசரகாதி ஹெட்டா²சரகா.
 சரா ஹி பப்³ப³தமத்த²கேன சரந்தாபி ஹெட்டா² - சரகாவ ஹொந்தி.
 ஓசரித்வாதி அவசரித்வா விமங்ஸித்வா, தங் தங் பவத்திங் ஞத்வாதி அத்தோ².
 ரஜோஜல்லந்தி ரஜஞ்ச ஜல்லஞ்ச. வண்ணருபேனாதி வண்ணஸண்டா²னேன.
 இத்தரத³ஸ்ஸனேனாதி லஹுகத³ஸ்ஸனேன. வியஞ்ஜனேனாதி
 பரிக்கா²ரப⁴ண்ட³கேன. பதிருபகோ மத்திகாகுண்ட³லோவாதி
 ஸுவண்ணகுண்ட³லபதிருபகோ மத்திகாகுண்ட³லோவ.
 லோஹட்³ட⁴மாஸோதி லோஹட்³ட⁴மாஸகோ. பட²மங்.

2. பஞ்சராஜஸுத்தவண்ணனா

123. து³தியே ரூபாதி நீலபீதாதி³பே⁴த³ங் ரூபாரம்மணங். காமானங்
 அக்³க³ந்தி ஏதங் காமானங் உத்தமங் ஸெட்ட²ந்தி ரூபக³ருகோ ஆஹ.
 ஸேஸேஸுபி ஏஸேவ நயோ. யதோதி யதா³. மனாபபரியந்தந்தி
 மனாபனிப்ப²த்திகங் மனாபகோடிகங். தத்த² த்³வே மனாபானி புக்³க³லமனாபங்
 ஸம்முதிமனாபஞ்ச. புக்³க³லமனாபங் நாம யங் ஏகஸ்ஸ புக்³க³லஸ்ஸ இட்ட²ங்
 கந்தங் ஹோதி, ததே³வ அஞ்ஞஸ்ஸ அனிட்ட²ங் அகந்தங்.
 பச்சந்தவாஸீனஞ்ஹி க³ண்டுப்பாதா³பி இட்டா² ஹொந்தி கந்தா மனாபா,
 மஜ்ஜி²மதே³ஸவாஸீனங் அதிஜேகு³ச்சா². தேஸஞ்ச மோரமங்ஸாதீ³னி
 இட்டா²னி ஹொந்தி, இதரேஸங் தானி அதிஜேகு³ச்சா²னி. இத³ங்
 புக்³க³லமனாபங். இதரங் ஸம்முதிமனாபங்.

இட்டா²னிட்டா²ரம்மணங் நாம லோகே படிவிப⁴த்தங் நத்தி², விப⁴ஜித்வா
 பன த³ஸ்ஸேதப்³ப³ங். விப⁴ஜந்தேன ச ந அதிஇஸ்ஸரானங்
 மஹாஸம்மதமஹாஸுத³ஸ்ஸனத⁴ம்மாஸோகாதீ³னங் வஸேன
 விப⁴ஜிதப்³ப³ங். தேஸஞ்ஹி தி³ப்பகப்பம்பி ஆரம்மணங் அமனாபங் உபட்டா²தி.
 அதிது³க்³க³தானங் து³ல்லப⁴ன்னபானானங் வஸேனபி ந விப⁴ஜிதப்³ப³ங்.
 தேஸஞ்ஹி கணாஜகப⁴த்தஸித்தா²னிபி பூதிமங்ஸஸ்ஸ ரஸோபி
 அதிமது⁴ரோ அமதஸதி³ஸோ ஹோதி. மஜ்ஜி²மானங் பன
 க³ணகமஹாமத்தஸெட்டி² குடும்பி³கவாணிஜாதீ³னங் காலேன இட்ட²ங் காலேன
 அனிட்ட²ங் லப⁴மானானங் வஸேன விப⁴ஜிதப்³ப³ங். தஞ்ச பனேதங்
 ஆரம்மணங் ஜவனங் பரிச்சி²ந்தி³துங் ந ஸக்கோதி. ஜவனஞ்ஹி இட்டே²பி
 ரஜ்ஜதி அனிட்டே²பி, இட்டே²பி து³ஸ்ஸதி அனிட்டே²பி. ஏகந்ததோ பன

விபாகசித்தங் இட்டா²னிட்ட²ங் பரிச்சி²ந்த³தி. கிஞ்சாபி ஹி மிச்சா²தி³ட்டி²கா
 பு³த்த⁴ங் வா ஸங்க⁴ங் வா மஹாசேதியாதீ³னி வா உளாரானி ஆரம்மணானி
 தி³ஸ்வா அக்கீ²னி பித³ஹந்தி தோ³மனஸ்ஸங் ஆபஜ்ஜந்தி, த⁴ம்மஸத்த³ங்
 ஸுத்வா கண்ணே த²கெந்தி, சக்கு²விஞ்ஞாணஸோதவிஞ்ஞாணானி பன
 தேஸங் குஸலவிபாகானேவ ஹொந்தி. கிஞ்சாபி கூ³த²ஸுகராத³யோ
 கூ³த²க³ந்த⁴ங் கா⁴யித்வா கா²தி³துங் லபி⁴ஸ்ஸாமாதி ஸோமனஸ்ஸஜாதா
 ஹொந்தி, கூ³த²த³ஸ்ஸனே பன நேஸங் சக்கு²விஞ்ஞாணங், தஸ்ஸ
 க³ந்த⁴கா⁴யனே கா⁴னவிஞ்ஞாணங், ரஸஸாயனே ஜிவ்ஹாவிஞ்ஞாணஞ்ச
 அகுஸலவிபாகமேவ ஹொதி. ப⁴க³வா பன பு³க³லமனாபதங் ஸந்தா⁴ய தே
 ச, மஹாராஜ, ரூபாதிஆதி³மாஹ.

சந்த³னங்க³லிகோதி இத³ங் தஸ்ஸ உபாஸகஸ்ஸ நாமங். படிபா⁴தி மங்
 ப⁴க³வாதி ப⁴க³வா மய்ஹங் ஏகங் காரணங் உபட்டா²தி பஞ்ஞாயதி. தஸ்ஸ
 தே பஞ்ச ராஜானோ ஆமுத்தமணிகுண்ட³லே ஸஜ்ஜிதாய ஆபான்பு⁴மியா
 நிஸின்னவஸேனேவ மஹதா ராஜானுபா⁴வேன பரமேன
 இஸ்ஸரியவிப⁴வேன ஆக³ந்த்வாபி த³ஸப³லஸ்ஸ ஸந்திகே டி²தகாலதோ
 பட்டா²ய தி³வா பதீ³பே விய உத³காபி⁴ஸித்தே அங்கா³ரே விய
 ஸூரியுட்டா²னே க²ஜ்ஜோபனகே விய ச ஹதப்பபே⁴ ஹதஸோபே⁴ தங்
 ததா²க³தஞ்ச தேஹி ஸதகு³ணேன ஸஹஸ்ஸகு³ணேன விரோசமானங்
 தி³ஸ்வா, “மஹந்தா வத போ⁴ பு³த்தா⁴ நாமா”தி படிபா⁴னங் உத³பாதி³.
 தஸ்மா ஏவமாஹ.

கோகனத³ந்தி பது³மஸ்ஸேவேதங் வேவசனங். பாதோதி காலஸ்ஸேவ.
 ஸியாதி ப⁴வெய்ய. அவீதக³ந்த⁴ந்தி அவிக³தக³ந்த⁴ங். அங்கீ³ரஸந்தி
 ஸம்மாஸம்பு³த்த⁴ங். ப⁴க³வதோ ஹி அங்க³தோ ரஸ்மியோ நிக்க²மந்தி,
 தஸ்மா அங்கீ³ரஸோதி வுச்சதி. யதா² கோகனத³ஸங்கா²தங் பது³மங் பாதோவ
 பு²ல்லங் அவீதக³ந்த⁴ங் ஸியா, ஏவமேவ ப⁴க³வந்தங் அங்கீ³ரஸங் தபந்தங்
 ஆதி³ச்சமிவ அந்தலிக்கே² விரோசமானங் பஸ்ஸாதி அயமெத்த²
 ஸங்கே²பத்தோ². ப⁴க³வந்தங் அச்சா²தே³ஸீதி ப⁴க³வதோ அதா³ஸீதி
 அத்தோ². லோகவோஹாரதோ பனெத்த² ஈதி³ஸங் வசனங் ஹொதி. ஸோ கிர
 உபாஸகோ - “ஏதே ததா²க³தஸ்ஸ கு³ணேஸு பஸீதி³த்வா மய்ஹங் பஞ்ச
 உத்தராஸங்கே³ தெ³ந்தி, அஹம்பி தே ப⁴க³வதோவ த³ஸ்ஸாமீ”தி சிந்தெத்வா
 அதா³ஸி. து³தியங்.

3. தோ³ணபாகஸுத்தவண்ணனா

124. ததியே தோ³ணபாககுரந்தி தோ³ணபாகங் குரங், தோ³ணஸ்ஸ
 தண்டு³லானங் பக்கப⁴த்தங் ததூ³பியஞ்ச ஸூபப்³யஞ்ஜனங் பு⁴ஞ்ஜதீதி
 அத்தோ². பு⁴த்தாவீதி பு³பே³ ப⁴த்தஸம்மத³ங் வினோதெ³த்வா முஹுத்தங்

விஸ்ஸமித்வா பு³த்³து⁴பட்டா²னங் க³ச்ச²தி, தந்தி³வஸங் பன பு⁴ஞ்ஜந்தோவ
த³ஸப³லங் ஸரித்வா ஹத்தே² தோ⁴வித்வா அக³மாஸி. மஹஸ்ஸாஸீதி
தஸ்ஸ க³ச்ச²தோ ப³லவா ப⁴த்தபரீளாஹோ உத³பாதி³, தஸ்மா மஹந்தேஹி
அஸ்ஸாஸேஹி அஸ்ஸஸதி, க³த்ததோபிஸ்ஸ ஸேத³பி³ந்தூ³னி முச்சந்தி,
தமேனங் உபோ⁴ஸு பஸ்ஸேஸு ட²த்வா யமகதாலவண்டேஹி பீ³ஜந்தி,
பு³த்³த⁴கா³ரவேன பன நிபஜ்ஜிதுங் ந உஸ்ஸஹதீதி இத³ங் ஸந்தா⁴ய
“மஹஸ்ஸாஸீ”தி வுத்தங். இமங் கா³த²ங் அபா⁴ஸீதி, ராஜா போ⁴ஜனே
அமத்தஞ்ஞதாய கிலமதி, பா²ஸு விஹாரங் தா³னிஸ்ஸ கரிஸ்ஸாமீதி
சிந்தெத்வா அபா⁴ஸி. மனுஜஸ்ஸாதி ஸத்தஸ்ஸ. கஹாபணஸதந்தி
பாதராஸே பண்ணாஸங் ஸாயமாலே பண்ணாஸந்தி ஏவங் கஹாபணஸதங்.
பரியாபுணித்வாதி ரஞ்ஞா ஸத்³தி⁴ங் தோ²கங் க³ந்த்வா “இமங் மங்க³லஅஸிங்
கஸ்ஸ த³ம்மி, மஹாராஜா”தி? அஸுகஸ்ஸ நாம தே³ஹீதி ஸோ தங் அஸிங்
த³த்வா த³ஸப³லஸ்ஸ ஸந்திகங் ஆக³ம்ம வந்தி³த்வா டி²தகோவ “கா³த²ங்
வத³த², போ⁴ கோ³தமா”தி வத்வா ப⁴க³வதா வுத்தங் பரியாபுணித்வாதி
அத்தோ².

ப⁴த்தாபி⁴ஹாரே ஸுத³ங் பா⁴ஸதீதி கத²ங் பா⁴ஸதி? ப⁴க³வதா
அனுஸிட்டி²னியாமேன. ப⁴க³வா ஹி நங் ஏவங் அனுஸாஸி - “மாணவ, இமங்
கா³த²ங் நடோ விய பத்தபத்தட்டா²னே மா அவச, ரஞ்ஞா பு⁴ஞ்ஜனட்டா²னே
ட²த்வா பட²மபிண்டா³தீ³ஸுபி அவத்வா வோஸானபிண்டே³ க³ஹிதே
வதெ³ய்யாஸி, ராஜா ஸுத்வாவ ப⁴த்தபிண்ட³ங் ச²ட்³டெ³ஸ்ஸதி. அத²
ரஞ்ஞா ஹத்தே²ஸு தோ⁴தேஸு பாதிங் அபனெத்வா ஸித்தா²னி க³ணெத்வா
தது³பியங் ப்³யஞ்ஜனங் ஞத்வா புனதி³வஸே தாவதகே தண்டு³லே
ஹாரெய்யாஸி, பாதராஸே ச வத்வா ஸாயமாலே மா வதெ³ய்யாஸீ”தி. ஸோ
ஸாதூ⁴தி படிஸ்ஸுணித்வா தந்தி³வஸங் ரஞ்ஞா பாதராஸங் பு⁴த்வா
க³தத்தா ஸாயமாலே ப⁴க³வதோ அனுஸிட்டி²னியாமேன கா³த²ங் அபா⁴ஸி .
ராஜா த³ஸப³லஸ்ஸ வசனங் ஸரித்வா ப⁴த்தபிண்ட³ங் பாதியங்யேவ
ச²ட்³டே³ஸி. ரஞ்ஞா ஹத்தே²ஸு தோ⁴தேஸு பாதிங் அபனெத்வா ஸித்தா²னி
க³ணெத்வா தது³பியங் ப்³யஞ்ஜனங் ஞத்வா புனதி³வஸே தத்தகே தண்டு³லே
ஹரிங்ஸு.

நாளிகோத³னபரமதாய ஸண்டா²ஸீதி ஸோ கிர மாணவோ தி³வஸே
தி³வஸே ததா²க³தஸ்ஸ ஸந்திகங் க³ச்ச²தி, த³ஸப³லஸ்ஸ விஸ்ஸாஸிகோ
அஹோஸி. அத² நங் ஏகதி³வஸங் புச்சி² “ராஜா கித்தகங் பு⁴ஞ்ஜதீ”தி? ஸோ
“நாளிகோத³ன”ந்தி ஆஹ. வட்டிஸ்ஸதி எத்தாவதா புரிஸபா⁴கோ³ ஏஸ, இதோ
பட்டா²ய கா³த²ங் மா வதீ³தி. இதி ராஜா தத்தே²வ ஸண்டா²ஸி.
தி³ட்ட²த⁴ம்மிகேன சேவ அத்தே²ன ஸம்பராயிகேன சாதி எத்த²
ஸல்லிகி²தஸரீரதா தி³ட்ட²த⁴ம்மிகத்தோ² நாம, ஸீலங் ஸம்பராயிகத்தோ².
போ⁴ஜனே மத்தஞ்ஞதா ஹி ஸீலங்க³ங் நாம ஹோதீதி. ததியங்.

4. பட²மஸங்கா³மஸுத்தவண்ணனா

125. சதுத்தே² வேதே³ஹிபுத்தோதி வேதே³ஹீதி பண்டி³தாதி⁴வசனமேதங், பண்டி³தித்தி²யா புத்தோதி அத்தோ². சதுரங்கி³னிந்தி ஹத்தி²அஸ்ஸரத²பத்திஸங்கா²தேஹி சதுஹி அங்கே³ஹி ஸமன்னாக³தங். ஸன்னய்ஹித்வாதி சம்மபடிமுஞ்சனாதீ³ஹி ஸன்னாஹங் காரெத்வா. ஸங்கா³மேஸுந்தி யுஜ்ஜி²ங்ஸு. கேன காரணேன? மஹாகோஸலரஞ்ஞா கிர பி³ம்பி³ஸாரஸ்ஸ தீ⁴தரங் தெ³ந்தேன த³வின்னங் ரஜ்ஜானங் அந்தரே ஸதஸஹஸ்ஸுட்டா²னோ காஸிகா³மோ நாம தீ⁴து தி³ன்னோ. அஜாதஸத்துனா ச பிதரி மாரிதே மாதாபிஸ்ஸ ரஞ்ஞோ வியோக³ஸோகேன நசிரஸ்ஸேவ மதா. ததோ ராஜா பஸேனதி³ கோஸலோ - “அஜாதஸத்துனா மாதாபிதரோ மாரிதா, மய்ஹங் பிது ஸந்தகோ கா³மோ”தி தஸ்ஸத்தா²ய அட்³ட³ங் கரோதி. அஜாதஸத்துபி “மய்ஹங் மாது ஸந்தகோ”தி தஸ்ஸ கா³மஸ்ஸத்தா²ய த³வேபி மாதுலபா⁴கி³னெய்யா யுஜ்ஜி²ங்ஸு.

பாபா தே³வத³த்தாத³யோ மித்தா அஸ்ஸாதி பாபமித்தோ. தேயேவஸ்ஸ ஸஹாயாதி பாபஸஹாயோ. தெஸ்வேவஸ்ஸ சித்தங் நின்னங் ஸம்பவங்கந்தி பாபஸம்பவங்கோ. பஸேனதி³ஸ்ஸ ஸாரிபுத்தத்தே²ராதி³னங் வஸேன கல்யாணமித்தாதி³தா வேதி³தப்³பா³. து³க்க²ங் ஸேதீதி ஜிதானி ஹத்தி²ஆதி³னி அனுஸோசந்தோ து³க்க²ங் ஸயிஸ்ஸதி. இத³ங் ப⁴க³வா புன தஸ்ஸ ஜயகாரணங் தி³ஸ்வா ஆஹ. ஜயங் வேரங் பஸவதீதி ஜினந்தோ வேரங் பஸவதி, வேரிபுக்³க³லங் லப⁴தி. சதுத்த²ங்.

5. து³தியஸங்கா³மஸுத்தவண்ணனா

126. பஞ்சமே அப்³பு⁴ய்யாஸீதி பராஜயே க³ரஹப்பத்தோ “ஆராமங் க³ந்த்வா பி⁴க்க²னங் கதா²ஸல்லாபங் ஸுணாதா²”தி ரத்திபா⁴கே³ பு³த்த⁴ரக்கி²தேன நாம வுட்³ட⁴பப்³பு³ஜிதேன த⁴ம்மரக்கி²தஸ்ஸ வுட்³ட⁴பப்³பு³ஜிதஸ்ஸ “ஸசே ராஜா இமஞ்ச உபாயங் கத்வா க³ச்செ²ய்ய, புன ஜினெய்யா”தி வுத்தஜயகாரணங் ஸுத்வா அபி⁴உய்யாஸி.

யாவஸ்ஸ உபகப்பதீதி யாவ தஸ்ஸ உபகப்பதி ஸய்ஹங் ஹோதி. யதா³ சஞ்ஞோதி யதா³ அஞ்ஞோ. விலும்பந்தீதி தங் விலும்பித்வா டி²தபுக்³க³லங் விலும்பந்தி. விலும்பதீதி விலும்பியதி. டா²னங் ஹி மஞ்ஞதீதி “காரண”ந்தி ஹி மஞ்ஞதி. யதா³தி யஸ்மிங் காலே. ஜேதாரங் லப⁴தே ஜயந்தி ஜயந்தோ புக்³க³லோ பச்சா² ஜேதாரம்பி லப⁴தி. ரோஸேதாரந்தி க⁴ட்டேதாரங். ரோஸகோதி க⁴ட்டகோ. கம்மவிவட்டேனாதி கம்மபரிணாமேன, தஸ்ஸ விலும்பனகம்மஸ்ஸ விபாகதா³னேன. ஸோ விலுத்தோ விலுப்பதீதி ஸோ விலும்பகோ விலும்பியதி. பஞ்சமங்.

6. மல்லிகாஸுத்தவண்ணனா

127. ச²ட்டே² உபஸங்கமீதி மல்லிகாய தே³வியா க³ப்ப³ப⁴வுட்டா²னகாலே
ஸூதிக⁴ரங் படிஜக்³கா³பெத்வா ஆரக்க²ங் த³த்வா உபஸங்கமி. அனத்தமனோ
அஹோஸீதி, “து³க்³தகுலஸ்ஸ மே தீ⁴து மஹந்தங் இஸ்ஸரியங் தி³ன்னங்,
ஸசே புத்தங் அலபி⁴ஸ்ஸ, மஹந்தங் ஸக்காரங் அதி⁴க³மிஸ்ஸ, ததோ
தா³னி பரிஹீனா”தி அனத்தமனோ அஹோஸி. ஸெய்யாதி த³ந்த⁴பஞ்ஞஸ்மா
ஏலமுக³புத்ததோ ஏகச்சா இத்தீ²யேவ ஸெய்யா. போஸாதி போஸேஹி.
ஜனாதி⁴பாதி ஜனாதி⁴பு⁴ங் ராஜானங் ஆலபதி. ஸஸ்ஸுதே³வாதி
ஸஸ்ஸுஸஸுரதே³வதா. தி³ஸம்பதீதி தி³ஸாஜெட்ட²கா. தாதி³ஸா
ஸுப⁴கி³யாதி தாதி³ஸாய ஸுப⁴ரியாய. ச²ட்ட²ங்.

7. அப்பமாத்ஸுத்தவண்ணனா

128. ஸத்தமே ஸமதி⁴க்³ய்ஹாதி ஸமதி⁴க்³க்³ணஹித்வா,
ஆதி³யித்வாதி அத்தோ². அப்பமாதோ³தி காராபகஅப்பமாதோ³.
ஸமோதா⁴னந்தி ஸமவதா⁴னங் உபக்கே²பங். ஏவமேவ கோ²தி ஹத்தி²பத³ங்
விய ஹி காராபகஅப்பமாதோ³, ஸேஸபத³ஜாதானி விய அவஸேஸா
சதுபு⁴மகா குஸலத⁴ம்மா. தே ஹத்தி²பதே³ ஸேஸபதா³னி விய அப்பமாதே³
ஸமோதா⁴னங் க³ச்ச²ந்தி, அப்பமாத்ஸு³ஸ்ஸ அந்தோ பரிவத்தந்தி. யதா² ச
ஹத்தி²பத³ங் ஸேஸபதா³னங் அக்³ங் ஸெட்ட²ங், ஏவங் அப்பமாதோ³
ஸேஸத⁴ம்மானந்தி த³ஸ்ஸேதி. மஹக்³தலோகுத்தரத⁴ம்மானம்பி ஹேஸ
படிலாப⁴கட்டே²ன லோகியோபி ஸமானோ அக்³கோ³வ ஹோதி.

அப்பமாத்ங் பஸங்ஸந்தீதி “ஏதானி ஆயுஆதீ³னி பத்த²யந்தேன
அப்பமாதோ³வ காதப்³போ³”தி அப்பமாத்மேவ பஸங்ஸந்தி. யஸ்மா வா
புஞ்ஞுகிரியாஸு பண்டி³தா அப்பமாத்ங் பஸங்ஸந்தி, தஸ்மா ஆயுஆதீ³னி
பத்த²யந்தேன அப்பமாதோ³வ காதப்³போ³தி அத்தோ². அத்தா²பி⁴ஸமயாதி
அத்த²படிலாபா⁴. ஸத்தமங்.

8. கல்யாணமித்தஸுத்தவண்ணனா

129. அட்ட²மே ஸோ ச கோ² கல்யாணமித்தஸ்ஸாதி ஸோ சாயங்
த⁴ம்மோ கல்யாணமித்தஸ்ஸேவ ஸ்வாக்கா²தோ நாம ஹோதி, ந
பாபமித்தஸ்ஸாதி. கிஞ்சாபி ஹி த⁴ம்மோ ஸப்³பே³ஸம்பி ஸ்வாக்கா²தோவ,
கல்யாணமித்தஸ்ஸ பன ஸுஸ்ஸுஸந்தஸ்ஸ ஸத்³த³ஹந்தஸ்ஸ அத்த²ங்
பூரேதி பே⁴ஸஜ்ஜங் விய வளஞ்ஜந்தஸ்ஸ ந இதரஸ்ஸாதி. தேனேதங்
வுத்தங். த⁴ம்மோதி செத்த² தே³ஸனாத⁴ம்மோ வேதி³தப்³போ³.

உபட்³ட⁴மித³ந்தி தே²ரோ கிர ரஹோக³தோ சிந்தேஸி - “அயங்
 ஸமணத⁴ம்மோ நாம ஓவாத³கே அனுஸாஸகே கல்யாணமித்தே ஸதி
 பச்சத்தபுரிஸகாரே டி²தஸ்ஸ ஸம்பஜ்ஜதி, உபட்³ட⁴ங் கல்யாணமித்ததோ
 ஹோதி, உபட்³ட⁴ங் பச்சத்தபுரிஸகாரதோ”தி. அத²ஸ்ஸ ஏதத³ஹோஸி -
 “அஹங் பதே³ஸஞானே டி²தோ நிப்பதே³ஸங் சிந்தேதுங் ந ஸக்கோமி,
 ஸத்தா²ரங் புச்சித்வா நிக்கங்கோ² ப⁴விஸ்ஸாமீ”தி. தஸ்மா ஸத்தா²ரங்
 உபஸங்கமித்வா ஏவமாஹ. ப்³ரஹ்மசரியஸ்ஸாதி அரியமக்³க³ஸ்ஸ. யதி³த³ங்
 கல்யாணமித்ததாதி யா ஏஸா கல்யாணமித்ததா நாம, ஸா உபட்³ட⁴ங், ததோ
 உபட்³ட⁴ங் ஆக³ச்ச²தீதி அத்தோ². இதி தே²ரேன “உபட்³டு⁴பட்³டா⁴
 ஸம்மாதி³ட்டி²ஆத³யோ கல்யாணமித்ததோ ஆக³ச்ச²ந்தி, உபட்³டு⁴பட்³டா⁴
 பச்சத்தபுரிஸகாரதோ”தி வுத்தங். கிஞ்சாபி தே²ரஸ்ஸ அயங் மனோரதோ², யதா²
 பன ப்³ஹுஹி ஸிலாத²ம்பே⁴ உஸ்ஸாபிதே, “எத்தகங் டா²னங் அஸுகேன
 உஸ்ஸாபிதங், எத்தகங் அஸுகேனா”தி வினிப்³போ⁴கோ³ நத்தி², யதா² ச
 மாதாபிதரோ நிஸ்ஸாய உப்பன்னேஸு புத்தேஸு “எத்தகங் மாதிதோ
 நிப்³புத்தங், எத்தகங் பிதிதோ”தி வினிப்³போ⁴கோ³ நத்தி², ஏவங் இதா⁴பி
 அவினிப்³போ⁴க³த⁴ம்மோ ஹேஸ, “எத்தகங் ஸம்மாதி³ட்டி²ஆதீ³னங்
 கல்யாணமித்ததோ நிப்³புத்தங், எத்தகங் பச்சத்தபுரிஸகாரதோ”தி ந ஸக்கா
 லத்³து⁴ங், கல்யாணமித்ததாய பன உபட்³ட⁴கு³ணோ லப்³ப⁴தீதி தே²ரஸ்ஸ
 அஜ்ஜா²ஸயேன உபட்³ட⁴ங் நாம ஜாதங், ஸகலகு³ணோ படிஸப்³ப⁴தீதி
 ப⁴க³வதோ அஜ்ஜா²ஸயேன ஸகலங் நாம ஜாதங். கல்யாணமித்ததாதி சேதங்
 புப்³பா⁴க³படிஸாப⁴ங்கங் நாமாதி க³ஹிதங். அத்த²தோ கல்யாணமித்தங்
 நிஸ்ஸாய லத்³தா⁴ ஸீலஸமாதி⁴விபஸ்ஸனாவஸேன சத்தாரோ க²ந்தா⁴.
 ஸங்கா²ரக்க²ந்தோ⁴திபி வத³ந்தியேவ.

மா ஹேவங், ஆனந்தா³தி, ஆனந்த³, மா ஏவங் அப⁴ணி, ப்³ஹுஸ்ஸுதோ
 த்வங் ஸேக²படிஸம்பி⁴த³ப்பத்தோ அட்ட² வரே க³ஹெத்வா மங்
 உபட்ட²ஹஸி, சதுஹி அச்ச²ரியப்³பு⁴தத⁴ம்மேஹி ஸமன்னாக³தோ,
 தாதி³ஸஸ்ஸ ஏவங் கதே²துங் ந வட்டதி. ஸகலமேவ ஹித³ங், ஆனந்த³,
 ப்³ரஹ்மசரியங், யதி³த³ங் கல்யாணமித்ததாதி இத³ங் ப⁴க³வா - “சத்தாரோ
 மக்³கா³ சத்தாரி ப²லானி திஸ்ஸோ விஜ்ஜா ச² அபி⁴ஞ்ஞா ஸப்³ப³ங்
 கல்யாணமித்தமூலகமேவ ஹோதீ”தி ஸந்தா⁴யாஹ. இதா³னி
 வசீபே⁴தே³னேவ காரணங் த³ஸ்ஸெந்தோ
 கல்யாணமித்தஸ்ஸேதந்திஆதி³மாஹ. தத்த² பாடிகங்க²ந்தி பாடிகங்கி²தப்³ப³ங்
 இச்சிதப்³ப³ங், அவஸ்ஸங்பா⁴வீதி அத்தோ².

இதா⁴தி இமஸ்மிங் ஸாஸனே. ஸம்மாதி³ட்டி²ங் பா⁴வேதீதிஆதீ³ஸு
 அட்ட²ன்னங் ஆதி³பதா³னங்யேவ தாவ அயங் ஸங்கே²பவண்ணனா - ஸம்மா
 த³ஸ்ஸனலக்க²ணா ஸம்மாதி³ட்டி². ஸம்மா அபி⁴னிரோபனலக்க²ணோ
 ஸம்மாஸங்கப்போ. ஸம்மா பரிக்க³ஹணலக்க²ணா ஸம்மாவாசா. ஸம்மா

ஸமுட்டா²பனலக்க²ணோ ஸம்மாகம்மந்தோ. ஸம்மா வோதா³பனலக்க²ணா ஸம்மாஆஜீவோ. ஸம்மா பக்³க³ஹலக்க²ணோ ஸம்மாவாயாமோ. ஸம்மா உபட்டா²னலக்க²ணா ஸம்மாஸதி. ஸம்மா ஸமாதா⁴னலக்க²ணோ ஸம்மாஸமாதி⁴.

தேஸு ஏகேகஸ்ஸ தீணி கிச்சானி ஹொந்தி. ஸெய்யாதி²த³ங் - ஸம்மாதி³ட்டி² தாவ அஞ்ஞேஹிபி அத்தனோ பச்சனீககிலேஸேஹி ஸத்³தி⁴ங் மிச்சா²தி³ட்டி²ங் பஜஹதி, நிரோத⁴ங் ஆரம்மணங் கரோதி, ஸம்பயுத்தத⁴ம்மே ச பஸ்ஸதி தப்படிச்சா²த³கமோஹவித⁴மனவஸேன அஸம்மோஹதோ. ஸம்மாஸங்கப்பாத³யோபி ததே²வ மிச்சா²ஸங்கப்பாதீ³னி ச பஜஹந்தி, நிரோத⁴ஞ்ச ஆரம்மணங் கரொந்தி. விஸேஸதோ பனெத்த² ஸம்மாதி³ட்டி² ஸஹஜாதத⁴ம்மே ஸம்மா த³ஸ்ஸேதி . ஸம்மாஸங்கப்போ ஸஹஜாதத⁴ம்மே அபி⁴னிரோபேதி, ஸம்மாவாசா ஸம்மா பரிக்க³ண்ஹாதி, ஸம்மாகம்மந்தோ ஸம்மா ஸமுட்டா²பேதி, ஸம்மாஆஜீவோ ஸம்மா வோதா³பேதி , ஸம்மாவாயாமோ ஸம்மா பக்³க³ண்ஹாதி, ஸம்மாஸதி ஸம்மா உபட்டா²பேதி, ஸம்மாஸமாதி⁴ ஸம்மா த³ஹதி.

அபிசேஸா ஸம்மாதி³ட்டி² நாம புப்³பா⁴கே³ நானாக²ணா நானாரம்மணா ஹொதி, மக்³க³காலே ஏகக்க²ணா ஏகாரம்மணா. கிச்சதோ பன ஸம்மாதி³ட்டி² து³க்கே² ஞாணந்திஆதீ³னி சத்தாரி நாமானி லப⁴தி. ஸம்மாஸங்கப்பாத³யோபி புப்³பா⁴கே³ நானாக²ணா நானாரம்மணா ஹொந்தி, மக்³க³காலே ஏகக்க²ணா ஏகாரம்மணா. தேஸு ஸம்மாஸங்கப்போ கிச்சதோ நெக்க²ம்மஸங்கப்போதிஆதீ³னி தீணி நாமானி லப⁴தி. ஸம்மாவாசாத³யோ தயோ விரதியோபி ஹொந்தி சேதனாயோபி, மக்³க³க்க²ணே பன விரதியோவ. ஸம்மாவாயாமோ ஸம்மாஸதீதி இத³ம்பி த³வயங் கிச்சதோ ஸம்மப்பதா⁴னஸதிபட்டா²னவஸேன சத்தாரி நாமானி லப⁴தி. ஸம்மாஸமாதி⁴ பன புப்³பா⁴கே³பி மக்³க³க்க²ணேபி ஸம்மாஸமாதி⁴யேவ.

ஏவங் தாவ “ஸம்மாதி³ட்டி²”ந்திஆதி³னா நயேன வுத்தானங் அட்ட²ன்னங் ஆதி³பதா³னங்யேவ அத்த²வண்ணனங் ஞத்வா இதா³னி பா⁴வேதி விவேகனிஸ்ஸிதந்திஆதீ³ஸு ஏவங் ஞாதப்³போ³. பா⁴வேதீதி வட்³டே⁴தி, அத்தனோ சித்தஸந்தானே புனப்புனங் ஜனேதி, அபி⁴னிப்³பத்தேதீதி அத்தோ². விவேகனிஸ்ஸிதந்தி விவேகங் நிஸ்ஸிதங், விவேகே வா நிஸ்ஸிதந்தி விவேகனிஸ்ஸிதங். விவேகோதி விவித்ததா. விவித்ததா சாயங் தத³ங்க³விவேகோ, விக்க²ம்ப⁴ன-ஸமுச்சே²த³-படிப்பஸ்ஸத்³தி⁴- நிஸ்ஸரணவிவேகோதி பஞ்சவிதோ⁴. ஏவமேதஸ்மிங் பஞ்சவிதே⁴ விவேகே. விவேகனிஸ்ஸிதந்தி தத³ங்க³விவேகனிஸ்ஸிதங் ஸமுச்சே²த³விவேகனிஸ்ஸிதங் நிஸ்ஸரணவிவேகனிஸ்ஸிதஞ்ச ஸம்மாதி³ட்டி²ங் பா⁴வேதீதி அயமத்தோ² வேதி³தப்³போ³. ததா² ஹி அயங்

அரியமக்³பா⁴வனானுயுத்தோ யோகீ³ விபஸ்ஸனாக்க²ணே கிச்சதோ
தத³ங்க³விவேகனிஸ்ஸிதங், அஜ்ஜ²ஸயதோ நிஸ்ஸரணவிவேகனிஸ்ஸிதங்,
மக்³காலே பன கிச்சதோ ஸமுச்சே²த³விவேகனிஸ்ஸிதங், ஆரம்மணதோ
நிஸ்ஸரணவிவேகனிஸ்ஸிதங் ஸம்மாதி³ட்டி²ங் பா⁴வேதி. ஏஸ நயோ
விராக³னிஸ்ஸிதாதீ³ஸு. விவேகத்தா² ஏவ ஹி விராகா³த³யோ .

கேவலஞ்செத்த² வொஸ்ஸக்³கோ³ து³விதோ⁴ பரிச்சாக³வொஸ்ஸக்³கோ³ ச
பக்க²ந்த³னவொஸ்ஸக்³கோ³ சாதி. தத்த² பரிச்சாக³வொஸ்ஸக்³கோ³தி
விபஸ்ஸனாக்க²ணே ச தத³ங்க³வஸேன, மக்³கக்க²ணே ச ஸமுச்சே²த³வஸேன
கிலேஸப்பஹானங். பக்க²ந்த³னவொஸ்ஸக்³கோ³தி விபஸ்ஸனாக்க²ணே
தன்னின்னபா⁴வேன, மக்³கக்க²ணே பன ஆரம்மணகரணேன
நிப்பா³னபக்க²ந்த³னங், தது³ப⁴யம்பி இமஸ்மிங் லோகியலோகுத்தரமிஸ்ஸகே
அத்த²வண்ணனானயே வட்டதி. ததா² ஹி அயங் ஸம்மாதி³ட்டி² யதா²வுத்தேன
பகாரேன கிலேஸே ச பரிச்சஜதி, நிப்பா³னஞ்ச பக்க²ந்த³தி.

வொஸ்ஸக்³பரிணாமிந்தி இமினா பன ஸகலேன வசனேன
வொஸ்ஸக்³கத்த²ங் பரிணமந்தங் பரிணதஞ்ச, பரிபச்சந்தங் பரிபக்கஞ்சாதி
இத³ங் வுத்தங் ஹோதி. அயஞ்ஹி அரியமக்³பா⁴வனானுயுத்தோ பி⁴க்கு²
யதா² ஸம்மாதி³ட்டி² கிலேஸபரிச்சாக³வொஸ்ஸக்³கத்த²ங்
நிப்பா³னபக்க²ந்த³னவொஸ்ஸக்³கத்த²ஞ்ச பரிபச்சதி, யதா² ச பரிபக்கா ஹோதி,
ததா² நங் பா⁴வேதீதி. ஏஸ நயோ ஸேஸமக்³ங்கே³ஸு.

ஆக³ம்மாதி ஆரப்³ப⁴ ஸந்தா⁴ய படிச்ச. ஜாதித⁴ம்மாதி ஜாதிஸபா⁴வா
ஜாதிபகதிகா. தஸ்மாதி யஸ்மா ஸகலோ அரியமக்³கோ³பி கல்யாணமித்தங்
நிஸ்ஸாய லப்³ப⁴தி, தஸ்மா. ஹந்தா³தி வவஸ்ஸக்³கத்தே² நிபாதோ.
அப்பமாத³ங் பஸங்ஸந்தீதி அப்பமாத³ங் வண்ணயந்தி, தஸ்மா அப்பமாதோ³
காதப்³போ³. அத்தா²பி⁴ஸமயாதி அத்த²படிலாபா⁴. அட்ட²மங்.

9. பட²மஅபுத்தகஸுத்தவண்ணனா

130. நவமே தி³வா தி³வஸ்ஸாதி தி³வஸஸ்ஸ தி³வா,
மஜ்ஜ²ன்ஹிகஸமயேதி அத்தோ². ஸாபதெய்யந்தி த⁴னங். கோ பன வாதோ³
ரூபியஸ்ஸாதி
ஸுவண்ணரஜததம்ப³லோஹகாளலோஹபா²லகச்ச²பகாதி³பே⁴த³ஸ்ஸ
க⁴னகதஸ்ஸ சேவ பரிபோ⁴க³பா⁴ஜனாதி³பே⁴த³ஸ்ஸ ச
ரூபியப⁴ண்ட³ஸ்ஸ பன கோ வாதோ³? “எத்தகங் நாமா”தி கா பரிச்சே²த³கதா²தி
அத்தோ². கணாஜகந்தி ஸகுண்ட³கப⁴த்தங். பி³லங்க³து³தியந்தி
கஞ்ஜிகது³தியங். ஸாணந்தி ஸாணவாகமயங் . திபக்க²வஸனந்தி தீணி
கண்டா³னி த்³வீஸு டா²னேஸு ஸிப்பி³த்வா கதனிவாஸனங்.

அஸப்புரிஸோதி லாமகபுரிஸோ. உத்³த⁴க்³கிகந்திஆதீ³ஸு
உபருபரிபூ⁴மீஸு ப²லதா³னவஸேன உத்³த⁴ங் அக்³க³மஸ்ஸாதி
உத்³த⁴க்³கிகா. ஸக்³க³ஸ்ஸ ஹிதா தத்ருபபத்திஜனநதோதி ஸோவக்³கிகா.
நிப்³புத்தட்டா²னேஸு ஸுகோ² விபாகோ அஸ்ஸாதி ஸுக²விபாகா. ஸுட்டு²
அக்³கா³னங் திப்³புவண்ணாதீ³னங் விஸேஸானங் நிப்³புத்தனதோ
ஸக்³க³ஸங்வத்தனிகா. ஏவருபங் த³க்கி²ணதா³னங் ந பதிட்டா²பேதீதி.

ஸாதோத³காதி மது⁴ரோத³கா. ஸெத்தோத³காதி வீனங்
பி⁴ன்னட்டா²னே உத³கஸ்ஸ ஸேததாய ஸேதோத³கா. ஸுபதித்தா²தி
ஸுந்த³ரதித்தா². தங் ஜனோதி யேன உத³கேன ஸாதோத³கா, தங் உத³கங்
ஜனோ பா⁴ஜனானி பூரெத்வா நேவ ஹரெய்ய. ந யதா²பச்சயங் வா
கரெய்யாதி, யங் யங் உத³கேன உத³ககிச்சங் காதப்³பங், தங் தங் ந கரெய்ய.
தத³பெய்யமானந்தி தங் அபெய்யமானங். கிச்சகரோ ச ஹோதீதி அத்தனா
கத்தப்³பகிச்சகரோ சேவ குஸலகிச்சகரோ ச, பு⁴ஞ்ஜதி ச, கம்மந்தே ச
பயோஜேதி, தா³னஞ்ச தே³தீதி அத்தோ². நவமங்.

10. து³தியஅபுத்தகஸுத்தவண்ணனா

131. த³ஸமே பிண்ட³பாதேன படிபாதே³ஸீதி பிண்ட³பாதேன ஸத்³தி⁴ங்
ஸங்யோஜேஸி, பிண்ட³பாதங் அதா³ஸீதி அத்தோ². பக்காமீதி கேனசிதே³வ
ராஜபட்டா²னாதி³னா கிச்சேன க³தோ. பச்சா² விப்படிஸாரீ அஹோஸீதி ஸோ
கிர அஞ்ஞேஸுபி தி³வஸேஸு தங் பச்சேகஸம்புத்த³த⁴ங் பஸ்ஸதி, தா³துங்
பனஸ்ஸ சித்தங் ந உப்பஜ்ஜதி. தஸ்மிங் பன தி³வஸே அயங்
பது³மவதிதே³வியா ததியபுத்தோ தக்³க³ரஸிகீ² பச்சேகபுத்த³தோ⁴
க³ந்த⁴மாத³னபப்³பதே ப²லஸமாபத்திஸுகே²ன வீதினாமெத்வா
புப்³புண்ணஹஸமயே வுட்டா²ய அனோதத்தத³ஹே முக²ங் தோ⁴வித்வா
மனோஸிலாதலே நிவாஸெத்வா காயப³ந்த⁴னங் ப³ந்தி⁴த்வா
பத்தசீவரமாதா³ய அபி⁴ஞ்ஞாபாத³கங் சதுத்த²ஜ்ஜா²னங் ஸமாபஜ்ஜித்வா
இத்³தி⁴யா வேஹாஸங் அப்³பு⁴க்³க³ந்த்வா நக³ரத்³வாரே ஒருய்ஹ சீவரங்
பாருபித்வா பத்தமாதா³ய நக³ரவாஸீனங் க⁴ரத்³வாரேஸு
ஸஹஸ்ஸப⁴ண்டிகங் ட²பெந்தோ விய பாஸாதி³கேஹி அபி⁴க்கந்தாதீ³ஹி
அனுபுப்³பேன ஸெட்டி²னோ க⁴ரத்³வாரங் ஸம்பத்தோ. தங்தி³வஸஞ்ச ஸெட்டி²
பாதோவ உட்டா²ய பணீதபோ⁴ஜனங் பு⁴ஞ்ஜித்வா, க⁴ரத்³வாரகொட்ட²கே
ஆஸனங் பஞ்ஞாபெத்வா, த³ந்தந்தரானி ஸோதெ⁴ந்தோ நிஸின்னோ ஹோதி.
ஸோ பச்சேகபுத்த³த⁴ங் தி³ஸ்வா, தங்தி³வஸங் பாதோ பு⁴த்வா நிஸின்னத்தா
தா³னசித்தங் உப்பாதெ³த்வா, ப⁴ரியங் பக்கோஸாபெத்வா, “இமஸ்ஸ
ஸமணஸ்ஸ பிண்ட³பாதங் தே³ஹி”தி வத்வா பக்காமி.

ஸெட்டி²ப⁴ரியா சிந்தேஸி - “மயா எத்தகேன காலேன இமஸ்ஸ ‘தே³தா²”தி வசனங் ந ஸுதபு³ப³ங், தா³பெந்தோபி ச அஜ்ஜ ந யஸ்ஸ வா தஸ்ஸ வா தா³பேதி, வீதராக³தோ³ஸமோஹஸ்ஸ வந்தகிலேஸஸ்ஸ ஒஹிதபா⁴ரஸ்ஸ பச்சேகபு³த்⁴ஸ்ஸ தா³பேதி, யங் வா தங் வா அத³த்வா பணீதங் பிண்ட³பாதங் த³ஸ்ஸாமீ”தி, க⁴ரா நிக்க²ம்ம பச்சேகபு³த்⁴ங் பஞ்சபதிட்டி²தேன வந்தி³த்வா பத்தங் ஆதா³ய அந்தோனிவேஸனே பஞ்ஞத்தாஸனே நிஸீதா³பெத்வா ஸுபரிஸுத்³தே⁴ஹி ஸாலிதண்டு³லேஹி ப⁴த்தங் ஸம்பாதெ³த்வா தத³னுருபங் கா²த³னீயங் ப்யஞ்ஜனங் ஸுபெய்யஞ்ச ஸல்லக்கெ²த்வா பத்தங் பூரெத்வா ப³ஹி க³ந்தே⁴ஹி ஸமலங்கரித்வா பச்சேகபு³த்⁴ஸ்ஸ ஹத்தே²ஸு பதிட்ட²பெத்வா வந்தி³. பச்சேகபு³த்³தோ⁴ - “அஞ்ஞேஸம்பி பச்சேகபு³த்³தா⁴னங் ஸங்க³ஹங் கரிஸ்ஸாமீ”தி அபரிபு⁴ஞ்ஜித்வாவ அனுமோத³னங் கத்வா பக்காமி. ஸோபி கோ² ஸெட்டி² பா³ஹிரதோ ஆக³ச்ச²ந்தோ பச்சேகபு³த்⁴ங் தி³ஸ்வா மயங் “தும்ஹாகங் பிண்ட³பாதங் தே³தா²”தி வத்வா பக்கந்தா, அபி வோ லத்³தோ⁴தி? ஆம, ஸெட்டி² லத்³தோ⁴தி. “பஸ்ஸாமீ”தி கீவங் உக்கி²பித்வா ஒலோகேஸி. அத²ஸ்ஸ பிண்ட³பாதக³ந்தோ⁴ உட்ட²ஹித்வா நாஸாபுடங் பஹரி. ஸோ சித்தங் ஸங்யமேதுங் அஸக்கொந்தோ பச்சா² விப்படிஸாரீ ஆஹோஸீதி.

வரமேதந்திஆதி³ விப்படிஸாரஸ்ஸ உப்பன்னாகாரத³ஸ்ஸனங். பா⁴து ச பன ஏகபுத்தகங் ஸாபதெய்யஸ்ஸ காரணா ஜீவிதா வோரோபேஸீதி ததா³ கிரஸ்ஸ அவிப⁴த்தேயேவ குடும்பே³ மாதாபிதரோ ச ஜெட்ட²பா⁴தா ச காலமகங்ஸு. ஸோ பா⁴துஜாயாய ஸத்³தி⁴ங்யேவ ஸங்வாஸங் கப்பேஸி. பா⁴து பனஸ்ஸ ஏகோ புத்தோ ஹோதி, தங் வீதி²யா கீளந்தங் மனுஸ்ஸா வத³ந்தி - “அயங் தா³ஸோ அயங் தா³ஸீ இத³ங் யானங் இத³ங் த⁴னங் தவ ஸந்தக³ந்தி. ஸோ தேஸங் கத²ங் க³ஹெத்வா - “அயங் தா³ஸோ மய்ஹங் ஸந்தக³ந்திஆதீ³னி கதே²தி.

அத²ஸ்ஸ துளபிதா சிந்தேஸி - “அயங் தா³ரகோ இதா³னேவ ஏவங் கதே²ஸி, மஹல்லககாலே குடும்ப³ங் மஜ்ஜே² பி⁴ந்தா³பெய்ய, இதா³னேவஸ்ஸ கத்த³ப³ங் கரிஸ்ஸாமீ”தி ஏகதி³வஸங் வாஸிங் ஆதா³ய - “ஏஹி புத்த, அரஞ்ஞங் க³ச்சா²மா”தி தங் அரஞ்ஞங் நெத்வா விரவந்தங் விரவந்தங் மாரெத்வா ஆவாடே பக்கி²பித்வா பங்ஸுனா படிச்சா²தே³ஸி. இத³ங் ஸந்தா⁴யேதங் வுத்தங். ஸத்தக்க²த்துந்தி ஸத்தவாரே. பு³ப³பச்சி²மசேதனாவஸேன செத்த² அத்தோ² வேதி³த³போ³. ஏகபிண்ட³பாததா³னஸ்மிஞ்ஹி ஏகாவ சேதனா த்³வே படிஸந்தி⁴யோ ந தே³தி, பு³ப³பச்சி²மசேதனாஹி பனேஸ ஸத்தக்க²த்துங் ஸக்³கே³, ஸத்தக்க²த்துங் ஸெட்டி²குலே நிப³பத்தோ. புராணந்தி பச்சேகஸம்பு³த்⁴ஸ்ஸ தி³ன்னபிண்ட³பாதசேதனாகம்மங்.

பரிக்கஹந்தி பரிக்கஹிதவத்து². அனுஜீவினோதி ஏகங் மஹாகுலங் நிஸ்ஸாய பண்ணாஸம்பி ஸட்டி²பி குலானி ஜீவந்தி, தே மனுஸ்ஸே ஸந்தா⁴யேதங் வுத்தங். ஸப்பங் நாதாய கந்தப்பந்தி ஸப்பமேதங் ந ஆதியித்வா கந்தப்பங். ஸப்பங் நிக்கிப்பகாமினந்தி ஸப்பமேதங் நிக்கிப்பஸபா⁴வங், பரிச்சஜிதப்பஸபா⁴வமேவாதி அத்தோ². துஸமங்.

துதியோ வக்கோ³.

3. ததியவக்கோ³

1. பக்கலஸுத்தவண்ணனா

132. ததியவக்கஸு பட²மே “நீசே குலே பச்சாஜாதோ”திஆதி³கேன தமேன யுத்தோதி தமோ. காயதுச்சரிதாதீஹி புன நிரயதமூபகமனதோ தமபராயணோ. இதி உப⁴யேனபி கந்த⁴தமோவ கதி²தோ ஹோதி. “உச்சே குலே பச்சாஜாதோ”திஆதி³கேன ஜோதினா யுத்ததோ ஜோதி, ஆலோகீபு⁴தோதி வுத்தங் ஹோதி. காயஸுசரிதாதீஹி புன ஸக்கூப்பத்திஜோதிபா⁴வூபகமனதோ ஜோதிபராயணோ. இமினா நயேன இதரேபி த்வே வேதி³தப்பா³.

வேனகுலேதி விலீவகாரகுலே. நேஸாதகுலேதி மிக்லுத்தகாதீனங் குலே. ரத்காரகுலேதி சம்மகாரகுலே. பக்குஸகுலேதி புப்பசு²ட³ககுலே. கஸிரவுத்திகேதி துக்க²வுத்திகே. துப்பண்ணோதி பங்ஸுபிஸாசகோ விய ஜாமகா²ணுவண்ணோ. துத்தஸிகோதி விஜாதமாதுயாபி அமனாபதஸுஸனோ . ஓகோடிமகோதி லகுண்ட³கோ. கானோதி ஏகக்கிகானோ வா உப⁴யக்கிகானோ வா. குணீதி ஏகஹத்த²குணீ வா உப⁴யஹத்த²குணீ வா. கஞ்ஜோதி ஏகபாதகஞ்ஜோ வா உப⁴யபாதகஞ்ஜோ வா. பக்கஹதோதி ஹதபக்கோ² பீட²ஸப்பீ. பதீபெய்யஸஸாதி தேலகபல்லகாதி³னோ பதீபஉபகரணஸ்ஸ. ஏவங் கோ², மஹாராஜாதி எத்த² ஏகோ பக்கலோ பஹித்தா⁴ ஆலோகங் அதிஸ்வா மாதுகுச்சி²ஸ்மிங்யேவ காலங் கத்வா அபாயேஸு நிப்பத்தந்தோ ஸகலங் கப்பம்பி ஸங்ஸரதி, ஸோபி தமோதமபராயணாவ. ஸோ பன குஹகபக்கலோ ப⁴வெய்ய. குஹகஸ்ஸ ஹி ஏவருபா நிப்பத்தி ஹோதீதி வுத்தங்.

எத்த² ச “நீசே குலே பச்சாஜாதோ ஹோதி சண்டாலகுலே வா”திஆதீஹி ஆகமனவிபத்தி சேவ புப்பப்பன்னபச்சயவிபத்தி ச துஸ்ஸிதா. துலித்தேதிஆதீஹி பவத்தபச்சயவிபத்தி. கஸிரவுத்திகேதிஆதீஹி ஆஜீவுபாயவிபத்தி. துப்பண்ணோதிஆதீஹி அத்தபா⁴வவிபத்தி. பவஹாபாதோ⁴திஆதீஹி துக்ககாரணஸமாயோகோ³. ந லாபீ⁴திஆதீஹி ஸுக்காரணவிபத்தி சேவ உபபோ⁴கவிபத்தி ச. காயேன துச்சரிதந்திஆதீஹி

தம்பராயணபா⁴வஸ்ஸ காரணஸமாயோகோ³. காயஸ்ஸ பே⁴தா³திஆதீ³ஹி
ஸம்பராயிகதமுபக்³மோ. ஸுக்கபக்கோ² வுத்தபடிபக்க²னயேன வேதி³தப்³போ³.

அக்கோஸதீதி த³ஸஹி அக்கோஸவத்தூ²ஹி அக்கோஸதி. பரிபா⁴ஸதீதி,
“கஸ்மா திட்ட²த²? கிங் தும்ஹேஹி அம்ஹாகங் கஸிகம்மாதி³னி
கதானீ³திஆதீ³ஹி? பரிபா⁴வவசனேஹி பரிபா⁴ஸதி. ரோஸகோதி க⁴ட்டகோ.
அப்யக்³மனஸோதி ஏகக்³சித்தோ. பட²மங்.

2. அய்யிகாஸுத்தவண்ணனா

133. து³தியே ஜிண்ணாதி ஜராஜிண்ணா. வுட்³டா⁴தி வயோவுட்³டா⁴.
மஹல்லிகாதி ஜாதிமஹல்லிகா. அத்த⁴க³தாதி அத்த⁴ங் சிரகாலங்
அதிக்கந்தா. வயோஅனுப்பத்தாதி பச்சி²மவயங் ஸம்பத்தா. பியா மனாபாதி
ரஞ்ஞோ கிர மாதரி மதாய அய்யிகா மாதுட்டா²னே ட²த்வா படிஜக்³கி³,
தேனஸ்ஸ அய்யிகாய ப³லவபேமங் உப்பஜ்ஜி. தஸ்மா ஏவமாஹ.
ஹத்தி²ரதனேனாதி ஸதஸஹஸ்ஸக்³க⁴னகோ ஹத்தி²
ஸதஸஹஸ்ஸக்³க⁴னகேன அலங்காரேன அலங்கதோ ஹத்தி²ரதனங் நாம.
அஸ்ஸரதனேபி ஏஸேவ நயோ. கா³மவரோபி
ஸதஸஹஸ்ஸுட்டா²னககா³மோவ. ஸப்³பா³னி தானி பே⁴த³னத⁴ம்மானீதி
தேஸு ஹி கிஞ்சி கரியமானமேவ பி⁴ஜ்ஜதி, கிஞ்சி கதபரியோஸிதங் சக்கதோ
அனபனீதமேவ, கிஞ்சி அபனெத்வா பூ⁴மியங் ட²பிதமத்தங், கிஞ்சி ததோ பரங்,
ஏவமேவ ஸத்தேஸுபி கோசி படிஸந்தி⁴ங் க³ஹெத்வா மரதி, கோசி
மூள்ஹக்³பா⁴ய மாதரி மாதுகுச்சி²தோ அனிக்க²ந்தோவ, கோசி
நிக்க²ந்தமத்தோ, கோசி ததோ பரந்தி. தஸ்மா ஏவமாஹ. து³தியங்.

134. ததியே ஸப்³பங் உத்தானமேவ. ததியங்.

4. இஸ்ஸத்தஸுத்தவண்ணனா

135. சதுத்த²ஸ்ஸ அட்டு²ப்பத்திகோ நிக்கே²போ. ப⁴க³வதோ கிர
பட²மபோ³தி⁴யங் மஹாலாப⁴ஸக்காரோ உத³பாதி³ பி⁴க்கு²ஸங்க⁴ஸ்ஸ ச.
தித்தி²யா ஹதலாப⁴ஸக்காரா ஹுத்வா குலேஸு ஏவங் கந்தெ²ந்தா விசரந்தி -
“ஸமணோ கோ³தமோ ஏவமாஹ, ‘மய்ஹமேவ தா³னங் தா³தப்³பங், ந
அஞ்ஞேஸங் தா³னங் தா³தப்³பங். மய்ஹமேவ ஸாவகானங் தா³னங்
தா³தப்³பங், ந அஞ்ஞேஸங் ஸாவகானங் தா³னங் தா³தப்³பங். மய்ஹமேவ
தி³ன்னங் மஹப்ப²லங், ந அஞ்ஞேஸங் தி³ன்னங் மஹப்ப²லங். மய்ஹமேவ
ஸாவகானங் தி³ன்னங் மஹப்ப²லங், ந அஞ்ஞேஸங் ஸாவகானங் தி³ன்னங்
மஹப்ப²லந்தி. யுத்தங் நு கோ² ஸயம்பி பி⁴க்கா²சாரனிஸ்ஸிதேன பரேஸங்
பி⁴க்கா²சாரனிஸ்ஸிதானங் சதுன்னங் பச்சயானங் அந்தராயங் காதுங்,
அயுத்தங் கரோதி அனநுச்ச²விக²ந்தி. ஸா கதா² பத்த²ரமானா ராஜகுலங்

ஸம்பத்தா. ராஜா ஸுத்வா சிந்தேஸி - “அட்டா²னமேதங் யங் ததா²க³தோ
பரேஸங் லாப⁴ந்தராயங் கரெய்ய. ஏதே ததா²க³தஸ்ஸ அலாபா⁴ய அயஸாய
பரிஸக்கந்தி. ஸசாஹங் இதே⁴வ ட²த்வா ‘மா ஏவங் அவோசுத்த², ந ஸத்தா²
ஏவங் கதே²தீ¹தி வதெ³ய்யங், ஏவங் ஸா கதா² நிஜ்ஜ²த்திங் ந க³ச்செ²ய்ய,
இமஸ்ஸ மஹாஜனஸ்ஸ ஸன்னிபதிதகாலேயேவ நங் நிஜ்ஜா²பெஸ்ஸாமீ¹தி
ஏகங் ச²ணதி³வஸங் ஆக³மெந்தோ துண்ஹீ அஹோஸி.

அபரேன ஸமயேன மஹாச²ணே ஸம்பத்தே “அயங் இமஸ்ஸ காலோ”தி
நக³ரே பே⁴ரிங் சராபேஸி - “ஸத்தா⁴ வா அஸ்ஸத்தா⁴ வா
ஸம்மாதி³ட்டி²கா வா மிச்சா²தி³ட்டி²கா வா கே³ஹரக்க²கே தா³ரகே வா
மாதுகா³மே வா ட²பெத்வா அவஸேஸா யே விஹாரங் நாக³ச்ச²ந்தி,
பஞ்ஞாஸங் த³ண்டோ³தி. ஸயம்பி பாதோவ ந்ஹத்வா கதபாதராலோ
ஸப்³பா³ப⁴ரணபடிமண்டி³தோ மஹதா ப³லகாயேன ஸத்தி³தி⁴ங் விஹாரங்
அக³மாஸி. க³ச்ச²ந்தோ ச சிந்தேஸி - “ப⁴க³வா தும்ஹே கிர ஏவங் வத³த²
‘மய்ஹமேவ தா³னங் தா³தப்³பங்...பே... ந அஞ்ஞேஸங் ஸாவகானங் தி³ன்னங்
மஹப்ப²ல¹ந்தி ஏவங் புச்சி²துங் அயுத்தங், பஞ்ஹமேவ புச்சி²ஸ்ஸாமி, பஞ்ஹங்
கதே²ந்தோ ச மே ப⁴க³வா அவஸானே தித்தி²யானங் வாத³ங்
ப⁴ஞ்ஜிஸ்ஸதீ¹தி. ஸோ பஞ்ஹங் புச்ச²ந்தோ கத்த² நு கோ², ப⁴ந்தே, தா³னங்
தா³தப்³பந்தி ஆஹ. யத்தா²தி யஸ்மிங் புக்³க³லே சித்தங் பஸீத³தி, தஸ்மிங்
தா³தப்³பங், தஸ்ஸ வா தா³தப்³பந்தி அத்தோ².

ஏவங் வுத்தே ராஜா யேஹி மனுஸ்ஸேஹி தித்தி²யானங் வசனங்
ஆரோசிதங், தே ஓலோகேஸி. தே ரஞ்ஞா ஓலோகிதமத்தாவ மங்குபூ⁴தா
அதோ⁴முகா² பாத³ங்கு³ட்ட²கேன பூ⁴மிங் லேக²மானா அட்ட²ங்ஸு. ராஜா -
“ஏகபதே³னேவ, ப⁴ந்தே, ஹதா தித்தி²யா”தி மஹாஜனங் ஸாவெந்தோ
மஹாஸத்தே³ன அபா⁴ஸி. ஏவஞ்ச பன பா⁴ஸித்வா - “ப⁴க³வா சித்தங் நாம
நிக³ண்டா²சேலகபரிப்³பா³ஜகாதீ³ஸு யத்த² கத்த²சி பஸீத³தி , கத்த² பன,
ப⁴ந்தே, தி³ன்னங் மஹப்ப²ல¹ந்தி புச்சி². அஞ்ஞங் கோ² ஏதந்தி, “மஹாராஜ,
அஞ்ஞங் தயா பட²மங் புச்சி²தங், அஞ்ஞங் பச்சா², ஸல்லக்கே²ஹி ஏதங்,
பஞ்ஹாகத²னங் பன மய்ஹங் பா⁴ரோ”தி வத்வா ஸீலவதோ
கோ²திஆதி³மாஹ. தத்த² இத⁴ த்யஸ்ஸாதி இத⁴ தே அஸ்ஸ.
ஸமுபப்³யூள்ஹோதி ராஸிபூ⁴தோ. அஸிக்கி²தோதி த⁴னுஸிப்பே
அஸிக்கி²தோ. அகதஹத்தோ²தி முட்டி²ப³ந்தா⁴தி³வஸேன
அஸம்பாதி³தஹத்தோ². அகதயொக்³கோ³தி திணபுஞ்ஜமத்திகாபுஞ்ஜாதீ³ஸு
அகதபரிசயோ. அகதூபாஸனோதி ராஜராஜமஹாமத்தானங்
அத³ஸ்ஸிதஸரக்கே²போ. ச²ம்பீ⁴தி பவேதி⁴தகாயோ.

காமச்ச²ந்தோ³ பஹீனோதிஆதீ³ஸு அரஹத்தமக்³கே³ன காமச்ச²ந்தோ³
பஹீனோ ஹோதி, அனாகா³மிமக்³கே³ன ப³யாபாதோ³ , அரஹத்தமக்³கே³னேவ

தி²னமித்³த⁴ங், ததா² உத்³த⁴ச்சங், ததியேனேவ குக்குச்சங், பட²மமக்³கே³ன விசிகிச்சா² பஹீனா ஹோதி. அஸெக்கே²ன ஸீலக்க²ந்தே⁴னாதி அஸெக்க²ஸ்ஸ ஸீலக்க²ந்தோ⁴ அஸெக்கோ² ஸீலக்க²ந்தோ⁴ நாம. ஏஸ நயோ ஸப்³புத்த². எத்த² ச புரிமேஹி சதுஹி பதே³ஹி லோகியலோகுத்தரஸீலஸமாதி⁴பஞ்ஞாவிமுத்தியோ கதி²தா. விமுத்திஞாணத³ஸ்ஸனங் பச்சவெக்க²ணஞாணங் ஹோதி, தங் லோகியமேவ.

இஸ்ஸத்தந்தி உஸுஸிப்பங். ப³லவீரியந்தி எத்த² ப³லங் நாம வாயோதா⁴து, வீரியங் காயிகசேதஸிகவீரியமேவ. ப⁴ரேதி ப⁴ரெய்ய. நாஸூரங் ஜாதிபச்சயாதி, “அயங் ஜாதிஸம்பன்னோ”தி ஏவங் ஜாதிகாரணா அஸூரங் ந ப⁴ரெய்ய.

க²ந்திஸோரச்சந்தி எத்த² க²ந்தீதி அதி⁴வாஸனக²ந்தி, ஸோரச்சந்தி அரஹத்தங். த⁴ம்மாதி ஏதே த³வே த⁴ம்மா. அஸ்ஸமேதி ஆவஸதே². விவனேதி அரஞ்ஞட்டா²னே, நிருத³கே அரஞ்ஞே சதுரஸ்ஸபொக்க²ரணிஆதீ³னி காரயேதி அத்தோ². து³க்³கே³தி விஸமட்டா²னே. ஸங்கமனானீதி பண்ணாஸஹத்த²ஸட்டி²ஹத்தா²னி ஸமோகிண்ணபரிஸுத்³த⁴வாலிகானி ஸங்கமனானி கரெய்ய.

இதா³னி ஏதேஸு அரஞ்ஞஸேனாஸனேஸு வஸந்தானங் பி⁴க்க²னங் பி⁴க்கா²சாரவத்தங் ஆசிக்க²ந்தோ அன்னங் பாணந்திஆதி³மாஹ. தத்த² ஸேனாஸனானீதி மஞ்சபீடா²தீ³னி. விப்பஸன்னேனாதி கீ²ணாஸவஸ்ஸ தெ³ந்தோபி ஸகங்கே²ன கிலேஸமலினேன சித்தேன அத³த்வா விப்பஸன்னேனேவ சித்தேன த³தெ³ய்ய. த²னயந்தி க³ஜ்ஜந்தோ. ஸதக்ககூதி ஸதஸிக²ரோ, அனேககூடோதி அத்தோ². அபி⁴ஸங்க²ச்சாதி அபி⁴ஸங்க²ரித்வா ஸமோதா⁴னெத்வா ராஸிங் கத்வா.

ஆமோத³மானோதி துட்ட²மானஸோ ஹுத்வா. பகிரேதீதி தா³னக்³கே³ விசிரதி, பகிரந்தோ விய வா தா³னங் தே³தி. புஞ்ஞதா⁴ராதி அனேகதா³னசேதனாமயா புஞ்ஞதா⁴ரா. தா³தாரங் அபி⁴வஸ்ஸதீதி யதா² ஆகாஸே ஸமுட்டி²தமேக⁴தோ நிக்க²ந்தா உத³கதா⁴ரா பத²விங் ஸினேஹயந்தீ தேமெந்தீ கிலேத³யந்தீ அபி⁴வஸ்ஸதி, ஏவமேவ அயம்பி தா³யகஸ்ஸ அப்³ப⁴ந்தரே உப்பன்னா புஞ்ஞதா⁴ரா தமேவ தா³தாரங் அந்தோ ஸினேஹேதி பூரேதி அபி⁴ஸந்தே³தி. தேன வுத்தங் “தா³தாரங் அபி⁴வஸ்ஸதீ”தி. சதுத்த²ங்.

5. பப்³புதுபமஸுத்தவண்ணனா

136. பஞ்சமே முத்³தா⁴வஸித்தானந்தி க²த்தியாபி⁴ஸேகேன முத்³த⁴னி அவஸித்தானங் கதாபி⁴ஸேகானங். காமகே³த⁴பரியுட்டி²தானந்தி காமேஸு

கேதேன பரியுட்டிதானங் அபிபூதானங். ஜனபதத்தாவரியப்பத்தானந்தி
 ஜனபதே திரபாவப்பத்தானங். ராஜகரணியானீதி ராஜகம்மானி ராஜஹி
 கத்தப்ப்சிகிச்சானி. தேஸு க்வாஹந்தி தேஸு அஹங். உஸுக்கமாபன்னோதி
 ப்யாபாரங் ஆபன்னோ. ஏஸு கிர ராஜா திவஸஸ்ஸ திக்கத்துங் பக்வதோ
 உபட்டானங் கச்சதி, அந்தராக்மனானி பஹுனிபி ஹொந்தி. தஸ்ஸ
 நிபத்தங் கச்சதோ ப்லகாயோ மஹாபி ஹொதி அப்போபி. அதேகதிவஸங்
 பஞ்சஸதா சோரா சிந்தயிங்ஸு - “அயங் ராஜா அவேலாய அப்பேன ப்லேன
 ஸமணஸ்ஸ கோதமஸ்ஸ உபட்டானங் கச்சதி, அந்தராமக்கே நங்
 கஹெத்வா ரஜ்ஜங் கண்ணஹிஸ்ஸாமா”தி. தே அந்தவனே நிலீயிங்ஸு.
 ராஜானோ ச நாம மஹாபுஞ்ஞா ஹொந்தி. அதே தேஸங்யேவ அப்பந்தரதோ
 ஏகோ புரிஸோ நிக்கமித்வா ரஞ்ஞோ ஆரோசேஸி. ராஜா மஹந்தங் ப்லகாயங்
 ஆதாய அந்தவனங் பரிவாரெத்வா தே ஸப்பே கஹெத்வா அந்தவனதோ
 யாவ நகரத்வாரா மக்கஸ்ஸ உபோஸு பஸ்ஸேஸு யதா அஞ்ஞமஞ்ஞங்
 சக்குனா சக்குங் உபனிபந்தித்வா ஒலோகெந்தி, ஏவங் ஆஸன்னானி
 ஸுலானி ரோபாபெத்வா ஸுலேஸு உத்தாஸேஸி. இதங் ஸந்தாய
 ஏவமாஹ.

அதே ஸத்தா சிந்தேஸி - “ஸசாஹங் வக்காமி, ‘மஹாராஜ, மாதீஸே நாம
 ஸம்மாஸம்புத்தே துரவிஹாரே வஸந்தே தயா ஏவருபங் தாருணங்
 கம்மங் கதங், அயுத்தங் தே கதந்தி, அதாயங் ராஜா மங்கு ஹுத்வா
 ஸந்தம்பிதுங் ந ஸக்குணெய்ய, பரியாயேன தம்மங் கதேந்தஸ்ஸேவ மே
 ஸல்லக்கெஸ்ஸதீ”தி தம்மதேஸனங் ஆரபந்தோ தங் கிங்
 மஞ்ஞஸீதிஆதிமாஹ. தத்தே ஸத்தாயிகோதி ஸத்தாதப்போ, யஸ்ஸ
 த்வங் வசனங் ஸத்தஹஸீதி அத்தோ. பச்சயிகோதி தஸ்ஸேவ வேவசனங்,
 யஸ்ஸ வசனங் பத்தியாயஸீதி அத்தோ. அப்பஸமந்தி ஆகாஸஸமங்.
 நிப்போதேந்தோ ஆகச்சதீதி பதவிதலதோ யாவ அகனிட்டப்ரஹ்மலோகா
 ஸப்பே ஸத்தே ஸண்ஹகரணியங் திணசுண்ணங் விய கரொந்தோ பிஸந்தோ
 ஆகச்சதி.

அஞ்ஞத்ர தம்மசரியாயாதி ட்பெத்வா தம்மசரியங் அஞ்ஞங் காதப்பங்
 நத்தி, த்ஸுகுஸலகம்மபதஸங்காதா தம்மசரியாவ கத்தப்பா, பந்தேதி -
 ஸமசரியாதீனி தஸ்ஸேவ வேவசனானி. ஆரோசேமீதி ஆசிக்காமி.
 படிவேதயாமீதி ஜானாபேமி. அதிவத்ததீதி அஜ்ஜொத்தரதி.
 ஹத்தியுத்தானீதி நாளாகிரிஸதிஸே ஹேமகப்பனே நாகே அபிருய்ஹ
 யுஜ்ஜிதப்பயுத்தானி. கதீதி நிப்பத்தி. விஸயோதி ஓகாஸோ,
 ஸமத்தபாவோ வா. ந ஹி ஸக்கா தேஹி ஜராமரணங் படிபாஹிதுங் .
 மந்தினோ மஹாமத்தாதி மந்தஸம்பன்னா
 மஹோஸதவிதுரபண்டிதாதிஸா மஹாமச்சா. பூமிகத்தந்தி
 மஹாலோஹகும்பியோ புரெத்வா பூமியங் ட்பிதங். வேஹாஸட்டந்தி

சம்மபஸிப்³ப³கே பூரெத்வா துலாஸங்கா⁴டாதீ³ஸு லக்³கெ³த்வா சேவ
நிய்யுஹாதீ³ஸு ச பூரெத்வா ட²பிதங். உபலாபேதுந்தி அஞ்ஞமஞ்ஞங்
பி⁴ந்தி³துங். யதா² த்³வே ஜனா ஏகேன மக்³கே³ன ந க³ச்ச²ந்தி ஏவங் காதுங்.

நப⁴ங் ஆஹச்சாதி ஆகாஸங் பூரெத்வா. ஏவங் ஜரா ச மச்ச சாதி இத⁴
த்³வேயேவ பப்³ப³தா க³ஹிதா, ராஜோவாதே³ பன “ஜரா ஆக³ச்ச²தி
ஸப்³ப³யொப்³ப³னங் விலும்பமானா”தி ஏவங் ஜரா மரணங் ப்யாதி⁴ விபத்தீதி
சத்தாரோபேதே ஆக³தாவ. தஸ்மாதி யஸ்மா ஹத்தி²யுத்³தா⁴தீ³ஹி
ஜராமரணங் ஜினிதுங் ந ஸக்கா, தஸ்மா. ஸத்³த⁴ங் நிவேஸயேதி ஸத்³த⁴ங்
நிவேஸய்ய, பதிட்டா²பெய்யாதி. பஞ்சமங்.

ததியோ வக்³கோ³.

இதி ஸாரத்த²ப்பகாஸினியா

ஸங்யுத்தனிகாய-அட்ட²கதா²ய

கோஸலஸங்யுத்தவண்ணனா நிட்டி²தா.

4. மாரஸங்யுத்தங்

1. பட²மவக்³கோ³

1. தபோகம்மஸுத்தவண்ணனா

137. மாரஸங்யுத்தஸ்ஸ பட²மே உருவேலாயங் விஹரதீதி
படிவித்³த⁴ஸப்³ப³ஞ்ஞுதஞ்ஞானோ உருவேலகா³மங் உபனிஸ்ஸாய விஹரதி.
பட²மாபி⁴ஸம்பு³த்³தோ⁴தி அபி⁴ஸம்பு³த்³தோ⁴ ஹுத்வா பட²மங்
அந்தோஸத்தாஹஸ்மிந்யேவ. து³க்கரகாரிகாயாதி ச²ப்³ப³ஸ்ஸானி கதாய
து³க்கரகாரிகாய. மாரோ பாபிமாதி அத்தனோ விஸயங் அதிக்மதிதுங்
படிபன்னே ஸத்தே மாரேதீதி மாரோ. பாபே நியோஜேதி, ஸயங் வா பாபே
நியுத்தோதி பாபிமா. அஞ்ஞானிபிஸ்ஸ கண்ணோ, அதி⁴பதி, வஸவத்தீ,
அந்தகோ, நமுசி, பமத்தப³ந்தூ⁴திஆதீ³னி ப³ஹு³னி நாமானி, இத⁴ பன
நாமத்³வயமேவ க³ஹிதங். உபஸங்கமீதி - “அயங் ஸமணோ கோ³தமோ
‘முத்தொஸ்மீதி மஞ்ஞதி, அமுத்தபா⁴வமஸ்ஸ கதெ²ஸ்ஸாமீ’தி சிந்தெத்வா
உபஸங்கமி.

தபோகம்மா அபக்கம்மாதி தபோகம்மதோ அபக்கமித்வா. அபரத்³தோ⁴தி
“து³ரே த்வங் ஸுத்³தி⁴மக்³கா³”தி வத³தி. அமரங் தபந்தி அமரதபங்
அமரபா⁴வத்தா²ய கதங் லூக²தபங், அத்தகிலமதா²னுயோகோ³.
ஸப்³பா³னத்தா²வஹங் ஹோதீதி, “ஸப்³ப³ங் தபங் மய்ஹங் அத்தா²வஹங் ந
ப⁴வதீ”தி ஞுத்வா. பி²யாரித்தங்வ த⁴ம்மனீதி அரஞ்ஞே த²லே பி²யாரித்தங்
விய. இத³ங் வுத்தங் ஹோதி - யதா² அரஞ்ஞே த²லே நாவங் ட²பெத்வா
ப⁴ண்ட³ஸ்ஸ பூரெத்வா மஹாஜனா அபி⁴ருஹித்வா பி²யாரித்தங்
க³ஹெத்வா ஸங்கட்³டெ⁴ய்யுங் சேவ உப்பீலெய்யுங் ச, ஸோ மஹாஜனஸ்ஸ
வாயாமோ ஏகங்கு³லத்³வங்கு³லமத்தம்பி நாவாய க³மனங் அஸாதெ⁴ந்தோ
நிரத்த²கோ ப⁴வெய்ய ந அனத்தா²வஹோ, ஏவமேவ அஹங் ‘ஸப்³ப³ங் அமரங்
தபங் அனத்தா²வஹங் ஹோதீதி ஞுத்வா விஸ்ஸஜ்ஜேஸிந்தி.

இதா³னி தங் அமரங் தபங் பஹாய யேன மக்³கே³ன பு³த்³தோ⁴ ஜாதோ, தங்
த³ஸ்ஸெந்தோ ஸீலந்திஆதி³மாஹ . தத்த² ஸீலந்தி வசனேன
ஸம்மாவாசாகம்மந்தாஜீவா க³ஹிதா, ஸமாதி⁴னா
ஸம்மாவாயாமஸதிஸமாத⁴யோ, பஞ்ஞாய ஸம்மாதி³ட்டி²ஸங்கப்பா. மக்³க³ங்
போ³தா⁴ய பா⁴வயந்தி இமங் அட்ட²ங்கிகமேவ அரியமக்³க³ங்
போ³த⁴த்தா²ய பா⁴வயந்தோ. எத்த² ச போ³தா⁴யாதி மக்³க³த்தா²ய. யதா² ஹி
யாகு³த்தா²ய யாகு³மேவ பசந்தி, புவத்தா²ய புவமேவ பசந்தி, ந அஞ்ஞங் கிஞ்சி
கரொந்தி, ஏவங் மக்³க³மேவ மக்³க³த்தா²ய பா⁴வேதி. தேனாஹ “மக்³க³ங்

போதாய் பாவய்ந்தி. பரமங் ஸுத்திந்தி அரஹத்தங். நிறுதோதி த்வங்
மயா நிறுதோ பராஜிதோ. படம்ங்.

2. ஹத்திராஜவண்ணஸுத்தவண்ணனா

138. துதியே ரத்தந்த்⁴காரதிமிஸாயந்தி ரத்திங் அந்த்⁴பாவகாரகே
மஹாதமே சதுரங்கே³ தமஸி. அப்போ⁴காஸே நிஸின்னோ ஹோதீதி
கந்த்⁴குடிதோ நிக்கமித்வா சங்கமனகோடியங் பாஸாணபலகே மஹாசீவரங்
ஸீஸே டபெத்வா பதா⁴னங் பரிக்க³ண்ஹமானோ நிஸின்னோ ஹோதி.

நனு ச ததா²கதஸ்ஸ அபா⁴விதோ வா மக்கோ³, அப்பஹீனா வா
கிலேஸா, அப்படிவித்த்⁴ங் வா அகுப்பங், அஸச்சிகதோ வா நிரோதோ⁴
நத்தி², கஸ்மா ஏவமகாஸீதி? அனாக³தே குலபுத்தானங் அங்குஸத்த்²ங்.
“அனாக³தே ஹி குலபுத்தா மயா க³தமக்க³ங் ஆவஜ்ஜித்வா
அப்போ⁴காஸவாஸங் வஸிதப்ப³ங் மஞ்ஞமானா பதா⁴னகம்மங்
கரிஸ்ஸந்தீ²தி ஸம்பஸ்ஸமானோ ஸத்தா² ஏவமகாஸி. மஹாதி மஹந்தோ.
அரிட்ட²கோதி காளகோ. மணீதி பாஸாணோ. ஏவமஸ்ஸ ஸீஸங் ஹோதீதி
ஏவருபங் தஸ்ஸ காளவண்ணங் கூடாகா³ரப்பமாணங் மஹாபாஸாணஸதி³ஸங்
ஸீஸங் ஹோதி.

ஸுபா⁴ஸுப⁴ந்தி தீக்⁴மத்தா⁴னங் ஸங்ஸரந்தோ ஸுந்த³ராஸுந்த³ரங்
வண்ணங் கத்வா ஆக³தோஸீதி வத³தி. அத² வா ஸங்ஸரந்தி ஸங்ஸரந்தோ
ஆக³ச்சந்தோ. தீக்⁴மத்தா⁴னந்தி வஸவத்திட்டா²னதோ யாவ உருவேலாய
தீக்⁴மக்க³ங், புரே போதாய் வா சப்ப³ஸ்ஸானி
துக்கரகாரிகஸமயஸங்கா²தங் தீக்⁴காலங். வண்ணங் கத்வா
ஸுபா⁴ஸுப⁴ந்தி ஸுந்த³ரஞ்ச அஸுந்த³ரஞ்ச நானப்பகாரங் வண்ணங் கத்வா
அனேகவாரங் மம ஸந்திகங் ஆக³தோஸீதி அத்தோ². ஸோ கிர வண்ணோ நாம
நத்தி², யேன வண்ணேன மாரோ விபி⁴ங்ஸகத்தா²ய ப⁴க³வதோ ஸந்திகங் ந
ஆக³தபுப்போ³. தேன தங் ப⁴க³வா ஏவமாஹ. அலங் தே தேனாதி அலங்
துய்ஹங் ஏதேன மாரவிபி⁴ங்ஸாகாரத³ஸ்ஸனப்பயாபாரேன. துதியங்.

3. ஸுப⁴ஸுத்தவண்ணனா

139. ததியே ஸுஸங்வுதாதி ஸுபிஹிதா. ந தே மாரவஸானுகா³தி, மார,
தே துய்ஹங் வஸானுகா³ ந ஹோந்தி. ந தே மாரஸ்ஸ பத்த³த⁴க³தி தே
துய்ஹங் மாரஸ்ஸ பத்த³த⁴சரா ஸிஸ்ஸா அந்தேவாஸிகா ந ஹோந்தி.
துதியங்.

4. படம்மாரபாஸஸுத்தவண்ணனா

140. சதுத்தே² யோனிஸோ மனஸிகாராதி உபாயமனஸிகாரேன. யோனிஸோ ஸம்மப்பதா⁴னாதி உபாயவீரியேன காரணவீரியேன. விமுத்தீதி அரஹத்தப²லவிமுத்தி. அஜ்ஜ²பா⁴ஸீதி “அயங் அத்தனா வீரியங் கத்வா அரஹத்தங் பத்வாபி ந துஸ்ஸதி, இதா³னி அஞ்ஞேஸம்பி ‘பாபுணாதா²’தி உஸ்ஸாஹங் கரோதி, படிபா³ஹேஸ்ஸாமி ந”ந்தி சிந்தெத்வா அபா⁴ஸி.

மாரபாஸேனாதி கிலேஸபாஸேன. யே தி³ப்³பா³ யே ச மானுஸாதி யே தி³ப்³பா³ காமகு³ணஸங்கா²தா மானுஸா காமகு³ணஸங்கா²தா ச மாரபாஸா நாம அத்தி², ஸப்³பே³ஹி தேஹி த்வங் ப³த்³தோ⁴தி வத³தி. மாரப³ந்த⁴னப³த்³தோ⁴தி மாரப³ந்த⁴னேன ப³த்³தோ⁴, மாரப³ந்த⁴னே வா ப³த்³தோ⁴. ந மே ஸமண மொக்க²ஸீதி ஸமண த்வங் மம விஸயதோ ந முச்சிஸ்ஸஸி. சதுத்த²ங்.

5. து³தியமாரபாஸஸுத்தவண்ணனா

141. பஞ்சமே முத்தாஹந்தி முத்தோ அஹங். புரிமங் ஸுத்தங் அந்தோவஸ்ஸே வுத்தங், இத³ங் பன பவாரெத்வா வுட்ட²வஸ்ஸகாலே. சாரிகந்தி அனுபுப்³பு³க³மனசாரிகங். (பவாரெத்வா) தி³வஸே தி³வஸே யோஜனபரமங் க³ச்ச²ந்தா சரதா²தி வத³தி. மா ஏகேன த்³வேதி ஏகமக்³கே³ன த்³வே ஜனா மா அக³மித்த². ஏவஞ்ஹி க³தேஸு ஏகஸ்மிங் த⁴ம்மங் தே³ஸெந்தே, ஏகேன துண்ஹீபூ⁴தேன டா²தப்³பங் ஹோதி. தஸ்மா ஏவமாஹ.

ஆதி³கல்யாணந்தி ஆதி³ம்ஹி கல்யாணங் ஸுந்த³ரங் ப⁴த்³த³கங். ததா² மஜ்ஜ²பரியோஸானேஸு. ஆதி³மஜ்ஜ²பரியோஸானஞ்ச நாமேதங் ஸாஸனஸ்ஸ ச தே³ஸனாய ச வஸேன து³வித⁴ங். தத்த² ஸாஸனஸ்ஸ ஸீலங் ஆதி³, ஸமத²விபஸ்ஸனாமக்³கா³ மஜ்ஜ²ங், ப²லனிப்³பா³னானி பரியோஸானங். ஸீலஸமாத⁴யோ வா ஆதி³, விபஸ்ஸனாமக்³கா³ மஜ்ஜ²ங், ப²லனிப்³பா³னானி பரியோஸானங். ஸீலஸமாதி⁴விபஸ்ஸனா வா ஆதி³, மக்³கோ³ மஜ்ஜ²ங், ப²லனிப்³பா³னானி பரியோஸானங். தே³ஸனாய பன சதுப்பதி³காய காதா²ய தாவ பட²மபாதோ³ ஆதி³, து³தியததியா மஜ்ஜ²ங், சதுத்தோ² பரியோஸானங். பஞ்சபத³ச²ப்பதா³னங் பட²மபாதோ³ ஆதி³, அவஸானபாதோ³ பரியோஸானங், அவஸேஸா மஜ்ஜ²ங். ஏகானுஸந்தி⁴கஸுத்தஸ்ஸ நிதா³னங் ஆதி³, “இத³மவோசா”தி பரியோஸானங், ஸேஸங் மஜ்ஜ²ங். அனேகானுஸந்தி⁴கஸ்ஸ மஜ்ஜே² ப³ஹூபி அனுஸந்தி⁴ மஜ்ஜமேவ, நிதா³னங் ஆதி³, “இத³மவோசா”தி பரியோஸானங்.

ஸாத்த²ந்தி ஸாத்த²கங் கத்வா தே³ஸேத². ஸப்³யஞ்ஜனந்தி ப்³யஞ்ஜனேஹி சேவ பதே³ஹி ச பரிபூரங் கத்வா தே³ஸேத². கேவலபரிபுண்ணந்தி ஸகலபரிபுண்ணங். பரிஸுத்⁴ந்தி நிருபக்கிலேஸங். ப்³ரஹ்மசரியந்தி ஸிக்க²த்தயஸங்க³ஹங் ஸாஸனப்³ரஹ்மசரியங். பகாஸேதா²தி ஆவிகரோத².

அப்பரஜக்கஜாதிகாதி பஞ்ஞாசக்கு²ம்ஹி அப்பகிலேஸரஜஸபா⁴வா, து³கூலஸாணியா படிச்ச²ன்னா விய சதுப்பதி³ககா³தா²பரியோஸானே அரஹத்தங் பத்துங் ஸமத்தா² ஸந்தீதி அத்தோ². அஸ்ஸவனதாதி அஸ்ஸவனதாய. பரிஹாயந்தீதி அலாப⁴பரிஹானியா த⁴ம்மதோ பரிஹாயந்தி. ஸேனானிக³மோதி பட²மகப்பிகானங் ஸேனாய நிவிட்டோ²காஸே பதிட்டி²தகா³மோ, ஸுஜாதாய வா பிது ஸேனானீ நாம நிக³மோ. தேனுபஸங்கமிஸ்ஸாமீதி நாஹங் தும்ஹே உய்யோஜெத்வா பரிவேணாதீ³னி காரெத்வா உபட்டா²காதீ³ஹி பரிசரியமானோ விஹரிஸ்ஸாமி, திண்ணங் பன ஜடிலானங் அட்³டு⁴ட்³டா⁴னி பாடிஹாரியஸஹஸ்ஸானி த³ஸ்ஸெத்வா த⁴ம்மமேவ தே³ஸேதுங் உபஸங்கமிஸ்ஸாமீதி. தேனுபஸங்கமீதி, “அயங் ஸமணோ கோ³தமோ மஹாயுத்த⁴ங் விசாரெந்தோ விய, ‘மா ஏகேன த்³வே அக³மித்த², த⁴ம்மங் தே³ஸேதா²’தி ஸட்டி² ஜனே உய்யோஜேதி, இமஸ்மிங் பன ஏகஸ்மிம்பி த⁴ம்மங் தே³ஸெந்தே மய்ஹங் சித்தஸ்ஸாத³ங் நத்தி², ஏவங் ப³ஹுஸு தே³ஸெந்தேஸு குதோ ப⁴விஸ்ஸதி, படிபா³ஹாமி ந³ந்தி சிந்தெத்வா உபஸங்கமி. பஞ்சமங்.

6. ஸப்பஸுத்தவண்ணனா

142. ச²ட்டே² ஸொண்டிகா³கிலஞ்ஜந்தி ஸுராகாரகானங் பிட்ட²பத்த²ரணககிலஞ்ஜங். கோஸலிகா கங்ஸபாதீதி கோஸலரஞ்ஞோ ரத²சக்கப்பமாணா பரிபோ⁴க³பாதி . க³ளக³ளாயந்தேதி க³ஜ்ஜந்தே. கம்மாரக³க³ரியாதி கம்மாருத்³த⁴னபணாளியா. த⁴மமானாயாதி ப⁴ஸ்தவாதேன பூரியமானாய. இதி விதி³த்வாதி - “ஸமணோ கோ³தமோ பதா⁴னமனுயுத்தோ ஸுகே²ன நிஸின்னோ, க⁴ட்டயிஸ்ஸாமி ந³ந்தி வுத்தப்பகாரங் அத்தபா⁴வங் மாபெத்வா நியாமபூ⁴மியங் இதோ சிதோ ச ஸஞ்சரந்தங் விஜ்ஜுலதாலோகேன தி³ஸ்வா, “கோ நு கோ² ஏஸோ ஸத்தோ³தி? ஆவஜ்ஜெந்தோ, “மாரோ அய³ந்தி ஏவங் விதி³த்வா.

ஸுஞ்ஞகே³ஹானீதி ஸுஞ்ஞாகா³ரானி. ஸெய்யாதி ஸெய்யத்தா²ய. ட²ஸ்ஸாமி சங்கமிஸ்ஸாமி நிஸீதி³ஸ்ஸாமி நிபஜ்ஜிஸ்ஸாமீதி ஏதத³த்தா²ய யோ ஸுஞ்ஞாகா³ரானி ஸேவதீதி அத்தோ². ஸோ முனி அத்தஸஞ்ஞுதோதி ஸோ பு³த்³த⁴முனி ஹத்த²பாத³குக்குச்சாபா⁴வேன ஸங்யதத்தபா⁴வோ. வொஸ்ஸஜ்ஜ சரெய்ய தத்த² ஸோதி ஸோ தஸ்மிங் அத்தபா⁴வே ஆலயங் நிகந்திங் வொஸ்ஸஜ்ஜித்வா பஹாய சரெய்ய. பதிரூபங் ஹி ததா²வித⁴ஸ்ஸ தந்தி தாதி³ஸ்ஸ தங்ஸண்டி²தஸ்ஸ பு³த்³த⁴முனினோ தங் அத்தபா⁴வே நிகந்திங் வொஸ்ஸஜ்ஜித்வா சரணங் நாம பதிரூபங் யுத்தங் அனுச்ச²விகங்.

சரகாதி ஸீஹப்³யக்³கா⁴தி³கா ஸஞ்சரணஸத்தா. பே⁴ரவாதி ஸவிஞ்ஞாணகஅவிஞ்ஞாணகபே⁴ரவா. தத்த² ஸவிஞ்ஞாணகா

ஸீஹப்³யக்³கா⁴த³யோ, அவிஞ்ஞாணகா ரத்திபா⁴கே³ கா²ணுவம்மிகாத³யோ. தேபி ஹி தஸ்மிங் காலே யக்கா² விய உபட்ட²ஹந்தி, ரஜ்ஜுவல்லியாதீ³னி ஸப்³பா³னி ஸப்பா விய உபட்ட²ஹந்தி. தத்தா²தி தேஸு பே⁴ரவேஸு ஸஞ்ஞாகா³ரக³தோ புத்த⁴முனி லோமசலனமத்தகம்பி ந கரோதி.

இதா³னி அட்டா²னபரிகப்பங் த³ஸ்ஸெந்தோ நப⁴ங் ப²லெய்யாதிஆதி³மாஹ. தத்த² ப²லெய்யாதி காகபத³ங் விய ஹீரஹீரஸோ ப²லெய்ய. சலெய்யாதி பொக்க²ரபத்தே வாதாஹதோ உத³கபி³ந்து³ விய சலெய்ய. ஸல்லம்பி சே உரஸி பகப்பயெய்யுந்தி திகி²ணஸத்திஸல்லங் சேபி உரஸ்மிங் சாரேயெய்யுங். உபதீ⁴ஸூதி க²ந்தூ⁴பதீ⁴ஸு. தாணங் ந கரொந்தீதி திகி²ணே ஸல்லே உரஸ்மிங் சாரியமானே ப⁴யேன கு³ம்ப³ந்தரகந்த³ராதி³னி பவிஸந்தா தாணங் கரொந்தி நாம. புத்த³தா⁴ பன ஸமுச்சி²ன்னஸப்³ப⁴யா ஏவருபங் தாணங் நாம ந கரொந்தி. ச²ட்ட²ங்.

7. ஸுபதிஸுத்தவண்ணனா

143. ஸத்தமே பாதே³ பக்கா²லெத்வாதி உதுகா³ஹாபனத்த²ங் தோ⁴வித்வா. புத்த³தா⁴னங் பன ஸரீரே ரஜோஜல்லங் ந உபலிம்பதி, உத³கம்பி பொக்க²ரபத்தே பக்கி²த்தங் விய விவட்டித்வா க³ச்ச²தி. அபிச கோ² தோ⁴தபாத³கே கே³ஹே பாதே³ தோ⁴வித்வா பவிஸனங் பப்³ப³ஜிதானங் வத்தங். தத்த² புத்த³தா⁴னங் வத்தபே⁴தோ³ நாம நத்தி², வத்தஸீஸே பன ட²த்வா தோ⁴வந்தி. ஸசே ஹி ததா²க³தோ நேவ ந்ஹாயெய்ய, ந பாதே³ தோ⁴வெய்ய, “நாயங் மனுஸ்ஸோ”தி வதெ³ய்யுங். தஸ்மா மனுஸ்ஸகிரியங் அமுஞ்சந்தோ தோ⁴வதி. ஸதோ ஸம்பஜானோதி ஸொப்பபரிக்கா³ஹகேன ஸதிஸம்பஜஞ்ஞேன ஸமன்னாக³தோ. உபஸங்கமீதி ஸமணோ கோ³தமோ ஸப்³ப³ரத்திங் அப்³போ⁴காஸே சங்கமித்வா க³ந்த⁴குடிங் பவிஸித்வா நித்த³தா³யதி, அதிவிய ஸுக³ஸயிதோ ப⁴விஸ்ஸதி, க⁴ட்டயிஸ்ஸாமி நந்தி சிந்தெத்வா உபஸங்கமி.

கிங் ஸொப்பஸீதி கிங் ஸுபஸி, கிங் ஸொப்பங் நாமித³ங் தவாதி வத³தி. கிங் நு ஸொப்பஸீதி கஸ்மா நு ஸுபஸி? து³ப்³ப⁴கோ³ வியாதி மதோ விய, விஸஞ்ஞீ விய ச. ஸுஞ்ஞமகா³ரந்தி ஸுஞ்ஞங் மே க⁴ரங் லத்த³த⁴ந்தி ஸொப்பஸீதி வத³தி. ஸூரியே உக்³க³தேதி ஸூரியம்ஹி உட்டி²தே. இதா³னி ஹி அஞ்ஞே பி⁴க்க² ஸம்மஜ்ஜந்தி, பானியங் உபட்ட²பெந்தி, பி⁴க்கா²சாரக³மனஸஜ்ஜா ப⁴வந்தி, த்வங் கஸ்மா ஸொப்பஸியேவ.

ஜாலினீதி தயோ ப⁴வே அஜ்ஜொ²த்த²ரித்வா டி²தேன “அஜ்ஜத்திகஸ்ஸுபாதா³ய அட்டா²ரஸதண்ணாவிசரிதானீ”திஆதி³னா (விப⁴. 842) தேன தேன அத்தனோ கொட்டா²ஸபு⁴தேன ஜாலேன ஜாலினீ. விஸத்திகாதி ரூபாதீ³ஸு தத்த² தத்த² விஸத்ததாய விஸமூலதாய

விஸபரிபோ⁴க³தாய ச விஸத்திகா. குஹிஞ்சி நேதவேதி கத்த²சி நேதுங்.
 ஸப்³பு³பதி⁴ பரிக்க²யாதி ஸப்³பே³ஸங்
 க²ந்த⁴கிலேஸாபி⁴ஸங்கா²ரகாமகு³ணபே⁴தா³னங் உபதீ⁴னங் பரிக்க²யா. கிங்
 தவெத்த², மாராதி, மார, துய்ஹங் கிங் எத்த²? கஸ்மா த்வங் உண்ஹயாகு³யங்
 நிலீயிதுங் அஸக்கொந்தீ கு²த்³த³கமக்கி²கா விய அந்தந்தேனேவ உஜ்ஜா²யந்தோ
 ஆஹிண்ட³ஸீதி. ஸத்தமங்.

8. நந்த³திஸுத்தவண்ணனா

144. அட்ட²மங் தே³வதாஸங்யுத்தே வுத்தத்த²மேவ. அட்ட²மங்.

9. பட²மஆயுஸுத்தவண்ணனா

145. நவமே அப்பங் வா பி⁴ய்யோதி பி⁴ய்யோ ஜீவந்தோ அபரங்
 வஸ்ஸஸதங் ஜீவிதுங் ந ஸக்கோதி, பண்ணாஸங் வா ஸட்டி² வா
 வஸ்ஸானி ஜீவதி. அஜ்ஜ²பா⁴ஸீதி ஸமணோ கோ³தமோ “மனுஸ்ஸானங்
 அப்பமாயு”தி கதே²தி, தீ³க⁴பா⁴வமஸ்ஸ கதே²ஸ்ஸாமீதி பச்சனீகஸாததாய
 அபி⁴ப⁴வித்வா அபா⁴ஸி.

ந நங் ஹீளேதி தங் ஆயுங் “அப்பகமித³”ந்தி ந ஹீளெய்ய. கீ²ரமத்தோ
 வாதி யதா² த³ஹரோ குமாரோ உத்தானஸெய்யகோ கீ²ரங் பிவித்வா
 து³கூலசம்ப³டகே நிபன்னோ அஸஞ்ஞீ விய நித்³தா³யதி, கஸ்ஸசி ஆயுங்
 அப்பங் வா தீ³க⁴ங் வாதி ந சிந்தேதி, ஏவங் ஸப்புரிஸோ.
 சரெய்யாதி³த்தஸீஸோ வாதி ஆயுங் பரித்தந்தி ஞத்வா பஜ்ஜலிதஸீஸோ விய
 சரெய்ய. நவமங்.

10. து³தியஆயுஸுத்தவண்ணனா

146. த³ஸமே நேமீவ ரத²குப்³ப³ரந்தி யதா² தி³வஸங் க³ச்ச²ந்தஸ்ஸ
 ரத²ஸ்ஸ சக்கனேமி குப்³ப³ரங் அனுபரியாயதி ந விஜஹதி, ஏவங் ஆயு
 அனுபரியாயதீதி. த³ஸமங்.

பட²மோ வக்³கோ³.

2. து³தியவக்³கோ³

1. பாஸாணஸுத்தவண்ணனா

147. து³தியவக்³க³ஸ்ஸ பட²மே நிஸின்னோதி புப்³பே³ வுத்தனயேனேவ
 பதா⁴னங் பரிக்க³க³ண்ஹந்தோ நிஸின்னோ. மாரோபிஸ்ஸ
 ஸுக²னிஸின்னபா⁴வங் ஞத்வா க⁴ட்டயிஸ்ஸாமீதி உபஸங்கமந்தோ.
 பதா³லேஸீதி பப்³ப³தபிட்டே² ட²த்வா பவிஜ்ஜி². பாஸாணா நிரந்தரா

அஞ்ஞமஞ்ஞங் அபி⁴ஹனந்தா பதந்தி. கேவலந்தி ஸகலங். ஸப்³புந்தி
தஸ்ஸேவ வேவசனங். பட²மங்.

2. கின்னுஸீஹஸுத்தவண்ணனா

148. து³தியே விசக்ஞ²கம்மாயாதி பரிஸாய பஞ்ஞாசக்ஞ²ங்
வினாஸேதுகம்யதாய. பு³த்தா⁴னங் பனேஸ பஞ்ஞாசக்ஞ²ங் வினாஸேதுங் ந
ஸக்கோதி, பரிஸாய பே⁴ரவாரம்மணங் ஸாவெந்தோ வா த³ஸ்ஸெந்தோ வா
ஸக்கோதி. விஜிதாவீ நு மஞ்ஞஸீதி கிங் நு த்வங் “விஜிதவிஜயோ அஹ”ந்தி
மஞ்ஞஸி? மா ஏவங் மஞ்ஞி, நத்தி² தே ஜயோ. பரிஸாஸூதி, அட்ட²ஸு
பரிஸாஸு. ப³லப்பத்தாதி த³ஸப³லப்பத்தா. து³தியங்.

3. ஸகலிகஸுத்தவண்ணனா

149. ததியே மந்தி³யா நூதி மந்த³பா⁴வேன மோமுஹபா⁴வேன. உதா³ஹு
காவெய்யமத்தோதி உதா³ஹு யதா² கவி கப்³பங் சிந்தெந்தோ தேன
கப்³பகரணேன மத்தோ ஸயதி, ஏவங் ஸயஸி. ஸம்பகராதி ப³ஹுவோ.
கிமித³ங் ஸொப்பஸே வாதி கஸ்மா இத³ங் ஸொப்பங் ஸொப்பஸியேவ?
அத்த²ங் ஸமேச்சாதி அத்த²ங் ஸமாக³ந்த்வா பாபுணித்வா. மய்ஹங் ஹி
அஸங்க³ஹோ நாம ஸங்க³ஹவிபன்னோ வா அத்தோ² நத்தி². ஸல்லந்தி
திகி²ணங் ஸத்திஸல்லங். ஜக்³கங் ந ஸங்கேதி யதா² ஏகச்சோ
ஸீஹபதா²தீ³ஸு ஜக்³கந்தோ ஸங்கதி, ததா² அஹங் ஜக்³கந்தோபி ந
ஸங்காமி. நபி பே⁴மி ஸொத்துந்தி யதா² ஏகச்சோ ஸீஹபதா²தீ³ஸுயேவ
ஸுபிதுங் பா⁴யதி, ஏவங் அஹங் ஸுபிதும்பி ந பா⁴யாமி. நானுதபந்தி
மாமந்தி யதா² ஆசரியஸ்ஸ வா அந்தேவாஸிகஸ்ஸ வா அபா²ஸுகே ஜாதே
உத்³தே³ஸபரிபுச்சா²ய டி²தத்தா அந்தேவாஸிங் ரத்திந்தி³வா அதிக்கமந்தா
அனுதபந்தி, ஏவங் மங் நானுதபந்தி. ந ஹி மய்ஹங் கிஞ்சி
அபரினி²டி²தகம்மங் நாம அத்தி². தேனேவாஹ ஹானிங் ந பஸ்ஸாமி
குஹிஞ்சி லோகேதி. ததியங்.

4. பதிருபஸுத்தவண்ணனா

150. சதுத்தே² அனுரோத⁴விரோதே⁴ஸூதி ராக³படிகே⁴ஸு. மா
ஸஜ்ஜித்தோ² ததா³சரந்தி ஏவங் த⁴ம்மகத²ங் ஆசரந்தோ மா லக்³கி³.
த⁴ம்மகத²ங் கதெ²ந்தஸ்ஸ ஹி ஏகச்சே ஸாது⁴காரங் த³த³ந்தி, தேஸு ராகோ³
உப்பஜ்ஜதி. ஏகச்சே அஸக்கச்சங் ஸுணந்தி, தேஸு படிகோ⁴ உப்பஜ்ஜதி. இதி
த⁴ம்மகதி²கோ அனுரோத⁴விரோதே⁴ஸு ஸஜ்ஜதி நாம. த்வங் ஏவங் மா
ஸஜ்ஜித்தோ²தி வத³தி. யத³ஞ்ஞமனுஸாஸதீதி யங் அஞ்ஞங் அனுஸாஸதி,
தங். ஸம்பு³த்தோ⁴ ஹிதானுகம்பீ ஹிதேன அனுபகம்பதி. யஸ்மா ச

ஹிதானுகம்பீ , தஸ்மா அனுவோத⁴விரோதே⁴ஹி விப்பமுத்தோ
ததா²க³தோதி. சதுத்த²ங்.

5. மானஸஸுத்தவண்ணனா

151. பஞ்சமே ஆகாஸே சரந்தேபி ப³ந்த⁴தீதி அந்தலிக்க²சரோ. பாஸோதி
ராக³பாஸோ. மானஸோதி மனஸம்பயுத்தோ. பஞ்சமங்.

6. பத்தஸுத்தவண்ணனா

152. ச²ட்டே² பஞ்சன்னங் உபாதா³னக்க²ந்தா⁴னங் உபாதா³யாதி பஞ்ச
உபாதா³னக்க²ந்தே⁴ ஆதி³யித்வா, ஸபா⁴வஸாமஞ்ஞலக்க²ணவஸேன
நானப்பகாரதோ விப⁴ஜித்வா த³ஸ்ஸெந்தோ. ஸந்த³ஸ்ஸேதீதி க²ந்தா⁴னங்
ஸபா⁴வலக்க²ணாதீ³னி த³ஸ்ஸேதி. ஸமாத³பேதீதி க³ண்ஹாபேதி.
ஸமுத்தேஜேதீதி ஸமாதா³னம்ஹி உஸ்ஸாஹங் ஜனேதி. ஸம்பஹங்ஸேதீதி
படிவித்³த⁴கு³ணேன வோதா³பேதி ஜோதாபேதி. அட்டி²ங் கத்வாதி அத்தி²கங்
கத்வா, “அயங் நோ அதி⁴க³ந்தப்³போ³ அத்தோ²”தி ஏவங் ஸல்லக்க²த்வா தாய
தே³ஸனாய அத்தி²கா ஹுத்வா. மனஸி கத்வாதி சித்தே ட²பெத்வா.
ஸப்³ப³சேதஸோ ஸமன்னாஹரித்வாதி ஸப்³பே³ன தேன கம்மகாரகசித்தேன
ஸமன்னாஹரித்வா. ஓஹிதஸோதாதி ட²பிதாஸோதா. அப்³போ⁴காஸே
நிக்கி²த்தாதி ஓதாபனத்தா²ய ட²பிதா.

ரூபங் வேத³யிதங் ஸஞ்ஞாந்தி, ஏதே ரூபாத³யோ தயோ க²ந்தா⁴. யஞ்ச
ஸங்க²தந்தி இமினா ஸங்கா²ரக்க²ந்தோ⁴ க³ஹிதோ. ஏவங் தத்த² விரஜ்ஜதீதி
“ஏஸோ அஹங் ந ஹோமி, ஏதங் மய்ஹங் ந ஹோதீ”தி பஸ்ஸந்தோ ஏவங்
தேஸு க²ந்தே⁴ஸு விரஜ்ஜதி. கே²மத்தந்தி கே²மீபூ⁴தங் அத்தபா⁴வங்.
இமினா ப²லக்க²ணங் த³ஸ்ஸேதி. அன்வேஸந்தி
ப⁴வயோனிக³திடி²திஸத்தாவாஸஸங்கா²தேஸு ஸப்³ப³ட்டா²னேஸு
பரியேஸமானா. நாஜ்ஜகா³தி ந பஸ்ஸீதி. ச²ட்ட²ங்.

7. ச²ப²ஸ்ஸாயதனஸுத்தவண்ணனா

153. ஸத்தமே ப²ஸ்ஸாயதனானந்தி ஸஞ்ஜாதிஸமோஸரணட்டே²ன
ச²த்³வாரிகஸ்ஸ ப²ஸ்ஸஸ்ஸ ஆயதனானங். ப⁴யபே⁴ரவங் ஸத்³த³ந்தி
மேக⁴து³ந்து³பி⁴அஸனிபாதஸத்³த³ஸதி³ஸங் ப⁴யஜனகங் ஸத்³த³ங். பத²வீ
மஞ்ஞே உந்த³ரீயதீதி அயங் மஹாபத²வீ படபடஸத்³த³ங் குருமானா விய
அஹோஸி. எத்த² லோகோ விமுச்சி²தோதி ஏதேஸு ச²ஸு ஆரம்மணேஸு
லோகோ அதி⁴முச்சி²தோ. மாரதெ⁴ய்யந்தி மாரஸ்ஸ டா²னபூ⁴தங்
தேபூ⁴மகவட்டங். ஸத்தமங்.

8. பிண்ட³ஸுத்தவண்ணனா

154. அட்டமே பாஹுனகானி பவந்தீதி ததாருபே நக்கத்தே தத்த தத்த பேஸேதப்பாநி பாஹுனகானி பவந்தி, ஆகந்துகபண்ணாகாரதாநானி வா. ஸயங்சரணதிவஸே ஸமவயஜாதிகொத்தா குமாரகா ததோ ததோ ஸன்னிபதந்தி. குமாரிகாயோபி அத்தனோ அத்தனோ விபவானுருபேன அலங்கதா தஹங் தஹங் விசரந்தி. தத்ர குமாரிகாயோபி யதாருசிகானங் குமாரகானங் பண்ணாகாரங் பேஸேந்தி, குமாரகாபி குமாரிகானங் அஞ்ஞஸ்மிங் அஸதி அந்தமஸோ மாலாகுளேனபி பரிக்கிபந்தி. அன்வாவிட்டாதி அனு ஆவிட்டா. தங்திவஸங் கிர பஞ்சஸதா குமாரிகாயோ உய்யானகீளங் கச்சந்தியோ படிபதே ஸத்தாரங் திஸ்வா ச்ணபுவங் த்தெய்யுங். ஸத்தா தாஸங் தாநானுமோதனத்தங் பகிண்ணகதம்மதேஸனங் தேஸெய்ய, தேஸனாபரியோஸானே ஸப்பாபி ஸோதாபத்திபலே பதிட்டஹெய்யுங். மாரோ தாஸங் ஸம்பத்தியா அந்தராயங் கரிஸ்ஸாமீதி அன்வாவிஸி. பாளியங் பன மா ஸமணோ கோதமோ பிண்டமலத்தாதி எத்தகங்யேவ வுத்தந்தி.

கிங் பன ஸத்தா மாராவட்டனங் அஜானித்வா பவிட்டோதி? ஆம அஜானித்வா. கஸ்மா? அனாவஜ்ஜனதாய. புத்தாநஞ்ஹி - “அஸுகட்டானே பத்தங் லபிஸ்ஸாம, ந லபிஸ்ஸாமா”தி ஆவஜ்ஜனங் ந அனநுச்சவிகங். பவிட்டோ பன மனுஸ்ஸானங் உபசாரபேதங் திஸ்வா, “கிங் இத”ந்தி? ஆவஜ்ஜெந்தோ ஞத்வா, “ஆமிஸத்தங் மாராவட்டனங் பிந்திதுங் அனநுச்சவிக”ந்தி அபிந்தித்வாவ நிக்கந்தோ.

உபஸங்கமீதி அமித்தவிஜயேன விய துட்டோ ஸகலகாமே கடச்சுமத்தம்பி பத்தங் அலபித்வா காமதோ நிக்கமந்தங் பகவந்தங் காமியமனுஸ்ஸவேஸேன உபஸங்கமி. ததாஹங் கரிஸ்ஸாமீதி இதங் ஸோ முஸா பாஸதி. ஏவங் கிரஸ்ஸ அஹோஸி - “மயா ஏவங் வுத்தே புன பவிஸிஸ்ஸதி, அத் நங் காமதாரகா ‘ஸகலகாமே சரித்வா கடச்சுபிஃகம்பி அலபித்வா காமதோ நிக்கம்ம புன பவிட்டோஸீதிஆதீனி வத்வா உப்பண்டெஸ்ஸந்தி”தி. பகவா பன - “ஸசாயங் மங் ஏவங் விஹேடெஸ்ஸதி முத்தமஸ்ஸேவ ஸத்ததா ப்லிஸ்ஸதீ”தி தஸ்மிங் அனுக்ம்பாய அபவிஸித்வா காதாத்வயமாஹ.

தத்த பஸவீதி ஜனேஸி நிப்பாதேஸி. ஆஸஜ்ஜாதி ஆஸாதெத்வா கட்டெத்வா. ந மே பாபங் விபச்சதீதி மம பாபங் ந பச்சதி. நிப்பலங் ஏதந்தி கிங் நு த்வங் ஏவங் மஞ்ஞஸி? மா ஏவங் மஞ்ஞி, அத்தி தயா கதஸ்ஸ பாபஸ்ஸ ப்லந்தி தீபேதி. கிஞ்சனந்தி மத்திதுங் ஸமத்தங் ராககிஞ்சனாதி கிலேஸஜாதங். ஆபஸ்ஸரா யதாதி யதா ஆபஸ்ஸரா தேவா ஸப்பீதிகஜ்ஜானேன யாபெந்தா பீதிபக்கா நாம ஹொந்தி, ஏவங் பவிஸ்ஸாமாதி. அட்டமங்.

9. கஸ்ஸகஸுத்தவண்ணனா

155. நவமே நிப்³பா³னபடிஸங்யுத்தாயாதி நிப்³பா³னங் அபதி³ஸித்வா பவத்தாய. ஹடஹடகேஸோதி புரிமகேஸே பச்ச²தோ, பச்சி²மகேஸே புரதோ வாமபஸ்ஸகேஸே த³க்கி²ணதோ, த³க்கி²ணபஸ்ஸகேஸே வாமதோ ப²ரித்வா ப²ரித்வா விப்பகிண்ணகேஸோ. மம சக்கு²ஸம்ப²ஸ்ஸவிஞ்ஞாணாயதனந்தி சக்கு²விஞ்ஞாணேன ஸம்பயுத்தோ சக்கு²ஸம்ப²ஸ்ஸோபி விஞ்ஞாணாயதனம்பி மமேவாதி. எத்த² ச சக்கு²ஸம்ப²ஸ்ஸேன விஞ்ஞாணஸம்பயுத்தகா த⁴ம்மா க³ஹிதா, விஞ்ஞாணாயதனேன ஸப்³பா³னிபி சக்கு²த்³வாரே உப்பன்னானி ஆவஜ்ஜனாதி³விஞ்ஞாணானி. ஸோதத்³வாராதீ³ஸுபி ஏஸேவ நயோ. மனோத்³வாரே பன மனோதி ஸாவஜ்ஜனகங் ப⁴வங்க³சித்தங். த⁴ம்மாதி ஆரம்மணத⁴ம்மா. மனோஸம்ப²ஸ்ஸோதி ஸாவஜ்ஜனேன ப⁴வங்க³ன ஸம்பயுத்தப²ஸ்ஸோ. விஞ்ஞாணாயதனந்தி ஜவனசித்தங் ததா³ரம்மணம்பி வட்டதி.

தவேவ பாபிம, சக்க²தி யங் லோகே திமிரகாசாதீ³ஹி உபத்து³தங் அனேகரோகா³யதனங் உபக்கவிபக்கங் அந்தமஸோ காணசக்கு²பி, ஸப்³பா³ங் தங் தவேவ ப⁴வது. ரூபாதீ³ஸுபி ஏஸேவ நயோ.

யங் வத³ந்தீதி யங் ப⁴ண்ட³கங் “மம இத³”ந்தி வத³ந்தி. யே வத³ந்தி மமந்தி சாதி யே ச புக்³லா “மம”ந்தி வத³ந்தி. எத்த² சே தே மனோ அத்தீ²தி ஏதேஸு ச டா²னேஸு யதி³ சித்தங் அத்தி². ந மே ஸமண மொக்க²ஸீதி ஸமண மய்ஹங் விஸயதோ ந முச்சிஸ்ஸஸி. யங் வத³ந்தீதி யங் ப⁴ண்ட³கங் வத³ந்தி, ந தங் மய்ஹங். யே வத³ந்தீதி யேபி புக்³லா ஏவங் வத³ந்தி, ந தே அஹங். ந மே மக்³கம்பி த³க்க²ஸீதி ப⁴வயோனிக³திஆதீ³ஸு மய்ஹங் க³தமக்³கம்பி ந பஸ்ஸஸி. நவமங்.

10. ரஜ்ஜஸுத்தவண்ணனா

156. த³ஸமே அஹனங் அகா⁴தயந்தி அஹனந்தேன அகா⁴தயந்தேன. அஜினங் அஜாபயந்தி பரஸ்ஸ த⁴னஜானிங் அகரொந்தேன அகாராபெந்தேன. அஸோசங் அஸோசாபயந்தி அஸோசந்தேன அஸோசாபயந்தேன. இதி ப⁴க³வா அத⁴ம்மிகராஜுனங் ரஜ்ஜே விஜிதே த³ண்ட³கரபீனிதே மனுஸ்ஸே தி³ஸ்வா காருஞ்ஞவஸேன ஏவங் சிந்தேஸி. உபஸங்கமீதி “ஸமணோ கோ³தமோ ‘ஸக்கா நு கோ² ரஜ்ஜங் காரேது’ந்தி சிந்தேஸி, ரஜ்ஜங் காரேதுகாமோ ப⁴விஸ்ஸதி, ரஜ்ஜஞ்ச நாமேதங் பமாத³ட்டா²னங், ரஜ்ஜங் காரெந்தே ஸக்கா ஓதாரங் லபி⁴துங், க³ச்சா²மி உஸ்ஸாஹமஸ்ஸ ஜனெஸ்ஸாமீ”தி சிந்தெத்வா உபஸங்கமி. இத்தி⁴பாதா³தி இஜ்ஜனகொட்டா²ஸா . பா⁴விதாதி வட்³டி⁴தா. ப³ஹுலீகதாதி புனப்புனங் கதா. யானீகதாதி யுத்தயானங் விய கதா. வத்து²கதாதி

பதிட்ட²ட்டே²னவத்து²கதா. அனுட்டி²தாதி அவிஜஹிதா நிச்சானுப³த்தா⁴.
 பரிசிதாதி ஸாதச்சகிரியாய ஸுபரிசிதா கதா இஸ்ஸாஸஸ்ஸ
 அவிராதி⁴தவேதி⁴ஹத்தோ² விய. ஸுஸமாரத்³தா⁴தி ஸுட்டு²
 ஸமாரத்³தா⁴ பரிபுண்ணபா⁴வனா. அதி⁴முச்செய்யாதி சிந்தெய்ய.

பப்³புதஸ்ஸாதி பப்³புதோ ப⁴வெய்ய. த்³வித்தாவாதி திட்ட²து ஏகோ
 பப்³புதோ, த்³விக்க²த்தும்பி தாவ மஹந்தோ ஸுவண்ணபப்³புதோ ஏகஸ்ஸ
 நாலங், ந பரியத்தோதி அத்தோ². இதி வித்³வா ஸமஞ்சரேதி ஏவங் ஜானந்தோ
 ஸமங் சரெய்ய. யதோனிதா³னந்தி து³க்க²ங் நாம பஞ்சகாமகு³ணனிதா³னங், தங்
 யதோனிதா³னங் ஹோதி, ஏவங் யோ அத³க்கி². கத²ங் நமெய்யாதி ஸோ ஜந்து
 தேஸு து³க்க²ஸ்ஸ நிதா³னபு⁴தேஸு காமேஸு கேன காரணேன நமெய்ய.
 உபதி⁴ங் விதி³த்வாதி காமகு³ணஉபதி⁴ங் “ஸங்கோ³ ஏஸோ,
 லக்³க³னமேத²”ந்தி ஏவங் விதி³த்வா. தஸ்ஸேவ ஜந்து வினயாய ஸிக்கே²தி
 தஸ்ஸேவ உபதி⁴ஸ்ஸ வினயாய ஸிக்கெ²ய்ய. த்³ஸமங்.

து³தியோ வக்³கோ³.

3. ததியவக்³கோ³

1. ஸம்பஹுலஸுத்தவண்ணனா

157. ததியவக்³க³ஸ்ஸ பட²மே ஜடண்டு³வேனாதி ஜடாசுமப்³டகேன.
 அஜினக்கி²பனிவத்தோ²தி ஸகு²ரங் அஜினசம்மங் ஏகங் நிவத்தோ² ஏகங்
 பாருதோ. உது³ம்ப³ரத³ண்ட³ந்தி அப்பிச்ச²பா⁴வப்பகாஸனத்த²ங் ஈஸகங்
 வங்கங் உது³ம்ப³ரத³ண்ட³ங் க³ஹெத்வா. ஏதத³வோசாதி லோகே
 ப்³ராஹ்மணஸ்ஸ வசனங் நாம ஸுஸ்ஸுஸந்தி, ப்³ராஹ்மணேஸுபி
 பப்³புஜிதஸ்ஸ, பப்³புஜிதேஸுபி மஹல்லகஸ்ஸாதி
 மஹல்லகப்³ராஹ்மணஸ்ஸ பப்³புஜிதவேஸங் க³ஹெத்வா பதா⁴னபு⁴மியங்
 கம்மங் கரொந்தே தே பி⁴க்க² உபஸங்கமித்வா ஹத்த²ங் உக்கி²பித்வா ஏதங்
 “த³ஹரா ப⁴வந்தோ”திஆதி³வசனங் அவோச. ஓகம்பெத்வாதி ஹனு³கேன உரங்
 பஹரந்தோ அதோ⁴னதங் கத்வா. ஜிவஹங் நில்லாலெத்வாதி
 கப்³ரமஹாஜிவஹங் நீஹரித்வா உத்³த⁴மதோ⁴ உப⁴யபஸ்ஸேஸு ச
 லாலெத்வா. திவிஸாக²ந்தி திஸாக²ங். நலாடிகந்தி ப⁴குடிங், நலாடே
 உட்டி²தங் வலித்தயந்தி அத்தோ². பக்காமீதி தும்ஹே ஜானந்தானங் வசனங்
 அகத்வா அத்தனோவ தேலே பச்சிஸ்ஸதா²தி வத்வா ஏகங் மக்³க³ங் க³ஹெத்வா
 க³தோ. பட²மங்.

2. ஸமித்தி⁴ஸுத்தவண்ணனா

158. துதியே லாபா⁴ வத மே, ஸுலத்³த⁴ங் வத மேதி ஏவருபஸ்ஸ ஸத்து² சேவ த⁴ம்மஸ்ஸ ச ஸப்³ரஹ்மசாரீனஞ்ச லத்³த⁴த்தா மய்ஹங் லாபா⁴ மய்ஹங் ஸுலத்³த⁴ந்தி. ஸோ கிராயஸ்மா பச்சா² மூலகம்மட்டா²னங் ஸம்மஸித்வா “அரஹத்தங் க³ஹெஸ்ஸாமீ”தி பாஸாதி³கங் தாவ கம்மட்டா²னங் க³ஹெத்வா புத்³த⁴த⁴ம்மஸங்க⁴கு³ணே ஆவஜ்ஜெத்வா சித்தகல்லதங் உப்பாதெத்வா சித்தங் ஹாஸெத்வா தோஸெத்வா நிஸின்னோ. தேனஸ்ஸ ஏவமஹோஸி. உபஸங்கமீதி “அயங் ஸமித்³தி⁴ பி⁴க்கு² பாஸாதி³கங் கம்மட்டா²னங் க³ஹெத்வா நிஸின்னஸதி³ஸோ, யாவ மூலகம்மட்டா²னங் க³ஹெத்வா அரஹத்தங் ந க³ண்ஹாதி, தாவஸ்ஸ அந்தராயங் கரிஸ்ஸாமீ”தி உபஸங்கமி. க³ச்ச² த்வந்தி ஸத்தா² ஸகலஜம்புத்³பங் ஒலோகெந்தோ “தஸ்மிங்யேவ டா²னே தஸ்ஸ கம்மட்டா²னங் ஸப்பாயங் ப⁴விஸ்ஸதீ”தி அத்³த³ஸ, தஸ்மா ஏவமாஹ. ஸதிபஞ்ஞா ச மே புத்தா⁴தி மயா ஸதி ச பஞ்ஞா ச ஞாதா. கரஸ்ஸ ரூபானீதி ப³ஹுனிபி விபி⁴ங்ஸகாரஹானி ரூபானி கரஸ்ஸ. நேவ மங் ப்யாத⁴யிஸ்ஸஸீதி மங் நேவ வேத⁴யிஸ்ஸஸி ந கம்பஸ்ஸேஸி. துதியங்.

3. கோ³தி⁴கஸுத்தவண்ணனா

159. ததியே இஸிகி³லிபஸ்ஸேதி இஸிகி³லிஸ்ஸ நாம பப்³புதஸ்ஸ பஸ்ஸே. காளஸிலாயந்தி காளவண்ணாய ஸிலாயங். ஸாமயிகங் சேதோவிமுத்திந்தி அப்பிதப்பிதக்க²ணே பச்சனீகத⁴ம்மேஹி விமுச்சதி, ஆரம்மணே ச அதி⁴முச்சதீதி லோகியஸமாபத்தி ஸாமயிகா சேதோவிமுத்தி நாம. புஸீதி படிபி⁴. பரிஹாயீதி கஸ்மா யாவ ச²ட்ட²ங் பரிஹாயி? ஸாபாத⁴த்தா. தே²ரஸ்ஸ கிர வாதபித்தஸம்ஹவஸேன அனுஸாயிகோ ஆபாதோ⁴ அத்தி², தேன ஸமாதி⁴ஸ்ஸ ஸப்பாயே உபகாரகத⁴ம்மே பூரேதுங் ந ஸக்கோதி, அப்பிதப்பிதாய ஸமாபத்தியா பரிஹாயதி.

யங்னுனாஹங் ஸத்த²ங் ஆஹரெய்யந்தி ஸோ கிர சிந்தேஸி, யஸ்மா பரிஹீனஜ்ஜா²னஸ்ஸ காலங்கரோதோ அனிப³த்தா⁴ க³தி ஹோதி, அபரிஹீனஜ்ஜா²னஸ்ஸ நிப³த்தா⁴ க³தி ஹோதி, ப்³ரஹ்மலோகே நிப்³புத்ததி, தஸ்மா ஸத்த²ங் ஆஹரிதுகாமோ அஹோஸி. உபஸங்கமீதி - “அயங் ஸமணோ ஸத்த²ங் ஆஹரிதுகாமோ, ஸத்தா²ஹரணஞ்ச நாமேதங் காயே ச ஜீவிதே ச அனபெக்க²ஸ்ஸ ஹோதி. யோ ஏவங் காயே ச ஜீவிதே ச அனபெக்கோ² ஹோதி, ஸோ மூலகம்மட்டா²னங் ஸம்மஸித்வா அரஹத்தம்பி க³ஹேதுங் ஸமத்தோ² ஹோதி, மயா பன படிபா³ஹிதோபி ஏஸ ந ஓரமிஸ்ஸதி, ஸத்தா²ரா படிபா³ஹிதோ ஓரமிஸ்ஸதீ”தி தே²ரஸ்ஸ அத்த²காமோ விய ஹுத்வா யேன ப⁴க³வா தேனுபஸங்கமி.

ஜலாதி ஜலமானா. பா^{தே} வந்தா^{மி} சக்கு^{மா}தி பஞ்ச^{ஹி} சக்க^{ஹி} சக்கு^{மா} தவ பா^{தே} வந்தா^{மி}. ஜ^{தி}ந்த^{ரா}தி ஆனுபா^வத^{ரா}. அப்பத்தமானஸோதி அப்பத்தஅரஹத்தோ. ஸேகோ^{தி} ஸீலாதீ^{னி} ஸிக்க^{மா}னோ ஸகரணீயோ. ஜனே ஸுதாதி ஜனே விஸ்ஸுதா. ஸத்த^{ங்} ஆஹரிதங் ஹோதீ^{தி} தே^{ரோ} கிர “கிங் மய்ஹங் இமினா ஜீவிதேனா”^{தி}? உத்தானோ நிபஜ்ஜித்வா ஸத்தே^ன க^லனாளிங் சி^{ந்தி}, து^{க்கா} வேத^{னா} உப்பஜ்ஜிங்ஸு. தே^{ரோ} வேத^{னங்} விக்க^{ம்}பெ^{த்}வா தங்யேவ வேத^{னங்} பரிக்க^{ஹெ}த்வா ஸதிங் உபட்ட^{பெ}த்வா மூலகம்மட்டா^{னங்} ஸம்மஸந்தோ அரஹத்தங் பத்வா ஸமஸீஸீ ஹுத்வா பரினிப்^{பா}யி. ஸமஸீஸீ நாம திவிதோ⁴ ஹோதி இரியாபத^{ஸமஸீஸீ}, ரோக^{ஸமஸீஸீ}, ஜீவிதஸமஸீஸீதி.

தத்த² யோ டா^{னா}தீ^{ஸு} இரியாபதே^{ஸு} அஞ்ஞதரங் அதி^{ட்டா}ய - “இமங் அகோபெத்வாவ அரஹத்தங் பாபுணிஸ்ஸாமீ”^{தி} விபஸ்ஸனங் பட்ட^{பே}தி, அத^{ஸ்}ஸ அரஹத்தப்பத்தி ச இரியாபத^{கோபனஞ்ச} ஏகப்பஹாரேனேவ ஹோதி. அயங் இரியாபத^{ஸமஸீஸீ} நாம. யோ பன சக்கு^{ரோகா}தீ^{ஸு} அஞ்ஞதரஸ்மிங் ஸதி - “இதோ அனுட்டி^{தோ}வ அரஹத்தங் பாபுணிஸ்ஸாமீ”^{தி} விபஸ்ஸனங் பட்ட^{பே}தி, அத^{ஸ்}ஸ அரஹத்தப்பத்தி ச ரோக^{தோ} வுட்டா^{னஞ்ச} ஏகப்பஹாரேனேவ ஹோதி. அயங் ரோக^{ஸமஸீஸீ} நாம. கேசி பன தஸ்மிங்யேவ இரியாபதே² தஸ்மிஞ்ச ரோகே³ பரினிப்^{பா}னவஸேனெத்த² ஸமஸீஸிதங் பஞ்ஞாபெந்தி. யஸ்ஸ பன ஆஸவக்க^{யோ} ச ஜீவிதக்க^{யோ} ச ஏகப்பஹாரேனேவ ஹோதி. அயங் ஜீவிதஸமஸீஸீ நாம. வுத்தம்பி சேதங் - “யஸ்ஸ புக^{லஸ்}ஸ அபுப்^{ங்} அசரிமங் ஆஸவபரியாதா^{னஞ்ச} ஹோதி ஜீவிதபரியாதா^{னஞ்ச}, அயங் வுச்சதி புக^{லோ} ஸமஸீஸீ”^{தி} (பு. ப. 16).

எத்த² ச பவத்திஸீஸங் கிலேஸஸீஸந்தி த்^{வே} ஸீஸானி. தத்த² பவத்திஸீஸங் நாம ஜீவிதிந்த்^{ரியங்}, கிலேஸஸீஸங் நாம அவிஜ்ஜா. தேஸு ஜீவிதிந்த்^{ரியங்} சுதிசித்தங் கே^{பே}தி, அவிஜ்ஜா மக்^கசித்தங். த்^{வின்}னங் சித்தானங் ஏகதோ உப்பாதோ³ நத்தி². மக்^{கா}னந்தரங் பன ப^{லங்}, ப^{லா}னந்தரங் ப^{வங்க}ங், ப^{வங்க}தோ வுட்டா^ய பச்சவெக்க^{ணங்}, தங் பரிபுண்ணங் வா ஹோதி அபரிபுண்ணங் வா. திகி^{ணே}ன அஸினா ஸீஸே சி^{ஜ்ஜ}ந்தேபி ஹி ஏகோ வா த்^{வே} வா பச்சவெக்க^{ணவாரா} அவஸ்ஸங் உப்பஜ்ஜந்தியேவ, சித்தானங் பன லஹுபரிவத்திதாய ஆஸவக்க^{யோ} ச ஜீவிதபரியாதா^{னஞ்ச} ஏகக்க^{ணே} விய பஞ்ஞாயதி.

ஸமூலங் தண்ஹமப்^{பு}ய்ஹாதி அவிஜ்ஜாமூலேன ஸமூலகங் தண்ஹங் அரஹத்தமக்^{கே}ன உப்பாடெத்வா. பரினிப்^{பு}தோதி அனுபாதி^{ஸே}ஸனிப்^{பா}னேன பரினிப்^{பு}தோ.

விவத்தக்க²ந்த⁴ந்தி பரிவத்தக்க²ந்த⁴ங். ஸேமானந்தி உத்தானங் ஹுத்வா
 ஸயிதங் ஹோதி. தே²ரோ பன கிஞ்சாபி உத்தானகோ ஸயிதோ, ததா²பிஸ்ஸ
 த³க்கி²ணேன பஸ்ஸேன பரிசிதஸயனத்தா ஸீஸங் த³க்கி²ணதோவ
 பரிவத்தித்வா டி²தங். தூ⁴மாயிதத்தந்தி தூ⁴மாயிதபா⁴வங். தஸ்மிங் ஹி
 க²ணே தூ⁴மவலாஹகா விய திமிரவலாஹகா விய ச உட்ட²ஹிங்ஸு.
 விஞ்ஞாணங் ஸமன்வேஸதீதி படிஸந்தி⁴சித்தங் பரியேஸதி.
 அப்பதிட்டி²தேனாதி படிஸந்தி⁴விஞ்ஞாணேன அப்பதிட்டி²தேன,
 அப்பதிட்டி²தகாரணாதி அத்தோ². பே³லுவபண்டு³வீணந்தி பே³லுவபக்கங் விய
 பண்டு³வண்ணங் ஸுவண்ணமஹாவீணங். ஆதா³யாதி கச்சே² ட²பெத்வா.
 உபஸங்கமீதி “கோ³தி⁴கத்தே²ரஸ்ஸ நிப்³புத்தட்டா²னங் ந ஜானாமி, ஸமணங்
 கோ³தமங் புச்சி²த்வா நிக்கங்கோ² ப⁴விஸ்ஸாமீ”தி கு²த்³த³கதா³ரகவண்ணீ
 ஹுத்வா உபஸங்கமி. நாதி⁴க³ச்சா²மீதி ந பஸ்ஸாமி. ஸோகபரேதஸ்ஸாதி
 ஸோகேன புட்ட²ஸ்ஸ. அப⁴ஸ்ஸதா²தி பாத³பிட்டி²யங் பதிதா. ததியங்.

4. ஸத்தவஸ்ஸானுப³ந்த⁴ஸுத்தவண்ணனா

160. சதுத்தே² ஸத்த வஸ்ஸானீதி புரே போ³தி⁴யா ச²ப்³புஸ்ஸானி,
 போ³தி⁴தோ பச்சா² ஏகங் வஸ்ஸங். ஓதாராபெக்கோ²தி “ஸசே ஸமணஸ்ஸ
 கோ³தமஸ்ஸ காயத்³வாராதீ³ஸு கிஞ்சிதே³வ அனநுச்ச²விகங் பஸ்ஸாமி,
 சோதே³ஸ்ஸாமி ந”ந்தி ஏவங் விவரங் அபெக்க²மானோ. அலப⁴மானோதி
 ரத²ரேணுமத்தம்பி அவக்க²லிதங் அபஸ்ஸந்தோ. தேனாஹ -

“ஸத்த வஸ்ஸானி ப⁴க³வந்தங், அனுப³ந்தி⁴ங் பதா³பத³ங்;
 ஓதாரங் நாதி⁴க³ச்சி²ஸ்ஸங், ஸம்பு³த்த⁴ஸ்ஸ ஸதீமதோ”தி. (ஸு. நி.
 448);

உபஸங்கமீதி “அஜ்ஜ ஸமணங் கோ³தமங் அதிக³ஹேத்வா க³மிஸ்ஸாமீ”தி
 உபஸங்கமி.

ஜா²யஸீதி ஜா²யந்தோ அவஜ்ஜா²யந்தோ நிஸின்னோஸீதி வத³தி. வித்தங்
 நு ஜீனோதி ஸதங் வா ஸஹஸ்ஸங் வா ஜிதோஸி நு. ஆகு³ங் நு
 கா³மஸ்மிந்தி, கிங் நு அந்தோகா³மே பமாணாதிக்கந்தங் பாபகம்மங் அகாஸி,
 யேன அஞ்ஞேஸங் முக²ங் ஒலோகேதுங் அவிஸஹந்தோ அரஞ்ஞே விசரஸி?
 ஸக்கி²ந்தி மித்தபா⁴வங்.

பலிகா²யாதி க²ணித்வா. ப⁴வலோப⁴ஜப்பந்தி ப⁴வலோப⁴ஸங்கா²தங்
 தண்ஹங். அனாஸவோ ஜா²யாமீதி நித்தண்ஹோ ஹுத்வா த³வீஹி
 ஜா²னேஹி ஜா²யாமி. பமத்தப³ந்தூ⁴தி மாரங் ஆலபதி. ஸோ ஹி யேகேசி
 லோகே பமத்தா, தேஸங் ப³ந்தூ⁴.

ஸசே மக்³க³ங் அனுபு³த்த⁴ந்தி யதி³ தயா மக்³கோ³ அனுபு³த்தோ⁴. அபேஹீதி அபயாஹி. அமச்சுதெ⁴ய்யந்தி மச்சுனோ அனோகாஸபூ⁴தங் நிப³பா³னங். பாரகா³மினோதி யேபி பாரங் க³தா, தேபி பாரகா³மினோ. யேபி பாரங் க³ச்சி²ஸ்ஸந்தி, யேபி பாரங் க³ந்துகாமா, தேபி பாரகா³மினோ.

விஸூகாயிகானீதி மாரவிஸூகானி. விஸேவிதானீதி விருத்³த⁴ஸேவிதானி, “அப்பமாயு மனுஸ்ஸானங், அச்சயந்தி அஹோரத்தா”தி வுத்தே. “தீ³க⁴மாயு மனுஸ்ஸானங், நாச்சயந்தி அஹோரத்தா”திஆதீ³னி படி⁴லோமகாரணானி. விப³ப²ந்தி³தானீதி, தம்ஹி தம்ஹி காலே ஹத்தி²ராஜவண்ணஸப்பவண்ணாதி³த³ஸ்ஸனானி. நிப³பேஜனீயாதி உக்கண்ட²னீயா.

அனுபரியகா³திஆதீ³ஸு கிஞ்சாபி அதீதவசனங் கதங், அத்தோ² பன விகப்பவஸேன வேதி³தப்³போ³. இது³ங் வுத்தங் ஹோதி - யதா² மேத³வண்ணங் பாஸாணங் வாயஸோ தி³ஸ்வா - “அபி நாமெத்த² முது³ங் விந்தெ³ய்யாம, அபி அஸ்ஸாதோ³ ஸியா”தி அனுபரிக³ச்செ²ய்ய, அத² ஸோ தத்த² அஸ்ஸாத³ங் அலபி⁴த்வாவ வாயஸோ எத்தோ அபக்கமெய்ய, ததோ பாஸாணா அபக³ச்செ²ய்ய, ஏவங் மயம்பி ஸோ காகோ விய ஸேலங் கோ³தமங் ஆஸஜ்ஜ அஸ்ஸாத³ங் வா ஸந்த²வங் வா அலப⁴ந்தா கோ³தமா நிப³பி³ந்தி³த்வா அபக³ச்சா²ம. சதுத்த²ங்.

5. மாரதீ⁴துஸுத்தவண்ணனா

161. பஞ்சமே அபா⁴ஸித்வாதி எத்த² அ-காரோ நிபாதமத்தங், பா⁴ஸித்வாதி அத்தோ². அபா⁴ஸயித்வாதிபி பாடோ². உபஸங்கமிங்ஸூதி “கோ³பாலகதா³ரகங் விய த³ண்ட³கேன பூ⁴மிங் லேக²ங் த³த்வா அதிவிய து³ம்மனோ ஹுத்வா நிஸின்னோ. ‘கின்னு கோ² காரணந்தி? புச்சி²த்வா, ஜானிஸ்ஸாமா”தி உபஸங்கமிங்ஸு.

ஸோசஸீதி சிந்தேஸி. ஆரஞ்ஞமிவ குஞ்ஜரந்தி யதா² அரஞ்ஞதோ பேஸிதக³ணிகாரஹத்தி²னியோ ஆரஞ்ஞகங் குஞ்ஜரங் இத்தி²குத்தத³ஸ்ஸனேன பலோபெ⁴த்வா ப³ந்தி⁴த்வா ஆனயந்தி, ஏவங் ஆனயிஸ்ஸாம. மாரதெ⁴ய்யந்தி தேபூ⁴மகவட்டங்.

உபஸங்கமிங்ஸூதி - “தும்ஹே தோ²கங் அதி⁴வாஸேத², மயங் தங் ஆனெஸ்ஸாமா”தி பிதரங் ஸமஸ்ஸாஸெத்வா உபஸங்கமிங்ஸு. உச்சாவசாதி நானாவிதா⁴. ஏகஸதங் ஏகஸதந்தி ஏகேகங் ஸதங் ஸதங் கத்வா. குமாரிவண்ணஸதந்தி இமினா நயேன குமாரிஅத்தபா⁴வானங் ஸதங்.

அத்த²ஸ்ஸ பத்திங் ஹத³யஸ்ஸ ஸந்திந்தி, த்³வீஹிபி பதே³ஹி
அரஹத்தமேவ கதே²ஸி. ஸேனந்தி கிலேஸஸேனங். ஸா ஹி
பியரூபஸாதரூபா நாம. ஏகாஹங் ஜா²யந்தி ஏகோ அஹங் ஜா²யந்தோ.
ஸுக²மனுபோ³தி⁴ந்தி அரஹத்தஸுக²ங் அனுபு³ஜ்ஜி²ங். இத³ங் வுத்தங் ஹோதி
- பியரூபங் ஸாதரூபங் ஸேனங் ஜினித்வா அஹங் ஏகோ ஜா²யந்தோ
“அத்த²ஸ்ஸ பத்திங் ஹத³யஸ்ஸ ஸந்தி”ந்தி ஸங்க²ங் க³தங் அரஹத்தஸுக²ங்
அனுபு³ஜ்ஜி²ங். தஸ்மா ஜனேன மித்தஸந்த²வங் ந கரோமி, தேனேவ ச மே
காரணேன கேனசி ஸத்³தி⁴ங் ஸக்கீ² ந ஸம்பஜ்ஜதீதி.

கத²ங்விஹாரீப³ஹுலோதி கதமேன விஹாரேன ப³ஹுலங் விஹரந்தோ.
அலத்³தா⁴தி அலபி⁴த்வா. யோதி நிபாதமத்தங். இத³ங் வுத்தங் ஹோதி -
கதமேன ஜா²னேன ப³ஹுலங் ஜா²யந்தங் தங் புக்³க³லங் காமஸஞ்ஞா
அலபி⁴த்வாவ பரிபா³ஹிரா ஹோந்தீதி.

பஸ்ஸத்³த⁴காயோதி சதுத்த²ஜ்ஜா²னேன அஸ்ஸாஸபஸ்ஸாஸகாயஸ்ஸ
பஸ்ஸத்³த⁴த்தா பஸ்ஸத்³த⁴காயோ. ஸுவிமுத்தசித்தோதி
அரஹத்தப²லவிமுத்தியா ஸுட்² விமுத்தசித்தோ. அஸங்க²ரானோதி தயோ
கம்மாபி⁴ஸங்கா²ரே அனபி⁴ஸங்க²ரொந்தோ. அனோகோதி அனாலயோ.
அஞ்ஞாய த⁴ம்மந்தி சதுஸச்சத⁴ம்மங் ஜானித்வா. அவிதக்கஜா²யீதி
அவிதக்கேன சதுத்த²ஜ்ஜா²னேன ஜா²யந்தோ. ந குப்பதீதிஆதீ³ஸு தோ³ஸேன ந
குப்பதி, ராகே³ன ந ஸரதி, மோஹேன ந தீ²னோ. இமேஸு தீஸு
மூலகிலேஸேஸு க³ஹிதேஸு தி³யட்³ட⁴கிலேஸஸஹஸ்ஸங் க³ஹிதமேவ
ஹோதி. பட²மபதே³ன வா ப்யாபாத³னீவரணங் க³ஹிதங், து³தியேன
காமச்சந்த³னீவரணங், ததியேன தி²னங் ஆதி³ங் கத்வா ஸேஸனீவரணானி. இதி
இமினா நீவரணப்பஹானேன கீ²ணாஸவங் த³ஸ்ஸேதி.

பஞ்சோக⁴திண்ணோதி பஞ்சத்³வாரிகங் கிலேஸோக⁴ங் திண்ணோ.
ச²ட்ட²ந்தி மனொத்³வாரிகம்பி ச²ட்ட²ங் கிலேஸோக⁴ங் அதரி.
பஞ்சோக⁴க்³க³ஹணேன வா பஞ்சோரம்பா⁴கி³யானி ஸங்யோஜனானி ,
ச²ட்ட²க்³க³ஹணேன பஞ்சத்³த⁴ம்பா⁴கி³யானி வேதி³தப்³பா³னி.
க³ணஸங்க⁴சாரீதி க³ணே ச ஸங்கே⁴ ச சரதீதி ஸத்தா² க³ணஸங்க⁴சாரீ
நாம. அத்³தா⁴ சரிஸ்ஸந்தீதி அஞ்ஞேபி ஸத்³தா⁴ ப³ஹுஜனா ஏகங்ஸேன
சரிஸ்ஸந்தி. அயந்தி அயங் ஸத்தா². அனோகோதி அனாலயோ.

அச்சேஜ்ஜ நெஸ்ஸதீதி அச்சிந்தி³த்வா நயிஸ்ஸதி, மச்சுராஜஸ்ஸ
ஹத்த²தோ அச்சிந்தி³த்வா நிப்³பா³னபாரங் நயிஸ்ஸதீதி வுத்தங் ஹோதி.
நயமானானந்தி நயமானேஸு.

ஸேலங்வ ஸிரஸுஹச்ச, பாதாலே கா³த⁴மேஸதா²தி மஹந்தங்
கூடாகா³ரப்பமாணங் ஸிலங் ஸீஸே ட²பெத்வா பாதாலே பதிட்ட²க³வேஸனங்

விய. கா²ணுங்வு உரஸாஸஜ்ஜாதி உரஸி கா²ணுங் பஹரித்வா விய.
அபேதா²தி அபக³ச்ச²த². இமஸ்மிங் டா²னே ஸங்கீ³திகாரா “இத³மவோசா”தி
தே³ஸனங் நிட்டு²பெத்வா த³த்³த³ல்லமானாதி கா³த²ங் ஆஹங்ஸு. தத்த²
த³த்³த³ல்லமானாதி அதிவிய ஜலமானா ஸோப⁴மானா. ஆக³ஞ்ச²ந்தி ஆக³தா.
பனுதீ³தி நீஹரி. தூலங் ப⁴ட்ட²ங்வு மாலுதோதி யதா² ப²லதோ ப⁴ட்ட²ங்
ஸிம்ப³லிதூலங் வா போடகிதூலங் வா வாதோ பனுத³தி நீஹரதி, ஏவங்
பனுதீ³தி. பஞ்சமங்.

ததியோ வக்³கோ³.

இதி ஸாரத்த²ப்பகாஸினியா

ஸங்யுத்தனிகாய-அட்ட²கதா²ய

மாரஸங்யுத்தவண்ணனா நிட்டி²தா.

5. பி⁴க்கு²னிஸங்யுத்தங்

1. ஆளவிகாஸுத்தவண்ணனா

162. பி⁴க்கு²னிஸங்யுத்தஸ்ஸ பட²மே ஆளவிகாதி ஆளவியங் ஜாதா ஆளவினக³ரதோயேவ ச நிக்க²ம்ம பப்³புஜிதா. அந்த⁴வனந்தி கஸ்ஸபஸம்மாஸம்பு³த்⁴ஸ்ஸ சேதியே நவகம்மத்தா²ய த⁴னங் ஸமாத³பெத்வா ஆக³ச்ச²ந்தஸ்ஸ யஸோத⁴ரஸ்ஸ நாம த⁴ம்மபா⁴ணகஸ்ஸ அரியபுக்³க³லஸ்ஸ அக்கீ²னி உப்பாடெத்வா தத்தே²வ அக்கி²பே⁴த³ப்பத்தேஹி பஞ்சஹி சோரஸதேஹி நிவுத்த²த்தா ததோ பட்டா²ய “அந்த⁴வன”ந்தி ஸங்க²ங் க³தங் வனங். தங் கிர ஸாவத்தி²தோ த³க்கி²ணபஸ்ஸே கா³வுதமத்தே ஹோதி ராஜாரக்கா²ய கு³த்தங். தத்த² பவிவேககாமா பி⁴க்க² ச பி⁴க்கு²னியோ ச க³ச்ச²ந்தி. தஸ்மா அயம்பி காயவிவேகத்தி²னீ யேன தங் வனங், தேனுபஸங்கமி. நிஸ்ஸரணந்தி நிப்³பா³னங். பஞ்ஞாயாதி பச்சவெக்க²ணஞானேன. ந த்வங் ஜானாஸி தங் பத³ந்தி த்வங் ஏதங் நிப்³பா³னபத³ங் வா நிப்³பா³னகா³மிமக்³க³பத³ங் வா ந ஜானாஸி. ஸத்திஸுலூபமாதி வினிவிஜ்ஜ²னத்தே²ன ஸத்திஸுலஸதி³ஸா. க²ந்தா⁴ஸங் அதி⁴குட்டனாதி க²ந்தா⁴ தேஸங் அதி⁴குட்டனப⁴ண்டி³கா. பட²மங்.

2. ஸோமாஸுத்தவண்ணனா

163. து³தியே டா²னந்தி அரஹத்தங். து³ரபி⁴ஸம்ப⁴வந்தி து³ப்பஸஹங். த்வங்கு³லபஞ்ஞாயாதி பரித்தபஞ்ஞாய. யஸ்மா வா த்³வீஹி அங்கு³லேஹி கப்பாஸவட்டிங் க³ஹெத்வா ஸுத்தங் கந்தந்தி, தஸ்மா இத்தீ² “த்³வங்கு³லபஞ்ஞா”தி வுச்சதி. ஞாணம்ஹி வத்தமானம்ஹீதி ப²லஸமாபத்திஞானே பவத்தமானே. த⁴ம்மங் விபஸ்ஸதோதி சதுஸச்சத⁴ம்மங் விபஸ்ஸந்தஸ்ஸ, புப்³பா⁴கே³ வா விபஸ்ஸனாய ஆரம்மணபூ⁴தங் க²ந்த⁴பஞ்சகமேவ. கிஞ்சி வா பன அஞ்ஞஸ்மீதி அஞ்ஞங் வா கிஞ்சி “அஹங் அஸ்மீ”தி தண்ஹாமானதி³ட்டி²வஸேன யஸ்ஸ ஸியா. து³தியங்.

3. கிஸாகோ³தமீஸுத்தவண்ணனா

164. ததியே கிஸாகோ³தமீதி அப்பமங்ஸலோஹிததாய கிஸா, கோ³தமீதி பனஸ்ஸா நாமங். புப்³பே³ கிர ஸாவத்தி²யங் ஏகஸ்மிங் குலே அஸீதிகோடித⁴னங் ஸப்³பங் அங்கா³ராவ ஜாதங். குடும்பி³கோ அங்கா³ரஜாதானி அனீஹரித்வா - “அவஸ்ஸங் கோசி புஞ்ஞவா ப⁴விஸ்ஸதி, தஸ்ஸ புஞ்ஞேன புன பாகதிகங் ப⁴விஸ்ஸதீ”தி ஸுவண்ணஹிரஞ்ஞஸ்ஸ

சாடியோ பூரெத்வா ஆபணை ட²பெத்வா ஸமீபே நிஸீதி³. அதே²கா து³க்³தகுலஸ்ஸ தீ⁴தா - “அட்³ட⁴மாஸகங் க³ஹெத்வா தா³ருஸாகங் ஆஹரிஸ்ஸாமீ”தி வீதி²ங் க³தா தங் தி³ஸ்வா குடும்பி³கங் ஆஹ - “ஆபணை தாவ த⁴னங் எத்தகங், கே³ஹே கித்தகங் ப⁴விஸ்ஸதீ”தி. கிங் தி³ஸ்வா அம்ம ஏவங் கதே²ஸீதி? இமங் ஹிரஞ்ஞஸுவண்ணந்தி. ஸோ “புஞ்ஞவதீ ஏஸா ப⁴விஸ்ஸதீ”தி தஸ்ஸா வஸனட்டா²னங் புச்சி²த்வா ஆபணை ப⁴ண்ட³ங் படிஸாமெத்வா தஸ்ஸா மாதாபிதரோ உபஸங்கமித்வா ஏவமாஹ - “அம்ஹாகங் கே³ஹே வயப்பத்தோ தா³ரகோ அத்தி², தஸ்ஸேதங் தா³ரிகங் தே³தா²”தி. கிங் ஸாமி து³க்³தேஹி ஸத்³தி⁴ங் கேளிங் கரோஸீதி? மித்தஸந்த²வோ நாம து³க்³தேஹிபி ஸத்³தி⁴ங் ஹோதி, தே³த² நங், குடும்ப³ஸாமினீ ப⁴விஸ்ஸதீதி நங் க³ஹெத்வா க⁴ரங் ஆனேஸி. ஸா ஸங்வாஸமன்வாய புத்தங் விஜாதா. புத்தோ பத³ஸா ஆஹிண்ட³னகாலே காலமகாஸி. ஸா து³க்³தகுலே உப்பஜ்ஜித்வா மஹாகுலங் க³ந்த்வாபி “புத்தவினாஸங் பத்தாம்ஹீ”தி உப்பன்னப³லவஸோகா புத்தஸ்ஸ ஸரீரகிச்சங் வாரெத்வா தங் மதகளேவரங் ஆதா³ய நக³ரே விப்பலபந்தீ சரதி.

ஏகதி³வஸங் மஹதியா பு³த்த⁴வீதி²யா த³ஸப³லஸ்ஸ ஸந்திகங் க³ந்த்வா - “புத்தஸ்ஸ மே அரோக³பா⁴வத்தா²ய பே⁴ஸஜ்ஜங் தே³த² ப⁴க³வா”தி ஆஹ. க³ச்ச² ஸாவத்தி²ங் ஆஹிண்டி³த்வா யஸ்மிங் கே³ஹே மதபு³போ³ நத்தி², ததோ ஸித்³த⁴த்த²கங் ஆஹர, புத்தஸ்ஸ தே பே⁴ஸஜ்ஜங் ப⁴விஸ்ஸதீதி. ஸா நக³ரங் பவிஸித்வா து⁴ரகே³ஹதோ பட்டா²ய ப⁴க³வதா வுத்தனயேன க³ந்த்வா ஸித்³த⁴த்த²கங் யாசந்தீ க⁴ரே க⁴ரே, “குதோ த்வங் ஏவருபங் க⁴ரங் பஸ்ஸிஸ்ஸஸீ”தி வுத்தா கதிபயானி கே³ஹானி ஆஹிண்டி³த்வா - “ஸப்³பேஸம்பி கிராயங் த⁴ம்மதா, ந மய்ஹங் புத்தஸ்ஸேவா”தி ஸாலாயங் ச²வங் ச²ட்³டெ³த்வா பப்³பஜ்ஜங் யாசி. ஸத்தா² “இமங் பப்³பா³ஜேது”தி பி⁴க்கு²னிஉபஸ்ஸயங் பேஸேஸி. ஸா கு²ரக்³கே³யேவ அரஹத்தங் பாபுணி. இமங் தே²ரிங் ஸந்தா⁴ய “அத² கோ² கிஸாகோ³தமீ”தி வுத்தங்.

ஏகமாஸீதி ஏகா ஆஸி. ருத³ம்முகீ²தி ருத³மானமுகீ² விய. அச்சந்தங் மதபுத்தாம்ஹீதி எத்த² அந்தங் அதீதங் அச்சந்தங், பா⁴வனபுங்ஸகமேதங். இத³ங் வுத்தங் ஹோதி - யதா² புத்தமரணங் அந்தங் அதீதங் ஹோதி, ஏவங் மதபுத்தா அஹங், இதா³னி மம புன புத்தமரணங் நாம நத்தி². புரிஸா ஏதத³ந்திகாதி புரிஸாபி மே ஏதத³ந்திகாவ . யோ மே புத்தமரணஸ்ஸ அந்தோ, புரிஸானம்பி மே ஏஸேவந்தோ, அப⁴ப்³பா³ அஹங் இதா³னி புரிஸங் க³வேஸிதுந்தி. ஸப்³புத்த² விஹதா நந்தீ³தி ஸப்³பேஸு க³ந்தா⁴யதனதா⁴துப⁴வயோனிக³திடி²தினிவாஸேஸு மம தண்ஹானந்தீ³ விஹதா. தமொக்க²ந்தோ⁴தி அவிஜ்ஜாக்க²ந்தோ⁴. பதா³லிதோதி ஞானேன பி⁴ன்னோ. ததியங்.

4. விஜயாஸுத்தவண்ணனா

165. சதுத்தே² பஞ்சங்கி³கேனாதி ஆததங் விததங் ஆததவிததங் க⁴னங் ஸுஸிரந்தி ஏவங் பஞ்சங்க³ஸமன்னாக³தேன. நிய்யாதயாமி துய்ஹேவாதி ஸப்³பே³ துய்ஹங்யேவ தே³மி. நாஹங் தேனத்தி²காதி நாஹங் தேன அத்தி²கா. பூதிகாயேனாதி ஸுவண்ணவண்ணோபி காயோ நிச்சங் உக்³க⁴ரிதபக்³க⁴ரிதட்டே²ன பூதிகாயோவ, தஸ்மா ஏவமாஹ. பி⁴ந்த³னேனாதி பி⁴ஜ்ஜனஸபா⁴வேன. பப⁴ங்³கு³னாதி சுண்ணவிசுண்ணங் ஆபஜ்ஜனத⁴ம்மேன. அட்டியாமீதி அட்டா பீளிதா ஹோமி. ஹராயாமீதி லஜ்ஜாமி. ஸந்தா ஸமாபத்தீதி அட்ட²விதா⁴ லோகியஸமாபத்தி ஆரம்மணஸந்ததாய அங்க³ஸந்ததாய ச ஸந்தாதி வுத்தா. ஸப்³புத்தா²தி ஸப்³பே³ஸு ரூபாரூபப⁴வேஸு, தேஸங் த்³வின்னங் ப⁴வானங் க³ஹிதத்தா க³ஹிதே காமப⁴வே அட்ட²ஸு ச ஸமாபத்தீஸுதி ஏதேஸு ஸப்³பே³ஸு டா²னேஸு மய்ஹங் அவிஜ்ஜாதமோ விஹதோதி வத³தி. சதுத்த²ங்.

5. உப்பலவண்ணாஸுத்தவண்ணனா

166. பஞ்சமே ஸுபுப்பி²தக்³க³ந்தி அக்³க³தோ பட்டா²ய ஸுட்டு² புப்பி²தங் ஸாலருக்க²ங். ந சத்தி² தே து³தியா வண்ணதா⁴துாதி தவ வண்ணதா⁴துஸதி³ஸா து³தியா வண்ணதா⁴து நத்தி², தயா ஸதி³ஸா அஞ்ஞா பி⁴க்கு²னீ நத்தீ²தி வத³தி. இதா⁴க³தா தாதி³ஸிகா ப⁴வெய்யுந்தி யதா² த்வங் இதா⁴க³தா கிஞ்சி ஸந்த²வங் வா ஸினேஹங் வா ந லப⁴ஸி, ஏவமேவங் தேபி தயாவ ஸதி³ஸா ப⁴வெய்யுங். பகு²மந்தரிகாயந்தி த்³வின்னங் அக்கீ²னங் மஜ்ஜே² நாஸவங்ஸேபி திட்ட²ந்திங் மங் ந பஸ்ஸஸி. வஸீபூ⁴தம்ஹீதி வஸீபூ⁴தா அஸ்மி. பஞ்சமங்.

6. சாலாஸுத்தவண்ணனா

167. ச²ட்டே² கோ நு தங் இத³மாத³பயீதி கோ நு மந்த³புத்தி⁴ பா³லோ தங் ஏவங் கா³ஹாபேஸி? பரிக்லேஸந்தி அஞ்ஞம்பி நானப்பகாரங் உபத்³த³வங். இதா³னி யங் மாரோ ஆஹ - “கோ நு தங் இத³மாத³பயீ”தி, தங் மத்³த³ந்தீ - “ந மங் அந்த⁴பா³லோ ஆத³பேஸி, லோகே பன அக்³க³புக்³க³லோ ஸத்தா² த⁴ம்மங் தே³ஸேஸீ”தி த்³ஸ்ஸேதுங், புத்³தோ⁴திஆதி³மாஹ. தத்த² ஸச்சே நிவேஸயீதி பரமத்த²ஸச்சே நிப்³பா³னே நிவேஸேஸி. நிரோத⁴ங் அப்பஜானந்தாதி நிரோத⁴ஸச்சங் அஜானந்தா. ச²ட்ட²ங்.

7. உபசாலாஸுத்தவண்ணனா

168. ஸத்தமே எந்தி மாரவஸங் புனாதி புனப்புனங் மரணமாரகிலேஸமாரதே³வபுத்தமாரானங் வஸங் ஆக³ச்ச²ந்தி. பதூ⁴பிதோதி

ஸந்தாபிதோ. அக³தி யத்த² மாரஸ்ஸாதி யத்த² துய்ஹங் மாரஸ்ஸ அக³தி. தத்தா²தி தஸ்மிங் நிப³பா³னே. ஸத்தமங்.

8. ஸீஸுபசாலாஸுத்தவண்ணனா

169. அட்ட²மே ஸமணீ விய தி³ஸ்ஸஸீதி ஸமணிஸதி³ஸா தி³ஸ்ஸஸி. கிமிவ சரஸி மோமுஹாதி கிங் காரணா மோமுஹா விய சரஸி? இதோ ப³ஹித்தா⁴தி இமம்ஹா ஸாஸனா ப³ஹி. பாஸங் டெ³ந்தீதி பாஸண்டா³, ஸத்தானங் சித்தேஸு தி³ட்டி²பாஸங் கி²பந்தீதி அத்தோ². ஸாஸனங் பன பாஸே மோசேதி, தஸ்மா பாஸண்டோ³தி ந வுச்சதி, இதோ ப³ஹித்தா⁴யேவ பாஸண்டா³ ஹொந்தி. பஸீத³ந்தீதி ஸங்ஸீத³ந்தி லக்³க³ந்தி.

இதா³னி “கங் நு உத்³தி³ஸ்ஸ முண்டா³ஸீ”தி பஞ்ஹங் கதெ²ந்தீ அத்தி² ஸக்யகுலே ஜாதோதிஆதி³மாஹ. தத்த² ஸப்³பா³பி⁴பூ⁴தி ஸப்³பா³னி க²ந்தா⁴யதனதா⁴துப⁴வயோனிக³திஆதீ³னி அபி⁴ப⁴வித்வா டி²தோ. மரணமாராத³யோ நுதி³ நீஹரீதி மாரனுதோ³. ஸப்³புத்த²மபராஜிதோதி ஸப்³பே³ஸு ராகா³தீ³ஸு வா மாரயுத்³தே⁴ வா அஜிதோ. ஸப்³புத்த² முத்தோதி ஸப்³பே³ஸு க²ந்தா⁴தீ³ஸு முத்தோ. அஸிதோதி தண்ஹாதி³ட்டி²னிஸ்ஸயேன அனிஸ்ஸிதோ. ஸப்³புகம்மக்க²யங் பத்தோதி ஸப்³புகம்மக்க²யஸங்கா²தங் அரஹத்தங் பத்தோ. உபதி⁴ஸங்க²யேதி உபதி⁴ஸங்க²யஸங்கா²தே நிப³பா³னே ஆரம்மணதோ விமுத்தோ. அட்ட²மங்.

9. ஸேலாஸுத்தவண்ணனா

170. நவமே கேனித³ங் பகதந்தி கேன இத³ங் கதங். பி³ம்ப³ந்தி அத்தபா⁴வங் ஸந்தா⁴ய வத³தி. அக⁴ந்தி து³க்க²பதிட்டா²னத்தா அத்தபா⁴வமேவ வத³தி. ஹேதுப⁴ங்கா³தி ஹேதுனிரோதே⁴ன பச்சயவேகல்லேன. நவமங்.

10. வஜிராஸுத்தவண்ணனா

171. த³ஸமே நயித⁴ ஸத்துபலப்³ப⁴தீதி இமஸ்மிங் ஸுத்³த⁴ஸங்கா²ரபுஞ்ஜே பரமத்த²தோ ஸத்தோ நாம ந உபலப்³ப⁴தி. க²ந்தே⁴ஸு ஸந்தேஸுதி பஞ்சஸு க²ந்தே⁴ஸு விஜ்ஜமானேஸு தேன தேனாகாரேன வவத்தி²தேஸு. ஸம்முதீதி ஸத்தோதி ஸமஞ்ஞாமத்தமேவ ஹொதி. து³க்க²ந்தி பஞ்சக்க²ந்த⁴து³க்க²ங். நாஞ்ஞத்ர து³க்கா²தி ட²பெத்வா து³க்க²ங் அஞ்ஞோ நேவ ஸம்போ⁴தி ந நிருஜ்ஜ²தீதி. த³ஸமங்.

இதி ஸாரத்த²ப்பகாஸினியா

ஸங்யுத்தனிகாய-அட்ட²கதா²ய

பி⁴க்கு²னிஸங்யுத்தவண்ணனா நி²டி²தா.

6. ப்ரஹ்மஸங்யுத்தங்

1. பட²மவக்³கோ³

1. ப்ரஹ்மாயாசனஸுத்தவண்ணனா

172. ப்ரஹ்மஸங்யுத்தஸ்ஸ பட²மே பரிவிதக்கோ உத³பாதீ³தி
ஸப்³பு³பு³த்தா⁴னங் ஆசிண்ணஸமாசிண்ணோ அயங் சேதஸோ விதக்கோ
உத³பாதீ³. கதா³ உத³பாதீ³தி? பு³த்த⁴பு⁴தஸ்ஸ அட்ட²மே ஸத்தாஹே
ராஜாயதனமுலே ஸக்கேன தே³வானமிந்தே³ன ஆப⁴தங் த³ந்தகட்ட²ஞ்ச
ஓஸத⁴ஹரீதகஞ்ச கா²தி³த்வா முக²ங் தோ⁴வித்வா சதுஹி லோகபாலேஹி
உபனீதே பச்சக்³கே⁴ ஸேலமயபத்தே தபுஸ்ஸப⁴ல்லிகானங் பிண்ட³பாதங்
பரிபு⁴ஞ்ஜித்வா புன பச்சாக³ந்த்வா அஜபாலனிக்³ரோதே⁴ நிஸின்னமத்தஸ்ஸ.

அதி⁴க³தோதி படிவித்³தோ⁴. த⁴ம்மோதி சதுஸச்சத⁴ம்மோ.
க³ம்பீ⁴ரோதி உத்தானபடிக்³பவசனமேதங். து³த்த³ஸோதி க³ம்பீ⁴ரத்தாவ
து³த்த³ஸோ து³க்கே²ன த³ட்ட²ப்³போ³, ந ஸக்கா ஸுகே²ன த³ட்டு²ங்.
து³த்த³ஸத்தாவ து³ரனுபோ³தோ⁴ து³க்கே²ன அவபு³ஜ்ஜி²தப்³போ³, ந ஸக்கா
ஸுகே²ன அவபு³ஜ்ஜி²துங். ஸந்தோதி நிப்³பு³தோ. பணீதோதி அதப்பகோ. இத³ங்
த³வயங் லோகுத்தரமேவ ஸந்தா⁴ய வுத்தங். அதக்காவசரோதி தக்கேன
அவசரிதப்³போ³ ஓகா³ஹிதப்³போ³ ந ஹோதி, ஞானேனேவ அவசரிதப்³போ³.
நிபுணோதி ஸண்ணோ. பண்டி³தவேத³னீயோதி ஸம்மாபடிபத³ங்
படிபன்னேஹி பண்டி³தேஹி வேதி³தப்³போ³. ஆலயராமாதி ஸத்தா பஞ்சஸு
காமகு³ணேஸு அல்லீயந்தி, தஸ்மா தே ஆலயாதி வுச்சந்தி.
அட்ட²ஸததண்ணஹாவிசரிதானி வா அல்லீயந்தி, தஸ்மாபி ஆலயாதி வுச்சந்தி.
தேஹி ஆலயேஹி ரமந்தீதி ஆலயராமா. ஆலயேஸு ரதாதி ஆலயரதா.
ஆலயேஸு ஸுட்டு² முதி³தாதி ஆலயஸம்முதி³தா. யதே²வ ஹி
ஸுஸஜ்ஜிதங் புப்ப²ப²லப⁴ரிதருக்கா²தி³ஸம்பன்னங் உய்யானங் பவிட்டோ²
ராஜா தாய தாய ஸம்பத்தியா ரமதி, ஸம்முதி³தோ ஆமோதி³தபமோதி³தோ
ஹோதி, ந உக்கண்ட²தி, ஸாயம்பி நிக்³மிதுங் ந இச்ச²தி, ஏவமிமேஹிபி
காமாலயதண்ணஹாலயேஹி ஸத்தா ரமந்தி, ஸங்ஸாரவட்டே ஸம்முதி³தா
அனுக்கண்டி²தா வஸந்தி. தேன தேஸங் ப⁴க³வா து³வித⁴ங் ஆலயங்
உய்யானபு⁴மிங் விய த³ஸ்ஸெந்தோ “ஆலயராமா”திஆதி³மாஹ.

தத்த² யதி³த³ந்தி நிபாதோ, தஸ்ஸ டா²னங் ஸந்தா⁴ய “யங் இத³”ந்தி,
படிச்சஸமுப்பாத³ங் ஸந்தா⁴ய “யோ அய”ந்தி ஏவமத்தோ² த³ட்ட²ப்³போ³.
இத³ப்பச்சயதாபடிச்சஸமுப்பாதோ³தி இமேஸங் பச்சயா இத³ப்பச்சயா,
இத³ப்பச்சயா ஏவ இத³ப்பச்சயதா, இத³ப்பச்சயதா ச ஸா படிச்சஸமுப்பாதோ³
சாதி இத³ப்பச்சயதாபடிச்சஸமுப்பாதோ³. ஸங்கா²ராதி³பச்சயானங் ஏதங்

அதி⁴வசனங். ஸப்³புஸங்கா²ரஸமதோ²திஆதி³ ஸப்³புங் நிப்³பா³னமேவ. யஸ்மா ஹி தங் ஆக³ம்ம ஸப்³புஸங்கா²ரவிப்ப²ந்தி³தானி ஸமந்தி, லுபஸம்மந்தி, தஸ்மா ஸப்³புஸங்கா²ரஸமதோ²தி வுச்சதி. யஸ்மா ச தங் ஆக³ம்ம ஸப்³பே³ உபத⁴யோ படினிஸ்ஸட்டா² ஹொந்தி, ஸப்³பா³ தண்ஹா கீயந்தி, ஸப்³பே³ கிலேஸராகா³ விரஜ்ஜந்தி, ஸப்³புங் து³க்கங் நிருஜ்ஜ²தி, தஸ்மா ஸப்³பு³பதி⁴படினிஸ்ஸக்³கோ³ தண்ஹாக்க²யோ விராகோ³ நிரோதோ⁴தி வுச்சதி. யா பனேஸா தண்ஹா ப⁴வேன ப⁴வங், ப²லேன வா ஸத்³தி⁴ங் கம்மங் வினதி ஸங்ஸிப்³பு³தீதி கத்வா வானந்தி வுச்சதி, ததோ நிக்²ந்தங் வானதோதி நிப்³பா³னங். ஸோ மமஸ்ஸ கிலமதோ²தி யா அஜானந்தானங் தே³ஸனா நாம, ஸோ மம கிலமதோ² அஸ்ஸ, ஸா மம விஹேஸா அஸ்ஸாதி அத்தோ². காயகிலமதோ² சேவ காயவிஹேஸா ச அஸ்ஸாதி வுத்தங் ஹொதி. சித்தே பன உப⁴யம்பேதங் பு³த்தா⁴னங் நத்தி². அபிஸ்ஸு³தி அனுப்³ருஹனத்தே² நிபாதோ. ஸோ “ந கேவலங் அயங் பரிவிதக்கோ உத³பாதி³, இமாபி கா³தா² படிப⁴ங்ஸு³தி தீ³பேதி. அனச்ச²ரியாதி அனுஅச்ச²ரியா. படிப⁴ங்ஸு³தி படிபா⁴னஸங்கா²தஸ்ஸ ஞாணஸ்ஸ கோ³சரா அஹேஸுங், பரிவிதக்கயிதப்³பு³தங் பாபுணிங்ஸு.

கிச்சே²னாதி து³க்கே²ன, ந து³க்கா²ய படிபதா³ய. பு³த்தா⁴னங் ஹி சத்தாரோபி மக்³கா³ ஸுக²படிபதா³வ ஹொந்தி. பாரமீபூரணகாலே பன ஸராக³ஸதோ³ஸஸமோஹஸ்ஸேவ ஸதோ ஆக³தாக³தானங் யாசகானங் அலங்கதபடியத்தங் ஸீஸங் கந்தித்வா க³லலோஹிதங் நீஹரித்வா ஸுஅஞ்ஜிதானி அக்கீ²னி உப்பாடெத்வா குலவங்ஸப்பதீ³பங் புத்தங் மனாபசாரினிங் ப⁴ரியந்தி ஏவமாதீ³னி தெ³ந்தஸ்ஸ அஞ்ஞானி ச க²ந்திவாதி³ஸதி³ஸேஸு அத்தபா⁴வேஸு சே²ஜ்ஜபே⁴ஜ்ஜாதீ³னி பாபுணந்தஸ்ஸ ஆக³மனீயபடிபத³ங் ஸந்தா⁴யேதங் வுத்தங். ஹலந்தி எத்த² ஹ-காரோ நிபாதமத்தோ, அலந்தி அத்தோ². பகாஸிதுந்தி தே³ஸிதுங், ஏவங் கிச்சே²ன அதி⁴க³தஸ்ஸ அலங் தே³ஸிதுங் பரியத்தங் தே³ஸிதுங். கோ அத்தோ² தே³ஸிதேனாதி வுத்தங் ஹொதி? ராக³தோ³ஸபரேதேஹீதி ராக³தோ³ஸபு²ட்டே²ஹி ராக³தோ³ஸானுக³தேஹி வா.

படிஸோதகா³மிந்தி நிச்சாதீ³னங் படிஸோதங், “அனிச்சங் து³க்க²மனத்தா அஸுப⁴”ந்தி ஏவங் க³தங் சதுஸச்சத⁴ம்மங். ராக³ரத்தாதி காமராகே³ன ப⁴வராகே³ன தி³ட்டி²ராகே³ன ச ரத்தா. ந த³க்க²ந்தீதி அனிச்சங் து³க்க²மனத்தா அஸுப⁴ந்தி இமினா ஸபா⁴வேன ந பஸ்ஸிஸ்ஸந்தி , தே அபஸ்ஸந்தே கோ ஸக்கி²ஸ்ஸதி ஏவங் கா³ஹாபேதுங். தமோக³ந்தே⁴ன ஆவுடாதி அவிஜ்ஜாராஸினா அஜ்ஜொ²த்த²டா.

அப்பொஸ்ஸுக்கதாயாதி நிருஸ்ஸுக்கபா⁴வேன, அதே³ஸேதுகாமதாயாதி அத்தோ². கஸ்மா பனஸ்ஸ ஏவங் சித்தங் நமி? நனு ஏஸ முத்தோ

மோசெஸ்ஸாமி, திண்ணோ தாரெஸ்ஸாமி -

“கிங் மே அஞ்ஞாதவேஸேன, த⁴ம்மங் ஸச்சி²கதேனித⁴;
ஸப்³புஞ்ஞுதங் பாபுணித்வா, தாரயிஸ்ஸங் ஸதே³வக”ந்தி. (பு³. வங். 2.56)

-

பத்த²னங் கத்வா பாரமியோ பூரெத்வா ஸப்³புஞ்ஞுதங் பத்தோதி? ஸச்சமேதங், ததே³வங் பச்சவெக்க²ணானுபா⁴வேன பனஸ்ஸ ஏவங் சித்தங் நமி. தஸ்ஸ ஹி ஸப்³புஞ்ஞுதங் பத்வா ஸத்தானங் கிலேஸக³ஹனதங், த⁴ம்மஸ்ஸ ச க³ம்பீ⁴ரதங் பச்சவெக்க²ந்தஸ்ஸ ஸத்தானங் கிலேஸக³ஹனதா ச த⁴ம்மக³ம்பீ⁴ரதா ச ஸப்³பா³காரேன பாகடா ஜாதா. அத²ஸ்ஸ - “இமே ஸத்தா கஞ்ஜியபுண்ணா லாபு³ விய, தக்கப⁴ரிதா சாடி விய, வஸாதேலபீதபிலோதிகா விய, அஞ்ஜனமக்கி²தஹத்தோ² விய ச கிலேஸப⁴ரிதா அதிஸங்கிலிட்டா² ராக³ரத்தா தோ³ஸது³ட்டா² மோஹமூள்ஹா, தே கிங் நாம படிவிஜ்ஜி²ஸ்ஸந்தீ”தி? சிந்தயதோ கிலேஸக³ஹனபச்சவெக்க²ணானுபா⁴வேனாபி ஏவங் சித்தங் நமி.

“அயஞ்ச த⁴ம்மோ பத²வீஸந்தா⁴ரகஉ³கக்க²ந்தோ⁴ விய க³ம்பீ⁴ரோ, பப்³புதேன படிச்சா²தெ³த்வா ட²பிதோ ஸாஸபோ விய து³த்³த³ஸோ, ஸததா⁴ பி⁴ன்னஸ்ஸ வாலஸ்ஸ கோடியா கோடிபடிபாத³னங் விய து³ரனுபோ³தோ⁴. நனு மயா ஹி இமங் த⁴ம்மங் படிவிஜ்ஜி²துங் வாயமந்தேன அதி³ன்னங் தா³னங் நாம நத்தி², அரக்கி²தங் ஸீலங் நாம நத்தி², அபரிபூரிதா காசி பாரமீ நாம நத்தி², தஸ்ஸ மே நிருஸ்ஸாஹங் விய மாரப³லங் வித⁴மந்தஸ்ஸாபி பத²வீ ந கம்பித்த², பட²மயாமே புப்³பே³னிவாஸங் அனுஸ்ஸரந்தஸ்ஸாபி ந கம்பித்த², மஜ்ஜி²மயாமே தி³ப்³புச்சக்கு²ங் விலோதெ⁴ந்தஸ்ஸாபி ந கம்பித்த², பச்சி²மயாமே பன படிச்சஸமுப்பாத³ங் படிவிஜ்ஜி²ந்தஸ்ஸேவ மே த³ஸஸஹஸ்ஸிலோகதா⁴து கம்பித்த². இதி மாதி³ஸேனாபி திக்க³ஞானேன கிச்சே²னேவாயங் த⁴ம்மோ படிவித்³தோ⁴. தங் லோகியமஹாஜனா கத²ங் படிவிஜ்ஜி²ஸ்ஸந்தீ”தி? த⁴ம்மக³ம்பீ⁴ரபச்சவெக்க²ணானுபா⁴வேனாபி ஏவங் சித்தங் நமீதி வேதி³தப்³பங்.

அபிச ப்³ரஹ்முனா யாசிதே தே³ஸேதுகாமதாயபிஸ்ஸ ஏவங் சித்தங் நமி. ஜானாதி ஹி ப⁴க³வா - “மம அப்பொஸ்ஸுக்கதாய சித்தே நமமானே மங் மஹாப்³ரஹ்மா த⁴ம்மதே³ஸனங் யாசிஸ்ஸதி, இமே ச ஸத்தா ப்³ரஹ்மக³ருகா. தே ‘ஸத்தா² கிர த⁴ம்மங் ந தே³ஸேதுகாமோ அஹோஸி. அத² நங் மஹாப்³ரஹ்மா யாசித்வா தே³ஸாபேஸி. ஸந்தோ வத போ⁴ த⁴ம்மோ, பணீதோ வத போ⁴ த⁴ம்மோதி மஞ்ஞமானா ஸுஸ்ஸஹிஸ்ஸந்தீ”தி. இத³ம்பிஸ்ஸ காரணங் படிச்ச அப்பொஸ்ஸுக்கதாய சித்தங் நமி, நோ த⁴ம்மதே³ஸனாயாதி வேதி³தப்³பங்.

ஸஹம்பதிஸ்ஸாதி ஸோ கிர கஸ்ஸபஸ்ஸ ப்⁴க³வதோ ஸாஸனே ஸஹகோ நாம தே²ரோ பட²மஜ்ஜா²னங் நிப்³ப³த்தெத்வா பட²மஜ்ஜா²னபு⁴மியங் கப்பாயுகப்³ரஹ்மா ஹுத்வா நிப்³ப³த்தோ. தத்ர நங் “ஸஹம்பதிப்³ரஹ்மா”தி படிஸஞ்ஜானந்தி. தங் ஸந்தா⁴யாஹ “ப்³ரஹ்முனோ ஸஹம்பதிஸ்ஸா”தி. நஸ்ஸதி வத போ⁴தி ஸோ கிர இமங் ஸத்³த³ங் ததா² நிச்சா²ரேஸி, யதா² த³ஸஸஹஸ்ஸிலோகதா⁴துப்³ரஹ்மானோ ஸுத்வா ஸப்³பே³ ஸன்னிபதிங்ஸு. யத்ர ஹி நாமாதி யஸ்மிங் நாம லோகே. புரதோ பாதுரஹோஸீதி தேஹி த³ஸஹி ப்³ரஹ்மஸஹஸ்ஸேஹி ஸத்³தி⁴ங் பாதுரஹோஸி. அப்பரஜக்க²ஜாதிகாதி பஞ்ஞாமயே அக்கி²ம்ஹி அப்பங் பரித்தங் ராக³தோ³ஸமோஹரஜங் ஏதேஸங் ஏவங்ஸபா⁴வாதி அப்பரஜக்க²ஜாதிகா. அஸ்ஸவனதாதி அஸ்ஸவனதாய. ப்⁴விஸ்ஸந்தீதி புரிமபு³த்³தே⁴ஸு த³ஸபுஞ்ஞுகிரியவஸேன கதாதி⁴காரா பரிபாகக³தா பது³மானி விய ஸூரியரஸ்மிஸம்ப²ஸ்ஸங், த⁴ம்மதே³ஸனங்யேவ ஆகங்க²மானா சதுப்பதி³ககா³தா²வஸானே அரியபு⁴மிங் ஓக்கமனாரஹா ந ஏகோ, ந த்³வே, அனேகஸதஸஹஸ்ஸா த⁴ம்மஸ்ஸ அஞ்ஞாதாரோ ப்⁴விஸ்ஸந்தீதி த்³ஸ்ஸேதி.

பாதுரஹோஸீதி பாதுப⁴வி. ஸமலேஹி சிந்திதோதி ஸமலேஹி ச²ஹி ஸத்தா²ரேஹி சிந்திதோ. தே ஹி புரேதரங் உப்பஜ்ஜித்வா ஸகலஜம்பு³தீ³பே கண்டகே பத்த²ரமானா விய, விஸங் ஸிஞ்சமானா விய ச ஸமலங் மிச்சா²தி³ட்டி²த⁴ம்மங் தே³ஸயிங்ஸு. அபாபுரேதந்தி விவரங் ஏதங். அமதஸ்ஸ த்³வாரந்தி அமதஸ்ஸ நிப்³பா³னஸ்ஸ த்³வாரபு⁴தங் அரியமக்³ங். ஸுணந்து த⁴ம்மங் விமலேனானுபு³த்த⁴ந்தி இமே ஸத்தா ராகா³தி³மலானங் அபா⁴வதோ விமலேன ஸம்மாஸம்பு³த்³தே⁴ன அனுபு³த்த⁴ங் சதுஸச்சத⁴ம்மங் ஸுணந்து தாவ ப்⁴க³வாதி யாசதி.

ஸேலே யதா² பப்³ப³தமுத்³த⁴னிட்டி²தோதி ஸேலமயே ஏகக்³க⁴னே பப்³ப³தமுத்³த⁴னி யதா²டி²தோவ. ந ஹி தஸ்ஸ டி²தஸ்ஸ த்³ஸ்ஸனத்த²ங் கீவுக்கி²பனபஸாரணாதி³கிச்சங் அத்தி². தது²பமந்தி தப்படிபா⁴க³ங் ஸேலபப்³ப³தாபமங். அயங் பனெத்த² ஸங்கே²பத்தோ² - யதா² ஸேலபப்³ப³தமுத்³த⁴னி டி²தோவ சக்கு²மா புரிஸோ ஸமந்ததோ ஜனதங் பஸ்ஸெய்ய , ததா² த்வம்பி ஸுமேத⁴ ஸுந்த³ரபஞ்ஞ ஸப்³ப³ஞ்ஞுதஞானேன ஸமந்தசக்கு² ப்⁴க³வா த⁴ம்மமயங் பாஸாத³மாருய்ஹ ஸயங் அபேதஸோகோ ஸோகாவதிண்ணங் ஜாதிஜராபி⁴பு⁴தங் ஜனதங் அவெக்க²ஸ்ஸு உபதா⁴ரய உபபரிக்க². அயங் பனெத்த² அதி⁴ப்பாயோ - யதா² ஹி பப்³ப³தபாதே³ ஸமந்தா மஹந்தங் கெ²த்தங் கத்வா, தத்த² கேதா³ரபாளீஸு குடிகாயோ கத்வா ரத்திங் அக்³கி³ங் ஜாலெய்யுங், சதுரங்க³ஸமன்னாக³தஞ்ச அந்த⁴காரங் அஸ்ஸ, அத² தஸ்ஸ பப்³ப³தஸ்ஸ மத்த²கே ட²த்வா சக்கு²மதோ புரிஸஸ்ஸ பூ⁴மிங் ஓலோகயதோ நேவ கெ²த்தங் ந கேதா³ரபாளியோ ந

குடியோ ந தத்த² ஸயிதமனுஸ்ஸா பஞ்ஞாயெய்யுங். குடிகாஸு பன
அக்³கி³ஜாலாமத்தகமேவ பஞ்ஞாயெய்ய, ஏவங் த⁴ம்மபாஸாத³ங் ஆருய்ஹ
ஸத்தனிகாயங் ஓலோகயதோ ததா²க³தஸ்ஸ யே தே அகதகல்யாணா ஸத்தா,
தே ஏகவிஹாரே த³க்கி³ணஜாணுபஸ்ஸே நிஸின்னாபி பு³த்த⁴சக்கு²ஸ்ஸ
ஆபாத²ங் நாக³ச்ச²ந்தி, ரத்திங் கி²த்தா ஸரா விய ஹொந்தி. யே பன
கதகல்யாணா வேனெய்யபுக்³க³லா, தே ஏவஸ்ஸ தூ³ரேபி டி²தா ஆபாத²ங்
ஆக³ச்ச²ந்தி ஸோ அக்³கி³ விய ஹிமவந்தபப்³ப³தோ விய ச. வுத்தம்பி சேதங் -

“தூ³ரே ஸந்தோ பகாஸெந்தி, ஹிமவந்தோவ பப்³ப³தோ;

அஸந்தெத்த² ந தி³ஸ்ஸந்தி, ரத்திங் கி²த்தா யதா² ஸரா”தி. (த⁴. ப. 304);

அஜ்ஜே²ஸனந்தி யாசனங். பு³த்த⁴சக்கு²னாதி

இந்த³ரியபரோபரியத்தஞாணேன ச ஆஸயானுஸயஞாணேன ச. இமேஸங் ஹி
த³வின்னங் ஞாணானங் “பு³த்த⁴சக்க²”தி நாமங், ஸப்³ப³ஞ்ஞுதஞ்ஞாணஸ்ஸ
“ஸமந்தசக்க²”தி, திண்ணங் மக்³க³ஞாணானங் “த⁴ம்மசக்க²”தி.

அப்பரஜக்கே²திஆதீ³ஸு யேஸங் வுத்தனயேனேவ பஞ்ஞாசக்கு²ம்ஹி
ராகா³தி³ரஜங் அப்பங், தே அப்பரஜக்கா². யேஸங் தங் மஹந்தங், தே
மஹாரஜக்கா². யேஸங் ஸத்தா⁴தீ³னி இந்த³ரியானி திக்கா²னி, தே
திக்கி²ந்த³ரியா. யேஸங் தானி முதூ³னி, தே முதி³ந்த³ரியா. யேஸங் தேயேவ
ஸத்தா⁴த³யோ ஆகாரா ஸுந்த³ரா, தே ஸ்வாகாரா. யே கதி²தகாரணங்
ஸல்லக்கெ²ந்தி, ஸுகே²ன ஸக்கா ஹொந்தி விஞ்ஞாபேதுங், தே
ஸுவிஞ்ஞாபயா. யே பரலோகஞ்சேவ வஜ்ஜஞ்ச ப⁴யதோ பஸ்ஸந்தி, தே
பரலோகவஜ்ஜப⁴யத³ஸ்ஸாவினோ நாம.

அயங் பனெத்த² பாளி - “ஸத்தோ⁴ புக்³க³லோ அப்பரஜக்கோ²,
அஸ்ஸத்தோ⁴ புக்³க³லோ மஹாரஜக்கோ². ஆரத்த⁴வீரியோ, குஸீதோ.
உபட்டி²தஸ்ஸதி, முட்ட²ஸ்ஸதி. ஸமாஹிதோ , அஸமாஹிதோ. பஞ்ஞவா,
துப்³பஞ்ஞோ புக்³க³லோ மஹாரஜக்கோ². ததா² ஸத்தோ⁴ புக்³க³லோ
திக்கி²ந்த³ரியோ...பே... பஞ்ஞவா புக்³க³லோ பரலோகவஜ்ஜப⁴யத³ஸ்ஸாவீ,
துப்³பஞ்ஞோ புக்³க³லோ ந பரலோகவஜ்ஜப⁴யத³ஸ்ஸாவீ. லோகோதி
க²ந்த⁴லோகோ, ஆயதனலோகோ, தா⁴துலோகோ, ஸம்பத்திப⁴வலோகோ,
ஸம்பத்திஸம்ப⁴வலோகோ, விபத்திப⁴வலோகோ, விபத்திஸம்ப⁴வலோகோ.
ஏகோ லோகோ ஸப்³பே³ ஸத்தா ஆஹாரட்டி²திகா. த³வே லோகா நாமஞ்ச
ரூபஞ்ச. தயோ லோகா திஸ்ஸோ வேத³னா. சத்தாரோ லோகா சத்தாரோ
ஆஹாரா. பஞ்ச லோகா பஞ்சபாதா³னக்க²ந்தா⁴. ச² லோகா ச² அஜ்ஜ²த்திகானி
ஆயதனானி. ஸத்த லோகா ஸத்த விஞ்ஞாணட்டி²தியோ. அட்ட² லோகா அட்ட²
லோகத⁴ம்மா. நவ லோகா நவ ஸத்தாவாஸா. த³ஸ லோகா த³ஸாயதனானி.
த³வாத³ஸ லோகா த³வாத³ஸாயதனானி. அட்டா²ரஸ லோகா அட்டா²ரஸ
தா⁴துயோ. வஜ்ஜந்தி ஸப்³பே³ கிலேஸா வஜ்ஜா, ஸப்³பே³ துச்சரிதா வஜ்ஜா,

ஸப்³பே³ அபி⁴ஸங்கா²ரா வஜ்ஜா, ஸப்³பே³ ப⁴வகா³மிகம்மா வஜ்ஜா, இதி இமஸ்மிஞ்ச லோகே இமஸ்மிஞ்ச வஜ்ஜே திப்³பா³ ப⁴யஸஞ்ஞா பச்சபட்டி²தா ஹோதி, ஸெய்யதா²பி உக்கித்தாஸிகே வத⁴கே. இமேஹி பஞ்ஞாஸாய ஆகாரேஹி இமானி பஞ்சிந்த்³ரியானி ஜானாதி பஸ்ஸதி அஞ்ஞாஸி படிவிஜ்ஜி². இத³ங் ததா²க³தஸ்ஸ இந்த்³ரியபரோபரியத்தே ஞாண³ந்தி (படி. ம. 1.112).

உப்பலினியந்தி உப்பலவனே. இதரேஸுபி ஏஸேவ நயோ. அந்தோனிமுக³க³போஸீனிதி யானி அந்தோ நிமுக³கா³னேவ போஸியந்தி. உத³கங் அச்சக³க³ம்ம டி²தானீ தி உத³கங் அதிக்மித்வா டி²தானி. தத்த² யானி அச்சக³க³ம்ம டி²தானி, தானி ஸூரியரஸ்மிஸம்ப²ஸ்ஸங் ஆக³மயமானானி டி²தானி அஜ்ஜ புப்ப²னகானி. யானி பன ஸமோத³கங் டி²தானி, தானி ஸ்வே புப்ப²னகானி. யானி உத³கானுக்³க³தானி அந்தோனிமுக³க³போஸீனி, தானி ததியதி³வஸே புப்ப²னகானி. உத³கா பன அனுக்³க³தானி அஞ்ஞானிபி ஸரோக³உப்பலாதீ³னி நாம அத்தி², யானி நேவ புப்பி²ஸ்ஸந்தி, மச்ச²கச்ச²பப⁴க்கா²னேவ ப⁴விஸ்ஸந்தி, தானி பாளிங் நாருள்ஹானி. ஆஹரித்வா பன தீ³பேதப்³பா³னீதி தீ³பிதானி. யதே²வ ஹி தானி சதுப்³பி³தா⁴னி புப்பா²னி, ஏவமேவங் உக்³க⁴டிதஞ்ஞா விபஞ்சிதஞ்ஞா நெய்யோ பத³பரமோதி சத்தாரோ புக³க³லா.

தத்த² “யஸ்ஸ புக³க³லஸ்ஸ ஸஹ உதா³ஹடவேலாய த⁴ம்மாபி⁴ஸமயோ ஹோதி, அயங் வச்சதி புக³க³லோ உக்³க⁴டிதஞ்ஞா. யஸ்ஸ புக³க³லஸ்ஸ ஸங்கித்தேன பா⁴ஸிதஸ்ஸ வித்தா²ரேன அத்தே² விப⁴ஜியமானே த⁴ம்மாபி⁴ஸமயோ ஹோதி, அயங் வச்சதி புக³க³லோ விபஞ்சிதஞ்ஞா. யஸ்ஸ புக³க³லஸ்ஸ உத்³தே³ஸதோ பரிபுச்ச²தோ யோனிஸோ மனஸிகரோதோ கல்யாணமித்தே ஸேவதோ ப⁴ஜதோ பயிருபாஸதோ அனுபுப்³பே³ன த⁴ம்மாபி⁴ஸமயோ ஹோதி, அயங் வச்சதி புக³க³லோ நெய்யோ. யஸ்ஸ புக³க³லஸ்ஸ ப³ஹும்பி ஸுணதோ ப³ஹும்பி ப⁴ணதோ ப³ஹும்பி தா⁴ரயதோ ப³ஹும்பி வாசயதோ ந தாய ஜாதியா த⁴ம்மாபி⁴ஸமயோ ஹோதி, அயங் வச்சதி புக³க³லோ பத³பரமோ (பு. ப. 148-151). தத்த² ப⁴க³வா உப்பலவனாதி³ஸதி³ஸ்ஸங் த³ஸ்ஸஹஸ்ஸிலோகதா⁴துங் ஒலோகெந்தோ - “அஜ்ஜ புப்ப²னகானி விய உக்³க⁴டிதஞ்ஞா, ஸ்வே புப்ப²னகானி விய விபஞ்சிதஞ்ஞா, ததியதி³வஸே புப்ப²னகானி விய நெய்யோ, மச்ச²கச்ச²பப⁴க்கா²னி புப்பா²னி விய பத³பரமோ³தி அத்த³த³ஸ்ஸ. பஸ்ஸந்தோ ச “எத்தகா அப்பரஜக்கா², எத்தகா மஹாரஜக்கா², தத்ராபி எத்தகா உக்³க⁴டிதஞ்ஞா³தி ஏவங் ஸப்³பா³காரதோவ அத்த³த³ஸ்ஸ.

தத்த² திண்ணங் புக³க³லானங் இமஸ்மிங்யேவ அத்தபா⁴வே ப⁴க³வதோ த⁴ம்மதே³ஸனா அத்த²ங் ஸாதே⁴தி. பத³பரமானங் அனாக³தத்தா²ய வாஸனா ஹோதி. அத² ப⁴க³வா இமேஸங் சதுன்னங் புக³க³லானங் அத்தா²வஹங்

த⁴ம்மதே³ஸனங் விதித்வா தே³ஸேதுகம்யதங் உப்பாதே³த்வா புன ஸப்³பே³பி
தீஸு ப⁴வேஸு ஸத்தே ப⁴ப்³பா³ப⁴ப்³வஸேன த்³வே கொட்டா²ஸே
அகாஸி. யே ஸந்தா⁴ய வுத்தங் - “கதமே ஸத்தா அப⁴ப்³பா³? யே தே ஸத்தா
கம்மாவரணேன ஸமன்னாக³தா கிலேஸாவரணேன ஸமன்னாக³தா
விபாகாவரணேன ஸமன்னாக³தா அஸ்ஸத்தா⁴ அச்ச²ந்தி³கா து³ப்பஞ்ஞா
அப⁴ப்³பா³ நியாமங் ஓக்கமிதுங் குஸலேஸு த⁴ம்மேஸு ஸம்மத்தங், இமே
தே ஸத்தா அப⁴ப்³பா³. கதமே ஸத்தா ப⁴ப்³பா³? யே தே ஸத்தா ந
கம்மாவரணேன...பே... இமே தே ஸத்தா ப⁴ப்³பா³”தி (விப⁴. 827; படி. ம. 1.115).
தத்த² ஸப்³பே³பி அப⁴ப்³புக்³க³லே பஹாய ப⁴ப்³புக்³க³லேயேவ ஞானேன
பரிக்³க³ஹேத்வா, “எத்தகா ராக³சரிதா எத்தகா தோ³ஸ-மோஹசரிதா விதக்-
ஸத்தா⁴-புத்தி⁴சரிதா”தி ச² கொட்டா²ஸே அகாஸி. ஏவங் கத்வா த⁴ம்மங்
தே³ஸேஸஸாமீதி சிந்தேஸி.

பச்சபா⁴ஸீதி பதிஅபா⁴ஸி. அபாருதாதி விவடா. அமதஸ்ஸ த்வாராதி
அரியமக்³கோ³. ஸோ ஹி அமதஸங்கா²தஸ்ஸ நிப்³பா³னஸ்ஸ த்வாரங், ஸோ
மயா விவரித்வா ட²பிதோதி த்³ஸ்ஸேதி. பமுஞ்சந்து ஸத்த⁴ந்தி ஸப்³பே³
அத்தனோ ஸத்த⁴ங் பமுஞ்சந்து விஸ்ஸஜ்ஜெந்து. பச்சி²மபத³த்வயே
அயமத்தோ² - அஹஞ்ஹி அத்தனோ பகு³ணங் ஸுப்பவத்திதம்பி இமங் பணீதங்
உத்தமங் த⁴ம்மங் காயவாசாகிலமத²ஸஞ்ஞீ ஹுத்வா ந பா⁴ஸிங். இதா³னி
பன ஸப்³பே³ ஜனோ ஸத்தா⁴பா⁴ஜனங் உபனேது, பூரேஸஸாமி தேஸங்
ஸங்கப்பந்தி.

அந்தரதா⁴யீதி ஸத்தா²ரங் க³ந்த⁴மாலாதீ³ஹி பூஜெத்வா அந்தரஹிதோ,
ஸகட்டா²னமேவ க³தோதி அத்தோ². க³தே ச பன தஸ்மிங் ப⁴க³வா “கஸ்ஸ நு
கோ² அஹங் பட²மங் த⁴ம்மங் தே³ஸேய்ய”ந்தி? ஆளாருத³கானங்
காலங்கதபா⁴வங், பஞ்சவக்³கியானஞ்ச ப³ஹுபகாரபா⁴வங் ஞத்வா தேஸங்
த⁴ம்மங் தே³ஸேதுகாமோ பா³ராணஸியங் இஸிபதனங் க³ந்த்வா த⁴ம்மசக்கங்
பவத்தேஸீதி. பட²மங்.

2. கா³ரவஸுத்தவண்ணனா

173. து³தியே உத³பாதீ³தி அயங் விதக்கோ பஞ்சமே ஸத்தா⁴ஹே உத³பாதி³.
அகா³ரவோதி அஞ்ஞஸ்மிங் கா³ரவரஹிதோ, கஞ்சி க³ருட்டா²னே
அட்ட²பெத்வாதி அத்தோ². அப்பதிஸ்ஸோதி பதிஸ்ஸயரஹிதோ, கஞ்சி
ஜெட்ட²கட்டா²னே அட்ட²பெத்வாதி அத்தோ².

ஸதே³வகேதிஆதீ³ஸு ஸத்தி⁴ங் தே³வேஹி ஸதே³வகே.
தே³வக்³க³ஹணேன செத்த² மாரப்³ரஹ்மேஸு க³ஹிதேஸுபி மாரோ நாம
வஸவத்தீ ஸப்³பே³ஸங் உபரி வஸங் வத்தேதி, ப்³ரஹ்மா நாம
மஹானுபா⁴வோ ஏகங்கு³லியா ஏகஸ்மிங் சக்கவாளஸஹஸ்ஸே ஆலோகங்

ப²ரதி. த்³வீஹி த்³வீஸு...பே... த³ஸஹி அங்கு³லீஹி த³ஸஸுபி
சக்கவாளஸஹஸ்ஸேஸு ஆலோகங் ப²ரதி, ஸோ இமினா
ஸீலஸம்பன்னதரோதி வத்துங் மா லப⁴தூதி ஸமாரகே ஸப்³ரஹ்மகேதி
விஸுங் வுத்தங். ததா² ஸமணா நாம ஏகனிகாயாதி³வஸேன ப³ஹுஸ்ஸுதா
ஸீலவந்தோ பண்டி³தா, ப்³ராஹ்மணாபி வத்து²விஜ்ஜாதி³வஸேன
ப³ஹுஸ்ஸுதா பண்டி³தா, தே இமினா ஸீலஸம்பன்னதரோதி வத்துங் மா
லப⁴ந்தூதி ஸஸ்ஸமணப்³ராஹ்மணியா பஜாயாதி வுத்தங்.
ஸதே³வமனுஸ்ஸாயாதி இத³ங் பன நிப்பதே³ஸதோ த³ஸ்ஸனத்த²ங்
க³ஹிதமேவ க³ஹேத்வா வுத்தங். அபிசெத்த² புரிமானி தீணி பதா³னி
லோகவஸேன வுத்தானி, பச்சி²மானி த்³வே பஜாவஸேன.
ஸீலஸம்பன்னதரந்தி ஸீலேன ஸம்பன்னதரங், அதி⁴கதரந்தி அத்தோ².
ஸேஸேஸுபி ஏஸேவ நயோ. எத்த² ச ஸீலாத³யோ சத்தாரோ த⁴ம்மா
லோகியலோகுத்தரா கதி²தா, விமுத்திஞாணத³ஸ்ஸனங் லோகியமேவ.
பச்சவெக்க²ணஞாணங் ஹேதங்.

பாதுரஹோஸீதி - “அயங் ஸத்தா² அவீசிதோ யாவ ப⁴வக்³கா³ ஸீலாதீ³ஹி
அத்தனா அதி⁴கதரங் அபஸ்ஸந்தோ ‘மயா படிவித்³த⁴ங்
நவலோகுத்தரத⁴ம்மமேவ ஸக்கத்வா க³ருங் கத்வா உபனிஸ்ஸாய
விஹரிஸ்ஸாமீதி சிந்தேதி, காரணங் ப⁴க³வா சிந்தேதி, அத்த²ங்
வுட்³டி⁴விஸேஸங் சிந்தேதி, க³ச்சா²மிஸ்ஸ உஸ்ஸாஹங் ஜனெஸ்ஸாமீதி
சிந்தெத்வா புரதோ பாகடோ அஹோஸி, அபி⁴முகே² அட்டா²ஸீதி அத்தோ².

விஹரந்தி சாதி எத்த² யோ வதெ³ய்ய “விஹரந்தீதி வசனதோ
பச்சப்பன்னேபி ப³ஹு பு³த்தா⁴”தி, ஸோ “ப⁴க³வாபி, ப⁴ந்தே, ஏதரஹி
அரஹங் ஸம்மாஸம்பு³த்தோ⁴”தி இமினா வசனேன படிபா³ஹிதப்³போ³.

“ந மே ஆசரியோ அத்தி², ஸதி³ஸோ மே ந விஜ்ஜதி;
ஸதே³வகஸ்மிங் லோகஸ்மிங், நத்தி² மே படிபுக்³க³லோ”தி. (மஹாவ. 11;
ம. நி. 1.285) -

ஆதீ³ஹி சஸ்ஸ ஸுத்தேஹி அஞ்ஞேஸங் பு³த்தா⁴னங் அபா⁴வோ
தீ³பேதப்³போ³. தஸ்மாதி யஸ்மா ஸப்³பே³பி பு³த்தா⁴ ஸத்³த⁴ம்மக³ருனோ,
தஸ்மா. மஹத்தமபி⁴கங்க³தாதி மஹந்தபா⁴வங் பத்த²யமானேன. ஸரங்
பு³த்தா⁴ன-ஸாஸனந்தி பு³த்தா⁴னங் ஸாஸனங் ஸரந்தேன. து³தியங்.

3. ப்³ரஹ்மதே³வஸுத்தவண்ணனா

174. ததியே ஏகோதி டா²னாதீ³ஸு இரியாபதே²ஸு ஏககோ, ஏகவிஹாரீதி
அத்தோ². லுபகட்டோ²தி காயேன லுபகட்டோ² நிஸ்ஸடோ. அப்பமத்தோதி
ஸதியா அவிப்பவாஸே டி²தோ. ஆதாபீதி வீரியாதாபேன ஸமன்னாக³தோ.

பஹிதத்தோதி பேஸிதத்தோ. குலபுத்தாதி ஆசாரகுலபுத்தா. ஸம்மதே³வாதி ந இணட்டா ந ப⁴யட்டா ந ஜீவிதபகதா ஹுத்வா, யதா² வா ததா² வா பப்³புஜிதாபி யே அனுலோமபடிபத³ங் பூரெந்தி, தே ஸம்மதே³வ அகா³ரஸ்மா அனகா³ரியங் பப்³புஜந்தி நாம. ப்³ரஹ்மசரியபரியோஸானந்தி மக்³கப்³ரஹ்மசரியஸ்ஸ பரியோஸானபூ⁴தங் அரியப²லங். தி³ட்டே²வ த⁴ம்மேதி இமஸ்மிந்யேவ அத்தபா⁴வே. ஸயங் அபி⁴ஞ்ஞா ஸச்சிகத்வாதி ஸாமங் ஜானித்வா பச்சக்க²ங் கத்வா. உபஸம்பஜ்ஜாதி படிபி⁴த்வா ஸம்பாதே³த்வா விஹாஸி. ஏவங் விஹரந்தோ ச கீ²ணா ஜாதி... பே... அப்³ப⁴ஞ்ஞாஸீதி. ஏதேனஸ்ஸ பச்சவெக்க²ணபூ⁴மி த³ஸ்ஸிதா.

கதமா பனஸ்ஸ ஜாதி கீ²ணா, கத²ஞ்ச நங் அப்³ப⁴ஞ்ஞாஸீதி? வுச்சதே, ந தாவஸ்ஸ அதீதா ஜாதி கீ²ணா புப்³பே³வ கீ²ணத்தா, ந அனாக³தா தத்த² வாயாமாபா⁴வதோ, ந பச்சுப்பன்னா விஜ்ஜமானத்தா. மக்³கஸ்ஸ பன அபா⁴விதத்தா யா உப்பஜ்ஜெய்ய ஏகசதுபஞ்சவோகாரப⁴வேஸு ஏகசதுபஞ்சக்க²ந்த⁴ப்பபே⁴தா³ ஜாதி. ஸா மக்³கஸ்ஸ பா⁴விதத்தா அனுப்பாத³த⁴ம்மதங் ஆபஜ்ஜனேன கீ²ணா. தங் ஸோ மக்³கபா⁴வனாய பஹீனகிலேஸே பச்சவெக்கி²த்வா - “கிலேஸாபா⁴வே விஜ்ஜமானம்பி கம்மங் ஆயதிங் அப்படிஸந்தி⁴கங் ஹோதீ”தி ஜானந்தோ ஜானாதி.

வுஸிதந்தி வுத்த²ங் பரிவுத்த²ங், கதங் சரிதங் நிட்டா²பிதந்தி அத்தோ². ப்³ரஹ்மசரியந்தி மக்³கப்³ரஹ்மசரியங் . கதங் கரணீயந்தி சதூஸு ஸச்சேஸு சதூஹி மக்³கே³ஹி பரிஞ்ஞாபஹானஸச்சிகிரியபா⁴வனாவஸேன ஸோளஸவித⁴ம்பி கிச்சங் நிட்டா²பிதந்தி அத்தோ². நாபரங் இத்த²த்தாயாதி இதா³னி புன இத்த²பா⁴வாய, ஏவங் ஸோளஸகிச்சபா⁴வாய, கிலேஸக்க²யாய வா கதமக்³கபா⁴வனா நத்தீ²தி. அத² வா இத்த²த்தாயாதி இத்த²த்தபா⁴வதோ, இமஸ்மா ஏவங்காரா இதா³னி வத்தமானக்க²ந்த⁴ஸந்தானா அபரங் க²ந்த⁴ஸந்தானங் நத்தி², இமே பன பஞ்சக்க²ந்தா⁴ பரிஞ்ஞாதா திட்ட²ந்தி சி²ன்னமூலகோ ருக்கோ² வியாதி அப்³ப⁴ஞ்ஞாஸி. அஞ்ஞதரோதி ஏகோ. அரஹதந்தி அரஹந்தானங், ப⁴க³வதோ ஸாவகானங் அரஹதங் அப்³ப⁴ந்தரோ அஹோஸி.

ஸபதா³னந்தி ஸபதா³னசாரங், ஸம்பத்தக⁴ரங் அனுக்கம்ம படிபாடியா சரந்தோ. உபஸங்கமீதி உபஸங்கமந்தோ. மாதா பனஸ்ஸ புத்தங் தி³ஸ்வாவ க⁴ரா நிக்க²ம்ம பத்தங் க³ஹெத்வா அந்தோனிவேஸனங் பவேஸெத்வா பஞ்ஞத்தாஸனே நிஸீதா³பேஸி.

ஆஹுதிங் நிச்சங் பக்³க³ண்ஹாதீதி நிச்சகாலே ஆஹுதிபிண்ட³ங் பக்³க³ண்ஹாதி. தங் தி³வஸங் பன தஸ்மிங் க⁴ரே பூ⁴தப³லிகம்மங் ஹோதி. ஸப்³பு³கே³ஹங் ஹரிதுபலித்தங் விப்பகிண்ணலாஜங் வனமாலபரிக்கி²த்தங்

உஸ்ஸிதத்³த⁴ஜபடாகங் தத்த² தத்த² புண்ணக⁴ரே ட²பெத்வா த³ண்ட³தீ³பிகா ஜாலெத்வா க³ந்த⁴சுண்ணமாலாதீ³ஹி அலங்கதங், ஸமந்ததோ ஸஞ்சாதீ³யமானா தூ⁴மகடச்சு² அஹோஸி. ஸாபி ப்³ராஹ்மணீ காலஸ்ஸேவ வுட்டா²ய ஸோளஸஹி க³ந்தோ⁴த³கக⁴டேஹி ந்ஹாயித்வா ஸப்³பா³லங்காரேன அத்தபா⁴வங் அலங்கரி. ஸா தஸ்மிங் ஸமயே மஹாகீ²ணாஸவங் நிஸீதா³பெத்வா, யாகு³உளுங்கமத்தம்பி அத³த்வா, “மஹாப்³ரஹ்மங் போ⁴ஜெஸ்ஸாமீ”தி ஸுவண்ணபாதியங் பாயாஸங் பூரெத்வா ஸப்பிமது⁴ஸக்க²ராதீ³ஹி யோஜெத்வா நிவேஸனஸ்ஸ பச்சா²பா⁴கே³ ஹரிதுபலித்தபா⁴வாதீ³ஹி அலங்கதா பூ⁴தபீடி²கா அத்தி². ஸா தங் பாதிங் ஆதா³ய, தத்த² க³ந்த்வா, சதூஸு கோணேஸு மஜ்ஜே² ச ஏகேகங் பாயாஸபிண்ட³ங் ட²பெத்வா, ஏகங் பிண்ட³ங் ஹத்தே²ன க³ஹெத்வா, யாவ கப்பரா ஸப்பினா பக்³க⁴ரந்தேன பத²வியங் ஜாணுமண்ட³லங் பதிட்டா²பெத்வா “பு⁴ஞ்ஜது ப⁴வங் மஹாப்³ரஹ்மா, ஸாயது ப⁴வங் மஹாப்³ரஹ்மா, தப்பேது ப⁴வங் மஹாப்³ரஹ்மா”தி வத³மானா ப்³ரஹ்மானங் போ⁴ஜேதி.

ஏதத³ஹோஸீதி மஹாகீ²ணாஸவஸ்ஸ ஸீலக³ந்த⁴ங் ச²தே³வலோகே அஜ்ஜொ²த்த²ரித்வா ப்³ரஹ்மலோகங் உபக³தங் கா⁴யமானஸ்ஸ ஏதங் அஹோஸி. ஸங்வேஜெய்யந்தி சோதெ³ய்யங், ஸம்மாபடிபத்தியங் யோஜெய்யங். ‘அயங் ஹி ஏவருபங் அக்³க³த³க்கி²ணெய்யங் மஹாகீ²ணாஸவங் நிஸீதா³பெத்வா யாகு³உளுங்கமத்தம்பி அத³த்வா, “மஹாப்³ரஹ்மங் போ⁴ஜெஸ்ஸாமீ”தி துலங் பஹாய ஹத்தே²ன துலயந்தீ விய, பே⁴ரிங் பஹாய குச்சி²ங் வாதெ³ந்தீ விய, அக்³கி³ங் பஹாய க²ஜ்ஜோபனகங் த⁴மமானா விய பூ⁴தப³லிங் குருமானா ஆஹிண்ட³தி. க³ச்சா²மிஸ்ஸா மிச்சா²த³ஸ்ஸனங் பி⁴ந்தி³த்வா அபாயமக்³க³தோ உத்³த⁴ரித்வா யதா² அஸீதிகோடித⁴னங் புத்³த⁴ஸாஸனே விப்பகிரித்வா ஸக்³க³மக்³க³ங் ஆரோஹதி, ததா² கரோமீதி வுத்தங் ஹோதி.

தூ³ரே இதோதி இமம்ஹா டா²னா தூ³ரே ப்³ரஹ்மலோகோ. ததோ ஹி கூடாகா³ரமத்தா ஸிலா பாதிதா ஏகேன அஹோரத்தேன அட்ட²சத்தாலீஸயோஜனஸஹஸ்ஸானி கே²பயமானா சதூஹி மாஸேஹி பத²வியங் பதிட்ட²ஹெய்ய, ஸப்³ப³ஹெட்டி²மோபி ப்³ரஹ்மலோகோ ஏவங் தூ³ரே. யஸ்ஸாஹு³திந்தி யஸ்ஸ ப்³ரஹ்முனோ ஆஹுதிங் பக்³க³ணஹாஸி, தஸ்ஸ ப்³ரஹ்மலோகோ தூ³ரேதி அத்தோ². ப்³ரஹ்மபத²ந்தி எத்த² ப்³ரஹ்மபதோ² நாம சத்தாரி குஸலஜ்ஜா²னானி, விபாகஜ்ஜா²னானி பன நேஸங் ஜீவிதபதோ² நாம, தங் ப்³ரஹ்மபத²ங் அஜானந்தீ த்வங் கிங் ஜப்பஸி விப்பலபஸி? ப்³ரஹ்மானோ ஹி ஸப்பீதிகஜ்ஜா²னேன யாபெந்தி, ந ஏதங் திணபீஜானி பக்கி²பித்வா ரந்த⁴ங் கோ³யூஸங் கா²த³ந்தி, மா அகாரணா கிலமஸீதி.

ஏவங் வத்வா புன ஸோ மஹாப்ரஹ்மா அஞ்ஜலிங் பக்³க்யஹ்
 அவகுஜ்ஜோ ஹுத்வா தே²ரங் உபதி³ஸந்தோ ஏஸோ ஹி தே ப்ரஹ்மணி
 ப்ரஹ்மதே³வோதிஆதி³மாஹ. தத்த² நிருபதி⁴கோதி
 கிலேஸாபி⁴ஸங்கா²ரகாமகு³ணோபதி⁴ஹி விரஹிதோ. அதிதே³வபத்தோதி
 தே³வானங் அதிதே³வபா⁴வங் ப்ரஹ்மானங் அதிப்ரஹ்மபா⁴வங் பத்தோ.
 அனஞ்ஞபோஸீதி ட²பெத்வா இமங் அத்தபா⁴வங் அஞ்ஞஸ்ஸ
 அத்தபா⁴வஸ்ஸ வா புத்ததா³ரஸ்ஸ வா அபோஸனதாய அனஞ்ஞபோஸீ.

ஆஹுனெய்யோதி ஆஹுனபிண்ட³ங் படிக்க³ஹேதுங் யுத்தோ. வேத³க்³தி
 சதுமக்³ஸங்கா²தேஹி வேதே³ஹி து³க்க²ஸ்ஸந்தங் க³தோ. பா⁴விதத்தோதி
 அத்தானங் பா⁴வெத்வா வட்³டெ⁴த்வா டி²தோ. அனூபலித்தோதி
 தண்ஹாதீ³ஹி லேபேஹி ஆலித்தோ. கா⁴ஸேஸனங் இரியதீதி
 ஆஹாரபரியேஸனங் சரதி.

ந தஸ்ஸ பச்சா² ந புரத்த²மத்தீ²தி பச்சா² வுச்சதி அதீதங், புரத்த²ங் வுச்சதி
 அனாக³தங், அதீதானாக³தேஸு க²ந்தே⁴ஸு ச²ந்த³ராக³விரஹிதஸ்ஸ பச்சா²
 வா புரத்த²ங் வா நத்தீ²தி வத³தி. ஸந்தோதிஆதி³ஸு ராகா³தி³ஸந்ததாய
 ஸந்தோ. கோத⁴தூ⁴மவிக³மா விதூ⁴மோ, து³க்கா²பா⁴வா அனீகோ⁴,
 கத்தரத³ண்டா³தீ³னி க³ஹேத்வா விசரந்தோபி வத⁴கசேதனாய அபா⁴வா
 நிக்கி²த்தத³ண்டோ³. தஸதா²வரேஸுதி எத்த² பன புது²ஜ்ஜனா தஸா நாம,
 கீணாஸவா தா²வரா நாம. ஸத்த பன ஸேகா² தஸாதி வத்துங் ந ஸக்கா,
 தா²வரா ந ஹொந்தி, ப⁴ஜமானா பன தா²வரபக்க²மேவ ப⁴ஜந்தி. ஸோ
 த்யாஹுதிந்தி ஸோ தே ஆஹுதிங்.

விஸேனிபூ⁴தோதி கிலேஸஸேனாய விஸேனோ ஜாதோ. அனேஜோதி
 நித்தண்ஹோ. ஸுஸீலோதி கீணாஸவஸ்ஸேன ஸுஸீலோ.
 ஸுவிமுத்தசித்தோதி ப²லவிமுத்தியா ஸுட்டு² விமுத்தசித்தோ.
 ஓக⁴திண்ணந்தி சத்தாரோ ஓகே⁴ திண்ணங். எத்தகேன கதா²மக்³கே³ன
 ப்ரஹ்மா தே²ரஸ்ஸ வண்ணங் கதே²ந்தோ ஆயதனே ப்ரஹ்மணிங்
 நியோஜேஸி. அவஸானகா³தா² பன ஸங்கீ³திகாரேஹி ட²பிதா. பதிட்ட²பேஸி
 து³க்கி²ணந்தி சதுபச்சயத³க்கி²ணங் பதிட்ட²பேஸி. ஸுக²மாயதிகந்தி
 ஸுகா²யதிகங் ஆயதிங் ஸுக²விபாகங், ஸுகா²வஹந்தி அத்தோ². ததியங்.

4. ப³கப்ரஹ்மஸுத்தவண்ணனா

175. சதுத்தே² பாபகங் தி³ட்டி²க³தந்தி லாமிகா ஸஸ்ஸததி³ட்டி². இத³ங்
 நிச்சந்தி இத³ங் ஸஹ காயேன ப்ரஹ்மட்டா²னங் அனிச்சங் “நிச்ச”ந்தி வத³தி.
 து⁴வாதீ³னி தஸ்ஸேவ வேவசனானி. தத்த² து⁴வந்தி தி²ரங். ஸஸ்ஸதந்தி
 ஸதா³ விஜ்ஜமானங். கேவலந்தி அக²ண்ட³ங் ஸகலங். அசவனத⁴ம்மந்தி
 அசவனஸபா⁴வங். இத³ங் ஹி ந ஜாயதீதிஆதி³ஸு இமஸ்மிங் டா²னே கோசி

ஜாயனகோ வா ஜீயனகோ வா மீயனகோ வா சவனகோ வா உபபஜ்ஜனகோ வா நத்தி², தங் ஸந்தா⁴ய வத³தி. இதோ ச பனஞ்ஞந்தி இதோ ஸஹகாயா ப்ரஹ்மட்டா²னா உத்தரி அஞ்ஞங் நிஸ்ஸரணங் நாம நத்தீ²தி. ஏவமஸ்ஸ தா²மக³தா ஸஸ்ஸததி³ட்டி² உப்பன்னா ஹோதி. ஏவங்வாதீ³ ச பன ஸோ உபரி திஸ்ஸோ ஜா²னபூ⁴மியோ சத்தாரோ மக்³கே³ சத்தாரி ப²லானி நிப்³பா³னந்தி ஸப்³பங் படிபா³ஹதி. கதா³ பனஸ்ஸ ஸா தி³ட்டி² உப்பன்னாதி? பட²மஜ்ஜா²னபூ⁴மியங் நிப்³புத்தகாலே. து³தியஜ்ஜா²னபூ⁴மியந்தி ஏகே.

தத்ராயங் அனுபுப்³பிகதா² - ஹெட்டு²பபத்திகோ கிரேஸ ப்ரஹ்மா அனுப்பன்னே பு³த்து⁴ப்பாதே³ இஸிபப்³பஜ்ஜங் பப்³பஜித்வா கஸிணபரிகம்மங் கத்வா ஸமாபத்தியோ நிப்³புத்தெத்வா அபரிஹீனஜ்ஜா²னோ காலங் கத்வா சதுத்த²ஜ்ஜா²னபூ⁴மியங் வேஹப்ப²லப்³ரஹ்மலோகே பஞ்சகப்பஸதிகங் ஆயுங் க³ஹெத்வா நிப்³புத்தி. தத்த² யாவதாயுகங் ட²த்வா ஹெட்டு²பபத்திகங் கத்வா ததியஜ்ஜா²னங் பணீதங் பா⁴வெத்வா ஸுப⁴கிண்ஹப்³ரஹ்மலோகே சதுஸட்டி²கப்பங் ஆயுங் க³ஹெத்வா நிப்³புத்தி. தத்த² து³தியஜ்ஜா²னங் பா⁴வெத்வா ஆப⁴ஸ்ஸரே அட்ட² கப்பே ஆயுங் க³ஹெத்வா நிப்³புத்தி. தத்த² பட²மஜ்ஜா²னங் பா⁴வெத்வா, பட²மஜ்ஜா²னபூ⁴மியங் கப்பாயுகோ ஹுத்வா நிப்³புத்தி . ஸோ பட²மகாலே அத்தனா கதகம்மஞ்ச நிப்³புத்தட்டா²னஞ்ச அஞ்ஞாஸி, காலே பன க³ச்சந்தே க³ச்சந்தே உப⁴யங் பமுஸ்ஸித்வா ஸஸ்ஸததி³ட்டி²ங் உப்பாதே³ஸி.

அவிஜ்ஜாக³தோதி அவிஜ்ஜாய க³தோ ஸமன்னாக³தோ அஞ்ஞாணீ அந்தீ⁴பூ⁴தோ. யத்ர ஹி நாமாதி யோ நாம. வக்க²தீதி ப⁴ணதி. “யத்ரா”தி நிபாதயோகே³ன பன அனாக³தவசனங் கதங்.

ஏவங் வுத்தே ஸோ ப்ரஹ்மா யதா² நாம மக்³க³சோரோ த்³வே தயோ பஹாரே அதி⁴வாஸெந்தோ ஸஹாயே அனாசிக்கி²த்வாபி உத்தரிங் பஹாரங் பஹரியமானோ “அஸுகோ ச அஸுகோ ச மய்ஹங் ஸஹாயோ”தி ஆசிக்க²தி, ஏவமேவ ப⁴க³வதா ஸந்தஜ்ஜியமானோ ஸதிங் லபி⁴த்வா, “ப⁴க³வா மய்ஹங் பதா³னுபத³ங் பெக்க²ந்தோ மங் நிப்பீளிதுகாமோ”தி பீ⁴தோ அத்தனோ ஸஹாயே ஆசிக்க²ந்தோ த்³வாஸத்ததீ²திஆதி³மாஹ. தஸ்ஸத்தோ² - போ⁴ கோ³தம, மயங் த்³வாஸத்ததி ஜனா புஞ்ஞுகம்மா தேன புஞ்ஞுகம்மேன இத⁴ நிப்³புத்தா. வஸவத்தினோ ஸயங் அஞ்ஞேஸங் வஸே அவத்தித்வா பரே அத்தனோ வஸே வத்தேம, ஜாதிஞ்ச ஜரஞ்ச அதீதா, அயங் நோ வேதே³ஹி க³தத்தா “வேத³க³”தி ஸங்க²ங் க³தா ப⁴க³வா அந்திமா ப்ரஹ்முபபத்தி. அஸ்மாபி⁴ஜப்பந்தி ஜனா அனேகாதி அனேகஜனா அம்ஹே அபி⁴ஜப்பந்தி. “அயங் கோ² ப⁴வங் ப்ரஹ்மா, மஹாப்ரஹ்மா, அபி⁴பூ⁴, அனபி⁴பூ⁴தோ, அஞ்ஞத³த்து²த³ஸோ, வஸவத்தீ, இஸ்ஸரோ, கத்தா, நிம்மாதா, ஸெட்டோ², ஸஜிதா, வஸீ, பிதா பூ⁴தப⁴ப்யான”ந்தி ஏவங் பத்தெ²ந்தி பிஹெந்தீதி.

அத² நங் ப⁴க³வா அப்பங் ஹி ஏதந்திஆதி³மாஹ. தத்த² ஏதந்தி யங் த்வங் இத⁴ தவ ஆயுங் “தீ³க⁴”ந்தி மஞ்ஞஸி, ஏதங் அப்பங் பரித்தகங். ஸதங் ஸஹஸ்ஸானங் நிரப்³புதா³னந்தி நிரப்³புத³க³ணனாய ஸதஸஹஸ்ஸனிரப்³புதா³னங். ஆயுங் பஜானாமீதி, “இதா³னி தவ அவஸிட்ட²ங் எத்தகங் ஆயு”தி அஹங் ஜானாமி. அனந்தத³ஸ்ஸீ ப⁴க³வா ஹமஸ்மீதி, ப⁴க³வா, தும்ஹே “அஹங் அனந்தத³ஸ்ஸீ ஜாதிஆதீ³னி உபாதிவத்தோ”தி வத³த². கிங் மே புராணந்தி, யதி³ த்வங் அனந்தத³ஸ்ஸீ, ஏவங் ஸந்தே இத³ங் மே ஆசிக்க², கிங் மய்ஹங் புராணங்? வதஸ்ஸீலவத்தந்தி ஸீலமேவ வச்சதி. யமஹங் விஜஞ்ஞாதி யங் அஹங் தயா கதி²தங் ஜானெய்யங், தங் மே ஆசிக்கா²தி வத³தி.

இதா³னிஸ்ஸ ஆசிக்க²ந்தோ ப⁴க³வா யங் த்வங் அபாயேஸீதிஆதி³மாஹ. தத்ராயங் அதி⁴ப்பாயோ - புப்³பே³ கிரேஸ குலக⁴ரே நிப்³புத்தித்வா காமேஸு ஆதீ³னவங் தி³ஸ்வா - “ஜாதிஜராமரணஸ்ஸ அந்தங் கரிஸ்ஸாமீ”தி நிக்க²ம்ம இஸிபப்³புஜ்ஜங் பப்³புஜித்வா ஸமாபத்தியோ நிப்³புத்தெத்வா அபி⁴ஞ்ஞாபாத³கஜ்ஜா²னஸ்ஸ லாபீ⁴ ஹுத்வா க³ங்கா³தீரே பண்ணஸாலங் காரெத்வா ஜா²னரதியா வீதினாமேதி. ததா³ ச காலேனகாலங் ஸத்த²வாஹா பஞ்சஹி ஸகடஸதேஹி மருகந்தாரங் படிபஜ்ஜந்தி. மருகந்தாரே பன தி³வா ந ஸக்கா க³ந்துங், ரத்திங் க³மனங் ஹோதி. அத² புரிமஸகடஸ்ஸ அக்³க³யுகே³ யுத்தப³லிபுத்³தா³ க³ச்ச²ந்தா க³ச்ச²ந்தா நிவத்தித்வா ஆக³தமக்³கா³பி⁴முகா² அஹேஸுங், ஸப்³புஸகடானி ததே²வ நிவத்தித்வா அருணே உக்³க³தே நிவத்திதபா⁴வங் ஜானிங்ஸு. தேஸஞ்ச ததா³ கந்தாரங் அதிக்கமனதி³வஸோ அஹோஸி. ஸப்³புங் தா³ருத³கங் பரிக்³கீணங் - தஸ்மா “நத்தி² தா³னி அம்ஹாகங் ஜீவித”ந்தி சிந்தெத்வா, கோ³ணே சக்கேஸு ப³ந்தி⁴த்வா, மனுஸ்ஸா ஸகடச்சா²யங் பவிஸித்வா நிபஜ்ஜிங்ஸு.

தாபஸோபி காலஸ்ஸேவ பண்ணஸாலதோ நிக்க²மித்வா பண்ணஸாலத்³வாரே நிஸின்னோ க³ங்க³ங் ஒலோகயமானோ அத்³த³ஸ க³ங்க³ங் மஹதா உத³கோகே⁴ன பூரியமானங் பவத்திதமணிக்க²ந்த⁴ங் விய ஆக³ச்ச²ந்தங், தி³ஸ்வா சிந்தேஸி - “அத்தி² நு கோ² இமஸ்மிங் லோகே ஏவருபஸ்ஸ மது⁴ரோத³கஸ்ஸ அலாபே⁴ன கிலிஸ்ஸமானா ஸத்தா”தி? ஸோ ஏவங் ஆவஜ்ஜெந்தோ மருகந்தாரே தங் ஸத்த²ங் தி³ஸ்வா ‘இமே ஸத்தா மா நஸ்ஸந்தூ’தி “இதோ சிதோ ச மஹாஉத³கக்க²ந்தோ⁴ சி²ஜ்ஜித்வா மருகந்தாரே ஸத்தா²பி⁴முகோ² க³ச்ச²தூ”தி அபி⁴ஞ்ஞாசித்தேன அதி⁴ட்டா²ஸி. ஸஹ சித்துப்பாதே³ன மாதிகாருள்ஹங் விய உத³கங் தத்த² அக³மாஸி. மனுஸ்ஸா உத³கஸத்³தே³ன வுட்டா²ய உத³கங் தி³ஸ்வா ஹட்ட²துட்டா² ந்ஹாயித்வா பிவித்வா கோ³ணேபி பாயெத்வா ஸொத்தி²னா இச்சி²தட்டா²னங் அக³மங்ஸு. ஸத்தா² தங் ப்³ரஹ்முனோ புப்³புகம்மங் த³ஸ்ஸெந்தோ பட²மங் கா³த²மாஹ. தத்த² அபாயேஸீதி பாயேஸி. அ-காரோ

நிபாதமத்தங். கும்மனீதி கிம்ஹே. ஸம்பரேதேதி கிம்ஹாதபேன புட்டே²
அனுகுதே.

அபரஸ்மிம்பி ஸமயே தாபஸோ கங்கா³தீரே பண்ணஸாலங் மாபெத்வா
அரஞ்சுகா³மகங் நிஸ்ஸாய வஸதி. தேன ச ஸமயேன சோரா தங் கா³மங்
பஹரித்வா ஹத்த²ஸாரங் க³ஹெத்வா கா³வியோ ச கரமரே ச க³ஹெத்வா
கச்ச²ந்தி. கா³வோபி ஸுனகா²பி மனுஸ்ஸாபி மஹாவிரவங் விரவந்தி.
தாபஸோ தங் ஸத்த³ங் ஸுத்வா “கின்னு கோ² ஏத³ந்தி? ஆவஜ்ஜெந்தோ
“மனுஸ்ஸானங் ப⁴யங் உப்பன்ன³ந்தி குத்வா “மயி பஸ்ஸந்தே இமே ஸத்தா
மா நஸ்ஸந்தூ³தி அபி⁴ஞ்ஞாபாத³கஜ்ஜா²னங் ஸமாபஜ்ஜித்வா வுட்டா²ய
அபி⁴ஞ்ஞாசித்தேன சோரானங் படிபதே² சதுரங்கி³னிங் ஸேனங் மாபேஸி.
கம்மஸஜ்ஜா ஆகச்ச²ந்தா சோரா திஸ்வா, “ராஜா மஞ்ஞே ஆக³தோ³தி
விலோபங் ச²ட்³டெ³த்வா பக்கமிங்ஸு. தாபஸோ “யங் யஸ்ஸ ஸந்தகங், தங்
தஸ்ஸேவ ஹோதூ³தி அதி⁴ட்டா²ஸி, தங் ததே²வ அஹோஸி. மஹாஜனோ
ஸொத்தி²பா⁴வங் பாபுணி. ஸத்தா² இத³ம்பி தஸ்ஸ புப்³புகம்மங்
தஸ்ஸெந்தோ து³தியங் கா³த²மாஹ. தத்த² ஏணிகூலஸ்மிந்தி கங்கா³தீரே.
கய்ஹகங் நீயமானந்தி க³ஹெத்வா நீயமானங், கரமரங் நீயமானந்திபி
அத்தோ².

புன ஏகஸ்மிங் ஸமயே உபரிகங்கா³வாஸிகங் ஏகங் குலங்
ஹெட்டா²கங்கா³வாஸிகேன குலேன ஸத்த³தி⁴ங் மித்தஸந்த²வங் கத்வா,
நாவாஸங்கா⁴டங் ப³ந்தி⁴த்வா, ப³ஹுங் கா²த³னீயஞ்சேவ போ⁴ஜனீயஞ்ச
கந்த⁴மாலாதீனி ச ஆரோபெத்வா கங்கா³ஸோதேன ஆகச்ச²தி. மனுஸ்ஸா
கா²த³மானா பு⁴ஞ்ஜமானா நச்சந்தா காயந்தா தே³வவிமானேன கச்ச²ந்தா விய
ப³லவஸோமனஸ்ஸா அஹேஸுங். கங்கெ³ய்யகோ நாகோ³ திஸ்வா குபிதோ
“இமே மயி ஸஞ்ஞம்பி ந கரொந்தி. இதா³னி நே ஸமுத்த³மேவ
பாபெஸ்ஸாமீ³தி மஹந்தங் அத்தபா⁴வங் மாபெத்வா உத³கங் த்³விதா⁴
பி⁴ந்தி³த்வா உட்டா²ய ப²ணங் கத்வா, ஸுஸுகாரங் கரொந்தோ அட்டா²ஸி.
மஹாஜனோ திஸ்வா பீ⁴தோ விஸ்ஸரமகாஸி. தாபஸோ பண்ணஸாலாயங்
நிஸின்னோ ஸுத்வா, “இமே காயந்தா நச்சந்தா ஸோமனஸ்ஸஜாதா
ஆகச்ச²ந்தி. இதா³னி பன ப⁴யரவங் ரவிங்ஸு, கின்னு கோ²தி?
ஆவஜ்ஜெந்தோ நாக³ராஜங் திஸ்வா, “மயி பஸ்ஸந்தே ஸத்தா மா
நஸ்ஸந்தூ³தி அபி⁴ஞ்ஞாபாத³கஜ்ஜா²னங் ஸமாபஜ்ஜித்வா அத்தபா⁴வங்
பஜஹித்வா ஸுபண்ணவண்ணங் மாபெத்வா நாக³ராஜஸ்ஸ தஸ்ஸேஸி.
நாக³ராஜா பீ⁴தோ ப²ணங் ஸங்ஹரித்வா உத³கங் பவிட்டோ², மஹாஜனோ
ஸொத்தி²பா⁴வங் பாபுணி. ஸத்தா² இத³ம்பி தஸ்ஸ புப்³புகம்மங்
தஸ்ஸெந்தோ ததியங் கா³த²மாஹ. தத்த² லுத்தே³னாதி தா³ருணேன.
மனுஸ்ஸகம்யாதி மனுஸ்ஸகாமதாய, மனுஸ்ஸே விஹேடே²துகாமதாயாதி
அத்தோ².

அபரஸ்மிம்பி ஸமயே ஏஸ இஸிபப்³ஜ்ஜங் பப்³ஜித்வா கேஸுவோ நாம தாபஸோ அஹோஸி. தேன ஸமயேன அம்ஹாகங் போ³தி⁴ஸத்தோ கப்போ நாம மாணவோ கேஸவஸ்ஸ ப³த்³த⁴சரோ அந்தேவாஸிகோ ஹுத்வா ஆசரியஸ்ஸ கிங்காரபடிஸ்ஸாவீ மனாபசாரீ பு³த்³தி⁴ஸம்பன்னோ அத்த²சரோ அஹோஸி. கேஸுவோ தேன வினா வஸிதுங் ந ஸக்கோதி, தங் நிஸ்ஸாயேவ ஜீவிகங் கப்பேஸி. ஸத்தா² இத³ம்பி தஸ்ஸ புப்³பகம்மங் த³ஸ்ஸெந்தோ சதுத்த²ங் கா³த²மாஹ.

தத்த² ப³த்³த⁴சரோதி அந்தேவாஸிகோ, ஸோ பன ஜெட்ட²ந்தேவாஸிகோ அஹோஸி. ஸம்பு³த்³தி⁴மந்தங் வதினங் அமஞ்ஞீதி, “ஸம்மா பு³த்³தி⁴மா வதஸம்பன்னோ அய”ந்தி ஏவங் மஞ்ஞமானோ கப்போ தவ அந்தேவாஸிகோ அஹோஸிங் அஹங் ஸோ தேன ஸமயேனாதி த³ஸ்ஸேதி. அஞ்ஞேபி ஜானாஸீதி ந கேவலங் மய்ஹங் ஆயுமேவ, அஞ்ஞேபி த்வங் ஜானாஸியேவ. ததா² ஹி பு³த்³தோ⁴தி ததா² ஹி த்வங் பு³த்³தோ⁴, யஸ்மா பு³த்³தோ⁴, தஸ்மா ஜானாஸீதி அத்தோ². ததா² ஹி த்யாயங் ஜலிதானுபா⁴வோதி யஸ்மா ச த்வங் பு³த்³தோ⁴, தஸ்மா தே அயங் ஜலிதோ ஆனுபா⁴வோ. ஓபா⁴ஸயங் திட்ட²தீதி ஸப்³பங் ப்³ரஹ்மலோகங் ஓபா⁴ஸயந்தோ திட்ட²தி. சதுத்த²ங்.

5. அஞ்ஞதரப்³ரஹ்மஸுத்தவண்ணனா

176. பஞ்சமே தேஜோதா⁴துங் ஸமாபஜ்ஜித்வாதி தேஜோகஸிணபரிகம்மங் கத்வா பா³த³கஜ்ஜா²னதோ வுட்டா²ய, “ஸரீரதோ ஜாலா நிக்க²மந்தூ”தி அதி⁴ட்ட²ஹந்தோ அதி⁴ட்டா²னசித்தானுபா⁴வேன ஸகலஸரீரதோ ஜாலா நிக்க²மந்தி, ஏவங் தேஜோதா⁴துங் ஸமாபன்னோ நாம ஹோதி, ததா² ஸமாபஜ்ஜித்வா. தஸ்மிங் ப்³ரஹ்மலோகேதி கஸ்மா தே²ரோ தத்த² அக³மாஸி? தே²ரஸ்ஸ கிர தேஜோதா⁴துங் ஸமாபஜ்ஜித்வா தஸ்ஸ ப்³ரஹ்முனோ உபரி நிஸின்னங் ததா²க³தங் தி³ஸ்வா “அட்டி²வேதீ⁴ அயங் புக்³கலோ, மயாபெத்த² க³ந்தப்³”ந்தி அஹோஸி, தஸ்மா அக³மாஸி. ஸேஸானங் க³மனேபி ஏஸேவ நயோ. ஸோ ஹி ப்³ரஹ்மா ததா²க³தஸ்ஸ சேவ ததா²க³தஸாவகானஞ்ச ஆனுபா⁴வங் அதி³ஸ்வா அப⁴ப்³போ³ வினயங் உபக³ந்துங், தேன ஸோ ஸன்னிபாதோ அஹோஸி. தத்த² ததா²க³தஸ்ஸ ஸரீரதோ உக்³தஜாலா ஸகலப்³ரஹ்மலோகங் அதிக்மித்வா அஜடாகாஸே பக்க³ந்தா³, தா ச பன ச²ப்³பண்ணா அஹேஸுங், ததா²க³தஸ்ஸ ஸாவகானங் ஆபா⁴ பகதிவண்ணாவ.

பஸ்ஸஸி வீதிவத்தந்தந்தி இமஸ்மிங் ப்³ரஹ்மலோகே அஞ்ஞப்³ரஹ்மஸரீரவிமானாலங்காராதீனங் பபா⁴ அதிக்மமானங் பு³த்³த⁴ஸ்ஸ ப⁴க³வதோ பப⁴ஸ்ஸரங் பப⁴ங் பஸ்ஸஸீதி புச்ச²தி. ந மே,

மாரிஸ, ஸா தி³ட்டி²தி யா மேஸா, “இதா⁴க³ந்துங் ஸமத்தோ² அஞ்ஞோ
 ஸமணோ வா ப்³ராஹ்மணோ வா நத்தீ²”தி புரே தி³ட்டி², நத்தி² மே ஸா. கத²ங்
 வஜ்ஜந்தி கேன காரணேன வதெ³ய்யங். நிச்சொம்ஹி ஸஸ்ஸதோதி இமஸ்ஸ
 கிர ப்³ரஹ்முனோ லத்தி³தி⁴தி³ட்டி² ஸஸ்ஸததி³ட்டி² சாதி த்³வே தி³ட்டி²யோ.
 தத்ராஸ்ஸ ததா²க³தஞ்சேவ ததா²க³தஸாவகே ச பஸ்ஸதோ லத்தி³தி⁴தி³ட்டி²
 பஹீனா. ப⁴க³வா பனெத்த² மஹந்தங் த⁴ம்மதே³ஸனங் தே³ஸேஸி.
 ப்³ரஹ்மா தே³ஸனாபரியோஸானே ஸோதாபத்திப²லே பதிட்ட²ஹி. இதிஸ்ஸ
 மக்³கே³ன ஸஸ்ஸததி³ட்டி² பஹீனா, தஸ்மா ஏவமாஹ.

ப்³ரஹ்மபாரிஸஜ்ஜந்தி ப்³ரஹ்மபாரிசாரிகங். தே²ரானஞ்ஹி
 ப⁴ண்ட³கா³ஹகத³ஹரா விய ப்³ரஹ்மானம்பி பாரிஸஜ்ஜா ப்³ரஹ்மானோ நாம
 ஹொந்தி. தேனுபஸங்கமாதி கஸ்மா தே²ரஸ்ஸேவ ஸந்திகங் பேஸேஸி?
 தே²ரே கிரஸ்ஸ தத்தகேனேவ கதா²ஸல்லாபேன விஸ்ஸாஸோ உத³பாதி³,
 தஸ்மா தஸ்ஸேவ ஸந்திகங் பேஸேஸி அஞ்ஞோபீதி யதா² தும்ஹே சத்தாரோ
 ஜனா, கின்னு கோ² ஏவருபா அஞ்ஞோபி அத்தி², உதா³ஹு தும்ஹே சத்தாரோ
 ஏவ மஹித்³தி⁴காதி? தேவிஜ்ஜாதி
 புப்³பே³னிவாஸதி³ப்³ப³சக்²ஆஸவக்க²யஸங்கா²தாஹி தீஹி விஜ்ஜாஹி
 ஸமன்னாக³தா. இத்³தி⁴பத்தாதி இத்³தி⁴வித⁴ஞாணங் பத்தா.
 சேதோபரியாயகோவிதா³தி பரேஸங் சித்தாசாரே குஸலா. ஏவமெத்த² பஞ்ச
 அபி⁴ஞ்ஞாபி ஸருபேன வுத்தா. தி³ப்³ப³ஸோதங் பன தாஸங் வஸேன
 ஆக³தமேவ ஹொதி. ப்³ஹு³தி ஏவருபா ச்²ளபி⁴ஞ்ஞா புத்³த⁴ஸாவகா ப்³ஹு³
 க்³ணனபத²ங் அதிக்கந்தா, ஸகலங் ஜம்பு³தீ³பங் காஸாவபஜ்ஜோதங் கத்வா
 விசரந்தீதி. பஞ்சமங்.

6. ப்³ரஹ்மலோகஸுத்தவண்ணனா

177. ச²ட்டே² பச்சேகங் த்³வாரபா³ஹந்தி ஏகேகோ ஏகேகங் த்³வாரபா³ஹங்
 நிஸ்ஸாய த்³வாரபாலா விய அட்ட²ங்ஸு. இத்தோ⁴தி ஜா²னஸுகே²ன
 ஸமித்தோ⁴. பீ²தோதி அபி⁴ஞ்ஞாபுப்²ஹி ஸுபுப்பி²தோ.
 அனதி⁴வாஸெந்தோதி அஸஹந்தோ. ஏதத³வோசாதி ஏதேஸங்
 நிம்மிதப்³ரஹ்மானங் மஜ்ஜே² நிஸின்னோ ஏதங் “பஸ்ஸஸி மே”திஆதி³வசனங்
 அவோச.

தயோ ஸுபண்ணாதி கா³தா²ய பஞ்சஸதாதி ஸதபத³ங் ரூபவஸேன வா
 பந்திவஸேன வா யோஜேதப்³ங். ரூபவஸேன தாவ தயோ ஸுபண்ணாதி
 தீணி ஸுபண்ணரூபஸதானி. சதுரோ ச ஹங்ஸாதி
 சத்தாரிஹங்ஸரூபஸதானி. புக்³கீ⁴னிஸா பஞ்சஸதாதி ப்³யக்³க⁴ஸதி³ஸா
 ஏகச்சே மிகா³ ப்³யக்³கீ⁴னிஸா நாம, தேஸங் ப்³யக்³கீ⁴னிஸாரூபகானங்
 பஞ்சஸதானி, பந்திவஸேன தயோ ஸுபண்ணாதி தீணி

ஸுபண்ணபந்திஸ்தானி, சதுரோ ஹங்ஸாதி சத்தாரி ஹங்ஸபந்திஸ்தானி. ப்யக்³கீ⁴னிஸா பஞ்சஸதாதி பஞ்ச ப்யக்³கீ⁴னிஸா பந்திஸ்தானி. ஜாயினோதி ஜாயிஸ்ஸ மய்ஹங் விமானே அயங் விபு⁴தீதி த்³ஸ்ஸேதி. ஓபா⁴ஸயந்தி ஓபா⁴ஸயமானங். உத்தரஸ்ஸங் தி³ஸாயந்தி தங் கிர கனகவிமானங் தேஸங் மஹாப்ரஹ்மானங் டி²தட்டா²னதோ உத்தரதி³ஸாயங் ஹோதி. தஸ்மா ஏவமாஹ. அயங் பனஸ்ஸ அதி⁴ப்பாயோ - ஏவருபே கனகவிமானே வஸந்தோ அஹங் கஸ்ஸ அஞ்ஞஸ்ஸ உபட்டா²னங் க³மிஸ்ஸாமீதி. ரூபே ரணங் தி³ஸ்வாதி ரூபம்ஹி ஜாதிஜராப⁴ங்க³ஸங்கா²தங் தோ³ஸங் தி³ஸ்வா. ஸதா³ பவேதி⁴தந்தி ஸீதாதீஹி ச நிச்சங் பவேதி⁴தங் சலிதங் க⁴ட்டிதங் ரூபங் தி³ஸ்வா. தஸ்மா ந ரூபே ரமதி ஸுமேதோ⁴தி யஸ்மா ரூபே ரணங் பஸ்ஸதி, ஸதா³ பவேதி⁴தஞ்ச ரூபங் பஸ்ஸதி, தஸ்மா ஸுமேதோ⁴ ஸுந்தர்பஞ்ஞோ ஸோ ஸத்தா² ரூபே ந ரமதீதி. ச²ட்ட²ங்.

7. கோகாலிகஸுத்தவண்ணனா

178. ஸத்தமே அப்பமெய்யங் பமினந்தோதி அப்பமெய்யங் கீணாஸவபுக்³லங் “எத்தகங் ஸீலங், எத்தகோ ஸமாதி⁴, எத்தகா பஞ்ஞா”தி ஏவங் மினந்தோ. கோத⁴வித்³வா விகப்பயேதி கோ இத⁴ வித்³வா மேதா⁴வீ விகப்பெய்ய, கீணாஸவோவ கீணாஸவங் மினந்தோ கப்பெய்யாதி தீ³பேதி. நிவுதங் தங் மஞ்ஞேதி யோ பன புது²ஜ்ஜனோ தங் பமேதுங் ஆரப⁴தி, தங் நிவுதங் அவகுஜ்ஜபஞ்ஞங் மஞ்ஞாமீதி. ஸத்தமங்.

8. கதமோத³கதிஸ்ஸஸுத்தவண்ணனா

179. அட்ட²மே அகிஸ்ஸவந்தி கிஸ்ஸவா வுச்சதி பஞ்ஞா, நிப்பஞ்ஞோதி அத்தோ². அட்ட²மங்.

9. துருப்³ரஹ்மஸுத்தவண்ணனா

180. நவமே ஆபா³தி⁴கோதி “ஸாஸபமத்தீஹி பீளகாஹி”திஆதி³னா நயேன அனந்தரஸுத்தே ஆக³தேன ஆபா³தே⁴ன ஆபா³தி⁴கோ. பா³ள்ஹகி³லானோதி அதி⁴மத்தகி³லானோ. துருதி கோகாலிகஸ்ஸ உபஜ்ஜா²யோ துருத்தே²ரோ நாம அனாகா³மிப²லங் பத்வா ப்³ரஹ்மலோகே நிப்³பத்தோ. ஸோ பூ⁴மட்ட²கதே³வதா ஆதி³ங் கத்வா, “அயுத்தங் கோகாலிகேன கதங் அக்³க³ஸாவகே அந்திமவத்து²னா அப்பா⁴சிக்க³ந்தேனா”தி பரம்பராய ப்³ரஹ்மலோகஸம்பத்தங் கோகாலிகஸ்ஸ பாபகம்மங் ஸுத்வா - “மா மய்ஹங் பஸ்ஸந்தஸ்ஸேவ வராகோ நஸ்ஸி, ஓவதி³ஸ்ஸாமி நங் தே²ரேஸு சித்தபஸாத³த்தா²யா”தி ஆக³ந்த்வா தஸ்ஸ புரதோ அட்டா²ஸி. தங் ஸந்தா⁴ய வுத்தங் “துரு பச்சேகப்³ரஹ்மா”தி. பேஸலாதி பியஸீலா. கோஸி த்வங், ஆவுஸோதி நிபன்னகோவ கப³ரக்கீ²னி உம்மீலெத்வா ஏவமாஹ. பஸ்ஸ யாவஞ்ச தேதி பஸ்ஸ யத்தகங் தயா

அபரத்⁴ங், அத்தனோ நலாடே மஹாக்³ண்ட³ங் அபஸ்ஸந்தோ
ஸாஸபமத்தாய பீளகாய மங் சோதே³தப்³பங் மஞ்ஞஸீதி ஆஹ.

அத² நங் “அதி³ட்டி²ப்பத்தோ அயங் வராகோ, கி³லவிஸோ விய கஸ்ஸசி
வசனங் ந கரிஸ்ஸதீ²தி ஞத்வா புரிஸஸ்ஸ ஹீதிஆதி³மாஹ. தத்த² குடா²ரீதி
குடா²ரிஸதி³ஸா ப²ருஸா வாசா. சி³ந்த³தீதி குஸலமூலஸங்கா²தே மூலேயேவ
நிகந்ததி. நிந்தி³யந்தி நிந்தி³தப்³பங் து³ஸ்ஸீலபுக்³லங். பஸங்ஸதீதி
உத்தமத்தே² ஸம்பா⁴வெத்வா கீணாஸவோதி வத³தி. தங் வா நிந்த³தி யோ
பஸங்ஸியோதி , யோ வா பஸங்ஸிதப்³போ³ கீணாஸவோ, தங்
அந்திமவத்து²னா சோதே³ந்தோ “து³ஸ்ஸீலோ அய”ந்தி வத³தி. வசி³னாதி
முகே²ன ஸோ கலிந்தி, ஸோ தங் அபரா⁴ங் முகே²ன விசி³னாதி நாம.
கலி³னா தே³னாதி தேன அபரா⁴தே⁴ன ஸுக²ங் ந விந்த³தி. நிந்தி³யபஸங்ஸாய
ஹி பஸங்ஸியனிந்தா³ய ச ஸமகோவ விபாகோ.

ஸப்³பஸ்ஸாபி ஸஹாபி அத்தனாதி ஸப்³பே³ன ஸகேனபி அத்தனாபி
ஸத்³தி⁴ங் யோ அக்கே²ஸு த⁴னபராஜயோ நாம, அயங் அப்பமத்தகோ
அபரா⁴தோ⁴. யோ ஸுக³தே³ஸுதி யோ பன ஸம்மக்³தே³ஸு புக்³லே³ஸு
சித்தங் பது³ஸ்ஸெய்ய, அயங் சித்தபதோ³ஸோவ ததோ கலிதோ மஹந்ததரோ
கலி.

இதா³னி தஸ்ஸ மஹந்ததரபா⁴வங் து³ஸ்ஸெந்தோ ஸதங்
ஸஹஸ்ஸானந்திஆதி³மாஹ. தத்த² ஸதங் ஸஹஸ்ஸானந்தி
நிரப்³புத³க³ணனாய ஸதஸஹஸ்ஸங். ச²த்திங்ஸதீதி அபரானி ச²த்திங்ஸதி
நிரப்³புதா³னி. பஞ்ச சாதி அப்³புத³க³ணனாய பஞ்ச அப்³புதா³னி.
யமரியக³ரஹீதி யங் அரியே க³ரஹந்தோ நிரயங் உபபஜ்ஜதி, தத்த² எத்தகங்
ஆயுப்பமாணந்தி. நவமங்.

10. கோகாலிகஸுத்தவண்ணனா

181. த³ஸமே கோகாலிகோ பி⁴க்கு² யேன ப⁴க³வா தேனுபஸங்கமீதி,
கோ அயங் கோகாலிகோ, கஸ்மா ச உபஸங்கமி? அயங் கிர கோகாலிகரட்டே²
கோகாலிகனக்³ரே கோகாலிகஸெட்டி²ஸ்ஸ புத்தோ பப்³பஜித்வா பிதரா
காராபிதே விஹாரே படிவஸதி சூளகோகாலிகோதி நாமேன, ந
தே³வத³த்தஸ்ஸ ஸிஸ்ஸோ. ஸோ ஹி ப்³ராஹ்மணபுத்தோ
மஹாகோகாலிகோ நாம. ப⁴க³வதி பன ஸாவத்தி²யங் விஹரந்தே த்³வே
அக்³ஸாவகா பஞ்சமத்தேஹி பி⁴க்கு²ஸதேஹி ஸத்³தி⁴ங் ஜனபத³சாரிகங்
சரமானா உபகட்டா²ய வஸ்ஸுபனாயிகாய விவேகாவாஸங் வஸிதுகாமா தே
பி⁴க்க² உய்யோஜெத்வா அத்தனோ பத்தசீவரமாதா³ய தஸ்மிங் ஜனபதே³ தங்
நக³ரங் பத்வா தங் விஹாரங் அக்³மங்ஸு. தத்த² நேஸங் கோகாலிகோ வத்தங்
து³ஸ்ஸேஸி. தே தேன ஸத்³தி⁴ங் ஸம்மோதி³த்வா, “ஆவுஸோ, மயங் இத⁴

தேமாஸங் வஸிஸ்ஸாம, மா கஸ்ஸசி ஆரோசேஹீ”தி படிஞ்ஞங் க்ஹெத்வா வஸிங்ஸு. வஸித்வா பவாரணாதி³வஸே பவாரெத்வா, “க³ச்சா²ம மயங், ஆவுஸோ”தி கோகாலிகங் ஆபுச்சி²ங்ஸு. கோகாலிகோ “அஜ்ஜேகதி³வஸங், ஆவுஸோ, வஸித்வா ஸ்வே க³மிஸ்ஸதா²”தி வத்வா து³தியதி³வஸே நக³ரங் பவிஸித்வா மனுஸ்ஸே ஆமந்தேஸி - “ஆவுஸோ, தும்ஹே அக்³க³ஸாவகே இதா³க³ந்த்வா வஸமானேபி ந ஜானாத², ந நே கோசி பச்சயேனாபி நிமந்தேதீ”தி. நக³ரவாஸினோ, “கஹங், ப³ந்தே, தே²ரா, கஸ்மா நோ ந ஆரோசயித்தா²”தி? கிங் ஆவுஸோ ஆரோசிதேன, கிங் ந பஸ்ஸத² த்³வே பி³க்க² தே²ராஸனே நிஸீத³ந்தே, ஏதே அக்³க³ஸாவகாதி. தே கி²ப்பங் ஸன்னிபதித்வா ஸப்பிபா²ணிதா³னி சேவ சீவரது³ஸ்ஸானி ச ஸங்ஹரிங்ஸு.

கோகாலிகோ சிந்தேஸி - “பரமப்பிச்சா² அக்³க³ஸாவகா பயுத்தவாசாய உப்பன்னங் லாப³ங் ந ஸாதி³யிஸ்ஸந்தி , அஸாதி³யந்தா ‘ஆவாஸிகஸ்ஸ தே³தா²’தி வக்க²ந்தீ”தி. தங் தங் லாப³ங் கா³ஹாபெத்வா தே²ரானங் ஸந்திகங் அக்³மாஸி. தே²ரா தி³ஸ்வாவ “இமே பச்சயா நேவ அம்ஹாகங், ந கோகாலிகஸ்ஸ கப்பந்தீ”தி படிக்கி²பித்வா பக்கமிங்ஸு. கோகாலிகோ “கத²ங் ஹி நாம அத்தனா அக்³ண்ணந்தா மய்ஹம்பி அதா³பெத்வா பக்கமிஸ்ஸந்தீ”தி? ஆகா³தங் உப்பாதே³ஸி. தேபி ப³க³வதோ ஸந்திகங் க³ந்த்வா ப³க³வந்தங் வந்தி³த்வா புன அத்தனோ பரிஸங் ஆதா³ய ஜனபத³சாரிகங் சரந்தா அனுபு³பே³ன தஸ்மிங் ரட்டே² தமேவ நக³ரங் பச்சாக³மிங்ஸு. நாக³ரா தே²ரே ஸஞ்ஜானித்வா ஸஹ பரிக்கா²ரேஹி தா³னங் ஸஜ்ஜித்வா நக³ரமஜ்ஜே² மண்ட³பங் கத்வா தா³னங் அத³ங்ஸு, தே²ரானஞ்ச பரிக்கா²ரே உபனாமேஸுங். தே²ரா பி³க்கு³ஸங்க³ஸ்ஸ நிய்யாத³யிங்ஸு. தங் தி³ஸ்வா கோகாலிகோ சிந்தேஸி - “இமே பு³பே³ அப்பிச்சா² அஹேஸுங், இதா³னி பாபிச்சா² ஜாதா, பு³பே³பி அப்பிச்ச²ஸந்துட்ட²பவிவித்தஸதி³ஸா மஞ்ஞே”தி தே²ரே உபஸங்கமித்வா, “ஆவுஸோ, தும்ஹே பு³பே³ அப்பிச்சா² விய, இதா³னி பன பாபபி³க்க² ஜாதா”தி வத்வா “மூலட்டா²னேயேவ நேஸங் பதிட்ட²ங் பி³ந்தி³ஸ்ஸாமீ”தி தரமானருபோ நிக்க²மித்வா ஸாவத்தி²ங் க³ந்த்வா யேன ப³க³வா தேனுபஸங்கமி. அயமேவ கோகாலிகோ இமினா ச காரணேன உபஸங்கமீதி வேதி³தப்³போ³.

ப³க³வா தங் துரிததுரிதங் ஆக³ச்ச²ந்தங் தி³ஸ்வாவ ஆவஜ்ஜெந்தோ அஞ்ஞாஸி - “அயங் அக்³க³ஸாவகே அக்கோஸிதுகாமோ ஆக³தோ”தி. “ஸக்கா நு கோ² படிஸேதே³து”ந்தி ச ஆவஜ்ஜெந்தோ, “ந ஸக்கா படிஸேதே³துங், தே²ரேஸு அபரஜ்ஜி²த்வா காலங்கதோ ஏகங்ஸேன பது³மனிரயே நிப்³பத்திஸ்ஸதீ”தி தி³ஸ்வா, “ஸாரிபுத்தமொக்³க³ல்லானேபி நாம க³ரஹந்தங் ஸுத்வா ந நிஸேதே³தீ”தி வாத³மோசனத்த²ங் அரியூபவாத³ஸ்ஸ ச மஹாஸாவஜ்ஜபா³வத³ஸ்ஸனத்த²ங் மா ஹேவந்தி திக்க²த்துங் படிஸேதே³ஸி. தத்த² மா ஹேவந்தி மா ஏவங் அப³ணி. ஸத்த³தா³யிகோதி

ஸத்தா⁴ய ஆகரோ பஸாதா³வஹோ ஸத்தா⁴தப்³புவசனோ வா.
பச்சயிகோதி பத்தியாயிதப்³புவசனோ.

பக்காமீதி கம்மானுபா⁴வேன சோதியமானோ பக்காமி. ஓகாஸகதங் ஹி
கம்மங் ந ஸக்கா படிபா³ஹிதுங், தங் தஸ்ஸ தத்த² டா²துங் ந அதா³ஸி.
அசிரபக்கந்தஸ்ஸாதி பக்கந்தஸ்ஸ ஸதோ ந சிரேனேவ. ஸப்³போ³ காயோ
பு²டோ அஹோஸீதி கேஸக்³மத்தம்பி ஓகாஸங் ஆவஜ்ஜெத்வா
ஸகலஸரீரங் அட்²னி பி⁴ந்தி³த்வா உக்³தாஹி பீளகாஹி அஜ்ஜொ²த்த²டங்
அஹோஸி. யஸ்மா பன பு³த்தா⁴னுபா⁴வேன ததா²ருபங் கம்மங்
பு³த்தா⁴னங் ஸம்முக்²பா⁴வே விபாகங் ந தே³தி, த³ஸ்ஸனுபசாரே
விஜஹிதமத்தே தே³தி, தஸ்மா தஸ்ஸ அசிரபக்கந்தஸ்ஸ பீளகா
உட்²ஹிங்ஸு. கலாயமத்தியோதி சணகமத்தியோ.
பே³லுவஸலாடுகமத்தியோதி தருணபே³லுவமத்தியோ. (பி³ல்லமத்தியோதி
மஹாபே³லுவமத்தியோ.) பபி⁴ஜ்ஜிங்ஸுதி பி⁴ஜ்ஜிங்ஸு. தாஸு
பி⁴ன்னாஸு ஸகலஸரீரங் பனஸபக்கங் விய அஹோஸி. ஸோ பக்கேன
க³த்தேன ஜேதவனத்³வாரகொட்ட²கே விஸகி³லிதோ மச்சோ² விய
கத³லிபத்தேஸு ஸயி. அத² த⁴ம்மஸவனத்த²ங் ஆக³தாக³தா மனுஸ்ஸா -
“தி⁴ கோகாலிக, தி⁴ கோகாலிக, அயுத்தமகாஸி, அத்தனோயேவ முக³ங்
நிஸ்ஸாய அனயப்³யஸனங் பத்தோ”தி ஆஹங்ஸு. தேஸங் ஸுத்வா
ஆரக்க²தே³வதா தி⁴-காரங் அகங்ஸு. ஆரக்க²தே³வதானங் ஆகாஸதே³வதாதி
இமினா உபாயேன யாவ அகனிட்²ப⁴வனா ஏகதி⁴காரோ உத³பாதி³.
அத²ஸ்ஸ உபஜ்ஜா²யோ ஆக³ந்த்வா ஓவாத³ங் அக³ண்ஹந்தங் ஞத்வா
க³ரஹித்வா பக்காமி.

காலமகாஸீதி உபஜ்ஜா²யே பக்கந்தே காலமகாஸி. பது³மங் நிரயந்தி
பாடியேக்கோ பது³மனிரயோ நாம நத்தி², அவீசிமஹானிரயம்ஹியேவ பன
பது³மக³ணனாய பச்சிதப்³பே³ ஏகஸ்மிங் டா²னே நிப்³பத்தி.

வீஸதிகா²ரிகோதி மாக³த⁴கேன பத்தே²ன சத்தாரோ பத்தா²
கோஸலரட்டே² ஏகபத்தோ² ஹோதி, தேன பத்தே²ன சத்தாரோ பத்தா²
ஆள்ஹகங், சத்தாரி ஆள்ஹகானி தோ³ணங், சதுதோ³ணா மானிகா, சதுமானிகா
கா²ரீ, தாய கா²ரியா வீஸதிகா²ரிகோ. திலவாஹோதி மாக³த⁴கானங்
ஸு²மதிலானங் திலஸகடங். அப்³பு³தோ³ நிரயோதி அப்³பு³தோ³ நாம
பாடியேக்கோ நிரயோ நத்தி². அவீசிம்ஹியேவ பன அப்³பு³த³க³ணனாய
பச்சிதப்³பட்டா²னஸ்ஸேதங் நாமங். நிரப்³பு³தா³தீ³ஸுபி ஏஸேவ நயோ.

வஸ்ஸக³ணனாபி பனெத்த² ஏவங் வேதி³தப்³பா³ - யதே²வ ஹி ஸதங்
ஸதஸஹஸ்ஸானி கோடி ஹோதி, ஏவங் ஸதங் ஸதஸஹஸ்ஸகோடியோ
பகோடி நாம ஹோதி, ஸதங் ஸதஸஹஸ்ஸபகோடியோ கோடிபகோடி நாம,

ஸதங் ஸதஸஹஸ்ஸகோடிபகோடியோ நஹுதங், ஸதங்
 ஸதஸஹஸ்ஸனஹுதானி நின்னஹுதங், ஸதங்
 ஸதஸஹஸ்ஸனின்னஹுதானி ஏகங் அபு³பு³த³ங், ததோ வீஸதிசு³ணங்
 நிரபு³பு³த³ங். ஏஸேவ நயோ ஸபு³பு³த்தா²தி. து³ஸமங்.

பட²மோ வக்³கோ³.

2. து³தியவக்³கோ³

1. ஸனங்குமாரஸுத்தவண்ணனா

182. து³தியவக்³கு³ஸ்ஸ பட²மே ஸப்பினீதீரேதி ஸப்பினீனாமிகாய நதி³யா
 தீரே. ஸனங்குமாரோதி ஸோ கிர பஞ்சஸிக²குமாரககாலே ஜா²னங்
 பா⁴வெத்வா ப்ரஹ்மலோகே நிபு³பு³த்தோ குமாரகவண்ணேனேவ விசரதி. தேன
 நங் “குமாரோ”தி ஸஞ்ஜானந்தி, போராணகத்தா பன “ஸனங்குமாரோ”தி வுச்சதி.
 ஜனேதஸ்மிந்தி ஜனிதஸ்மிங், பஜாயாதி அத்தோ². யே கொ³த்தபடிஸாரினோதி
 யே ஜனேதஸ்மிங் கொ³த்தங் படிஸரந்தி தேஸு லோகே கொ³த்தபடிஸாரீஸு
 க²த்தியோ ஸெட்டோ². விஜ்ஜாசரணஸம்பன்னோதி
 ப⁴யபே⁴ரவஸுத்தபரியாயேன (ம. நி. 1.34 ஆத³யோ) பு³பே³னிவாஸாதீ³ஹி
 வா தீஹி, அம்பு³ட்ட²ஸுத்தபரியாயேன (தீ³. நி. 1.278 ஆத³யோ)
 விபஸ்ஸனாஞாணங் மனோமயித்³தி⁴ ச² அபி⁴ஞ்ஞாயோதி இமாவஹி வா
 அட்ட²ஹி விஜ்ஜாஹி, ஸீலேஸு பரிபுரகாரிதா இந்த்³ரியேஸு கு³த்தத்³வாரதா
 போ⁴ஜனே மத்தஞ்ஞதா ஜாக்³ரியானுயோகோ³ ஸத்த ஸத்³த⁴ம்மா சத்தாரி
 ரூபாவசரஜ்ஜா²னானீதி ஏவங் பன்னரஸத⁴ம்மபே⁴தே³ன சரணேன ச
 ஸமன்னாக³தோ. ஸோ ஸெட்டோ² தே³வமானுஸேதி ஸோ
 கீ²ணாஸவப்³ராஹ்மணோ தே³வேஸு ச மனுஸ்ஸேஸு ச ஸெட்டோ²
 உத்தமோதி. பட²மங்.

2. தே³வத³த்தஸுத்தவண்ணனா

183. து³தியே அசிரபக்கந்தேதி ஸங்க⁴ங் பி⁴ந்தி³த்வா நசிரஸ்ஸேவ
 வேளுவனதோ க³யாஸ்ஸங் க³தே. அஸ்ஸதரிந்தி க³த்³ரப⁴ஸ்ஸ வளவாய
 ஜாதங். து³தியங்.

3. அந்த⁴கவிந்த³ஸுத்தவண்ணனா

184. ததியே அந்த⁴கவிந்த³ந்தி ஏவங்னாமகங் கா³மங். உபஸங்கமீதி
 “ஸத்தா² இதா³னிபி வீரியங் கரோதி பதா⁴னமனுயுஞ்ஜதி, க³ச்சா²மிஸ்ஸ
 ஸந்திகே ட²த்வா ஸாஸனானுச்ச²விகங் வீரியபடிஸங்யுத்தங் கா³த²ங்
 வக்கா²மீ”தி உபஸங்கமி.

பந்தானீதி ஜனதங் அதிக்கமித்வா மனுஸ்ஸானங் அனுபசாரே டி²தானி. ஸங்யோஜனவிப்பமொக்கா²தி தானி ச ஸேனாஸனானி ஸேவமானோ ந சீவராதீ³னங் அத்தா²ய ஸேவெய்ய, அத² கோ² த³ஸஸங்யோஜனவிப்பமொக்க²த்தா²ய சரெய்ய. ஸங்கே⁴ வஸேதி தேஸு ஸேனாஸனேஸு ரதிங் அலப⁴ந்தோ உபட்டா²காதீ³னங் சித்தானுரக்க²ணத்த²ங் க³த்³ரப⁴பிட்டே² ரஜங் விய உப்பதந்தோ அரஞ்ஞே அசரித்வா ஸங்க⁴மஜ்ஜே² வஸெய்ய. ரக்கி²த்ததோ ஸதீமாதி தத்த² ச வஸந்தோ ஸக³வசண்டோ³ கோ³ணோ விய ஸப்³ரஹ்மசாரினோ அவிஜ்ஜ²ந்தோ அக⁴ட்டெந்தோ ரக்கி²த்ததோ ஸதிபட்டா²னபராயணோ ஹுத்வா வஸெய்ய.

இதா³னி ஸங்கே⁴ வஸமானஸ்ஸ பி⁴க்கு²னோ பி⁴க்கா²சாரவத்தங் ஆசிக்க²ந்தோ குலாகுலந்திஆதி³மாஹ. தத்த² பிண்டி³காய சரந்தோதி பிண்ட³த்தா²ய சரமானோ. ஸேவேத² பந்தானி ஸேனாஸனானீதி ஸங்க⁴மஜ்ஜ²ங் ஓதரித்வா வஸமானோபி து⁴ரபரிவேணே தாலனாளிகேரஆதீ³னி ரோபெத்வா உபட்டா²காதி³ஸங்ஸட்டோ² ந வஸெய்ய, சித்தகல்லதங் பன ஜனெத்வா சித்தங் ஹாஸெத்வா தோஸெத்வா புன பந்தஸேனாஸனே வஸெய்யாதி அரஞ்ஞேஸேவ வண்ணங் கதே²தி. ப⁴யாதி வட்டப⁴யதோ. அப⁴யேதி நிப்³பா³னே. விமுத்தோதி அதி⁴முத்தோ ஹுத்வா வஸெய்ய.

யத்த² பே⁴ரவாதி யஸ்மிங் டா²னே ப⁴யஜனகா ஸவிஞ்ஞாணகா ஸீஹப்³யக்³கா⁴த³யோ, அவிஞ்ஞாணகா ரத்திபா⁴கே³ கா²ணுவல்லிஆத³யோ ப³ஹு³ அத்தி². ஸரீஸபாதி தீ³க⁴ஜாதிகாதி³ஸரீஸபா. நிஸீதி³ தத்த² பி⁴க்க²தி தாதி³ஸே டா²னே பி⁴க்கு² நிஸின்னோ. இமினா இத³ங் தீ³பேதி - ப⁴க³வா யதா² தும்ஹே ஏதரஹி தத்ரட்ட²கபே⁴ரவாரம்மணானி சேவ ஸரீஸபே ச விஜ்ஜுனிச்சா²ரணாதீ³னி ச அமனஸிகத்வா நிஸின்னா, ஏவமேவங் பதா⁴னமனுயுத்தா பி⁴க்க² நிஸீத³ந்தீதி.

ஜாது மே தி³ட்ட²ந்தி ஏகங்ஸேன மயா தி³ட்ட²ங். ந யித³ங் இதிஹீதிஹந்தி இத³ங் இதிஹ இதிஹாதி ந தக்கஹேது வா நயஹேது வா பிடகஸம்பதா³னேன வா அஹங் வதா³மி. ஏகஸ்மிங் ப்³ரஹ்மசரியஸ்மிந்தி ஏகாய த⁴ம்மதே³ஸனாய. த⁴ம்மதே³ஸனா ஹி இத⁴ ப்³ரஹ்மசரியந்தி அதி⁴ப்பேதா. மச்சஹாயினந்தி மரணபரிச்சாகி³னங் கீ²ணாஸவானங்.

த³ஸா ச த³ஸதா⁴ த³ஸாதி எத்த² த³ஸாதி த³ஸேவ, த³ஸதா⁴ த³ஸாதி ஸதங், அஞ்ஞே ச த³ஸுத்தரங் ஸேக²ஸதங் பஸ்ஸாமீதி வத³தி. ஸோதஸமாபன்னாதி மக்³க³ஸோதங் ஸமாபன்னா. அதிரச்சா²னகா³மினோதி தே³ஸனாமத்தமேதங், அவினிபாதத⁴ம்மாதி அத்தோ². ஸங்கா²துங் நோபி ஸக்கோமீதி முஸாவாத³ப⁴யேன எத்தகா நாம புஞ்ஞபா⁴கி³னோ ஸத்தாதி

க³ணேதுங் ந ஸக்கோமீதி ப³ஹுங் ப³ரஹ்மத³ம்மதே³ஸனங் ஸந்தா³ய
ஏவமாஹ. ததியங்.

4. அருணவதீஸுத்தவண்ணனா

185. சதுத்தே² அபி³பூ³ஸம்ப³வந்தி அபி³பூ³ ச ஸம்ப³வோ ச. தேஸு
அபி³பூ³தே²ரோ ஸாரிபுத்தத்தே²ரோ விய பஞ்ஞாய அக்³கோ³,
ஸம்ப³வத்தே²ரோ மஹாமொக்³க்³ல்லானோ விய ஸமாதி³னா அக்³கோ³.
உஜ்ஜ²யந்தீதி அவஜ்ஜ²யந்தி, லாமகதோ வா சிந்தெந்தி. கி²ய்யந்தீதி,
கின்னாமேதங் கின்னாமேதந்தி? அஞ்ஞமஞ்ஞங் கதெ²ந்தி. விபாசெந்தீதி
வித்த²ரயந்தா புனப்புனங் கதெ²ந்தி. ஹெட்டி²மேன உபட்³ட³காயேனாதி
நாபி³தோ பட்ட²ய ஹெட்டி²மகாயேன. பானியங் எத்தகமேவ ஆக³தங். தே²ரோ
பன “பகதிவண்ணங் விஜஹித்வா நாக³வண்ணங் க³ஹெத்வா த³ஸ்ஸேதி,
ஸுபண்ணவண்ணங் க³ஹெத்வா வா த³ஸ்ஸேதீ²திஆதி³னா (படி. ம. 3.13)
நயேன ஆக³தங் அனேகப்பகாரங் இத்³தி³விசுப்³ப³னங் த³ஸ்ஸேஸி. இமா
கா³த²யோ அபா³ஸீதி தே²ரோ கிர சிந்தேஸி - “கத²ங் தே³ஸிதா நு கோ²
த³ம்மதே³ஸனா ஸப்³பே³ஸங் பியா அஸ்ஸ மனாபா²தி. ததோ
ஆவஜ்ஜெந்தோ - “ஸப்³பே³பி பாஸண்ட³ ஸப்³பே³ தே³வமனுஸ்ஸா அத்தனோ
அத்தனோ ஸமயே புரிஸகாரங் வண்ணயந்தி, வீரியஸ்ஸ அவண்ணவாதீ³ நாம
நத்தி², வீரியபடிஸங்யுத்தங் கத்வா தே³ஸெஸ்ஸாமி, ஏவங் அயங்
த³ம்மதே³ஸனா ஸப்³பே³ஸங் பியா ப³விஸ்ஸதி மனாபா²தி ஞத்வா தீஸு
பிடகேஸு விசினித்வா இமா கா³த² அபா³ஸி.

தத்த² ஆரம்ப³த²தி ஆரம்ப³வீரியங் கரோத². நிக்கமத²தி நிக்கமவீரியங்
கரோத². யுஞ்ஜத²தி பயோக³ங் கரோத² பரக்கமத². மச்சனோ ஸேனந்தி
மச்சனோ ஸேனா நாம கிலேஸேஸனா, தங் து³னாத². ஜாதிஸங்ஸாரந்தி
ஜாதிஞ்ச ஸங்ஸாரஞ்ச, ஜாதிஸங்க²தங் வா ஸங்ஸாரங். து³க்க³ஸ்ஸந்தங்
கரிஸ்ஸதீதி வட்டது³க்க³ஸ்ஸ பரிச்சே²த³ங் கரிஸ்ஸதி. கிங் பன கத்வா
தே²ரோ ஸஹஸ்ஸிலோகதா³துங் விஞ்ஞாபேஸீதி? நீலகஸிணங் தாவ
ஸமாபஜ்ஜித்வா ஸப்³ப³த்த² ஆலோகட்ட²னே அந்த³காரங் ப²ரி,
ஓத²தகஸிணங் ஸமாபஜ்ஜித்வா அந்த³காரட்ட²னே ஓபா³ஸங். ததோ
“கிமித³ங் அந்த³கார²ந்தி? ஸத்தானங் ஆபோ³கே³ உப்பன்னே ஆலோகங்
த³ஸ்ஸேஸி. ஆலோகட்ட²னே ஆலோககிச்சங் நத்தி², “கிங் ஆலோகோ
அய²ந்தி? விசினந்தானங் அத்தானங் த³ஸ்ஸேஸி. அத² தேஸங் தே²ரோதி
வத³ந்தானங் இமா கா³த²யோ அபா³ஸி, ஸப்³பே³ ஓஸடாய பரிஸாய மஜ்ஜே²
நிஸீதி³த்வா த³ம்மங் தே³ஸெந்தஸ்ஸ விய ஸத³த³ங் ஸுணிங்ஸு.
அத்தோ²பி நேஸங் பாகடோ அஹோஸி. சதுத்த²ங்.

5. பரினிப்ப³னஸுத்தவண்ணனா

186. பஞ்சமே உபவத்தனே மல்லானங் ஸாலவனேதி யதே²வ ஹி
 கத³ம்ப³னதீ³ரதோ ராஜமாதுவிஹாரத்³வாரேன தூ²பாராமங் க³ந்தப்³பங் ஹோதி,
 ஏவங் ஹிரஞ்ஞுவதிகாய நாம நதி³யா பாரிமதீரதோ ஸாலவனங் உய்யானங்.
 யதா² அனூராத⁴புரஸ்ஸ தூ²பாராமோ, ஏவங் தங் குஸினாராய ஹோதி. யதா²
 தூ²பாராமதோ த³க்கி²ணத்³வாரேன நக³ரங் பவிஸனமக்³கோ³ பாசீனமுகோ²
 க³ந்த்வா உத்தரேன நிவத்ததி, ஏவங் உய்யானதோ ஸாலபந்தி பாசீனமுகா²
 க³ந்த்வா உத்தரேன நிவத்தா. தஸ்மா தங் “உபவத்தன”ந்தி வுச்சதி. தஸ்மிங்
 உபவத்தனே மல்லானங் ஸாலவனே. அந்தரேன யமகஸாலானந்தி
 மூலக்க²ந்த⁴விடபபத்தேஹி அஞ்ஞமஞ்ஞங் ஸங்ஸிப்³பித்வா டி²தஸாலானங்
 அந்தரிகாய. அப்பமாதே³ன ஸம்பாதே³தா²தி ஸதிஅவிப்பவாஸேன
 கத்தப்³பிகிச்சானி ஸம்பாத³யத². இதி ப⁴க³வா யதா² நாம மரணமஞ்சே
 நிபன்னோ மஹத்³த⁴னோ குடும்பி³கோ புத்தானங் த⁴னஸாரங் ஆசிக்கெ²ய்ய,
 ஏவமேவங் பரினிப்³பா³னமஞ்சே நிபன்னோ பஞ்சசத்தாலீஸ வஸ்ஸானி
 தி³ன்னங் ஓவாத³ங் ஸப்³பங் ஏகஸ்மிங் அப்பமாத³பதே³யேவ பக்கி²பித்வா
 அபா⁴ஸி. அயங் ததா²க³தஸ்ஸ பச்சி²மா வாசாதி இத³ங் பன
 ஸங்கீ³திகாரானங் வசனங்.

இதோ பரங் யங் பரினிப்³பா³னபரிகம்மங் கத்வா ப⁴க³வா பரினிப்³பு³தோ,
 தங் த³ஸ்ஸேதுங், அத² கோ² ப⁴க³வா பட²மங் ஜா²னந்திஆதி³ வுத்தங். தத்த²
 ஸஞ்ஞாவேத³யிதனிரோத⁴ங் ஸமாபன்னே ப⁴க³வதி
 அஸ்ஸாஸபஸ்ஸாஸானங் அப்பவத்திங் தி³ஸ்வா, “பரினிப்³பு³தோ ஸத்தா²”தி
 ஸஞ்ஞாய தே³வமனுஸ்ஸா ஏகப்பஹாரேன விரவிங்ஸு, ஆனந்த³த்தே²ரோபி -
 “பரினிப்³பு³தோ நு கோ², ப⁴ந்தே, அனுருத்³த⁴ ப⁴க³வா”தி தே²ரங் புச்சி².
 தே²ரோ “ந கோ², ஆவுஸோ ஆனந்த³, ததா²க³தோ பரினிப்³பு³தோ, அபிச
 ஸஞ்ஞாவேத³யிதனிரோத⁴ங் ஸமாபன்னோ”தி ஆஹ. கத²ங் பன ஸோ
 அஞ்ஞாஸி? தே²ரோ கிர ஸத்தா²ரா ஸத்³தி⁴ங்யேவ தங் தங் ஸமாபத்திங்
 ஸமாபஜ்ஜந்தோ யாவ நேவஸஞ்ஞானாஸஞ்ஞாயதனவுட்டா²னங், தாவ
 க³ந்த்வா, “இதா³னி ப⁴க³வா நிரோத⁴ங் ஸமாபன்னோ, அந்தோனிரோதே⁴ ச
 காலங்கிரியா நாம நத்தீ²”தி அஞ்ஞாஸி.

அத² கோ² ப⁴க³வா ஸஞ்ஞாவேத³யிதனிரோத⁴ஸமாபத்திதோ
 வுட்ட²ஹித்வா நேவஸஞ்ஞானாஸஞ்ஞாயதனங் ஸமாபஜ்ஜி...பே...
 ததியஜ்ஜா²னா வுட்ட²ஹித்வா சதுத்த²ங் ஜா²னங் ஸமாபஜ்ஜி²தி எத்த² பன
 ப⁴க³வா சதுவீஸதியா டா²னேஸு பட²மங் ஜா²னங் ஸமாபஜ்ஜி, தேரஸஸு
 டா²னேஸு து³தியங் ஜா²னங்... ததா² ததியங்... பன்னரஸஸு டா²னேஸு
 சதுத்த²ங் ஜா²னங் ஸமாபஜ்ஜி. கத²ங்? த³ஸஸு அஸுபே⁴ஸு
 த்³வத்திங்ஸாகாரே அட்ட²ஸு கஸிணேஸு மெத்தாகருணாமுதி³தேஸு
 ஆனாபானே பரிச்சே²தா³காஸேதி இமேஸு தாவ சதுவீஸதியா டா²னேஸு
 பட²மங் ஜா²னங் ஸமாபஜ்ஜி. ட²பெத்வா பன த்³வத்திங்ஸாகாரஞ்ச த³ஸ ச

அஸுபா⁴னி ஸேஸேஸு தேரஸஸு து³தியங் ஜா²னங்... தேஸுயேவ ததியங் ஜா²னங் ஸமாபஜ்ஜி. அட்ட²ஸு பன கஸிணேஸு உபெக்கா²ப்³ரஹ்மவிஹாரே ஆனாபானே பரிச்சே²தா³காஸே சதூஸு அருபேஸுதி இமேஸு பன்னரஸஸு டா²னேஸு சதுத்த²ங் ஜா²னங் ஸமாபஜ்ஜி. அயம்பி ச ஸங்கே²பகதா²வ. நிப்³பா³னபுரங் பவிஸந்தோ பன ப⁴க³வா த⁴ம்மஸ்ஸாமி ஸப்³பா³பி சதுவீஸதிகோடிஸதஸஹஸ்ஸஸங்கா² ஸமாபத்தியோ பவிஸித்வா விதே³ஸங் க³ச்ச²ந்தோ ஞாதிஜனங் ஆலிங்கெ³த்வா விய ஸப்³ப³ஸமாபத்திஸுக²ங் அனுப⁴வித்வா பவிட்டோ².

சதுத்த²ஜ்ஜா²னா வுட்ட²ஹித்வா ஸமனந்தரா ப⁴க³வா பரினிப்³பா³யீதி எத்த² ச ஜா²னஸமனந்தரங் பச்சவெக்க²ணஸமனந்தரந்தி, த்³வே ஸமனந்தரானி. சதுத்த²ஜ்ஜா²னா வுட்டா²ய ப⁴வங்க³ங் ஓதிண்ணஸ்ஸ தத்தே²வ பரினிப்³பா³னங் ஜா²னஸமனந்தரங் நாம, சதுத்த²ஜ்ஜா²னா வுட்ட²ஹித்வா புன ஜா²னங்கா³னி பச்சவெக்கி²த்வா ப⁴வங்க³ங் ஓதிண்ணஸ்ஸ தத்தே²வ பரினிப்³பா³னங் பச்சவெக்க²ணஸமனந்தரங் நாம. இமானி த்³வேபி ஸமனந்தரானேவ. ப⁴க³வா பன ஜா²னங் ஸமாபஜ்ஜித்வா ஜா²னா வுட்டா²ய ஜா²னங்கா³னி பச்சவெக்கி²த்வா ப⁴வங்க³சித்தேன அப்யாகதேன து³க்க²ஸச்சேன பரினிப்³பா³யி. யே ஹி கேசி பு³த்தா⁴ வா பச்சேகபு³த்தா⁴ வா அரியஸாவகா வா அந்தமஸோ குந்த²கிபில்லிகங் உபாதா³ய ஸப்³பே³ ப⁴வங்க³சித்தேனேவ அப்யாகதேன து³க்க²ஸச்சேன காலங் கரொந்தி.

பூ⁴தாதி ஸத்தா. அப்படிபுக்³கலோதி படிபா⁴க³புக்³கலவிரஹிதோ. ப³லப்பத்தோதி து³ஸவித⁴ங் ஞாணப³லங் பத்தோ. உப்பாத³வயத⁴ம்மினோதி உப்பாத³வயஸபா⁴வா. தேஸங் பூபஸமோதி தேஸங் ஸங்கா²ரானங் பூபஸமோ. ஸுகோ²தி அஸங்க²தங் நிப்³பா³னமேவ ஸுக²ந்தி அத்தோ². ததா³ஸீதி “ஸஹ பரினிப்³பா³னா மஹாபூ⁴மிசாலோ அஹோஸீ”தி ஏவங் மஹாபரினிப்³பா³னே (தீ³. நி. 2.220) வுத்தங் பூ⁴மிசாலங் ஸந்தா⁴யாஹ. ஸோ ஹி லோமஹங்ஸனகோ ச பி⁴ங்ஸனகோ ச ஆஸி. ஸப்³பா³காரவருபேதேதி ஸப்³பா³காரவரகு³ணாபேதே. நாஹு அஸ்ஸாஸபஸ்ஸாஸோதி ந ஜாதோ அஸ்ஸாஸபஸ்ஸாஸோ. அனேஜோதி தண்ஹாஸங்கா²தாய ஏஜாய அபா⁴வேன அனேஜோ. ஸந்திமாரப்³பா⁴தி அனுபாதி³ஸேஸங் நிப்³பா³னங் ஆரப்³ப⁴ படிச்ச ஸந்தா⁴ய. சக்கு²மாதி பஞ்சஹி சக்க²ஹி சக்கு²மா. பரினிப்³பு³தோதி க²ந்த⁴பரினிப்³பா³னேன பரினிப்³பு³தோ. அஸல்லீனேனாதி அனல்லீனேன அஸங்குடிதேன ஸுவிகஸிதேனேவ சித்தேன. வேத³னங் அஜ்ஜ²வாஸயீதி வேத³னங் அதி⁴வாஸேஸி, ந வேத³னானுவத்தீ ஹுத்வா இதோ சிதோ ஸம்பரிவத்தி. விமொக்கோ²தி கேனசி த⁴ம்மேன அனாவரணவிமொக்கோ² ஸப்³ப³ஸோ அபஞ்ஞுத்திபா⁴வூபக³மோ பஜ்ஜோதனிப்³பா³னஸதி³ஸோ ஜாதோதி. பஞ்சமங்.

து³தியோ வக்³கோ³.

இதி ஸாரத்த²ப்பகாஸினியா

ஸங்யுத்தனிகாய-அட்ட²கதா²ய

ப்³ரஹ்மஸங்யுத்தவண்ணனா நி²டி²தா.

7. ப்³ராஹ்மணஸங்யுத்தங்

1. அரஹந்தவக்³கோ³

1. த்⁴னஞ்ஜானீஸுத்தவண்ணனா

187. ப்³ராஹ்மணஸங்யுத்தஸ்ஸ பட²மே த்⁴னஞ்ஜானீதி
த்⁴னஞ்ஜானிகொ³த்தா. உக்கட்ட²கொ³த்தா கிரேஸா. ஸேஸப்³ராஹ்மணா கிர
ப்³ரஹ்முனோ முக²தோ ஜாதா, த்⁴னஞ்ஜானிகொ³த்தா மத்த²கங் பி⁴ந்தி³த்வா
நிக்க²ந்தாதி தேஸங் லத்³தி⁴. உதா³னங் உதா³னேஸீதி கஸ்மா உதா³னேஸி?
ஸோ கிர ப்³ராஹ்மணோ மிச்சா²தி³ட்டி²கோ “பு³த்³தோ⁴ த்⁴ம்மோ
ஸங்கோ⁴”தி வுத்தே கண்ணே பித³ஹதி, த²த்³தோ⁴ க²தி³ரகா²ணுஸதி³ஸோ.
ப்³ராஹ்மணீ பன ஸோதாபன்னா அரியஸாவிகா. ப்³ராஹ்மணோ தா³னங்
தெ³ந்தோ பஞ்சஸதானங் ப்³ராஹ்மணானங் அப்போத³கங் பாயாஸங் தே³தி,
ப்³ராஹ்மணீ பு³த்³த்⁴ப்பமுக்²ஸ்ஸ ஸங்க⁴ஸ்ஸ நானாரஸபோ⁴ஜனங்.
ப்³ராஹ்மணஸ்ஸ தா³னதி³வஸே ப்³ராஹ்மணீ தஸ்ஸ வஸவத்திதாய
பஹீனமச்சே²ரதாய ச ஸஹத்தா² பரிவிஸதி. ப்³ராஹ்மணியா பன
தா³னதி³வஸே ப்³ராஹ்மணோ பாதோவ க⁴ரா நிக்க²மித்வா பலாயதி.
அதே²கதி³வஸங் ப்³ராஹ்மணோ ப்³ராஹ்மணியா ஸத்³தி⁴ங் அஸம்மந்தெத்வா
பஞ்சஸதே ப்³ராஹ்மணே நிமந்தெத்வா ப்³ராஹ்மணிங் ஆஹ - “ஸ்வே போ⁴தி
அம்ஹாகங் க⁴ரே பஞ்சஸதா ப்³ராஹ்மணா பு⁴ஞ்ஜிஸ்ஸந்தீ”தி. மயா கிங்
காதப்³பங் ப்³ராஹ்மணாதி? தயா அஞ்ஞங் கிஞ்சி காதப்³பங் நத்தி², ஸப்³பங்
பசனபரிவேஸனங் அஞ்ஞே கரிஸ்ஸந்தி. யங் பன த்வங் டி²தாபி நிஸின்னாபி
கி²பித்வாபி உக்காஸித்வாபி “நமோ பு³த்³த்⁴ஸ்ஸா”தி தஸ்ஸ முண்ட³கஸ்ஸ
ஸமணகஸ்ஸ நமக்காரங் கரோஸி, தங் ஸ்வே ஏகதி³வஸமத்தங் மா அகாஸி.
தங் ஹி ஸுத்வா ப்³ராஹ்மணா அனத்தமனா ஹொந்தி, மா மங்
ப்³ராஹ்மணேஹி பி⁴ந்த³ஸீதி. த்வங் ப்³ராஹ்மணேஹி வா பி⁴ஜ்ஜ தே³வேஹி
வா, அஹங் பன ஸத்தா²ரங் அனுஸ்ஸரித்வா ந ஸக்கோமி அனமஸ்ஸமானா
ஸண்டா²துந்தி. போ⁴தி குலஸதிகே கா³மே கா³மத்³வாரம்பி தாவ பித³ஹிதுங்
வாயமந்தி, த்வங் த்³வீஹங்கு³லேஹி பித³ஹிதப்³பங் முக²ங் ப்³ராஹ்மணானங்
போ⁴ஜனகாலமத்தங் பித³ஹிதுங் ந ஸக்கோஸீதி. ஏவங் புனப்புனங்
கதெ²த்வாபி ஸோ நிவாரேதுங் அஸக்கொந்தோ உஸ்ஸீஸகே ட²பிதங்
மண்ட³லக்³க²க்³ங் க³ஹெத்வா - “போ⁴தி ஸசே ஸ்வே ப்³ராஹ்மணேஸு
நிஸின்னேஸு தங் முண்ட³ஸமணகங் நமஸ்ஸஸி, இமினா தங் க²க்³கே³ன
பாத³தலதோ பட்டா²ய யாவ கேஸமத்த²கா களீரங் விய கொட்டெத்வா ராஸிங்
கரிஸ்ஸாமீ”தி இமங் கா³த²ங் அபா⁴ஸி -

“இமினா மண்ட³லக்³கே³ன, பாத³தோ யாவ மத்த²கா;
களீரமிவ சே²ஜ்ஜாமி, யதி³ மிச்ச²ங் ந காஹஸி.

“ஸசே புத்³தோ⁴தி ப⁴ணஸி, ஸசே த⁴ம்மோதி பா⁴ஸஸி;
ஸசே ஸங்கோ⁴தி கித்தேஸி, ஜீவந்தீ மே நிவேஸனே”தி.

அரியஸாவிகா பன பத²வீ விய து³ப்பகம்பா, ஸினேரு விய து³ப்பரிவத்தியா.
ஸா தேன நங் ஏவமாஹ -

“ஸசே மே அங்க³மங்கா³னி, காமங் சே²ஜ்ஜஸி ப்³ராஹ்மண;
நேவாஹங் விரமிஸ்ஸாமி, புத்³த⁴ஸெட்ட²ஸ்ஸ ஸாஸனா.

“நாஹங் ஓக்கா வரத⁴ரா, ஸக்கா ரோத⁴யிதுங் ஜினா;
தீ⁴தாஹங் புத்³த⁴ஸெட்ட²ஸ்ஸ, சி²ந்த³ வா மங் வத⁴ஸ்ஸ வா”தி.

ஏவங் த⁴னஞ்ஜானிக³ஜ்ஜிதங் நாம க³ஜ்ஜந்தீ பஞ்ச கா³தா²ஸதானி
அபா⁴ஸி. ப்³ராஹ்மணோ ப்³ராஹ்மணிங் பராமஸிதுங் வா பஹரிதுங் வா
அஸக்கொந்தோ “போ⁴தி யங் தே ருச்சதி, தங் கரோஹீ”தி வத்வா க²க்³ங்
ஸயனே கி²பி. புனதி³வஸே கே³ஹங் ஹரிதுபலித்தங் காராபெத்வா
லாஜாபுண்ணக⁴டமாலாக³ந்தா⁴தீ³ஹி தத்த² தத்த² அலங்காராபெத்வா
பஞ்சன்னங் ப்³ராஹ்மணஸதானங் நவஸப்பிஸக்க²ரமது⁴யுத்தங்
அப்போத³கபாயாஸங் படியாதா³பெத்வா காலங் ஆரோசாபேஸி.

ப்³ராஹ்மணீபி பாதோவ க³ந்தோ⁴த³கேன ஸயங் ந்ஹாயித்வா
ஸஹஸ்ஸக்³க⁴னகங் அஹதவத்த²ங் நிவாஸெத்வா பஞ்சஸதக்³க⁴னகங்
ஏகங்ஸங் கத்வா ஸப்³பா³லங்காரபடிமண்டி³தா ஸுவண்ணகடச்ச²ங் க³ஹெத்வா
ப⁴த்தக்³கே³ ப்³ராஹ்மணே பரிவிஸமானா தேஹி ஸத்³தி⁴ங் ஏகபந்தியங்
நிஸின்னஸ்ஸ தஸ்ஸ ப்³ராஹ்மணஸ்ஸ ப⁴த்தங் உபஸங்ஹரந்தீ
து³ன்னிக்கி²த்தே தா³ருப⁴ண்டே³ பக்க²லி. பக்க²லனக⁴ட்டனாய து³க்கா²
வேத³னா உப்பஜ்ஜி. தஸ்மிங் ஸமயே த³ஸப³லங் ஸரி. ஸதிஸம்பன்னதாய
பன பாயாஸபாதிங் அச²ட்³டெ³த்வா ஸணிகங் ஓதாரெத்வா பூ⁴மியங்
ஸண்ட²பெத்வா பஞ்சன்னங் ப்³ராஹ்மணஸதானங் மஜ்ஜே² ஸிரஸி அஞ்ஜலிங்
ட²பெத்வா யேன வேளுவனங், தேனஞ்ஜலிங் பணாமெத்வா இமங் உதா³னங்
உதா³னேஸி.

தஸ்மிஞ்ச ஸமயே தேஸு ப்³ராஹ்மணேஸு கேசி பு⁴த்தா ஹொந்தி, கேசி
பு⁴ஞ்ஜமானா, கேசி ஹத்தே² ஓதாரிதமத்தா, கேஸஞ்சி போ⁴ஜனங் புரதோ
ட²பிதமத்தங் ஹொதி. தே தங் ஸத்³த³ங் ஸுவாவ ஸினேருமத்தேன
முக்³க³ரேன ஸீஸே பஹடா விய கண்ணேஸு ஸுலேன வித்³தா⁴ விய
து³க்க²தோ³மனஸ்ஸங் படிஸங்வேதி³யமானா “இமினா அஞ்ஞலத்³தி⁴கேன
மயங் க⁴ரங் பவேஸிதா”தி குஜ்ஜி²த்வா ஹத்தே² பிண்ட³ங் ச²ட்³டெ³த்வா
முகே²ன க³ஹிதங் நிட்டு²பி⁴த்வா த⁴னுங் தி³ஸ்வா காகா விய ப்³ராஹ்மணங்
அக்கோஸமானா தி³ஸாவிதி³ஸா பக்கமிங்ஸு. ப்³ராஹ்மணோ ஏவங்

பி⁴ஜ்ஜித்வா க³ச்ச²ந்தே ப்³ராஹ்மணே தி³ஸ்வா ப்³ராஹ்மணிங் ஸீஸ்தோ பட்டா²ய ஓலோகெத்வா, “இத³மேவ ப⁴யங் ஸம்பஸ்ஸமானா மயங் ஹிய்யோ பட்டா²ய போ⁴திங் யாசந்தா ந லபி⁴ம்ஹா”தி நானப்பகாரேஹி ப்³ராஹ்மணிங் அக்கோஸித்வா, ஏதங் “ஏவமேவங் பனா”திஆதி³வசனங் அவோச.

உபஸங்கமீதி “ஸமணோ கோ³தமோ கா³மனிக³மரட்ட²பூஜிதோ, ந ஸக்கா க³ந்த்வா யங் வா தங் வா வத்வா ஸந்தஜ்ஜேதுங், ஏகமேவ நங் பஞ்ஹங் புச்சி²ஸ்ஸாமீ”தி க³ச்ச²ந்தோவ “கிங்ஸு செ²த்வா”தி கா³த²ங் அபி⁴ஸங்க²ரித்வா - “ஸசே ‘அஸுகஸ்ஸ நாம வத⁴ங் ரோசேமீதி வக்க²தி, அத² நங் ‘யே துய்ஹங் ந ருச்சந்தி, தே மாரேதுகாமோஸி, லோகவதா⁴ய உப்பன்னோ, கிங் துய்ஹங் ஸமணபா⁴வேனா”தி? நிக்³க³ஹெஸ்ஸாமி. ஸசே ‘ந கஸ்ஸசி வத⁴ங் ரோசேமீதி வக்க²தி, அத² நங் ‘த்வங் ராகா³தீ³னம்பி வத⁴ங் ந இச்ச²ஸி. கஸ்மா ஸமணோ ஹுத்வா ஆஹிண்ட³ஸீதி? நிக்³க³ஹெஸ்ஸாமீ. இதி இமங் உப⁴தோகோடிகங் பஞ்ஹங் ஸமணோ கோ³தமோ நேவ கி³லிதுங் ந உக்³கி³லிதுங் ஸக்கி²ஸ்ஸதீ”தி சிந்தெத்வா உபஸங்கமி. ஸம்மோதீ³தி அத்தனோ பண்டி³ததாய குத்³த⁴பா⁴வங் அத³ஸ்ஸெத்வா மது⁴ரகத²ங் கதே²ந்தோ ஸம்மோதி³. பஞ்ஹோ தே³வதாஸங்யுத்தே கதி²தோ. ஸேஸம்பி ஹெட்டா² வித்தா²ரிதமேவாதி. பட²மங்.

2. அக்கோஸஸுத்தவண்ணனா

188. து³தியே அக்கோஸகபா⁴ரத்³வாஜோதி பா⁴ரத்³வாஜோவ ஸோ, பஞ்சமத்தேஹி பன கா³தா² ஸதேஹி ததா²க³தங் அக்கோஸந்தோ ஆக³தோதி. “அக்கோஸகபா⁴ரத்³வாஜோ”தி தஸ்ஸ ஸங்கீ³திகாரேஹி நாமங் க³ஹிதங். குபிதோ அனத்தமனோதி “ஸமணேன கோ³தமேன மய்ஹங் ஜெட்ட²கபா⁴தரங் பப்³பா³ஜெந்தேன ஜானி கதா, பக்கோ² பி⁴ன்னோ”தி கோதே⁴ன குபிதோ தோ³மனஸ்ஸேன ச அனத்தமனோ ஹுத்வாதி அத்தோ². அக்கோஸதீதி “சோரோஸி, பா³லோஸி, மூள்ஹோஸி, தே²னோஸி, ஒட்டோ²ஸி, மெண்டோ³ஸி, கோ³ணோஸி, க³த்³ரபோ⁴ஸி, திரச்சா²னக³தோஸி, நேரயிகோஸீ”தி த³ஸஹி அக்கோஸவத்து²ஹி அக்கோஸதி. பரிபா⁴ஸதீதி “ஹோது முண்ட³கஸமணக, ‘அத³ண்டோ³ அஹ³ந்தி கரோஸி, இதா³னி தே ராஜகுலங் க³ந்த்வா த³ண்ட³ங் ஆரோபெஸ்ஸாமீ”திஆதீ³னி வத³ந்தோ பரிபா⁴ஸதி நாம.

ஸம்பு⁴ஞ்ஜதீதி ஏகதோ பு⁴ஞ்ஜதி. வீதிஹரதீதி கதஸ்ஸ படிகாரங் கரோதி. ப⁴க³வந்தங் கோ², கோ³தமந்தி கஸ்மா ஏவமாஹ? “தவேவேதங், ப்³ராஹ்மண, தவேவேதங், ப்³ராஹ்மணா”தி கிரஸ்ஸ ஸுத்வா. “இஸயோ நாம குபிதா ஸபனங் தெ³ந்தி கிஸவச்சா²த³யோ வியா”தி அனுஸ்ஸவவஸேன

“ஸபதி மங் மஞ்ஞே ஸமணோ கோ³தமோ”தி ப⁴யங் உப்பஜ்ஜி. தஸ்மா ஏவமாஹ.

த³ந்தஸ்ஸாதி நிப்³பி³ஸேவனஸ்ஸ. தாதி³னோதி தாதி³லக்²ணங் பத்தஸ்ஸ. தஸ்ஸேவ தேன பாபியோதி தஸ்ஸேவ புக்³க்³லஸ்ஸ தேன கோதே⁴ன பாபங் ஹோதி. ஸதோ உபஸம்மதீதி ஸதியா ஸமன்னாக³தோ ஹுத்வா அதி⁴வாஸேதி. உபி⁴ன்னங் திகிச்ச²ந்தானந்தி உபி⁴ன்னங் திகிச்ச²ந்தங். அயமேவ வா பாடோ². யோ புக்³க்³லோ ஸதோ உபஸம்மதி, உபி⁴ன்னமத்த²ங் சரதி திகிச்ச²தி ஸாதே⁴தி, தங் புக்³க்³லங் ஜனா பா³லோதி மஞ்ஞந்தி. கீதி³ஸா ஜனா? யே த⁴ம்மஸ்ஸ அகோவிதா³. த⁴ம்மஸ்ஸாதி பஞ்சக்²ந்த⁴த⁴ம்மஸ்ஸ வா சதுஸ்ச்சத⁴ம்மஸ்ஸ வா. அகோவிதா³தி தஸ்மிங் த⁴ம்மே அகுஸலா அந்த⁴பா³லபுது²ஜ்ஜனா. து³தியங்.

3. அஸுரிந்த³கஸுத்தவண்ணனா

189. ததியே அஸுரிந்த³கபா⁴ரத்³வாஜோதி அக்கோஸகபா⁴ரத்³வாஜஸ்ஸ கனிட்டோ². குபிதோதி தேனேவ காரணேன குத்³தோ⁴. ஜயஞ்சேவஸ்ஸ தங் ஹோதீதி அஸ்ஸேவ தங் ஜயங் ஹோதி, ஸோ ஜயோ ஹோதீதி அத்தோ² . கதமஸ்ஸாதி? யா திதிக்கா² விஜானதோ அதி⁴வாஸனாய கு³ணங் விஜானந்தஸ்ஸ திதிக்கா² அதி⁴வாஸனா, அயங் தஸ்ஸ விஜானதோவ ஜயோ. பா³லோ பன ப²ருஸங் ப⁴ணந்தோ “மய்ஹங் ஜயோ”தி கேவலங் ஜயங் மஞ்ஞதி. ததியங்.

4. பி³லங்கீ³கஸுத்தவண்ணனா

190. சதுத்தே² பி³லங்கீ³கபா⁴ரத்³வாஜோதி பா⁴ரத்³வாஜோவ ஸோ, நானப்பகாரங் பன ஸுத்³த⁴ஞ்ச ஸம்பா⁴ரயுத்தஞ்ச கஞ்ஜிகங் காரெத்வா விக்கிணாபெந்தோ ப³ஹுத⁴னங் ஸங்க²ரீதி “பி³லங்கீ³கபா⁴ரத்³வாஜோ”தி தஸ்ஸ ஸங்கீ³திகாரேஹி நாமங் க³ஹிதங். துண்ஹீபூ⁴தோதி “தயோ மே ஜெட்ட²கபா⁴தரோ இமினா பப்³பா³ஜிதா”தி அதிவிய குத்³தோ⁴ கிஞ்சி வத்துங் அஸக்கொந்தோ துண்ஹீபூ⁴தோ அட்டா²ஸி. கா³தா² பன தே³வதாஸங்யுத்தே கதி³தாவ. சதுத்த²ங்.

5. அஹிங்ஸகஸுத்தவண்ணனா

191. பஞ்சமே அஹிங்ஸகபா⁴ரத்³வாஜோதி பா⁴ரத்³வாஜோவேஸ, அஹிங்ஸகபஞ்ஹங் பன புச்சி², தேனஸ்ஸேதங் ஸங்கீ³திகாரேஹி நாமங் க³ஹிதங். நாமேன வா ஏஸ அஹிங்ஸகோ, கொ³த்தேன பா⁴ரத்³வாஜோ. அஹிங்ஸகாஹந்தி அஹிங்ஸகோ அஹங், இதி மே ப⁴வங் கோ³தமோ

ஜானாதூதி ஆஹ. ததா² சஸ்ஸாதி ததா² சே அஸ்ஸ, ப⁴வெய்யாஸீதி
அத்தோ². ந ஹிங்ஸதீதி ந விஹேடே²தி ந து³க்கா²பேதி. பஞ்சமங்.

6. ஜடாஸுத்தவண்ணனா

192. ச²ட்டே² ஜடாபா⁴ரத்³வாஜோதி பா⁴ரத்³வாஜோவேஸ,
ஜடாபஞ்ஹஸ்ஸ பன புச்சி²தத்தா ஸங்கீ³திகாரேஹி ஏவங் வுத்தோ. ஸேஸங்
தே³வதாஸங்யுத்தே கதி²தமேவ. ச²ட்ட²ங்.

7. ஸுத்³தி⁴கஸுத்தவண்ணனா

193. ஸத்தமே ஸுத்³தி⁴கபா⁴ரத்³வாஜோதி அயம்பி பா⁴ரத்³வாஜோவ,
ஸுத்³தி⁴கபஞ்ஹஸ்ஸ பன புச்சி²தத்தா ஸங்கீ³திகாரேஹி ஏவங் வுத்தோ.
ஸீலவாபி தபோகரந்தி ஸீலஸம்பன்னோபி தபோகம்மங் கரொந்தோ.
விஜ்ஜாசரணஸம்பன்னோதி எத்த² விஜ்ஜாதி தயோ வேதா³. சரணந்தி
கொத்தசரணங். ஸோ ஸுஜ்ஜ²தி ந அஞ்ஞா இதரா பஜாதி ஸோ தேவிஜ்ஜோ
ப்³ராஹ்மணோ ஸுஜ்ஜ²தி, அயங் பன அஞ்ஞா நாமிகா பஜா ந ஸுஜ்ஜ²தீதி
வத³தி. ப³ஹும்பி பலபங் ஜப்பந்தி ப³ஹும்பி பலபங் ஜப்பந்தோ,
“ப்³ராஹ்மணோவ ஸுஜ்ஜ²தீ”தி ஏவங் வசனஸஹஸ்ஸம்பி ப⁴ணந்தோதி
அத்தோ². அந்தோகஸம்பூ³தி அந்தோ கிலேஸபூதிஸபா⁴வேன பூதிகோ.
ஸங்கிலிட்டோ²தி கிலிட்டே²ஹி காயகம்மாதி³ஹி ஸமன்னாக³தோ. ஸத்தமங்.

8. அக்³கிகஸுத்தவண்ணனா

194. அட்ட²மே அக்³கிகபா⁴ரத்³வாஜோதி அயம்பி பா⁴ரத்³வாஜோவ,
அக்³கிக்³ பரிசரணவஸேன பனஸ்ஸ ஸங்கீ³திகாரேஹி ஏதங் நாமங் க³ஹிதங்.
ஸன்னிஹிதோ ஹோதீதி ஸங்யோஜிதோ ஹோதி. அட்டா²ஸீதி கஸ்மா தத்த²
அட்டா²ஸி? ப⁴க³வா கிர பச்துஸஸமயே லோகங் ஒலோகெந்தோ இமங்
ப்³ராஹ்மணங் தி³ஸ்வா சிந்தேஸி - “அயங் ப³ராஹ்மணோ ஏவருபங்
அக்³க³பாயாஸங் க³ஹெத்வா ‘மஹாப்³ராஹ்மானங் போ⁴ஜேமீ’தி அக்³கிக்³ம்ஹி
ஜா²பெந்தோ அப²லங் கரோதி அபாயமக்³க³ங் ஓக்கமதி, இமங் லத்³தி⁴ங்
அவிஸ்ஸஜ்ஜந்தோ அபாயபூரகோவ ப⁴விஸ்ஸதி, க³ச்சா²மிஸ்ஸ
த⁴ம்மதே³ஸனாய, மிச்சா²தி³ட்டி²ங் பி⁴ந்தி³த்வா பப்³பா³ஜெத்வா சத்தாரோ
மக்³கே³ சேவ சத்தாரி ச ப²லானி தே³மீ’தி, தஸ்மா புப்³புண்ஹஸமயே
ராஜக³ஹங் பவிஸித்வா தத்த² அட்டா²ஸி.

தீஹி விஜ்ஜாஹீதி தீஹி வேதே³ஹி. ஜாதிமாதி யாவ ஸத்தமா
பிதாமஹயுகா³ பரிஸுத்³தா⁴ய ஜாதியா ஸமன்னாக³தோ. ஸுதவா ப³ஹுதி
ப³ஹு நானப்பகாரே க³ந்தே² ஸுதவா. ஸோமங் பு⁴ஞ்ஜெய்யாதி ஸோ

தேவிஜ்ஜோ ப்ராஹ்மணோ இமங் பாயாஸங் பு⁴ஞ்ஜிதுங் யுத்தோ, தும்ஹாகங் பனேஸ பாயாஸோ அயுத்தோதி வத³தி.

வேதீ³தி புப்³பே³னிவாஸஞானேன ஜானி படிவிஜ்ஜி². ஸக்³கா³பாயந்தி தி³ப்³பே³ன சக்²னா ஸக்³க³ம்பி அபாயம்பி பஸ்ஸதி. ஜாதிக்க³யந்தி அரஹத்தங். அபி⁴ஞ்ஞாவோஸிதோதி ஜானித்வா வோஸிதவோஸானோ. ப்ராஹ்மணோ ப⁴வந்தி அவீசிதோ யாவ ப⁴வக்³கா³ போ⁴தா கோ³தமேன ஸதி³ஸோ ஜாதிஸம்பன்னோ கீ²ணாஸவப்³ராஹ்மணோ நத்தி², ப⁴வங்யேவ ப்ராஹ்மணோதி.

ஏவஞ்ச பன வத்வா ஸுவண்ணபாதிங் பூரெத்வா த³ஸப்³லஸ்ஸ பாயாஸங் உபனாமேஸி. ஸத்தா² உப்பத்திங் தீ³பெத்வா போ⁴ஜனங் படிக்கி²பந்தோ கா³தா²பி⁴கீ³தங் மேதிஆதி³மாஹ. தத்த² கா³தா²பி⁴கீ³தந்தி கா³தா²ஹி அபி⁴கீ³தங். அபோ⁴ஜனெய்யந்தி அபு⁴ஞ்ஜிதப்³பங் . இத³ங் வுத்தங் ஹோதி - த்வங், ப்ராஹ்மண, மய்ஹங் எத்தகங் காலங் பி⁴க்கா²சாரவத்தேன டி²தஸ்ஸ கடச்ச²மத்தம்பி தா³துங் நாஸக்கி², இதா³னி பன மயா துய்ஹங் கிலஞ்ஜம்ஹி திலே வித்தா²ரெந்தேன விய ஸப்³பே³ பு³த்³த⁴கு³ணா பகாஸிதா, இதி கா³யனேன கா³யித்வா லத்³த⁴ங் விய இத³ங் போ⁴ஜனங் ஹோதி, தஸ்மா இத³ங் கா³தா²பி⁴கீ³தங் மே அபோ⁴ஜனெய்யந்தி. ஸம்பஸ்ஸதங், ப்ராஹ்மண, நேஸ த⁴ம்மோதி, ப்ராஹ்மண, அத்த²ஞ்ச த⁴ம்மஞ்ச ஸம்பஸ்ஸந்தானங் “ஏவருபங் போ⁴ஜனங் பு⁴ஞ்ஜிதப்³ப³ந்தி ஏஸ த⁴ம்மோ ந ஹோதி. ஸுதா⁴போ⁴ஜனம்பி கா³தா²பி⁴கீ³தங் பனுத³ந்தி பு³த்தா⁴, கா³தா²ஹி கா³யித்வா லத்³த⁴ங் பு³த்தா⁴ நீஹரந்தியேவ. த⁴ம்மே ஸதி, ப்ராஹ்மண, வுத்திரேஸாதி, ப்ராஹ்மண, த⁴ம்மே ஸதி த⁴ம்மங் அபெக்கி²த்வா த⁴ம்மே பதிட்டா²ய ஜீவிதங் கப்பெந்தானங் ஏஸா வுத்தி அயங் ஆஜீவோ - ஏவருபங் நீஹரித்வா த⁴ம்மலத்³த⁴மேவ பு⁴ஞ்ஜிதப்³ப³ந்தி.

அத² ப்ராஹ்மணோ சிந்தேஸி - அஹங் புப்³பே³ ஸமணஸ்ஸ கோ³தமஸ்ஸ கு³ணே வா அகு³ணே வா ந ஜானாமி. இதா³னி பனஸ்ஸாஹங் கு³ணே ஞத்வா மம கே³ஹே அஸீதிகோடிமத்தங் த⁴னங் ஸாஸனே விப்பகிரிதுகாமோ ஜாதோ, அயஞ்ச “மயா தி³ன்னபச்சயா அகப்பியா”தி வத³தி. அப்படிக்க³ய்ஹோ அஹங் ஸமணேன கோ³தமேனாதி. அத² ப⁴க³வா ஸப்³பு³ஞ்ஞுதஞ்ஞாணங் பேஸெத்வா தஸ்ஸ சித்தாசாரங் வீமங்ஸந்தோ, “அயங் ஸப்³பே³பி அத்தனா தி³ன்னபச்சயே ‘அகப்பியா’தி ஸல்லக்கே²தி. யங் ஹி போ⁴ஜனங் ஆரப்³ப⁴ கதா² உப்பன்னா, ஏததே³வ ந வட்டதி, ஸேஸா நித்³தோ³ஸா”தி ப்ராஹ்மணஸ்ஸ சதுன்னங் பச்சயானங் தா³னத்³வாரங் த³ஸ்ஸெந்தோ அஞ்ஞேன சாதிஆதி³மாஹ. தத்த² குக்குச்சவூபஸந்தந்தி ஹத்த²குக்குச்சாதீ³னங் வஸேன வூபஸந்தகுக்குச்சங். அன்னேன பாணேனாதி தே³ஸனாமத்தமேதங் . அயங் பனத்தோ² - அஞ்ஞேஹி தயா

“பரிச்சஜிஸ்ஸாமீ”தி ஸல்லக்கி²தேஹி சீவராதீ³ஹி பச்சயேஹி
உபட்ட²ஹஸ்ஸு. கெ²த்தங் ஹி தங் புஞ்ஞபெக்க²ஸ்ஸ ஹோதீதி ஏதங்
ததா²க³தஸாஸனங் நாம புஞ்ஞபெக்க²ஸ்ஸ புஞ்ஞத்தி²கஸ்ஸ துய்ஹங்
அப்பேபி பீ³ஜே ப³ஹுஸஸ்ஸப³லதா³யகங் ஸுகெ²த்தங் விய படியத்தங்
ஹோதி. அட்ட²மங்.

9. ஸுந்த³ரிகஸுத்தவண்ணனா

195. நவமே ஸுந்த³ரிகபா⁴ரத்³வாஜோதி ஸுந்த³ரிகாய நதி³யா தீரே
அக்³கி³ஜுஹணேன ஏவங்லத்³த⁴னாமோ. ஸுந்த³ரிகாயாதி ஏவங்னாமிகாய
நதி³யா. அக்³கி³ங் ஜுஹதீதி ஆஹுதிங் பக்கி²பனேன ஜாலேதி .

அக்³கி³ஹுத்தங் பரிசரதீதி அக்³யாயதனங்
ஸம்மஜ்ஜனுபலேபனப³லிகம்மாதி³னா பயிருபாஸதி. கோ நு கோ² இமங்
ஹப்³யஸேஸங் பு⁴ஞ்ஜெய்யாதி ஸோ கிர ப்³ராஹ்மணோ அக்³கி³ம்ஹி
ஹுதாவஸேஸங் பாயாஸங் தி³ஸ்வா சிந்தேஸி - “அக்³கி³ம்ஹி தாவ
பக்கி²த்தபாயாஸோ மஹாப்³ரஹ்முனா பு⁴த்தோ, அயங் பன அவஸேஸோ
அத்தி², தங் யதி³ ப்³ரஹ்முனோ முக²தோ ஜாதஸ்ஸ ப்³ராஹ்மணஸ்ஸ
த³தெ³ய்யங், ஏவங் மே பிதரா ஸஹ புத்தோபி ஸந்தப்பிதோ ப⁴வெய்ய,
ஸுவிஸோதி⁴தோ சஸ்ஸ ப்³ரஹ்மலோககா³மிமக்³கோ³”தி. ஸோ
ப்³ராஹ்மணஸ்ஸ த³ஸ்ஸனத்த²ங் உட்டா²யாஸனா சதுத்³தி³ஸா
அனுவிலோகேஸி, “கோ நு கோ² இமங் ஹப்³யஸேஸங் பு⁴ஞ்ஜெய்யா”தி?

ருக்க²முலேதி தஸ்மிங் வனஸண்டே³ ஜெட்ட²கருக்க²ஸ்ஸ மூலே.
ஸஸீஸங் பாருதங் நிஸின்னந்தி ஸஹ ஸீஸேன பாருதகாயங் நிஸின்னங்.
கஸ்மா பன ப⁴க³வா தத்த² நிஸீதி³? ப⁴க³வா கிர பச்சுஸஸமயே லோகங்
ஓலோகெந்தோ இமங் ப்³ராஹ்மணங் தி³ஸ்வா சிந்தேஸி - அயங்
ப்³ராஹ்மணோ ஏவருபங் அக்³க³பாயாஸங் க³ஹெத்வா “மஹாப்³ரஹ்மானங்
போ⁴ஜேமீ”தி அக்³கி³ம்ஹி ஜா²பெந்தோ அப²லங் கரோதி...பே... சத்தாரோ
மக்³கே³ சேவ சத்தாரி ச ப²லானி தே³மீதி. தஸ்மா காலஸ்ஸேவ வுட்டா²ய
ஸரீரபடிஜக்³க³னங் கத்வா பத்தசீவரங் ஆதா³ய க³ந்த்வா வுத்தனயேன தஸ்மிங்
ருக்க²முலே நிஸீதி³. அத² கஸ்மா ஸஸீஸங் பாருபீதி? ஹிமபாதஸ்ஸ ச
ஸீதவாதஸ்ஸ ச படிபா³ஹணத்த²ங், படிப³லோவ ஏதங் ததா²க³தோ
அதி⁴வாஸேதுங். ஸசே பன அபாருபித்வா நிஸீதெ³ய்ய, ப்³ராஹ்மணோ
தூ³ரதோவ ஸஞ்ஜானித்வா நிவத்தெய்ய, ஏவங் ஸதி கதா² நப்பவத்தெய்ய. இதி
ப⁴க³வா - “ப்³ராஹ்மணே ஆக³தே ஸீஸங் விவரிஸ்ஸாமி, அத² மங் ஸோ
தி³ஸ்வா கத²ங் பவத்தெஸ்ஸதி, தஸ்ஸாஹங் கதா²னுஸாரேன த⁴ம்மங்
தே³ஸேஸ்ஸாமீ”தி கதா²பவத்தனத்த²ங் ஏவமகாஸி.

உபஸங்கமீதி ப்ராஹ்மணோ - “அயங் ஸஸீஸங் பாருபித்வா
 ஸப்³புரத்திங் பதா⁴னமனுயுத்தோ. இமஸ்ஸ த³க்கி²ணோத³கங் த³த்வா இமங்
 ஹப்³யஸேஸங் த³ஸ்ஸாமீ³தி, ப்ராஹ்மணஸஞ்ஞீ ஹுத்வா உபஸங்கமி.
 முண்டோ³ அயங் ப⁴வங், முண்ட³கோ அயங் ப⁴வந்தி ஸீஸே
 விவரிதமத்தே நீசகேஸந்தங் தி³ஸ்வா “முண்டோ³”தி ஆஹ. ததோ ஸுட்டு²தரங்
 ஓலோகெந்தோ பவத்தமத்தம்பி ஸிக²ங் அதி³ஸ்வா ஹீளெந்தோ
 “முண்ட³கோ”தி ஆஹ. ததோவாதி யத்த² டி²தோ அத³த³ஸ, தம்ஹாவ
 பதே³ஸா. முண்டா³பி ஹீதி கேனசி காரணேன முண்டி³தஸீஸாபி ஹொந்தி.

மா ஜாதிங் புச்சா²தி யதி³ தா³னஸ்ஸ மஹப்ப²லதங் பச்சாஸீஸஸி, ஜாதிங்
 மா புச்ச². அகாரணங் ஹி த³க்கி²ணெய்யபா⁴வஸ்ஸ ஜாதி. சரணஞ்ச புச்சா²தி
 அபிச கோ² ஸீலாதி³கு³ணபே⁴தங் சரணங் புச்ச². ஏதங் ஹி
 த³க்கி²ணெய்யபா⁴வஸ்ஸ காரணங். இதா³னிஸ்ஸ தமத்த²ங் விபா⁴வெந்தோ
 கட்டா² ஹவே ஜாயதி ஜாதவேதோ³திஆதி³மாஹ . தத்ராயங் அதி⁴ப்பாயோ -
 இத⁴ கட்டா² அக்³கி³ ஜாயதி, ந ச ஸோ ஸாலாதி³கட்டா² ஜாதோவ
 அக்³கி³கிச்சங் கரோதி, ஸாபான-தோ³ணிஆதி³கட்டா² ஜாதோ ந கரோதி,
 அத்தனோ பன அச்சியாதி³கு³ணஸம்பத்தியா யதோ வா ததோ வா ஜாதோ
 கரோதியேவ. ஏவங் ந ப்ராஹ்மணகுலாதீ³ஸு ஜாதோவ த³க்கி²ணெய்யோ
 ஹோதி, சண்டா³லகுலாதீ³ஸு ஜாதோ ந ஹோதி, அபிச கோ² நீசகுலினோபி
 உச்சகுலினோபி கீணாஸவ-முனி தி⁴திமா ஹிரீனிஸேதோ⁴ ஆஜானீயோ
 ஹோதி. இமாய தி⁴திஹிரிபமொக்கா²ய கு³ணஸம்பத்தியா ஜாதிமா
 உத்தமத³க்கி²ணெய்யோ ஹோதி. ஸோ ஹி தி⁴தியா கு³ணே தா⁴ரேதி,
 ஹிரியா தோ³ஸே நிஸேதே⁴தீதி. அபிசெத்த² முனீதி மோனத⁴ம்மேன
 ஸமன்னாக³தோ. தி⁴திமாதி வீரியவா. ஆஜானீயோதி
 காரணாகாரணஜானநகோ. ஹிரீனிஸேதோ⁴தி ஹிரியா பாபானி
 நிஸேதெ⁴த்வா டி²தோ.

ஸச்சேன த³ந்தோதி பரமத்த²ஸச்சேன த³ந்தோ. த³மஸா உபேதோதி
 இந்த³ரியத³மேன உபேதோ. வேத³ந்தக்³தி சதுன்னங் மக்³க³வேதா³னங் அந்தங்,
 சதூஹி வா மக்³க³வேதே³ஹி கிலேஸானங் அந்தங் க³தோ.
 வுஸிதப்³ரஹ்மசரியோதி மக்³க³ப்³ரஹ்மசரியவாஸங் வுத்தோ².
 யஞ்ஞோபனீதோதி உபனீதயஞ்ஞோ படியாதி³தயஞ்ஞோ ச.
 தமுபவ்ஹயேதா²தி யேன யஞ்ஞோ படியாதி³தோ, ஸோ தங்
 பரமத்த²ப்³ராஹ்மணங் அவ்ஹயெய்ய. “இந்த³மவ்ஹயாம, ஸோமமவ்ஹயாம,
 வருணமவ்ஹயாம, ஈஸானமவ்ஹயாம, யாமமவ்ஹயாமா”தி இத³ங் பன
 அவ்ஹானங் நிரத்த²கங். காலேனாதி அவ்ஹயந்தோ ச “காலோ, ப⁴ந்தே,
 நிடி²தங் ப⁴த்த²”ந்தி அந்தோமஜ்ஜ²ன்ஹிககாலேயேவ தங் உபவ்ஹயெய்ய.
 ஸோ ஜஹதி த³க்கி²ணெய்யேதி யோ ஏவங் காலே கீணாஸவங்

ஆமந்தெத்வா தத்த² சதுபச்சயத³க்கி²ணங் பதிட்ட²பேதி, ஸோ த³க்கி²ணைய்யே ஜஹதி நாம, ந அசேதனே அக்³கி³ம்ஹி பக்கி²பந்தோ.

இதி ப்³ராஹ்மணோ ப்⁴க³வதோ கத²ங் ஸுணந்தோ பஸீதி³த்வா இதா³னி அத்தனோ பஸாத³ங் ஆவிகரொந்தோ அத³தா⁴ ஸுயிட்ட²ந்திஆதி³மாஹ. தஸ்ஸத்தோ² - அத³தா⁴ மம யித³ங் இதா³னி ஸுயிட்ட²ஞ்ச ஸுஹுதஞ்ச ப்⁴விஸ்ஸதி, புப்³பே³ பன அக்³கி³ம்ஹி ஜா²பிதங் நிரத்த²கங் அஹோஸீதி. அஞ்ஞோ ஜனோதி “அஹங் ப்³ராஹ்மணோ, அஹங் ப்³ராஹ்மணோ”தி வத³ந்தோ அந்த⁴பா³லபுது²ஜ்ஜனோ. ஹப்³யஸேஸந்தி ஹுதஸேஸங். பு⁴ஞ்ஜது ப்⁴வந்திஆதி³ புரிமஸுத்தே வுத்தனயேனேவ வேதி³தப்³பங்.

ந க்²வாஹந்தி ந கோ² அஹங். கஸ்மா பனேவமாஹாதி? தஸ்மிங் கிர போ⁴ஜனே உபஹடமத்தேவ “ஸத்தா² பு⁴ஞ்ஜிஸ்ஸதீ”தி ஸஞ்ஞாய சதுாஸு மஹாதீ³பேஸு த்³வீஸு பரித்ததீ³பஸஹஸ்ஸேஸு தே³வதா புப்³ப²லாதீ³னி சேவ ஸப்பினவனீததேலமது⁴பா²ணிதாதீ³னி ச ஆதா³ய மது⁴படலங் பீளெத்வா மது⁴ங் க³ண்ஹந்தியோ விய தி³ப்³பா³னுபா⁴வேன நிப்³ப³த்திதோஜமேவ க³ஹெத்வா பக்கி²பிங்ஸு. தேன தங் ஸுகு²மத்தங் க³தங், மனுஸ்ஸானஞ்ச ஓளாரிகங் வத்தூ²தி தேஸங் தாவ ஓளாரிகவத்து²தாய ஸம்மா பரிணாமங் ந க³ச்ச²தி. கோ³யூஸே பன திலபீ³ஜானி பக்கி²பித்வா பக்கத்தா ஓளாரிகமிஸ்ஸகங் ஜாதங், தே³வானஞ்ச ஸுகு²மங் வத்தூ²தி தேஸங் ஸுகு²மவத்து²தாய ஸம்மா பரிணாமங் ந க³ச்ச²தி. ஸுக்க²விபஸ்ஸககீ³ணாஸவஸ்ஸாபி குச்சியங் ந பரிணமதி. அட்ட²ஸமாபத்திலாபீ⁴கீ³ணாஸவஸ்ஸ பன ஸமாபத்திப³லேன பரிணாமெய்ய. ப்⁴க³வதோ பன பாகதிகேனேவ கம்மஜதேஜேன பரிணாமெய்ய.

அப்பஹரிதேதி அஹரிதே. ஸசே ஹி ஹரிதேஸு திணேஸு பக்கி²பெய்ய, ஸினித்³த⁴பாயாஸேன திணானி பூதீனி ப்⁴வெய்யுங். பு³த்தா⁴ ச பூ⁴தகா³மஸிக்கா²பத³ங் ந வீதிக்கமந்தி, தஸ்மா ஏவமாஹ. யத்த² பன க³லப்பமாணானி மஹாதிணானி, தாதி³ஸே டா²னே பக்கி²பிதுங் வட்டதி. அப்பாணகேதி ஸப்பாணகஸ்மிங் ஹி பரித்தகே உத³கே பக்கி²த்தே பாணகா மரந்தி, தஸ்மா ஏவமாஹ. யங் பன க³ம்பீ⁴ரங் மஹாஉத³கங் ஹோதி, பாதிஸதேபி பாதிஸஹஸ்ஸேபி பக்கி²த்தே ந ஆலுளதி, ததா²ருபே உத³கே வட்டதி. ஓபிலாபேஸீதி ஸுவண்ணபாதியா ஸத்³தி⁴ங்யேவ நிமுஜ்ஜாபேஸி. சிச்சிடாயதி சிடிசிடாயதீதி ஏவருபங் ஸத்³த³ங் கரோதி. கிங் பனேஸ பாயாஸஸ்ஸ ஆனுபா⁴வோ, உதா³ஹு ததா²க³தஸ்ஸாதி? ததா²க³தஸ்ஸ. அயங் ஹி ப்³ராஹ்மணோ தங் பாயாஸங் ஓபிலாபெத்வா உம்மக்³க³ங் ஆருய்ஹ ஸத்து² ஸந்திகங் அனாக³ந்த்வாவ க³ச்செ²ய்ய, அத² ப்⁴க³வா - “எத்தகங் அச்ச²ரியங் தி³ஸ்வா மம ஸந்திகங் ஆக³மிஸ்ஸதி. அத²ஸ்ஸாஹங் த⁴ம்மதே³ஸனாய மிச்சா²தி³ட்டி²க³ஹணங் பி⁴ந்தி³த்வா ஸாஸனே ஓதாரெத்வா அமதபானங் பாயெஸ்ஸாமீ”தி அதி⁴ட்டா²னப³லேன ஏவமகாஸி.

தா³ரு ஸமாத³ஹானோதி தா³ருங் ஜா²பயமானோ. ப³ஹித்³தா⁴ ஹி
ஏதந்தி ஏதங் தா³ருஜ்ஜா²பனங் நாம அரியத⁴ம்மதோ ப³ஹித்³தா⁴. யதி³ ஏதேன
ஸுத்³தி⁴ ப⁴வெய்ய, யே த³வடா³ஹகாத³யோ ப³ஹுனி தா³ருனி ஜா²பெந்தி,
தே பட²மதரங் ஸுஜ்ஜெ²ய்யுங். குஸலாதி க²ந்தா⁴தீ³ஸு குஸலா.
அஜ்ஜ²த்தமேஷஜ்ஜலயாமி ஜோதிந்தி நியகஜ்ஜ²த்தே அத்தனோ
ஸந்தானஸ்மிங்யேவ ஞாணஜோதிங் ஜாலேமி. நிச்சக்³கி³னீதி
ஆவஜ்ஜனபடிப³த்³தே⁴ன ஸப்³ப³ஞ்ஞுதஞ்ஞானேன நிச்சங் பஜ்ஜலிதக்³கி³.
நிச்சஸமாஹிதத்தோதி நிச்சங் ஸம்மா ட²பிதசித்தோ. ப்³ரஹ்மசரியங் சராமீதி
போ³தி⁴மண்டே³ சரிதங் ப்³ரஹ்மசரியங் க³ஹெத்வா ஏவங் வத³தி.

மானோ ஹி தே, ப்³ராஹ்மண, கா²ரிபா⁴ரோதி யதா² கா²ரிபா⁴ரோ
க²ந்தே⁴ன வய்ஹமானோ உபரி டி²தோபி அக்கந்தக்கந்தட்டா²னே பத²வியா
ஸத்³தி⁴ங் பு²ஸேதி, ஏவமேவ ஜாதிகொ³த்தகுலாதீ³னி மானவத்தூ²னி
நிஸ்ஸாய உஸ்ஸாபிதோ மானோபி தத்த² தத்த² இஸ்ஸங் உப்பாதே³ந்தோ
சதூஸு அபாயேஸு ஸங்ஸீதா³பேதி. தேனாஹ “மானோ ஹி தே, ப்³ராஹ்மண,
கா²ரிபா⁴ரோ”தி . கோதோ⁴ தூ⁴மோதி தவ ஞாணக்³கி³ஸ்ஸ
உபக்கிலேஸட்டே²ன கோதோ⁴ து⁴மோ. தேன ஹி தே உபக்கிலிட்டோ²
ஞாணக்³கி³ ந விரோசதி. ப⁴ஸ்மனி மோஸவஜ்ஜந்தி நிரோஜட்டே²ன
முஸாவாதோ³ சா²ரிகா நாம. யதா² ஹி சா²ரிகாய படிச்ச²ன்னோ அக்³கி³ ந
ஜோதேதி, ஏவங் தே முஸாவாதே³ன படிச்ச²ன்னங் ஞாணந்தி த³ஸ்ஸேதி.
ஜிவ்ஹா ஸுஜாதி யதா² துய்ஹங் ஸுவண்ணரஜதலோஹகட்ட²மத்திகாஸு
அஞ்ஞதரமயா யாக³யஜனத்தா²ய ஸுஜா ஹோதி, ஏவங் மய்ஹங்
த⁴ம்மயாக³ங் யஜனத்தா²ய பஹுதஜிவ்ஹா ஸுஜாதி வத³தி. ஹத³யங்
ஜோதிட்டா²னந்தி யதா² துய்ஹங் நதீ³தீ³ரே ஜோதிட்டா²னங், ஏவங் மய்ஹங்
த⁴ம்மயாக³ஸ்ஸ யஜனட்டா²னத்தே²ன ஸத்தானங் ஹத³யங் ஜோதிட்டா²னங்.
அத்தாதி சித்தங்.

த⁴ம்மோ ரஹதோ³தி யதா² த்வங் அக்³கி³ங் பரிசரித்வா
தூ⁴மசா²ரிகஸேத³கிலிட்ட²ஸரீ³ரோ ஸுந்த³ரிகங் நதி³ங் ஓதரித்வா ந்ஹாயஸி,
ஏவங் மய்ஹங் ஸுந்த³ரிகாஸதி³ஸேன பா³ஹிரேன ரஹதே³ன அத்தோ² நத்தி²,
அட்ட²ங்கி³கமக்³த⁴ம்மோ பன மய்ஹங் ரஹதோ³, தத்ராஹங் பாணஸதம்பி
பாணஸஹஸ்ஸம்பி சதுராஸீதிபாணஸஹஸ்ஸானிபி ஏகப்பஹாரேன
ந்ஹாபேமி. ஸீலதித்தோ²தி தஸ்ஸ பன மே த⁴ம்மரஹத³ஸ்ஸ
சதுபாரிஸுத்³தி⁴ஸீலங் தித்த²ந்தி த³ஸ்ஸேதி. அனாவிலோதி யதா² துய்ஹங்
ஸுந்த³ரிகா நதீ³ சதுஹி பஞ்சஹி ஏகதோ ந்ஹாயந்தேஹி
ஹெட்டு²பரியவாலிகா ஆலுளா ஹோதி , ந ஏவங் மய்ஹங் ரஹதோ³,
அனேகஸதஸஹஸ்ஸேஸுபி பாணேஸு ஓதரித்வா ந்ஹாயந்தேஸு ஸோ
அனாவிலோ விப்பஸன்னோவ ஹோதி. ஸப்³பி⁴ ஸதங் பஸத்தோ²தி
பண்டி³தேஹி பண்டி³தானங் பஸட்டோ². உத்தமத்தே²ன வா ஸோ ஸப்³பீ⁴தி

வுச்சதி, பண்டி³தேஹி பஸத்த²த்தா ஸதங் பஸத்தோ². தரந்தி பாரந்தி
நிப³பா³னபாரங் க³ச்ச²ந்தி.

இதா³னி அரியமக்³க³ரஹத³ஸ்ஸ அங்கா³னி உத்³த⁴ரித்வா த³ஸ்ஸெந்தோ
ஸச்சங் த⁴ம்மோதிஆதி³மாஹ. தத்த² ஸச்சந்தி வசீஸச்சங். த⁴ம்மோதி
இமினா தி³ட்டி²ஸங்கப்பவாயாமஸதிஸமாத⁴யோ த³ஸ்ஸேதி. ஸங்யமோதி
இமினா கம்மந்தாஜீவா க³ஹிதா. ஸச்சந்தி வா இமினா மக்³க³ஸச்சங் க³ஹிதங்.
ஸா அத்த²தோ ஸம்மாதி³ட்டி². வுத்தஞ்ஹேதங் - “ஸம்மாதி³ட்டி² மக்³கோ³ சேவ
ஹேது சா”தி (த⁴. ஸ. 1039). ஸம்மாதி³ட்டி²யா பன க³ஹிதாய தக்³க³திகத்தா
ஸம்மாஸங்கப்போ க³ஹிதோவ ஹோதி. த⁴ம்மோதி இமினா
வாயாமஸதிஸமாத⁴யோ. ஸங்யமோதி இமினா வாசாகம்மந்தாஜீவா. ஏவம்பி
அட்ட²ங்கி³கோ மக்³கோ³ த³ஸ்ஸிதோ ஹோதி. அத² வா ஸச்சந்தி
பரமத்த²ஸச்சங் , தங் அத்த²தோ நிப³பா³னங். த⁴ம்மோதிபதே³ன தி³ட்டி²
ஸங்கப்போ வாயாமோ ஸதி ஸமாதீ⁴தி பஞ்சங்கா³னி க³ஹிதானி.
ஸங்யமோதி வாசா கம்மந்தோ ஆஜீவோதி தீணி. ஏவம்பி அட்ட²ங்கி³கோ
மக்³கோ³ த³ஸ்ஸிதோ ஹோதி. ப்ரஹ்மசரியந்தி ஏதங் ப்ரஹ்மசரியங் நாம.
மஜ்ஜே² ஸிதாதி ஸஸ்ஸதுச்சே²தே³ வஜ்ஜெத்வா மஜ்ஜே² நிஸ்ஸிதா.
ப்ரஹ்மபத்தீதி ஸெட்ட²பத்தி. ஸ துஜ்ஜுபூ⁴தேஸு நமோ கரோஹீதி எத்த²
த-காரோ பத³ஸந்தி⁴கரோ, ஸ த்வங் உஜுபூ⁴தேஸு கீ²ணாஸவேஸு நமோ
கரோஹீதி அத்தோ². தமஹங் நரங் த⁴ம்மஸாரீதி ப்ருமீதி யோ ஏவங்
படிபஜ்ஜதி, தமஹங் புக³க³லங் “த⁴ம்மஸாரீ ஏஸோ த⁴ம்மஸாரியா
படிச்ச²ன்னோ”தி ச “குஸலத⁴ம்மேஹி அகுஸலத⁴ம்மே ஸாரெத்வா
டி²தோ”தி வாதி வதா³மீதி. நவமங்.

10. ப்ரஹுதீ⁴தரஸுத்தவண்ணனா

196. த³ஸமே அஞ்ஞதரஸ்மிங் வனஸண்டே³தி பசுதுஸஸமயே லோகங்
ஓலோகெந்தோ தஸ்ஸ ப்ரஹ்மணஸ்ஸ அரஹத்தஸ்ஸ உபனிஸ்ஸயங்
தி³ஸ்வா “கச்சா²மிஸ்ஸ ஸங்க³ஹங் கரிஸ்ஸாமீ”தி க³ந்த்வா தஸ்மிங்
வனஸண்டே³ விஹரதி. நட்²டா² ஹொந்தீதி கஸித்வா விஸ்ஸட்டா²
அடவிமுகா² சரமானா ப்ரஹ்மணே பு⁴ஞ்ஜிதுங் க³தே பலாதா ஹொந்தி.
பல்லங்கந்தி ஸமந்ததோ ஊருப³த்தா⁴ஸனங். ஆபு⁴ஜித்வாதி ப³ந்தி⁴த்வா .
உஜுங் காயங் பணிதா⁴யாதி உபரிமங் ஸரீரங் உஜுகங் ட²பெத்வா,
அட்டா²ரஸ பி²ட்டி²கண்டகே கோடியா கோடிங் படிபாதெ³த்வா. பரிமுக²ங் ஸதிங்
உபட்ட²பெத்வாதி கம்மட்டா²னாபி⁴முக²ங் ஸதிங் ட²பயித்வா, முக²ஸமீபே வா
கத்வாதி அத்தோ². தேனேவ விப⁴ங்கே³ வுத்தங் - “அயங் ஸதி உபட்டி²தா
ஹொதி ஸுபட்டி²தா நாஸிகக்³கே³ வா முக²னிமித்தே வா, தேன வுச்சதி
பரிமுக²ங் ஸதிங் உபட்ட²பெத்வா”தி (விப⁴. 537). அத² வா “பரீதி
பரிக்க³ஹட்டோ². முக²ந்தி நிய்யானட்டோ². ஸதீதி உபட்டா²னட்டோ². தேன

வுச்சதி பரிமுக²ங் ஸதிங் உபட்ட²பெத்வா²தி ஏவங் படிஸம்பி⁴தா³யங் (படி. ம. 1.164) வுத்தனயேனபெத்த² அத்தோ² த³ட்ட²பு³போ³. தத்ராயங் ஸங்கே²போ - “பரி³க³ஹிதனிய்யானங் ஸதிங் கத்வா²தி. ஏவங் நிஸீத³ந்தோ ச பன ச²பு³ண்ணா க⁴னபு³த³த⁴ரஸ்மியோ விஸ்ஸஜ்ஜெத்வா நிஸீதி³. உபஸங்கமீதி தோ³மனஸ்ஸாபி⁴பூ⁴தோ ஆஹிண்ட³ந்தோ, “ஸுகே²ன வதாயங் ஸமணோ நிஸின்னோ²தி சிந்தெத்வா உபஸங்கமி.

அஜ்ஜஸட்டி²ங் ந தி³ஸ்ஸந்தீதி அஜ்ஜ ச²தி³வஸமத்தகா பட்டா²ய ந தி³ஸ்ஸந்தி. பாபகாதி லாமகா திலகா²ணுகா. தேன கிர திலகெ²த்தே வபிதே தத³ஹேவ தே³வோ வஸ்ஸித்வா திலே பங்ஸும்ஹி ஓஸீதா³பேஸி , புப்ப²ங் வா ப²லங் வா க³ஹேதுங் நாஸக்கி²ங்ஸு. யேபி வட்³டி⁴ங்ஸு, தேஸங் உபரி பாணகா பதித்வா பண்ணானி கா²தி³ங்ஸு, ஏகபண்ணது³பண்ணா கா²ணுகா அவஸிஸ்ஸிங்ஸு. ப்³ராஹ்மணோ கெ²த்தங் ஓலோகேதுங் க³தோ தே தி³ஸ்வா - “வட்³டி⁴யா மே திலா க³ஹிதா, தேபி நட்²தா²தி தோ³மனஸ்ஸஜாதோ அஹோஸி, தங் க³ஹெத்வா இமங் கா³த²மாஹ.

உஸ்ஸொள்ஹிகாயாதி உஸ்ஸாஹேன கண்ணனங்கு³ட்டா²தீ³னி உக்கி²பித்வா விசரந்தா உப்பதந்தி. தஸ்ஸ கிர அனுபு³பே³ன போ⁴கே³ஸு பரிக்கீ²ணேஸு பக்கி²பிதப்³பு³ஸ்ஸ அபா⁴வேன துச்ச²கொட்டா² அஹேஸுங். தஸ்ஸ இதோ சிதோ ச ஸத்தஹி க⁴ரேஹி ஆக³தா மூஸிகா தே துச்ச²கொட்டே² பவிஸித்வா உய்யானகீளங் கீளந்தா விய நச்சந்தி, தங் க³ஹெத்வா ஏவமாஹ.

உப்பாடகேஹி ஸஞ்ச²ன்னோதி உப்பாடகபாணகேஹி ஸஞ்ச²ன்னோ. தஸ்ஸ கிர ப்³ராஹ்மணஸ்ஸ ஸயனத்தா²ய ஸந்த²தங் திணபண்ணஸந்தா²ரங் கோசி அந்தரந்தரா படிஜக்³கந்தோ நத்தி². ஸோ தி³வஸங் அரஞ்ஞே கம்மங் கத்வா ஸாயங் ஆக³ந்த்வா தஸ்மிங் நிபஜ்ஜதி. அத²ஸ்ஸ உப்பாடகபாணகா ஸரீரங் ஏகச்ச²ன்னங் கரொந்தா கா²த³ந்தி, தங் க³ஹெத்வா ஏவமாஹ.

வித⁴வாதி மதபதிகா. யாவ கிர தஸ்ஸ ப்³ராஹ்மணஸ்ஸ கே³ஹே விப⁴வமத்தா அஹோஸி, தாவ தா வித⁴வாபி ஹுத்வா பதிசுலேஸு வஸிதுங் லபி⁴ங்ஸு. யதா³ பன ஸோ நித்³த⁴னோ ஜாதோ, ததா³ தா “பிதுக⁴ரங் க³ச்ச²தா²தி ஸஸ்ஸுஸுஸுரா³தீ³ஹி நிக்கட்³டி⁴தா ததோ தஸ்ஸேவ க⁴ரங் ஆக³ந்த்வா வஸந்தியோ ப்³ராஹ்மணஸ்ஸ போ⁴ஜனகாலே “க³ச்ச²த² அய்யகேன ஸத்³தி⁴ங் பு⁴ஞ்ஜதா²தி புத்தே பேஸெந்தி, தேஹி பாதியங் ஹத்தே²ஸு ஓதாரிதேஸு ப்³ராஹ்மணோ ஹத்த²ஸ்ஸ ஓகாஸங் ந லப⁴தி. தங் க³ஹெத்வா இமங் கா³த²மாஹ.

பிங்க³லாதி களாரபிங்க³லா. திலகாஹதாதி காளஸேதாதி³வண்ணேஹி திலகேஹி ஆஹதக³த்தா. ஸொத்தங் பாதே³ன போ³தே⁴தீ³தி நித்³த³ங்

ஓக்கந்தங் பாதே³ன பஹரித்வா பபோ³தே⁴தி. அயங் கிர ப்³ராஹ்மணோ
 மூஸிகஸத்³தே³ன உப்³பா³ள்ஹோ உப்பாடகேஹி ச க²ஜ்ஜமானோ ஸப்³புரத்திங்
 நித்³த³ங் அலபி⁴த்வா பசு³ஸகாலே நித்³தா³யதி. அத² நங் அக்²ஸு
 நிம்மிலிதமத்தெஸ்வேவ - “கிங் கரோஸி, ப்³ராஹ்மண, பச்சா² ச புப்³பே³ ச
 க³ஹிதஸ்ஸ இணஸ்ஸ? வட்³டி⁴ மத்த²கங் பத்தா, ஸத்த தீ⁴தரோ
 போஸேதப்³பா³. இதா³னி இணாயிகா ஆக³ந்த்வா கே³ஹங் பரிவாரெஸ்ஸந்தி,
 கச்ச² கம்மங் கரோஹி”தி பாதே³ன பஹரித்வா பபோ³தே⁴தி. தங் க³ஹெத்வா
 இமங் கா³த²மாஹ.

இணாயிகாதி யேஸங் அனேன ஹத்த²தோ இணங் க³ஹிதங். ஸோ கிர
 கஸ்ஸசி ஹத்த²தோ ஏகங் கஹாபணங் கஸ்ஸசி த்³வே கஸ்ஸசி த்³ஸ...பே...
 கஸ்ஸசி ஸதந்தி ஏவங் ப்³ஹுனங் ஹத்த²தோ இணங் அக்³க³ஹேஸி. தே
 தி³வா ப்³ராஹ்மணங் அபஸ்ஸந்தா “கே³ஹதோ தங் நிக்க²ந்தமேவ
 க³ண்ஹிஸ்ஸாமா”தி ப்³லவபசு³ஸே க³ந்த்வா சோதே³ந்தி. தங் க³ஹெத்வா
 இமங் கா³த²மாஹ.

ப⁴க³வா தேன ப்³ராஹ்மணேன இமாஹி ஸத்தஹி கா³தா²ஹி து³க்கே²
 கதி²தே “யங் யங், ப்³ராஹ்மண, தயா து³க்க²ங் கதி²தங், ஸப்³புமேதங் மய்ஹங்
 நத்தீ²”தி த்³ஸ்ஸெந்தோ படிகா³தா²ஹி ப்³ராஹ்மணஸ்ஸ த⁴ம்மதே³ஸனங்
 வட்³டே⁴ஸி. ப்³ராஹ்மணோ தா கா³தா² ஸுத்வா ப⁴க³வதி பஸன்னோ
 ஸரணேஸு பதிட்டா²ய பப்³புஜித்வா அரஹத்தங் பாபுணி. தங் த்³ஸ்ஸேதுங்
 ஏவங் வுத்தே பா⁴ரத்³வாஜகொ³த்தோதிஆதி³ வுத்தங். தத்த² அலத்தா²தி
 லபி⁴.

தஞ்ச பன ப்³ராஹ்மணங் ப⁴க³வா பப்³புஜெத்வா ஆதா³ய ஜேதவனங்
 க³ந்த்வா புனதி³வஸே தேன தே²ரேன பச்சா²ஸமணேன கோஸலரஞ்ஞோ
 கே³ஹத்³வாரங் அக்³மாஸி . ராஜா “ஸத்தா² ஆக³தோ”தி ஸுத்வா பாஸாதா³
 ஓருய்ஹ வந்தி³த்வா ஹத்த²தோ பத்தங் க³ஹெத்வா ததா²க³தங்
 உபரிபாஸாதா³ங் ஆரோபெத்வா வராஸனே நிஸீதா³பெத்வா க³ந்தோ⁴த³கேன
 பாதே³ தோ⁴வித்வா ஸதபாகதேலேன மக்கெ²த்வா யாகு³ங் ஆஹராபெத்வா
 ரஜதத³ண்ட³ங் ஸுவண்ணகடச்ச²ங் க³ஹெத்வா ஸத்து² உபனாமேஸி. ஸத்தா²
 பத்தங் பித³ஹி. ராஜா ததா²க³தஸ்ஸ பாதே³ஸு பதித்வா, “ஸசே மே, ப⁴ந்தே,
 தோ³ஸோ அத்தி², க²மதா²”தி ஆஹ. நத்தி², மஹாராஜாதி. அத² கஸ்மா யாகு³ங்
 ந க³ண்ஹதா²தி? பலிபோ³தோ⁴ அத்தி², மஹாராஜாதி. கிங் பன, ப⁴ந்தே,
 யாகு³ங் அக்³ண்ஹந்தேஹேவ லபி⁴தப்³போ³ ஏஸ பலிபோ³தோ⁴, படிப³லோ
 அஹங் பலிபோ³த⁴ங் தா³துங், க³ண்ஹத², ப⁴ந்தேதி. ஸத்தா² அக்³க³ஹேஸி.
 மஹல்லகத்தே²ரோபி தீ³க⁴ரத்தங் சா²தோ யாவத³த்த²ங் யாகு³ங் பிவி. ராஜா
 கா²த³னியபோ⁴ஜனியங் த³த்வா ப⁴த்தகிச்சாவஸானே ப⁴க³வந்தங் வந்தி³த்வா
 ஆஹ - “ப⁴க³வா தும்ஹே பவேணியா ஆக³தே ஓக்காகவங்ஸே உப்பஜ்ஜித்வா

சக்கவத்திஸிரிங் பஹாய பப்³ஜித்வா லோகே அக்³தங் பத்தோ, கோ நாம, ப⁴ந்தே, தும்ஹாகங் பலிபோ³தோ⁴தி? மஹாராஜ, ஏதஸ்ஸ மஹல்லகத்தே²ரஸ்ஸ பலிபோ³தோ⁴ அம்ஹாகங் பலிபோ³த⁴ஸதி³ஸோவாதி.

ராஜா தே²ரங் வந்தி³த்வா - “கோ, ப⁴ந்தே, தும்ஹாகங் பலிபோ³தோ⁴தி புச்சி²? இணபலிபோ³தோ⁴, மஹாராஜாதி. கித்தகோ, ப⁴ந்தேதி? க³ணேஹி, மஹாராஜாதி. ரஞ்ஞோ “ஏகங் த்³வே ஸதங் ஸஹஸ்ஸ”ந்தி க³ணேந்தஸ்ஸ அங்கு³லியோ நப்பஹாந்தி. அதே²கங் புரிஸங் பக்கோஸித்வா, “க³ச்ச², ப⁴ணே, நக³ரே பே⁴ரிங் சராபேஹி ‘ஸப்³பே³ ப்³ஹு³தீ⁴திகப்³ராஹ்மணஸ்ஸ இணாயிகா ராஜங்க³ணே ஸன்னிபதந்தூ”தி. மனுஸ்ஸா பே⁴ரிங் ஸுத்வா ஸன்னிபதிங்ஸு. ராஜா தேஸங் ஹத்த²தோ பண்ணானி ஆஹராபெத்வா ஸப்³பே³ஸங் அனுனங் த⁴னமதா³ஸி. தத்த² ஸுவண்ணமேவ ஸதஸஹஸ்ஸக்³க⁴னகங் அஹோஸி. புன ராஜா புச்சி² - “அஞ்ஞோபி அத்தி², ப⁴ந்தே, பலிபோ³தோ⁴தி. இணங் நாம, மஹாராஜ, த்³த்வா முச்சிதுங் ஸக்கா, ஏதா பன ஸத்த தா³ரிகா மஹாபலிபோ³தா⁴ மய்ஹந்தி. ராஜா யானானி பேஸெத்வா தஸ்ஸ தீ⁴தரோ ஆஹராபெத்வா அத்தனோ தீ⁴தரோ கத்வா தங் தங் குலக⁴ரங் பேஸெத்வா, “அஞ்ஞோபி, ப⁴ந்தே, அத்தி² பலிபோ³தோ⁴தி புச்சி²? ப்³ராஹ்மணீ, மஹாராஜாதி. ராஜா யானங் பேஸெத்வா, தஸ்ஸ ப்³ராஹ்மணிங் ஆஹராபெத்வா, அய்யிகட்டா²னே ட²பெத்வா புன புச்சி² - “அஞ்ஞோபி, ப⁴ந்தே, அத்தி² பலிபோ³தோ⁴தி? நத்தி², மஹாராஜாதி வுத்தே ராஜாபி சீவரது³ஸ்ஸானி தா³பெத்வா, “ப⁴ந்தே, மம ஸந்தகங் தும்ஹாகங் பி⁴க்கு²பா⁴வங் ஜானாதா²”தி ஆஹ. ஆம, மஹாராஜாதி. அத² நங் ராஜா ஆஹ - “ப⁴ந்தே, சீவரபிண்ட³பாதாத³யோபி ஸப்³பே³ பச்சயா அம்ஹாகங் ஸந்தகா ப⁴விஸ்ஸந்தி. தும்ஹே ததா²க³தஸ்ஸ மனங் க³ஹெத்வா ஸமணத⁴ம்மங் கரோதா²”தி. தே²ரோ ததே²வ அப்பமத்தோ ஸமணத⁴ம்மங் கரொந்தோ நசிரஸ்ஸேவ ஆஸவக்க²யங் பத்தோதி. த³ஸமங்.

பட²மோ வக்³கோ³.

2. உபாஸகவக்³கோ³

1. கஸிபா⁴ரத்³வாஜஸுத்தவண்ணனா

197. து³தியவக்³க³ஸ்ஸ பட²மே மக³தே⁴ஸுதி ஏவங்னாமகே ஜனபதே³. து³க்கி²ணாகி³ரிஸ்மிந்தி ராஜக³ஹங் பரிவாரெத்வா டி²தஸ்ஸ கி³ரினோ து³க்கி²ணபா⁴கே³ ஜனபதோ³ அத்தி², தஸ்மிங் ஜனபதே³, தத்த² விஹாரஸ்ஸாபி ததே²வ நாமங். ஏகனாளாயங் ப்³ராஹ்மணகா³மேதி ஏகனாளாதி தஸ்ஸ கா³மஸ்ஸ நாமங். ப்³ராஹ்மணா பனெத்த² ஸம்ப³ஹுலா படிவஸந்தி, ப்³ராஹ்மணபோ⁴கோ³ ஏவ வா ஸோ. தஸ்மா “ப்³ராஹ்மணகா³மோ”தி வுச்சதி.

தேன கோ² பன ஸமயேனாதி யங் ஸமயங் ப்⁴க³வா மக³த⁴ரட்⁴டே² ஏகனாளங் ப்³ராஹ்மணகா³மங் உபனிஸ்ஸாய த³க்கி²ணகி³ரிமஹாவிஹாரே ப்³ராஹ்மணஸ்ஸ இந்த³ரியபரிபாகங் ஆக³மயமானோ விஹரதி, தேன ஸமயேன. கஸிபா⁴ரத்³வாஜஸ்ஸாதி ஸோ ப்³ராஹ்மணோ கஸிங் நிஸ்ஸாய ஜீவதி, பா⁴ரத்³வாஜோதி சஸ்ஸ கொ³த்தங். பஞ்சமத்தானீதி பஞ்ச பமாணானி, அனுனானி அனதி⁴கானி பஞ்சனங்க³லஸதானீதி வுத்தங் ஹோதி. பயுத்தானீதி யோஜிதானி, ப³லீப³த்த³நாங் க²ந்தே⁴ஸு ட²பெத்வா யுகே³ யொத்தேஹி யோஜிதானீதி அத்தோ².

வப்பகாலேதி வப்பனகாலே பீஜனிக்கே²பஸமயே. தத்த² த³வே வப்பானி கலவப்பஞ்ச பங்ஸுவப்பஞ்ச. பங்ஸுவப்பங் இத⁴ அதி⁴ப்பேதங், தஞ்ச கோ² பட²மதி³வஸே மங்க³லவப்பங். தத்தா²யங் உபகரணஸம்பதா³ - தீணி ப³லிப³த்³ஸஹஸ்ஸானி உபட்டா²பிதானி ஹோந்தி, ஸப்³பே³ஸங் ஸுவண்ணமயானி ஸிங்கா³னி படிமுக்கானி, ரஜதமயா கு²ரா, ஸப்³பே³ ஸேதமாலாஹி சேவ க³ந்த⁴பஞ்சங்கு³லீஹி ச அலங்கதா பரிபுண்ணபஞ்சங்கா³ ஸப்³ப³லக்க²ணஸம்பன்னா, ஏகச்சே காளா அஞ்ஜனவண்ணா, ஏகச்சே ஸேதா ப²லிகவண்ணா, ஏகச்சே ரத்தா பவாளவண்ணா, ஏகச்சே கம்மாஸா மஸாரக³ல்லவண்ணா. ஏவங் பஞ்சஸதா கஸ்ஸகா ஸப்³பே³ அஹதஸேதவத்தா² க³ந்த⁴மாலாலங்கதா த³க்கி²ணஅங்ஸகூடேஸு பதிட்டி²தபுப்ப²சும்ப³டகா ஹரிதாலமனோஸிலாலஞ்ஜனுஜ்ஜலக³த்தா த³ஸ த³ஸ நங்க³லா ஏகேககு³ம்பா³ ஹுத்வா க³ச்ச²ந்தி. நங்க³லானங் ஸீஸஞ்ச யுக³ஞ்ச பதோதா³ ச ஸுவண்ணக³சிதா . பட²மனங்க³லே அட்ட² ப³லீப³த்த³நா யுத்தா, ஸேஸேஸு சத்தாரோ சத்தாரோ, அவஸேஸா கிலந்தபரிவத்தனத்த²ங் ஆனீதா. ஏகேககு³ம்பே³ ஏகேகபீஜஸகடங் ஏகேகோ கஸதி, ஏகேகோ வப்பதி.

ப்³ராஹ்மணோ பன பகே³வ மஸ்ஸுகம்மங் காராபெத்வா ந்ஹாயித்வா ஸுக³ந்த⁴க³ந்தே⁴ஹி விலித்தோ பஞ்சஸதக்³க⁴னகங் வத்த²ங் நிவாஸெத்வா ஸஹஸ்ஸக்³க⁴னகங் ஏகங்ஸங் கரித்வா ஏகேகிஸ்ஸா அங்கு³லியா த³வே த³வேதி வீஸதி அங்கு³லிமுத்³தி³காயோ கண்ணேஸு ஸீஹகுண்ட³லானி ஸீஸே ப்³ராஹ்மவேட²னங் படிமுஞ்சித்வா ஸுவண்ணமாலங் கண்டே² கத்வா ப்³ராஹ்மணக³ணபரிவுதோ கம்மந்தங் வோஸாஸதி. அத²ஸ்ஸ ப்³ராஹ்மணீ அனேகஸதபா⁴ஜனேஸு பாயாஸங் பசாபெத்வா மஹாஸகடேஸு ஆரோபெத்வா க³ந்தோ⁴த³கேன ந்ஹாயித்வா ஸப்³பா³லங்காரவிபு⁴ஸிதா ப்³ராஹ்மணீக³ணபரிவுதா கம்மந்தங் அக³மாஸி. கே³ஹம்பிஸ்ஸ ஹரிதுபலித்தங் விப்பகிண்ணலாஜங் புண்ணக⁴டகத³லித⁴ஜபடாகாஹி அலங்கதங் க³ந்த⁴புப்பா²தீஹி ஸுகதப³லிகம்மங், கெ²த்தஞ்ச தேஸு தேஸு டா²னேஸு ஸமுஸ்ஸிதத்த³த⁴ஜபடாகங் அஹோஸி. பரிஜனகம்மகாரேஹி ஸத்³தி⁴ங் ஓஸடபரிஸா அட்³ட⁴தெய்யஸஹஸ்ஸா அஹோஸி, ஸப்³பே³ அஹதவத்தா², ஸப்³பே³ஸங் பாயாஸபோ⁴ஜனமேவ படியத்தங்.

அத² ப்ராஹ்மணோ ஸுவண்ணபாதிங் தோ⁴வாபெத்வா பாயாஸஸ்ஸ பூரெத்வா ஸப்பிமது⁴பா²ணிதேஹி அபி⁴ஸங்க²ரித்வா நங்க³லப³லிகம்மங் காராபேஸி. ப்ராஹ்மணீ பஞ்சன்னங் கஸ்ஸகஸ்தானங் ஸுவண்ணரஜதகங்ஸதம்ப³லோஹமயானி பா⁴ஜனானி தா³பெத்வா ஸுவண்ணகடச்ச²ங் க³ஹெத்வா பாயாஸேன பரிவிஸந்தீ க³ச்ச²தி. ப்ராஹ்மணோ பன ப³லிகம்மங் காரெத்வா ரத்தப³ந்தி⁴காயோ உபாஹனாயோ ஆரோஹித்வா ரத்தஸுவண்ணத³ண்ட³கங் க³ஹெத்வா, “இத⁴ பாயாஸங் தே³த², இத⁴ ஸப்பிங் தே³த², இத⁴ ஸக்க²ரங் தே³தா²”தி வோஸாஸமானோ விசரதி. அயங் தாவ கம்மந்தே பவத்தி.

விஹாரே பன யத்த² யத்த² பு³த்தா⁴ வஸந்தி, தத்த² தத்த² நேஸங் தே³வஸிகங் பஞ்ச கிச்சானி ப⁴வந்தி, ஸெய்யதி²த³ங் - புரேப⁴த்தகிச்சங் பச்சா²ப⁴த்தகிச்சங் புரிமயாமகிச்சங் மஜ்ஜி²மயாமகிச்சங் பச்சி²மயாமகிச்சந்தி.

தத்ரித³ங் புரேப⁴த்தகிச்சங் - ப⁴க³வா ஹி பாதோவ உட்டா²ய உபட்டா²கானுக்³க³ஹத்த²ங் ஸரீரபா²ஸுகத்த²ஞ்ச முக²தோ⁴வனாதி³பரிகம்மங் கத்வா யாவ பி⁴க்கா²சாரவேலா, தாவ விவித்தாஸனே வீதினாமெத்வா பி⁴க்கா²சாரவேலாய நிவாஸெத்வா காயப³ந்த⁴னங் ப³ந்தி⁴த்வா சீவரங் பாருபித்வா பத்தமாதா³ய கதா³சி ஏககோ கதா³சி பி⁴க்கு²ஸங்க⁴பரிவுதோ கா³மங் வா நிக³மங் வா பிண்டா³ய பவிஸதி கதா³சி பகதியா, கதா³சி அனேகேஹி பாடிஹாரியேஹி வத்தமானேஹி. ஸெய்யதி²த³ங் - பிண்டா³ய பவிஸதோ லோகனாத²ஸ்ஸ புரதோ புரதோ க³ந்த்வா முது³க³தியோ வாதா பத²விங் ஸோதெ⁴ந்தி, வலாஹகா உத³கப²ஸிதானி முஞ்சந்தா மக்³கே³ ரேணுங் லூபஸமெத்வா உபரி விதானங் ஹுத்வா திட்ட²ந்தி, அபரே வாதா புப்பா²னி உபஹரித்வா மக்³கே³ ஓகிரந்தி. உன்னதா பூ⁴மிப்பதே³ஸா ஓனமந்தி, ஓனதா உன்னமந்தி. பாத³னிக்கே²பஸமயே ஸமாவ பூ⁴மி ஹோதி, ஸுக²ஸம்ப²ஸ்ஸானி பது³மபுப்பா²னி வா பாதே³ ஸம்படிச்ச²ந்தி. இந்த³கீ²லஸ்ஸ அந்தோ ட²பிதமத்தே த³க்கி²ணபாதே³ ஸரீரா ச²ப³பண்ணரஸ்மியோ நிக்க²மித்வா ஸுவண்ணரஸஸிஞ்சனானி விய சித்ரபடபரிக்கி²த்தானி விய ச பாஸாத³கூடாகா³ராதி³னி கரொந்தியோ இதோ சிதோ ச விதா⁴வந்தி. ஹத்தி²அஸ்ஸவிஹங்கா³த³யோ ஸகஸகட்டா²னேஸா டி²தாயேவ மது⁴ரேனாகாரேன ஸத்³த³ங் கரொந்தி , ததா² பே⁴ரிவீணாதி³னி தூரியானி மனுஸ்ஸானஞ்ச காயுபகா³னி ஆப⁴ரணானி. தேன ஸஞ்ஞானேன மனுஸ்ஸா ஜானந்தி “அஜ்ஜ ப⁴க³வா இத⁴ பிண்டா³ய பவிட்டோ²”தி. தே ஸுனிவத்தா² ஸுபாருதா க³ந்த⁴புப்பா²தி³னி ஆதா³ய க⁴ரா நிக்க²மித்வா அந்தரவிதி²ங் படிபஜ்ஜித்வா ப⁴க³வந்தங் க³ந்த⁴புப்பா²தி³ஹி ஸக்கச்சங் பூஜெத்வா வந்தி³த்வா - “அம்ஹாகங், ப⁴ந்தே, த³ஸ பி⁴க்க², அம்ஹாகங் வீஸதி, அம்ஹாகங் பி⁴க்கு²ஸதங் தே³தா²”தி யாசித்வா ப⁴க³வதோபி பத்தங் க³ஹெத்வா ஆஸனங் பஞ்ஞாபெத்வா ஸக்கச்சங் பிண்ட³பாதேன படிமானெந்தி.

ப⁴க³வா கதப⁴த்தகிச்சோ தேஸங் ஸந்தானானி ஓலோகெத்வா ததா² த⁴ம்மங் தே³ஸேதி, யதா² கேசி ஸரணக³மனே பதிட்ட²ஹந்தி, கேசி பஞ்சஸு ஸீலேஸு, கேசி ஸோதாபத்திஸகதா³கா³மிஅனாகா³மிப²லானங் அஞ்ஞதரஸ்மிங், கேசி பப்³புஜித்வா அக்³க³ப²லே அரஹத்தேதி . ஏவங் மஹாஜனங் அனுக்³க³ஹெத்வா உட்டா²யாஸனா விஹாரங் க³ச்ச²தி. தத்த² க³ந்த⁴மண்ட³லமானே பஞ்ஞத்தவரபு³த்தா⁴ஸனே நிஸீத³தி பி⁴க்க²னங் ப⁴த்தகிச்சபரியோஸானங் ஆக³மயமானோ. ததோ பி⁴க்க²னங் ப⁴த்தகிச்சபரியோஸானே உபட்டா²கோ ப⁴க³வதோ நிவேதே³தி. அத² ப⁴க³வா க³ந்த⁴குடிங் பவிஸதி. இத³ங் தாவ புரேப⁴த்தகிச்சங்.

அத² ப⁴க³வா ஏவங் கதபுரேப⁴த்தகிச்சோ க³ந்த⁴குடியா உபட்டா²னே நிஸீதி³த்வா பாதே³ பக்கா²லெத்வா பாத³பீடே² ட²த்வா பி⁴க்கு²ஸங்க⁴ங் ஓவத³தி - “பி⁴க்க²வே, அப்பமாதே³ன ஸம்பாதே³த², து³ல்லபோ⁴ பு³த்து⁴ப்பாதோ³ லோகஸ்மிங், து³ல்லபோ⁴ மனுஸ்ஸத்தபடிலாபோ⁴, து³ல்லபா⁴ ஸத்தா⁴ஸம்பத்தி, து³ல்லபா⁴ பப்³புஜா, து³ல்லப⁴ங் ஸத்த⁴ம்மஸ்ஸவன³ந்தி. தத்த² கேசி ப⁴க³வந்தங் கம்மட்டா²னங் புச்ச²ந்தி. ப⁴க³வா தேஸங் அத்தனோ சரியானுருபங் கம்மட்டா²னங் தே³தி. ததோ ஸப்³பே³பி ப⁴க³வந்தங் வந்தி³த்வா அத்தனோ அத்தனோ ரத்திட்டா²னதி³வாட்டா²னானி க³ச்ச²ந்தி, கேசி அரஞ்ஞங், கேசி ருக்க²முலங், கேசி பப்³புதா³தீ³னங் அஞ்ஞதரங், கேசி சாதுமஹாராஜிகப⁴வனங்...பே... கேசி வஸவத்திப⁴வனந்தி. ததோ ப⁴க³வா க³ந்த⁴குடிங் பவிஸித்வா ஸசே ஆகங்க²தி, த³க்கி²ணேன பஸ்ஸேன ஸதோ ஸம்பஜானோ முஹுத்தங் ஸீஹஸெய்யங் கப்பேதி. அத² ஸமஸ்ஸாஸிதகாயோ உட்ட²ஹித்வா து³தியபா⁴கே³ லோகங் வோலோகேதி. ததியபா⁴கே³ யங் கா³மங் வா நிக³மங் வா உபனிஸ்ஸாய விஹரதி, தத்த² மஹாஜனோ புரேப⁴த்தங் தா³னங் த³த்வா பச்சா²ப⁴த்தங் ஸுனிவத்தோ² ஸுபாருதோ க³ந்த⁴புப்பா²தீ³னி ஆதா³ய விஹாரே ஸன்னிபத்தி. ததோ ப⁴க³வா ஸம்பத்தபரிஸாய அனுருபேன பாடிஹாரியேன க³ந்த்வா த⁴ம்மஸபா⁴யங் பஞ்ஞத்தவரபு³த்தா⁴ஸனே நிஸஜ்ஜ த⁴ம்மங் தே³ஸேதி காலயுத்தங் ஸமயயுத்தங். அத² காலங் விதி³த்வா பரிஸங் உய்யோஜேதி, மனுஸ்ஸா ப⁴க³வந்தங் வந்தி³த்வா பக்கமந்தி. இத³ங் பச்சா²ப⁴த்தகிச்சங்.

ஸோ ஏவங் நிட்டி²தபச்சா²ப⁴த்தகிச்சோ ஸசே க³த்தானி ஓஸிஞ்சிதுகாமோ ஹோதி, பு³த்தா⁴ஸனா வுட்டா²ய ந்ஹானகொட்ட²கங் பவிஸித்வா உபட்டா²கேன படியாதி³தஉத³கேன க³த்தானி உதுங் கா³ஹாபேதி . உபட்டா²கோபி பு³த்தா⁴ஸனங் ஆனெத்வா பப்போ²டெத்வா க³ந்த⁴குடிபரிவேணே பஞ்ஞாபேதி. ப⁴க³வா ஸுரத்தது³பட்டங் நிவாஸெத்வா காயப³ந்த⁴னங் ப³ந்தி⁴த்வா உத்தராஸங்க³ங் கத்வா தத்த² ஆக³ந்த்வா நிஸீத³தி ஏககோவ முஹுத்தங் படிஸல்லீனோ. அத² பி⁴க்க² ததோ ததோ

ஆக³ம்ம ப⁴க³வதோ உபட்டா²னங் க³ச்ச²ந்தி. தத்த² ஏகச்சே பஞ்ஹங் புச்ச²ந்தி, ஏகச்சே கம்மட்டா²னங், ஏகச்சே த⁴ம்மஸ்ஸவனங் யாசந்தி. ப⁴க³வா தேஸங் அதி⁴ப்பாயங் ஸம்பா³தே³ந்தோ புரிமயாமங் வீதினாமேதி. இத³ங் புரிமயாமகிச்சங்.

புரிமயாமகிச்சபரியோஸானே பன பி⁴க்க²ஸு ப⁴க³வந்தங் வந்தி³த்வா பக்கமந்தேஸு ஸகலத³ஸஸஹஸ்ஸிலோகதா⁴துதே³வதாயோ ஓகாஸங் லப⁴மானா ப⁴க³வந்தங் உபஸங்கமித்வா பஞ்ஹங் புச்ச²ந்தி யதா²பி⁴ஸங்க²தங் அந்தமஸோ சதுரக்க²ரம்பி. ப⁴க³வா தாஸங் தாஸங் தே³வதானங் பஞ்ஹங் விஸ்ஸஜ்ஜெந்தோ மஜ்ஜி²மயாமங் வீதினாமேதி. இத³ங் மஜ்ஜி²மயாமகிச்சங்.

பச்சி²மயாமங் பன தயோ கொட்டா²ஸே கத்வா புரேப⁴த்ததோ பட்டா²ய நிஸஜ்ஜாபீளிதஸ்ஸ ஸரீரஸ்ஸ கிலாஸுபா⁴வமோசனத்த²ங் ஏகங் கொட்டா²ஸங் சங்கமேன வீதினாமேதி. து³தியகொட்டா²ஸே கந்த⁴குடிங் பவிஸித்வா த³க்கி²ணேன பஸ்ஸேன ஸதோ ஸம்பஜானோ ஸீஹஸெய்யங் கப்பேதி. ததியகொட்டா²ஸே பச்சுட்டா²ய நிஸீதி³த்வா புரிமபு³த்தா⁴னங் ஸந்திகே தா³னஸீலாதி³வஸேன கதாதி⁴காரபு³க³லத³ஸ்ஸனத்த²ங் பு³த்த⁴சக்கு²னா லோகங் ஓலோகேதி. இத³ங் பச்சி²மயாமகிச்சங்.

ததா³பி ஏவங் ஓலோகெந்தோ கஸிபா⁴ரத்³வாஜங் ப்ராஹ்மணங் அரஹத்தஸ்ஸ உபனிஸ்ஸயஸம்பன்னங் தி³ஸ்வா - “தத்த² மயி க³தே கதா² பவத்திஸ்ஸதி, கதா²வஸானே த⁴ம்மதே³ஸனங் ஸுத்வா ஏஸோ ப்ராஹ்மணோ ஸபுத்ததா³ரோ தீஸு ஸரணேஸு பதிட்டா²ய அஸீதிகோடித⁴னங் மம ஸாஸனே விப்பகிரித்வா அபரபா⁴கே³ நிக்க²ம்ம பப்³பி³ஜித்வா அரஹத்தங் பாபுணிஸ்ஸதீ³தி ஞத்வா தத்த² கந்த³வா கத²ங் ஸமுட்டா²பெத்வா த⁴ம்மங் தே³ஸேஸி. ஏதமத்த²ங் த³ஸ்ஸேதுங் அத² கோ² ப⁴க³வாதிஆதி³ வுத்தங்.

தத்த² புப்³பண்ஹஸமயந்தி பு⁴ம்மத்தே² உபயோக³வசனங், புப்³பண்ஹஸமயேதி அத்தோ². நிவாஸெத்வாதி பரித³ஹித்வா. விஹாரசீவரபரிவத்தனவஸேனேதங் வுத்தங். பத்தசீவரமாதா³யாதி பத்தங் ஹத்தே²ஹி, சீவரங் காயேன ஆதி³யித்வா, ஸம்படிச்சி²த்வா தா⁴ரெத்வாதி அத்தோ². ப⁴க³வதோ கிர பிண்டா³ய பவிஸிதுகாமஸ்ஸ ப⁴மரோ விய விகஸிதபது³மத்³வயமஜ்ஜ²ங், இந்த³னீலமணிவண்ணஸேலமயபத்தோ ஹத்த²த்³வயமஜ்ஜ²ங் ஆக³ச்ச²தி. தங் ஏவமாக³தங் பத்தங் ஹத்தே²ஹி ஸம்படிச்சி²த்வா சீவரஞ்ச பரிமண்ட³லங் பாருதங் காயேன தா⁴ரெத்வாதி வுத்தங் ஹோதி. தேனுபஸங்கமீதி யேன மக்³கே³ன கம்மந்தோ கந்தப்³போ³, தேன ஏககோவ உபஸங்கமி. கஸ்மா பன நங் பி⁴க்க² நானுபந்தி⁴ங்ஸூதி?

யதா³ ஹி ப⁴க³வா ஏககோவ கத்த²சி க³ந்துகாமோ ஹோதி, யாவ
 பி⁴க்கா²சாரவேலா த்³வாரங் பித்³ஹித்வா அந்தோக³ந்த⁴குடியங் நிஸீத்³தி.
 பி⁴க்க² தாய ஸஞ்ஞாய ஜானந்தி “அஜ்ஜ ப⁴க³வா ஏககோவ பிண்டா³ய
 சரிதுகாமோ, அத்³தா⁴ கஞ்சி ஏவ வினேதப்³புக்³லங் அத்³த³ஸா”தி. தே
 அத்தனோ பத்தசீவரங் க³ஹெத்வா க³ந்த⁴குடிங் பத³க்கி³ணங் கத்வா வந்தி³த்வா
 பி⁴க்கா²சாரங் க³ச்ச²ந்தி. ததா³ ச ப⁴க³வா ஏவமகாஸி, தஸ்மா பி⁴க்க²
 நானுப்³ந்தி⁴ங்ஸூதி.

பரிவேஸனா வத்ததீதி தேஸங் ஸுவண்ணபா⁴ஜனாதீ³னி க³ஹெத்வா
 நிஸின்னானங் பஞ்சஸதானங் கஸ்ஸகானங் பரிவிஸனா விப்பகதா ஹோதி.
 ஏகமந்தங் அட்டா²ஸீதி யத்த² டி²தங் ப்³ராஹ்மணோ பஸ்ஸதி, ததா²ருபே
 த்³ஸ்ஸனுபசாரே கதா²ஸவனபா²ஸுகே உச்சட்டா²னே அட்டா²ஸி. ட²த்வா ச
 ரஜதஸுவண்ணரஸபிஞ்ஜரங் சந்தி³மஸூரியானங் பப⁴ங் அதிரோசமானங்
 ஸமந்ததோ ஸரீரப்ப⁴ங் முஞ்சி, யாய அஜ்ஜொ²த்த²டத்தா ப்³ராஹ்மணஸ்ஸ
 கம்மந்தஸாலாபி⁴த்திருக்க²கஸிதமத்திகபிண்டா³த³யோ ஸுவண்ணமயா விய
 அஹேஸுங். அத² மனுஸ்ஸா பு⁴ஞ்ஜந்தா ச கஸந்தா ச ஸப்³புகிச்சானி
 பஹாய அஸீதிஅனுப்³யஞ்ஜனபரிவாரங்
 த்³வத்திங்ஸமஹாபுரிஸலக்க²ணபடிமண்டி³தங் ஸரீரங்
 ப்³யாமப்பபா⁴பரிக்கே²பவிபு⁴ஸிதங் பா³ஹுயுக³லங் ஜங்க³மங் விய
 பது³மஸரங், ரஸ்மிஜாலஸமுஜ்ஜலிததாராக³ணமிவ க³க³னதலங்,
 விஜ்ஜுலதாவினத்³த⁴மிவ ச கனகஸிக²ரங் ஸிரியா ஜலமானங்
 ஸம்மாஸம்பு³த்³த⁴ங் ஏகமந்தங் டி²தங் தி³ஸ்வா ஹத்த²பாதே³ தோ⁴வித்வா
 அஞ்ஜலிங் பக்³ய்ஹ ஸம்பரிவாரெத்வா அட்ட²ங்ஸு. ஏவங் தேஹி
 ஸம்பரிவாரிதங் அத்³த³ஸா கோ² கஸிபா⁴ரத்³வாஜோ ப்³ராஹ்மணோ
 ப⁴க³வந்தங் பிண்டா³ய டி²தங், தி³ஸ்வான ப⁴க³வந்தங் ஏதத்³வோச - அஹங்
 கோ², ஸமண, கஸாமி ச வபாமி சாதி.

கஸ்மா பனாயங் ஏவமாஹ, கிங் ஸமந்தபாஸாதி³கே பஸாத³னீயே
 உத்தமத்³மத்²ஸமத்²மனுப்பத்தேபி ததா²க³தே அப்பஸாதே³ன, உதா³ஹு
 அட்³ட⁴தியானங் ஜனஸஹஸ்ஸானங் பாயாஸங் படியாதெ³த்வாபி
 கடச்ச²பி⁴க்கா²ய மச்சே²ரேனாதி? உப⁴யதா²பி நோ, ப⁴க³வதோ பனஸ்ஸ
 த்³ஸ்ஸனேன அதித்தங் நிக்கி²த்தகம்மந்தங் ஜனங் தி³ஸ்வா “கம்மப⁴ங்க³ங் மே
 காதுங் ஆக³தோ”தி அனத்தமனதா அஹோஸி, தஸ்மா ஏவமாஹ. ப⁴க³வதோ
 ச லக்க²ணஸம்பத்திங் தி³ஸ்வா - “ஸசாயங் கம்மந்தே அப்பயோஜயிஸ்ஸ,
 ஸகலஜம்பு³தீ³பே மனுஸ்ஸானங் ஸீஸே சூளாமணி விய அப⁴விஸ்ஸ, கோ
 நாமஸ்ஸ அத்தோ² ந ஸம்பஜ்ஜிஸ்ஸதி, ஏவமேவங் அலஸதாய கம்மந்தே
 அப்பயோஜெத்வா வப்பமங்க³லாதீ³ஸு பிண்டா³ய சரதீ³திபிஸ்ஸ அனத்தமனதா
 அஹோஸி. தேனாஹ - “அஹங் கோ², ஸமண, கஸாமி ச வபாமி ச, கஸித்வா
 ச வபித்வா ச பு⁴ஞ்ஜாமீ”தி.

அயங் கிரஸ்ஸ அதி⁴ப்பாயோ - மய்ஹும்பி தாவ கம்மந்தா ந ப்யாபஜ்ஜந்தி, ந சம்ஹி யதா² த்வங் ஏவங் லக்²ணஸம்பன்னோ, த்வம்பி கஸித்வா ச வபித்வா ச பு⁴ஞ்ஜஸ்ஸு, கோ தே அத்தோ² ந ஸம்பஜ்ஜெய்ய ஏவங் லக்²ணஸம்பன்னஸ்ஸாதி. அபிசாயங் அஸ்ஸோஸி - “ஸக்யராஜகுலே கிர குமாரோ உப்பன்னோ, ஸோ சக்கவத்திரஜ்ஜங் பஹாய பப்³பஜிதோ”தி. தஸ்மா இதா³னி “அயங் ஸோ”தி ஞத்வா “சக்கவத்திரஜ்ஜங் பஹாய கிலந்தோஸீ”தி உபாரம்ப⁴ங் ஆரோபெந்தோ ஏவமாஹ. அபிச திக்²பஞ்ஞோ ஏஸ ப்³ராஹ்மணோ, ந ப⁴க³வந்தங் அபஸாதெ³ந்தோ ப⁴ணதி, ப⁴க³வதோ பன ரூபஸம்பத்திங் தி³ஸ்வா புஞ்ஞஸம்பத்திங் ஸம்பா⁴வயமானோ கதா²பவத்தனத்த²ம்பி ஏவமாஹ. அத² ப⁴க³வா வேனெய்யவஸேன ஸதே³வகே லோகே அக்³கஸ்ஸகவப்பகபா⁴வங் அத்தனோ த³ஸ்ஸெந்தோ அஹம்பி கோ² ப்³ராஹ்மணோதிஆதி³மாஹ.

அத² ப்³ராஹ்மணோ சிந்தேஸி - “அயங் ஸமணோ” ‘அஹம்பி கஸாமி ச வபாமி சா’தி ப⁴ணதி. ந சஸ்ஸ ஓளாரிகானி யுக³னங்க³லாதீ³னி கஸிப⁴ண்டா³னி பஸ்ஸாமி, கிங் நு கோ² முஸா ப⁴ணதீ”தி? ப⁴க³வந்தங் பாத்தலதோ பட்டா²ய யாவ கேஸக்³கா³ ஓலோகயமானோ, அங்க³விஜ்ஜாய கதாதி⁴காரத்தா த்³வத்திங்ஸவரலக்²ணஸம்பத்திமஸ்ஸ ஞத்வா, “அட்டா²னமேதங் யங் ஏவரூபோ முஸா ப⁴ணெய்யா”தி ஸஞ்ஜாதப³ஹுமானோ ப⁴க³வதி ஸமணவாத³ங் பஹாய கொ³த்தேன ப⁴க³வந்தங் ஸமுதா³சரமானோ ந கோ² பன மயங் பஸ்ஸாம போ⁴தோ கோ³தமஸ்ஸாதிஆதி³மாஹ. ப⁴க³வா பன யஸ்மா புப்³பத⁴ம்மஸபா⁴க³தாய கத²னங் நாம புத்தா⁴னங் ஆனுபா⁴வோ, தஸ்மா புத்தா⁴னுபா⁴வங் தீ³பெந்தோ ஸத்தா⁴ பீ³ஜந்திஆதி³மாஹ.

கா பனெத்த² புப்³பத⁴ம்மஸபா⁴க³தா? நனு ப்³ராஹ்மணேன ப⁴க³வா நங்க³லாதிகஸிஸம்பா⁴ரஸமாயோகங் புட்டோ² அபுச்சி²தஸ்ஸ பீ³ஜஸ்ஸ ஸபா⁴க³தாய ஆஹ “ஸத்தா⁴ பீ³ஜ”ந்தி, ஏவஞ்ச ஸதி கதா²பி அனநுஸந்தி⁴கா ஹோதி? ந ஹி புத்தா⁴னங் அனநுஸந்தி⁴ககதா² நாம அத்தி², நபி புப்³பத⁴ம்மஸ்ஸ அஸபா⁴க³தாய கதெ²ந்தி. ஏவங் பனெத்த² அனுஸந்தி⁴ வேதி³தப்³பா³ - ப்³ராஹ்மணேன ஹி ப⁴க³வா யுக³னங்க³லாதிகஸிஸம்பா⁴ரவஸேன கஸிங் புச்சி²தோ. ஸோ தஸ்ஸ அனுசம்பாய “இத³ங் அபுச்சி²த”ந்தி அபரிஹாபெத்வா ஸமூலங் ஸஉபகாரங் ஸஸம்பா⁴ரங் ஸப²லங் கஸிங் பஞ்ஞாபேதுங் மூலதோ பட்டா²ய த³ஸ்ஸெந்தோ “ஸத்தா⁴ பீ³ஜ”ந்திஆதி³மாஹ. தத்த² பீ³ஜங் கஸியா மூலங், தஸ்மிங் ஸதி கத்தப்³பதோ, அஸதி அகத்தப்³பதோ, தப்பமானேன ச கத்தப்³பதோ. பீ³ஜே ஹி ஸதி கஸிங் கரொந்தி, ந அஸதி. பீ³ஜப்பமானேன ச குஸலா கஸ்ஸகா கெ²த்தங் கஸந்தி, ந ஊனங் “மா நோ ஸஸ்ஸங் பரிஹாயீ”தி, ந அதி⁴கங் “மா நோ மோகோ⁴ வாயாமோ அஹோஸீ”தி.

யஸ்மா ச பீஜமேவ மூலங், தஸ்மா ப்⁴க³வா மூலதோ பட்டா²ய
கஸிஸம்பா⁴ரங் த்³ஸ்ஸெந்தோ தஸ்ஸ ப்³ராஹ்மணஸ்ஸ கஸியா
புப்³பு⁴ம்மஸ்ஸ பீஜஸ்ஸ ஸபா⁴க³தாய அத்தனோ கஸியா புப்³பு⁴ம்மங்
த்³ஸ்ஸெந்தோ ஆஹ “ஸத்³தா⁴ பீஜ”ந்தி. ஏவமெத்த²
புப்³பு⁴ம்மஸபா⁴க³தாபி வேதி³தப்³பா³.

புச்சி²தங்யேவ வத்வா அபுச்சி²தங் பச்சா² கிங் ந வுத்தந்தி சே? தஸ்ஸ
உபகாரபா⁴வதோ ச த்⁴ம்மஸம்பந்த⁴ஸமத்த²பா⁴வதோ ச. அயங் ஹி
ப்³ராஹ்மணோ பஞ்ஞவா, மிச்சா²தி³ட்டி²குலே பன ஜாதத்தா ஸத்³தா⁴ரஹிதோ,
ஸத்³தா⁴ரஹிதோ ச பஞ்ஞவா பரேஸங் ஸத்³தா⁴ய அத்தனோ அவிஸயே
அபடிபஜ்ஜமானோ விலேஸஸங் நாதி⁴க³ச்ச²தி, கிலேஸகாலுஸ்ஸியபராமட்டா²பி
சஸ்ஸ துப்³பு³லா ஸத்³தா⁴ ப்³லவதியா பஞ்ஞாய ஸஹஸா வத்தமானா
அத்த²ஸித்தி⁴ங் ந கரோதி ஹத்தி²னா ஸத்தி⁴ங் ஏகது⁴ரே யுத்தோ
கோ³ணோ விய. இதிஸ்ஸ ஸத்³தா⁴ உபகாரிகாதி தங் ப்³ராஹ்மணங்
ஸத்³தா⁴ய பதிட்டா²பெந்தேன பச்சா²பி வத்தப்³போ³ அயமத்தோ²
தே³ஸனாகுஸலதாய புப்³பே³ வுத்தோ. பீஜஸ்ஸ ச உபகாரிகா வுட்டி², ஸா
தத்³னந்தரங்யேவ வச்சமானா ஸமத்தா² ஹோதி. ஏவங்
த்⁴ம்மஸம்பந்த⁴ஸமத்த²பா⁴வதோ பச்சா²பி வத்தப்³போ³ அயமத்தோ²,
அஞ்ஞோ ச ஏவருபோ ஈஸாயொத்தாதி³ புப்³பே³ வுத்தோதி வேதி³தப்³போ³.

தத்த² ஸம்பஸாத³லக்க²ணா ஸத்³தா⁴, ஓகப்பனலக்க²ணா வா. பீஜந்தி
பஞ்சவித⁴ங் பீஜங் மூலபீஜங் கந்த⁴பீஜங் ப்²லுபீஜங் அக்³க³பீஜங்
பீஜபீஜமேவ பஞ்சமந்தி. தங் ஸப்³பு³ம்பி விருஹணட்டே²ன பீஜந்தேவ
ஸங்க²ங் கச்ச²தி.

தத்த² யதா² ப்³ராஹ்மணஸ்ஸ கஸியா மூலபு⁴தங் பீஜங் த்³வே கிச்சானி
கரோதி, ஹெட்டா² மூலேன பதிட்டா²தி, உபரி அங்குரங் உட்டா²பேதி, ஏவங்
ப்⁴க³வதோ கஸியா மூலபு⁴தா ஸத்³தா⁴ ஹெட்டா² ஸீலமூலேன
பதிட்டா²தி, உபரி ஸமத²விபஸ்ஸனங்குரங் உட்டா²பேதி. யதா² ச தங் மூலேன
பத்²விரஸங் ஆபோரஸங் க³ஹெத்வா நாளேன த்⁴ஞ்ஞபரிபாகக³ஹணத்த²ங்
வட்³ட⁴தி, ஏவமயங் ஸீலமூலேன ஸமத²விபஸ்ஸனாரஸங் க³ஹெத்வா
அரியமக்³க³னாளேன அரியப²லத⁴ஞ்ஞபரிபாகக³ஹணத்த²ங் வட்³ட⁴தி. யதா² ச
தங் ஸுபு⁴மியங் பதிட்ட²ஹித்வா மூலங்குரபண்ணனாளகண்ட³பஸவேஹி
வுத்தி⁴ங் விருள்ஹிங் வேபுல்லங் பத்வா கீ²ரங் ஜனெத்வா
அனேகஸாலிப²லப⁴ரிதங் ஸாலிஸீஸங் நிப்பா²தே³தி, ஏவமேஸா
சித்தஸந்தானே பதிட்ட²ஹித்வா ச²ஹி விஸுத்³தீ⁴ஹி வுத்தி⁴ங் விருள்ஹிங்
வேபுல்லங் பத்வா ஞாணத³ஸ்ஸனவிஸுத்³தீ⁴கீ²ரங் ஜனெத்வா
அனேகபடிஸம்பி⁴தா³பி⁴ஞ்ஞாப⁴ரிதங் அரஹத்தப²லங் நிப்பா²தே³தி. தேன
வுத்தங் “ஸத்³தா⁴ பீஜ”ந்தி.

கஸ்மா பன அஞ்ஞேஸு பரோபஞ்ஞாஸாய குஸலத⁴ம்மேஸு ஏகதோ உப்பஜ்ஜமானேஸு ஸத்³தா⁴வ “பீஜ”ந்தி வுத்தாதி சே? பீஜகிச்சகரணதோ. யதா² ஹி தேஸு விஞ்ஞாணங்யேவ விஜானநகிச்சங் கரோதி, ஏவங் ஸத்³தா⁴ பீஜகிச்சங். ஸா ச ஸப்³புகுஸலானங் மூலபூ⁴தா. யதா²ஹ - “ஸத்³தா⁴ஜாதோ உபஸங்கமதி, உபஸங்கமந்தோ பயிருபாஸதி...பே... பஞ்ஞாய ச நங் அதிவிஜ்ஜ² பஸ்ஸதீ”தி (ம. நி. 2.183).

அகுஸலத⁴ம்மே சேவ காயஞ்ச தபதீதி தபோ. இந்த³ரியஸங்வரவீரியது⁴தங்க³து³க்கரகாரிகானங் ஏதங் அதி⁴வசனங், இத⁴ பன இந்த³ரியஸங்வரோ அதி⁴ப்பேதோ. வுட்டி²தி வஸ்ஸவுட்டி² வாதவுட்டி²திஆதி³ அனேகவிதா⁴, இத⁴ வஸ்ஸவுட்டி² அதி⁴ப்பேதோ. யதா² ஹி ப்³ராஹ்மணஸ்ஸ வஸ்ஸவுட்டி²ஸமனுக்³ஹிதங் பீஜங் பீஜமூலகஞ்ச ஸஸ்ஸங் விருஹதி ந மிலாயதி நிப்ப²த்திங் க³ச்ச²தி, ஏவங் ப⁴க³வதோ இந்த³ரியஸங்வரஸமனுக்³ஹிதா ஸத்³தா⁴, ஸத்³தா⁴மூலா ச ஸீலாதயோ த⁴ம்மா விருஹந்தி, ந மிலாயந்தி நிப்ப²த்திங் க³ச்ச²ந்தி. தேனாஹ “தபோ வுட்டி²”தி.

பஞ்ஞா மேதி எத்த² வுத்தோ மே-ஸத்³தோ³ புரிமபதே³ஸுபி யோஜேதப்³போ³ “ஸத்³தா⁴ மே பீஜங், தபோ மே வுட்டி²”தி தேன கிங் தீ³பேதி? யதா², ப்³ராஹ்மண, தயா வபிதே கெ²த்தே ஸசே வுட்டி² அத்தி², இச்சேதங் குஸலங். நோ சே அத்தி², உத³கம்பி தாவ தா³தப்³பங் ஹோதி. ததா² மயா ஹிரிஈஸே பஞ்ஞாயுக³னங்க³லே மனோயொத்தேன ஏகாபத்³தே⁴ கதே வீரியப³லீபத்³தே³ யோஜேத்வா ஸதிபாசனேன விஜ்ஜி²த்வா அத்தனோ சித்தஸந்தானகெ²த்தம்ஹி ஸத்³தா⁴பீஜே வபிதே வுட்டி²யா அபா⁴வோ நாம நத்தி², அயங் பன மே நிச்சகாலங் இந்த³ரியஸங்வரதபோ வுட்டி²தி.

பஞ்ஞாதி காமாவசராதி³பே⁴த³தோ அனேகவிதா⁴. இத⁴ பன ஸஹ விபஸ்ஸனாய மக்³பஞ்ஞா அதி⁴ப்பேதோ. யுக³னங்க³லந்தி யுக³ஞ்ச நங்க³லஞ்ச யுக³னங்க³லங். யதா² ஹி ப்³ராஹ்மணஸ்ஸ யுக³னங்க³லங், ஏவங் ப⁴க³வதோ து³விதா⁴பி விபஸ்ஸனா பஞ்ஞா ச. தத்த² யதா² யுக³ங் ஈஸாய உபனிஸ்ஸயங் ஹோதி, புரதோ ச ஈஸாபத்³த⁴ங் ஹோதி, யொத்தானங் நிஸ்ஸயங் ஹோதி, ப³லீபத்³தா³னங் ஏகதோ க³மனங் தா⁴ரேதி, ஏவங் பஞ்ஞா ஹிரிப்பமுகா²னங் த⁴ம்மானங் உபனிஸ்ஸயா ஹோதி. யதா²ஹ - “பஞ்ஞுத்தரா ஸப்³பே³ குஸலா த⁴ம்மா”தி (அ. நி. 8.83; 10.58) ச, “பஞ்ஞா ஹி ஸெட்டா² குஸலா வத³ந்தி, நக்க²த்தராஜாரிவ தாரகான”ந்தி (ஜா. 2.17.81) ச. குஸலானங் த⁴ம்மானங் புப்³பங்க³மட்டே²ன புரதோ ச ஹோதி. யதா²ஹ - “ஸீலங் ஸிரீ சாபி ஸதஞ்ச த⁴ம்மோ, அன்வாயிகா பஞ்ஞுவதோ ப⁴வந்தீ”தி ஹிரிவிப்பயோகே³ன அனுப்பத்திதோ பன ஈஸாபத்³தோ⁴ ஹோதி. மனோஸங்கா²தஸ்ஸ ஸமாதி⁴யொத்தஸ்ஸ நிஸ்ஸயபச்சயதோ யொத்தானங்

நிஸ்ஸயோ ஹோதி. அச்சாரத்³தா⁴திலீனபா⁴வபடிஸேத⁴னதோ
வீரியப³லீப³த்³தா³னங் ஏகதோ க³மனங் தா⁴ரேதி, யதா² ச நங்க³லங்
பா²லயுத்தங் கஸனகாலே பத²விக⁴னங் பி⁴ந்த³தி, மூலஸந்தானகானி
பதா³லேதி, ஏவங் ஸதியுத்தா பஞ்ஞா விபஸ்ஸனாகாலே த⁴ம்மானங்
ஸந்ததிஸமூஹகிச்சாரம்மணக⁴னங் பி⁴ந்த³தி,
ஸப்³புகிலேஸமூலஸந்தானகானி பதா³லேதி. ஸா ச கோ² லோகுத்தராவ,
இதரா பன லோகிகாபி ஸியா. தேனாஹ “பஞ்ஞா மே யுக³னங்க³ல”ந்தி.

ஹிரீயதி பாபகேஹி த⁴ம்மேஹீதி ஹிரீ. தக்³க³ஹணேன தாய
அவிப்பயுத்தங் ஒத்தப்பம்பி க³ஹிதமேவ ஹோதி. ஈஸாதி
யுக³னங்க³லஸந்தா⁴ரிகா ருக்க²லட்டி². யதா² ஹி ப்³ராஹ்மணஸ்ஸ ஈஸா
யுக³னங்க³லங் தா⁴ரேதி, ஏவங் ப⁴க³வதோபி ஹிரீ
லோகியலோகுத்தரபஞ்ஞாஸங்கா²தங் யுக³னங்க³லங் தா⁴ரேதி ஹிரிஅபா⁴வே
பஞ்ஞாய அபா⁴வதோ. யதா² ச ஈஸாபடிப³த்³த⁴யுக³னங்க³லங் கிச்சகரங்
ஹோதி அசலங் அஸிதி²லங், ஏவங் ஹிரிபடிப³த்³தா⁴ ச பஞ்ஞா கிச்சகாரீ
ஹோதி அசலா அஸிதி²லா அப்³போ³கிண்ணா அஹிரிகேன. தேனாஹ “ஹிரீ
ஈஸா”தி. முனாதீதி மனோ, சித்தஸ்ஸேதங் நாமங். இத⁴ பன மனோஸ்ஸேன
தங்ஸம்பயுத்தோ ஸமாதி⁴ அதி⁴ப்பேதோ. யொத்தந்தி ரஜ்ஜுப³ந்த⁴னங். தங்
திவித⁴ங் ஈஸாய ஸஹ யுக³ஸ்ஸ ப³ந்த⁴னங், யுகே³ன ஸஹ
ப³லீப³த்³தா³னங் ப³ந்த⁴னங், ஸாரதி²னா ஸஹ ப³லீப³த்³தா³னங்
ஏகாப³ந்த⁴னந்தி. தத்த² யதா² ப்³ராஹ்மணஸ்ஸ யொத்தங்
ஈஸாயுக³ப³லீப³த்³தே³ ஏகாப³த்³தே⁴ கத்வா ஸககிச்சே படிபாதே³தி, ஏவங்
ப⁴க³வதோ ஸமாதி⁴ ஸப்³பே³வ தே ஹிரிபஞ்ஞாவீரியத⁴ம்மே ஏகாரம்மணே
அவிக்കே²பஸபா⁴வேன ப³ந்தி⁴த்வா ஸககிச்சே படிபாதே³தி. தேனாஹ “மனோ
யொத்த”ந்தி.

சிரகதாதி³மத்த²ங் ஸரதீதி ஸதி. பா²லேதீதி பா²லோ. பாஜெந்தி ஏதேனாதி
பாஜனங். தங் இத⁴ “பாசன”ந்தி வுத்தங். பதோத³ஸ்ஸேதங் நாமங். பா²லோ ச
பாசனஞ்ச பா²லபாசனங். யதா² ஹி ப்³ராஹ்மணஸ்ஸ பா²லபாசனங், ஏவங்
ப⁴க³வதோ விபஸ்ஸனாஸம்பயுத்தா மக்³க³ஸம்பயுத்தா ச ஸதி. தத்த² யதா²
பா²லோ நங்க³லங் அனுரக்க²தி, புரதோ சஸ்ஸ க³ச்ச²தி, ஏவங் ஸதி
குஸலாகுஸலானங் த⁴ம்மானங் க³தியோ ஸமன்வேஸமானா ஆரம்மணே வா
உபட்டா²பயமானா பஞ்ஞானங்க³லங் ரக்க²தி. தேனேவேஸா “ஸதாரக்கே²ன
சேதஸா விஹரதீ”திஆதீ³ஸு (அ. நி. 10.20) விய ஆரக்கா²தி வுத்தா.
அப்பமுஸ்ஸனவஸேன சஸ்ஸா புரதோ ஹோதி. ஸதிபரிசிதே ஹி த⁴ம்மே
பஞ்ஞா பஜானாதி, நோ பமுட்டே². யதா² ச பாசனங் ப³லீப³த்³தா³னங்
விஜ்ஜ²னப⁴யங் த³ஸ்ஸெந்தங் ஸங்ஸீதி³துங் ந தே³தி, உப்பத²க³மனங்
வாரேதி, ஏவங் ஸதி வீரியப³லீப³த்³தா³னங் அபாயப⁴யங் த³ஸ்ஸெந்தீ
கோஸஜ்ஜஸங்ஸீத³னங் ந தே³தி, காமகு³ணஸங்கா²தே அகோ³சரே சாரங்

நிவாரெத்வா கம்மட்டா²னே நியோஜெந்தீ உப்பத²க³மனங் வாரேதி. தேனாஹ
“ஸதி மே பா²லபாசன”ந்தி.

காயகுத்தோதி திவிதே⁴ன காயஸுசரிதேன குத்தோ. வசீகுத்தோதி
சதுப்³பி³தே⁴ன வசீஸுசரிதேன குத்தோ. எத்தாவதா
பாதிமொக்க²ஸங்வரஸீலங் வுத்தங். ஆஹாரே உத³ரே யதோதி எத்த²
ஆஹாரமுகே²ன ஸப்³பி³பச்சயானங் க³ஹிதத்தா சதுப்³பி³தே⁴பி பச்சயே யதோ
ஸங்யதோ நிருபக்கிலேஸோதி அத்தோ². இமினா ஆஜீவபாரிஸுத்தி⁴ஸீலங்
வுத்தங். உத³ரே யதோதி உத³ரே யதோ ஸங்யதோ மிதபோ⁴ஜீ, ஆஹாரே
மத்தஞ்ஞாதி வுத்தங் ஹோதி. இமினா போ⁴ஜனே மத்தஞ்ஞாதுமுகே²ன
பச்சயபடிஸேவனஸீலங் வுத்தங். தேன கிங் தீ³பேதி? யதா² த்வங், ப்³ராஹ்மண,
பீ³ஜங் வபித்வா ஸஸ்ஸபரிபாலனத்த²ங் கண்டகவதிங் வா ருக்க²வதிங் வா
பாகாரபரிக்கே²பங் வா கரோஸி, தேன தே கோ³மஹிங்ஸமிக³க³ணா பவேஸங்
அலப⁴ந்தா ஸஸ்ஸங் ந விலும்பந்தி, ஏவமஹம்பி தங் ஸத்தா⁴பீ³ஜங்
வபித்வா நானப்பகாரகுஸலஸஸ்ஸபரிபாலனத்த²ங் காயவசீஆஹாரகுத்திமயங்
திவித⁴ங் பரிக்கே²பங் கரோமி , தேன மே
ராகா³தி³அகுஸலத⁴ம்மகோ³மஹிங்ஸமிக³க³ணா பவேஸங் அலப⁴ந்தா
நானப்பகாரகங் குஸலஸஸ்ஸங் ந விலும்பந்தீதி.

ஸச்சங் கரோமி நித்தா³னந்தி எத்த² த்³வீஹாகாரேஹி அவிஸங்வாத³னங்
ஸச்சங். நித்தா³னந்தி சே²த³னங் லுனநங் உப்பாடனங் . கரணத்தே² சேதங்
உபயோக³வசனங் வேதி³தப்³பங். அயங் ஹெத்த² அத்தோ² “ஸச்சேன கரோமி
நித்தா³ன”ந்தி. கிங் வுத்தங் ஹோதி - “யதா² த்வங் பா³ஹிரங் கஸிங் கத்வா
ஸஸ்ஸதூ³ஸகானங் திணானங் ஹத்தே²ன வா அஸிதேன வா நித்தா³னங்
கரோஸி, ஏவங் அஹம்பி அஜ்ஜ²த்திகங் கஸிங் கத்வா
குஸலஸஸ்ஸதூ³ஸகானங் விஸங்வாத³னதிணானங் ஸச்சேன நித்தா³னங்
கரோமீ”தி. யதா²பூ⁴தஞாணங் வா எத்த² ஸச்சந்தி வேதி³தப்³பங். தேன
அத்தஸஞ்ஞாதீ³னங் திணானங் நித்தா³னங் கரோமீதி த³ஸ்ஸேதி. அத² வா
நித்தா³னந்தி சே²த³கங் லாவகங் உப்பாடகந்தி அத்தோ². யதா² த்வங் தா³ஸங்
வா கம்மகரங் வா நித்தா³னங் கரோஸி, “நித்தே³ஹி திணானீ”தி திணானங்
சே²த³கங் லாவகங் உப்பாடகங் கரோஸி, ஏவமஹங் ஸச்சங் கரோமீதி
த³ஸ்ஸேதி, அத² வா ஸச்சந்தி தி³ட்டி²ஸச்சங். தமஹங் நித்தா³னங் கரோமி,
சி²ந்தி³தப்³பங் லுனிதப்³பங் உப்பாடேதப்³பங் கரோமீதி. இதி இமேஸு த்³வீஸு
விகப்பேஸு உபயோகே³னேவத்தோ² யுஜ்ஜதி.

ஸோரச்சங் மே பமோசனந்தி எத்த² யங் தங் “காயிகோ அவீதிக்கமோ
வாசஸிகோ அவீதிக்கமோ”தி ஸீலமேவ “ஸோரச்ச”ந்தி வுத்தங், ந தங்
அதி⁴ப்பேதங். “காயகுத்தோ”திஆதி³னா ஹி தங் வுத்தமேவ. அரஹத்தப²லங்
பன அதி⁴ப்பேதங். தங் ஹி ஸுந்த³ரே நிப்பா³னே ரதத்தா “ஸோரச்ச”ந்தி

வுச்சதி. பமோசனந்தி யோக³விஸ்ஸஜ்ஜனங். இத³ங் வுத்தங் ஹோதி - யதா² தவ பமோசனங் புனபி ஸாயன்ஹே வா து³தியதி³வஸே வா அனாக³தஸங்வச்ச²ரே வா யோஜேதப்³ப³தோ அப்பமோசனமேவ ஹோதி, ந மம ஏவங். ந ஹி மம அந்தரா மோசனங் நாம அத்தி². அஹங் ஹி தீ³பங்கரத³ஸப³லகாலதோ பட்டா²ய பஞ்ஞானங்க³லே வீரியப³லீப³த்தே³ யோஜேத்வா கப்பஸதஸஹஸ்ஸாதி⁴கானி சத்தாரி அஸங்க²யெய்யானி மஹாகஸிங் கஸந்தோ தாவ ந முஞ்சிங், யாவ ந ஸம்மாஸம்போ³தி⁴ங் அபி⁴ஸம்புஜ்ஜி²ங். யதா³ ச மே ஸப்³ப³ங் தங் காலங் கே²பெத்வா போ³தி⁴மூலே அபராஜிதபல்லங்கே நிஸின்னஸ்ஸ ஸப்³ப³குணபரிவாரங் அரஹத்தப²லங் உத³பாதி³, ததா³ மயா தங் ஸப்³ப³ஸுக்கபடிப்பஸ்ஸத்தி⁴யா பமுத்தங், ந தா³னி புன யோஜேதப்³ப³ங் ப⁴விஸ்ஸதீதி. ஏதமத்த²ங் ஸந்தா⁴யாஹ “ஸோரச்சங் மே பமோசன”ந்தி.

வீரியங் மே து⁴ரதோ⁴ரய்ஹந்தி எத்த² வீரியந்தி காயிகசேதஸிகோ வீரியாரம்போ⁴. து⁴ரதோ⁴ரய்ஹந்தி து⁴ராயங் தோ⁴ரய்ஹங், து⁴ராவஹந்தி அத்தோ². யதா² ஹி ப்³ராஹ்மணஸ்ஸ து⁴ராயங் தோ⁴ரய்ஹாகட்³டி⁴தங் நங்க³லங் பூ⁴மிக⁴னங் பி⁴ந்த³தி, மூலஸந்தானகானி ச பதா³லேதி, ஏவங் ப⁴க³வதோ வீரியாகட்³டி⁴தங் பஞ்ஞானங்க³லங் யதா² வுத்தங் க⁴னங் பி⁴ந்த³தி, கிலேஸஸந்தானகானி ச பதா³லேதி. தேனாஹ “வீரியங் மே து⁴ரதோ⁴ரய்ஹ”ந்தி. அத² வா புரிமது⁴ராவஹத்தா து⁴ரா, மூலது⁴ராவஹத்தா தோ⁴ரய்ஹா, து⁴ரா ச தோ⁴ரய்ஹா ச து⁴ரதோ⁴ரய்ஹா. இதி யதா² ப்³ராஹ்மணஸ்ஸ ஏகேகஸ்மிங் நங்க³லே சதுப³லீப³த்த³பபே⁴த³ங் து⁴ரதோ⁴ரய்ஹங் வஹந்தங் உப்பன்னுப்பன்னங் திணமூலகா⁴தஞ்சேவ ஸஸ்ஸஸம்பத்திஞ்ச ஸாதே⁴தி, ஏவங் ப⁴க³வதோ சதுஸம்மப்பதா⁴னவீரியபே⁴த³ங் து⁴ரதோ⁴ரய்ஹங் வஹந்தங் உப்பன்னுப்பன்னங் அகுஸலகா⁴தஞ்சேவ குஸலஸம்பத்திஞ்ச ஸாதே⁴தி. தேனாஹ “வீரியங் மே து⁴ரதோ⁴ரய்ஹ”ந்தி.

யோக³க்கே²மாதி⁴வாஹனந்தி எத்த² யோகே³ஹி கே²மத்தா நிப்³பா³னங் யோக³க்கே²மங் நாம, தங் அதி⁴கிச்ச வாஹீயதி, அபி⁴முக²ங் வா வாஹீயதீதி அதி⁴வாஹனங், யோக³க்கே²மஸ்ஸ அதி⁴வாஹனங் யோக³க்கே²மாதி⁴வாஹனந்தி. இத³ங் வுத்தங் ஹோதி - யதா² தவ து⁴ரதோ⁴ரய்ஹங் புரத்தி²மாதீ³ஸு அஞ்ஞதரதி³ஸாபி⁴முக²ங் வாஹீயதி, ததா² மம து⁴ரதோ⁴ரய்ஹங் நிப்³பா³னாபி⁴முக²ங் வாஹீயதீதி. ஏவங் வாஹீயமானங்வ க³ச்ச²தி அனிவத்தந்தங். யதா² தவ நங்க³லங் வஹந்தங் து⁴ரதோ⁴ரய்ஹங் கெ²த்தகோடிங் பத்வா புன நிவத்ததி, ஏவங் அனிவத்தந்தங் தீ³பங்கரகாலதோ பட்டா²ய க³ச்ச²தேவ. யஸ்மா வா தேன தேன மக்³கே³ன பஹீனா கிலேஸா ந புனப்புனங் பஹாதப்³பா³ ஹொந்தி, யதா² தவ நங்க³லேன சி²ன்னானி திணானி புன அபரஸ்மிங் ஸமயே சி²ந்தி³தப்³பா³னி ஹொந்தி,

தஸ்மாபி ஏவங் பட²மமக்³வஸேன தி³ட்டே²கட்டே² கிலேஸே, து³தியவஸேன ஓளாரிகே, ததியவஸேன அணுஸஹக்³தே, சதுத்த²வஸேன ஸப்³ப³கிலேஸே பஜஹந்தங் க³ச்ச²தி அனிவத்தந்தங். அத² வா க³ச்ச²தி அனிவத்தந்தி நிவத்தனரஹிதங் ஹுத்வா க³ச்ச²தீதி அத்தோ². தந்தி தங் து⁴ரதோ⁴ரய்ஹங். ஏவமெத்த² அத்தோ² வேதி³தப்³போ³. ஏவங் க³ச்ச²ந்தஞ்ச யதா² தவ து⁴ரதோ⁴ரய்ஹங் ந தங் டா²னங் க³ச்ச²தி, யத்த² க³ந்த்வா கஸ்ஸகோ அஸோகோ விரஜோ ஹுத்வா ந ஸோசதி. ஏதங் பன தங் டா²னங் க³ச்ச²தி யத்த² க³ந்த்வா ந ஸோசதி. யத்த² ஸதிபாசனேன ஏதங் விரியது⁴ரதோ⁴ரய்ஹங் சோதெ³ந்தோ க³ந்த்வா மாதி³ஸோ கஸ்ஸகோ அஸோகோ விரஜோ ஹுத்வா ந ஸோசதி, தங் ஸப்³ப³ஸோகஸல்லஸமுக்³கா⁴தபூ⁴தங் நிப்³பா³னங் நாம அஸங்க²தங் டா²னங் க³ச்ச²தீதி.

இதா³னி நிக³மனங் கரொந்தோ ஏவமேஸா கஸீதி கா³த²மாஹ. தஸ்ஸாயங் ஸங்கே²பத்தோ² - யஸ்ஸ, ப்³ராஹ்மண, ஏஸா ஸத்த³தா⁴பீஜா தபோவுட்டி²யா அனுக்³க³ஹிதா கஸீ பஞ்ஞாமயங் யுக³னங்க³லங் ஹிரிமயஞ்ச ஈஸங் மனோமயேன யொத்தேன ஏகாப³த்த⁴ங் கத்வா பஞ்ஞானங்க³லேன ஸதிபா²லங் ஆகோடெத்வா ஸதிபாசனங் க³ஹெத்வா காயவசீஆஹாரகு³த்தியா கோ³பெத்வா ஸச்சங் நித்த³தா³னங் கத்வா ஸோரச்சபமோசனங் விரியது⁴ரதோ⁴ரய்ஹங் யோக³க்கே²மாபி⁴முக²ங் அனிவத்தந்தங் வாஹந்தேன கட்டா² கஸீ கம்மபரியோஸானங் சதுப்³பி³த⁴ங் ஸாமஞ்ஞப²லங் பாபிதா, ஸா ஹோதி அமதப்ப²லா, ஸா ஏஸா கஸீ அமதப்ப²லா ஹோதி. அமதங் வுச்சதி நிப்³பா³னங், நிப்³பா³னானிஸங்ஸா ஹோதீதி அத்தோ². ஸா கோ² பனேஸா கஸீ ந மமேவேகஸ்ஸ அமதப்ப²லா ஹோதி, அத² கோ² யோ கோசி க²த்தியோ வா ப்³ராஹ்மணோ வா வெஸ்ஸோ வா ஸுத்தோ³ வா க³ஹட்டோ² வா பப்³ப³ஜிதோ வா ஏதங் கஸிங் கஸதி, ஸோ ஸப்³போ³பி ஏதங் கஸித்வான ஸப்³ப³து³க்கா² பமுச்சதீதி.

ஏவங் ப⁴க³வா ப்³ராஹ்மணஸ்ஸ அரஹத்தனிகூடேன நிப்³பா³னபரியோஸானங் கத்வா தே³ஸனங் நிட்டா²பேஸி. ததோ ப்³ராஹ்மணோ க³ம்பீ⁴ரத்த²ங் தே³ஸனங் ஸுத்வா - “மம கஸிப²லங் பு⁴ஞ்ஜித்வா புனபி தி³வஸேயேவ சா²தோ ஹோதி, இமஸ்ஸ பன கஸீ அமதப்ப²லா, தஸ்ஸ ப²லங் பு⁴ஞ்ஜித்வா ஸப்³ப³து³க்கா² பமுச்சதீ”தி ஞத்வா பஸன்னோ பஸன்னாகாரங் கரொந்தோ பு⁴ஞ்ஜது ப⁴வங் கோ³தமோதிஆதி³மாஹ. தங் ஸப்³ப³ங் ததோ பரஞ்ச வுத்தத்த²மேவாதி. பட²மங்.

2. உத³யஸுத்தவண்ணனா

198. து³தியே ஓத³னேன பூரேஸீதி அத்தனோ அத்தா²ய ஸம்பாதி³தேன ஸுபப்³யஞ்ஜனேன ஓத³னேன பூரெத்வா அதா³ஸி. ப⁴க³வா கிர பச்சுஸஸமயே லோகங் ஒலோகெந்தோவ தங் ப்³ராஹ்மணங் தி³ஸ்வா, பாதோவ ஸரீரபடிஜக்³க³னங் கத்வா, க³ந்த⁴குடிங் பவிஸித்வா, த்³வாரங் பிதா⁴ய, நிஸின்னோ தஸ்ஸ போ⁴ஜனங் உபஸங்ஹரியமானங் தி³ஸ்வா, ஏககோவ பத்தங் அங்ஸகூடே லக்³கெத்வா, க³ந்த⁴குடிதோ நிக்க²ம்ம, நக³ரத்³வாரே பத்தங் நீஹரித்வா, அந்தோனக³ரங் பவிஸித்வா, படிபாடியா கச்ச²ந்தோ ப்³ராஹ்மணஸ்ஸ த்³வாரகொட்ட²கே அட்டா²ஸி. ப்³ராஹ்மணோ ப⁴க³வந்தங் தி³ஸ்வா, அத்தனோ ஸஜ்ஜிதங் போ⁴ஜனங் அதா³ஸி. தங் ஸந்தா⁴யேதங் வுத்தங். து³தியம்பீதி து³தியதி³வஸேபி. ததியம்பீதி ததியதி³வஸேபி. தானி கிர தீணி தி³வஸானி நிரந்தரங் ப்³ராஹ்மணஸ்ஸ க⁴ரத்³வாரங் கச்ச²ந்தஸ்ஸ ப⁴க³வதோ அந்தரா அஞ்ஞோ கோசி உட்டா²ய பத்தங் க³ஹேதுங் ஸமத்தோ² நாம நாஹோஸி, மஹாஜனோ ஒலோகெந்தோவ அட்டா²ஸி.

ஏதத³வோசாதி ப்³ராஹ்மணோ தீணி தி³வஸானி பத்தங் பூரெத்வா தெ³ந்தோபி ந ஸத்³தா⁴ய அதா³ஸி, “க⁴ரத்³வாரங் ஆக³ந்த்வா டி²தஸ்ஸ பப்³பிஜிதஸ்ஸ பி⁴க்கா²மத்தம்பி அத³த்வா பு⁴ஞ்ஜதி”தி உபாரம்ப⁴ப⁴யேன அதா³ஸி. த³த³ந்தோ ச த்³வே தி³வஸானி தத்³வா கிஞ்சி அவத்வாவ நிவத்தோ. ப⁴க³வாபி கிஞ்சி அவத்வாவ பக்கந்தோ. ததியதி³வஸே பன அதி⁴வாஸேதுங் அஸக்கொந்தோ ஏதங் “பகட்ட²கோ”திஆதி³வசனங் அவோச. ப⁴க³வாபி ஏதங் வசனங் நிச்சா²ராபனத்த²மேவ யாவ ததியமக³மாஸி. தத்த² பகட்ட²கோதி ரஸகித்³தோ⁴.

புனப்புனங் சேவ வபந்தி பீ³ஜந்தி ஸத்தா² ப்³ராஹ்மணஸ்ஸ வசனங் ஸுத்வா, “ப்³ராஹ்மண, த்வங் தீணி தி³வஸானி பிண்ட³பாதங் தத்³வா ஓஸக்கஸி, புனப்புனங் காதப்³பா³ நாம லோகஸ்மிங் ஸோளஸ த⁴ம்மா”தி வத்வா தே த⁴ம்மே த்³ஸ்ஸேதுங் இமங் தே³ஸனங் ஆரபி⁴. தத்த² புனப்புனங் சேவ வபந்தீதி ஏகஸ்மிங் ஸஸ்ஸவாரே வுத்தங் “அலமெத்தாவதா”தி அனோஸக்கித்வா அபராபரேஸுபி ஸஸ்ஸவாரேஸு ச வபந்தியேவ. புனப்புனங் வஸ்ஸதீதி ந ஏகதி³வஸங் வஸ்ஸித்வா திட்ட²தி, புனப்புனதி³வஸேஸுபி புனப்புனஸங்வச்ச²ரேஸுபி வஸ்ஸதியேவ, ஏவங் ஜனபதா³ இத்³தா⁴ ஹொந்தி. ஏதேனுபாயேன ஸப்³பத்த² நயோ வேதி³தப்³போ³.

யாசகாதி இமஸ்மிங் பதே³ ஸத்தா² தே³ஸனாகுஸலதாய அத்தானம்பி பக்கி²பித்வா த்³ஸ்ஸேதி. கீ²ரனிகாதி கீ²ரகாரகா கோ³தோ³ஹகா. ந ஹி தே ஏகவாரமேவ த²னங் அஞ்ச²ந்தி, புனப்புனங் அஞ்ச²ந்தா தே⁴னுங் து³ஹந்தீதி அத்தோ². கிலமதி ப²ந்த³தி சாதி அயங் ஸத்தோ தேன இரியாபதே²ன கிலமதி சேவ ப²ந்த³தி ச. க³ப்³ப⁴ந்தி ஸோணஸிங்கா³லாதீ³னம்பி திரச்சா²னக³தானங்

குச்சி²ங். ஸிவதி²கந்தி ஸுஸானங், மதங் மதங் ஸத்தங் தத்த² புனப்புனங்
ஹரந்தீதி அத்தோ². மக்³க்³ஞ்ச லத்³தா⁴ அபுனப்³ப⁴வாயாதி அபுனப்³ப⁴வாய
மக்³கோ³ நாம நிப்³பா³னங், தங் லபி⁴த்வாதி அத்தோ².

ஏவங் வுத்தேதி ஏவங் ப⁴க்³வதா அந்தரவீதி²யங் ட²த்வாவ ஸோளஸ
புனப்புனத⁴ம்மே தே³ஸெந்தேன வுத்தே. ஏதத்³வோசாதி
தே³ஸனாபரியோஸானே பஸன்னோ ஸத்³தி⁴ங் புத்ததா³ரமித்தஞாதிவக்³கே³ன
ப⁴க்³வதோ பாதே³ வந்தி³த்வா ஏதங் “அபி⁴க்கந்தங் போ⁴”திஆதி³வசனங்
அவோச. து³தியங்.

3. தே³வஹிதஸுத்தவண்ணனா

199. ததியே வாதேஹீதி உத³ரவாதேஹி. ப⁴க்³வதோ கிர ச²ப்³புஸ்ஸானி
து³க்கரகாரிகங் கரொந்தஸ்ஸ பஸதமுக்³யுஸாதீ³னி ஆஹாரயதோ
து³ப்³போ⁴ஜனேன சேவ து³க்க²ஸெய்யாய ச உத³ரவாதோ குப்பி. அபரபா⁴கே³
ஸம்போ³தி⁴ங் பத்வா பணீதபோ⁴ஜனங் பு⁴ஞ்ஜந்தஸ்ஸாபி அந்தரந்தரா ஸோ
ஆபா³தோ⁴ அத்தானங் த³ஸ்ஸேதியேவ. தங் ஸந்தா⁴யேதங் வுத்தங்.
உபட்டா²கோ ஹோதீதி பட²ம்போ³தி⁴யங் அனிப³த்³து⁴பட்டா²ககாலே
உபட்டா²கோ ஹோதி. தஸ்மிங் கிர காலே ஸத்து²அஸீதிமஹாதே²ரேஸு
உபட்டா²கோ அபு⁴தபு³போ³ நாம நத்தி². நாக³ஸமாலோ உபவானோ
ஸுனக்க²த்தோ சுந்தோ³ ஸமணுத்³தே³ஸோ ஸாக³தோ போ³தி⁴ மேகி⁴யோதி
இமே பன பானியங் ஆக³துபட்டா²கா. இமஸ்மிங் பன காலே உபவானத்தே²ரோ
பாதோவ உட்டா²ய பரிவேணஸம்மஜ்ஜனங் த³ந்தகட்ட²தா³னங்
ந்ஹானோத³கபரியாத³னங் பத்தசீவரங் க³ஹெத்வா அனுக்³மனந்தி ஸப்³பங்
ப⁴க்³வதோ உபட்டா²னமகாஸி. உபஸங்கமீதி பட²ம்போ³தி⁴யங் கிர வீஸதி
வஸ்ஸானி நித்³தா⁴மங் அரஞ்ஞமேவ ஹோதி, பி⁴க்கு²ஸங்க⁴ஸ்ஸ
உத³கதாபனம்பி ந ப⁴க்³வதா அனுஞ்ஞாதங். ஸோ ச ப்³ராஹ்மணோ
உத்³த⁴னபாளிங் ப்³ந்தா⁴பெத்வா மஹாசாடியோ உத்³த⁴னமாரோபெத்வா
உண்ஹோத³கங் காரெத்வா, ந்ஹானீயசுண்ணாதீ³ஹி ஸத்³தி⁴ங் தங்
விக்கிணந்தோ ஜீவிகங் கப்பேதி. ந்ஹாயிதுகாமா தத்த² க³ந்த்வா மூலங் த³த்வா
ந்ஹாயித்வா க³ந்தே⁴ விலிம்பித்வா மாலங் பிளந்தி⁴த்வா பக்கமந்தி. தஸ்மா
தே²ரோ தத்த² உபஸங்கமி.

கிங் பத்தயானோதி கிங் இச்ச²ந்தோ. கிங் ஏஸந்தி கிங் க³வேஸந்தோ.
பூஜிதோ பூஜனெய்யானந்தி இத³ங் தே²ரோ த³ஸப³லஸ்ஸ வண்ணங்
கதே²துமாரபி⁴. கி³லானபே⁴ஸஜ்ஜத்த²ங் க³தேன கிர கி³லானஸ்ஸ வண்ணோ
கதே²தப்³போ³தி வத்தமேதங். வண்ணங் ஹி ஸுத்வா மனுஸ்ஸா ஸக்கச்சங்
பே⁴ஸஜ்ஜங் தா³தப்³பங் மஞ்ஞந்தி. ஸப்பாயபே⁴ஸஜ்ஜங் லத்³தா⁴
கி³லானோ கி³ப்பமேவ வுட்டா²தி. கதே²ந்தேன ச

ஜா²னவிமொக்க²ஸமாபத்திமக்³ப²லானி ஆரப்³ப⁴ கதே²துங் ந வட்டதி.
 “ஸீலவா லஜ்ஜீ குக்குச்சகோ ப்³ஹுஸ்ஸுதோ ஆக³மத⁴ரோ
 வங்ஸானுரக்க²கோ”தி ஏவங் பன ஆக³மனியபடிபத³ங்யேவ கதே²துங் வட்டதி.
 பூஜனெய்யானந்தி அஸீதிமஹாதே²ரா ஸதே³வகேன லோகேன பூஜேதப்³பா³தி
 பூஜனெய்யா. தேயேவ ஸக்காதப்³பா³தி ஸக்கரெய்யா. தேஸங்யேவ அபசிதி
 கத்தப்³பா³தி அபசெய்யா. ப⁴க³வா தேஸங் பூஜிதோ ஸக்கதோ அபசிதோ ச,
 இச்சஸ்ஸ தங் கு³ணங் பகாஸெந்தோ தே²ரோ ஏவமாஹ. ஹாதவேதி
 ஹரிதுங்.

பா²ணிதஸ்ஸ ச புடந்தி மஹந்தங் நிச்சா²ரிகங் கு³ளபிண்ட³ங். ஸோ கிர
 “கிங் ஸமணஸ்ஸ கோ³தமஸ்ஸ அபா²ஸுக”ந்தி? புச்சி²த்வா, “உத³ரவாதோ”தி
 ஸுத்வா, “தேன ஹி மயமெத்த² பே⁴ஸஜ்ஜங் ஜானாம, இதோ தோ²கேன
 உத³கேன இத³ங் பா²ணிதங் ஆலோளெத்வா ந்ஹானபரியோஸானே பாதுங்
 தே³த², இதி உண்ஹோத³கேன ப்³ஹி பரிஸேதோ³ ப⁴விஸ்ஸதி, இமினா
 அந்தோதி ஏவங் ஸமணஸ்ஸ கோ³தமஸ்ஸ பா²ஸுகங் ப⁴விஸ்ஸதீ”தி
 வத்வா தே²ரஸ்ஸ பத்தே பக்கி²பித்வா அதா³ஸி.

உபஸங்கமீதி தஸ்மிங் கிர ஆபா³தே⁴ படிப்பஸ்ஸத்³தே⁴ “தே³வஹிதேன
 ததா²க³தஸ்ஸ பே⁴ஸஜ்ஜங் தி³ன்னங், தேனேவ ரோகோ³ லுபஸந்தோ,
 அஹோ தா³னங் பரமதா³னங் ப்³ராஹ்மணஸ்ஸா”தி கதா² வித்தா²ரிதா ஜாதா.
 தங் ஸுத்வா கித்திகாமோ ப்³ராஹ்மணோ “எத்தகேனபி தாவ மே அயங்
 கித்திஸத்³தோ³ அப்³பு⁴க்³தோ”தி ஸோமனஸ்ஸஜாதோ அத்தனா கதபா⁴வங்
 ஜானாபேதுகாமோ தாவதகேனேவ த்³ஸப³லே விஸ்ஸாஸங் ஆபஜ்ஜித்வா
 உபஸங்கமி.

த³ஜ்ஜாதி த³தெ³ய்ய. கத²ங் ஹி யஜமானஸ்ஸாதி கேன காரணேன
 யஜந்தஸ்ஸ. இஜ்ஜதீதி ஸமிஜ்ஜ²தி மஹப்ப²லோ ஹோதி. யோவேதீ³தி யோ
 அவேதி³ அஞ்ஞாஸி, விதி³தங் பாகடமகாஸி “யோவேதீ”திபி பாடோ², யோ
 அவேதி ஜானாதீதி அத்தோ². பஸ்ஸதீதி தி³ப்³சக்கு²னா பஸ்ஸதி.
 ஜாதிக்க²யந்தி அரஹத்தங். அபி⁴ஞ்ஞாவோஸிதோதி ஜானித்வா வோஸிதோ
 வோஸானங் கதகிச்சதங் பத்தோ. ஏவங் ஹி யஜமானஸ்ஸாதி இமினா
 கீ²ணாஸவே யஜனாகாரேன யஜந்தஸ்ஸ. ததியங்.

4. மஹாஸாலஸுத்தவண்ணனா

200. சதுத்தே² லூகோ² லூக²பாவரணோதி ஜிண்ணோ ஜிண்ணபாவரணோ.
 உபஸங்கமீதி கஸ்மா உபஸங்கமி? தஸ்ஸ கிர க⁴ரே
 அட்ட²ஸதஸஹஸ்ஸத⁴னங் அஹோஸி. ஸோ சதுன்னங் புத்தானங்
 ஆவாஹங் கத்வா சத்தாரி ஸதஸஹஸ்ஸானி அதா³ஸி . அத²ஸ்ஸ
 ப்³ராஹ்மணியா காலங்கதாய புத்தா ஸம்மந்தயிங்ஸு - “ஸசே அஞ்ஞங்

ப்ராஹ்மணிங் ஆனெஸ்ஸதி, தஸ்ஸா குச்சியங் நிப்ப்த்தவஸேன குலங்
 பிஜ்ஜிஸ்ஸதி. ஹந்த³ நங் மயங் ஸங்க³ண்ஹாமா”தி. தே சத்தாரோபி
 பணீதேஹி காஸ்ச²த³னாதீ³ஹி உபட்ட²ஹந்தா
 ஹத்த²பாத³ஸம்பா³ஹனாதீ³னி கரொந்தா ஸங்க³ண்ஹித்வா ஏகதி³வஸங் தி³வா
 நித்த³யித்வா வுட்டி²தஸ்ஸ ஹத்த²பாதே³ ஸம்பா³ஹமானா பாடியேக்கங்
 க⁴ராவாஸே ஆதீ³னவங் வத்வா - “மயங் தும்ஹே இமினா நீஹாரேன
 யாவஜீவங் உபட்ட²ஹிஸ்ஸாம, ஸேஸத⁴னம்பி நோ தே³தா²”தி யாசிங்ஸு.
 ப்ராஹ்மணோ புன ஏகேகஸ்ஸ ஸதஸஹஸ்ஸங் ஸதஸஹஸ்ஸங் த³த்வா
 அத்தனோ நிவத்த²பாருபனமத்தங் ட²பெத்வா ஸப்³ப³ங் உபபோ⁴க³பரிபோ⁴க³ங்
 சத்தாரோ கொட்டா²ஸே கத்வா நிய்யாதே³ஸி. தங் ஜெட்ட²புத்தோ கதிபாஹங்
 உபட்ட²ஹி.

அத² நங் ஏகதி³வஸங் ந்ஹத்வா ஆக³ச்ச²ந்தங் த³வாரகொட்ட²கே ட²த்வா
 ஸுண்ஹா ஏவமாஹ - “கிங் தயா ஜெட்ட²புத்தஸ்ஸ ஸதங் வா ஸஹஸ்ஸங்
 வா அதிரேகங் தி³ன்னமத்தி²? நனு ஸப்³பே³ஸங் த³வே த³வே
 ஸதஸஹஸ்ஸானி தி³ன்னானி, கிங் ஸேஸபுத்தானங் க⁴ரஸ்ஸ மக்³க³ங் ந
 ஜானாஸீ”தி? ஸோ “நஸ்ஸ வஸலீ”தி குஜ்ஜி²த்வா அஞ்ஞஸ்ஸ க⁴ரங்
 அக³மாஸி, ததோபி கதிபாஹச்சயேன இமினாவ உபாயேன பலாபிதோ
 அஞ்ஞஸ்ஸாதி ஏவங் ஏகக⁴ரேபி பவேஸனங் அலப⁴மானோ
 பண்ட³ரங்க³பப்³ப³ஜ்ஜங் பப்³ப³ஜித்வா பி⁴க்கா²ய சரந்தோ காலானமச்சயேன
 ஜராஜிண்ணோ து³ப்³போ⁴ஜனது³க்க²ஸெய்யாஹி மிலாதஸரீரோ
 பி⁴க்கா²சாரதோ ஆக³ம்ம, பீ²காய நிபன்னோ நித்த³ங் ஓக்கமித்வா வுட்டா²ய
 நிஸின்னோ அத்தானங் ஓலோகெத்வா புத்தேஸு பதிட்ட²ங் அபஸ்ஸந்தோ
 சிந்தேஸி - “ஸமணோ கிர கோ³தமோ அப்³பா⁴குடிகோ உத்தானமுகோ²
 ஸுக²ஸம்பா⁴ஸோ படிஸந்தா²ரகுஸலோ, ஸக்கா ஸமணங் கோ³தமங்
 உபஸங்கமித்வா படிஸந்தா²ரங் லபி⁴து”ந்தி நிவாஸனபாவுரணங்
 ஸண்ட²பெத்வா பி⁴க்கா²பா⁴ஜனமாத³ய யேன ப⁴க³வா தேனுபஸங்கமி.

தா³ரேஹி ஸங்புச்ச² க⁴ரா நிக்கா²மெந்தீதி ஸப்³ப³ங் மம ஸந்தகங்
 க³ஹெத்வா மய்ஹங் நித்த³⁴னபா⁴வங் ஞத்வா அத்தனோ ப⁴ரியாஹி
 ஸத்³தி⁴ங் மந்தயித்வா மங் க⁴ரா நிக்கட்³டா⁴பெந்தி.

நந்தி³ஸ்ஸந்தி நந்தி³ஜாதோ துட்டோ² பமுதி³தோ அஹோஸிங்.
 ப⁴வமிச்சி²ஸந்தி வுட்³டி⁴ங் பத்த²யிங். ஸாவ வாரெந்தி ஸுகரந்தி யதா²
 ஸுனகா² வக்³க³வக்³கா³ ஹுத்வா பு⁴ஸ்ஸந்தா பு⁴ஸ்ஸந்தா ஸுகரங்
 வாரெந்தி, புனப்புனங் மஹாரவங் ரவாபெந்தி, ஏவங் தா³ரேஹி ஸத்³தி⁴ங் மங்
 ப³ஹுங் வத்வா விரவந்தங் பலாபெந்தீதி அத்தோ².

அஸந்தாதி அஸப்புரிஸா. ஜம்மாதி லாமகா. பா⁴ஸரேதி பா⁴ஸந்தி.
புத்தருபேனாதி புத்தவேஸேன. வயோக³தந்தி தயோ வயே க³தங் அதிகந்தங்
பச்சி²மவயே டி²தங் மங். ஜஹந்தீதி பரிச்சஜந்தி.

நிப்³போ⁴கோ³தி நிப்பரிபோ⁴கோ³. கா²த³னா அபனீயதீதி அஸ்ஸோ ஹி
யாவதே³வ தருணோ ஹோதி ஜவஸம்பன்னோ, தாவஸ்ஸ நானாரஸங்
கா²த³னங் த³த³ந்தி, ஜிண்ணங் நிப்³போ⁴க³ங் ததோ அபனெந்தி, அந்திமவயே
தங் வத்தங் ந லப⁴தி, கா³வீஹி ஸத்³தி⁴ங் அடவியங் ஸுக்க²திணானி
கா²த³ந்தோ சரதி. யதா² ஸோ அஸ்ஸோ, ஏவங் ஜிண்ணகாலே
விலுத்தஸப்³ப³த⁴னத்தா நிப்³போ⁴கோ³ மாதி³ஸோபி பா³லகானங் பிதா
தே²ரோ பரக⁴ரேஸு பி⁴க்க²தி.

யஞ்சேதி நிபாதோ. இத³ங் வத்தங் ஹோதி - யே மம புத்தா அனஸ்ஸவா
அப்பதிஸ்ஸா அவஸவத்தினோ, தேஹி த³ண்டோ³வ கிர ஸெய்யோ
ஸுந்த³ரதரோதி. இதா³னிஸ்ஸ ஸெய்யபா⁴வங் த³ஸ்ஸேதுங் சண்ட³ம்பி
கோ³ணந்திஆதி³ வத்தங்.

புரே ஹோதீதி அக்க³தோ ஹோதி, தங் புரதோ கத்வா க³ந்துங் ஸுக²ங்
ஹோதீதி அத்தோ². கா³த⁴மேத⁴தீதி உத³கங் ஓதரணகாலே க³ம்பீ⁴ரே
உத³கே பதிட்ட²ங் லப⁴தி.

பரியாபுணித்வாதி உக்க³ண்ஹித்வா வா வாசுக்க³தா கத்வா.
ஸன்னிஸின்னேஸுதி ததா²ருபே ப்³ராஹ்மணானங் ஸமாக³மதி³வஸே
ஸப்³பா³லங்காரபடிமண்டி³தேஸு புத்தேஸு தங் ஸப⁴ங் ஓகா³ஹெத்வா
ப்³ராஹ்மணானங் மஜ்ஜே² மஹாரஹே ஆஸனே நிஸின்னேஸு. அபா⁴ஸீதி
'அயங் மே காலோ'தி ஸபா⁴ய மஜ்ஜே² பவிஸித்வா ஹத்த²ங் உக்கி²பித்வா ,
“போ⁴ அஹங் தும்ஹாகங் கா³தா² பா⁴ஸிதுகாமோ, பா⁴ஸிதே
ஸுணிஸ்ஸதா²”தி வத்வா - “பா⁴ஸ, ப்³ராஹ்மண, ஸுணோமா”தி வத்தோ
டி²தகோவ அபா⁴ஸி. “தேன ச ஸமயேன மனுஸ்ஸானங் வத்தங் ஹோதி
யோ மாதாபிதூனங் ஸந்தகங் கா²த³ந்தோ மாதாபிதரோ ந போஸேதி, ஸோ
மாரேதப்³போ³”தி. தஸ்மா தே ப்³ராஹ்மணபுத்தா பிதுபாதே³ஸு நிபதித்வா
“ஜீவிதங் நோ தாத, தே³ஹீ”தி யாசிங்ஸு. ஸோ பிதுஹத³யஸ்ஸ புத்தானங்
முது³த்தா “மா மே, போ⁴, பா³லகே வினாஸயித்த², போஸிஸ்ஸந்தி ம”ந்தி
ஆஹ.

அத²ஸ்ஸ புத்தே மனுஸ்ஸா ஆஹங்ஸு - “ஸசே, போ⁴, அஜ்ஜ பட்டா²ய
பிதரங் ந ஸம்மா படிஜக்கி³ஸ்ஸத², கா⁴தெஸ்ஸாம வோ”தி. தே பீ⁴தா
க⁴ரங் நெத்வா படிஜக்கி³ங்ஸு. தங் த³ஸ்ஸேதுங் அத² கோ² நங்
ப்³ராஹ்மணமஹாஸாலந்திஆதி³ வத்தங். தத்த² நெத்வாதி பீ⁴டே²
நிஸீதா³பெத்வா ஸயங் உக்கி²பித்வா நயிங்ஸு. நஹாபெத்வாதி ஸரீரங்

தேலேன அப்³பு⁴ஞ்ஜித்வா உப்³பு³ட்டெத்வா க³ந்த⁴சுண்ணாதீ³ஹி
ந்ஹாபேஸுங். ப்³ராஹ்மணியோபி பக்கோஸாபெத்வா, “அஜ்ஜ பட்டா²ய
அம்ஹாகங் பிதரங் ஸம்மா படிஜக்³க³த². ஸசே பமாத³ங் ஆபஜ்ஜிஸ்ஸத²,
க⁴ரதோ வோ நிக்கட்³டி⁴ஸ்ஸாமா”தி வத்வா, பணீதபோ⁴ஜனங்
போ⁴ஜேஸுங்.

ப்³ராஹ்மணோ ஸுபோ⁴ஜனஞ்ச ஸுக²ஸெய்யஞ்ச ஆக³ம்ம
கதிபாஹச்சயேன ஸஞ்ஜாதப³லோ பீணிதிந்த்³ரியோ அத்தபா⁴வங்
ஓலோகெத்வா, “அயங் மே ஸம்பத்தி ஸமணங் கோ³தமங் நிஸ்ஸாய
லத்³தா⁴”தி பண்ணாகாரங் ஆதா³ய ப⁴க³வதோ ஸந்திகங் அக³மாஸி. தங்
த³ஸ்ஸேதுங் அத² கோ² ஸோதிஆதி³ வுத்தங். தத்த² ஏதத³வோசாதி
து³ஸ்ஸயுக³ங் பாத³முலே ட²பெத்வா ஏதங் அவோச. ஸரணக³மனாவஸானே
சாபி ப⁴க³வந்தங் ஏவமாஹ - “போ⁴ கோ³தம, மய்ஹங் புத்தேஹி சத்தாரி
து⁴ரப⁴த்தானி தி³ன்னானி , ததோ அஹங் த்³வே தும்ஹாகங் த³ம்மி, த்³வே
ஸயங் பரிபு⁴ஞ்ஜிஸ்ஸாமீ”தி. கல்யாணங், ப்³ராஹ்மண, பாடியேக்கங் பன மா
நிய்யாதே³ஹி, அம்ஹாகங் ருச்சனட்டா²னமேவ க³மிஸ்ஸாமாதி. “ஏவங்,
போ⁴”தி கோ² ப்³ராஹ்மணோ ப⁴க³வந்தங் வந்தி³த்வா க⁴ரங் க³ந்த்வா புத்தே
ஆமந்தேஸி “தாதா, ஸமணோ கோ³தமோ மய்ஹங் ஸஹாயோ, தஸ்ஸ த்³வே
து⁴ரப⁴த்தானி தி³ன்னானி, தும்ஹே தஸ்மிங் ஸம்பத்தே மா பமஜ்ஜதா²”தி.
ஸாது⁴, தாதாதி. புனதி³வஸே ப⁴க³வா புப்³பு³ண்ஹஸமயே பத்தசீவரங்
ஆதா³ய ஜெட்ட²புத்தஸ்ஸ நிவேஸனத்³வாரங் க³தோ. ஸோ ஸத்தா²ரங்
தி³ஸ்வாவ ஹத்த²தோ பத்தங் க³ஹெத்வா க⁴ரங் பவேஸெத்வா மஹாரஹே
பல்லங்கே நிஸீதா³பெத்வா பணீதபோ⁴ஜனமதா³ஸி. ஸத்தா² புனதி³வஸே
இதரஸ்ஸ, புனதி³வஸே இதரஸ்ஸாதி படிபாடியா ஸப்³பே³ஸங் க⁴ரானி
அக³மாஸி. ஸப்³பே³ ததே²வ ஸக்காரங் அகங்ஸு.

அதே²கதி³வஸங் ஜெட்ட²புத்தஸ்ஸ க⁴ரே மங்கல்ங் பச்சபட்டி²தங். ஸோ
பிதரங் ஆஹ - “தாத, கஸ்ஸ மங்கல்ங் தே³மா”தி. அம்ஹே அஞ்ஞங் ந
ஜானாம? நனு ஸமணோ கோ³தமோ மய்ஹங் ஸஹாயோதி? தேன ஹி
தும்ஹே பஞ்சஹி பி⁴க்கு²ஸதேஹி ஸத்³தி⁴ங் ஸ்வாதனாய ஸமணங்
கோ³தமங் நிமந்தேதா²தி. ப்³ராஹ்மணோ ததா² அகாஸி . ப⁴க³வா
அதி⁴வாஸெத்வா புனதி³வஸே பி⁴க்கு²ஸங்க⁴பரிவுதோ தஸ்ஸ
கே³ஹத்³வாரங் அக³மாஸி. ஸோ ஹரிதுபலித்தங் ஸப்³பா³லங்காரபடிமண்டி³தங்
கே³ஹங் ஸத்தா²ரங் பவேஸெத்வா புத்³த⁴ப்பமுக²ங் பி⁴க்கு²ஸங்க⁴ங்
பஞ்ஞத்தாஸனேஸு நிஸீதா³பெத்வா அப்போத³கபாயாஸஞ்சேவ
க²ஜ்ஜகவிகதிஞ்ச அதா³ஸி. அந்தரப⁴த்தஸ்மிங்யேவ ப்³ராஹ்மணஸ்ஸ
சத்தாரோபி புத்தா ஸத்து² ஸந்திகே நிஸீதி³த்வா ஆஹங்ஸு - “போ⁴ கோ³தம,
மயங் அம்ஹாகங் பிதரங் படிஜக்³கா³ம நப்பமஜ்ஜாம, பஸ்ஸத²ஸ்ஸ
அத்தபா⁴வ”ந்தி. ஸத்தா² “கல்யாணங் வோ கதங், மாதாபிதுபோஸகங் நாம

போராணகபண்டி³தானங் ஆசிண்ணமேவா²தி வத்வா மஹானாக³ஜாதகங் (ஜா. 1.11.1 ஆத³யோ; சரியா. 2.1 ஆத³யோ) நாம கதெ²த்வா, சத்தாரி ஸச்சானி தீ³பெத்வா த⁴ம்மங் தே³ஸேஸி. தே³ஸனாபரியோஸானே ப்³ராஹ்மணோ ஸத்³தி⁴ங் சதூஹி புத்தேஹி சதூஹி ச ஸுண்ணஹாஹி தே³ஸனானுஸாரேன ஞாணங் பேஸெத்வா ஸோதாபத்திப²லே பதிட்டி²தோ. ததோ பட்டா²ய ஸத்தா² ந ஸப்³பகாலங் தேஸங் கே³ஹங் அக³மாஸீதி. சதுத்த²ங்.

5. மானத்த²த்³த⁴ஸுத்தவண்ணனா

201. பஞ்சமே மானத்த²த்³தோ⁴தி வாதப⁴ரிதப⁴ஸ்தா விய மானேன த²த்³தோ⁴. ஆசரியந்தி ஸிப்புக்³ஹணகாலே ஆசரியோ அனபி⁴வாதெ³ந்தஸ்ஸ ஸிப்பங் ந தே³தி, அஞ்ஞஸ்மிங் பன காலே தங் ந அபி⁴வாதே³தி, அத்தி²பா⁴வம்பிஸ்ஸ ந ஜானாதி. நாயங் ஸமணோதி ஏவங் கிரஸ்ஸ அஹோஸி - “யஸ்மா அயங் ஸமணோ மாதி³ஸே ஜாதிஸம்பன்னப்³ராஹ்மணே ஸம்பத்தே படிஸந்தா²ரமத்தம்பி ந கரோதி, தஸ்மா ந கிஞ்சி ஜானாதீ²தி.

அப்³பு⁴தவித்தஜாதாதி அபு⁴தப்பு³பா³ய துட்டி²யா ஸமன்னாக³தா. கேஸு சஸ்ஸாதி கேஸு ப⁴வெய்ய. க்யஸ்ஸாதி கே அஸ்ஸ புக்³கல்ஸ்ஸ. அபசிதா அஸ்ஸுதி அபசிதிங் த³ஸ்ஸேதுங் யுத்தா ப⁴வெய்யுங். அரஹந்தேதி இமாய கா³தா²ய தே³ஸனாகுஸலத்தா அத்தானங் அந்தோகத்வா பூஜனெய்யங் த³ஸ்ஸேதி. பஞ்சமங்.

6. பச்சனீகஸுத்தவண்ணனா

202. ச²ட்டே² “ஸப்³பங் ஸேத”ந்தி வுத்தே “ஸப்³பங் கண்ஹ”ந்திஆதி³னா நயேன பச்சனீகங் கரொந்தஸ்ஸேவஸ்ஸ ஸாதங் ஸுக²ங் ஹோதீதி பச்சனீகஸாதோ. யோ ச வினெய்ய ஸாரம்ப⁴ந்தி யோ கரணுத்தரியலக்க²ணங் ஸாரம்ப⁴ங் வினெத்வா ஸுணாதீதி அத்தோ². ச²ட்ட²ங்.

7. நவகம்மிகஸுத்தவண்ணனா

203. ஸத்தமே நவகம்மிகபா⁴ரத்³வாஜோதி ஸோ கிர அரஞ்ஞே ருக்க²ங் சி²ந்தா³பெத்வா தத்தே²வ பாஸாத³கூடாகா³ராதீ³னி யோஜெத்வா நக³ரங் ஆஹரித்வா விக்கிணாதி, இதி நவகம்மங் நிஸ்ஸாய ஜீவதீதி நவகம்மிகோ, கொ³த்தேன பா⁴ரத்³வாஜோதி நவகம்மிகபா⁴ரத்³வாஜோ. தி³ஸ்வானஸ்ஸ ஏதத³ஹோஸீதி ச²ப்³பண்ணரஸ்மியோ விஸ்ஸஜ்ஜெத்வா நிஸின்னங் ப⁴க³வந்தங் தி³ஸ்வான அஸ்ஸ ஏதங் அஹோஸி. வனஸ்மிந்தி இமஸ்மிங் வனஸண்டே³. உச்சி²ன்னமூலங் மே வனந்தி மய்ஹங் கிலேஸவனங் உச்சி²ன்னமூலங். நிப்³பனதோ²தி நிக்கிலேஸவனோ. ஏகோ ரமேதி ஏககோ

அபி⁴ரமாமி. அரதிங் விப்பஹாயாதி பந்தஸேனாஸனேஸு சேவ பா⁴வனாய
ச உக்கண்டி²தங் ஜஹித்வா. ஸத்தமங்.

8. கட்ட²ஹாரஸுத்தவண்ணனா

204. அட்ட²மே அந்தேவாஸிகாதி வெய்யாவச்சங் கத்வா
ஸிப்புக்³ண்ணனகா த⁴ம்மந்தேவாஸிகா. நிஸின்னந்தி ச²ப்³ண்ணரஸ்மியோ
விஸ்ஸஜ்ஜெத்வா நிஸின்னங். க³ம்பீ⁴ரருபேதி க³ம்பீ⁴ரஸபா⁴வே.

ப³ஹுபே⁴ரவேதி தத்ரட்ட²கஸவிஞ்ஞாணகஅவிஞ்ஞாணகபே⁴ரவேஹி
ப³ஹுபே⁴ரவே. விகா³ஹியாதி அனுபவிஸித்வா. அனிஞ்ஜமானேனாதிஆதீ³னி
காயவிலேஸனானி, ஏவருபேன காயேனாதி அத்தோ². ஸாசாருருபங் வதாதி
அதிஸுந்த³ரங் வத ஜா²னங் ஜா²யஸீதி வத³தி.

வனவஸ்ஸிதோ முனீதி வனங் அவஸ்ஸிதோ பு³த்⁴முனி. இத³ந்தி
இத³ங் தும்ஹாகங் ஏவங் வனே நிஸின்னகாரணங் மய்ஹங் அச்சே²ரருபங்
படிபா⁴தி. பீதிமனோதி துட்ட²சித்தோ. வனே வஸேதி வனம்ஹி வஸி.

மஞ்ஞாமஹந்தி மஞ்ஞாமி அஹங். லோகாதி⁴பதிஸஹப்³யதந்தி
லோகாதி⁴பதிமஹாப்³ரஹ்முனா ஸஹபா⁴வங். ஆகங்க²மானோதி
இச்ச²மானோ. திதி³வங் அனுத்தரந்தி இத³ங் ப்³ரஹ்மலோகமேவ
ஸந்தா⁴யாஹ. கஸ்மா ப⁴வங் விஜனமரஞ்ஞாமஸ்ஸிதோதி அஹங் தாவ
ப்³ரஹ்மலோகங் ஆகங்க²மானோதி மஞ்ஞாமி. யதி³ ஏவங் ந ஹோதி, அத² மே
ஆசிக்க², கஸ்மா ப⁴வந்தி? புச்ச²தி. ப்³ரஹ்மபத்தியாதி ஸெட்ட²பத்தியா .
இத⁴ இத³ங் தபோ கஸ்மா கரோஸீதி அபரேனபி ஆகாரேன புச்ச²தி.

கங்கா²தி தண்ஹா. அபி⁴னந்த³னாதி அபி⁴னந்த³னவஸேன தண்ஹாவ
வுத்தா. அனேகதா⁴தூஸுதி அனேகஸபா⁴வேஸு ஆரம்மணேஸு. புதா²தி
நானப்பகாரா தண்ஹா ஸேஸகிலேஸா வா. ஸதா³ஸிதாதி நிச்சகாலங்
அவஸ்ஸிதா. அஞ்ஞாணமூலப்பப⁴வாதி அவிஜ்ஜாமூலா ஹுத்வா ஜாதா.
பஜப்பிதாதி தண்ஹாவ “இத³ம்பி மய்ஹங், இத³ம்பி மய்ஹ”ந்தி
பஜப்பாபனவஸேன பஜப்பிதா நாமாதி வுத்தா. ஸப்³பா³ மயா ப்³யந்திகதாதி
ஸப்³பா³ தண்ஹா மயா அக்³க³மக்³கே³ன விக³தந்தா நிரந்தா கதா. ஸமூலிகாதி
ஸத்³தி⁴ங் அஞ்ஞாணமூலேன.

அனுபயோதி அனுபக³மனோ. ஸப்³பே³ஸு த⁴ம்மேஸு
விஸுத்³த⁴தஸ்ஸனோதி இமினா ஸப்³புஞ்ஞுதஞ்ஞாணங் தீ³பேதி.
ஸம்போ³தி⁴மனுத்தரந்தி அரஹத்தங் ஸந்தா⁴யாஹ. ஸிவந்தி ஸெட்ட²ங் .
ஜா²யாமீதி த்³வீஹி ஜா²னேஹி ஜா²யாமி. விஸாரதோ³தி விக³தஸாரஜ்ஜோ.
அட்ட²மங்.

9. மாதுபோஸகஸுத்தவண்ணனா

205. நவமே பேச்சாதி இதோ படிக்கந்த்வா. நவமங்.

10. பி⁴க்க²கஸுத்தவண்ணனா

206. த³ஸமே இதா⁴தி இமஸ்மிங் பி⁴க்கு²பா⁴வே. விஸ்ஸங் த⁴ம்மந்தி து³க்க³ந்த⁴ங் அகுஸலத⁴ம்மங். பா³ஹித்வாதி அக்க³மக்க³கே³ன ஜஹித்வா. ஸங்கா²யாதி ஞானேன. ஸ வே பி⁴க்க²தி வச்சதீதி ஸோ வே பி⁴ன்னகிலேஸத்தா பி⁴க்கு² நாம வச்சதி. த³ஸமங்.

11. ஸங்கா³ரவஸுத்தவண்ணனா

207. ஏகாத³ஸமே பச்சேதீதி இச்ச²தி பத்தே²தி. ஸாது⁴, ப⁴ந்தேதி ஆயாசமானோ ஆஹ. தே²ரஸ்ஸ கிரேஸ கி³ஹிஸஹாயோ, தஸ்மா தே²ரோ “அயங் வராகோ மங் ஸஹாயங் லபி⁴த்வாபி மிச்சா²தி³ட்டி²ங் க³ஹெத்வா மா அபாயபூரகோ அஹோஸீ”தி ஆயாசதி. அபிசேஸ மஹாபரிவாரோ, தஸ்மிங் பஸன்னே பஞ்சகுலஸதானி அனுவத்திஸ்ஸந்தீதி மஞ்ஞமானோபி ஆயாசதி. அத்த²வஸந்தி அத்தா²னிஸங்ஸங் அத்த²காரணங். பாபந்தி பாணாதிபாதாதி³அகுஸலங். பவாஹேமீதி க³லப்பமாணங் உத³கங் ஓதரித்வா பவாஹேமி பலாபேமி. த⁴ம்மோதி கா³தா² வுத்தத்தா²வ. ஏகாத³ஸமங்.

12. கோ²மது³ஸ்ஸஸுத்தவண்ணனா

208. த³வாத³ஸமே கோ²மது³ஸ்ஸங் நாமாதி கோ²மது³ஸ்ஸானங் உஸ்ஸன்னத்தா ஏவங்லத்³த⁴னாமங். ஸபா⁴யந்தி ஸாலாயங். பு²ஸாயதீதி பு²ஸிதானி முஞ்சதி வஸ்ஸதி. ஸத்தா² கிர தங் ஸப⁴ங் உபஸங்கமிதுகாமோ - “மயி ஏவமேவங் உபஸங்கமந்தே அபா²ஸுகதா⁴துகங் ஹோதி, ஏகங் காரணங் படிச்ச உபஸங்கமிஸ்ஸாமீ”தி அதி⁴ட்டா²னவஸேன வுட்டி²ங் உப்பாதே³ஸி. ஸபா⁴த⁴ம்மந்தி ஸுக²னிஸின்னே கிர அஸஞ்சாலெத்வா ஏகபஸ்ஸேன பவிஸனங் தேஸங் ஸபா⁴த⁴ம்மோ நாம, ந மஹாஜனங் சாலெத்வா உஜுகமேவ பவிஸனங். ப⁴க³வா ச உஜுகமேவ ஆக³ச்ச²தி, தேன தே குபிதா ப⁴க³வந்தங் ஹீளெந்தா “கே ச முண்ட³கா ஸமணகா, கே ச ஸபா⁴த⁴ம்மங் ஜானிஸ்ஸந்தீ”தி ஆஹங்ஸு. ஸந்தோதி பண்டி³தா ஸப்புரிஸா. பஹாயாதி ஏதே ராகா³த³யோ ஜஹித்வா ராகா³தி³வினயாய த⁴ம்மங் ப⁴ணந்தி, தஸ்மா தே ஸந்தோ நாமாதி. த³வாத³ஸமங்.

உபாஸகவக்கோ³ து³தியோ.

இதி ஸாரத்த²ப்பகாஸினியா

ஸங்யுத்தனிகாய-அட்ட²கதா²ய

ப்³ராஹ்மணஸங்யுத்தவண்ணனா நி²ட்டி²தா.

8. வங்கீஸஸங்யுத்தங்

1. நிக்கந்தஸுத்தவண்ணனா

209. வங்கீஸஸங்யுத்தஸஸ பட²மே அக்³கா³ளவே சேதியேதி ஆளவியங் அக்³க³சேதியே. அனுப்பன்னே பு³த்³தே⁴ அக்³கா³ளவகோ³தமகாதீ³னி யக்க²னாகா³தீ³னங் ப⁴வனானி, சேதியானி அஹேஸுங். உப்பன்னே பு³த்³தே⁴ தானி அபனெத்வா மனுஸ்ஸா விஹாரே கரிங்ஸு. தேஸங் தானேவ நாமானி ஜாதானி. நிக்³ரோத⁴கப்பேனாதி நிக்³ரோத⁴ருக்க²மூலவாஸினா கப்பத்தே²ரேன. ஓஹிய்யகோதி ஓஹீனகோ. விஹாரபாலோதி ஸோ கிர ததா³ அவஸ்ஸிகோ ஹோதி பத்தசீவரக்³க³ஹணே அகோவிதோ³. அத² நங் தே²ரா பி⁴க்க² - “ஆவுஸோ, இமானி ச²த்துபாஹனகத்தரயட்டி²ஆதீ³னி ஒலோகெந்தோ நிஸீதா³”தி விஹாரரக்க²கங் கத்வா பிண்டா³ய பவிஸிங்ஸு. தேன வுத்தங் “விஹாரபாலோ”தி. ஸமலங்கரித்வாதி அத்தனோ விப⁴வானுருபேன அலங்காரேன அலங்கரித்வா. சித்தங் அனுத்³த⁴ங்ஸேதீதி குஸலசித்தங் வித்³த⁴ங்ஸேதி வினாஸேதி. தங் குதெத்த² லப்³பா⁴தி ஏதஸ்மிங் ராகே³ உப்பன்னே தங் காரணங் குதோ லப்³பா⁴. யங் மே பரோதி யேன மே காரணேன அஞ்ஞோ புக்³க³லோ வா த⁴ம்மோ வா அனபி⁴ரதிங் வினோதெ³த்வா இதா³னேவ அபி⁴ரதிங் உப்பாதெ³ய்ய ஆசரியபஜ்ஜா²யாபி மங் விஹாரே ஓஹாய க³தா.

அகா³ரஸ்மாதி அகா³ரதோ நிக்கந்தங். அனகா³ரியந்தி பப்³ப³ஜ்ஜங் உபக³தந்தி அத்தோ². கண்ஹதோதி கண்ஹபக்க²தோ மாரபக்க²தோ ஆதா⁴வந்தி. உக்³க³புத்தாதி உக்³க³தானங் புத்தா மஹேஸக்கா² ராஜஞ்ஞபூ⁴தா. த³ள்ஹத⁴ம்மினோதி த³ள்ஹத⁴னுனோ, உத்தமப்பமாணங் ஆசரியத⁴னுங் தா⁴ரயமானா. ஸஹஸ்ஸங் அபலாயினந்தி யே தே ஸமந்தா ஸரேஹி பரிகிரெய்யங், தேஸங் அபலாயீனங் ஸங்க²ங் த³ஸ்ஸெந்தோ “ஸஹஸ்ஸ”ந்தி ஆஹ. ஏததோ பி⁴ய்யோதி ஏதஸ்மா ஸஹஸ்ஸா அதிரேகதரா. நேவ மங் ப்யாத⁴யிஸ்ஸந்தீதி மங் சாலேதுங் ந ஸக்கி²ஸ்ஸந்தி. த⁴ம்மே ஸம்ஹி பதிட்டி²தந்தி அனபி⁴ரதிங் வினோதெ³த்வா அபி⁴ரதிங் உப்பாத³னஸமத்தே² ஸகே ஸாஸனத⁴ம்மே பதிட்டி²தங். இத³ங் வுத்தங் ஹோதி - இஸ்ஸாஸஸஹஸ்ஸே தாவ ஸமந்தா ஸரேஹி பரிகிரந்தே ஸிக்கி²தோ புரிஸோ த³ண்ட³கங் க³ஹெத்வா ஸப்³பே³ ஸரே ஸரீரே அபதமானே அந்தராவ பஹரித்வா பாத³மூலே பாதேதி. தத்த² ஏகோபி இஸ்ஸாலோ த³வே ஸரே ஏகதோ ந கி²பதி, இமா பன இத்தி²யோ ரூபாரம்மணாதி³வஸேன பஞ்ச பஞ்ச ஸரே ஏகதோ கி²பந்தி. ஏவங் கி²பந்தியோ ஏதா ஸசேபி அதிரேகஸஹஸ்ஸா ஹோந்தி, நேவ மங் சாலேதுங் ஸக்கி²ஸ்ஸந்தி.

ஸக்கீ² ஹி மே ஸுதங் ஏதந்தி மயா ஹி ஸம்முகா² ஏதங் ஸுதங்.
 நிப்³பா³னக்³மனங் மக்³க³ந்தி விபஸ்ஸனங் ஸந்தா⁴யாஹ. ஸோ ஹி
 நிப்³பா³னஸ்ஸ புப்³பா³பா⁴க³மக்³கோ³, லிங்க³விபல்லாஸேன பன “மக்³க³”ந்தி
 ஆஹ. தத்த² மேதி தஸ்மிங் மே அத்தனோ தருணவிபஸ்ஸனாஸங்கா²தே
 நிப்³பா³னக்³மனமக்³கே³ மனோ நிரதோ. பாபிமாதி கிலேஸங் ஆலபதி. மச்சுதிபி
 தமேவ ஆலபதி. ந மே மக்³க³ம்பி துக்க²ஸீதி யதா² மே ப⁴வயோனிஆதீ³ஸு
 க³தமக்³க³ம்பி ந பஸ்ஸஸி, ததா² கரிஸ்ஸாமீதி. பட²மங்.

2. அரதீஸுத்தவண்ணனா

210. து³தியே நிக்க²மதீதி விஹாரா நிக்க²மதி. அபரஜ்ஜு வா காலேதி
 து³தியதி³வஸே வா பி⁴க்கா²சாரகாலே. விஹாரக்³ருகோ கிரேஸ தே²ரோ.
 அரதிஞ்ச ரதிஞ்சாதி ஸாஸனே அரதிங் காமகு³ணேஸு ச ரதிங். ஸப்³ப³ஸோ
 கே³ஹஸிதஞ்ச விதக்கந்தி பஞ்சகாமகு³ணகே³ஹனிஸ்ஸிதங் பாபவிதக்கஞ்ச
 ஸப்³பா³காரேன பஹாய. வனத²ந்தி கிலேஸமஹாவனங். குஹிஞ்சீதி
 கிஸ்மிஞ்சி ஆரம்மணே. நிப்³ப³னதோ²தி நிக்கிலேஸவனோ. அரதோதி
 தண்ஹாரதிரஹிதோ.

பத²விஞ்ச வேஹாஸந்தி பத²விட்டி²தஞ்ச
 இத்தி²புரிஸவத்தா²லங்காராதி³வண்ணங், வேஹாஸட்ட²கஞ்ச
 சந்த³ஸூரியோபா⁴ஸாதி³. ரூபக்³தந்தி ரூபமேவ. ஜக்³தோக்³த⁴ந்தி ஜக்³தியா
 ஓக்³த⁴ங், அந்தோபத²வியங் நாக³ப⁴வனக்³தந்தி அத்தோ². பரிஜீயதீதி பரிஜீரதி.
 ஸப்³ப³மனிச்சந்தி ஸப்³ப³ங் தங் அனிச்சங். அயங் தே²ரஸ்ஸ
 மஹாவிபஸ்ஸனாதி வத³ந்தி. ஏவங் ஸமச்சாதி ஏவங் ஸமாக³ந்த்வா. சரந்தி
 முதத்தாதி விஞ்ஞாதத்தபா⁴வா விஹரந்தி.

உபதீ⁴ஸூதி க²ந்த⁴கிலேஸாபி⁴ஸங்கா²ரேஸு. க³தி⁴தாதி கி³த³தா⁴.
 தி³ட்ட²ஸுதேதி சக்கு²னா தி³ட்டே² ரூபே, ஸோதேன ஸுதே ஸத்³தே³. படிகே⁴
 ச முதே சாதி எத்த² படிக⁴பதே³ன க³ந்த⁴ரஸா க³ஹிதா, முதபதே³ன
 பொ²ட்ட²ப்³பா³ரம்மணங் . யோ எத்த² ந லிம்பதீதி யோ ஏதேஸு
 பஞ்சகாமகு³ணேஸு தண்ஹாதி³ட்டி²லேபேஹி ந லிம்பதி.

அத² ஸட்டி²னிஸ்ஸிதா ஸவிதக்கா, புதூ² ஜனதாய அத⁴ம்மா
 நிவிட்டா²தி அத² ச² ஆரம்மணனிஸ்ஸிதா புதூ² அத⁴ம்மவிதக்கா ஜனதாய
 நிவிட்டா²தி அத்தோ². ந ச வக்³க³தஸ்ஸ குஹிஞ்சீதி தேஸங் வஸேன ந
 கத்த²சி கிலேஸவக்³க³தோ ப⁴வெய்ய. நோ பன து³ட்டு²ல்லபா⁴ணீதி
 து³ட்டு²ல்லவசனபா⁴ணீபி ந ஸியா. ஸ பி⁴க்க²தி ஸோ ஏவங்விதோ⁴
 பி⁴க்கு² நாம ஹோதி.

தூப்³போ³தி தூப்³புஜாதி³கோ பண்டி³தோ. சிரரத்தஸமா³ஹிதோ³தி தீ³க⁴ரத்தங்
ஸமா³ஹிதசித்தோ. நிபகோ³தி நேபக்கேன ஸமன்னாக³தோ பரிணதபஞ்ஞோ.
அபிஹாலா³தி நித்தணஹோ. ஸந்தங் பத³ந்தி நிப்³பா³னங். அஜ்ஜ²க³மா முனீ³தி
அதி⁴க³தோ முனி. படிச்ச பரினிப்³பு³தோ கங்க²தி காலந்தி நிப்³பா³னங் படிச்ச
கிலேஸபரினிப்³பா³னேன பரினிப்³பு³தோ பரினிப்³பா³னகாலங் ஆக³மேதி.
து³தியங்.

3. பேஸலஸுத்தவண்ணனா

211. ததியே அதிமஞ்ஞதீ³தி “கிங் இமே மஹல்லகா? ந ஏதேஸங் பாளி, ந
அட்ட²கதா², ந பத³ப்யஞ்ஜனமது⁴ரதா, அம்ஹாகங் பன பாளிபி அட்ட²கதா²பி
நயஸதேன நயஸஹஸ்ஸேன உபட்டா²தீ³தி அதிக்மித்வா மஞ்ஞதி.
கோ³தமாதி கோ³தமபு³த³த⁴ஸாவகத்தா அத்தானங் ஆலபதி. மானபத³ந்தி
மானாரம்மணஞ்சேவ மானஸஹபு⁴னோ ச த⁴ம்மே. விப்படிஸாரீ³ஹுவாதி
விப்படிஸாரீ³ அஹுவா, அஹோஸீதி அத்தோ². மக்³க³ஜினோதி மக்³கே³ன
ஜிதகிலேஸோ. கித்திஞ்ச ஸுக²ஞ்சாதி வண்ணப⁴ணனஞ்ச
காயிகசேதஸிகஸுக²ஞ்ச. அகி²லோத⁴ பதா⁴னவாதி அகி²லோ இத⁴
பதா⁴னவா விரியஸம்பன்னோ. விஸுத்³தோ⁴தி விஸுத்³தோ⁴ ப⁴வெய்ய.
அஸேஸந்தி நிஸ்ஸேஸங் நவவித⁴ங். விஜ்ஜாயந்தகரோதி விஜ்ஜாய
கிலேஸானங் அந்தகரோ. ஸமிதாவீதி ராகா³தீ³னங் ஸமிததாய ஸமிதாவீ.
ததியங்.

4. ஆனந்த³ஸுத்தவண்ணனா

212. சதுத்தே² ராகோ³தி ஆயஸ்மா ஆனந்தோ³ மஹாபுஞ்ஞோ
ஸம்பா⁴விதோ, தங் ராஜராஜமஹாமத்தாத³யோ நிமந்தெத்வா
அந்தோனிவேஸனே நிஸீதா³பெந்தி. ஸப்³பா³லங்காரபடிமண்டி³தாபி இத்தி²யோ
தே²ரங் உபஸங்கமித்வா வந்தி³த்வா தாலவண்டேன பீ³ஜெந்தி, உபனிஸீதி³த்வா
பஞ்ஹங் புச்ச²ந்தி த⁴ம்மங் ஸுணந்தி. தத்த² ஆயஸ்மதோ வங்கீ³ஸஸ்ஸ
நவபப்³புஜிதஸ்ஸ ஆரம்மணங் பரிக்க³ஹேதுங் அஸக்கொந்தஸ்ஸ
இத்தி²ருபாரம்மணே ராகோ³ சித்தங் அனுத்³த⁴ங்ஸேதி. ஸோ
ஸத்தா⁴பப்³புஜிதத்தா உஜ்ஜாதி³கோ குலபுத்தோ “அயங் மே ராகோ³
வட்³டி⁴த்வா தி³ட்ட²த⁴ம்மிகஸம்பராயிகங் அத்த²ங் நாஸெய்யா”தி சிந்தெத்வா
அனந்தரங் நிஸின்னோவ தே²ரஸ்ஸ அத்தானங் ஆவிகரொந்தோ
காமராகே³னாதிஆதி³மாஹ.

தத்த² நிப்³பா³பனந்தி ராக³னிப்³பா³னகாரணங். விபரியேஸாதி
விபல்லாஸேன. ஸுப⁴ங் ராக³பஸஞ்ஹிதந்தி ராக³ட்டா²னியங்
இட்டா²ரம்மணங். பரதோ பஸ்ஸாதி அனிச்சதோ பஸ்ஸ. மா ச அத்ததோதி
அத்ததோ மா பஸ்ஸ. காயக³தா த்யத்தூ²தி காயக³தா தே அத்து².

அனிமித்தஞ்ச பா⁴வேஹீதி நிச்சாதீனங் நிமித்தானங் உக்³கா⁴டிதத்தா விபஸ்ஸனா அனிமித்தா நாம, தங் பா⁴வேஹீதி வத³தி. மானாபி⁴ஸமயாதி மானஸ்ஸ த³ஸ்ஸனாபி⁴ஸமயா சேவ பஹானாபி⁴ஸமயா ச. உபஸந்தோதி ராகா³தி³ஸந்ததாய உபஸந்தோ. சதுத்த²ங்.

5. ஸுபா⁴ஸிதஸுத்தவண்ணனா

213. பஞ்சமே அங்கே³ஹீதி காரணேஹி, அவயவேஹி வா. முஸாவாதா³வேரமணிஆதீ³னி ஹி சத்தாரி ஸுபா⁴ஸிதவாசாய காரணானி, ஸச்சவசனாத³யோ சத்தாரோ அவயவா. காரணத்தே² ச அங்க³ஸத்தே³ “சதுஹீ”தி நிஸ்ஸக்கவசனங் ஹோதி, அவயவத்தே² கரணவசனங். ஸமன்னாக³தாதி ஸமனுஆக³தா பவத்தா யுத்தா ச. வாசாதி ஸமுல்லபனவாசா, யா “வாசா கி³ரா ப்³யப்பதோ”தி (த⁴. ஸ. 636) ச, “நேலா கண்ணஸுகா²”தி (தீ³. நி. 1.9) ச ஆக³தா. “யா பன வாசாய சே கதங் கம்ம”ந்தி ஏவங் விஞ்ஞத்தி ச “யா சதுஹி வசீது³ச்சரிதேஹி ஆரதி...பே... அயங் வச்சதி ஸம்மாவாசா”தி (விப⁴. 206) ஏவங் விரதி ச, “ப²ருஸவாசா, பி⁴க்க²வே, ஆஸேவிதா பா⁴விதா ப்³ஹுலீகதா நிரயஸங்வத்தனிகா ஹோதீ”தி (அ. நி. 8.40) ஏவங் சேதனா ச வாசாதி ஆக³தா, ந ஸா இத⁴ அதி⁴ப்பேதா. கஸ்மா? அபா⁴ஸிதப்³தோ. ஸுபா⁴ஸிதாதி ஸுட்டு² பா⁴ஸிதா. தேனஸ்ஸா அத்தா²வஹதங் தீ³பேதி. நோ து³ப்பா⁴ஸிதாதி ந து³ட்டு² பா⁴ஸிதா. தேனஸ்ஸா அனத்தா²வஹனபஹானதங் தீ³பேதி. அனவஜ்ஜாதி ராகா³தி³வஜ்ஜரஹிதா. இமினாஸ்ஸா காரணஸுத்தி⁴ங் சதுதோ³ஸாபா⁴வஞ்ச தீ³பேதி. அனநுவஜ்ஜாதி அனுவாத³விமுத்தா . இமினாஸ்ஸா ஸப்³பா³காரஸம்பத்திங் தீ³பேதி. விஞ்ஞானந்தி பண்டி³தானங். தேன நிந்தா³பஸங்ஸாஸு பா³லா அப்பமாணாதி தீ³பேதி.

ஸுபா⁴ஸிதங்வேவ பா⁴ஸதீதி புக்³கலாதி⁴ட்டா²னாய தே³ஸனாய சதுஸு வாசங்கே³ஸு அஞ்ஞதரணித்தோ³ஸவசனமேதங். நோ து³ப்பா⁴ஸிதந்தி தஸ்ஸேவ வாசங்க³ஸ்ஸ படிபக்க²பா⁴ஸனநிவாரணங். நோ து³ப்பா⁴ஸிதந்தி இமினா மிச்சா²வாசப்பஹானங் தீ³பேதி. ஸுபா⁴ஸிதந்தி இமினா பஹீனமிச்சா²வாசேன பா⁴ஸிதப்³வசனலக்க²ணங். அங்க³பரிதீ³பனத்த²ங் பனெத்த² அபா⁴ஸிதப்³ங் புப்³பே³ அவத்வா பா⁴ஸிதப்³மேவாஹ. ஏஸ நயோ த⁴ம்மங்வேவாதிஆதீ³ஸுபி. எத்த² ச பட²மேன பிஸுணதோ³ஸரஹிதங் ஸமக்³கரணங் வசனங் வுத்தங், து³தியேன ஸம்ப³பலாபதோ³ஸரஹிதங் த⁴ம்மதோ அனபேதங் மந்தாவசனங், இதரேஹி த்³வீஹி ப²ருஸாலிகரஹிதானி பியஸச்சவசனானி. இமேஹி கோ²தி ஆதி³னா தானி அங்கா³னி பச்சக்க²தோ த³ஸ்ஸெந்தோ தங் வாசங் நிக³மேதி. யஞ்ச அஞ்ஞே படிஞ்ஞாதீ³ஹி அவயவேஹி, நாமாதீ³ஹி பதே³ஹி, லிங்க³வசனவிப⁴த்திகாலகாரகஸம்பத்தீஹி ச ஸமன்னாக³தங்

முஸாவாதா³தி³வாசம்பி ஸுபா⁴ஸிதந்தி மஞ்ஞந்தி, தங் படிஸேதே⁴தி.
அவயவாதி³ஸமன்னாக³தாபி ஹி ததா²ருபீ வாசா து³ப்பா⁴ஸிதாவ ஹோதி
அத்தனோ ச பரேஸஞ்ச அனத்தா²வஹத்தா. இமேஹி பன சதூஹங்கே³ஹி
ஸமன்னாக³தா ஸசேபி மிலக்கு²பா⁴ஸாபரியாபன்னா
க⁴டசேடிகாகீ³திகபரியாபன்னாபி ஹோதி, ததா²பி ஸுபா⁴ஸிதாவ
லோகியலோகுத்தரஹிதஸுகா²வஹத்தா. ததா² ஹி மக்³க³பஸ்ஸே ஸஸ்ஸங்
ரக்க²ந்தியா ஸீஹளசேடிகாய ஸீஹளகேனேவ ஜாதிஜராமரணயுத்தங் கீ³திகங்
கா³யந்தியா ஸத்³த³ங் ஸுத்வா மக்³க³ங் க³ச்ச²ந்தா ஸட்டி²மத்தா விபஸ்ஸகா
பி⁴க்க² அரஹத்தங் பாபுணிங்ஸு. ததா² திஸ்ஸோ நாம
ஆரத்³த⁴விபஸ்ஸகோ பி⁴க்கு² பது³மஸரஸமீபேன க³ச்ச²ந்தோ பது³மஸரே
பது³மானி ப⁴ஞ்ஜித்வா -

“பாதோவ பு²ல்லிதகோகனத³ங், ஸூரியாலோகேன பி⁴ஜ்ஜியதே;
ஏவங் மனுஸ்ஸத்தங் க³தா ஸத்தா, ஜராபி⁴வேகே³ன மத்³தி³யந்தீ”தி. -

இமங் கீ³திகங் கா³யந்தியா சேடிகாய ஸுத்வா அரஹத்தங் பத்தோ.

பு³த்³த⁴ந்தரேபி அஞ்ஞதரோ புரிஸோ ஸத்தஹி புத்தேஹி ஸத்³தி⁴ங்
அடவிதோ ஆக³ம்ம அஞ்ஞதராய இத்தி²யா முஸலேன தண்டு³லே
கொட்டெந்தியா -

“ஜராய பரிமத்³தி³தங் ஏதங், மிலாதச²விசம்மனிஸ்ஸிதங்;
மரணேன பி⁴ஜ்ஜிதி ஏதங், மச்சஸ்ஸ கா⁴ஸமாமிஸங்.

“கிமீனங் ஆலயங் ஏதங், நானாகுணபேன பூரிதங்;
அஸுசிஸ்ஸ பா⁴ஜனங் ஏதங், கத³லிக்க²ந்த⁴ஸமங் இத³”ந்தி. -

இமங் கீ³திகங் ஸுத்வா பச்சவெக்க²ந்தோ ஸஹ புத்தேஹி பச்சேகபோ³தி⁴ங்
பத்தோ. ஏவங் இமேஹி சதூஹி அங்கே³ஹி ஸமன்னாக³தா வாசா ஸசேபி
மிலக்கு²பா⁴ஸாபரியாபன்னா க⁴டசேடிகாகீ³திகபரியாபன்னாபி ஹோதி, ததா²பி
ஸுபா⁴ஸிதாதி வேதி³த³பா³. ஸுபா⁴ஸிதத்தா ஏவ ச அனவஜ்ஜா ச
அனநுவஜ்ஜா ச விஞ்ஞானங் அத்த²த்தி²கானங் அத்த²படிஸரணானங், நோ
ப்யஞ்ஜனபடிஸரணானந்தி.

ஸாருப்பாஹீதி அனுச்ச²விகாஹி. அபி⁴த்த²வீதி பஸங்ஸி. ந தாபயேதி
விப்படிஸாரேன ந தாபய்ய ந விபா³தெ⁴ய்ய. பரேதி பரேஹி பி⁴ந்த³ந்தோ
நாபி⁴ப⁴வெய்ய ந பா³தெ⁴ய்ய. இதி இமாய கா³தா²ய
அபிஸுணவாசாவஸேன ப⁴க³வந்தங் தோ²மேதி. படினந்தி³தாதி பியாயிதா.
யங் அனாதா³யாதி யங் வாசங் பா⁴ஸந்தோ பரேஸங் பாபானி அப்பியானி

ப²ருஸவசனானி அனாதா³ய அத்த²ப்³யஞ்ஜனமது⁴ரங் பியமேவ பா⁴ஸதி, தங் வாசங் பா⁴ஸெய்யாதி பியவாசாவஸேன அபி⁴த்த²வி.

அமதாதி ஸாது⁴பா⁴வேன அமதஸதி³ஸா. வுத்தம்பி ஹேதங் - “ஸச்சங் ஹவே ஸாது³தரங் ரஸான”ந்தி (ஸங். நி. 1.246) நிப்³பா³னாமதபச்சயத்தா வா அமதா. ஏஸ த⁴ம்மோ ஸனந்தனோதி யா அயங் ஸச்சவாசா நாம, ஏஸ போராணோ த⁴ம்மோ சரியா பவேணீ. இத³மேவ ஹி போராணானங் ஆசிண்ணங், ந தே அலிகங் பா⁴ஸிங்ஸு. தேனேவாஹ - ஸச்சே அத்தே² ச த⁴ம்மே ச, ஆஹு ஸந்தோ பதிட்டி²தாதி.

தத்த² ஸச்சே பதிட்டி²தத்தாவ அத்தனோ ச பரேஸஞ்ச அத்தே² பதிட்டி²தா, அத்தே² பதிட்டி²தத்தா ஏவ த⁴ம்மே பதிட்டி²தா ஹொந்தீதி வேதி³தப்³பா³. ஸச்சவிஸேஸனமேவ வா ஏதங். இத³ங் ஹி வுத்தங் ஹொதி - ஸச்சே பதிட்டி²தா, கீதி³ஸே? அத்தே² ச த⁴ம்மே ச, யங் பரேஸங் அத்த²தோ அனபேதத்தா அத்த²ங் அனுபரோத⁴கரங் , த⁴ம்மதோ அனபேதத்தா த⁴ம்மங் த⁴ம்மிகமேவ அத்த²ங் ஸாதே⁴தீதி. இதி இமாய கா³தா²ய ஸச்சவசனவஸேன அபி⁴த்த²வி.

கே²மந்தி அப⁴யங் நிருபத்³த³வங். கேன காரணேனாதி சே. நிப்³பா³னபத்தியா து³க்க²ஸ்ஸந்தகிரியாய, யஸ்மா கிலேஸனிப்³பா³னங் பாபேதி, வட்டது³க்க²ஸ்ஸ ச அந்தகிரியாய ஸங்வத்ததீதி அத்தோ². அத² வா யங் பு³த்தோ⁴ நிப்³பா³னபத்தியா து³க்க²ஸ்ஸந்தகிரியாயாதி த³வின்னங் நிப்³பா³னதா⁴தூனங் அத்தா²ய கே²மமக்³க³ப்பகாஸனதோ கே²மங் வாசங் பா⁴ஸதி, ஸா வே வாசானமுத்தமாதி ஸா வாசா ஸப்³ப³வாசானங் ஸெட்டா²தி ஏவமெத்த² அத்தோ² த³ட்ட²ப்³போ³. இதி இமாய கா³தா²ய மந்தாவசனவஸேன ப⁴க³வந்தங் அபி⁴த்த²வந்தோ அரஹத்தனிகூடேன தே³ஸனங் நிட்ட²பேஸீதி. பஞ்சமங்.

6. ஸாரிபுத்தஸுத்தவண்ணனா

214. ச²ட்டே² போரியாதி அக்க²ராதி³பரிபுண்ணாய. விஸ்ஸட்டா²யாதி அவிப³த்தா⁴ய அபலிபு³த்தா⁴ய. த⁴ம்மஸேனாபதிஸ்ஸ ஹி கதெ²ந்தஸ்ஸ பித்தாதீ³னங் வஸேன அபலிபு³த்த⁴வசனங் ஹொதி, அயத³ண்டே³ன பஹதகங்ஸதாலதோ ஸத்³தோ³ விய நிச்ச²ரதி. அனேலக³லாயாதி அனேலாய அக³லாய நித்³தோ³ஸாய சேவ அக்க²லிதபத³ப்³யஞ்ஜனாய ச. தே²ரஸ்ஸ ஹி கத²யதோ பத³ங் வா ப்³யஞ்ஜனங் வா ந பரிஹாயதி. அத்த²ஸ்ஸ விஞ்ஞாபனியாதி அத்த²ஸ்ஸ விஞ்ஞாபனஸமத்தா²ய. பி⁴க்கு²னந்தி பி⁴க்கூ²னங்.

ஸங்கி²த்தேனபீதி “சத்தாரிமானி, ஆவுஸோ, அரியஸச்சானி. கதமானி சத்தாரி? து³க்க²ங் அரியஸச்சங்...பே... இமானி கோ², ஆவுஸோ, சத்தாரி அரியஸச்சானி, தஸ்மாதிறு, ஆவுஸோ, இத³ங் து³க்க²ங் அரியஸச்சந்தி யோகோ³ கரணீயோ”தி (ஸங். நி. 5.1096-1098) ஏவங் ஸங்கி²த்தேனபி தே³ஸேதி. வித்தா²ரேனபீதி “கதமங், ஆவுஸோ, து³க்க²ங் அரியஸச்ச”ந்திஆதி³னா (ம. நி. 3.373) நயேன தானேவ விப⁴ஜந்தோ வித்தா²ரேனபி பா⁴ஸதி. க²ந்தா⁴தி³தே³ஸனாஸுபி ஏஸேவ நயோ. ஸாளிகாயிவ நிக்³கோ⁴ஸோதி யதா² மது⁴ரங் அம்ப³பக்கங் ஸாயித்வா பக்கே²ஹி வாதங் த³த்வா மது⁴ரஸ்ஸரங் நிச்சா²ரெந்தியா ஸாளிகஸகுணியா நிக்³கோ⁴ஸோ, ஏவங் தே²ரஸ்ஸ த⁴ம்மங் கதே²ந்தஸ்ஸ மது⁴ரோ நிக்³கோ⁴ஸோ ஹோதி. படிபா⁴னங் உதீ³ரயீதி ஸமுத்³த³தோ ஊமியோ விய அனந்தங் படிபா⁴னங் உட்ட²ஹதி. ஒதெ⁴ந்தீதி ஒத³ஹந்தி. ச²ட்ட²ங்.

7. பவாரணாஸுத்தவண்ணனா

215. ஸத்தமே தத³ஹுதி தஸ்மிங் அஹு, தஸ்மிங் தி³வஸேதி அத்தோ². உபவஸந்தி எத்தா²தி உபோஸதோ². உபவஸந்தீதி ச ஸ்வேன வா அனஸனேன வா உபேதா ஹுத்வா வஸந்தீதி அத்தோ². ஸோ பனேஸ உபோஸத²தி³வஸோ அட்ட²மீசாதுத்³த³ஸ்பன்னரஸீபே⁴தே³ன திவிதோ⁴, தஸ்மா ஸேஸத்³வயனிவாரணத்த²ங் பன்னரஸேதி வுத்தங். பவாரணாயாதி வஸ்ஸங்-வுட்ட²-பவாரணாய. விஸுத்³தி⁴பவாரணாதிபி ஏதிஸ்ஸாவ நாமங். நிஸின்னோ ஹோதீதி ஸாயன்ஹஸமயே ஸம்பத்தபரிஸாய காலயுத்தங் த⁴ம்மங் தே³ஸேத்வா உத³ககொட்ட²கே க³த்தானி பரிஸிஞ்சித்வா நிவத்த²னிவாஸனோ ஏகங்ஸங் ஸுக³தமஹாசீவரங் கத்வா மஜ்ஜி²மத்த²ம்ப⁴ங் நிஸ்ஸாய பஞ்ஞத்தே வரபுத்³தா⁴ஸனே புரத்தி²மதி³ஸாய உட்ட²ஹதோ சந்த³மண்ட³லஸ்ஸ ஸிரிங் ஸிரியா அபி⁴ப⁴வமானோ நிஸின்னோ ஹோதி. துண்ஹீபூ⁴தங் துண்ஹீபூ⁴தந்தி யதோ யதோ அனுவிலோகேதி, ததோ ததோ துண்ஹீபூ⁴தமேவ. தத்த² ஹி ஏகபி⁴க்கு²ஸ்ஸாபி ஹத்த²குக்குச்சங் வா பாத³குக்குச்சங் வா நத்தி², ஸப்³பே³ நிரவா ஸந்தேன இரியாபதே²ன நிஸீதி³ங்ஸு. அனுவிலோகெத்வாதி தி³ஸ்ஸமானபஞ்சபஸாதே³ஹி நெத்தேஹி அனுவிலோகெத்வா. ஹந்தா³தி வொஸ்ஸக்³த்தே² நிபாதோ. ந ச மே கிஞ்சி க³ரஹதா²தி எத்த² ந ச கிஞ்சீதி புச்ச²னத்தே² ந-காரோ. கிங் மே கிஞ்சி க³ரஹத²? யதி³ க³ரஹத², வத³த², இச்சா²பேமி வோ வத்துந்தி அத்தோ². காயிகங் வா வாசஸிகங் வாதி இமினா காயவசீத்³வாரானேவ பவாரேதி, ந மனொத்³வாரங். கஸ்மா? அபாகடத்தா. காயவசீத்³வாரேஸு ஹி தோ³ஸோ பாகடோ ஹோதி, ந மனொத்³வாரே. “ஏகமஞ்சே ஸயதோபி ஹி கிங் சிந்தேஸீ”தி? புச்சித்வா சித்தாசாரங் ஜானாதி. இதி மனொத்³வாரங் அபாகடத்தா ந பவாரேதி, நோ அபரிஸுத்³த⁴த்தா. போ³தி⁴ஸத்தபூ⁴தஸ்ஸாபி ஹி தஸ்ஸ

பூ⁴ரித³த்த²த³ந்தஸங்க²பாலத⁴ம்மபாலாதி³காலே மனொத்³வாரங்
பரிஸுத்³த⁴ங், இதா³னெத்த² வத்தப்³புமேவ நத்தி².

ஏதத³வோசாதி த⁴ம்மஸேனாபதிட்டா²னே டி²தத்தா பி⁴க்கு²ஸங்க⁴ஸ்ஸ
பா⁴ரங் வஹந்தோ ஏதங் அவோச. ந கோ² மயங், ப⁴ந்தேதி, ப⁴ந்தே, மயங்
ப⁴க³வதோ ந கிஞ்சி க³ரஹாம. காயிகங் வா வாசஸிகங் வாதி இத³ங்
சதுன்னங் அரக்கி²யதங் ஸந்தா⁴ய தே²ரோ ஆஹ. ப⁴க³வதோ ஹி சத்தாரி
அரக்கி²யானி. யதா²ஹ -

“சத்தாரிமானி , பி⁴க்க²வே, ததா²க³தஸ்ஸ அரக்கி²யானி. கதமானி சத்தாரி?
பரிஸுத்³த⁴காயஸமாசாரோ, பி⁴க்க²வே, ததா²க³தோ, நத்தி² ததா²க³தஸ்ஸ
காயது³ச்சரிதங், யங் ததா²க³தோ ரக்கெ²ய்ய ‘மா மே இத³ங் பரோ அஞ்ஞாஸீ’தி.
பரிஸுத்³த⁴வசீஸமாசாரோ, பி⁴க்க²வே, ததா²க³தோ, நத்தி² ததா²க³தஸ்ஸ
வசீது³ச்சரிதங், யங் ததா²க³தோ ரக்கெ²ய்ய, ‘மா மே இத³ங் பரோ அஞ்ஞாஸீ’தி.
பரிஸுத்³த⁴மனோஸமாசாரோ, பி⁴க்க²வே, ததா²க³தோ, நத்தி² ததா²க³தஸ்ஸ
மனோது³ச்சரிதங், யங் ததா²க³தோ ரக்கெ²ய்ய, ‘மா மே இத³ங் பரோ
அஞ்ஞாஸீ’தி. பரிஸுத்³தா⁴ஜீவோ, பி⁴க்க²வே, ததா²க³தோ, நத்தி²
ததா²க³தஸ்ஸ மிச்சா²ஆஜீவோ, யங் ததா²க³தோ ரக்கெ²ய்ய “மா மே இத³ங்
பரோ அஞ்ஞாஸீ”தி (அ. நி. 7.58).

இதா³னி ப⁴க³வதோ யதா²பூ⁴தகு³ணே கதெ²ந்தோ ப⁴க³வா ஹி,
ப⁴ந்தேதிஆதி³மாஹ. தத்த² அனுப்பன்னஸ்ஸாதி
கஸ்ஸபஸம்மாஸம்புத்³த⁴தோ பட்டா²ய அஞ்ஞேன ஸமணேன வா
ப்³ராஹ்மணேன வா அனுப்பாதி³தபுப்³புஸ்ஸ. அஸஞ்ஜாதஸ்ஸாதி இத³ங்
அனுப்பன்னவேவசனமேவ. அனக்கா²தஸ்ஸாதி அஞ்ஞேன அதே³ஸிதஸ்ஸ.
பச்சா² ஸமன்னாக³தாதி பட²மக³தஸ்ஸ ப⁴க³வதோ பச்சா² ஸமனுஆக³தா.
இதி தே²ரோ யஸ்மா ஸப்³பே³பி ப⁴க³வதோ ஸீலாத³யோ கு³ணா
அரஹத்தமக்³க³மேவ நிஸ்ஸாய ஆக³தா, தஸ்மா அரஹத்தமக்³க³மேவ
நிஸ்ஸாய கு³ணங் கதே²ஸி. தேன ஸப்³பு³கு³ணா கதி²தாவ ஹொந்தி. அஹஞ்ச
கோ², ப⁴ந்தேதி இத³ங் தே²ரோ ஸதே³வகே லோகே அக்³க³புக்³லஸ்ஸ
அத்தனோ சேவ ஸங்க⁴ஸ்ஸ ச காயிகவாசஸிகங் பவாரெந்தோ ஆஹ.

பிதரா பவத்திதந்தி சக்கவத்திம்ஹி காலங்கதே வா பப்³புஜிதே வா
ஸத்தாஹச்சயேன சக்கங் அந்தரதா⁴யதி, ததோ த³ஸவித⁴ங்
த்³வாத³ஸவித⁴ங் சக்கவத்திவத்தங் பூரெத்வா நிஸின்னஸ்ஸ புத்தஸ்ஸ
அஞ்ஞங் பாதுப⁴வதி, தங் ஸோ பவத்தேதி. ரதனமயத்தா பன ஸதி³ஸட்டே²ன
ததே³வ வத்தங் கத்வா “பிதரா பவத்தித”ந்தி வுத்தங். யஸ்மா வா ஸோ
“அப்பொஸ்ஸுக்கோ த்வங், தே³வ, ஹொஹி, அஹமனுஸாஸிஸ்ஸாமீ”தி
ஆஹ, தஸ்மா பிதரா பவத்திதங் ஆணாசக்கங் அனுப்பவத்தேதி நாம.

ஸம்மதே³வ அனுப்பவத்தே³ஸீதி ஸம்மா நயேன ஹேதுனா காரணேனேவ அனுப்பவத்தே³ஸி. ப⁴க³வா ஹி சதுஸச்சத⁴ம்மங் கதே²தி, தே²ரோ தமேவ அனுகதே²தி, தஸ்மா ஏவமாஹ. உப⁴தோபா⁴க³விமுத்தாதி த்³வீஹி பா⁴கே³ஹி விமுத்தா , அருபாவசரஸமாபத்தியா ரூபகாயதோ விமுத்தா, அக்³மக்³கே³ன நாமகாயதோதி. பஞ்ஞாவிமுத்தாதி பஞ்ஞாய விமுத்தா தேவிஜ்ஜாதி³பா⁴வங் அப்பத்தா கீ²ணாஸவா.

விஸுத்³தி⁴யாதி விஸுத்³த⁴த்தா²ய. ஸங்யோஜனபந்த⁴னச்சி²தா³தி ஸங்யோஜனஸங்கா²தே சேவ பந்த⁴னஸங்கா²தே ச கிலேஸே சிந்தி³த்வா டி²தா. விஜிதஸங்கா³மந்தி விஜிதராக³தோ³ஸமோஹஸங்கா³மங், மாரப³லஸ்ஸ விஜிதத்தாபி விஜிதஸங்கா³மங். ஸத்த²வாஹந்தி அட்ட²ங்கி³கமக்³ரதே² ஆரோபெத்வா வேனெய்யஸத்த²ங் வாஹேதி ஸங்ஸாரகந்தாரங் உத்தாரேதீதி ப⁴க³வா ஸத்த²வாஹோ, தங் ஸத்த²வாஹங். பலாபோதி அந்தோதுச்சோ² து³ஸ்ஸீலோ. ஆதி³ச்சபந்த⁴னந்தி ஆதி³ச்சபந்த⁴ங் ஸத்தா²ரங் த³ஸப³லங் வந்தா³மீதி வத³தி. ஸத்தமங்.

8. பரோஸஹஸ்ஸஸுத்தவண்ணனா

216. அட்ட²மே பரோஸஹஸ்ஸந்தி அதிரேகஸஹஸ்ஸங். அகுதோப⁴யந்தி நிப்³பா³னே குதோசி ப⁴யங் நத்தி², நிப்³பா³னப்பத்தஸ்ஸ வா குதோசி ப⁴யங் நத்தீ²தி நிப்³பா³னங் அகுதோப⁴யங் நாம. இஸ்னங் இஸிஸத்தமோதி விபஸ்ஸிதோ பட்டா²ய இஸ்னங் ஸத்தமகோ இஸி.

கிங் நு தே வங்கீ³ஸாதி இத³ங் ப⁴க³வா அத்து²ப்பத்திவஸேன ஆஹ. ஸங்க⁴மஜ்ஜே² கிர கதா² உத³பாதி³ “வங்கீ³ஸத்தே²ரோ விஸ்ஸட்ட²வத்தோ , நேவ உத்³தே³ஸே, ந பரிபுச்சா²ய, ந யோனிலோமனஸிகாரே கம்மங் கரோதி, கா³தா² பந்த⁴ந்தோ சுண்ணியபதா³னி கரொந்தோ விசரதீ²தி. அத² ப⁴க³வா சிந்தேஸி - “இமே பி⁴க்க² வங்கீ³ஸஸ்ஸ படிபா⁴னஸம்பத்திங் ந ஜானந்தி, சிந்தெத்வா சிந்தெத்வா வத³தீதி மஞ்ஞந்தி, படிபா⁴னஸம்பத்திமஸ்ஸ ஜானாபெஸ்ஸாமீ²தி சிந்தெத்வா, “கிங் நு தே வங்கீ³ஸா”திஆதி³மாஹ.

உம்மக்³பத²ந்தி அனேகானி கிலேஸும்முஜ்ஜனஸதானி, வட்டபத²த்தா பன பத²ந்தி வுத்தங். பபி⁴ஜ்ஜ கி²லானீதி ராக³கி²லாதீ³னி பஞ்ச பி⁴ந்தி³த்வா சரஸி. தங் பஸ்ஸதா²தி தங் ஏவங் அபி⁴பு⁴ய்ய பி⁴ந்தி³த்வா சரந்தங் புத்³த⁴ங் பஸ்ஸத². பந்த⁴பமுஞ்சகரந்தி பந்த⁴னமோசனகரங். அஸிதந்தி அனிஸ்ஸிதங். பா⁴க³ஸோ பவிப⁴ஜந்தி ஸதிபட்டா²னாதிகொட்டா²ஸவஸேன த⁴ம்மங் விப⁴ஜந்தங். பவிப⁴ஜ்ஜாதி வா பாடோ², அங்க³பச்சங்க³கொட்டா²ஸவஸேன விப⁴ஜித்வா விப⁴ஜித்வா பஸ்ஸதா²தி அத்தோ².

ஓக⁴ஸ்ஸாதி சதுரோக⁴ஸ்ஸ. அனேகவிஹிதந்தி
ஸதிபட்டா²னாதி³வஸேன அனேகவித⁴ங். தஸ்மிங் ச அமதே அக்கா²தேதி
தஸ்மிங் தேன அக்கா²தே அமதே. த⁴ம்மத்³ஸாதி த⁴ம்மஸ்ஸ
பஸ்ஸிதாரோ. டி²தா அஸங்ஹீராதி அஸங்ஹாரியா ஹுத்வா பதிட்டி²தா.

அதிவிஜ்ஜா²தி அதிவிஜ்ஜி²த்வா. ஸப்³புட்டி²தீனந்தி ஸப்³பேஸங்
திட்டி²ட்டா²னானங் விஞ்ஞாணட்டி²தீனங் வா . அதிக்கமமத்³ஸாதி
அதிக்கமபூ⁴தங் நிப்³பா³னமத்³ஸ. அக்³கந்தி உத்தமத்⁴ம்மங். அக்³கே³தி வா
பாடோ², பட²மதரந்தி அத்தோ². த³ஸத்தா⁴னந்தி பஞ்சன்னங், அக்³கத்⁴ம்மங்
பஞ்சவக்³கியானங், அக்³கே³ வா பஞ்சவக்³கியானங் த⁴ம்மங் தே³ஸேஸீதி
அத்தோ². தஸ்மாதி யஸ்மா ஏஸ த⁴ம்மோ ஸுதே³ஸிதோதி ஜானந்தேன ச
பமாதோ³ ந காதப்³போ³, தஸ்மா. அனுஸிக்கே²தி திஸ்ஸோ ஸிக்கா²
ஸிக்கெ²ய்ய. அட்ட²மங்.

9. கொண்ட³ஞ்ஞஸுத்தவண்ணனா

217. நவமே அஞ்ஞாஸிகொண்ட³ஞ்ஞாதி பட²மங் த⁴ம்மஸ்ஸ
அஞ்ஞாதத்தா ஏவங் க³ஹிதனாமோ தே²ரோ. ஸுசிரஸ்ஸேவாதி கீவசிரஸ்ஸ?
த்³வாத³ஸன்னங் ஸங்வச்ச²ரானங். எத்தகங் காலங் கத்த² விஹாஸீதி.
ச²த்³ந்தப⁴வனே மந்தா³கினிபொக்க²ரணியா தீரே பச்சேகபு³த்தா⁴னங்
வஸனட்டா²னே. கஸ்மா? விஹாரக³ருதாய. ஸோ ஹி பஞ்ஞவா
மஹாஸாவகோ. யதே²வ ப⁴க³வதோ, ஏவமஸ்ஸ த³ஸஸஹஸ்ஸசக்கவாளே
தே³வமனுஸ்ஸானங் அப்³ப⁴ந்தரே கு³ணா பத்த²டாவ. தே³வமனுஸ்ஸா
ததா²க³தஸ்ஸ ஸந்திகங் க³ந்த்வா க³ந்த⁴மாலாதீ³ஹி பூஜங் கத்வா
“அக்³கத்⁴ம்மங் படிவித்³த⁴ஸாவகோ”தி அனந்தரங் தே²ரங் உபஸங்கமித்வா
பூஜேந்தி. ஸந்திகங் ஆக³தானஞ்ச நாம ததா²ருபா த⁴ம்மகதா² வா
படிஸந்தா²ரோ வா காதப்³போ³ ஹோதி. தே²ரோ ச விஹாரக³ருகோ, தேனஸ்ஸ
ஸோ பபஞ்சோ விய உபட்டா²தி. இதி விஹாரக³ருதாய தத்த² க³ந்த்வா
விஹாஸி.

அபரம்பி காரணங் - பி⁴க்கா²சாரவேலாயங் தாவ ஸப்³புஸாவகா
வஸ்ஸக்³கே³ன க³ச்ச²ந்தி. த⁴ம்மதே³ஸனாகாலே பன மஜ்ஜ²ட்டா²னே
அலங்கதபு³த்தா⁴ஸனம்ஹி ஸத்த²ரி நிஸின்னே த³க்கி²ணஹத்த²பஸ்ஸே
த⁴ம்மஸேனாபதி, வாமஹத்த²பஸ்ஸே மஹாமொக்³கல்லானத்தே²ரோ
நிஸீத³தி, தேஸங் பிட்டி²பா⁴கே³ அஞ்ஞாஸிகொண்ட³ஞ்ஞுத்தே²ரஸ்ஸ
ஆஸனங் பஞ்ஞாபெந்தி. ஸேஸா பி⁴க்க² தங் பரிவாரெத்வா நிஸீத³ந்தி. த்³வே
அக்³கஸாவகா அக்³கத்⁴ம்மபடிவித்³த⁴த்தா ச மஹல்லகத்தா ச தே²ரே
ஸகா³ரவா தே²ரங் மஹாப்³ரஹ்மங் விய அக்³கி³க்க²ந்த⁴ங் விய ஆஸீவிஸங்
விய ச மஞ்ஞமானா து⁴ராஸனே நிஸீத³ந்தா ஒத்தப்பந்தி ஹராயந்தி. தே²ரோ

சிந்தேஸி - “இமேஹி து⁴ராஸனத்தா²ய கப்பஸதஸஹஸ்ஸாதி⁴கங்
அஸங்க்யெய்யங் பாரமியோ பூரிதா, தே இதா³னி து⁴ராஸனே நிஸீத³ந்தா மம
ஒத்தப்பந்தி ஹராயந்தி, பா²ஸுவிஹாரங் நேஸங் கரிஸ்ஸாமீ”தி. ஸோ
பதிருபே காலே ததா²க³தங் உபஸங்கமித்வா “இச்சா²மஹங், ப⁴ந்தே, ஜனபதே³
வஸிது”ந்தி ஆஹ, ஸத்தா² அனுஜானி.

தே²ரோ ஸேனாஸனங் ஸங்ஸாமெத்வா பத்தசீவரமாதா³ய
ச²த³த³ந்தப⁴வனே மந்தா³கினிதீரங் க³தோ. பு³பே³ பச்சேகபு³த்தா⁴னங்
பாரிசரியாய கதபரிசயா அட்ட²ஸஹஸ்ஸா ஹத்தி²னாகா³ தே²ரங் தி³ஸ்வாவ
“அம்ஹாகங் புஞ்ஞக்கெ²த்தங் ஆக³த”ந்தி நகே²ஹி சங்கமனங் நித்திணங் கத்வா
ஆவரணஸாகா² ஹரித்வா தே²ரஸ்ஸ வஸனட்டா²னங் படிஜக்³கி³த்வா வத்தங்
கத்வா ஸப்³பே³ ஸன்னிபதித்வா மந்தயிங்ஸு - “ஸசே ஹி மயங் ‘அயங்
தே²ரஸ்ஸ கத்தப்³பங் கரிஸ்ஸதி, அயங் கரிஸ்ஸதீ”தி படிபஜ்ஜிஸ்ஸாம,
தே²ரோ ப³ஹுஞாதிக்கா³மங் க³தோ விய யதா²தோ⁴தேனேவ பத்தேன
க³மிஸ்ஸதி, வாரேன நங் படிஜக்³கி³ஸ்ஸாம, ஏகஸ்ஸ பன வாரே பத்தே
ஸேஸேஹிபி நப்பமஜ்ஜிதப்³ப”ந்தி வாரங் ட²பயிங்ஸு. வாரிகனாகோ³ பாதோவ
தே²ரஸ்ஸ முகோ²த³கஞ்ச த³ந்தகட்ட²ஞ்ச ட²பேதி, வத்தங் கரோதி.

மந்தா³கினிபொக்க²ரணீ நாம சேஸா பண்ணாஸயோஜனா ஹோதி.
தஸ்ஸா பஞ்சவீஸதியோஜனமத்தே டா²னே ஸேவாலோ வா பணகங் வா
நத்தி², ப²லிகவண்ணங் உத³கமேவ ஹோதி. ததோ பரங் பன கடிப்பமானே
உத³கே அட்³ட⁴யோஜனவித்த²தங் ஸேஸபது³மவனங் பண்ணாஸயோஜனங்
ஸரங் பரிக்கி²பித்வா டி²தங். தத³னந்தரங் தாவ மஹந்தமேவ ரத்தபது³மவனங்,
தத³னந்தரங் ரத்தகுமுத³வனங், தத³னந்தரங் ஸேதகுமுத³வனங், தத³னந்தரங்
நீலுப்பலவனங், தத³னந்தரங் ரத்துப்பலவனங், தத³னந்தரங்
ஸு³க³ந்த⁴ரத்தஸாலிவனங், தத³னந்தரங் ஏளாலுக்லாபு³கும்ப⁴ண்டா³தீ³னி
மது⁴ரரஸானி வல்லிப²லானி, தத³னந்தரங் அட்³ட⁴யோஜனவித்தா²ரமேவ
உச்ச²வனங், தத்த² பூக³ருக்க²க³ந்த⁴ப்பமாணா உச்சு², தத³னந்தரங்
கத³லிவனங், யதோ து³வே பக்கானி கா²த³ந்தா கிலமந்தி, தத³னந்தரங்
சாடிப்பமாணப²லங் பனஸவனங், தத³னந்தரங் ஜம்பு³வனங், தத³னந்தரங்
அம்ப³வனங், தத³னந்தரங் கபித்த²வனந்தி. ஸங்கே²பதோ தஸ்மிங் த³ஹே
கா²தி³தப்³பயுத்தகங் ப²லங் நாம நத்தீ²தி ந வத்தப்³பங். குஸுமானங்
புப்ப²னஸமயே வாதோ ரேணுவட்டிங் உட்டா²பெத்வா பது³மினிபத்தேஸு
ட²பேதி, தத்த² உத³கபு³ஸிதானி பதந்தி. ததோ ஆதி³ச்சபாகேன பச்சித்வா
பக்கபயோக⁴னிகா விய திட்ட²தி, ஏதங் பொக்க²ரமது⁴ நாம , தங் தே²ரஸ்ஸ
ஆஹரித்வா தெ³ந்தி. முளாலங் நங்க³லஸ்ஸமத்தங் ஹோதி, தம்பி
ஆஹரித்வா தெ³ந்தி. பி⁴ஸங் மஹாபே⁴ரிபொக்க²ரப்பமாணங் ஹோதி,
தஸ்ஸ ஏகஸ்மிங் பப்³பே³ பாத³க⁴டகப்பமாணங் கீ²ரங் ஹோதி, தங்
ஆஹரித்வா தெ³ந்தி. பொக்க²ரட்ட²னி மது⁴ஸக்க²ராய யோஜெத்வா தெ³ந்தி.

உச்ச²ங் பாஸாணபிட்² ட²பெத்வா பாதே³ன அக்கமந்தி. ததோ ரஸோ பக்³க⁴ரித்வா ஸொண்டி³ஆவாடே பூரெத்வா, ஆதி³ச்சபாகேன பச்சித்வா கீரபாஸாணபிண்டோ³ விய திட்ட²தி, தங் ஆஹரித்வா தெ³ந்தி. பனஸகத³லிஅம்ப³பக்காதீ³ஸு கதா²வ நத்தி².

கேலாஸபப்³பதே நாக³த³த்தோ நாம தே³வபுத்தோ வஸதி. தே²ரோ காலேன காலங் தஸ்ஸ விமானத்³வாரங் க³ச்ச²தி. ஸோ நவஸப்பிபொக்க²ரமது⁴சுண்ணயுத்தஸ்ஸ நிருத³கபாயாஸஸ்ஸ பத்தங் பூரெத்வா தே³தி. ஸோ கிர கஸ்ஸபபு³த்த⁴காலே வீஸதிவஸ்ஸஸஹஸ்ஸானி ஸுக³ந்த⁴ஸப்பினா கீரஸலாகங் அதா³ஸி. தேனஸ்ஸேதங் போ⁴ஜனங் உப்பஜ்ஜதி. ஏவங் தே²ரோ த³வாத³ஸ வஸ்ஸானி வஸித்வா அத்தனோ ஆயுஸங்கா²ரங் ஓலோகெந்தோ பரிக்³ணபா⁴வங் ஞத்வா “கத்த² பரினிப்³பாயிஸ்ஸாமீ”தி சிந்தெத்வா - “ஹத்தி²னாகே³ஹி மங் த³வாத³ஸ வஸ்ஸானி உபட்ட²ஹந்தேஹி து³க்கரங் கதங், ஸத்தா²ரங் அனுஜானாபெத்வா ஏதேஸங்யேவ ஸந்திகே பரினிப்³பாயிஸ்ஸாமீ”தி ஆகாஸேன ப⁴க³வதோ ஸந்திகங் அக³மாஸி. தேன வுத்தங் “ஸுகிரஸ்ஸேவ யேன ப⁴க³வா தேனுபஸங்கமீ”தி.

நாமஞ்சாதி கஸ்மா நாமங் ஸாவேதி? தே²ரஞ்ஹி கேசி ஸஞ்ஜானந்தி, கேசி ந ஸஞ்ஜானந்தி. தத்த² தே²ரோ சிந்தேஸி - “யே மங் அஜானந்தா ‘கோ ஏஸ பண்ட³ரஸ்ஸோ ஓப⁴க³கோ³ கோ³பானஸிவங்கோ மஹல்லகோ ஸத்தா²ரா ஸத்³தி⁴ங் படிஸந்தா²ரங் கரோதீ³தி சித்தங் பதூ³ஸெஸ்ஸந்தி, தே அபாயபூரகா ப⁴விஸ்ஸந்தி. யே பன மங் ஜானந்தா - ‘த³ஸஸஹஸ்ஸசக்கவாளே ஸத்தா² விய பஞ்ஞாதோ பாகடோ மஹாஸாவகோ³தி சித்தங் பஸாதெ³ஸ்ஸந்தி, தே ஸக்³கூ³பகா³ ப⁴விஸ்ஸந்தீ³தி, ஸத்தானங் அபாயமக்³கங் பித³ஹித்வா ஸக்³க³மக்³கங் விவரந்தோ நாமங் ஸாவேதி.

பு³த்தா⁴னுபு³த்தோ⁴தி பட²மங் ஸத்தா² சத்தாரி ஸச்சானி பு³ஜ்ஜி², பச்சா² தே²ரோ, தஸ்மா பு³த்தா⁴னுபு³த்தோ⁴தி, வுச்சதி. திப்³பு³னிக்கமோதி பா³ள்ஹவீரியோ. விவேகானந்தி திண்ணங் விவேகானங். தேவிஜ்ஜோ, சேதோபரியாயகோவிதோ³தி ச²ஸு அபி⁴ஞ்ஞாஸு சதஸ்ஸோ வத³தி. இதரா த³வே கிஞ்சாபி ந வுத்தா, தே²ரோ பன ச²ளபி⁴ஞ்ஞாவ. இமிஸ்ஸா ச கா³தா²ய பரியோஸானே பரிஸா ஸன்னிஸீதி³. பரிஸாய ஸன்னிஸின்னபா⁴வங் ஞத்வா தே²ரோ ஸத்தா²ரா ஸத்³தி⁴ங் படிஸந்தா²ரங் கத்வா “பரிக்³ணா மே, ப⁴ந்தே, ஆயுஸங்கா²ரா, பரினிப்³பாயிஸ்ஸாமீ”தி, பரினிப்³பானகாலங் அனுஜானாபேஸி . கத்த² பரினிப்³பாயிஸ்ஸாஸி கொண்ட³ஞ்ஞாதி? உபட்ட²கேஹி மே, ப⁴ந்தே, ஹத்தி²னாகே³ஹி து³க்கரங் கதங், தேஸங் ஸந்திகேதி. ஸத்தா² அனுஜானி.

தேரோ த³ஸப³லங் பத³க்கி²ணங் கத்வா - “பு³ப³ங் தங் மே, ப⁴ந்தே, பட²மத³ஸ்ஸனங், இத³ங் பச்சி²மத³ஸ்ஸன”ந்தி பரிதே³வந்தே மஹாஜனே ஸத்தா²ரங் வந்தி³த்வா நிக்க²மித்வா, த்³வாரகொட்ட²கே டி²தோ - “மா ஸோசித்த², மா பரிதே³வித்த², பு³த்தா⁴ வா ஹொந்து பு³த்த⁴ஸாவகா வா, உப்பன்னா ஸங்கா²ரா அபி⁴ஜ்ஜனகா நாம நத்தீ²”தி மஹாஜனங் ஓவதி³த்வா பஸ்ஸந்தஸ்ஸேவ மஹாஜனஸ்ஸ வேஹாஸங் அப³பு⁴க்³ம்ம மந்தா³கினிதீ²ரே ஓதரித்வா பொக்க²ரணியங் ந்ஹத்வா நிவத்த²னிவாஸனோ கதுத்தராஸங்கோ³ ஸேனாஸனங் ஸங்ஸாமெத்வா ப²லஸமாபத்தியா தயோ யாமே வீதினாமெத்வா ப³லவபச்சுஸஸமயே பரினிப்³பா³யி. தே²ரஸ்ஸ ஸஹபரினிப்³பா³னா ஹிமவதி ஸப்³ப³ருக்கா² புப்பே²ஹி ச ப²லேஹி ச ஓனதவினதா அஹேஸுங். வாரிகனாகோ³ தே²ரஸ்ஸ பரினிப்³பு³தபா⁴வங் அஜானந்தோ பாதோவ முகோ²த³கத³ந்தகட்டா²னி உபட்ட²பெத்வா வத்தங் கத்வா கா²த³னியப²லானி ஆஹரித்வா சங்கமனகோடியங் அட்டா²ஸி. ஸோ யாவ ஸூரியுக்³ம்மனா தே²ரஸ்ஸ நிக்க²மனங் அபஸ்ஸந்தோ “கிங் நு கோ² ஏதங்? புப்³பே³ அய்யோ பாதோவ சங்கமதி, முக²ங் தோ⁴வதி. அஜ்ஜ பன பண்ணஸாலதோபி ந நிக்க²மதீ²”தி குடித்³வாரங் கம்பெத்வா ஓலோகெந்தோ தே²ரங் நிஸின்னகமேவ தி³ஸ்வா ஹத்த²ங் பஸாரெத்வா பராமஸித்வா அஸ்ஸாஸபஸ்ஸாஸே பரியேஸந்தோ தேஸங் அப்பவத்திபா⁴வங் ஞத்வா - “பரினிப்³பு³தோ தே²ரோ”தி ஸொண்ட³ங் முகே² பக்கி²பித்வா மஹாரவங் விரவி. ஸகலஹிமவந்தோ ஏகனின்னாதோ³ அஹோஸி. அட்ட²னாக³ஸஹஸ்ஸானி ஸன்னிபதித்வா தே²ரங் ஜெட்ட²கனாக³ஸ்ஸ கும்பே⁴ நிஸீதா³பெத்வா ஸுபுப்பி²தருக்க²ஸாகா² க³ஹெத்வா பரிவாரெத்வா ஸகலஹிமவந்தங் அனுவிசரித்வா ஸகட்டா²னமேவ ஆக³தா.

ஸக்கோ விஸ்ஸகம்மங் ஆமந்தேஸி - “தாத, அம்ஹாகங் ஜெட்ட²பா⁴தா பரினிப்³பு³தோ, ஸக்காரங் கரிஸ்ஸாம, நவயோஜனிகங் ஸப்³ப³ரதனமயங் கூடாகா³ரங் மாபேஹி²தி. ஸோ ததா² கத்வா தே²ரங் தத்த² நிபஜ்ஜாபெத்வா ஹத்தி²னாகா³னங் அதா³ஸி. தே கூடாகா³ரங் உக்கி²பித்வா தியோஜனஸஹஸ்ஸங் ஹிமவந்தங் புனப்புனங் ஆவிஜ்ஜி²ங்ஸு . தேஸங் ஹத்த²தோ ஆகாஸட்ட²கா தே³வா க³ஹெத்வா ஸாது⁴கீளிதங் கீளிங்ஸு. ததோ வஸ்ஸவலாஹகா ஸீதவலாஹகா உண்ஹவலாஹகா சாதுமஹாராஜிகா தாவதிங்ஸாதி ஏதேனுபாயேன யாவ ப்³ரஹ்மலோகா கூடாகா³ரங் அக³மாஸி, புன ப்³ரஹ்மானோ தே³வானந்தி அனுபுப்³பே³ன ஹத்தி²னாகா³னங்யேவ கூடாகா³ரங் அத³ங்ஸு. ஏகேகா தே³வதா சதுரங் கு³லமத்தங் சந்த³னக⁴டிகங் ஆஹரி, சிதகோ நவயோஜனிகோ அஹோஸி. கூடாகா³ரங் சிதகங் ஆரோபயிங்ஸு. பஞ்ச பி⁴க்கு²ஸதானி ஆகாஸேனாக³ந்த்வா ஸப்³ப³ரத்திங் ஸஜ்ஜா²யமகங்ஸு. அனுருத்³த⁴த்தே²ரோ த⁴ம்மங் கதே²ஸி, ப்³ஹுனங் தே³வதானங் த⁴ம்மாபி⁴ஸமயோ அஹோஸி. புனதி³வஸே அருணுக்³ம்மனவேலாயமேவ சிதகங் நிப்³பா³பெத்வா

ஸுமனமகுளவண்ணானங் தா⁴துனங் பரிஸாவனங் பூரெத்வா ப⁴க³வதி
 நிக்க²மித்வா வேளுவனவிஹாரகொட்ட²கங் ஸம்பத்தே ஆஹரித்வா ஸத்து²
 ஹத்தே² ட²பயிங்ஸு. ஸத்தா² தா⁴துபரிஸாவனங் க³ஹெத்வா பத்²வியா
 ஹத்த²ங் பஸாரேஸி, மஹாபத்²விங் பி⁴ந்தி³த்வா ரஜதபு³பு³ளஸதி³ஸங்
 சேதியங் நிக்க²மி. ஸத்தா² ஸஹத்தே²ன சேதியே தா⁴துயோ நிதே⁴ஸி.
 அஜ்ஜாபி கிர தங் சேதியங் த⁴ரதியேவாதி. நவமங்.

10. மொக்³க்³ல்லானஸுத்தவண்ணனா

218. த³ஸமே ஸமன்னேஸதீதி பரியேஸதி பச்சவெக்க²தி. நக³ஸ்ஸாதி
 பப்³புதஸ்ஸ. முனிந்தி பு³த்த⁴முனிங். து³க்க³ஸ்ஸ பாரகு³ந்தி து³க்க³பாரங்
 க³தங். ஸமன்னேஸந்தி ஸமன்னேஸந்தோ. ஏவங் ஸப்³புங்க³ஸம்பன்னந்தி
 ஏவங் ஸப்³புகு³ணஸம்பன்னங். அனேகாகாரஸம்பன்னந்தி அனேகேஹி
 கு³ணேஹி ஸமன்னாக³தங். த³ஸமங்.

11. க³க்³க்³ராஸுத்தவண்ணனா

219. ஏகாத³ஸமே த்யாஸ்ஸுத³ந்தி தே அஸ்ஸுத³ங். அஸ்ஸுத³ந்தி
 நிபாதமத்தங். வண்ணேனாதி ஸரீரவண்ணேன. யஸஸாதி பரிவாரேன.
 விக³தமலோவ பா⁴னுமாதி விக³தமலோ ஆதி³ச்சோ விய. ஏகாத³ஸமங்.

12. வங்கீ³ஸஸுத்தவண்ணனா

220. த³வாத³ஸமே ஆயஸ்மாதி பியவசனங். வங்கீ³ஸோதி தஸ்ஸ
 தே²ரஸ்ஸ நாமங். ஸோ கிர புப்³பே³ பது³முத்தரகாலே படிபா⁴னஸம்பன்னங்
 ஸாவகங் தி³ஸ்வா தா³னங் த³த்வா பத்த²னங் கத்வா கப்பஸதஸஹஸ்ஸங்
 பாரமியோ பூரெத்வா அம்ஹாகங் ப⁴க³வதோ காலே ஸகலஜம்பு³தீ³பே
 வாத³காமதாய ஜம்பு³ஸாக³ங் பரிஹரித்வா ஏகேன பரிப்³பா³ஜகேன ஸத்³தி⁴ங்
 வாத³ங் கத்வா வாதே³ ஜயபராஜயானுபா⁴வேன தேனேவ பரிப்³பா³ஜகேன
 ஸத்³தி⁴ங் ஸங்வாஸங் கப்பெத்வா வஸமானாய ஏகிஸ்ஸா பரிப்³பா³ஜிகாய
 குச்சி²ம்ஹி நிப்³புத்தோ வயங் ஆக³ம்ம மாதிதோ பஞ்சவாத³ஸதானி, பிதிதோ
 பஞ்சவாத³ஸதானீதி வாத³ஸஹஸ்ஸங் உக்³க்³ணஹித்வா விசரதி. ஏகஞ்ச
 விஜ்ஜங் ஜானாதி, யங் விஜ்ஜங் பரிஜப்பித்வா மதானங் ஸீஸங் அங்கு³லியா
 பஹரித்வா - “அஸுகட்டா²னே நிப்³புத்தோ”தி ஜானாதி. ஸோ அனுபுப்³பே³ன
 கா³மனிக³மாதீ³ஸு விசரந்தோ பஞ்சஹி மாணவகஸதேஹி ஸத்³தி⁴ங்
 ஸாவத்தி²ங் அனுப்பத்தோ நக³ரத்³வாரே ஸாலாய நிஸீத³தி.

ததா³ ச நக³ரவாஸினோ புரேப⁴த்தங் தா³னங் த³த்வா பச்சா²ப⁴த்தங்
 ஸுத்³து⁴த்தராஸங்கா³ க³ந்த⁴மாலாதி³ஹத்தா² த⁴ம்மஸ்ஸவனாய
 விஹாரங் க³ச்ச²ந்தி. மாணவோ தி³ஸ்வா, “கஹங் க³ச்ச²தா²”தி? புச்சி². தே

“த³ஸப³லஸ்ஸ ஸந்திகங் த⁴ம்மஸ்ஸவனாயா”தி ஆஹங்ஸு. ஸோபி ஸபரிவாரோ தேஹி ஸத்³தி⁴ங் க³ந்த்வா படிஸந்தா²ரங் கத்வா ஏகமந்தங் அட்டா²ஸி. அத² நங் ப⁴க³வா ஆஹ - “வங்கீஸ, ப⁴த்³த³கங் கிர ஸிப்பங் ஜானாஸீ”தி. “போ⁴ கோ³தம, அஹங் ப³ஹுஸிப்பங் ஜானாமி. தும்ஹே கதரங் ஸந்தா⁴ய வத்³தா²”தி? ச²வது³ஸகஸிப்பந்தி. ஆம, போ⁴ கோ³தமதி. அத²ஸ்ஸ ப⁴க³வா அத்தனோ ஆனுபா⁴வேன நிரயே நிப்³ப³த்தஸ்ஸ ஸீஸங் த³ஸ்ஸெத்வா, “வங்கீஸ, அயங் கஹங் நிப்³ப³த்தோ”தி புச்சி². ஸோ மந்தங் ஜப்பித்வா அங்கு³லியா பஹரித்வா “நிரயே”தி ஆஹ. “ஸாது⁴, வங்கீஸ, ஸுகதி²த”ந்தி தே³வலோகே நிப்³ப³த்தஸ்ஸ ஸீஸங் த³ஸ்ஸேஸி. தம்பி ஸோ ததே²வ ப்³யாகாஸி. அத²ஸ்ஸ கீணாஸவஸ்ஸ ஸீஸங் த³ஸ்ஸேஸி. ஸோ புனப்புனங் மந்தங் பரிவத்தெத்வாபி அங்கு³லியா பஹரித்வாபி நிப்³ப³த்தட்டா²னங் ந பஸ்ஸதி.

அத² நங் ப⁴க³வா “கிலமஸி, வங்கீஸா”தி ஆஹ? ஆம போ⁴, கோ³தமதி. புனப்புனங் உபதா⁴ரேஹீதி. ததா² கரொந்தோபி அதி³ஸ்வா, “தும்ஹே, போ⁴ கோ³தம, ஜானாதா²”தி ஆஹ. ஆம, வங்கீஸ, மங் நிஸ்ஸாய சேஸ க³தோ, அஹமஸ்ஸ க³திங் ஜானாமீதி. மந்தேன ஜானாஸி, போ⁴ கோ³தமதி? ஆம, வங்கீஸ, ஏகேன மந்தேனேவ ஜானாமீதி. போ⁴ கோ³தம, மய்ஹங் மந்தேன இமங் மந்தங் தே³தா²தி. அமூலிகோ, வங்கீஸ, மய்ஹங் மந்தோதி. தே³த², போ⁴ கோ³தமதி. ந ஸக்கா மய்ஹங் ஸந்திகே அபப்³ப³ஜிதஸ்ஸ தா³துந்தி. ஸோ அந்தேவாஸிகே ஆமந்தேஸி - “தாதா ஸமணோ கோ³தமோ அதிரேகஸிப்பங் ஜானாதி, அஹங் இமஸ்ஸ ஸந்திகே பப்³ப³ஜித்வா ஸிப்பங் க³ண்ஹாமி, ததோ ஸகலஜம்பு³தீ³பே அம்ஹேஹி ப³ஹுதரங் ஜானந்தோ நாம ந ப⁴விஸ்ஸதி. தும்ஹே யாவ அஹங் ஆக³ச்சா²மி, தாவ அனுக்கண்டி²த்வா விசரதா²”தி தே உய்யோஜெத்வா “பப்³பா³ஜேத² ம”ந்தி ஆஹ. ஸத்தா² நிக்³ரோத⁴கப்பஸ்ஸ படிபாதே³ஸி. தே²ரோ தங் அத்தனோ வஸனட்டா²னங் நெத்வா பப்³பா³ஜேஸி. ஸோ பப்³ப³ஜித்வா ஸத்து² ஸந்திகங் ஆக³ம்ம வந்தி³த்வா டி²தோ “ஸிப்பங் தே³தா²”தி யாசி. வங்கீஸ, தும்ஹே ஸிப்பங் க³ண்ஹந்தா அலோணபோ⁴ஜனத²ண்டி³லஸெய்யாதீ³ஹி பரிகம்மங் கத்வா க³ண்ஹத², இமஸ்ஸாபி ஸிப்பஸ்ஸ பரிகம்மங் அத்தி², தங் தாவ கரோஹீதி. ஸாது⁴, ப⁴ந்தேதி. அத²ஸ்ஸ ஸத்தா² த்³வத்திங்ஸாகாரகம்மட்டா²னங் ஆசிக்கி². ஸோ தங் அனுலோமபடி³லோமங் மனஸிகரொந்தோ விபஸ்ஸனங் வட்³டெ⁴த்வா அனுக்கமேன அரஹத்தங் பாபுணி.

விமுத்திஸுக²ங் படிஸங்வேதீ³தி ஏவங் அரஹத்தங் பத்வா விமுத்திஸுக²ங் படிஸங்வேதே³ந்தோ. காவெய்யமத்தாதி காவெய்யேன கப்³ப³கரணேன மத்தா. க²ந்தா⁴யதனதா⁴துயோதி இமானி க²ந்தா⁴தீ³னி பகாஸெந்தோ த⁴ம்மங் தே³ஸேஸி. யே நியாமக³தத்³த³ஸாதி யே நியாமக³தா சேவ நியாமத³ஸ்ஸாதி ச. ஸ்வாக³தந்தி ஸுஆக³மனங்.

இத்³தி⁴பத்தொம்ஹீதி இமினா இத்³தி⁴வித⁴ஞாணங் க³ஹிதங்.
சேதோபரியாயகோவிதோ³தி இமினா சேதோபரியஞாணங். தி³ப்³பேஸாதங் பன
அவுத்தம்பி க³ஹிதமேவ ஹோதி. ஏவங் ச² அபி⁴ஞ்ஞாபத்தோ ஏஸோ
மஹாஸாவகோதி வேதி³தப்³போ³. த்³வாத³ஸமங்.

இதி ஸாரத்த²ப்பகாஸினியா

ஸங்யுத்தனிகாய-அட்ட²கதா²ய

வங்கீ³ஸஸங்யுத்தவண்ணனா நி²டி²தா.

9. வனஸங்யுத்தங்

1. விவேகஸுத்தவண்ணனா

221. வனஸங்யுத்தஸ்ஸ பட²மே கோஸலேஸு விஹரதீதி ஸத்து² ஸந்திகே கம்மட்டா²னங் க³ஹெத்வா தஸ்ஸ ஜனபத³ஸ்ஸ ஸுலப⁴பி⁴க்க²தாய தத்த² க³ந்த்வா விஹரதி. ஸங்வேஜேதுகாமாதி விவேகங் படிபஜ்ஜாபேதுகாமா. விவேககாமோதி தயோ விவேகே பத்த²யந்தோ. நிச்ச²ரதீ ப³ஹித்தா⁴தி பா³ஹிரேஸு புது²த்தாரம்மணேஸு சரதி. ஜனோ ஜனஸ்மிந்தி த்வங் ஜனோ அஞ்ஞஸ்மிங் ஜனே ச²ந்த³ராக³ங் வினயஸ்ஸு. பஜஹாஸீதி பஜஹ. ப⁴வாஸீதி ப⁴வ. ஸதங் தங் ஸாரயாமஸேதி ஸதிமந்தங் பண்டி³தங் தங் மயம்பி ஸாரயாம, ஸதங் வா த⁴ம்மங் மயங் தங் ஸாரயாமாதி அத்தோ². பாதாலரஜோதி அப்பதிட்ட²ட்டே²ன பாதாலஸங்கா²தோ கிலேஸரஜோ. மா தங் காமரஜோதி அயங் காமராக³ரஜோ தங் மா அவஹரி, அபாயமேவ மா நேதுதி அத்தோ². பங்ஸுகுந்தி²தோதி பங்ஸுமக்கி²தோ. விது⁴னந்தி விது⁴னந்தோ. ஸிதங் ரஜந்தி ஸரீரலக்³கங் ரஜங். ஸங்வேக³மாபா²தீதி தே³வதாபி நாம மங் ஏவங் ஸாரேதீதி விவேகமாபன்னோ, உத்தமவீரியங் வா பக்³க³ய்ஹ பரமவிவேகங் மக்³க³மேவ படிபன்னோதி. பட²மங்.

2. உபட்டா²னஸுத்தவண்ணனா

222. து³தியே ஸுபதீதி அயங் கிர கீ²ணாஸவோ, ஸோ து³ரே பி⁴க்கா²சாரகா³மங் க³ந்த்வா ஆக³தோ பண்ணஸாலாய பத்தசீவரங் படிஸாமெத்வா அவிது³ரே ஜாதஸ்ஸரங் ஓதரித்வா க³த்தானி உதுங் கா³ஹாபெத்வா தி³வாட்டா²னங் ஸம்மஜ்ஜித்வா தத்த² நீசமஞ்சகங் பஞ்ஞாபெத்வா நித்³தங் அனோக்கமந்தோவ நிபன்னோ. கீ²ணாஸவஸ்ஸாபி ஹி காயத³ரதோ² ஹோதியேவாதி தஸ்ஸ வினோத³னத்த²ங், தங் ஸந்தா⁴ய ஸுபதீதி வுத்தங். அஜ்ஜ²பா⁴ஸீதி “அயங் பி⁴க்கு² ஸத்து² ஸந்திகே கம்மட்டா²னங் க³ஹெத்வா தி³வா ஸுபதி, தி³வாஸொப்பஞ்ச நாமேதங் வட்³டி⁴தங் தி³ட்ட²த⁴ம்மிகஸம்பராயிகங் அத்த²ங் நாலேஸதீ²தி மஞ்ஞமானா “சோதெ³ஸ்ஸாமி ந”ந்தி சிந்தெத்வா அபா⁴ஸி.

ஆதுரஸ்ஸாதி ஜராதுரோ ரோகா³துரோ கிலேஸாதுரோதி தயோ ஆதுரா, தேஸு கிலேஸாதுரங் ஸந்தா⁴யேவமாஹ. ஸல்லவித்³த⁴ஸ்ஸாதி ஸவிஸேன ஸத்திஸல்லேன விய அவிஜ்ஜாவிஸவிட்டே²ன தண்ஹாஸல்லேன ஹத³யே வித்³த⁴ஸ்ஸ. ரூப்பதோதி க⁴ட்டியமானஸ்ஸ.

இதா³னிஸ்ஸ கா¹மேஸு ஆ²தி³னவங் கத²யந்தீ அ¹னிச்சாதிஆ²தி³மாஹ. தத்த² அ¹ஸிதந்தி தண்ஹாதி³ட்டி²னிஸ்ஸயேன அ¹னிஸ்ஸிதங். கஸ்மா பப்³புஜிதங் தபேதி ஏவருபங் கீ²ணாஸவங் தி³வாஸொப்பங் ந தபதி, தாதி³ஸங் பன கஸ்மா ந தபெஸ்ஸதீதி? வத³தி. தே²ரஸ்ஸேவ வா ஏதங் வசனங், தஸ்மா அயமெத்த² அத்தோ² - பத்³தே⁴ஸு முத்தங் அ¹ஸிதங் மாதி³ஸங் கீ²ணாஸவபப்³புஜிதங் கஸ்மா தி³வாஸொப்பங் தபே, ந தபெஸ்ஸதீதி? ஸேஸகா³தா²ஸுபி ஏஸேவ நயோ. தே³வதாய ஹி வசனபக்கே² - “ஏவருபங் கீ²ணாஸவபப்³புஜிதங் தி³வாஸொப்பங் ந தபதி, தாதி³ஸங் பன கஸ்மா ந தபெஸ்ஸதீதி? தபெஸ்ஸதியேவா”தி அத்தோ². தே²ரஸ்ஸ வசனபக்கே² - “ஏவருபங் மாதி³ஸங் கீ²ணாஸவபப்³புஜிதங் கஸ்மா தி³வாஸொப்பங் தபே? ந தபதியேவா”தி அத்தோ². அயங் பனெத்த² அனுத்தானபத³வண்ணனா. வினயாதி வினயேன. ஸமதிக்கமாதி வட்டமுலிகாய அவிஜ்ஜாய ஸமதிக்கமேன. தங் ஞாணந்தி தங் சதுஸச்சஞாணங். பரமோதா³னந்தி பரமபரிஸுத்³த⁴ங். பப்³புஜிதந்தி ஏவருபேன ஞாணேன ஸமன்னாக³தங் பப்³புஜிதங். விஜ்ஜாயாதி சதுத்த²மக்³க³விஜ்ஜாய. ஆரத்³த⁴வீரியந்தி பக்³க³ஹிதவீரியங் பரிபுண்ணவீரியங். து³தியங்.

3. கஸ்ஸபகொத்தஸுத்தவண்ணனா

223. ததியே சே²தந்தி ஏகங் மிக்³லுத்³த³கங். ஓவத³தீதி ஸோ கிர மிக்³லுத்³த³கோ பாதோவ பு⁴ஞ்ஜித்வா “மிகே³ வதி⁴ஸ்ஸாமீ”தி அரஞ்ஞங் பவிட்டோ² ஏகங் ரோஹிதமிக்³ங் தி³ஸ்வா “ஸத்தியா நங் பஹரிஸ்ஸாமீ”தி அனுப³ந்த⁴மானோ தே²ரஸ்ஸ பட²மஸுத்தே வுத்தனயேனேவ தி³வாவிஹாரங் நிஸின்னஸ்ஸ அவிதூ³ரேன பக்கமதி. அத² நங் தே²ரோ - “உபாஸக, பாணாதிபாதோ நா¹மேஸ அபாயஸங்வத்தனிகோ அப்பாயுகஸங்வத்தனிகோ, ஸக்கா அஞ்ஞேனபி கஸிவணிஜ்ஜாதி³கம்மேன தா³ரப⁴ரணங் காதுங், மா ஏவருபங் கக்²ளகம்மங் கரோஹீ”தி ஆஹ. ஸோபி “மஹாபங்ஸுகூலிகத்தே²ரோ கதே²தீ”தி கா³ரவேன ட²த்வா ஸோதுங் ஆரத்³தோ⁴. அத²ஸ்ஸ ஸோதுகாமதங் ஜனெஸ்ஸாமீதி தே²ரோ அங்கு³ட்ட²கங் ஜாலாபேஸி. ஸோ அக்கீ²ஹிபி பஸ்ஸதி, கண்ணேஹிபி ஸுணாதி, சித்தங் பனஸ்ஸ “அஸுகட்டா²னங் மிகோ³ க³தோ ப⁴விஸ்ஸதி, அஸுகதித்த²ங் ஓதிண்ணோ, தத்த² நங் க³ந்த்வா கா⁴தெத்வா யாவதி³ச்ச²கங் மங்ஸங் கா²தி³த்வா ஸேஸங் காஜேனாதா³ய க³ந்த்வா புத்தகே தோஸெஸ்ஸாமீ”தி ஏவங் மிக்³ஸ்ஸேவ அனுபத³ங் தா⁴வதி. ஏவங் விக்கி²த்தசித்தஸ்ஸ த⁴ம்மங் தே³ஸெந்தங் தே²ரங் ஸந்தா⁴ய வுத்தங் “ஓவத³தீ”தி. அஜ்ஜ²பா⁴ஸீதி “அயங் தே²ரோ அதா³ருங் தச்ச²ந்தோ விய அகெ²த்தே வப்பந்தோ விய அத்தனோபி கம்மங் நா¹ஸேதி, ஏதஸ்ஸாபி சோதெ³ஸ்ஸாமி ந”ந்தி அபா⁴ஸி.

அப்பபஞ்ஞந்தி நிப்பஞ்ஞங். அசேதஸந்தி காரணஜானநஸமத்தே²ன சித்தேன ரஹிதங். மந்தோ³வாதி அந்த⁴பா³லோ விய. ஸுணாதீதி தவ த⁴ம்மகத²ங் ஸுணாதி. ந விஜானாதீதி அத்த²மஸ்ஸ ந ஜானாதி. ஆலோகேதீதி தவ புது²ஜ்ஜனிகஇத்தி³தி⁴யா ஜலந்தங் அங்கு³ட்ட²கங் ஆலோகேதி. ந பஸ்ஸதீதி எத்த² “நேவ தேலங் ந வட்டி ந தீ³பகபல்லிகா, தே²ரஸ்ஸ பன ஆனுபா⁴வேனாயங் ஜலதீ³தி இமங் காரணங் ந பஸ்ஸதி. த³ஸ பஜ்ஜோதேதி த³ஸஸு அங்கு³லீஸு த³ஸ பதீ³பே. ரூபானீதி காரணரூபானி. சக்க²தி பஞ்ஞாசக்கு². ஸங்வேக³மாபாதீ³தி கிங் மே இமினாதி? வீரியங் பக்³க³ய்ஹ பரமவிவேகங் அரஹத்தமக்³க³ங் படிபஜ்ஜி. ததியங்.

4. ஸம்ப³ஹுலஸுத்தவண்ணனா

224. சதுத்தே² ஸம்ப³ஹுலாதி ப³ஹு ஸுத்தந்திகா ஆபி⁴த⁴ம்மிகா வினயத⁴ரா ச. விஹரந்தீதி ஸத்து² ஸந்திகே கம்மட்டா²னங் க³ஹெத்வா விஹரந்தி. பக்கமிங்ஸுதி தே கிர தஸ்மிங் ஜனபதே³ அஞ்ஞதரங் கா³மங் உபஸங்கமந்தே தி³ஸ்வா மனுஸ்ஸா பஸன்னசித்தா ஆஸனஸாலாய கோஜவத்த²ரணாதீ³னி பஞ்ஞாபெத்வா யாகு³க²ஜ்ஜகானி த³த்வா உபனிஸீதி³ங்ஸு. மஹாதே²ரோ ஏகங் த⁴ம்மகதி²கங் “த⁴ம்மங் கதே²ஹீ”தி ஆஹ. ஸோ சித்தங் த⁴ம்மகத²ங் கதே²ஸி. மனுஸ்ஸா பஸீதி³த்வா போ⁴ஜனவேலாயங் பணீதபோ⁴ஜனங் அத³ங்ஸு. மஹாதே²ரோ மனுஞ்ஞங் ப⁴த்தானுமோத³னமகாஸி. மனுஸ்ஸா பி⁴ய்யோஸோமத்தாய பஸன்னா “இதே⁴வ, ப⁴ந்தே, தேமாஸங் வஸதா²”தி படிஞ்ஞங் காரெத்வா க³மனாக³மனஸம்பன்னே டா²னே ஸேனாஸனானி காரெத்வா சதுஹி பச்சயேஹி உபட்ட²ஹிங்ஸு. மஹாதே²ரோ வஸ்ஸுபனாயிகதி³வஸே பி⁴க்க² ஓவதி³ - “ஆவுஸோ, தும்ஹேஹி க³ருகஸ்ஸ ஸத்து² ஸந்திகே கம்மட்டா²னங் க³ஹிதங், பு³த்த⁴பாதுபா⁴வோ நாம து³ல்லபோ⁴. மாஸஸ்ஸ அட்ட² தி³வஸே த⁴ம்மஸ்ஸவனங் கத்வா க³ணஸங்க³ணிகங் பஹாய அப்பமத்தா விஹரதா²”தி. தே ததோ பட்டா²ய யுஞ்ஜந்தி க⁴டெந்தி. கதா³சி ஸப்³ரத்திகங் த⁴ம்மஸ்ஸவனங் கரொந்தி, கதா³சி பஞ்ஹங் விஸ்ஸஜ்ஜெந்தி, கதா³சி பதா⁴னங் கரொந்தி. தேஸங் த⁴ம்மஸ்ஸவனதி³வஸே த⁴ம்மங் கதே²ந்தானங்யேவ அருணோ உக்³க³ச்ச²தி. பஞ்ஹாவிஸ்ஸஜ்ஜனதி³வஸே ப்யத்தோ பி⁴க்கு² பஞ்ஹங் புச்ச²தி, பண்டி³தோ விஸ்ஸஜ்ஜேதீதி புச்ச²னவிஸ்ஸஜ்ஜனங் கரொந்தானங்யேவ. பதா⁴னதி³வஸே ஸூரியத்த²ங்க³மனே க³ண்டி³ங் பஹரித்வாவ சங்கமங் ஓதரித்வா பதா⁴னங் கரொந்தானங்யேவ. தே ஏவங் வஸ்ஸங் வஸ்ஸித்வா பவாரெத்வா பக்கமிங்ஸு. தங் ஸந்தா⁴யேதங் வுத்தங். பரிதே³வமானாதி “இதா³னி ததா²ரூபங் மது⁴ரங் த⁴ம்மஸ்ஸவனங் பஞ்ஹாகத²னங் குதோ லபி⁴ஸ்ஸாமீ”திஆதீ³னி வத்வா ரோத³மானா.

கா²யதீதி பஞ்ஞாயதி உபட்டா²தி. கோ மேதி கஹங் இமே.
வஜ்ஜிபூ⁴மியாதி வஜ்ஜிரட்டா²பி⁴முகா² க³தா. மகா³ வியாதி யதா² மகா³
தஸ்மிங் தஸ்மிங் பப்³ப³தபாதே³ வா வனஸண்டே³ வா விசரந்தா - “இத³ங்
அம்ஹாகங் மாதுஸந்தகங் பிதுஸந்தகங் பவேணிஆக³த”ந்தி அக³ஹெத்வா,
யத்தே²வ நேஸங் கோ³சரபா²ஸுதா ச ஹோதி பரிபந்தா²பா⁴வோ ச, தத்த²
விசரந்தி. ஏவங் அனிகேதா அகே³ஹா பி⁴க்க²வோபி “அயங், ஆவுஸோ,
அம்ஹாகங் ஆசரியபஜ்ஜா²யானங் ஸந்தகோ பவேணிஆக³தோ”தி அக³ஹெத்வா
யத்தே²வ நேஸங் உதுஸப்பாயங் போ⁴ஜனஸப்பாயங் புக்³க³லஸப்பாயங்
ஸேனாஸனஸப்பாயங் த⁴ம்மஸ்ஸவனஸப்பாயஞ்ச ஸுலப⁴ங் ஹோதி,
தத்த² விஹரந்தி. சதுத்த²ங்.

5. ஆனந்த³ஸுத்தவண்ணனா

225. பஞ்சமே ஆனந்தோ³தி த⁴ம்மப⁴ண்டா³கா³ரிகத்தே²ரோ. அதிவேலந்தி
அதிக்கந்தங் வேலங். கி³ஹிஸஞ்ஞத்திப³ஹுலோதி ரத்திஞ்ச தி³வா ச
ப³ஹுகாலங் கி³ஹீ ஸஞ்ஞாபயந்தோ. ப⁴க³வதி பரினிப்³பு³தே
மஹாகஸ்ஸபத்தே²ரோ தே²ரங் ஆஹ - “ஆவுஸோ, மயங் ராஜக³ஹே
வஸ்ஸங் உபக³ந்த்வா த⁴ம்மங் ஸங்கா³யிஸ்ஸாம, க³ச்ச² த்வங் அரஞ்ஞங்
பவிஸித்வா உபரிமக்³க³த்தயத்தா²ய வாயாமங் கரோஹி”தி. ஸோ ப⁴க³வதோ
பத்தசீவரமாதா³ய கோஸலரட்ட²ங் க³ந்த்வா ஏகஸ்மிங் அரஞ்ஞாவாஸே
வஸித்வா புனதி³வஸே ஏகங் கா³மங் பாவிஸி. மனுஸ்ஸா தே²ரங் தி³ஸ்வா -
“ப⁴ந்தே ஆனந்த³, தும்ஹே புப்³பே³ ஸத்தா²ரா ஸத்தி³தி⁴ங் ஆக³ச்ச²த². அஜ்ஜ
ஏககாவ ஆக³தா. கஹங் ஸத்தா²ரங் ட²பெத்வா ஆக³தத்த²? இதா³னி கஸ்ஸ
பத்தசீவரங் க³ஹெத்வா விசரத²? கஸ்ஸ முகோ²த³கங் த³ந்தகட்ட²ங் தே³த²,
பரிவேணங் ஸம்மஜ்ஜத², வத்தபடிவத்தங் கரோதா²”தி ப³ஹுங் வத்வா
பரிதே³விங்ஸு. தே²ரோ - “மா, ஆவுஸோ, ஸோசித்த², மா பரிதே³வித்த²,
அனிச்சா ஸங்கா²ரா”திஆதீ³னி வத்வா தே ஸஞ்ஞாபெத்வா
ப⁴த்தகிச்சாவஸானே வஸனட்டா²னமேவ க³ச்ச²தி. மனுஸ்ஸா ஸாயம்பி
தத்த² க³ந்த்வா ததே²வ பரிதே³வந்தி. தே²ரோபி ததே²வ ஓவத³தி. தங்
ஸந்தா⁴யேதங் வுத்தங். அஜ்ஜ²பா⁴ஸீதி “அயங் தே²ரோ
பி⁴க்கு²ஸங்க⁴ஸ்ஸ கத²ங் ஸுத்வா ‘ஸமணத⁴ம்மங் கரிஸ்ஸாமீ”தி
அரஞ்ஞங் பவிஸித்வா இதா³னி கி³ஹீ ஸஞ்ஞாபெந்தோ விஹரதி, ஸத்து²
ஸாஸனங் அஸங்க³ஹிதபுப்²ராஸி விய டி²தங், த⁴ம்மஸங்க³ஹங் ந கரோதி,
சோதே³ஸ்ஸாமி ந”ந்தி சிந்தெத்வா அபா⁴ஸி.

பஸக்கியாதி பவிஸித்வா. ஹத³யஸ்மிங் ஓபியாதி கிச்சதோ ச
ஆரம்மணதோ ச ஹத³யம்ஹி பக்கி²பித்வா. “நிப்³பா³னங் பாபுணிஸ்ஸாமீ”தி
வீரியங் கரொந்தோ நிப்³பா³னங் கிச்சதோ ஹத³யம்ஹி ஓபேதி நாம,
நிப்³பா³னாரம்மணங் பன ஸமாபத்திங் அப்பெத்வா நிஸீத³ந்தோ ஆரம்மணதோ.

தது³ப⁴யம்பி ஸந்தா⁴யேஸா பா⁴ஸதி. ஜா²யாதி த்³வீஹி ஜா²னேஹி
ஜா²யிகோ ப⁴வ. பி³ளிபி³ளிகாதி அயங் கி³ஹீஹி ஸத்³தி⁴ங் பி³ளிபி³ளிகதா².
பஞ்சமங்.

6. அனுருத்³த⁴ஸுத்தவண்ணனா

226. ச²ட்டே² புராணது³தியிகாதி அனந்தரே அத்தபா⁴வே அக்³க³மஹேஸ்.
ஸோப⁴ஸீதி புப்³பே³பி ஸோப⁴ஸி, இதா³னிபி ஸோப⁴ஸி. து³க்³க³தாதி ந
க³திது³க்³க³தியா து³க்³க³தா. தா ஹி ஸுக³தியங் டி²தா ஸம்பத்திங்
அனுப⁴வந்தி, படிபத்திது³க்³க³தியா பன து³க்³க³தா. ததோ சுதா ஹி தா நிரயேபி
உபபஜ்ஜந்தீதி து³க்³க³தா. பதிட்டி²தாதி ஸக்காயஸ்மிங் ஹி பதிட்ட²ஹந்தோ
அட்ட²ஹி காரணேஹி பதிட்டா²தி - ரத்தோ ராக³வஸேன பதிட்டா²தி, து³ட்டோ²
தோ³ஸவஸேன... மூள்ஹோ மோஹவஸேன... வினிப³த்³தோ⁴ மாநவஸேன...
பராமட்டோ² தி³ட்டி²வஸேன... தா²மக³தோ அனுஸயவஸேன... அனிட்ட²ங்க³தோ
விசிகிச்சா²வஸேன... விக்³கே²பக³தோ உத்³த⁴ச்சவஸேன பதிட்டா²தி. தாபி ஏவங்
பதிட்டி²தாவ. நரதே³வானந்தி தே³வனரானங்.

நத்தி² தா³னீதி ஸா கிர தே³வதீ⁴தா தே²ரே ப³லவஸினேஹா அஹோஸி,
படிக³ந்துங் நாஸக்கி². காலேன ஆக³ந்த்வா பரிவேணங் ஸம்மஜ்ஜதி,
முகோ²த³கங் த³ந்தகட்ட²ங் பானியங் பரிபோ⁴ஜனீயங் உபட்ட²பேதி. தே²ரோ
அனாவஜ்ஜனேன பரிபு⁴ஞ்ஜதி. ஏகஸ்மிங் தி³வஸே தே²ரஸ்ஸ
ஜிண்ணசீவரஸ்ஸ சோளகபி⁴க்க²ங் சரதோ ஸங்காரசுகடே தி³ப்³ப³து³ஸ்ஸங்
ட²பெத்வா பக்கமி. தே²ரோ தங் தி³ஸ்வா உக்கி²பித்வா, ஓலோகெந்தோ
து³ஸ்ஸந்தங் தி³ஸ்வா “து³ஸ்ஸமேத”ந்தி ஞத்வா, “அலங் எத்தாவதா”தி
அக்³க³ஹேஸி. தேனேவஸ்ஸ சீவரங் நிட்டா²ஸி. அத² த்³வே அக்³க³ஸாவகா
அனுருத்³த⁴த்தே²ரோ சாதி தயோ ஜனா சீவரங் கரிங்ஸு. ஸத்தா² ஸூசிங்
யோஜெத்வா அதா³ஸி. நிட்டி²த³சீவரஸ்ஸ பிண்டா³ய சரதோ தே³வதா
பிண்ட³பாதங் ஸமாத³பேதி. ஸா காலேன ஏகிகா, காலேன அத்தது³தியா
தே²ரஸ்ஸ ஸந்திகங் ஆக³ச்ச²தி. ததா³ பன அத்தததியா ஆக³ந்த்வா
தி³வாட்டா²னே தே²ரங் உபஸங்கமித்வா - “மயங் மனாபகாயிகா நாம மனஸா
இச்சி²திச்சி²தருபங் மாபேமா”தி ஆஹ. தே²ரோ - “ஏதா ஏவங் வத³ந்தி,
வீமங்ஸிஸ்ஸாமி, ஸப்³பா³ நீலகா ஹொந்து”தி சிந்தேஸி. தா தே²ரஸ்ஸ
மனங் ஞத்வா ஸப்³பா³வ நீலவண்ணா அஹேஸுங், ஏவங்
பீதலோஹிதஓதா³தவண்ணாதி. ததோ சிந்தயிங்ஸு - “தே²ரோ அம்ஹாகங்
த³ஸ்ஸனங் அஸ்ஸாதே³தீ”தி தா ஸமஜ்ஜங் காதுங் ஆரத்³தா⁴, ஏகாபி கா³யி,
ஏகாபி நச்சி, ஏகாபி அச்ச²ரங் பஹரி. தே²ரோ இந்த³ரியானி ஒக்கி²பி. ததோ - “ந
அம்ஹாகங் த³ஸ்ஸனங் தே²ரோ அஸ்ஸாதே³தீ”தி ஞத்வா ஸினேஹங் வா
ஸந்த²வங் வா அலப⁴மானா நிப்³பி³ந்தி³த்வா க³ந்துமாரத்³தா⁴. தே²ரோ தாஸங்
க³மனபா⁴வங் ஞத்வா - “மா புனப்புனங் ஆக³ச்சி²ங்ஸு”தி அரஹத்தங்

ப்யாகரொந்தோ இமங் கா³த²மாஹ. தத்த² விக்²கீ²ணோதி கீ²ணோ.
ஜாதிஸங்ஸாரோதி தத்த² தத்த² ஜாதிஸங்கா²தோ ஸங்ஸாரோ. ச²ட்ட²ங்.

7. நாக³த³த்தஸுத்தவண்ணனா

227. ஸத்தமே அதிகாலேனாதி ஸப்³ப³ரத்திங் நித்³தா³யித்வா ப³லவபச்சுஸே
கோடிஸம்முஞ்ஜனியா தோ²கங் ஸம்மஜ்ஜித்வா முக²ங் தோ⁴வித்வா
யாகு³பி⁴க்கா²ய பாதோவ பவிஸதி. அதிதி³வாதி யாகு³ங் ஆதா³ய
ஆஸனஸாலங் க³ந்த்வா பிவித்வா ஏகஸ்மிங் டா²னே நிபன்னோ நித்³தா³யித்வா
- “மனுஸ்ஸானங் போ⁴ஜனவேலாய பணீதங் பி⁴க்க²ங் லபி⁴ஸ்ஸாமீ”தி
உபகட்டே² மஜ்ஜ²ன்ஹிகே உட்டா²ய த⁴ம்மகரணேன உத³கங் க³ஹெத்வா
அக்²னி பமஜ்ஜித்வா பிண்டா³ய சரித்வா யாவத³த்த²ங் பு⁴ஞ்ஜித்வா
மஜ்ஜ²ன்ஹிகே வீதிவத்தே படிக்கமதி. தி³வா ச ஆக³ந்த்வாதி அதிகாலே
பவிட்டே²ன நாம அஞ்ஞேஹி பி⁴க்க²ஹி பட²மதரங் ஆக³ந்தப்³ப³ங் ஹோதி,
த்வங் பன அதிவிய தி³வா ஆக³ந்த்வா க³தாஸீதி அத்தோ². பா⁴யாமி
நாக³த³த்தந்தி தங் நாக³த³த்தங் அஹங் பா⁴யாமி. ஸுப்பக³ப்³ப⁴ந்தி ஸுட்டு²
பக³ப்³ப⁴ங். குலேஸுதி க²த்தியகுலாதி³உபட்டா²ககுலேஸு. ஸத்தமங்.

8. குலக⁴ரணீஸுத்தவண்ணனா

228. அட்ட²மே அஜ்ஜோ²கா³ள்ஹப்பத்தோதி ஓகா³ஹப்பத்தோ. ஸோ கிர
ஸத்து² ஸந்திகே கம்மட்டா²னங் க³ஹெத்வா தங் வனஸண்ட³ங் பவிஸித்வா
து³தியதி³வஸே கா³மங் பிண்டா³ய பாவிஸி பாஸாதி³கேஹி அபி⁴க்கந்தாதீ³ஹி.
அஞ்ஞதரங் குலங் தஸ்ஸ இரியாபதே² பஸீதி³த்வா பஞ்சபதிட்டி²தேன
வந்தி³த்வா பிண்ட³பாதங் அதா³ஸி. ப⁴த்தானுமோத³னங் புன ஸுத்வா
அதிரேகதரங் பஸீதி³த்வா, “ப⁴ந்தே, நிச்சகாலங் இதே⁴வ பி⁴க்க²ங்
க³ண்ஹதா²”தி நிமந்தேஸி. தே²ரோ அதி⁴வாஸெத்வா தேஸங் ஆஹாரங்
பரிபு⁴ஞ்ஜமானோ வீரியங் பக்³க³ய்ஹ க⁴டெந்தோ அரஹத்தங் பத்வா
சிந்தேஸி - “ப³ஹுபகாரங் மே ஏதங் குலங், அஞ்ஞத்த² க³ந்த்வா கிங்
கரிஸ்ஸாமீ”தி? ப²லஸமாபத்திஸுக²ங் அனுப⁴வந்தோ தத்தே²வ வஸி.
அஜ்ஜ²பா⁴ஸீதி ஸா கிர தே²ரஸ்ஸ கீ²ணாஸவபா⁴வங் அஜானந்தீ சிந்தேஸி
- “அயங் தே²ரோ நேவ அஞ்ஞங் கா³மங் க³ச்ச²தி, ந அஞ்ஞங் க⁴ரங், ந
ருக்க²மூலஆஸனஸாலாதீ³ஸு நிஸீத³தி, நிச்சகாலங் க⁴ரங் பவிஸித்வாவ
நிஸீத³தி, உபோ⁴பேதே ஓகா³த⁴ப்பத்தா படிகா³த⁴ப்பத்தா, கதா³சி ஏஸ இமங்
குலங் தூ³ஸெய்ய, சோதெ³ஸ்ஸாமி ந²ந்தி. தஸ்மா அபா⁴ஸி.

ஸண்டா²னேதி நக³ரத்³வாரஸ்ஸ ஆஸன்னே மனுஸ்ஸானங் ப⁴ண்ட³கங்
ஓதாரெத்வா விஸ்ஸமனட்டா²னே. ஸங்க³ம்மாதி ஸமாக³ந்த்வா. மந்தெந்தீதி
கதெ²ந்தி. மஞ்ச தஞ்சாதி மஞ்ச கதெ²ந்தி தஞ்ச கதெ²ந்தி. கிமந்தரந்தி கிங்
காரணங்? ப³ஹு ஹி ஸத்³தா³ பச்சுஹாதி ப³ஹுகா ஏதே லோகஸ்மிங்

படி¹லோமஸ்த³தா³. ந தேனாதி தேன காரணேன, தேன வா தபஸ்ஸினா ந மங்கு ஹோதப்³ப³ங். ந ஹி தேனாதி ந ஹி தேன பரேஹி வுத்தவசனேன ஸத்தோ கிலிஸ்ஸதி, அத்தனா கதேன பன பாபகம்மேனேவ கிலிஸ்ஸதீதி த³ஸ்ஸேதி. வாதமிகோ³ யதா²தி யதா² வனே வாதமிகோ³ வாதேரிதானங் பண்ணாதீ³னங் ஸத்³தே³ன பரிதஸ்ஸதி, ஏவங் யோ ஸத்³த³பரித்தாஸீ ஹோதீதி அத்தோ². நாஸ்ஸ ஸம்பஜ்ஜதே வதந்தி தஸ்ஸ லஹுசித்தஸ்ஸ வதங் ந ஸம்பஜ்ஜதி. தே²ரோ பன கீ²ணாஸவத்தா ஸம்பன்னவதோதி வேதி³தப்³போ³. அட்ட²மங்.

9. வஜ்ஜிபுத்தஸுத்தவண்ணனா

229. நவமே வஜ்ஜிபுத்தகோதி வஜ்ஜிரட்டே² ராஜபுத்தோ ச²த்தங் பஹாய பப்³ப³ஜிதோ. ஸப்³ப³ரத்திசாரோதி கத்திகனக்க²த்தங் கோ⁴ஸெத்வா ஸகலனக³ரங் த⁴ஜபடாகாதீ³ஹி படிமண்டெ³த்வா பவத்திதோ ஸப்³ப³ரத்திசாரோ. இத்³ஞ்ஹி நக்க²த்தங் யாவ சாதுமஹாராஜிகேஹி ஏகாபத்³த⁴ங் ஹோதி. தூரியதாளிதவாதி³தனிக்³கோ⁴ஸஸத்³த³ந்தி பே⁴ரிஆதி³தூரியானங் தாளிதானங் வீணாதீ³னஞ்ச வாதி³தானங் நிக்³கோ⁴ஸஸத்³த³ங். அபா⁴ஸீதி வேஸாலியங் கிர ஸத்த ராஜஸஹஸ்ஸானி ஸத்தஸதானி ஸத்த ச ராஜானோ, தத்தகாவ தேஸங் உபராஜஸேனாபதிஆத³யோ . தேஸு அலங்கதபடியத்தேஸு நக்க²த்தகீளனத்தா²ய வீதி²ங் ஓதிண்ணேஸு ஸட்டி²ஹத்தே² மஹாசங்கமே சங்கமமானோ நப⁴ஸ்ஸ மஜ்ஜே² டி²தங் சந்த³ங் தி³ஸ்வா சங்கமனகோடியங் ப²லகங் நிஸ்ஸாய டி²தோ அபா⁴ஸி. அபவித்³த⁴ங்வ வனஸ்மிங் தா³ருகந்தி வத்த²வேட்²னாலங்காரரஹிதத்தா வனே ச²ட்³டி³ததா³ருகங் விய ஜாதங். பாபியோதி லாமகதரோ அம்ஹேஹி அஞ்ஞோ கோசி அத்தி². பிஹயந்தீதி தே²ரோ ஆரஞ்ஞிகோ பங்ஸுகூலிகோ பிண்ட³பாதி³கோ ஸபதா³னசாரிகோ அப்பிச்சோ² ஸந்துட்டோ²தி ப³ஹு துய்ஹங் பத்த²யந்தீதி அத்தோ². ஸக்³க³கா³மினந்தி ஸக்³க³ங் க³ச்ச²ந்தானங் க³தானம்பி. நவமங்.

10. ஸஜ்ஜா²யஸுத்தவண்ணனா

230. த³ஸமே யங் ஸுத்³ந்தி நிபாதமத்தங். ஸஜ்ஜா²யப³ஹுலோதி நிஸ்ஸரணபரியத்திவஸேன ஸஜ்ஜா²யனதோ ப³ஹுதரங் காலங் ஸஜ்ஜா²யந்தோ. ஸோ கிர ஆசரியஸ்ஸ தி³வாட்டா²னங் ஸம்மஜ்ஜித்வா ஆசரியங் உதி³க்க²ந்தோ திட்ட²தி. அத² நங் ஆக³ச்ச²ந்தங் தி³ஸ்வாவ பச்சக்³க³ந்த்வா பத்தசீவரங் படிக்க³ஹெத்வா பஞ்ஞத்தாஸனே நிஸின்னஸ்ஸ தாலவண்டவாதங் த³த்வா பானீயங் ஆபுச்சி²த்வா பாதே³ தோ⁴வித்வா தேலங் மக்கெ²த்வா வந்தி³த்வா டி²தோ உத்³தே³ஸங் க³ஹெத்வா யாவ ஸூரியத்த²ங்க³மா ஸஜ்ஜா²யங் கரோதி. ஸோ ந்ஹானகொட்ட²கே உத³கங்

உபட்ட²பெத்வா அங்கா³ரகபல்லே அக்³கிங் கரோதி. ஆசரியஸ்ஸ ந்ஹத்வா ஆக³தஸ்ஸ பாதே³ஸு உத³கங் புஞ்சி²த்வா பிட்டி²பரிகம்மங் கத்வா வந்தி³த்வா உத்³தே³ஸங் க³ஹெத்வா பட²மயாமே ஸஜ்ஜா²யங் கத்வா மஜ்ஜி²மயாமே ஸரீரங் ஸமஸ்ஸாஸெத்வா பச்சி²மயாமே உத்³தே³ஸங் க³ஹெத்வா யாவ அருணுக்³க³மனா ஸஜ்ஜா²யங் கத்வா நிருத்³த⁴ஸத்³த³ங் க²யதோ ஸம்மஸதி. ததோ ஸேஸங் உபாதா³யருபங் பூ⁴தருபங் நாமருபந்தி பஞ்சஸு க²ந்தே⁴ஸு விபஸ்ஸனங் வட்³டெ⁴த்வா அரஹத்தங் பாபுணி. அப்பொஸ்ஸுக்கோதி உத்³தே³ஸக்³க³ஹணே ச ஸஜ்ஜா²யகரணீயே ச நிருஸ்ஸுக்கோ. ஸங்கஸாயதீதி யஸ்ஸ தா³னி அத்தா²ய அஹங் ஸஜ்ஜா²யங் கரெய்யங், ஸோ மே அத்தோ² மத்த²கங் பத்தோ. கிங் மே இதா³னி ஸஜ்ஜா²யேனாதி ப²லஸமாபத்திஸுகே²ன காலங் அதிவத்தேதி. அஜ்ஜ²பா⁴ஸீதி, “கிங் நு கோ² அஸ்ஸ தே²ரஸ்ஸ அபா²ஸுகங் ஜாதங், உதா³ஹுஸ்ஸ ஆசரியஸ்ஸ? கேன நு கோ² காரணேன புப்³பே³ விய மது⁴ரஸ்ஸரேன ந ஸஜ்ஜா²யதீ³தி? ஆக³ந்த்வா ஸந்திகே டி²தா அபா⁴ஸி.

த⁴ம்மபதா³னீதி இத⁴ ஸப்³ப³ம்பி புத்³த⁴வசனங் அதி⁴ப்பேதங் . நாதீ⁴யஸீதி ந ஸஜ்ஜா²யஸி. நாதி³யஸீதி வா பாடோ², ந க³ண்ஹாஸீதி அத்தோ². பஸங்ஸந்தி த⁴ம்மபா⁴ணகோ பஸங்ஸங் லப⁴தி, ஆபி⁴த⁴ம்மிகோ ஸுத்தந்திகோ வினயத⁴ரோதிஸ்ஸ பஸங்ஸிதா ப⁴வந்தி. விராகே³னாதி அரியமக்³கே³ன. அஞ்ஞாயாதி ஜானித்வா. நிக்கே²பனந்தி தஸ்ஸ தி³ட்ட²ஸுதாதி³னோ விஸ்ஸஜ்ஜனங் ஸந்தோ வத³ந்தீதி தீ³பேதி, ந புத்³த⁴வசனஸ்ஸ. எத்தாவதா “தே²ரோ புத்³த⁴வசனங் ந விஸ்ஸஜ்ஜாபேதீ³தி ந நிச்சகாலங் ஸஜ்ஜா²யந்தேனேவ ப⁴விதப்³பங், ஸஜ்ஜா²யித்வா பன - “எத்தகஸ்ஸாஹங் அத்த²ஸ்ஸ வா த⁴ம்மஸ்ஸ வா ஆதா⁴ரோ ப⁴விதுங் ஸமத்தோ²”தி ஞத்வா வட்டது³க்க²ஸ்ஸ அந்தகிரியாய படிபஜ்ஜிதப்³பங். த³ஸமங்.

11. அகுஸலவிதக்கஸுத்தவண்ணனா

231. ஏகாத³ஸமே அகுஸலே விதக்கேதி காமவிதக்காத³யோ தயோ மஹாவிதக்கே. அயோனிஸோ மனஸிகாராதி அனுபாயமனஸிகாரேன. ஸோதி ஸோ த்வங். அயோனிஸோ படினிஸ்ஸஜ்ஜாதி ஏதங் அனுபாயமனஸிகாரங் வஜ்ஜேஹி. ஸத்தா²ரந்தி இமாய கா³தா²ய பாஸாதி³ககம்மட்டா²னங் கதே²தி. பீதிஸுக²மஸங்ஸயந்தி ஏகங்ஸேனேவ ப³லவபீதிஞ்ச ஸுக²ஞ்ச அதி⁴க³மிஸ்ஸஸி. ஏகாத³ஸமங்.

12. மஜ்ஜ²ன்ஹிகஸுத்தவண்ணனா

232. த³வாத³ஸமே யங் வத்தப்³பங், தங் தே³வதாஸங்யுத்தே நந்த³னவக்³கே³ வுத்தமேவ. த³வாத³ஸமங்.

13. பாகதிந்த்³ரியஸுத்தவண்ணனா

233. தேரஸமங் தே³வபுத்தஸங்யுத்தே ஜந்துதே³வபுத்தஸுத்தே வித்தா²ரிதமேவ. தேரஸமங்.

14. க³ந்த⁴த்தே²னஸுத்தவண்ணனா

234. சுத்த³ஸமே அஜ்ஜ²பா⁴ஸீதி தங் பி⁴க்கு²ங் நாளே க³ஹெத்வா பது²மங் ஸிங்க⁴மானங் தி³ஸ்வாவ - “அயங் பி⁴க்கு² ஸத்து² ஸந்திகே கம்மட்டா²னங் க³ஹெத்வா ஸமணத⁴ம்மங் காதுங் அரஞ்ஞங் பவிட்டோ² க³ந்தா⁴ரம்மணங் உபனிஜ்ஜா²யதி, ஸ்வாயங் அஜ்ஜ உபஸிங்க⁴ங் ஸ்வேபி புனதி³வஸேபி உபஸிங்கி⁴ஸ்ஸதி, ஏவமஸ்ஸ ஸா க³ந்த⁴தண்ஹா வட்³டி⁴த்வா தி³ட்ட²த⁴ம்மிகஸம்பராயிகங் அத்த²ங் நாளெஸ்ஸதி, மா மயி பஸ்ஸந்தியா நஸ்ஸது, சோதெ³ஸ்ஸாமி ந³ந்தி உபஸங்கமித்வா அபா⁴ஸி.

ஏகங்க³மேதங் தெ²ய்யானந்தி தே²னிதப்³பா³னங் ரூபாரம்மணாதீ³னங் பஞ்சகொட்டா²ஸானங் இத³ங் ஏகங்க³ங், ஏககொட்டா²ஸோதி அத்தோ². ந ஹராமீதி ந க³ஹெத்வா க³ச்சா²மி. ஆராதி தூ³ரே நாளே க³ஹெத்வா நாமெத்வா தூ³ரே டி²தோ உபஸிங்கா⁴மீதி வத³தி. வண்ணேனாதி காரணேன.

ய்வாயந்தி யோ அயங். தஸ்மிங் கிர தே³வதாய ஸத்த³தி⁴ங் கதெ²ந்தேயேவ ஏகோ தாபஸோ ஓதரித்வா பி⁴ஸக²னநாதீ³னி காதுங் ஆரத்³தோ⁴, தங் ஸந்தா⁴யேவமாஹ. ஆகிண்ணகம்மந்தோதி ஏவங் அபரிஸுத்³த⁴கம்மந்தோ. அகீ³ணகம்மந்தோதிபி பாடோ², கக்க²ளகம்மந்தோதி அத்தோ². ந வுச்சதீதி க³ந்த⁴சோரோதி வா புப்ப²சோரோதி வா கஸ்மா ந வுச்சதி.

ஆகிண்ணலுத்³தோ³தி ப³ஹுபாபோ கா³ள்ஹபாபோ வா, தஸ்மா ந வுச்சதி. தா⁴திசேலங்வ மக்கி²தோதி யதா² தா⁴தியா நிவத்த²கிலிட்ட²வத்த²ங் உச்சாரபஸ்ஸாவபங்ஸுமஸிகத்³த³மாதீ³ஹி மக்கி²தங், ஏவமேவங் ராக³தோ³ஸாதீ³ஹி மக்கி²தோ. அரஹாமி வத்தவேதி அரஹாமி வத்துங். தே³வதாய சோத³னா கிர ஸுக³தானுஸிட்டி²ஸதி³ஸா, ந தங் லாமகா ஹீனாதி⁴முத்திகா மிச்சா²படிபன்னகபுக்³க³லா லப⁴ந்தி. தஸ்மிங் பன அத்தபா⁴வே மக்³க³ப²லானங் ப⁴ப்³ரூபா புக்³க³லா தங் லப⁴ந்தி, தஸ்மா ஏவமாஹ.

ஸூசிக³வேஸினோதி ஸூசீனி ஸீலஸமாதி⁴ஞாணானி க³வேஸந்தஸ்ஸ. அப்³பா⁴மத்தங் வாதி வலாஹககூடமத்தங் விய. ஜானாஸீதி ஸுத்³தோ⁴ அயந்தி ஜானாஸி. வஜ்ஜாஸீதி வதெ²ய்யாஸி. நேவ தங் உபஜீவாமாதி தே³வதா கிர சிந்தேஸி - “அயங் பி⁴க்கு² அத்தி² மே ஹிதகாமா தே³வதா, ஸா மங் சோதெ³ஸ்ஸதி ஸாரெஸ்ஸதீதி பமாத³ம்பி அனுயுஞ்ஜெய்ய, நாஸ்ஸ

வசனங் ஸம்படிச்சி²ஸ்ஸாமீ¹தி. தஸ்மா ஏவமாஹ. த்வமேவாதி த்வங்யேவ.
ஜானெய்யாதி ஜானெய்யாஸி. யேனாதி யேன கம்மேன ஸுக³திங்
க³ச்செ²ய்யாஸி, தங் கம்மங் த்வங்யேவ ஜானெய்யாஸீதி. சுத்³த³ஸமங்.

இதி ஸாரத்த²ப்பகாஸினியா

ஸங்யுத்தனிகாய-அட்ட²கதா²ய

வனஸங்யுத்தவண்ணனா நிட்டி²தா.

10. யக்க²ஸங்யுத்தங்

1. இந்த³கஸுத்தவண்ணனா

235. யக்க²ஸங்யுத்தஸ்ஸ பட²மே இந்த³கஸுஸாதி இந்த³கூடனிவாஸினோ யக்க²ஸ்ஸ. யக்க²தோ ஹி கூடேன, கூடதோ ச யக்கே²ன நாமங் லத்³த²ங். ரூபங் ந ஜீவந்தி வத³ந்தீதி யதி³ பு³த்த²ங் ரூபங் ஜீவந்தி ந வத³ந்தி, யதி³ ரூபங் ஸத்தோ புக்க³லோதி ஏவங் ந வத³ந்தீதி அத்தோ². கத²ங் நவயந்தி கத²ங் நு அயங்? குதஸ்ஸ அட்ட²யகபிண்ட³மேதீதி அஸ்ஸ ஸத்தஸ்ஸ அட்ட²யகபிண்ட³ஞ்ச குதோ ஆக³ச்ச²தி? எத்த² ச அட்ட²க்க³ஹணேன தீணி அட்ட²ஸதானி, யகபிண்ட³க்க³ஹணேன நவ மங்ஸபேஸிஸதானி க³ஹிதானி. யதி³ ரூபங் ந ஜீவோ, அத²ஸ்ஸ இமானி ச அட்ட²னி இமா ச மங்ஸபேஸியோ குதோ ஆக³ச்ச²ந்தீதி புச்ச²தி. கத²ங் நவயங் ஸஜ்ஜதி க³ப்ப³ரஸ்மிந்தி கேன நு காரணேன அயங் ஸத்தோ மாதுகுச்சி²ஸ்மிங் ஸஜ்ஜதி லக்க³தி, திட்ட²தீதி? புக்க³லவாதீ³ கிரேஸ யக்கோ², “ஏகப்பஹாரேனேவ ஸத்தோ மாதுகுச்சி²ஸ்மிங் நிப்ப³த்தீ”தி க³ஹேத்வா க³ப்ப³ஸெய்யகஸத்தஸ்ஸ மாதா மச்ச²மங்ஸாதீ³னி கா²த³தி, ஸப்ப³பா³னி ஏகரத்திவாஸேன பசித்வா பே²ணங் விய விலீயந்தி. யதி³ ரூபங் ஸத்தோ ந ப³வெய்ய, ஏவமேவ விலீயெய்யாதி லத்த³யா ஏவமாஹ. அத²ஸ்ஸ ப³க³வா - “ந மாதுகுச்சி²ஸ்மிங் ஏகப்பஹாரேனேவ நிப்ப³த்ததி, அனுபு³பே³ன பன வட்³ட²தீ”தி த³ஸ்ஸெந்தோ பட²மங் கலலங் ஹோதீதிஆதி³மாஹ. தத்த² பட²மந்தி பட²மேன படிஸந்தி³விஞ்ஞானேன ஸத்த³யங் திஸ்ஸோதி வா பு²ஸ்ஸோதி வா நாமங் நத்தி², அத² கோ² தீஹி ஜாதிஉண்ணங்ஸஹி கதஸுத்தக்க³கே³ ஸண்டி²ததேலபி³ந்து³ப்பமாணங் கலலங் ஹோதி, யங் ஸந்தா³ய வுத்தங் -

“திலதேலஸ்ஸ யதா² பி³ந்து³, ஸப்பிமண்டோ³ அனாவிலோ; ஏவங் வண்ணப்படிபா³க³ங், கலலங் ஸம்பவுச்சதீ”தி.

கலலா ஹோதி அப்ப³த³ந்தி தஸ்மா கலலா ஸத்தாஹச்சயேன மங்ஸதோ³வனஉத³கவண்ணங் அப்ப³த³ங் நாம ஹோதி, கலலந்தி நாமங் அந்தரதா³யதி. வுத்தம்பி சேதங் -

“ஸத்தாஹங் கலலங் ஹோதி, பரிபக்கங் ஸமுஹதங்; விவட்டமானங் தப்ப³பா³வங், அப்ப³த³ங் நாம ஜாயதீ”தி.

அப்ப³தா³ ஜாயதே பேஸீதி தஸ்மாபி அப்ப³தா³ ஸத்தாஹச்சயேன விலீனதிபுஸதி³ஸா பேஸி நாம ஸஞ்ஜாயதி. ஸா மரிசபா²ணிதேன தீ³பேதப்ப³பா³. கா³மதா³ரிகா ஹி ஸுபக்கானி மரிசானி க³ஹேத்வா ஸாடகந்தே ப³ண்டி³கங் கத்வா பீளெத்வா மண்ட³ங் ஆதா³ய கபாலே பக்கி²பித்வா ஆதபே

ட²பெந்தி, தங் ஸுக்க²மானங் ஸப்³பா⁴கே³ஹி முச்சதி. ஏவருபா பேஸி
ஹோதி, அப்³பு³த³ந்தி நாமங் அந்தரதா⁴யதி. வுத்தம்பி சேதங் -

“ஸத்தாஹங் அப்³பு³த³ங் ஹோதி, பரிபக்கங் ஸமுஹதங்;
விவட்டமானங் தப்³பா⁴வங், பேஸி நாம பஜாயதீ”தி.

பேஸி நிப்³பு³த்ததீ க⁴னோதி ததோ பேஸிதோ ஸத்தாஹச்சயேன
குக்குடண்ட³ஸண்டா²னோ க⁴னோ நாம மங்ஸபிண்டோ³ நிப்³பு³த்ததி, பேஸீதி
நாமங் அந்தரதா⁴யதி. வுத்தம்பி சேதங் -

“ஸத்தாஹங் பேஸி ப்⁴வதி, பரிபக்கங் ஸமுஹதங்;
விவட்டமானங் தப்³பா⁴வங், க⁴னோதி நாம ஜாயதி.

“யதா² குக்குடியா அண்ட³ங், ஸமந்தா பரிமண்ட³லங்;
ஏவங் க⁴னஸ்ஸ ஸண்டா²னங், நிப்³பு³த்தங் கம்மபச்சயா”தி.

க⁴னா பஸாகா² ஜாயந்தீதி பஞ்சமே ஸத்தாஹே த்³வின்னங்
ஹத்த²பாதா³னங் ஸீஸஸ்ஸ சத்தா²ய பஞ்ச பீளகா ஜாயந்தி, யங்
ஸந்தா⁴யேதங் வுத்தங் “பஞ்சமே, பி⁴க்க²வே, ஸத்தாஹே பஞ்ச பீளகா
ஸண்ட²ஹந்தி கம்மதோ”தி.

இதோ பரங் ச²ட்ட²ஸத்தமாதீ³னி ஸத்தாஹானி அதிக்கம்ம தே³ஸனங்
ஸங்கி²பித்வா த்³வாசத்தாலீஸே ஸத்தாஹே பரிணதகாலங் க³ஹெத்வா
த³ஸ்ஸெந்தோ கேஸாதிஆதி³மாஹ. தத்த² கேஸா லோமா நகா²பி சாதி
த்³வாசத்தாலீஸே ஸத்தாஹே ஏதானி ஜாயந்தி.

தேன ஸோ தத்த² யாபேதீதி தஸ்ஸ ஹி நாபி⁴தோ உட்டி²தோ நாளோ
மாது உத³ரபடலேன ஏகாப³த்³தோ⁴ ஹோதி, ஸோ உப்பலத³ண்ட³கோ விய
சி²த்³தோ³, தேன ஆஹாரரஸோ ஸங்ஸரித்வா ஆஹாரஸமுட்டா²னருபங்
ஸமுட்டா²பேதி. ஏவங் ஸோ த³ஸ மாஸே யாபேதி. மாதுகுச்சி²க³தோ நரோதி
மாதுயா திரோகுச்சி²க³தோ, குச்சி²யா அப்³பா⁴ந்தரக³தோதி அத்தோ². இதி
ப்⁴க³வா “ஏவங் கோ², யக்க², அயங் ஸத்தோ அனுபு³பே³ன மாதுகுச்சி²யங்
வட்³ட⁴தி, ந ஏகப்பஹாரேனேவ நிப்³பு³த்ததீ”தி த³ஸ்ஸேதி. பட²மங்.

2. ஸக்கனாமஸுத்தவண்ணனா

236. து³தியே ஸக்கனாமகோதி ஏவங் நாமகோ ஏகோ யக்கோ², ஸோ கிர
மாரபக்கி²கயக்கோ². விப்பமுத்தஸ்ஸாதி தீஹி ப்⁴வேஹி விப்பமுத்தஸ்ஸ.
யத³ஞ்ஞந்தி யங் அஞ்ஞங். வண்ணேனாதி காரணேன. ஸங்வாஸோதி ஏகதோ
வாஸோ, ஸக்கி²த⁴ம்மோ மித்தத⁴ம்மோதி அத்தோ². ஸப்பஞ்ஞோதி
ஸுபஞ்ஞோ ஸம்பு³த்³தோ⁴. து³தியங்.

3. ஸூசிலோமஸுத்தவண்ணனா

237. ததியே க³யாயந்தி க³யாகா³மே, க³யாய அவிதூ³ரே நிவிட்ட²கா³மங்
உபனிஸ்ஸாயாதி அத்தோ². டங்கிதமஞ்சேதி தீ³க⁴மஞ்சே பாத³மஜ்ஜே²
விஜ்ஜி²த்வா அடனியோ பவேஸெத்வா கதமஞ்சே. தஸ்ஸ “இத³ங் உபரி, இத³ங்
ஹெட்டா²”தி நத்தி², பரிவத்தெத்வா அத்த²தோபி தாதி³ஸோவ ஹோதி, தங்
தே³வட்டா²னே ட²பெந்தி. சதுன்னங் பாஸாணானங் உபரி பாஸாணங்
அத்த²ரித்வா கதகே³ஹம்பி “டங்கிதமஞ்சோ”தி வச்சதி. ஸூசிலோமஸுஸாதி
கதி²னஸூசிஸதி³ஸலோமஸ்ஸ. ஸோ கிர கஸ்ஸபஸ்ஸ ப⁴க³வதோ
ஸாஸனே பப்³பஜித்வா தூ³ரட்டா²னதோ ஆக³தோ ஸேத³மலக்³க³ஹிதேன
க³த்தேன ஸுபஞ்ஞத்தங் ஸங்கி⁴கமஞ்சங் அனாத³ரேன அபச்சத்த²ரித்வா
நிபஜ்ஜி, தஸ்ஸ பரிஸுத்³த⁴ஸீலஸ்ஸ தங் கம்மங் ஸுத்³த⁴வத்தே² காளகங்
விய அஹோஸி. ஸோ தஸ்மிங் அத்தபா⁴வே விஸேஸங் நிப்³ப்த்தேதுங்
அஸக்கொந்தோ காலங்கத்வா க³யாகா³மத்³வாரே ஸங்காரட்டா²னே யக்கோ²
ஹுத்வா நிப்³ப்த்தி. நிப்³ப்த்தமத்தஸ்ஸேவ சஸ்ஸ ஸகலஸ்ரீரங்
கதி²னஸூசீஹி க³விச்சி²விஜ்ஜி²தங் விய ஜாதங்.

அதே²கதி³வஸங் ப⁴க³வா பச்சுஸஸமயே லோகங் ஒலோகெந்தோ தங்
யக்க²ங் பட²மாவஜ்ஜனஸ்ஸேவ ஆபாத²ங் ஆக³தங் தி³ஸ்வா - “அயங் ஏகங்
புத்³த⁴ந்தரங் மஹாதுக்க²ங் அனுப⁴வி. கிங் நு க்²வாஸ்ஸ மங் ஆக³ம்ம
ஸொத்தி²காரணங் ப⁴வெய்யா”தி? ஆவஜ்ஜெந்தோ பட²மமக்³க³ஸ்ஸ
உபனிஸ்ஸயங் அத்³த³ஸ. அத்²ஸ்ஸ ஸங்க³ஹங் காதுகாமோ
ஸுரத்தது³பட்டங் நிவாஸெத்வா ஸுக³தமஹாசீவரங் பாருபித்வா
தே³வவிமானகப்பங் க³ந்த⁴குடிங் பஹாய
ஹத்தி²க³வாஸ்ஸமனுஸ்ஸகுக்குராதி³குணபது³க்³க³ந்த⁴ங் ஸங்காரட்டா²னங்
க³ந்த்வா தத்த² மஹாக³ந்த⁴குடியங் விய நிஸீதி³. தங் ஸந்தா⁴ய வுத்தங்
“ஸூசிலோமஸ்ஸ யக்க²ஸ்ஸ ப⁴வனே”தி.

க²ரோதி ஸுங்ஸுமாரபிட்டி² விய ச²த³னிட்ட²காஹி விஸமச்ச²த³னபிட்டி²
விய ச க²ரஸ்ரீரோ. ஸோ கிர கஸ்ஸபஸம்மாஸம்புத்³த⁴காலே
ஸீலஸம்பன்னோ உபாஸகோ ஏகதி³வஸே விஹாரே சித்தத்த²ரணாதீ³ஹி
அத்த²தாய பூ⁴மியா ஸங்கி⁴கே அத்த²ரணே அத்தனோ உத்தராஸங்க³ங்
அபச்சத்த²ரித்வா நிபஜ்ஜி. ஸங்கி⁴கங் தேலங் அபா⁴ஜெத்வா அத்தனோ
உத்தராஸங்க³ங் அபச்சத்த²ரித்வா நிபஜ்ஜி. ஸங்கி⁴கங் தேலங் அபா⁴ஜெத்வா
அத்தனோ ஹத்தே²ஹி ஸரீரங் மக்கே²ஸீதிபி வத³ந்தி. ஸோ தேன கம்மேன
ஸக்³கே³ நிப்³ப்த்திதுங் அஸக்கொந்தோ தஸ்ஸேவ கா³மஸ்ஸ த்³வாரே
ஸங்காரட்டா²னே யக்கோ² ஹுத்வா நிப்³ப்த்தி. நிப்³ப்த்தமத்தஸ்ஸ சஸ்ஸ
ஸகலஸ்ரீரங் வுத்தப்பகாரங் அஹோஸி. தே உபோ⁴பி ஸஹாயா ஜாதா. இதி
க²ரஸ்ஸ க²ரபா⁴வோ வேதி³தப்³போ³.

அவிதூ³ரே அதிக்மந்தீதி கோ³சரங் பரியேஸந்தா ஸமாக³மட்டா²னங் வா க³ச்ச²ந்தா ஆஸன்னே டா²னே க³ச்ச²ந்தி. தேஸு ஸுசிலோமோ ஸத்தா²ரங் ந பஸ்ஸதி, க²ரலோமோ பட²மதரங் தி³ஸ்வா ஸுசிலோமங் யக்க²ங் ஏதத்³வோச - “ஏஸோ ஸமணோ”தி, ஸம்ம, ஏஸ தவ ப⁴வனங் பவிஸித்வா நிஸின்னோ ஏகோ ஸமணோதி. நேஸோ ஸமணோ, ஸமணகோ ஏஸோதி ஸோ கிர யோ மங் பஸ்ஸித்வா பீ⁴தோ பலாயதி, தங் ஸமணகோதி வத்³தி. யோ ந பா⁴யதி, தங் ஸமணோதி. தஸ்மா “அயங் மங் தி³ஸ்வா பீ⁴தோ பலாயிஸ்ஸதீ”தி மஞ்ஞமானோ ஏவமாஹ.

காயங் உபனாமேஸீதி பே⁴ரவருபங் நிம்மினித்வா மஹாமுக²ங் விவரித்வா ஸகலஸரீரே லோமானி உட்டா²பெத்வா காயங் உபனாமேஸி. அபனாமேஸீதி ரதனஸதிகங் ஸுவண்ணக்க³க⁴னிகங் விய தோ²கங் அபனாமேஸி. பாபகோதி லாமகோ அமனுஞ்ஞோ. ஸோ கூ³த²ங் விய அக்³கி³ விய கண்ணஸப்போ விய ச பரிவஜ்ஜேதப்³போ³, ந இமினா ஸுவண்ணவண்ணேன ஸரீரேன ஸம்படிச்சி²தப்³போ³. ஏவங் வுத்தே பன ஸுசிலோமோ “பாபகோ கிர மே ஸம்ப²ஸ்ஸோ”தி குத்³தோ⁴ பஞ்ஹங் தங், ஸமணாதிஆதி³மாஹ. சித்தங் வா தே கி²பிஸ்ஸாமீதி யேஸஞ்ஹி அமனுஸ்ஸா சித்தங் கி²பிதுகாமா ஹொந்தி, தேஸங் ஸேதமுக²ங் நீலோத³ரங் ஸுரத்தஹத்த²பாத³ங் மஹாஸீஸங் பஜ்ஜலிதனெத்தங் பே⁴ரவங் வா அத்தபா⁴வங் நிம்மினித்வா த³ஸ்ஸெந்தி, பே⁴ரவங் வா ஸத்³த³ங் ஸாவெந்தி, கதே²ந்தானங்யேவ வா முகே² ஹத்த²ங் பக்கி²பித்வா ஹத³யங் மத்³த³ந்தி, தேன தே ஸத்தா உம்மத்தகா ஹொந்தி கி²த்தசித்தா. தங் ஸந்தா⁴யேவமாஹ. பாரக³ங்கா³யாதி த்³வீஸு பாதே³ஸு க³ஹெத்வா தங் ஆவிஞ்செ²த்வா யதா² ந புனாக³ச்ச²ஸி, ஏவங் பாரங் வா க³ங்கா³ய கி²பிஸ்ஸாமீதி வத்³தி. ஸதே³வகேதிஆதி³ வுத்தத்த²மேவ. புச்ச² யதா³கங்க²ஸீதி யங்கிஞ்சி ஆகங்க²ஸி, தங் ஸப்³ப³ங் புச்ச², அஸேஸங் தே ப்³யாகரிஸ்ஸாமீதி ஸப்³ப³ஞ்ஞபவாரணங் பவாரேதி.

குதோனிதா³னாதி கிங்னிதா³னா, கிங்பச்சயாதி அத்தோ²? குமாரகா த⁴ங்கமிவொஸ்ஸஜந்தீதி யதா² குமாரகா காகங் க³ஹெத்வா ஒஸ்ஸஜந்தி கி²பந்தி, ஏவங் பாபவிதக்கா குதோ ஸமுட்டா²ய சித்தங் ஒஸ்ஸஜந்தீதி புச்ச²தி?

இதோனிதா³னாதி அயங் அத்தபா⁴வோ நிதா³னங் ஏதேஸந்தி இதோ நிதா³னா. இதோஜாதி இதோ அத்தபா⁴வதோ ஜாதா. இதோ ஸமுட்டா²ய மனோவிதக்காதி யதா² தீ³க⁴ஸுத்தகேன பாதே³ ப³த்³த⁴ங் காகங் குமாரகா தஸ்ஸ ஸுத்தபரியந்தங் அங்கு³லியங் வேடெ²த்வா ஒஸ்ஸஜந்தி, ஸோ தூ³ரங் க³ந்த்வாபி புன தேஸங் பாத³முலேயேவ பததி, ஏவமேவ இதோ அத்தபா⁴வதோ ஸமுட்டா²ய பாபவிதக்கா சித்தங் ஒஸ்ஸஜந்தி.

ஸ்னேஹஜாதி தண்ஹாஸினேஹதோ ஜாதா. அத்தஸம்பூ⁴தாதி அத்தனி
ஸம்பூ⁴தா. நிக்³ரோத⁴ஸ்ஸேவ க²ந்த⁴ஜாதி நிக்³ரோத⁴க²ந்தே⁴ ஜாதா
பாரோஹா விய. புதூ²தி ப³ஹு அனேகப்பகாரா பாபவிதக்கா
தங்ஸம்பயுத்தகிலேஸா ச. விஸத்தாதி லக்³கா³ லக்³கி³தா. காமேஸுதி
வத்து²காமேஸு. மாலுவாவ விததா வனேதி யதா² வனே மாலுவா லதா யங்
ருக்க²ங் நிஸ்ஸாய ஜாயதி, தங் மூலதோ யாவ அக்³கா³, அக்³க³தோ யாவ
மூலா புனப்புனங் ஸங்ஸிப்³பி³த்வா அஜ்ஜொ²த்த²ரித்வா ஓததவிததா திட்ட²தி.
ஏவங் வத்து²காமேஸு புதூ² கிலேஸகாமா விஸத்தா, புதூ² வா ஸத்தா தேஹி
கிலேஸகாமேஹி வத்து²காமேஸு விஸத்தா. யே நங் பஜானந்தீதி யே
“அத்தஸம்பூ⁴தா”தி எத்த² வுத்தங் அத்தபா⁴வங் ஜானந்தி.

யதோனிதா³னந்தி யங் நிதா³னமஸ்ஸ அத்தபா⁴வஸ்ஸ தஞ்ச ஜானந்தி.
தே நங் வினோதெ³ந்தீதி தே ஏவங் அத்தபா⁴வஸங்கா²தஸ்ஸ
து³க்க²ஸச்சஸ்ஸ நிதா³னபூ⁴தங் ஸமுத³யஸச்சங் மக்³க³ஸச்சேன
வினோதெ³ந்தி. தே து³த்தரந்தி தே ஸமுத³யஸச்சங் நீஹரந்தா இத³ங் து³த்தரங்
கிலேஸோக⁴ங் தரந்தி. அதிண்ணபுப்³ப³ந்தி அனமதக்³கே³ ஸங்ஸாரே
ஸுபினந்தேபி ந திண்ணபுப்³ப³ங். அபுனப்³ப⁴வாயாதி
அபுனப்³ப⁴வஸங்கா²தஸ்ஸ நிரோத⁴ஸச்சஸ்ஸத்தா²ய. இதி இமாய கா³தா²ய
சத்தாரி ஸச்சானி பகாஸெந்தோ அரஹத்தனிகூடேன தே³ஸனங் நிட்ட²பேஸி.
தே³ஸனாவஸானே ஸுசிலோமோ தஸ்மிங்யேவ பதே³ஸே டி²தோ
தே³ஸனானுஸாரேன ஞாணங் பேஸெத்வா ஸோதாபத்திப²லே பதிட்டி²தோ.
ஸோதாபன்னா ச நாம ந கிலிட்ட²த்தபா⁴வே திட்ட²ந்தீதி ஸஹ
ப²லபடிலாபே⁴னஸ்ஸ ஸரீரே ஸேதகண்டு³பீளகஸுசியோ ஸப்³பா³ பதிதா.
ஸோ தி³ப்³ப³வத்த²னிவத்தோ² தி³ப்³ப³வரது³கூலுத்தராஸங்கோ³
தி³ப்³ப³வேட²னவேடி²தோ தி³ப்³பா³ப⁴ரணக³ந்த⁴மாலத⁴ரோ
ஸுவண்ணவண்ணோ ஹுத்வா பு⁴ம்மதே³வதாபரிஹாரங் படிலபீ⁴தி. ததியங்.

4. மணிப⁴த்³த³ஸுத்தவண்ணனா

238. சதுத்தே² ஸுக²மேத⁴தீதி, ஸுக²ங் படிலப⁴தி. ஸுவே ஸெய்யோதி
ஸுவே ஸுவே ஸெய்யோ, நிச்சமேவ ஸெய்யோதி அத்தோ². வேரா ந
பரிமுச்சதீதி அஹங் ஸதிமாதி எத்தகேன வேரதோ ந முச்சதி. யஸ்ஸாதி
யஸ்ஸ அரஹதோ. அஹிங்ஸாயாதி கருணாய சேவ கருணாபுப்³பா⁴கே³ ச.
மெத்தங்ஸோதி ஸோ மெத்தஞ்சேவ மெத்தாபுப்³பா⁴க³ஞ்ச பா⁴வேதி. அத²
வா அங்ஸோதி கொட்டா²ஸோ வுச்சதி. மெத்தா அங்ஸோ ஏதஸ்ஸாதி
மெத்தங்ஸோ. இத³ங் வுத்தங் ஹோதி - யஸ்ஸ அரஹதோ ஸப்³பகாலங்
அஹிங்ஸாய ரதோ மனோ, யஸ்ஸ ச ஸப்³பூ⁴தேஸு
மெத்தாகொட்டா²ஸோ அத்தி², தஸ்ஸ கேனசி புக்³க³லேன ஸத்³தி⁴ங் வேரங்
நாம நத்தி² யக்கா²தி. சதுத்த²ங்.

5. ஸானுஸுத்தவண்ணனா

239. பஞ்சமே யக்கே²ன க³ஹிதோ ஹோதீதி ஸோ கிர தஸ்ஸா
உபாஸிகாய ஏகபுத்தகோ. அத² நங் ஸா த³ஹரகாலேயேவ பப்³பா³ஜேஸி. ஸோ
பப்³பா³ஜிதகாலதோ பட்டா²ய ஸீலவா அஹோஸி வத்தஸம்பன்னோ,
ஆசரியபஜ்ஜா²யஆக³ந்துகாதீ³னங் வத்தங் கதமேவ ஹோதி, மாஸஸ்ஸ
அட்ட²மீதி³வஸே பாதோ வுட்டா²ய உத³கமாளகே உத³கங் உபட்டா²பெத்வா
த⁴ம்மஸ்ஸவனக்³கங் ஸம்மஜ்ஜித்வா தீ³பங் ஜாலெத்வா மது⁴ரஸ்ஸரேன
த⁴ம்மஸ்ஸவனங் கோ⁴ஸேதி. பி⁴க்க² தஸ்ஸ தா²மங் சூத்வா
“ஸரபா⁴ணங் ப⁴ண, ஸாமணேரா”தி அஜ்ஜே²ஸந்தி. ஸோ “மய்ஹங்
ஹத³யவாதோ ருஜதி, காலோ வா பா³த⁴தீ”தி கிஞ்சி பச்சாஹாரங் அகத்வா
த⁴ம்மாஸனங் அபி⁴ருஹித்வா ஆகாஸக³ங்க³ங் ஓதாரெந்தோ விய
ஸரபா⁴ணங் வத்வா ஓதரந்தோ - “மய்ஹங் மாதாபிதானம்பி இமஸ்மிங்
ஸரபா⁴ஞ்ஞே பத்தீ”தி வத³தி. தஸ்ஸ மனுஸ்ஸா மாதாபிதரோ பத்தியா
தி³ன்னபா⁴வங் ந ஜானந்தி. அனந்தரத்தபா⁴வே பனஸ்ஸ மாதா யக்கி²னீ
ஜாதா. ஸா தே³வதாஹி ஸத்³தி⁴ங் ஆக³தா , த⁴ம்மங் ஸுத்வா -
“ஸாமணேரேன தி³ன்னபத்திங் அனுமோதா³மி, தாதா”தி வத³தி. ஸீலஸம்பன்னா
ச நாம பி⁴க்க² ஸதே³வகஸ்ஸ லோகஸ்ஸ பியா ஹோந்தீதி தஸ்மிங்
ஸாமணேரே தே³வதா ஸலஜ்ஜா ஸகா³ரவா மஹாப்³ரஹ்மங் விய
அக்³கி³க்க²ந்த⁴ங் விய ச நங் மஞ்ஞந்தி. ஸாமணேரே கா³ரவேன தங்
யக்கி²னிங் க³ருங் கத்வா பஸ்ஸந்தி. த⁴ம்மஸ்ஸவனயக்க²ஸமாக³மாதீ³ஸு
“ஸானுமாதா ஸானுமாதா”தி யக்கி²னியா அக்³கா³ஸனங் அக்³கோ³த³கங்
அக்³க³பிண்ட³ங் தெ³ந்தி. மஹேஸக்கா²பி யக்கா² தங் தி³ஸ்வா மக்³கா³
ஓக்கமந்தி, ஆஸனா வுட்ட²ஹந்தி.

அத² கோ² ஸாமணேரோ வுட்³டி⁴மன்வாய பரிபக்கிந்த³ரியோ
அனபி⁴ரதிபீளிதோ அனபி⁴ரதிங் வினோதே³துங் அஸக்கொந்தோ
பருள்ஹகேஸனகோ² கிலிட்ட²னிவாஸனபாருபனோ கஸ்ஸசி அனாரோசெத்வா
பத்தசீவரமாதா³ய ஏககோவ மாது க⁴ரங் க³தோ. உபாஸிகா புத்தங் தி³ஸ்வா,
வந்தி³த்வா ஆஹ - “தாத, த்வங் புப்³பே³ ஆசரியபஜ்ஜா²யேஹி வா
த³ஹரஸாமணேரேஹி வா ஸத்³தி⁴ங் இதா⁴க³ச்ச²ஸி. கஸ்மா ஏககோவ
அஜ்ஜ ஆக³தோ”தி? ஸோ உக்கண்டி²தபா⁴வங் ஆரோசேஸி. ஸத்³தா⁴
உபாஸிகா நானப்பகாரேன க⁴ராவாஸே ஆதீ³னவங் த³ஸ்ஸெத்வா புத்தங்
ஓவத³மானாபி தங் ஸஞ்ஞாபேதுங் அஸக்கொந்தீ, “அப்பேவ நாம அத்தனோ
த⁴ம்மதாயபி ஸல்லக்கெ²ஸ்ஸதீ”தி அனுயோஜெத்வாவ - “திட்ட², தாத, யாவ
தே யாகு³ப⁴த்தங் ஸம்பாதே³மி, யாகு³ங் பிவித்வா கதப⁴த்தகிச்சஸ்ஸ தே
மனாபானி வத்தா²னி நீஹரித்வா த³ஸ்ஸாமீ”தி வத்வா ஆஸனங்
பஞ்ஞாபெத்வா அதா³ஸி. நிஸீதி³ ஸாமணேரோ. உபாஸிகா முஹுத்தேனேவ
யாகு³க³ஜ்ஜகங் ஸம்பாதெ³த்வா அதா³ஸி. ததோ “ப⁴த்தங்

ஸம்பாதெ³ஸ்ஸாமீ³தி அவிதூ³ரே நிஸின்னா தண்டு³லே தோ⁴வதி. தஸ்மிங் ஸமயே ஸா யக்கி²னீ “கஹங் நு கோ² ஸாமணேரோ? கிஞ்சி பி⁴க்கா²ஹாரங் லப⁴தி , உதா³ஹு நோ³தி? ஆவஜ்ஜமானா தஸ்ஸ விப்³ப⁴மிதுகாமதாய நிஸின்னபா⁴வங் ஞத்வா, “மா ஹேவ கோ² மே தே³வதானங் அந்தரே லஜ்ஜங் உப்பாதெ³ய்ய, க³ச்சா²மிஸ்ஸ விப்³ப⁴மனே அந்தராயங் கரோமீ³தி ஆக³ந்த்வா ஸரீ³ரே அதி⁴முச்சித்வா கீ³வங் பரிவத்தெத்வா பூ⁴மியங் பாதேஸி. ஸோ அக்கீ²ஹி விபரிவத்தேஹி கே²ளேன பக்³க⁴ரந்தேன பூ⁴மியங் விப்ப²ந்த³தி. தேன வுத்தங் “யக்கே²ன க³ஹிதோ ஹோதீ³தி.

அபா⁴ஸீதி உபாஸிகா புத்தஸ்ஸ தங் விப்பகாரங் தி³ஸ்வா வேகே³ன க³ந்த்வா புத்தங் ஆலிங்கெ³த்வா ஊருஸு நிபஜ்ஜாபேஸி. ஸகலகா³மவாஸினோ ஆக³ந்த்வா ப³லிகம்மாதீ³னி கரொந்தி. உபாஸிகா பரிதே³வமானா இமா கா³தா²யோ அபா⁴ஸி.

பாடிஹாரியபக்க²ஞ்சாதி மனுஸ்ஸா “அட்ட²மீஉபோஸத²ஸ்ஸ பச்சக்³க³மனஞ்ச அனுக்³க³மனஞ்ச கரிஸ்ஸாமா³தி ஸத்தமியாபி நவமியாபி உபோஸத²ங்கா³னி ஸமாதி³யந்தி, சாதுத்³த³ஸ்பன்னரஸீனங் பச்சக்³க³மனானுக்³க³மனங் கரொந்தா தேரஸியாபி பாடிபதே³பி ஸமாதி³யந்தி, “வஸ்ஸாவாஸஸ்ஸ அனுக்³க³மனங் கரிஸ்ஸாமா³தி த்³வின்னங் பவாரணானங் அந்தரே அட்³ட⁴மாஸங் நிப³த்³து⁴போஸதி²கா ப⁴வந்தி. இத³ங் ஸந்தா⁴ய வுத்தங் “பாடிஹாரியபக்க²ஞ்சா³தி. அட்ட²ங்க³ஸுஸமாக³தந்தி அட்ட²ங்கே³ஹி ஸுட்டு² ஸமாக³தங், ஸம்பயுத்தந்தி அத்தோ². ப்³ரஹ்மசரியந்தி ஸெட்ட²சரியங். ந தே ஹி யக்கா² கீளந்தீ³தி ந தே க³ஹெத்வா யக்கா² கிலமெந்தி.

புன சாதுத்³த³ஸிந்தி இமாய கா³தா²ய ஸாமணேரஸ்ஸ காயே அதி⁴முத்தா யக்கி²னீ ஆஹ. ஆவி வா யதி³ வா ரஹோதி கஸ்ஸசி ஸம்முகே² வா பரம்முகே² வா. பமுத்யத்தீ³தி பமுத்தி அத்தி². உப்பச்சாபீதி உப்பதித்வாபி. ஸசேபி ஸகுணோ விய உப்பதித்வா பலாயஸி, ததா²பி தே மொக்கோ² நத்தீ²தி வத³தி. ஏவஞ்ச பன வத்வா ஸாமணேரங் முஞ்சி. ஸாமணேரோ அக்கீ²னி உம்மீலேஸி, மாதா கேஸே பகிரிய அஸ்ஸஸந்தீ பஸ்ஸஸந்தீ ரோத³தி. ஸோ “அமனுஸ்ஸேன க³ஹிதொம்ஹீ³தி ந ஜானாதி. ஒலோகெந்தோ பன “அஹங் புப்³பே³ பீடே² நிஸின்னோ. மாதா மே அவிதூ³ரே நிஸீதி³த்வா தண்டு³லே தோ⁴வதி. இதா³னி பனம்ஹி பூ⁴மியங் நிஸின்னோ, மாதாபி மே அஸ்ஸஸந்தீ பஸ்ஸஸந்தீ ரோத³தி, ஸகலகா³மவாஸினோபி ஸன்னிபதிதா. கிங் நு கோ² ஏத³ந்தி? நிபன்னகோவ மதங் வா அம்மாதி கா³த²மாஹ.

காமே சஜித்வானாதி து³விதே⁴பி காமே பஹாய. புனராக³ச்ச²தேதி விப்³ப⁴மனவஸேன ஆக³ச்ச²தி. புன ஜீவங் மதோ ஹி ஸோதி

உப்பப்பிஜித்வா புன ஜீவந்தோபி ஸோ மதகோவ, தஸ்மா தம்பி ரோதந்தீதி வததி.

இதானிஸ்ஸ க்ராவாஸே ஆதீனவங் தஸ்ஸெந்தீ
குக்குளாதிஆதிமாஹ. தத்த குக்குளாதி க்ராவாஸோ கிர உண்ஹட்டேன
குக்குளா நாம ஹோதி. கஸ்ஸ உஜ்ஜாபயாமஸேதி - “அபிதாவத,
பத்தங் தே ஹோது”தி ஏவங் வத்வா - “யங் த்வங் விப்பமிதுகாமோ
யக்கேன பாபிதோ, இமங் விப்பகாரங் கஸ்ஸ மயங் உஜ்ஜாபயாம
நிஜ்ஜாபயாம ஆரோசயாமா”தி வததி. புன
டய்ஹிதுமிச்சஸீதிஆதித்தக்ரதோ நீஹடபண்டங் விய க்ரா நீஹரித்வா
புத்தஸாஸனே பப்பிஜிதோ புன மஹாடாஹஸதிஸே க்ராவாஸே
டய்ஹிதுங் இச்சஸீதி அத்தோ. ஸோ மாதரி கதெந்தியா கதெந்தியா
ஸல்லக்கெத்வா ஹிரொத்தப்பங் படிபித்வா, “நத்தி மய்ஹங்
கிஹிபாவேன அத்தோ”தி ஆஹ. அதஸ்ஸ மாதா “ஸாது, தாதா”தி
துட்டா பணீதபோஜனங் போஜெத்வா, “கதி வஸ்ஸோஸி, தாதா”தி புச்சி.
பரிபுண்ணவஸ்ஸொம்ஹி உபாஸிகேதி. “தேன ஹி, தாத, உபஸம்பதங்
கரோஹி”தி சீவரஸாடகே அதாஸி. ஸோ திசீவரங் காராபெத்வா
உபஸம்பன்னோ புத்தவசனங் உக்கண்ணஹந்தோ தேபிடகோ ஹுத்வா
ஸீலாதீனங் ஆகதட்டானே தங் தங் பூரெந்தோ நசிரஸ்ஸேவ அரஹத்தங்
பத்வா மஹாதம்மகதிக்கோ ஹுத்வா வீஸவஸ்ஸஸதங் டத்வா
ஸகலஜம்புதீபங் கோபெத்வா பரினிப்பாயி. பஞ்சமங்.

6. பியங்கரஸுத்தவண்ணனா

240. சட்டே ஜேதவனேதி ஜேதவனஸ்ஸ பச்சந்தே கோஸம்பக்குடி நாம
அத்தி, தத்த விஹரதி. தம்மபதானீதி இத பாடியேக்கங் ஸங்கஹங்
ஆருள்ஹா சப்பீஸதிவக்கா தந்தி அதிப்பேதா . தத்ர தேரோ தஸ்மிங்
ஸமயே அந்தோவிஹாரே நிஸின்னோ மதுரஸ்ஸரேன ஸரபஞ்ஞங் கத்வா
அப்பமாதவக்கங் பாஸதி. ஏவங் தோஸேஸீதி ஸா கிர புத்தங் பியங்கரங்
அங்கேனாதாய ஜேதவனஸ்ஸ பச்சிமபாகத்தோ பட்டாய கோசரங்
பரியேஸந்தீ அனுபுப்பேன நக்ராபிமுகீ ஹுத்வா
உச்சாரபஸ்ஸாவகேளஸிங்காணிகதுப்போஜனானி பரியேஸமானா
தேரஸ்ஸ வஸனட்டானங் பத்வா மதுரஸ்ஸரங் அஸ்ஸோஸி. தஸ்ஸா
ஸோ ஸத்தோ சவிஆதீனி செத்வா அட்டிமிஞ்ஜங் ஆஹச்ச
ஹதயங்கமனீயோ ஹுத்வா அட்டாஸி. அதஸ்ஸா கோசரபரியேஸனே
சித்தம்பி ந உப்பஜ்ஜி, ஓஹிதஸோதா தம்மமேவ ஸுணந்தீ டிதா.
யக்கதாரகஸ்ஸ பன தஹரதாய தம்மஸ்ஸவனே சித்தங் நத்தி. ஸோ
ஜிகச்சாய பீளிதத்தா, “கஸ்மா அம்மா கதகதட்டானே காணுகோ விய
திட்டஸி? ந மய்ஹங் காத்தனியங் வா போஜனியங் வா பரியேஸஸீ”தி

புனப்புனங் மாதரங் சோதே³தி. ஸா “த⁴ம்மஸ்ஸவனஸ்ஸ மே அந்தராயங் கரோதீ”தி புத்தகங் “மா ஸத்³த³ங் கரி, பியங்கரா”தி ஏவங் தோஸேஸி. தத்த² மா ஸத்³த³ங் கரீதி ஸத்³த³ங் மா கரி.

பாணேஸு சாதி கா³தா²ய ஸா அத்தனோ த⁴ம்மதாய ஸமாதி³ண்ணங் பஞ்சஸீலங் த³ஸ்ஸேதி. தத்த² ஸங்யமாமஸேதி ஸங்யமாம ஸங்யதா ஹோம. இமினா பாணாதிபாதா விரதி க³ஹிதா, து³தியபதே³ன முஸாவாதா³ விரதி, ததியபதே³ன ஸேஸா திஸ்ஸோ விரதியோ. அபி முச்சேம பிஸாசயோனியாதி அபி நாம யக்க²லோகே உப்பன்னானி பஞ்ச வேரானி பஹாய, யோனிஸோ படிபஜ்ஜித்வா இமாய சா²தகது³பி⁴க்கா²ய பிஸாசயக்க²யோனியா முச்சேம, தாதாதி வத³தி. ச²ட்ட²ங்.

7. புனப்³புஸுஸுத்தவண்ணனா

241. ஸத்தமே தேன கோ² பன ஸமயேனாதி கதரஸமயேன? ஸூரியஸ்ஸ அத்த²ங்க³மனஸமயேன. ததா³ கிர ப⁴க³வா பச்சா²ப⁴த்தே மஹாஜனஸ்ஸ த⁴ம்மங் தே³ஸெத்வா மஹாஜனங் உய்யோஜெத்வா ந்ஹானகொட்ட²கே ந்ஹத்வா க³ந்த⁴குடிபரிவேணே பஞ்ஞத்தவரபு³த்தா⁴ஸனே புரத்தி²மலோகதா⁴துங் ஒலோகயமானோ நிஸீதி³. அதே²கசாரிகத்³விசாரிகாத³யோ பங்ஸுக்ஸலிகபிண்ட³பாதிகபி⁴க்க² அத்தனோ அத்தனோ வஸனட்டா²னேஹி நிக்க²மித்வா ஆக³ம்ம த³ஸப³லங் வந்தி³த்வா ரத்தஸாணியா பரிக்கி²பமானா விய நிஸீதி³ங்ஸு. அத² நேஸங் அஜ்ஜா²ஸயங் விதி³த்வா ஸத்தா² நிப்³பா³னபடிஸங்யுத்தங் த⁴ம்மகத²ங் கதே²ஸி.

ஏவங் தோஸேஸீதி ஸா கிர தீ⁴தரங் அங்கேனாதா³ய புத்தங் அங்கு³லியா க³ஹெத்வா ஜேதவனபிட்டி²யங் பாகாரபரிக்²பஸமீபே உச்சாரபஸ்ஸாவகே²ளஸிங்கா⁴ணிகங் பரியேஸமானா அனுபுப்³பே³ன ஜேதவனத்³வாரகொட்ட²கங் ஸம்பத்தா. ப⁴க³வதோ ச, “ஆனந்த³, பத்தங் ஆஹர, சீவரங் ஆஹர, விகா⁴ஸாதா³னங் தா³னங் தே³ஹீ”தி கதெ²ந்தஸ்ஸ ஸத்³தோ³ ஸமந்தா த்³வாத³ஸஹத்த²மத்தமேவ க³ண்ஹாதி. த⁴ம்மங் தே³ஸெந்தஸ்ஸ ஸசேபி சக்கவாளபரியந்தங் கத்வா பரிஸா நிஸீதி³, யதா² பரிஸங் க³ச்ச²தி, ப³ஹிபரிஸாய ஏகங்கு³லிமத்தம்பி ந நிக்க³ச்ச²தி, “மா அகாரணா மது⁴ரஸத்³தோ³ நஸ்ஸீ”தி. தத்ராயங் யக்கி²னீ ப³ஹிபரிஸாய டி²தா ஸத்³த³ங் ந ஸுணாதி, த்³வாரகொட்ட²கே டி²தாய பனஸ்ஸா மஹதியா புத்³த⁴வீதி²யா அபி⁴முகே² டி²தா க³ந்த⁴குடி பஞ்ஞாயி. ஸா நிவாதே தீ³பஸிகா² விய புத்³த⁴கா³ரவேன ஹத்த²குக்குச்சாதி³ரஹிதங் நிச்சலங் பரிஸங் தி³ஸ்வா - “நூன மெத்த² கிஞ்சி பா⁴ஜனீயப⁴ண்ட³ங் ப⁴விஸ்ஸதி, யதோ அஹங் ஸப்பிதேலமது⁴பா²ணிதாதீ³ஸு கிஞ்சிதே³வ பத்ததோ வா ஹத்த²தோ வா பக்³க⁴ரந்தங் பூ⁴மியங் வா பன பதிதங் லபி⁴ஸ்ஸாமீ”தி

அந்தோவிஹாரங் பாவிஸி. த்³வாரகொட்ட²கே அவருத்³த⁴கானங்
 நிவாரணத்தா²ய டி²தா ஆரக்க²தே³வதா யக்கி²னியா உபனிஸ்ஸயங் தி³ஸ்வா ந
 நிவாரேஸி. தஸ்ஸா ஸஹ பரிஸாய ஏகீபா⁴வக³மனேன மது⁴ரஸ்ஸரோ
 ச²விஆதீ³னி சி²ந்தி³த்வா அட்டி²மிஞ்ஜங் ஆஹச்ச அட்டா²ஸி. தங்
 த⁴ம்மஸ்ஸவனத்தா²ய நிச்சலங் டி²தங் புரிமனயேனேவ புத்தகா
 சோத³யிங்ஸு. ஸா “த⁴ம்மஸ்ஸவனஸ்ஸ மே அந்தராயங் கரொந்தீ”தி
 புத்தகே துண்ஹீ உத்தரிகே ஹோஹீதி ஏவங் தோஸேஸி.

தத்த² யாவாதி யாவ த⁴ம்மங் ஸுணாமி, தாவ துண்ஹீ ஹோஹீதி
 அத்தோ². ஸப்³புக³ந்த²ப்பமோசனந்தி நிப்³பா³னங் ஆக³ம்ம ஸப்³பே³ க³ந்தா²
 பமுச்சந்தி, தஸ்மா தங் ஸப்³புக³ந்த²ப்பமோசனந்தி வுச்சதி. அதிவேலாதி
 வேலாதிக்கந்தா பமாணாதிக்கந்தா. பியாயனாதி மக்³க³னா பத்த²னா. ததோ
 பியதரந்தி யா அயங் அஸ்ஸ த⁴ம்மஸ்ஸ மக்³க³னா பத்த²னா, இத³ங்
 மய்ஹங் ததோ பியதரந்தி அத்தோ². பியதராதி வா பாடோ². பாணிநந்தி யதா²
 பாணீனங் துக்கா² மோசேதி. கே மோசேதீதி? பாணினேதி ஆஹரித்வா
 வத்தப்³பங். யங் த⁴ம்மங் அபி⁴ஸம்புத்³த⁴ந்தி, யங் த⁴ம்மங் ப⁴க³வா
 அபி⁴ஸம்புத்³தோ⁴. துண்ஹீபூ⁴தாயமுத்தராதி ந கேவலங் அஹமேவ,
 அயங் மே ப⁴கி³னீ உத்தராபி துண்ஹீபூ⁴தாதி வத³தி. ஸத்³த⁴ம்மஸ்ஸ
 அனஞ்ஞாயாதி, அம்ம, மயங் புப்³பே³பி இமங் ஸத்³த⁴ம்மமேவ அஜானித்வா
 இதா³னி இத³ங் குப்பிபாஸாதி³துக்கங் அனுப⁴வந்தா துக்கங் சராம
 விஹராம.

சக்கு²மாதி பஞ்சஹி சக்க²ஹி சக்கு²மா. த⁴ம்மங் தே³ஸெந்தோயேவ
 ப⁴க³வா பரிஸங் ஸல்லக்க²யமானோ தஸ்ஸா யக்கி²னியா சேவ
 யக்க²தா³ரகஸ்ஸ ச ஸோதாபத்திப²லஸ்ஸ உபனிஸ்ஸயங் தி³ஸ்வா
 தே³ஸனங் வினிவட்டெத்வா சதுஸச்சகத²ங் தீ³பேதி, தங் ஸுத்வா
 தஸ்மிங்யேவ தே³ஸே டி²தா யக்கி²னீ ஸத்³தி⁴ங் புத்தேன ஸோதாபத்திப²லே
 பதிட்டி²தா. தீ⁴துயாபி பனஸ்ஸா உபனிஸ்ஸயோ அத்தி², அதித்³ஹரத்தா பன
 தே³ஸனங் ஸம்படிச்சி²துங் நாஸக்கி².

இதா³னி ஸா யக்கி²னீ புத்தஸ்ஸ அனுமோத³னங் கரொந்தீ ஸாது⁴ கோ²
 பண்டி³தோ நாமாதிஆதி³மாஹ. அஜ்ஜாஹம்ஹி ஸமுக்³க³தாதி அஹம்ஹி
 அஜ்ஜ வட்டதோ உக்³க³தா ஸமுக்³க³தா ஸாஸனே வா உக்³க³தா ஸமுக்³க³தா,
 த்வம்பி ஸுகீ² ஹோஹீதி. தி³ட்டா²னீதி மயா ச தயா ச தி³ட்டா²னி. உத்தராபி
 ஸுணாது மேதி, “அம்ஹாகங் சதுஸச்சபடிவேத⁴பா⁴வங், தீ⁴தா மே
 உத்தராபி, ஸுணாதூ”தி வத³தி. ஸஹ ஸச்சபடிவேதே⁴னேவ ஸாபி
 ஸூசிலோமோ விய ஸப்³பங் ஸேதகண்டு³கச்ச²ஆதி³பா⁴வங் பஹாய
 தி³ப்³புஸம்பத்திங் படிப⁴தி ஸத்³தி⁴ங் புத்தேன. தீ⁴தா பனஸ்ஸா யதா²
 நாம லோகே மாதாபிதூஹி இஸ்ஸரியே லத்³தே⁴ புத்தானம்பி தங் ஹோதி,

ஏவங் மாது-ஆனுபா⁴வேனேவ ஸம்பத்திங் லபி⁴. ததோ பட்டா²ய ச ஸா ஸத்³தி⁴ங் புத்தகேஹி க³ந்த⁴குடிஸமீபருக்கே²யேவ நிவாஸருக்க²ங் லபி⁴த்வா ஸாயங் பாதங் புத்³த⁴த³ஸ்ஸனங் லப⁴மானா த⁴ம்மங் ஸுணமானா தீ³க⁴ரத்தங் தத்தே²வ வஸி. ஸத்தமங்.

8. ஸுத³த்தஸுத்தவண்ணனா

242. அட்ட²மே கேனசிதே³வ கரணீயேனாதி வாணிஜ்ஜகம்மங் அதி⁴ப்பேதங். அனாத²பிண்டி³கோ ச ராஜக³ஹஸெட்டி² ச அஞ்ஞமஞ்ஞங் ப⁴கி³னிபதிகா ஹொந்தி. யதா³ ராஜக³ஹே உட்டா²னகப⁴ண்ட³கங் மஹக்³க⁴ங் ஹொதி, ததா³ ராஜக³ஹஸெட்டி² தங் க³ஹெத்வா பஞ்சஸகடஸதேஹி ஸாவத்தி²ங் க³ந்த்வா யோஜனமத்தே டி²தோ அத்தனோ ஆக³தபா⁴வங் ஜானாபேதி. அனாத²பிண்டி³கோ பச்சக்³க³ந்த்வா தஸ்ஸ மஹாஸக்காரங் கத்வா ஏகயானங் ஆரோபெத்வா ஸாவத்தி²ங் பவிஸதி. ஸோ ஸசே ப⁴ண்ட³ங் லஹுகங் விக்³யதி, விக்³கிணாதி. நோ சே, ப⁴கி³னிக⁴ரே ட²பெத்வா பக்கமதி. அனாத²பிண்டி³கோபி ததே²வ கரோதி. ஸ்வாயங் ததா³பி தேனேவ கரணீயேன அக³மாஸி. தங் ஸந்தா⁴யேதங் வுத்தங்.

தங் தி³வஸங் பன ராஜக³ஹஸெட்டி² யோஜனமத்தே டி²தேன அனாத²பிண்டி³கேன ஆக³தபா⁴வஜானந்தத்²ங் பேஸிதங் பண்ணங் ந ஸுணி, த⁴ம்மஸ்ஸவனத்தா²ய விஹாரங் அக³மாஸி. ஸோ த⁴ம்மகத²ங் ஸுத்வா ஸ்வாதனாய புத்³த⁴ப்பமுக்²ங் பி⁴க்கு²ஸங்க⁴ங் நிமந்தெத்வா அத்தனோ க⁴ரே உத்³த⁴னக²ணாபனதா³ருபா²லனாதீ³னி காரேஸி. அனாத²பிண்டி³கோபி “இதா³னி மய்ஹங் பச்சக்³க³மனங் கரிஸ்ஸதி, இதா³னி கரிஸ்ஸதீ”தி க⁴ரத்³வாரேபி பச்சக்³க³மனங் அலபி⁴த்வா அந்தோக⁴ரங் பவிட்டோ² படிஸந்தா²ரம்பி ந ப³ஹுங் அலத்த². “கிங், மஹாஸெட்டி², குஸலங் தா³ரகருபானங்? நஸி மக்³கே³ கிலந்தோ”தி? எத்தகோவ படிஸந்தா²ரோ அஹொஸி. ஸோ தஸ்ஸ மஹாப³யாபாரங் தி³ஸ்வா, “கிங் நு தே, க³ஹபதி, ஆவாஹொ வா ப⁴விஸ்ஸதீ”தி? க³ந்த⁴கே (சூளவ. 304) ஆக³தனயேனேவ கத²ங் பவத்தெத்வா தஸ்ஸ முக்²தோ புத்³த⁴ஸத்³த³ங் ஸுத்வா பஞ்சவண்ணங் பீதிங் படிஸபி⁴. ஸா தஸ்ஸ ஸீஸேன உட்டா²ய யாவ பாத³பிட்டி²யா, பாத³பிட்டி²யா உட்டா²ய யாவ ஸீஸா க³ச்ச²தி, உப⁴தோ உட்டா²ய மஜ்ஜே² ஓஸரதி, மஜ்ஜே² உட்டா²ய உப⁴தோ க³ச்ச²தி. ஸோ பீதியா நிரந்தரங் புட்டோ², “புத்³தோ⁴தி த்வங், க³ஹபதி, வதே³ஸி? புத்³தோ⁴ தாஹங், க³ஹபதி, வதா³மீ”தி ஏவங் திக்க²த்துங் புச்சி²த்வா, “கோ⁴ஸோபி கோ² ஏஸோ து³ல்லபோ⁴ லோகஸ்மிங் யதி³த³ங் புத்³தோ⁴”தி ஆஹ. இத³ங் ஸந்தா⁴ய வுத்தங் “அஸ்ஸோஸி கோ² அனாத²பிண்டி³கோ, க³ஹபதி, புத்³தோ⁴ கிர லோகே உப்பன்னோ”தி.

ஏதத³ஹோஸி அகாலோ கோ² அஜ்ஜாதி ஸோ கிர தங் ஸெட்டி²ங் புச்சி², “குஹிங் க³ஹபதி ஸத்தா² விஹரதீ”தி? அத²ஸ்ஸ ஸோ - “பு³த்³தா⁴ நாம து³ராஸதா³ ஆஸீவிஸஸதி³ஸா ஹொந்தி, ஸத்தா² ஸிவதி²காய வஸதி, ந ஸக்கா தத்த² தும்ஹாதி³ஸேஹி இமாய வேலாய க³ந்து”ந்தி ஆசிக்கி². அத²ஸ்ஸ ஏதத³ஹோஸி. பு³த்³த⁴க³தாய ஸதியா நிபஜ்ஜீதி தந்தி³வஸங் கிரஸ்ஸ ப⁴ண்ட³ஸகடேஸு வா உபட்டா²கேஸு வா சித்தம்பி ந உப்பஜ்ஜி, ஸாயமாஸம்பி ந அகாஸி, ஸத்தபூ⁴மிகங் பன பாஸாத³ங் ஆருய்ஹ ஸுபஞ்ஞத்தாலங்கதவரஸயனே “பு³த்³தோ⁴ பு³த்³தோ⁴”தி ஸஜ்ஜா²யங் கரொந்தோவ நிபஜ்ஜித்வா நித்³த³ங் ஒக்கமி. தேன வுத்தங் “பு³த்³த⁴க³தாய ஸதியா நிபஜ்ஜீ”தி.

ரத்தியா ஸுத³ங் திக்க²த்துங் உட்டா²ஸி பபா⁴தந்தி மஞ்ஞமானோதி பட²மயாமே தாவ வீதிவத்தே உட்டா²ய பு³த்³த⁴ங் அனுஸ்ஸரி, அத²ஸ்ஸ ப³லவப்பஸாதோ³ உத³பாதி³, பீதிஆலோகோ அஹோஸி, ஸப்³ப³தமங் விக³ச்சி², தீபஸஹஸ்ஸஜ்ஜலங் விய சந்து³ட்டா²னங் ஸூரியுட்டா²னங் விய ச ஜாதங். ஸோ “பபாத³ங் ஆபன்னோ வதம்ஹி, ஸூரியோ உக்³க³தோ”தி உட்டா²ய ஆகாஸதலே டி²தங் சந்த³ங் உல்லோகெத்வா “ஏகோவ யாமோ க³தோ, அஞ்ஞே த்வே அத்தீ²”தி புன பவிஸித்வா நிபஜ்ஜி. ஏதேனுபாயேன மஜ்ஜி²மயாமாவஸானேபி பச்சி²மயாமாவஸானேபீதி திக்க²த்துங் உட்டா²ஸி. பச்சி²மயாமாவஸானே பன ப³லவபச்சுஸேயேவ உட்டா²ய ஆகாஸதலங் ஆக³ந்த்வா மஹாத்³வாராபி⁴முகோ²வ அஹோஸி, ஸத்தபூ⁴மிகத்³வாரங் ஸயமேவ விவடங் அஹோஸி. ஸோ பாஸாதா³ ஓருய்ஹ அந்தரவீதி³ங் படிபஜ்ஜி.

விவரிங்ஸூதி “அயங் மஹாஸெட்டி² பு³த்³து⁴பட்டா²னங் க³மிஸ்ஸாமீதி நிக்க²ந்தோ, பட²மத³ஸ்ஸனேனேவ ஸோதாபத்திப²லே பதிட்டா²ய திண்ணங் ரதனானங் அக்³கு³பட்டா²கோ ஹுத்வா அஸதி³ஸங் ஸங்கா⁴ராமங் கத்வா சாதுத்³தி³ஸஸ்ஸ அரியக³ணஸ்ஸ அனாவடத்³வாரோ ப⁴விஸ்ஸதி, ந யுத்தமஸ்ஸ த்³வாரங் பித்³ஹிது”ந்தி சிந்தெத்வா விவரிங்ஸு. அந்தரதா⁴யீதி ராஜக³ஹங் கிர ஆகிண்ணமனுஸ்ஸங் அந்தோனக³ரே நவ கோடியோ, ப³ஹினக³ரே நவாதி தங் உபனிஸ்ஸாய அட்டா²ரஸ மனுஸ்ஸகோடியோ வஸந்தி. அவேலாய மதமனுஸ்ஸே ப³ஹி நீஹரிதுங் அஸக்கொந்தா அட்டாலகே ட²த்வா ப³ஹித்³வாரே கி²பந்தி. மஹாஸெட்டி² நக³ரதோ ப³ஹினிக்க²ந்தமத்தோவ அல்லஸரீரங் பாதே³ன அக்கமி, அபரம்பி பிட்டி²பாதே³ன பஹரி. மக்கி²கா உப்பதித்வா பரிகிரிங்ஸு. து³க்³க³ந்தோ⁴ நாஸபுடங் அபி⁴ஹனி. பு³த்³த⁴ப்பஸாதோ³ தனுத்தங் க³தோ. தேனஸ்ஸ ஆலோகோ அந்தரதா⁴யி, அந்த⁴காரோ பாதுரஹோஸி. ஸத்³த³மனுஸ்ஸாவேஸீதி “ஸெட்டி²ஸ்ஸ உஸ்ஸாஹங் ஜனெஸ்ஸாமீதி

ஸுவண்ணகிங்கினிகங் க⁴ட்டெந்தோ விய மது⁴ரஸ்ஸரேன ஸத்³த³ங்
அனுஸ்ஸாவேஸி.

ஸதங் கஞ்ஞாஸஹஸ்ஸானீதி புரிமபதா³னிபி இமினாவ
ஸஹஸ்ஸபதே³ன ஸத்³தி⁴ங் ஸம்ப³ந்த⁴னீயானி. யதே²வ ஹி ஸதங்
கஞ்ஞாஸஹஸ்ஸானி, ஸதங் ஸஹஸ்ஸானி ஹத்தீ², ஸதங் ஸஹஸ்ஸானி
அஸ்ஸா, ஸதங் ஸஹஸ்ஸானி ரதா²தி அயமெத்த² அத்தோ². இதி
ஏகேகஸதஸஹஸ்ஸமேவ தீ³பிதங். பத³வீதிஹாரஸ்ஸாதி பத³வீதிஹாரோ
நாம ஸமக³மனே த்³வின்னங் பதா³னங் அந்தரே முட்டி²ரதனமத்தங். கலங்
நாக்³க⁴ந்தி ஸோளஸிந்தி தங் ஏகங் பத³வீதிஹாரங் ஸோளஸபா⁴கே³
கத்வா ததோ ஏகோ கொட்டா²ஸோ புன ஸோளஸதா⁴, ததோ ஏகோ
ஸோளஸதா⁴தி ஏவங் ஸோளஸ வாரே ஸோளஸதா⁴ பி⁴ன்னஸ்ஸ ஏகோ
கொட்டா²ஸோ ஸோளஸிகலா நாம, தங் ஸோளஸிகலங் ஏதானி சத்தாரி
ஸதஸஹஸ்ஸானி ந அக்³க⁴ந்தி. இத³ங் வுத்தங் ஹோதி - ஸதங்
ஹத்தி²ஸஹஸ்ஸானி ஸதங் அஸ்ஸஸஹஸ்ஸானி ஸதங்
ரத²ஸஹஸ்ஸானி ஸதங் கஞ்ஞாஸஹஸ்ஸானி, தா ச கோ²
ஆமுக்கமணிகுண்ட³லா ஸகலஜம்பு³தீ³பராஜதீ⁴தரோ வாதி இமஸ்மா எத்தகா
லாபா⁴ விஹாரங் க³ச்ச²ந்தஸ்ஸ தஸ்மிங் ஸோளஸிகலஸங்கா²தே பதே³ஸே
பவத்தசேதனாவ உத்தரிதராத். இத³ங் பன விஹாரக³மனங் கஸ்ஸ வஸேன
க³ஹிதந்தி? விஹாரங் க³ந்த்வா அனந்தராயேன ஸோதாபத்திப²லே
பதிட்ட²ஹந்தஸ்ஸ. “க³ந்த⁴மாலாதீ³ஹி பூஜங் கரிஸ்ஸாமி , சேதியங்
வந்தி³ஸ்ஸாமி, த⁴ம்மங் ஸொஸ்ஸாமி, தீ³ப்பூஜங் கரிஸ்ஸாமி, ஸங்க⁴ங்
நிமந்தெத்வா தா³னங் த³ஸ்ஸாமி, ஸிக்கா²பதே³ஸு வா ஸரணேஸு வா
பதிட்ட²ஹிஸ்ஸாமீ”தி க³ச்ச²தோபி வஸேன வட்டதியேவ.

அந்த⁴காரோ அந்தரதா⁴யீதி ஸோ கிர சிந்தேஸி - “அஹங் ஏககோதி
ஸஞ்ஞங் கரோமி, அனுயுத்தாபி மே அத்தி², கஸ்மா பா⁴யாமீ”தி ஸுரோ
அஹோஸி. அத²ஸ்ஸ ப³லவா பு³த்³த⁴ப்பஸாதோ³ உத³பாதி³. தஸ்மா
அந்த⁴காரோ அந்தரதா⁴யீதி. ஸேஸவாரேஸுபி ஏஸேவ நயோ. அபிச புரதோ
புரதோ க³ச்ச²ந்தோ பி⁴ங்ஸனகே ஸுஸானமக்³கே³
அட்டி²கஸங்க²லிகஸமங்ஸலோஹிதந்திஆதீ³னி அனேகவிதா⁴னி குணபானி
அத்³த³ஸ . ஸோணஸிங்கா³லாதீ³னங் ஸத்³த³ங் அஸ்ஸோஸி. தங் ஸப்³ப³ங்
பரிஸ்ஸயங் புனப்புனங் பு³த்³த⁴க³தங் பஸாத³ங் வட்³டெ⁴த்வா மத்³த³ந்தோ
அக்³மாஸியேவ.

ஏஹி ஸுத³த்தாதி ஸோ கிர ஸெட்டி² க³ச்ச²மானோவ சிந்தேஸி -
“இமஸ்மிங் லோகே ப³ஹு பூரணகஸ்ஸபாத³யோ தித்தி²யா ‘மயங் பு³த்³தா⁴
மயங் பு³த்³தா⁴’தி வத³ந்தி, கத²ங் நு கோ² அஹங் ஸத்து² பு³த்³த⁴பா⁴வங்
ஜானெய்ய”ந்தி? அத²ஸ்ஸ ஏதத³ஹோஸி - “மய்ஹங் கு³ணவஸேன

உப்பன்னங் நாமங் மஹாஜனோ ஜானாதி, குலத³த்தியங் பன மே நாமங் அஞ்ஞத்ர மயா ந கோசி ஜானாதி. ஸசே ப³த்³தோ⁴ ப⁴விஸ்ஸதி, குலத³த்திகனாமேன மங் ஆலபிஸ்ஸதீ³தி. ஸத்தா² தஸ்ஸ சித்தங் ஞத்வா ஏவமாஹ.

பரினிப்³பு³தோதி கிலேஸபரினிப்³பா³னேன பரினிப்³பு³தோ. ஆஸத்தியோதி தண்ஹாயோ. ஸந்திந்தி கிலேஸவூபஸமங். பப்புய்யாதி பத்வா. இத³ஞ்ச பன வத்வா ஸத்தா² தஸ்ஸ அனுபுப்³பி³கத²ங் கதெ²த்வா மத்த²கே சத்தாரி ஸச்சானி பகாஸேஸி. ஸெட்டி² த⁴ம்மதே³ஸனங் ஸுத்வா ஸோதாபத்திப²லே பதிட்டா²ய புத்³த⁴ப்பமுக²ங் பி⁴க்கு²ஸங்க⁴ங் நிமந்தெத்வா புனதி³வஸதோ பட்டா²ய மஹாதா³னங் தா³துங் ஆரபி⁴. பி³ம்பி³ஸாராத³யோ ஸெட்டி²ஸ்ஸ ஸாஸனங் பேஸெந்தி - “த்வங் ஆக³ந்துகோ, யங் நப்பஹோதி, தங் இதோ ஆஹராபேஹீ³தி. ஸோ “அலங் தும்ஹே ப³ஹுகிச்சா³தி ஸப்³பே³ படிக்கி²பித்வா பஞ்சஹி ஸகடஸதேஹி ஆனீதவிப⁴வேன ஸத்தாஹங் மஹாதா³னங் அதா³ஸி. தா³னபரியோஸானே ச ப⁴க³வந்தங் ஸாவத்தி²யங் வஸ்ஸாவாஸங் படிஜானாபெத்வா ராஜக³ஹஸ்ஸ ச ஸாவத்தி²யா ச அந்தரே யோஜனே யோஜனே ஸதஸஹஸ்ஸங் த³த்வா பஞ்சசத்தாலீஸ விஹாரே காரெந்தோ ஸாவத்தி²ங் க³ந்த்வா ஜேதவனமஹாவிஹாரங் காரெத்வா புத்³த⁴ப்பமுக²ஸ்ஸ பி⁴க்கு²ஸங்க⁴ஸ்ஸ நிய்யாதே³ஸீதி. அட்ட²மங்.

9. பட²மஸுக்காஸுத்தவண்ணனா

243. நவமே ரதி²காய ரதி²கந்தி ஏகங் ரதி²கங் க³ஹெத்வா ததோ அபரங் க³ச்ச²ந்தோ ரதி²காய ரதி²கங் உபஸங்கமந்தோ நாம ஹோதி. ஸிங்கா⁴டகேபி ஏஸேவ நயோ. எத்த² ச ரதி²காதி ரச்சா². ஸிங்கா⁴டகந்தி சதுக்கங். கிங் மே கதாதி கிங் இமே கதா? கிங் கரொந்தீதி அத்தோ². மது⁴பீதாவ ஸேயரேதி க³ந்த⁴மது⁴பானங் பீதா விய ஸயந்தி. க³ந்த⁴மது⁴பானங் பீதோ கிர ஸீஸங் உக்கி²பிதுங் ந ஸக்கோதி, அஸஞ்ஞீ ஹுத்வா ஸயதேவ. தஸ்மா ஏவமாஹ.

தஞ்ச பன அப்படிவானீயந்தி தஞ்ச பன த⁴ம்மங் அப்படிவானீயங் தே³ஸேதி. பா³ஹிரகஞ்ஹி ஸுமது⁴ரம்பி போ⁴ஜனங் புனப்புனங் பு⁴ஞ்ஜந்தஸ்ஸ ந ருச்சதி, “அபனேத², கிங் இமினா³தி? படிவானேதப்³பங் அபனேதப்³பங் ஹோதி, ந ஏவமயங் த⁴ம்மோ. இமங் ஹி த⁴ம்மங் பண்டி³தா வஸ்ஸஸதம்பி வஸ்ஸஸஹஸ்ஸம்பி ஸுணந்தா தித்திங் ந க³ச்ச²ந்தி. தேனாஹ “அப்படிவானீய”ந்தி. அஸேசனகமோஜவந்தி அனாஸித்தகங் ஓஜவந்தங். யதா² ஹி பா³ஹிரானி அஸம்பி⁴ன்னபாயாஸாதீ³னிபி ஸப்பிமது⁴ஸக்க²ராஹி ஆஸித்தானி யோஜிதானேவ மது⁴ரானி ஓஜவந்தானி ஹொந்தி, ந ஏவமயங் த⁴ம்மோ. அயங் ஹி அத்தனோ த⁴ம்மதாய மது⁴ரோ சேவ ஓஜவா ச, ந அஞ்ஞேன உபஸித்தோ. தேனாஹ “அஸேசனகமோஜவ”ந்தி.

பிவந்தி மஞ்ஞே ஸப்பஞ்ஞாதி பண்டி³தபுரிஸா பிவந்தி விய. வலாஹகமேவ பந்த²க்³தி வலாஹகந்தரதோ நிக்க²ந்தஉத³கங் க⁴ம்மாபி⁴தத்தா பதி²கா விய. நவமங்.

10-11. து³தியஸுக்காஸுத்தாதி³வண்ணனா

244. த³ஸமே புஞ்ஞுங் வத பஸவி ப³ஹுந்தி ப³ஹுங் வத புஞ்ஞுங் பஸவதீதி. த³ஸமங்.

245. ஏகாத³ஸமங் உத்தானமேவ. ஏகாத³ஸமங்.

12. ஆளவகஸுத்தவண்ணனா

246. த³வாத³ஸமே ஆளவியந்தி ஆளவீதி தங் ரட்ட²ம்பி நக³ரம்பி. தஞ்ச ப⁴வனங் நக³ரஸ்ஸ அவிதூ³ரே கா³வுதமத்தே டி²தங். ப⁴க³வா தத்த² விஹரந்தோ தங் நக³ரங் உபனிஸ்ஸாய ஆளவியங் விஹரதீதி வுத்தோ. ஆளவகஸ்ஸ யக்க²ஸ்ஸ ப⁴வனேதி எத்த² பன அயமனுபு³பி³கதா² - ஆளவகோ கிர ராஜா விவித⁴னாடக்ஷபபோ⁴க³ங் ச²ட்³டெ³த்வா சோரபடிபா³ஹனத்த²ங் படிராஜனிஸேத⁴னத்த²ங் ப்யாயாமகரணத்த²ஞ்ச ஸத்தமே ஸத்தமே தி³வஸே மிக³வங் க³ச்ச²ந்தோ ஏகதி³வஸங் ப³லகாயேன ஸத்தி⁴ங் கதிகங் அகாஸி - “யஸ்ஸ பஸ்ஸேன மிகோ³ பலாயதி, தஸ்ஸேவ ஸோ பா⁴ரோ”தி. அத² தஸ்ஸேவ பஸ்ஸேன மிகோ³ பலாயி, ஜவஸம்பன்னோ ராஜா த⁴னுங் க³ஹேத்வா பத்திகோவ தியோஜனங் தங் மிக³ங் அனுப³ந்தி⁴. ஏணிமிகா³ ச தியோஜனவேகா³ ஏவ ஹொந்தி. அத² பரிக்³ணஜவங் தங் உத³கங் விய பவிஸித்வா டி²தங் வதி⁴த்வா த³விதா⁴ செ²த்வா அனத்தி²கோபி மங்ஸேன “நாஸக்கி² மிக³ங் க³ஹேது”ந்தி அபவாத³மோசனத்த²ங் காஜேனாதா³ய ஆக³ச்ச²ந்தோ நக³ரஸ்ஸாவிதூ³ரே ப³ஹலபத்தபலாஸங் மஹானிக்³ரோத⁴ங் தி³ஸ்வா பரிஸ்ஸமவினோத³னத்த²ங் தஸ்ஸ மூலமுபக³தோ. தஸ்மிஞ்ச நிக்³ரோதே⁴ ஆளவகோ யக்கோ² மஹாராஜஸந்திகா ப⁴வனங் லபி⁴த்வா மஜ்ஜ²ன்ஹிகஸமயே தஸ்ஸ ருக்க²ஸ்ஸ சா²யாய பு²ட்டோ²காஸங் பவிட்டே² பாணினோ கா²த³ந்தோ படிவஸதி. ஸோ தங் தி³ஸ்வா கா²தி³துங் உபக³தோ. ராஜா தேன ஸத்தி⁴ங் கதிகங் அகாஸி - “முஞ்ச மங், அஹங் தே தி³வஸே தி³வஸே மனுஸ்ஸஞ்ச தா²லிபாகஞ்ச பேஸெஸ்ஸாமீ”தி. யக்கோ² - “த்வங் ராஜூபபோ⁴கே³ன பமத்தோ ந ஸரிஸ்ஸஸி, அஹங் பன ப⁴வனங் அனுபக³தஞ்ச அனநுஞ்ஞாதஞ்ச கா²தி³துங் ந லபா⁴மி, ஸ்வாஹங் ப⁴வந்தம்பி ஜீயெய்ய”ந்தி ந முஞ்சி. ராஜா “யங் தி³வஸங் ந பேஸேமி, தங் தி³வஸங் மங் க³ஹேத்வா கா²தா³”தி அத்தானங் அனுஜானித்வா தேன முத்தோ நக³ராபி⁴முகோ² அக³மாஸி.

புலகாயோ மக்³கே³ க²ந்தா⁴வாரங் ப³ந்தி⁴த்வா டி²தோ ராஜானங் தி³ஸ்வா, “கிங், மஹாராஜ, அயஸமத்தப⁴யா ஏவங் கிலந்தோஸீ”தி? வத³ந்தோ பச்சக்³க³ந்த்வா படிக்க³ஹேஸி. ராஜா தங் பவத்திங் அனாரோசெத்வா நக³ரங் க³ந்த்வா கதபாதராலோ நக³ரகு³த்திகங் ஆமந்தெத்வா ஏதமத்த²ங் ஆரோசேஸி. நக³ரகு³த்திகோ - “கிங், தே³வ , காலபரிச்சே²தோ³ கதோ”தி ஆஹ? ந கதோ ப⁴ணேதி. து³ட்டு² கதங், தே³வ, அமனுஸ்ஸா ஹி பரிச்சி²ன்னமத்தமேவ லப⁴ந்தி, அபரிச்சி²ன்னே பன ஜனபத³ஸ்ஸாபா³தோ⁴ ப⁴விஸ்ஸதி, ஹோது தே³வ, கிஞ்சாபி ஏவமகாஸி, அப்பொஸ்ஸுக்கோ த்வங் ரஜ்ஜஸுக²மனுபோ⁴ஹி, அஹமெத்த² காதப்³பங் கரிஸ்ஸாமீதி. ஸோ காலஸ்ஸேவ வுட்டா²ய ப³ந்த⁴னாகா³ரத்³வாரே ட²த்வா யே யே வஜ்ஜா² ஹொந்தி, தே தே ஸந்தா⁴ய “யோ ஜீவிதத்தி²கோ, ஸோ நிக்க²மதூ”தி ப⁴ணதி. யோ பட²மங் நிக்க²மதி, தங் கே³ஹங் நெத்வா நஹாபெத்வா போ⁴ஜெத்வா ச “இமங் தா²லிபாகங் யக்க²ஸ்ஸ தே³ஹீ”தி பேஸேதி. தங் ருக்க²மூலங் பவிட்ட²மத்தங்யேவ யக்கோ² பே⁴ரவங் அத்தபா⁴வங் நிம்மினித்வா மூலகந்த³ங் விய கா²தி³. யக்கா²னுபா⁴வேன கிர மனுஸ்ஸானங் கேஸாதீ³னி உபாதா³ய ஸகலஸரீரங் நவனீதபிண்ட³ங் விய ஹொதி, யக்க²ஸ்ஸ ப⁴த்தங் கா³ஹாபேதுங் க³தபுரிஸா தங் தி³ஸ்வா பீ⁴தா யதா²மித்தங் ஆரோசேஸுங். ததோ பபு⁴தி “ராஜா சோரே க³ஹெத்வா யக்க²ஸ்ஸ தே³தீ”தி மனுஸ்ஸா சோரகம்மதோ படிவிரதா. ததோ அபரேன ஸமயேன நவசோரானங் அபா⁴வேன புராணசோரானஞ்ச பரிக்க²யேன ப³ந்த⁴னாகா³ரானி ஸுஞ்ஞானி அஹேஸுங்.

அத² நக³ரகு³த்திகோ ரஞ்ஞோ ஆரோசேஸி. ராஜா அத்தனோ த⁴னங் நக³ரரச்சா²ஸு ச²ட்³டா³பேஸி “அப்பேவ நாம கோசி லோபே⁴ன க³ண்ஹெய்யா”தி. தங் பாதே³னபி கோசி நச்சு²பி. ஸோ சோரே அலப⁴ந்தோ அமச்சானங் ஆரோசேஸி. அமச்சா “குலபடிபாடியா ஏகமேகங் ஜிண்ணகங் பேஸேம, ஸோ பகதியாபி மச்சபதே² வத்ததீ”தி ஆஹங்ஸு. ராஜா “அம்ஹாகங் பிதரங் அம்ஹாகங் பிதாமஹங் பேஸேதீதி மனுஸ்ஸா கோ²ப⁴ங் கரிஸ்ஸந்தி, மா வோ ஏதங் ருச்சீ”தி வாரேஸி. “தேன ஹி, தே³வ, தா³ரகங் பேஸேம உத்தானஸெய்யகங், ததா²வித⁴ஸ்ஸ ஹி ‘மாதா மே’தி ‘பிதா மே’தி ஸினேஹொ நத்தீ²”தி ஆஹங்ஸு. ராஜா அனுஜானி. தே ததா² அகங்ஸு. நக³ரே தா³ரகமாதரோ ச தா³ரகே க³ஹெத்வா க³ப்³பி⁴னியோ ச பலாயித்வா பரஜனபதே³ தா³ரகே ஸங்வட்³டெ⁴த்வா ஆனெந்தி. ஏவங் த³வாத³ஸ வஸ்ஸானி க³தானி.

ததோ ஏகதி³வஸங் ஸகலனக³ரங் விசினித்வா ஏகம்பி தா³ரகங் அலபி⁴த்வா அமச்சா ரஞ்ஞோ ஆரோசேஸுங் - “நத்தி², தே³வ, நக³ரே தா³ரகோ ட²பெத்வா அந்தேபுரே தவ புத்தங் ஆளவககுமார”ந்தி. ராஜா “யதா² மம புத்தோ பியோ, ஏவங் ஸப்³புலோகஸ்ஸ, அத்தனா பன பியதரங் நத்தி², க³ச்ச²த² தம்பி

தத்வா மம ஜீவிதங் ரக்²தா²²தி. தேன ச ஸமயேன ஆளவகஸ்ஸ மாதா புத்தங் நஹாபெத்வா மண்டெ³த்வா து³க்ஷலசும்ப³டகே கத்வா அங்கே ஸயாபெத்வா நிஸின்னா ஹோதி. ராஜபுரிஸா ரஞ்ஞோ ஆணாய தத்த² க³ந்த்வா விப்பலபந்தியா தஸ்ஸா ஸோளஸன்னஞ்ச தே³விஸஹஸ்ஸானங் ஸத்³தி²⁴ங் தா²⁴தியா தங் ஆதா³ய பக்கமிங்ஸு, “ஸ்வே யக்²ப²⁴க்கோ² ப²⁴விஸ்ஸதீ²”தி. தங்தி³வஸஞ்ச ப²⁴க³வா பச்துஸஸமயங் பச்சுட்டா²ய ஜேதவனவிஹாரே க³ந்த²⁴குடியங் மஹாகருணாஸமாபத்திங் ஸமாபஜ்ஜித்வா பு³த்த²⁴சக்கு²னா லோகங் ஒலோகெந்தோ அத³த³ஸ ஆளவகஸ்ஸ குமாரஸ்ஸ அனாகா³மிப²லுப்பத்தியா உபனிஸ்ஸயங் யக்²ஸ்ஸ ச ஸோதாபத்திப²லுப்பத்தியா, தே³ஸனாபரியோஸானே ச சதுராஸீதிபாணஸஹஸ்ஸானங் த²⁴ம்மசக்கு²படிலாப²⁴ஸ்ஸாதி. ஸோ விபா²⁴தாய ரத்தியா புரிமப²⁴த்தகிச்சங் கத்வா ஸுனிட்டி²தபச்சா²ப²⁴த்தகிச்சோ காளபக்²போஸத²தி³வஸே வத்தமானே ஒக்³க³தே ஸூரியே ஏகோ அது³தியோ பத்தசீவரமாதா³ய பாத³மக்³கே³னேவ ஸாவத்தி²தோ திங்ஸ யோஜனானி க³ந்த்வா தஸ்ஸ யக்²ஸ்ஸ ப²⁴வனங் பாவிஸி. தேன வுத்தங் “ஆளவகஸ்ஸ யக்²ஸ்ஸ ப²⁴வனே”தி.

கிங் பன ப²⁴க³வா யஸ்மிங் நிக்³ரோதே²⁴ ஆளவகஸ்ஸ ப²⁴வனங், தஸ்ஸ மூலே விஹாஸி, உதா³ஹு ப²⁴வனேயேவாதி? ப²⁴வனேயேவ. யதே²வ ஹி யக்கா² அத்தனோ ப²⁴வனங் பஸ்ஸந்தி, ததா² ப²⁴க³வாபி. ஸோ தத்த² க³ந்த்வா ப²⁴வனத்³வாரே அட்டா²ஸி. ததா³ ஆளவகோ ஹிமவந்தே யக்²ஸமாக³மங் க³தோ ஹோதி. ததோ ஆளவகஸ்ஸ த³வாரபாலோ க³த்³ரபோ²⁴ நாம யக்கோ² ப²⁴க³வந்தங் உபஸங்கமித்வா வந்தி³த்வா, “கிங், ப²⁴ந்தே, ப²⁴க³வா விகாலே ஆக³தோ”தி ஆஹ. ஆம, க³த்³ரப²⁴, ஆக³தொம்ஹி, ஸசே தே அக³ரு, விஹரெய்யாமேகரத்தங் ஆளவகஸ்ஸ ப²⁴வனேதி . ந மே, ப²⁴ந்தே, க³ரு, அபிச கோ² ஸோ யக்கோ² கக்²னோ ப²ருஸோ, மாதாபிதூனம்பி அபி²⁴வாத³னாதீ³னி ந கரோதி, மா ருச்சி ப²⁴க³வதோ இத²⁴ வாஸோதி. ஜானாமி, க³த்³ரப²⁴, தஸ்ஸ ஸபா²⁴வங், ந கோசி மமந்தராயோ ப²⁴விஸ்ஸதி. ஸசே தே அக³ரு, விஹரெய்யாமேகரத்தந்தி.

து³தியம்பி க³த்³ரபோ²⁴ யக்கோ² ப²⁴க³வந்தங் ஏதத³வோச - “அக்³கி³தத்தகபாலஸதி³ஸோ, ப²⁴ந்தே, ஆளவகோ, மாதாபிதரோதி வா ஸமணப்³ராஹ்மணாதி வா த²⁴ம்மோதி வா ந ஜானாதி, இதா²⁴க³தானங் பன சித்தக்கே²பம்பி கரோதி, ஹத³யம்பி பா²லேதி, பாதே³பி க³ஹெத்வா பரஸமுத்³தங் வா பரசக்கவாளங் வா கி²பதீ²”தி. து³தியம்பி ப²⁴க³வா ஆஹ - “ஜானாமி, க³த்³ரப²⁴, ஸசேபி தே அக³ரு, விஹரெய்யாமேகரத்த”ந்தி. ந மே, ப²⁴ந்தே, க³ரு, அபிச கோ² ஸோ யக்கோ² அத்தனோ அனாரோசெத்வா அனுஜானந்தங் மங் ஜீவிதாபி வோரோபெய்ய, ஆரோசேமி, ப²⁴ந்தே, தஸ்ஸாதி. யதா²ஸுக²ங் , க³த்³ரப²⁴, ஆரோசேஹீதி. “தேன ஹி, ப²⁴ந்தே, த்வமேவ

ஜானாஹி"தி ப்⁴க³வந்தங் அபி⁴வாதெ³த்வா ஹிமவந்தாபி⁴முகோ² பக்காமி. ப்⁴வனத்³வாரம்பி ஸயமேவ ப்⁴க³வதோ விவரமதா³ஸி. ப்⁴க³வா அந்தோப்⁴வனங் பவிஸித்வா யத்த² அபி⁴லக்கி²தேஸு மங்க³லதி³வஸாதீ³ஸு நிஸீதி³த்வா ஆளவகோ ஸிரிங் அனுபோ⁴தி, தஸ்மிந்யேவ தி³ப்³ரதனமயே பல்லங்கே நிஸீதி³த்வா ஸுவண்ணாப்⁴ங் முஞ்சி. தங் தி³ஸ்வா யக்க²ஸ்ஸ இத்தி²யோ ஆக³ந்த்வா ப்⁴க³வந்தங் வந்தி³த்வா ஸம்பரிவாரெத்வா நிஸீதி³ங்ஸு. ப்⁴க³வா "புப்³பே³ தும்ஹே தா³னங் த³த்வா ஸீலங் ஸமாதி³யித்வா பூஜனெய்யங் பூஜெத்வா இமங் ஸம்பத்திங் பத்தா, இதா³னிபி ததே²வ கரோத², மா அஞ்ஞமஞ்ஞங் இஸ்ஸாமச்ச²ரியாபி⁴பூ⁴தா விஹரதா²"திஆதி³னா நயேன தாஸங் பகிண்ணகத⁴ம்மகத²ங் கதே²ஸி. தா ப்⁴க³வதோ மது⁴ரனிக்³கோ⁴ஸங் ஸுத்வா ஸாது⁴காரஸஹஸ்ஸானி த³த்வா ப்⁴க³வந்தங் ஸம்பரிவாரெத்வா நிஸீதி³ங்ஸுயேவ. க³த்³ரபோ⁴பி ஹிமவந்தங் க³ந்த்வா ஆளவகஸ்ஸாரோசேஸி - "யக்கே⁴ , மாரிஸ, ஜானெய்யாஸி விமானே தே ப்⁴க³வா நிஸின்னோ"தி. ஸோ க³த்³ரப்⁴ஸ்ஸ ஸஞ்ஞங் அகாஸி "துண்ஹீ ஹோஹி, க³ந்த்வா கத்தப்³பங் கரிஸ்ஸாமீ"தி. புரிஸமானேன கிர லஜ்ஜிதோ அஹோஸி, தஸ்மா "மா கோசி பரிஸமஜ்ஜே² ஸுணெய்யா"தி ஏவமகாஸி.

ததா³ ஸாதாகி³ரஹேமவதா ப்⁴க³வந்தங் ஜேதவனேயேவ வந்தி³த்வா "யக்க²ஸமாக³மங் க³மிஸ்ஸாமா"தி ஸபரிவாரா நானாயானேஹி ஆகாஸேன க³ச்ச²ந்தி. ஆகாஸே ச யக்கா²னங் ஸப்³பத்த² மக்³கோ³ நத்தி², ஆகாஸட்டா²னி விமானானி பரிஹரித்வா மக்³க³ட்டா²னேனேவ மக்³கோ³ ஹோதி. ஆளவகஸ்ஸ பன விமானங் பூ⁴மட்ட²ங் ஸுகு³த்தங் பாகாரபரிக்கி²த்தங் ஸுஸங்விஹிதத்³வாரஅட்டாலககோ³புரங் உபரி கங்ஸஜாலஸஞ்ச²ன்னங் மஞ்ஜஸஸதி³ஸங் தியோஜனங் உப்³பே³தே⁴ன, தஸ்ஸ உபரி மக்³கோ³ ஹோதி. தே தங் பதே³ஸமாக³ம்ம க³ந்துங் நாஸக்கி²ங்ஸு. புத்³தா⁴னங் ஹி நிஸின்னோகாஸஸ்ஸ உபரிபா⁴கே³ன யாவ ப்⁴வக்³கா³ கோசி க³ந்துங் ந ஸக்கோதி. தே "கிமித³"ந்தி? ஆவஜ்ஜெத்வா ப்⁴க³வந்தங் தி³ஸ்வா ஆகாஸே கி²த்தலெட்³டு³ விய ஒருய்ஹ வந்தி³த்வா த⁴ம்மங் ஸுத்வா பத³க்கி²ணங் கத்வா, "யக்க²ஸமாக³மங் க³ச்சா²ம ப்⁴க³வா"தி தீணி வத்தூ²னி பஸங்ஸந்தா யக்க²ஸமாக³மங் அக³மங்ஸு. ஆளவகோ தே தி³ஸ்வா, "இத⁴ நிஸீத³தா²"தி படிக்கம்ம ஓகாஸமதா³ஸி. தே ஆளவகஸ்ஸ நிவேதே³ஸுங் - "லாபா⁴ தே, ஆளவக, யஸ்ஸ தே ப்⁴வனே ப்⁴க³வா விஹரதி, க³ச்சா²வுஸோ, ப்⁴க³வந்தங் பயிருபாஸஸ்ஸு"தி. ஏவங் ப்⁴க³வா ப்⁴வனேயேவ விஹாஸி, ந யஸ்மிங் நிக்³ரோதே⁴ ஆளவகஸ்ஸ ப்⁴வனங், தஸ்ஸ மூலேதி. தேன வுத்தங் - "ஏகங் ஸமயங் ப்⁴க³வா ஆளவியங் விஹரதி ஆளவகஸ்ஸ யக்க²ஸ்ஸ ப்⁴வனே"தி.

அத² கோ² ஆளவகோ...பே... ஏதத³வோச - “நிக்க²ம, ஸமணா”தி கஸ்மா பனாயங் ஏதத³வோச? ரோஸேதுகாமதாய. தத்ரேவங் ஆதி³தோ பபு⁴தி ஸம்ப³ந்தோ⁴ வேதி³தப்³போ³ - அயங் ஹி யஸ்மா அஸ்ஸத்³த⁴ஸ்ஸ ஸத்³தா⁴கதா² து³க்கதா² ஹோதி து³ஸ்ஸீலாதீ³னங் ஸீலாதி³கதா² விய, தஸ்மா தேஸங் யக்கா²னங் ஸந்திகா ப⁴க³வதோ பஸங்ஸங் ஸுத்வாயேவ அக்³கி³ம்ஹி பக்கி²த்தலோணஸக்க²ரா விய அப்³ப⁴ந்தரே கோபேன தடதடாயமானஹத³யோ ஹுத்வா “கோ ஸோ ப⁴க³வா நாம, யோ மம ப⁴வனங் பவிட்டோ²”தி ஆஹ. தே அஹங்ஸு - “ந த்வங், ஆவுஸோ, ஜானாஸி ப⁴க³வந்தங் அம்ஹாகங் ஸத்தா²ரங், யோ துஸிதப⁴வனே டி²தோ பஞ்சமஹாவிலோகிதங் விலோகெத்வா”திஆதி³னா நயேன யாவ த⁴ம்மசக்கபவத்தனா கதெ²ந்தா படிஸந்தி⁴ஆதி³ஸு த்³வத்திங்ஸ புப்³ப³னிமித்தானி வத்வா, “இமானிபி த்வங், ஆவுஸோ, அச்ச²ரியானி நாத்³த³ஸா”தி? சோதே³ஸங். ஸோ தி³ஸ்வாபி கோத⁴வஸேன “நாத்³த³ஸ”ந்தி ஆஹ. ஆவுஸோ ஆளவக, பஸ்ஸெய்யாஸி வா த்வங், ந வா, கோ தயா அத்தோ² பஸ்ஸதா வா அபஸ்ஸதா வா? கிங் த்வங் கரிஸ்ஸஸி அம்ஹாகங் ஸத்து²னோ, யோ த்வங் தங் உபனிதா⁴ய சலக்ககுத⁴-மஹாஉஸப⁴ஸமீபே தத³ஹுஜாதவச்ச²கோ விய, திதா⁴ பபி⁴ன்னமத்தவாரணஸமீபே பி⁴ங்கபோதகோ விய, பா⁴ஸுரவிலம்பி³தகேஸரஸோபி⁴தக்க²ந்த⁴ஸ்ஸ மிக³ரஞ்ஞோ ஸமீபே ஜரஸிங்கா³லோ விய, தி³யட்³ட⁴யோஜனஸதபவட்³ட⁴காயஸுபண்ணராஜஸமீபே சி²ன்னபக்க²காகபோதகோ விய கா²யஸி, க³ச்ச² யங் தே கரணீயங், தங் கரோஹீதி. ஏவங் வுத்தே து³ட்டோ² ஆளவகோ உட்ட²ஹித்வா மனோஸிலாதலே வாமபாதே³ன டத்வா - “பஸ்ஸத² தா³னி தும்ஹாகங் வா ஸத்தா² மஹாநுபா⁴வோ, அஹங் வா”தி த³க்கி²ணபாதே³ன ஸட்டி²யோஜனமத்தங் கேலாஸபப்³ப³தகூடங் அக்கமி. தங் அயோகூடபஹடோ விய நித்³த⁴ந்தஅயோபிண்டோ³ பபடிகாயோ முஞ்சி, ஸோ தத்ர டத்வா, “அஹங் ஆளவகோ”தி உக்³கோ⁴ஸேஸி. ஸகலஜம்பு³தீ³பங் ஸத்³தோ³ ப²ரி.

சத்தாரோ கிர ஸத்³தா³ ஸகலஜம்பு³தீ³பே ஸுயிங்ஸு - யஞ்ச புண்ணகோ யக்க²ஸேனாபதி த⁴னஞ்ஜயகோரப்³யராஜானங் ஜுதங் ஜினித்வா அப்போ²டெத்வா “அஹங் ஜினி”ந்தி உக்³கோ⁴ஸேஸி; யஞ்ச ஸக்கோ தே³வானமிந்தோ³ கஸ்ஸபப⁴க³வதோ ஸாஸனே ஓஸக்கந்தே விஸ்ஸகம்மதே³வபுத்தங் ஸுனக²ங் கரித்வா - “அஹங் பாபபி⁴க்க² ச பாபபி⁴க்கு²னியோ ச உபாஸகே ச உபாஸிகாயோ ச ஸப்³பே³வ ச அத⁴ம்மவாதி³னோ கா²தா³மீ”தி உக்³கோ⁴ஸாபேஸி; யஞ்ச குஸஜாதகே பபா⁴வதிஹேது ஸத்தஹி ராஜுஹி நக³ரே உபருத்³தே⁴ பபா⁴வதிங் அத்தனா ஸஹ ஹத்தி²க்க²ந்தே⁴ ஆரோபெத்வா நக³ரா நிக்க²ம்ம - “அஹங் ஸீஹஸ்ஸரமஹாகுஸராஜா”தி மஹாபுரிஸோ உக்³கோ⁴ஸேஸி; யஞ்ச

கேலாஸமுத்³த⁴னி ட²த்வா ஆளவகோதி. ததா³ ஹி ஸகலஜம்பு³தீ³பே த்³வாரே ட²த்வா உக்³கோ⁴ஸிதஸதி³ஸங் அஹோஸி. தியோஜனஸஹஸ்ஸவித்த²தோ ச ஹிமவாபி ஸங்கம்பி யக்க²ஸ்ஸானுபா⁴வேன.

ஸோ வாதமண்ட³லங் ஸமுட்டா²பேஸி - “ஏதேனேவ ஸமணங் பலாபெஸ்ஸாமீ”தி . தே புரத்தி²மாதி³பே⁴தா³ வாதா ஸமுட்ட²ஹித்வா அட்³ட⁴யோஜனயோஜனத்³வியோஜனதியோஜனப்பமாணானி பப்³புதகூடானி பதா³லெத்வா வனக³ச்ச²ருக்கா²தீ³னி உம்முலங் கத்வா, ஆளவினக³ரங் பக்க²ந்தா ஜிண்ணஹத்தி²ஸாலா²தீ³னி சுண்ணெந்தா ச²த³னிட்ட²கா ஆகாஸே வித⁴மெந்தா. ப⁴க³வா “மா கஸ்ஸசி உபரோதோ⁴ ஹோதூ”தி அதி⁴ட்டா²ஸி. தே வாதா த³ஸப³லங் பத்வா சீவரகண்ணமத்தம்பி சாலேதுங் நாஸக்கி²ங்ஸு. ததோ மஹாவஸ்ஸங் ஸமுட்டா²பேஸி. “உத³கேன அஜ்ஜெ²த்த²ரித்வா ஸமணங் மாரெஸ்ஸாமீ”தி. தஸ்ஸானுபா⁴வேன உபருபரி ஸதபடலஸஹஸ்ஸபடலாதி³பே⁴தா³ வலாஹகா உட்ட²ஹித்வா பவஸ்ஸிங்ஸு. வுட்டி²தா⁴ராவேகே³ன பத²வீ சி²த்³தா³ அஹோஸி. வனருக்கா²தீ³னங் உபரி மஹோகோ⁴ ஆக³ந்த்வா த³ஸப³லஸ்ஸ சீவரே உஸ்ஸாவபி³ந்து³மத்தம்பி தேமேதுங் நாஸக்கி². ததோ பாஸாணவஸ்ஸங் ஸமுட்டா²பேஸி. மஹந்தானி மஹந்தானி பப்³புதகூடானி தூ⁴மாயந்தானி பஜ்ஜலந்தானி ஆகாஸேனாக³ந்த்வா த³ஸப³லங் பத்வா தி³ப்³புமாலாகு³ளானி ஸம்பஜ்ஜிங்ஸு. ததோ பஹரணவஸ்ஸங் ஸமுட்டா²பேஸி. ஏகதோதா⁴ராஉப⁴தோதா⁴ராஅஸிஸத்திகு²ரப்பாத³யோ தூ⁴மாயந்தா பஜ்ஜலந்தா ஆகாஸேனாக³ந்த்வா த³ஸப³லங் பத்வா தி³ப்³புப்பா²னி அஹேஸுங். ததோ அங்கா³ரவஸ்ஸங் ஸமுட்டா²பேஸி. கிங்ஸுக வண்ணா அங்கா³ரா ஆகாஸேனாக³ந்த்வா த³ஸப³லஸ்ஸ பாத³முலே தி³ப்³புப்பா²னி ஹுத்வா விகீரியிங்ஸு. ததோ குக்குலவஸ்ஸங் ஸமுட்டா²பேஸி. அச்சுண்ஹா குக்குலா ஆகாஸேனாக³ந்த்வா த³ஸப³லஸ்ஸ பாத³முலே சந்த³னசுண்ணங் ஹுத்வா நிபதிங்ஸு. ததோ வாலிகவஸ்ஸங் ஸமுட்டா²பேஸி. அதிஸுகு²மவாலிகா தூ⁴மாயந்தா பஜ்ஜலந்தா ஆகாஸேனாக³ந்த்வா த³ஸப³லஸ்ஸ பாத³முலே தி³ப்³புப்பா²னி ஹுத்வா நிபதிங்ஸு. ததோ கலலவஸ்ஸங் ஸமுட்டா²பேஸி. தங் கலலவஸ்ஸங் தூ⁴மாயந்தங் பஜ்ஜலந்தங் ஆகாஸேனாக³ந்த்வா த³ஸப³லஸ்ஸ பாத³முலே தி³ப்³புக்க³ந்த⁴ங் ஹுத்வா நிபதி. ததோ அந்த⁴காரங் ஸமுட்டா²பேஸி “பி⁴ங்ஸெத்வா ஸமணங் பலாபெஸ்ஸாமீ”தி. தங் சதுரங்க³ஸமன்னாக³தங் அந்த⁴காரஸதி³ஸங் ஹுத்வா த³ஸப³லங் பத்வா ஸூரியப்பபா⁴விஹதமிவ அந்த⁴காரங் அந்தரதா⁴யி.

ஏவங் யக்கோ² இமாஹி நவஹி
வாதவஸ்ஸபாஸாணபஹரணங்கா³ருக்குலவாலிககலலந்த⁴காரவுட்டி²ஹி ப⁴க³வந்தங் பலாபேதுங் அஸக்கொந்தோ நானாவித⁴பஹரணஹத்தா²ய

அனேகப்பகாரரூபபூ⁴தக³ணஸமாகுலாய சதுரங்கி³னியா ஸேனாய ஸயமேவ ப⁴க³வந்தங் அபி⁴க³தோ. தே பூ⁴தக³ணா அனேகப்பகாரே விகாரே கத்வா “க³ண்ஹத² ஹனதா²”தி ப⁴க³வதோ உபரி ஆக³ச்ச²ந்தா விய ஹொந்தி. அபிச கோ² நித்³த⁴ந்தலோஹபிண்ட³ங் விய மக்கி²கா, ப⁴க³வந்தங் அல்லீயிதுங் அஸமத்தா²வ அஹேஸுங். ஏவங் ஸந்தேபி யதா² போ³தி⁴மண்டே³ மாரோ ஆக³தவேலாயமேவ நிவத்தோ, ததா² அனிவத்தெத்வா உபட்³ட⁴ரத்திமத்தங் ப்யாகுலமகங்ஸு. ஏவங் உபட்³ட⁴ரத்திமத்தங் அனேகப்பகாரவிபி⁴ங்ஸனகத³ஸ்ஸனேனபி ப⁴க³வந்தங் சாலேதுங் அஸக்கொந்தோ ஆளவகோ சிந்தேஸி - “யங்நூனாஹங் கேனசி அஜெய்யங் து³ஸ்ஸாவுத⁴ங் முஞ்செய்ய”ந்தி.

சத்தாரி கிர ஆவுதா⁴னி லோகே ஸெட்டா²னி - ஸக்கஸ்ஸ வஜிராவுத⁴ங், வெஸ்ஸவணஸ்ஸ க³தா³வுத⁴ங், யமஸ்ஸ நயனாவுத⁴ங், ஆளவகஸ்ஸ து³ஸ்ஸாவுத⁴ந்தி. யதி³ ஹி ஸக்கோ து³ட்டோ² வஜிராவுத⁴ங் ஸினேருமத்த²கே பஹரெய்ய, அட்ட²ஸட்டி²ஸஹஸ்ஸாதி⁴கயோஜனஸதஸஹஸ்ஸங் வினிவிஜ்ஜி²த்வா ஹெட்ட²தோ க³ச்செ²ய்ய. வெஸ்ஸவணேன குஜ்ஜ²னகாலே விஸ்ஸஜ்ஜிதங் க³தா³வுத⁴ங் பஹுனங் யக்க²ஸஹஸ்ஸானங் ஸீஸங் பாதெத்வா புன ஹத்த²பாஸங் ஆக³ந்த்வா திட்ட²தி. யமேன து³ட்டே²ன நயனாவுதே⁴ன ஒலோகிதமத்தே அனேகானி கும்ப⁴ண்ட³ஸஹஸ்ஸானி தத்தகபாலே திலா விய ப²ரந்தானி வினஸ்ஸந்தி. ஆளவகோ து³ட்டோ² ஸசே ஆகாஸே து³ஸ்ஸாவுத⁴ங் முஞ்செய்ய, த்வாத³ஸ வஸ்ஸானி தே³வோ ந வஸ்ஸெய்ய. ஸசே பத²வியங் முஞ்செய்ய. ஸப்³ப³ருக்க²திணாதீ³னி ஸுஸ்ஸித்வா த்வாத³ஸவஸ்ஸந்தரே ந புன விருஹெய்யுங். ஸசே ஸமுத்³தே³ முஞ்செய்ய, தத்தகபாலே உத³கபி³ந்து³ விய ஸப்³ப³முத³கங் ஸுஸ்ஸெய்ய. ஸசே ஸினேருஸதி³ஸேபி பப்³ப³தே முஞ்செய்ய, க³ண்டா³க³ண்ட³ங் ஹுத்வா விகிரெய்ய. ஸோ ஏவங் மஹானுபா⁴வங் து³ஸ்ஸாவுத⁴ங் உத்தரிஸாடகங் முஞ்சித்வா அக்³க³ஹேஸி. யேபு⁴ய்யேன த்ஸஸஹஸ்ஸீலோகதா⁴துதே³வதா வேகே³ன ஸன்னிபதிங்ஸு “அஜ்ஜ ப⁴க³வா ஆளவகங் த³மெஸ்ஸதி, தத்த² த⁴ம்மங் ஸொஸ்ஸாமா”தி யுத்³த⁴த்ஸஸனகாமாபி தே³வதா ஸன்னிபதிங்ஸு. ஏவங் ஸகலம்பி ஆகாஸங் தே³வதாஹி பரிபுண்ணமஹோஸி.

அத² ஆளவகோ ப⁴க³வதோ ஸமீபே உபரூபரி விசரித்வா வத்தா²வுத⁴ங் முஞ்சி. தங் அஸனிவிசக்கங் விய ஆகாஸே பே⁴ரவஸத்³த³ங் கரொந்தங் தூ⁴மாயந்தங் பஜ்ஜலந்தங் ப⁴க³வந்தங் பத்வா யக்க²மானமத்³த³னத்த²ங் பாத³புஞ்ச²னசோளங் ஹுத்வா பாத³மூலே நிபதி. ஆளவகோ தங் தி³ஸ்வா சி³ன்னவிஸாணோ விய உஸபோ⁴ உத்³த⁴ததா³டோ² விய ஸப்போ நித்தேஜோ நிம்மதோ³ நிபதிதமானத்³த⁴ஜோ ஹுத்வா சிந்தேஸி -

“து³ஸ்ஸாவுத்⁴ம்பி மே ஸமணங் நாபி⁴போ⁴ஸி. கிங் நு கோ² காரண”ந்தி?
 “இத³ங் காரணங், மெத்தாவிஹாரயுத்தோ ஸமணோ, ஹந்த³ நங் ரோஸெத்வா
 மெத்தாய வியோஜேமீ”தி இமினா ஸம்ப³ந்தே⁴னேதங் வுத்தங் - அத² கோ²
 ஆளவகோ யக்கோ² யேன ப⁴க³வா...பே... நிக்க²ம ஸமணாதி.
 தத்தா²யமதி⁴ப்பாயோ - கஸ்மா மயா அனநுஞ்ஞாதோ மம ப⁴வனங்
 பவிஸித்வா க⁴ரஸாமிகோ விய இத்தா²கா³ரஸ்ஸ மஜ்ஜே² நிஸின்னோஸி?
 அனநுயுத்தமேதங் ஸமணஸ்ஸ யதி³த³ங் அதி³ன்னபரிபோ⁴கோ³
 இத்தி²ஸங்ஸக்³கோ³ ச? தஸ்மா யதி³ த்வங் ஸமணத⁴ம்மே டி²தோ, நிக்க²ம
 ஸமணாதி. ஏகே பன - “ஏதானி அஞ்ஞானி ச ப²ருஸவசனானி வத்வா ஏவாயங்
 ஏதத³வோசா”தி ப⁴ணந்தி.

அத² ப⁴க³வா - “யஸ்மா த²த்தோ⁴ படித²த்த⁴பா⁴வேன வினேதுங் ந
 ஸக்கா, ஸோ ஹி படித²த்த⁴பா⁴வே கயிரமானே, ஸெய்யதா²பி சண்ட³ஸ்ஸ
 குக்குரஸ்ஸ நாஸாய பித்தங் பி⁴ந்தெ³ய்ய, ஸோ பி⁴ய்யோஸோமத்தாய
 சண்ட³தரோ அஸ்ஸ, ஏவங் த²த்த⁴தரோ ஹோதி, முது³னா பன ஸோ ஸக்கா
 வினேது”ந்தி ஞத்வா, ஸாதா⁴வுஸோதி பியவசனேன தஸ்ஸ வசனங்
 ஸம்படிச்சித்வா நிக்க²மி. தேன வுத்தங் ஸாதா⁴வுஸோதி ப⁴க³வா
 நிக்க²மீதி.

ததோ ஆளவகோ - “ஸுப்³ப்சோ வதாயங் ஸமணோ ஏகவசனேனேவ
 நிக்க²ந்தோ, ஏவங் நாம நிக்க²மேதுங் ஸுக²ங் ஸமணங் அகாரணேனேவாஹங்
 ஸகலரத்திங் யுத்தே⁴ன அப்³பு⁴ய்யாஸி”ந்தி முது³சித்தோ ஹுத்வா புன
 சிந்தேஸி - “இதா³னிபி ந ஸக்கா ஜானிதுங், கிங் நு கோ² ஸுப்³ப்சதாய
 நிக்க²ந்தோ உதா³ஹு கோத⁴னோ . ஹந்தா³ஹங் விமங்ஸாமீ”தி. ததோ
 பவிஸ, ஸமணாதி ஆஹ. அத² ஸுப்³ப்சோதி
 முது³பு⁴தசித்தவவத்தா²னகரணத்த²ங் புன பியவசனங் வத³ந்தோ
 ஸாதா⁴வுஸோதி ப⁴க³வா பாவிஸி. ஆளவகோ புனப்புனங் தமேவ
 ஸுப்³ப்சபா⁴வங் விமங்ஸந்தோ து³தியம்பி ததியம்பி நிக்க²ம பவிஸாதி
 ஆஹ. ப⁴க³வாபி ததா² அகாஸி. யதி³ ந கரெய்ய, பகதியாபி
 த²த்த⁴யக்க²ஸ்ஸ சித்தங் த²த்த⁴தரங் ஹுத்வா த⁴ம்மகதா²ய பா⁴ஜனங் ந
 ப⁴வெய்ய. தஸ்மா யதா² நாம மாதா ரோத³ந்தங் புத்தகங் யங் ஸோ இச்ச²தி,
 தங் த³த்வா வா கத்வா வா ஸஞ்ஞாபேஸி ததா² ப⁴க³வா கிலேஸரோத³னேன
 ரோத³ந்தங் யக்க²ங் ஸஞ்ஞாபேதுங் யங் ஸோ ப⁴ணதி, தங் அகாஸி. யதா² ச
 தா⁴தீ த²ஞ்ஞங் அபிவந்தங் தா³ரகங் கிஞ்சி த³த்வா உபலாஸெத்வா பாயேதி,
 ததா² ப⁴க³வா யக்க²ங் லோகுத்தரத⁴ம்மகீரங் பாயேதுங் தஸ்ஸ
 பத்தி²தவசனகரணேன உபலாஸெந்தோ ஏவமகாஸி. யதா² ச புரிஸோ லாபு³ம்ஹி
 சதுமது⁴ரங் பூரேதுகாமோ தஸ்ஸப்³ப⁴ந்தரங் ஸோதே⁴தி, ஏவங் ப⁴க³வா
 யக்க²ஸ்ஸ சித்தே லோகுத்தரசதுமது⁴ரங் பூரேதுகாமோ தஸ்ஸப்³ப⁴ந்தரே
 கோத⁴மலங் ஸோதே⁴துங் யாவ ததியங் நிக்க²மனபவிஸனங் அகாஸி.

அத² ஆளவகோ “ஸுப்³ப்சோ அயங் ஸமணோ ‘நிக்க²மா’தி வுத்தோ நிக்க²மதி, ‘பவிஸா’தி வுத்தோ பவிஸதி. யங்னுனாஹங் இமங் ஸமணங் ஏவமேவ ஸகலரத்திங் கிலமெத்வா பாதே³ க³ஹெத்வா பாரக³ங்கா³ய கி²பெய்ய”ந்தி? பாபகங் சித்தங் உப்பாதே³த்வா சதுத்த²வாரங் ஆஹ நிக்க²ம, ஸமணாதி. தங் குத்வா ப⁴க³வா ந க்²வாஹங் தந்தி ஆஹ. ஏவங் வா வுத்தே தது³த்தரிகரணீயங் பரியேஸமாமனோ பஞ்ஹங் புச்சி²தப்³பங் மஞ்ஞிஸ்ஸதி. தங் த⁴ம்மகதா²ய முக²ங் ப⁴விஸ்ஸதீதி குத்வா, ந க்²வாஹங் தந்தி ஆஹ. தத்த² ந-இதி படிக்கே²பே. கோ²தி அவதா⁴ரணே. அஹந்தி அத்தனித³ஸ்ஸனங். தந்தி ஹேதுவசனங். தேனேவெத்த² “யஸ்மா த்வங் ஏவங் சிந்தேஸி, தஸ்மா அஹங், ஆவுஸோ, நேவ நிக்க²மிஸ்ஸாமி, யங் தே கரணீயங், தங் கரோஹி”தி ஏவமத்தோ² த³ட்ட²ப்³போ³.

ததோ ஆளவகோ யஸ்மா புப்³பே³பி ஆகாஸேன க³மனவேலாய - “கிங் நு கோ² ஏதங் ஸுவண்ணவிமானங், உதா³ஹு ரஜதமணிவிமானானங் அஞ்ஞதரங், ஹந்த³ நங் பஸ்ஸாமா”தி ஏவங் அத்தனோ விமானங் ஆக³தே இத்³தி⁴மந்தே தாபஸபரிப்³பா³ஜகே பஞ்ஹங் புச்சி²த்வா விஸ்ஸஜ்ஜேதுங் அஸக்கொந்தே சித்தக்கே²பாதீ³ஹி விஹேடே²தி, தஸ்மா ப⁴க³வந்தம்பி ததா² விஹேடெ²ஸ்ஸாமீதி மஞ்ஞமாமனோ பஞ்ஹங் தந்திஆதி³மாஹ.

குதோ பனஸ்ஸ பஞ்ஹாதி ? தஸ்ஸ கிர மாதாபிதரோ கஸ்ஸபங் ப⁴க³வந்தங் பயிருபாஸித்வா அட்ட² பஞ்ஹே ஸஹ விஸ்ஸஜ்ஜனேன உக்³க³ஹேஸுங். தே த³ஹரகாலே ஆளவகங் பரியாபுணாபேஸுங்; ஸோ காலச்சயேன விஸ்ஸஜ்ஜனங் ஸம்முஸ்ஸி. ததோ “இமே பஞ்ஹாபி மா வினஸ்ஸந்தூ”தி ஸுவண்ணபட்டே² ஜாதிஹிங்கு³லகேன லேகா²பெத்வா விமானே நிக்கி²பி. ஏவமேதே புட்ட²பஞ்ஹா புத்³த⁴விஸயாவ ஹொந்தி. ப⁴க³வா தங் ஸுத்வா யஸ்மா புத்³தா⁴னங் பரிச்சத்தலாப⁴ந்தராயோ வா ஜீவிதந்தராயோ வா ஸப்³புஞ்ஞுதஞ்ஞாணப்³யாமப்பபா⁴தி³படிகா⁴தோ வா ந ஸக்கா கேனசி காதுங், தஸ்மா நங் லோகே அஸாதா⁴ரணங் புத்³தா⁴னுபா⁴வங் த³ஸ்ஸெந்தோ ந க்²வாஹங் தங், ஆவுஸோ, பஸ்ஸாமி ஸதே³வகே லோகேதிஆதி³மாஹ.

ஏவங் ப⁴க³வா தஸ்ஸ பா³த⁴னசித்தங் படிஸெதெ⁴த்வா பஞ்ஹாபுச்ச²னே உஸ்ஸாஹங் ஜனெந்தோ ஆஹ அபிச த்வங், ஆவுஸோ, புச்ச², யதா³கங்க²ஸீதி. தஸ்ஸத்தோ² - புச்ச², யதி³ ஆகாங்க²ஸி, ந மே பஞ்ஹாவிஸ்ஸஜ்ஜனே பா⁴ரோ அத்தி². அத² வா புச்ச², யங் ஆகங்க²ஸி. ஸப்³புங் தே விஸ்ஸஜ்ஜெஸ்ஸாமீதி ஸப்³புஞ்ஞுபவாரணங் பவாரேஸி அஸாதா⁴ரணங் பச்சேகபுத்³த⁴அக்³க³ஸாவகமஹாஸாவகேஹி. ஏவங் ப⁴க³வதோ ஸப்³புஞ்ஞுபவாரணாய பவாரிதாய அத² கோ² ஆளவகோ யக்கோ² ப⁴க³வந்தங் கா³தா²ய அஜ்ஜ²பா⁴ஸி.

தத்த² கிங் ஸுத⁴ வித்தந்தி, கிங் ஸு இத⁴ வித்தங். வித்தந்தி த⁴னங். தங் ஹி பீதிஸங்காதங் வித்திங் கரோதி, தஸ்மா “வித்த”ந்தி வுச்சதி. ஸுசிண்ணந்தி ஸுகதங். ஸுக²ந்தி காயிகசேதஸிகங் ஸாதங். ஆவஹாதீதி ஆவஹதி ஆனேதி தே³தி அப்பேதி. ஹவே-இதி த³ஹத்தே² நிபாதோ. ஸாது³தரந்தி அதிஸயேன ஸாது³. “ஸாது⁴தர”ந்திபி பாடோ². ரஸானந்தி ரஸஸஞ்ஞிதானங் த⁴ம்மானங். கத²ந்தி கேன பகாரேன. கத²ங்ஜீவினோ ஜீவிதங் கத²ங்ஜீவிங்ஜீவிதங். கா³தா²ப³ந்த⁴ஸுக²த்த²ங் பன ஸானுனாஸிகங் வுச்சதி. கத²ங்ஜீவிங் ஜீவதந்தி வா பாடோ², தஸ்ஸ “ஜீவந்தானங் கத²ங்ஜீவி”ந்தி அத்தோ². ஏவங் இமாய கா³தா²ய “கிங் ஸு இத⁴ லோகே புரிஸஸ்ஸ வித்தங் ஸெட்ட²ங்? கிங் ஸு ஸுசிண்ணங் ஸுக²மாவஹாதி? கிங் ரஸானங் ஸாது³தரங்? கத²ங்ஜீவிங் ஜீவிதங் ஸெட்ட²மாஹு”தி? இமே சத்தாரோ பஞ்ஹே புச்சி².

அத²ஸ்ஸ ப⁴க³வா கஸ்ஸபத³ஸப³லேன விஸ்ஸஜ்ஜிதனயேனேவ விஸ்ஸஜ்ஜெந்தோ இமங் கா³த²மாஹ ஸத்தீ⁴த⁴ வித்தந்தி. தத்த² யதா² ஹிரஞ்ஞஸுவண்ணாதி³ வித்தங் உபபோ⁴க³ஸுக²ங் ஆவஹதி, கு²ப்பிபாஸாதி³து³க்க²ங் படிபா³ஹதி, தா³லித்³தி³யங் வுபஸமேதி, முத்தாதி³ரதனபடிபாப⁴ஹேது ஹோதி, லோகஸந்ததிஞ்ச ஆவஹதி, ஏவங் லோகியலோகுத்தரா ஸத்த³தா⁴பி யதா²ஸம்ப⁴வங் லோகியலோகுத்தரங் விபாகங் ஸுக²மாவஹதி, ஸத்த³தா⁴து⁴ரேன படிபன்னானங் ஜாதிஜராதி³து³க்க²ங் படிபா³ஹதி, கு³ணதா³லித்³தி³யங் வுபஸமேதி, ஸதிஸம்பொ³ஜ்ஜ²ங்கா³தி³ரதனபடிபாப⁴ஹேது ஹோதி.

“ஸத்தோ⁴ ஸீலேன ஸம்பன்னோ, யஸோ போ⁴க³ஸமப்பிதோ;

யங் யங் பதே³ஸங் ப⁴ஜதி, தத்த² தத்தே²வ பூஜிதோ”தி. (த⁴. ப. 303) -

வசனதோ லோகஸந்ததிஞ்ச ஆவஹதீதி கத்வா “வித்த”ந்தி வுத்தங். யஸ்மா பன தேஸங் ஸத்த³தா⁴வித்தங் அனுகா³மிகங் அனஞ்ஞஸாதா⁴ரணங் ஸப்³ப³ஸம்பத்திஹேது, லோகியஸ்ஸ ஹிரஞ்ஞஸுவண்ணாதி³வித்தஸ்ஸாபி நிதா³னங். ஸத்த³தோ⁴யேவ ஹி தா³னாதீ³னி புஞ்ஞானி கத்வா வித்தங் அதி⁴க³ச்ச²தி, அஸ்ஸத்த³த⁴ஸ்ஸ பன வித்தங் யாவதே³வ அனத்தா²ய ஹோதி, தஸ்மா ஸெட்ட²ந்தி வுத்தங். புரிஸஸ்ஸாதி உக்கட்ட²பரிச்சே²த³தே³ஸனா. தஸ்மா ந கேவலங் புரிஸஸ்ஸ, இத்தி²ஆதீ³னம்பி ஸத்த³தா⁴வித்தமேவ ஸெட்ட²ந்தி வேதி³தப்³பங்.

த⁴ம்மோதி த³ஸகுஸலத⁴ம்மோ, தா³னஸ்ஸீலபா⁴வனாத⁴ம்மோ வா. ஸுசிண்ணோதி ஸுகதோ ஸுசரிதோ. ஸுக²மாவஹதீதி ஸோணஸெட்டி²புத்தரட்ட²பாலாதீ³னங் விய மனுஸ்ஸஸுக²ங், ஸக்காதீ³னங்

விய தி³ப³ப³ஸுக²ங், பரியோஸானே மஹாபது³மாதீ³னங் விய
நி³ப³ப³னஸுக²ஞ்ச ஆவஹதி.

ஸச்சந்தி அயங் ஸச்சஸத்³தோ³ அனேகேஸு அத்தே²ஸு தி³ஸ்ஸதி.
ஸெய்யதி²த³ங் - “ஸச்சங் ப⁴ணே ந குஜ்ஜெ²ய்யா ” திஆதீ³ஸு (த⁴. ப. 224)
வாசாஸச்சே. “ஸச்சே டி²தா ஸமணப்³ராஹ்மணா சா”திஆதீ³ஸு (ஜா. 2.21.433)
விரதிஸச்சே. “கஸ்மா நு ஸச்சானி வத³ந்தி நானா, பவாதி³யாஸே குஸலா
வதா³னா”திஆதீ³ஸு (ஸு. நி. 891) தி³ட்டி²ஸச்சே. “சத்தாரிமானி, பி⁴க்க²வே,
ப்³ராஹ்மணஸச்சானி”திஆதீ³ஸு (அ. நி. 4.185) ப்³ராஹ்மணஸச்சே. “ஏகங் ஹி
ஸச்சங் ந து³தியமத்தீ²”திஆதீ³ஸு (ஸு. நி. 890; மஹானி. 119) பரமத்த²ஸச்சே.
“சதுன்னங் ஸச்சானங் கதி குஸலா”திஆதீ³ஸு (விப⁴. 216) அரியஸச்சே. இத⁴
பன பரமத்த²ஸச்சங் நி³ப³ப³னங் விரதிஸச்சஞ்ச அப்³ப⁴ந்தரங் கத்வா
வாசாஸச்சங் அதி⁴ப்பேதங், யஸ்ஸானுபா⁴வேன உத³காதீ³னி வஸே
வத்தெந்தி, ஜாதிஜராமரணபாரங் தரந்தி. யதா²ஹ -

“ஸச்சேன வாசேனுத³கம்ஹி தா⁴வதி,
விஸம்பி ஸச்சேன ஹனந்தி பண்டி³தா;
ஸச்சேன தே³வோ த²னயங் பவஸ்ஸதி,
ஸசே டி²தா நி³ப³புதிங் பத்த²யந்தி.

“யே கேசிமே அத்தி² ரஸா பத²ப்³யா,
ஸச்சங் தேஸங் ஸாது³தரங் ரஸானங்;
ஸச்சே டி²தா ஸமணப்³ராஹ்மணா ச,
தரந்தி ஜாதிமரணஸ்ஸ பார”ந்தி. (ஜா. 2.21.433);

ஸாது³தரந்தி மது⁴ரதரங் பணீததரங். ரஸானந்தி யே இமே “மூலரஸோ
கந்த⁴ரஸோ”திஆதி³னா (த⁴. ஸ. 628-630) நயேன ஸாயனீயத⁴ம்மா, யேசிமே
“அனுஜானாமி, பி⁴க்க²வே, ஸப்³ப³ங் ப²லரஸங் (மஹாவ. 300), அரஸருபோ
ப⁴வங் கோ³தமோ, யே தே, ப்³ராஹ்மண, ரூபரஸா ஸத்³த³ரஸா (பாரா. 3; அ.
நி. 8.11), அனாபத்தி ரஸரஸே (பாசி. 605-611), அயங் த⁴ம்மவினயோ ஏகரஸோ
விமுத்திரஸோ (சூளவ. 385; அ. நி. 8.19), பா⁴கீ³ வா ப⁴க³வா அத்த²ரஸஸ்ஸ
த⁴ம்மரஸஸ்ஸா”திஆதி³னா (மஹானி. 149) நயேன ரூபாசாரரஸபவஜ்ஜா
அவஸேஸா ப்³யஞ்ஜனாத³யோ “த⁴ம்மரஸா”தி வுச்சந்தி . தேஸங் ரஸானங்
ஸச்சங் ஹவே ஸாது³தரங் ஸச்சமேவ ஸாது³தரங். ஸாது⁴தரங் வா,
ஸெட்ட²தரங், உத்தமதரங். மூலரஸாத³யோ ஹி ஸரீரமுபப்³ருஹெந்தி,
ஸங்கிலேஸிகஞ்ச ஸுக²மாவஹந்தி. ஸச்சரஸே விரதிஸச்சவாசாஸச்சரஸா
ஸமத²விபஸ்ஸனாதீ³ஹி சித்தங் உபப்³ருஹேதி, அஸங்கிலேஸிகஞ்ச
ஸுக²மாவஹதி. விமுத்திரஸோ பரமத்த²ஸச்சரஸபரிபா⁴விதத்தா ஸாது³,

அத்த²ரஸத⁴ம்மரஸா ச தத³தி⁴க³முபாயபு⁴தங் அத்த²ஞ்ச த⁴ம்மஞ்ச
நிஸ்ஸாய பவத்திதோதி.

பஞ்ஞாஜீவிங்ஜீவிதந்தி எத்த² பன ய்வாயங்
அந்தே⁴கசக்கு²த்³விசக்கு²கேஸு த்³விசக்கு²புக்³கலோ க³ஹட்டோ² வா
கம்மந்தானுட்டா²ன-ஸரணக³மனதா³ன-ஸங்விபா⁴க³-
ஸீலஸமாதா³னுபோஸத²கம்மாதி³ க³ஹட்ட²படிபத³ங், பப்³புஜிதோ வா
அவிப்படிஸாரகரஸீலஸங்கா²தங் தது³த்தரிசித்தவிஸுத்³தி⁴ஆதி³பே⁴த³ம்பி
பப்³புஜிதபடிபத³ங் பஞ்ஞாய ஆராதெ⁴த்வா ஜீவதி, தஸ்ஸ பஞ்ஞாய ஜீவினோ
ஜீவிதங், தங் வா பஞ்ஞாஜீவிதங் ஸெட்ட²மாஹுதி ஏவமத்தோ² த³ட்ட²புபோ³.

ஏவங் ப⁴க³வதா விஸ்ஸஜ்ஜிதே சத்தாரோபி பஞ்ஹே ஸுத்வா
அத்தமனோ யக்கோ² அவஸேஸேபி சத்தாரோ பஞ்ஹே புச்சுந்தோ கத²ங்ஸு
தரதி ஓக⁴ந்தி கா³த²மாஹ. அத²ஸ்ஸ ப⁴க³வா புரிமனயேனேவ
விஸ்ஸஜ்ஜெந்தோ ஸத்தா⁴ய தரதீதி கா³த²மாஹ. தத்த² கிஞ்சாபி யோ
சதுப்³பி³த⁴மோக⁴ங் தரதி, ஸோ ஸங்ஸாரண்ணவம்பி தரதி, வட்டதுக்க²ம்பி
அச்சேதி, கிலேஸமலாபி பரிஸுஜ்ஜ²தி, ஏவங் ஸந்தேபி பன யஸ்மா
அஸ்ஸத்³தோ⁴ ஓக⁴தரணங் அஸத்³த³ஹந்தோ ந பக்க²ந்த³தி, பஞ்சஸு
காமகு³ணேஸு சித்தவொஸ்ஸக்³கேன பமத்தோ தத்தே²வ விஸத்தத்தா
ஸங்ஸாரண்ணவங் ந தரதி, குஸீதோ துக்க²ங் விஹரதி வோகிண்ணோ
அகுஸலேஹி த⁴ம்மேஹி, அப்பஞ்ஞோ ஸுத்³தி⁴மக்³கங் அஜானந்தோ ந
பரிஸுஜ்ஜ²தி, தஸ்மா தப்படிபக்க²ங் த³ஸ்ஸெந்தேன ப⁴க³வதா அயங் கா³தா²
வுத்தா.

ஏவங் வுத்தாய சேதாய யஸ்மா ஸோதாபத்தியங்க³பத³ட்டா²னங்
ஸத்³தி⁴ந்த³ரியங், தஸ்மா ஸத்தா⁴ய தரதி ஓக⁴ந்தி இமினா பதே³ன
தி³ட்டோ²க⁴தரணங் ஸோதாபத்திமக்³கங் ஸோதாபன்னஞ்ச பகாஸேதி.
யஸ்மா பன ஸோதாபன்னோ குஸலானங் த⁴ம்மானங் பா⁴வனாய
ஸாதச்சகிரியஸங்க²தேன அப்பமாதே³ன ஸமன்னாக³தோ து³தியமக்³கங்
ஆராதெ⁴த்வா ட²பெத்வா ஸகிதே³விமங் லோகங் ஆக³மனமக்³கங்
அவஸேஸங் ஸோதாபத்திமக்³கேன அதிண்ணங் ப⁴வோக⁴வத்து²ங்
ஸங்ஸாரண்ணவங் தரதி, தஸ்மா அப்பமாதே³ன அண்ணவந்தி இமினா
பதே³ன ப⁴வோக⁴தரணங் ஸகதா³கா³மிமக்³கங் ஸகதா³கா³மிஞ்ச பகாஸேதி.
யஸ்மா ச ஸகதா³கா³மீ வீரியேன ததியமக்³கங் ஆராதெ⁴த்வா
ஸகதா³கா³மிமக்³கேன அனதீதங் காமோக⁴வத்து²ங் காமோக⁴ஸஞ்ஞிதஞ்ச
காமது³க்க²மச்சேதி, தஸ்மா வீரியேன து³க்க²மச்சேதீதி இமினா பதே³ன
காமோக⁴தரணங் அனாகா³மிமக்³கங் அனாகா³மிஞ்ச பகாஸேதி. யஸ்மா பன
அனாகா³மீ விக³தகாமஸஞ்ஞாய பரிஸுத்³தா⁴ய பஞ்ஞாய
ஏகந்தபரிஸுத்³த⁴ங் சதுத்த²மக்³கபஞ்ஞங் ஆராதெ⁴த்வா அனாகா³மிமக்³கேன

அப்பஹீனங் அவிஜ்ஜாஸங்கா²தங் பரமமலங் பஜஹதி, தஸ்மா பஞ்ஞாய
பரிஸுஜ்ஜ²தீதி, இமினா பதே³ன அவிஜ்ஜோக⁴தரணங் அரஹத்தமக்³ஞ்ச
அரஹத்தஞ்ச பகாஸேதி. இமாய ச அரஹத்தனிகூடேன கதி²தாய கா³தா²ய
பரியோஸானே யக்கோ² ஸோதாபத்திப²லே பதிட்டா²ஸி.

இதா³னி தமேவ “பஞ்ஞாய பரிஸுஜ்ஜ²தீ”தி எத்த² வுத்தங் பஞ்ஞாபத³ங்
க³ஹேத்வா அத்தனோ படிபா⁴னேன லோகியலோகுத்தரமிஸ்ஸகங் பஞ்ஹங்
புச்ச²ந்தோ கத²ங்ஸு லப⁴தே பஞ்ஞந்தி இமங் ச²ப்பத³ங் கா³த²மாஹ. தத்த²
கத²ங்ஸுதி ஸப்³பத்தே²வ அத்த²யுத்திபுச்சா² ஹொந்தி. அயங் ஹி
பஞ்ஞாதி³அத்த²ங் ஞத்வா தஸ்ஸ யுத்திங் புச்ச²தி - “கத²ங், காய யுத்தியா, கேன
காரணேன பஞ்ஞங் லப⁴தீ”தி? ஏஸ நயோ த⁴னாதீ³ஸு.

அத²ஸ்ஸ ப⁴க³வா சதூஹி காரணேஹி பஞ்ஞாலாப⁴ங் த³ஸ்ஸெந்தோ
ஸத்³த³ஹானோதிஆதி³மாஹ. தஸ்ஸத்தோ² - யேன புப்³பா⁴கே³
காயஸுசரிதாதி³பே⁴தே³ன அபரபா⁴கே³ ச
ஸத்ததிங்ஸபோ³தி⁴பக்கி²யபே⁴தே³ன த⁴ம்மேன அரஹந்தோ
புத்³த⁴பச்சேகபுத்³த⁴ஸாவகா நிப்³பா³னங் பத்தா, தங் ஸத்³த³ஹானோ
அரஹதங் த⁴ம்மங் நிப்³பா³னபத்தியா லோகியலோகுத்தரபஞ்ஞங் லப⁴தி,
தஞ்ச கோ² ந ஸத்³தா⁴மத்தகேனேவ. யஸ்மா பன ஸத்³தா⁴ஜாதோ
உபஸங்கமதி , உபஸங்கமந்தோ பயிருபாஸதி, பயிருபாஸந்தோ ஸோதங்
ஓத்³ஹதி, ஓஹிதஸோதோ த⁴ம்மங் ஸுணாதி, தஸ்மா உபஸங்கமனதோ
பபு⁴தி யாவ த⁴ம்மஸ்ஸவனேன ஸுஸ்ஸுஸங் லப⁴தி. கிங் வுத்தங்
ஹொதி - தங் த⁴ம்மங் ஸத்³த³ஹித்வாபி ஆசரியபஜ்ஜா²யே காலேன
உபஸங்கமித்வா வத்தகரணேன பயிருபாஸித்வா யதா³ பயிருபாஸனாய
ஆராதி⁴தசித்தா கிஞ்சி வத்துகாமா ஹொந்தி. அத² அதி⁴க³தாய
ஸோதுகாமதாய ஸோதங் ஓத்³ஹித்வா ஸுணந்தோ லப⁴தீதி. ஏவங்
ஸுஸ்ஸுஸம்பி ச ஸதிஅவிப்பவாஸேன அப்பமத்தோ
ஸுபா⁴ஸிதது³பா⁴ஸிதஞ்ஞுதாய விசக்க²ணோ ஏவ லப⁴தி, ந இதரோ.
தேனாஹ “அப்பமத்தோ விசக்க²ணோ”தி.

ஏவங் யஸ்மா ஸத்³தா⁴ய பஞ்ஞாலாப⁴ஸங்வத்தனிகங் படிபத³ங்
படிபஜ்ஜதி, ஸுஸ்ஸுஸாய ஸக்கச்சங் பஞ்ஞாதி⁴க³முபாயங் ஸுணாதி,
அப்பமாதே³ன க³ஹிதங் ந பமுஸ்ஸதி. விசக்க²ணதாய அனூனாதி⁴கங்
அவிபரீதஞ்ச க³ஹேத்வா வித்தா²ரிகங் கரோதி. ஸுஸ்ஸுஸாய வா
ஓஹிதஸோதோ பஞ்ஞாபடிபா⁴ஹேதுங் த⁴ம்மங் ஸுணாதி, அப்பமாதே³ன
ஸுதத⁴ம்மங் தா⁴ரேதி, விசக்க²ணதாய த⁴தானங் த⁴ம்மானங்
அத்த²முபபரிக்க²தி, அதா²னுபுப்³பே³ன பரமத்த²ஸச்சங் ஸச்சி²கரோதி,
தஸ்மாஸ்ஸ ப⁴க³வா “கத²ங்ஸு லப⁴தே பஞ்ஞ”ந்தி புட்டோ² இமானி சத்தாரி
காரணானி த³ஸ்ஸெந்தோ இமங் கா³த²மாஹ.

இதா³னி ததோ பரே தயோ பஞ்ஹே விஸ்ஸஜ்ஜெந்தோ பதிருபகாரீதி இமங் கா³த²மாஹ. தத்த² தே³ஸகாலாதீ³னி அஹாபெத்வா லோகியஸ்ஸ லோகுத்தரஸ்ஸ வா த⁴னஸ்ஸ பதிருபங் அதி⁴க³முபாயங் கரோதீதி பதிருபகாரீ. து⁴ரவாதி சேதஸிகவீரியவஸேன அனிக்கி²த்தது⁴ரோ. உட்டா²தாதி, “யோ ச ஸீதஞ்ச உண்ஹஞ்ச, திணா பி⁴ய்யோ ந மஞ்ஞதீ”திஆதி³னா (தே²ரகா³. 232) நயேன காயிகவீரியவஸேன உட்டா²னஸம்பன்னோ அஸிதி²லபரக்கமோ. விந்த³தே த⁴னந்தி ஏகமுஸிகாய நசிரஸ்ஸேவ சதுஸதஸஹஸ்ஸஸங்க²ங் சூளந்தேவாஸீ விய லோகியத⁴னஞ்ச, மஹல்லகமஹாதிஸ்ஸத்தே²ரோ விய லோகுத்தரத⁴னஞ்ச லப⁴தி. ஸோ “தீஹியேவ இரியாபதே²ஹி விஹரிஸ்ஸாமீ”தி வத்தங் கத்வா தி²னமித்தா⁴க³மனவேலாய பலாலசம்ப³டகங் தேமெத்வா ஸீஸே கத்வா க³லப்பமாணங் உத³கங் பவிஸித்வா தி²னமித்த⁴ங் படிபா³ஹந்தோ த³ஸஹி வஸ்ஸேஹி அரஹத்தங் பாபுணி. ஸச்சேனாதி வசீஸச்சேனாபி “ஸச்சவாதீ³ பூ⁴தவாதீ”தி, பரமத்த²ஸச்சேனாபி “பு³த்தோ⁴ பச்சேகபு³த்தோ⁴ அரியஸாவகோ”தி ஏவங் கித்திங் பப்போதி. து³த³ந்தி யங்கிஞ்சி இச்சி²தபத்தி²தங் து³த³ந்தோ மித்தானி க³ந்த²தி, ஸம்பாதே³தி கரோதீதி அத்தோ². து³த³த³ங் வா து³த³ங் தங் க³ந்த²தி. தா³னமுகே²ன வா சத்தாரிபி ஸங்க³ஹவத்தூ³னி க³ஹிதானீதி வேதி³தப்³பா³னி, தேஹி மித்தானி கரோதீதி வத்தங் ஹோதி.

ஏவங் க³ஹட்ட²பப்³பஜிதானங் ஸாதா⁴ரணேன லோகியலோகுத்தரமிஸ்ஸகேன நயேன சத்தாரோ பஞ்ஹே விஸ்ஸஜ்ஜெத்வா இதா³னி “கத²ங் பேச்ச ந ஸோசதீ”தி இமங் பஞ்சமங் பஞ்ஹங் க³ஹட்ட²வஸேன விஸ்ஸஜ்ஜெந்தோ யஸ்ஸேதேதிஆதீ³மாஹ. தஸ்ஸத்தோ² - யஸ்ஸ “ஸத்த³ஹானோ அரஹத”ந்தி எத்த² வத்தாய ஸப்³பகல்யாணத⁴ம்முப்பாதி³காய ஸத்தா⁴ய ஸமன்னாக³த்தா ஸத்த⁴ஸ்ஸ, க⁴ரமேஸினோதி க⁴ராவாஸங் பஞ்ச வா காமகு³ணே ஏஸந்தஸ்ஸ க³வேஸந்தஸ்ஸ காமபோ⁴கி³னோ க³ஹட்ட²ஸ்ஸ “ஸச்சேன கித்திங் பப்போதீ”தி எத்த² வத்தப்பகாரங் ஸச்சங். “ஸுஸ்ஸுஸங் லப⁴தே பஞ்ஞ”ந்தி எத்த² ஸுஸ்ஸுஸபஞ்ஞானாமேன வத்தோவ த³மோ. “து⁴ரவா உட்டா²தா”தி எத்த² து⁴ரனாமேன உட்டா²னநாமேன ச வத்தா தி⁴தி. “து³த³ங் மித்தானி க³ந்த²தீ”தி எத்த² வத்தப்பகாரோ சாகோ³ சாதி ஏதே சதுரோ த⁴ம்மா ஸந்தி. ஸ வே பேச்ச ந ஸோசதீதி இத⁴லோகா பரலோகங் க³ந்த்வா ஸ வே ந ஸோசதீதி.

ஏவங் ப⁴க³வா பஞ்சமம்பி பஞ்ஹங் விஸ்ஸஜ்ஜெத்வா தங் யக்க³ங் சோதெ³ந்தோ இங்க⁴ அஞ்ஞேபீதிஆதி³மாஹ. தத்த² இங்கா⁴தி சோத³னத்தே² நிபாதோ. அஞ்ஞேபீதி அஞ்ஞேபி த⁴ம்மே புதூ² ஸமணப்³ராஹ்மணே புச்ச²ஸ்ஸு. அஞ்ஞேபி வா பூரணாத³யோ ஸப்³பஞ்ஞபடிஞ்ஞே புதூ² ஸமணப்³ராஹ்மணே புச்ச²ஸ்ஸு. யதி³ அம்ஹேஹி “ஸச்சேன கித்திங்

பப்போதீ"தி எத்த² வுத்தப்பகாரா ஸச்சா பி⁴ய்யோ கித்திப்பத்திகாரணங் வா, "ஸுஸ்ஸுஸங் லப⁴தே பஞ்ஞ"ந்தி எத்த² ஸுஸ்ஸுஸாதி பஞ்ஞாபதே³ஸேன வுத்தா த³ம்மா பி⁴ய்யோ லோகியலோகுத்தரபஞ்ஞாபடிலாப⁴காரணங் வா, "த³த³ங் மித்தானி க³ந்த²தீ"தி எத்த² வுத்தப்பகாரா சாகா³ பி⁴ய்யோ மித்தக³ந்த²னகாரணங் வா, "து⁴ரவா உட்டா²தா"தி எத்த² தங் தங் அத்த²வஸங் படிச்ச து⁴ரனாமேன உட்டா²னநாமேன ச வுத்தாய மஹாபா⁴ரஸஹனத்தே²ன உஸ்ஸொள்ஹிபா⁴வப்பத்தாய வீரியஸங்கா²தாய க²ந்த்யா பி⁴ய்யோ லோகியலோகுத்தரத⁴னவிந்த³னகாரணங் வா, "ஸச்சங் த³ம்மோ தி⁴தி சாகோ³"தி ஏவங் வுத்தேஹி இமேஹேவ சதுஹி த⁴ம்மேஹி பி⁴ய்யோ அஸ்மா லோகா பரங் லோகங் பேச்ச அஸோசனகாரணங் வா இத⁴ விஜ்ஜதீதி அயமெத்த² ஸத்³தி⁴ங் ஸங்கே²பயோஜனாய அத்த²வண்ணனா. வித்தா²ரதோ பன ஏகமேகங் பத³ங் அத்து²த³தா⁴ரபது³த³தா⁴ரபத³வண்ணனானயேஹி விப⁴ஜித்வா வேதி³தப்பா³.

ஏவங் வுத்தே யக்கோ² யேன ஸங்ஸயேன அஞ்ஞே புச்செ²ய்ய, தஸ்ஸ பஹீனத்தா கத²ங் நு தா³னி புச்செ²ய்யங், புது² ஸமணப்³ராஹ்மணேதி வத்வா யேபிஸ்ஸ அபுச்ச²னகாரணங் ந ஜானந்தி, தேபி ஜானாபெந்தோ யோஹங் அஜ்ஜபஜானாமி, யோ அத்தோ² ஸம்பராயிகோதி ஆஹ. தத்த² அஜ்ஜாதி அஜ்ஜாதி³ங் கத்வாதி அதி⁴ப்பாயோ. பஜானாமீதி யதா²வுத்தேன பகாரேன ஜானாமி. யோ அத்தோ²தி எத்தாவதா "ஸுஸ்ஸுஸங் லப⁴தே பஞ்ஞ"ந்திஆதி³னா நயேன வுத்தங் தி³ட்ட²த⁴ம்மிகங் த³ஸ்ஸேதி. ஸம்பராயிகோதி இமினா "யஸ்ஸேதே சதுரோ த⁴ம்மா"தி வுத்தங் பேச்ச ஸோகாபா⁴வகாரணங் ஸம்பராயிகங். அத்தோ²தி ச காரணஸ்ஸேதங் அதி⁴வசனங். அயங் ஹி அத்த²ஸத்³தோ³ "ஸாத்த²ங் ஸப்³யஞ்ஜன"ந்தி ஏவமாதீ³ஸு (பாரா. 1; தீ³. நி. 1.255) பாட²த்தே² வத்ததி. "அத்தோ² மே, க³ஹபதி, ஹிரஞ்ஞஸுவண்ணேனா"திஆதீ³ஸு (தீ³. நி. 2.250; ம. நி. 3.258) விசக்க²ணே. "ஹோதி ஸீலவதங் அத்தோ²"திஆதீ³ஸு (ஜா. 1.1.11) வுட்³டி⁴ம்ஹி. "ப³ஹுஜனோ ப⁴ஜதே அத்த²ஹேது"திஆதீ³ஸு த⁴னே. "உபி⁴ன்னமத்த²ங் சரதீ"திஆதீ³ஸு (ஜா. 1.7.66; ஸங். நி. 1.250; தே²ரகா³. 443) ஹிதே . "அத்தே² ஜாதே ச பண்டி³த"ந்திஆதீ³ஸு (ஜா. 1.1.92) காரணே. இத⁴ பன காரணே. தஸ்மா யங் பஞ்ஞாதி³லாபா⁴தீ³னங் காரணங் தி³ட்ட²த⁴ம்மிகங், யஞ்ச பேச்ச ஸோகாபா⁴வஸ்ஸ காரணங் ஸம்பராயிகங், தங் யோஹங் அஜ்ஜ ப⁴க³வதா வுத்தனயேன ஸாமங்யேவ பஜானாமி, ஸோ கத²ங் நு தா³னி புச்செ²ய்யங் புது² ஸமணப்³ராஹ்மணேதி ஏவமெத்த² ஸங்கே²பதோ அத்தோ² வேதி³தப்பா³.

ஏவங் யக்கோ² "பஜானாமி யோ அத்தோ² ஸம்பராயிகோ"தி வத்வா தஸ்ஸ ஞாணஸ்ஸ ப⁴க³வங்மூலகத்தங் த³ஸ்ஸெந்தோ அத்தா²ய வத மே

புத்தோதி ஆஹ. தத்த² அத்தா²யாதி ஹிதாய வுட்டி⁴யா ச. யத்த²
தின்னங் மஹப்பலந்தி “யஸ்ஸேதே சதுரோ த⁴ம்மா”தி எத்த² வுத்தசாகேன
யத்த² தின்னங் மஹப்பலங், தங் அக்க³தக்கி²ணையங் புத்த⁴ங் பஜானாமீதி
அத்தோ². கேசி பன “ஸங்க⁴ங் ஸந்தா⁴ய ஏவமாஹா”தி ப⁴ணந்தி.

ஏவங் இமாய கா³தா²ய அத்தனோ ஹிதாதி⁴க³மங் த³ஸ்ஸெத்வா இதா³னி
ஸஹிதபடிபத்திங் தீ³பெந்தோ ஸோ அஹங் விசரிஸ்ஸாமீதிஆதி³மாஹ. தத்த²
கா³மா கா³மந்தி தே³வகா³மா தே³வகா³மங். புரா புரந்தி தே³வனக³ரதோ
தே³வனக³ரங். நமஸ்ஸமானோ ஸம்புத்த⁴ங், த⁴ம்மஸ்ஸ ச
ஸுத⁴ம்மதந்தி “ஸம்மாஸம்புத்தோ⁴ வத ப⁴க³வா, ஸ்வாக்கா²தோ வத
ப⁴க³வதோ த⁴ம்மோ”திஆதி³னா நயேன புத்த⁴ஸுபோதி⁴தஞ்ச
த⁴ம்மஸுத⁴ம்மதஞ்ச ச-ஸத்தே³ன “ஸுப்படிபன்னோ வத ப⁴க³வதோ
ஸாவகஸங்கோ⁴”திஆதி³னா ஸங்க⁴ஸுப்படிபத்திஞ்ச அபி⁴த்த²வித்வா
நமஸ்ஸமானோ த⁴ம்மகோ⁴ஸகோ ஹுத்வா விசரிஸ்ஸாமீதி வுத்தங்
ஹோதி.

ஏவமிமாய கா³தா²ய பரியோஸானஞ்ச ரத்திவிபா⁴வனஞ்ச
ஸாது⁴காரஸத்து³ட்டா²னஞ்ச ஆளவககுமாரஸ்ஸ யக்க²ப⁴வனங்
ஆனயனஞ்ச ஏகக்க²ணேயேவ அஹோஸி. ராஜபுரிஸா ஸாது⁴காரஸத்த³ங்
ஸுத்வா - “ஏவருபோ ஸாது⁴காரஸத்தோ³ ட²பெத்வா புத்தே⁴ ந
அஞ்ஞேஸங் அப்பு⁴க்க³ச்ச²தி, ஆக³தோ நு கோ² ப⁴க³வா”தி ஆவஜ்ஜெந்தா
ப⁴க³வதோ ஸரீரப்பப⁴ங் தி³ஸ்வா புப்பே³ விய ப³ஹி அட்ட²த்வா
நிப்பி³ஸங்கா அந்தோயேவ பவிஸித்வா அத³த³ஸங்ஸு ப⁴க³வந்தங்
யக்க²ஸ்ஸ ப⁴வனே நிஸின்னங், யக்க²ஞ்ச அஞ்ஜலிங் பக்க³ஹெத்வா டி²தங்.
தி³ஸ்வான யக்க²ங் ஆஹங்ஸு - “அயங் தே, மஹாயக்க², ராஜகுமாரோ
ப³லிகம்மாய ஆனீதோ, ஹந்த³ நங் கா²த³ வா பு⁴ஞ்ஜ வா, யதா²பச்சயங் வா
கரோஹி”தி. ஸோ ஸோதாபன்னத்தா லஜ்ஜிதோ விஸேஸேன ச ப⁴க³வதோ
புரதோ ஏவங் வச்சமானோ அத² தங் குமாரங் உபோ⁴ஹி ஹத்தே²ஹி
படிக்க³ஹெத்வா ப⁴க³வதோ உபனாமேஸி “அயங், ப⁴ந்தே, குமாரோ
மய்ஹங் பேஸிதோ, இமாஹங் ப⁴க³வதோ த³ம்மி, ஹிதானுகம்பகா புத்தா⁴,
படிக்க³ண்ணாது, ப⁴ந்தே, ப⁴க³வா இமங் தா³ரகங் இமஸ்ஸ ஹிதத்தா²ய
ஸுக²த்தா²யா”தி இமஞ்ச கா³த²மாஹ -

“இமங் குமாரங் ஸதபுஞ்ஞலக்க²ணங்,
ஸப்ப³ங்கு³பேதங் பரிபுண்ணப்யஞ்ஜனங்;
உத³க்க³சித்தோ ஸுமனோ த³தா³மி தே,
படிக்க³ஹ லோகஹிதாய சக்கு²மா”தி.

படிக்க³ஹேஸி ப⁴க³வா குமாரங். படிக்க³ண்ஹந்தோ ச யக்க²ஸ்ஸ ச குமாரஸ்ஸ ச மங்க³லகரணத்த²ங் பாதூ³னகா³த²ங் அபா⁴ஸி. தங் யக்கோ² குமாரங் ஸரணங் க³மெந்தோ திக்க²த்துங் சதுத்த²பாதே³ன பூரேஸி. ஸெய்யதி²த³ங் -

“தீ³கா⁴யுகோ ஹோது அயங் குமாரோ,
துவஞ்ச யக்க² ஸுகி²தோ ப⁴வாஹி;
அப்³யாதி⁴தா லோகஹிதாய திட்ட²த²,
அயங் குமாரோ ஸரணமுபேதி பு³த்த⁴ங்;
அயங் குமாரோ ஸரணமுபேதி த⁴ம்மங்;
அயங் குமாரோ ஸரணமுபேதி ஸங்க⁴”ந்தி.

அத² ப⁴க³வா குமாரங் ராஜபுரிஸானங் அதா³ஸி - “இமங் வட்³டெ⁴த்வா புன மமேவ தே³தா²”தி. ஏவங் ஸோ குமாரோ ராஜபுரிஸானங் ஹத்த²தோ யக்க²ஸ்ஸ ஹத்த²ங், யக்க²ஸ்ஸ ஹத்த²தோ ப⁴க³வதோ ஹத்த²ங், ப⁴க³வதோ ஹத்த²தோ புன ராஜபுரிஸானங் ஹத்த²ங் க³தத்தா நாமதோ “ஹத்த²கோ ஆளவகோ”தி ஜாதோ. தங் ஆதா³ய படினிவத்தே ராஜபுரிஸே தி³ஸ்வா கஸ்ஸகவனகம்மிகாத³யோ “கிங் யக்கோ² குமாரங் அதித³ஹரத்தா ந இச்சீ²”தி? பீ⁴தா புச்சி²ங்ஸு. ராஜபுரிஸா “மா பா⁴யத². கே²மங் கதங் ப⁴க³வதா”தி ஸப்³ப³மாரோசேஸுங் . ததோ “ஸாது⁴ ஸாதூ⁴”தி ஸகலங் ஆளவினக³ரங் ஏககோலாஹலேன யக்கா²பி⁴முக²ங் அஹோஸி. யக்கோ²பி ப⁴க³வதோ பி⁴க்கா²சாரகாலே அனுப்பத்தே பத்தசீவரங் க³ஹெத்வா உபட்³ட⁴மக்க³ங் அனுக்³ந்த்வா நிவத்தி.

அத² ப⁴க³வா நக³ரே பிண்டா³ய சரித்வா கதப⁴த்தகிச்சோ நக³ரத்³வாரே அஞ்ஞதரஸ்மிங் விவித்தே ருக்க²மூலே பஞ்ஞத்தபு³த்தா⁴ஸனே நிஸீதி³. ததோ மஹாஜனகாயேன ஸத்³தி⁴ங் ராஜா ச நாக³ரா ச ஏகதோ ஸம்பிண்டி³த்வா ப⁴க³வந்தங் உபஸங்கம்ம வந்தி³த்வா பரிவாரெத்வா நிஸின்னா - “கத²ங், ப⁴ந்தே, ஏவங் தா³ருணங் யக்க²ங் த³மயித்தா²”தி புச்சி²ங்ஸு. தேஸங் ப⁴க³வா யுத்³த⁴மாதி³ங் கத்வா “ஏவங் நவவித⁴ங் வஸ்ஸங் வஸ்ஸெத்வா ஏவங் விபி⁴ங்ஸனகங் அகாஸி, ஏவங் பஞ்ஹங் புச்சி². தஸ்ஸாஹங் ஏவங் விஸ்ஸஜ்ஜேஸி”ந்தி தமேவாளவகஸுத்தங் கதே²ஸி. கதா²பரியோஸானே சதுராஸீதிபாணஸஹஸ்ஸானங் த⁴ம்மாபி⁴ஸமயோ அஹோஸி. ததோ ராஜா சேவ நாக³ரா ச வெஸ்ஸவணமஹாராஜஸ்ஸ ப⁴வனஸமீபே யக்க²ஸ்ஸ ப⁴வனங் கத்வா புப்³க³ந்தா⁴தி³ஸக்காருபேதங் நிச்சப³லிங் பவத்தேஸுங். தஞ்ச குமாரங் விஞ்ஞதங் பத்தங் “த்வங் ப⁴க³வந்தங் நிஸ்ஸாய ஜீவிதங் லபி⁴, க³ச்ச² ப⁴க³வந்தங்யேவ பயிருபாஸஸ்ஸு பி⁴க்கு²ஸங்க⁴ஞ்சா”தி விஸ்ஸஜ்ஜேஸுங். ஸோ ப⁴க³வந்தஞ்ச பி⁴க்கு²ஸங்க⁴ஞ்ச பயிருபாஸமானோ நசிரஸ்ஸேவ அனாகா³மிப²லே

பதிட்டா²ய ஸப்³ப³ங் பு³த³த⁴வசனங் உக்³க³ஹெத்வா
பஞ்சஸதஉபாஸகபரிவாரோ அஹோஸி. ப⁴க³வா ச நங் ஏதத³க்³கே³ நித்³தி³ஸி
- “ஏதத³க்³க³ங், பி⁴க்²வே, மம ஸாவகானங் உபாஸகானங் சதூஹி
ஸங்க³ஹவத்தூ²ஹி பரிஸங் ஸங்க³ண்ஹந்தானங் யதி³த³ங் ஹத்த²கோ
ஆளவகோ”தி (அ. நி. 1.251). த்³வாத³ஸமங்.

இதி ஸாரத்த²ப்பகாஸினியா

ஸங்யுத்தனிகாய-அட்ட²கதா²ய

யக்க²ஸங்யுத்தவண்ணனா நி²டி²தா.

11. ஸக்கஸங்யுத்தங்

1. பட²மவக்³கோ³

1. ஸுவீரஸுத்தவண்ணனா

247. ஸக்கஸங்யுத்தஸ்ஸ பட²மே அபி⁴யங்ஸுதி கதா³ அபி⁴யங்ஸு? யதா³ ப³லவந்தோ அஹேஸுங், ததா³. தத்ராயங் அனுபு³பிகதா² - ஸக்கோ கிர மக்³த⁴ரட்டே² மசலகா³மகே மகோ⁴ நாம மாணவோ ஹுத்வா தெத்திங்ஸ புரிஸே க³ஹேத்வா கல்யாணகம்மங் கரொந்தோ ஸத்த வதபதா³னி பூரெத்வா தத்த² காலங்கதோ தே³வலோகே நிப்³புத்தி. தங் ப³லவகம்மானுபா⁴வேன ஸபரிஸங் ஸேஸதே³வதா த³ஸஹி டா²னேஹி அதி⁴க³ண்ஹந்தங் தி³ஸ்வா “ஆக்³ந்துகதே³வபுத்தா ஆக்³தா”தி நேவாஸிகா க³ந்த⁴பானங் ஸஜ்ஜயிங்ஸு. ஸக்கோ ஸகபரிஸாய ஸஞ்ஞங் அதா³ஸி - “மாரிஸா மா க³ந்த⁴பானங் பிவித்த², பிவனாகாரமத்தமேவ த³ஸ்ஸேதா²”தி. தே தத்த² அகங்ஸு. நேவாஸிகதே³வதா ஸுவண்ணஸரகேஹி உபனீதங் க³ந்த⁴பானங் யாவத³த்த²ங் பிவித்வா மத்தா தத்த² தத்த² ஸுவண்ணபத²வியங் பதித்வா ஸயிங்ஸு. ஸக்கோ “க³ண்ஹத² புத்தஹதாய புத்தே”தி தே பாதே³ஸு க³ஹேத்வா ஸினேருபாதே³ கி²பாபேஸி. ஸக்கஸ்ஸ புஞ்ஞதேஜேன தத³னுவத்தகாபி ஸப்³பே³ தத்தே²வ பதிங்ஸு. தே ஸினேருவேமஜ்ஜ²காலே ஸஞ்ஞங் லபி⁴த்வா, “தாதா ந ஸுரங் பிவிம்ஹ, ந ஸுரங் பிவிம்ஹா”தி ஆஹங்ஸு. ததோ பட்டா²ய அஸுரா நாம ஜாதா. அத² நேஸங் கம்மபச்சயஉதுஸமுட்டா²னங் ஸினேருஸ்ஸ ஹெட்டி²மதலே த³ஸயோஜனஸஹஸ்ஸங் அஸுரப⁴வனங் நிப்³புத்தி. ஸக்கோ தேஸங் நிவத்தெத்வா அனாக³மனத்தா²ய ஆரக்க²ங் ட²பேஸி, யங் ஸந்தா⁴ய வுத்தங் -

“அந்தரா த³வின்னங் அயுஜ்ஜ²புரானங்,
பஞ்சவிதா⁴ ட²பிதா அபி⁴ரக்கா²;
உத³கங் கரோடி-பயஸ்ஸ ச ஹாரீ,
மத³னயுதா சதுரோ ச மஹத்தா²”தி.

த³வே நக்³ரானி ஹி யுத்³தே⁴ன க³ஹேதுங் அஸக்குணெய்யதாய அயுஜ்ஜ²புரானி நாம ஜாதானி தே³வனக்³ரஞ்ச அஸுரனக்³ரஞ்ச. யதா³ ஹி அஸுரா ப³லவந்தோ ஹொந்தி, அத² தே³வேஹி பலாயித்வா தே³வனக்³ரங் பவிஸித்வா த³வாரே பித³ஹிதே அஸுரானங் ஸதஸஹஸ்ஸம்பி கிஞ்சி காதுங் ந ஸக்கோதி. யதா³ தே³வா ப³லவந்தோ ஹொந்தி, அதா²ஸுரேஹி பலாயித்வா அஸுரனக்³ரஸ்ஸ த³வாரே பித³ஹிதே ஸக்கானங் ஸதஸஹஸ்ஸம்பி கிஞ்சி காதுங் ந ஸக்கோதி. இதி இமானி த³வே நக்³ரானி அயுஜ்ஜ²புரானி நாம. நேஸங் அந்தரா ஏதேஸு உத³காதீ³ஸு பஞ்சஸு

டா²னேஸு ஸக்கேன ஆரக்கா² ட²பிதா. தத்த² உத³கஸத்³தே³ன நாகா³ க³ஹிதா. தே ஹி உத³கே ப³லவந்தோ ஹொந்தி. தஸ்மா ஸினேருஸ்ஸ பட²மாலிந்தே³ தேஸங் ஆரக்கா². கரோடிஸத்³தே³ன ஸுபண்ணா க³ஹிதா. தேஸங் கிர கரோடி நாம பானபோ⁴ஜனங், தேன தங் நாமங் லபி⁴ங்ஸு. து³தியாலிந்தே³ தேஸங் ஆரக்கா². பயஸ்ஸஹாரீஸத்³தே³ன கும்ப⁴ண்டா³ க³ஹிதா. தா³னவரக்க²ஸா கிர தே. ததியாலிந்தே³ தேஸங் ஆரக்கா². மத³னயுதஸத்³தே³ன யக்கா² க³ஹிதா. விஸமசாரினோ கிரதே யுஜ்ஜ²ஸொண்டா³. சதுத்தா²லிந்தே³ தேஸங் ஆரக்கா². சதுரோ ச மஹந்தாதி சத்தாரோ மஹாராஜானோ வுத்தா. பஞ்சமாலிந்தே³ தேஸங் ஆரக்கா². தஸ்மா யதி³ அஸுரா குபிதாவிலசித்தா தே³வபுரங் உபயந்தி யுத்³தே⁴ஸு, யங் கி³ரினோ பட²மங் பரிப⁴ண்ட³ங், தங் உரகா³ படிபா³ஹந்தி ஏவங் ஸேஸேஸு ஸேஸா.

தே பன அஸுரா ஆயுவண்ணரஸஇஸ்ஸரியஸம்பத்தீஹி தாவதிங்ஸஸதி³ஸாவ. தஸ்மா அந்தரா அத்தானங் அஜானித்வா பாடலியா புப்பி²தாய, “ந இத³ங் தே³வனக³ரங், தத்த² பாரிச்ச²த்தகோ புப்ப²தி, இத⁴ பன சித்தபாடலீ, ஜரஸக்கேனாம்ஹாகங் ஸுரங் பாயெத்வா வஞ்சிதா, தே³வனக³ரஞ்ச நோ க³ஹிதங், க³ச்சா²ம தேன ஸத்³தி⁴ங் யுஜ்ஜி²ஸ்ஸாமா”தி ஹத்தி²அஸ்ஸரதே² ஆருய்ஹ ஸுவண்ணரஜதமணிப²லகானி க³ஹெத்வா, யுத்³த⁴ஸஜ்ஜா ஹுத்வா, அஸுரபே⁴ரியோ வாதெ³ந்தா மஹாஸமுத்³தே³ உத³கங் த்³விதா⁴ பெ⁴த்வா உட்ட²ஹந்தி. தே தே³வே வுட்டே² வம்மிகமக்கி²கா வம்மிகங் விய ஸினேருங் அபி⁴ருஹிது ஆரப⁴ந்தி. அத² நேஸங் பட²மங் நாகே³ஹி ஸத்³தி⁴ங் யுத்³த⁴ங் ஹொதி. தஸ்மிங் கோ² பன யுத்³தே⁴ ந கஸ்ஸசி ச²வி வா சம்மங் வா சி²ஜ்ஜதி, ந லோஹிதங் உப்பஜ்ஜதி, கேவலங் குமாரகானங் தா³ருமெண்ட³கயுத்³த⁴ங் விய அஞ்ஞமஞ்ஞங் ஸந்தாஸனமத்தமேவ ஹொதி. கோடிஸதாபி கோடிஸஹஸ்ஸாபி நாகா³ தேஹி ஸத்³தி⁴ங் யுஜ்ஜி²த்வா தே அஸுரபுரங்யேவ பவேஸெத்வா நிவத்தந்தி.

யதா³ பன அஸுரா ப³லவந்தோ ஹொந்தி, அத² நாகா³ ஓஸக்கித்வா து³தியே ஆலிந்தே³ ஸுபண்ணேஹி ஸத்³தி⁴ங் ஏகதோவ ஹுத்வா யுஜ்ஜ²ந்தி. ஏஸ நயோ ஸுபண்ணாதீ³ஸுபி. யதா³ பன தானி பஞ்சபி டா²னானி அஸுரா மத்³த³ந்தி, ததா³ ஏகதோ ஸம்பிண்டி³தானிபி பஞ்ச ப³லானி ஓஸக்கந்தி. அத² சத்தாரோ மஹாராஜானோ க³ந்த்வா ஸக்கஸ்ஸ தங் பவத்திங் ஆரோசெந்தி. ஸக்கோ தேஸங் வசனங் ஸுத்வா தி³யட்³ட⁴யோஜனஸதிகங் வேஜயந்தரத²ங் ஆருய்ஹ ஸயங் வா நிக்க²மதி, ஏகங் வா புத்தங் பேஸேதி. இமஸ்மிங் பன காலே புத்தங் பேஸேதுகாமோ, தாத ஸுவீராதிஆதி³மாஹ.

ஏவங் ப⁴த்³த³ந்தவாதி கோ²தி ஏவங் ஹொது ப⁴த்³த³ங் தவ இதி கோ². பமாத³ங் ஆபாதே³ஸீதி பமாத³ங் அகாஸி. அச்ச²ராஸங்க⁴பரிவுதோ

ஸட்டி²யோஜனங் வித்தா²ரேன ஸுவண்ணமஹாவீதி²ங் ஓதரித்வா நக்க²த்தங் கீளந்தோ நந்த³னவனாதீ³ஸு விசரதீதி அத்தோ².

அனுட்ட²ஹந்தி அனுட்ட²ஹந்தோ. அவாயாமந்தி அவாயமந்தோ. அலஸ்வஸ்ஸாதி அலஸோ அஸ்ஸ. ந ச கிச்சானி காரயேதி கிஞ்சி கிச்சங் நாம ந கரெய்ய. ஸப்³பகாமஸமித்⁴த⁴ஸ்ஸாதி ஸப்³பகாமேஹி ஸமித்⁴தோ⁴ அஸ்ஸ. தங் மே, ஸக்க, வரங் தி³ஸாதி, ஸக்க தே³வஸெட்ட², தங் மே வரங் உத்தமங் டா²னங் ஓகாஸங் தி³ஸங் ஆசிக்க² கதே²ஹீதி வத³தி. நிப்³பா³னஸ்ஸ ஹி ஸோ மக்³கோ³தி கம்மங் அகத்வா ஜீவிதட்டா²னங் நாம நிப்³பா³னஸ்ஸ மக்³கோ³. பட²மங்.

2. ஸுஸீமஸுத்தவண்ணனா

248. து³தியே ஸுஸீமந்தி அத்தனோ புத்தஸஹஸ்ஸஸ்ஸ அந்தரே ஏவங்னாமகங் ஏகங் புத்தமேவ. து³தியங்.

3. த⁴ஜக்³க³ஸுத்தவண்ணனா

249. ததியே ஸமுபப்³யூள்ஹோதி ஸம்பிண்டி³தோ ராஸிபு⁴தோ. த⁴ஜக்³க³ங் உல்லோகெய்யதா²தி ஸக்கஸ்ஸ கிர தி³யட்³ட⁴யோஜனஸதாயாமோ ரதோ². தஸ்ஸ ஹி பச்சி²மந்தோ பண்ணாஸயோஜனோ, மஜ்ஜே² ரத²பஞ்ஜரோ பண்ணாஸயோஜனோ, ரத²ஸந்தி⁴தோ யாவ ரத²ஸீஸா பண்ணாஸயோஜனானி. ததே³வ பமாணங் தி³கு³ணங் கத்வா தியோஜனஸதாயாமோதிபி வத³ந்தியேவ. தஸ்மிங் யோஜனிகபல்லங்கோ அத்த²தோ, தியோஜனிகங் ஸேதச்ச²த்தங் மத்த²கே ட²பிதங், ஏகஸ்மிங்யேவ யுகே³ ஸஹஸ்ஸஆஜஞ்ஞா யுத்தா, ஸேஸாலங்காரஸ்ஸ பமாணங் நத்தி². த⁴ஜோ பனஸ்ஸ அட்³ட⁴தியானி யோஜனஸதானி உக்³க³தோ, யஸ்ஸ வாதாஹதஸ்ஸ பஞ்சங்கி³கதூரியஸ்ஸேவ ஸத்³தோ³ நிச்ச²ரதி, தங் உல்லோகெய்யதா²தி வத³தி. கஸ்மா? தங் பஸ்ஸந்தானஞ்ஹி ராஜா நோ ஆக³ந்த்வா பரிஸபரியந்தே நிகா²தத²ம்போ⁴ விய டி²தோ, கஸ்ஸ மயங் பா⁴யாமாதி ப⁴யங் ந ஹோதி. பஜாபதிஸ்ஸாதி ஸோ கிர ஸக்கேன ஸமானவண்ணோ ஸமானாயுகோ து³தியங் ஆஸனங் லப⁴தி. ததா² வருணோ ஈஸானோ ச. வருணோ பன ததியங் ஆஸனங் லப⁴தி, ஈஸானோ சதுத்த²ங். பலாயீதி அஸுரேஹி பராஜிதோ தஸ்மிங் ரதே² டி²தோ அப்பமத்தகம்பி ரஜத⁴ஜங் தி³ஸ்வா பலாயனத⁴ம்மோ.

இதிபி ஸோ ப⁴க³வாதிஆதீ³னி விஸுத்தி⁴மக்³கே³ வித்தா²ரிதானேவ. இத³மவோசாதி இத³ங் த⁴ஜக்³க³பரித்தங் நாம ப⁴க³வா அவோச, யஸ்ஸ ஆணாகெ²த்தே கோடிஸதஸஹஸ்ஸசக்கவாளே ஆனுபா⁴வோ வத்ததி. இத³ங்

ஆவஜ்ஜெத்வா ஹி யக்க²ப⁴யசோரப⁴யாதீ³ஹி து³க்கே²ஹி முத்தானங்
அந்தோ நத்தி². திட்ட²து அஞ்ஞது³க்க²வூபஸமோ, இத³ங் ஆவஜ்ஜமானோ ஹி
பஸன்னசித்தோ ஆகாஸேபி பதிட்ட²ங் லப⁴தி.

தத்ரித³ங் வத்து² - தீ³க⁴வாபிசேதியம்ஹி கிர ஸுதா⁴கம்மே கயிரமானே
ஏகோ த³ஹரோ முத்³த⁴வேதி³காபாத³தோ பதித்வா சேதியகுச்சி²யா
ப⁴ஸ்ஸதி. ஹெட்டா² டி²தோ பி⁴க்கு²ஸங்கோ⁴ “த⁴ஜக்³க³பரித்தங்,
ஆவுஸோ, ஆவஜ்ஜாஹி”தி ஆஹ. ஸோ மரணப⁴யேன தஜ்ஜிதோ
“த⁴ஜக்³க³பரித்தங் மங் ரக்க²தூ”தி ஆஹ. தாவதே³வஸ்ஸ சேதியகுச்சி²தோ
த்³வே இட்ட²கா நிக்க²மித்வா ஸோபானங் ஹுத்வா அட்ட²ங்ஸு, உபரிட்டி²தோ
வல்லினிஸ்ஸேணிங் ஓதாரேஸுங். தஸ்மிங் நிஸ்ஸேணியங் டி²தே இட்ட²கா
யதா²ட்டா²னேயேவ அட்ட²ங்ஸு. ததியங்.

4. வேபசித்திஸுத்தவண்ணனா

250. சதுத்தே² வேபசித்தீதி ஸோ கிர அஸுரானங் ஸப்³ப³ஜெட்ட²கோ.
யேனாதி நிபாதமத்தங் நந்தி ச. கண்ட²பஞ்சமேஹீதி த்³வீஸு ஹத்தே²ஸு
பாதே²ஸு கண்டே² சாதி ஏவங் பஞ்சஹி ப³ந்த⁴னேஹி. தானி பன
நளினஸுத்தங் விய மக்கடகஸுத்தங் விய ச சக்கு²ஸ்ஸாபாத²ங் ஆக³ச்ச²ந்தி,
இரியாபத²ங் ருஜ்ஜ²ந்தி. தேஹி பன சித்தேனேவ ப³ஜ்ஜ²தி, சித்தேனேவ முச்சதி.
அக்கோஸதீதி சோரோஸி பா³லோஸி மூள்ஹோஸி தே²னோஸி ஒட்டோ²ஸி
கோ³னோஸி க³த்³ரபோ⁴ஸி நேரயிகோஸி திரச்சா²னக³தோஸி, நத்தி²
துய்ஹங் ஸுக³தி, து³க்³க³தியேவ துய்ஹங் பாடிகங்கா²தி இமேஹி த³ஸஹி
அக்கோஸவத்தூ²ஹி அக்கோஸதி. பரிபா⁴ஸதீதி, ஜரஸக்க, ந த்வங்
ஸப்³ப³காலங் ஜினிஸ்ஸஸி, யதா³ அஸுரானங் ஜயோ ப⁴விஸ்ஸதி, ததா³
தம்பி ஏவங் ப³ந்தி⁴த்வா அஸுரப⁴வனஸ்ஸ த³வாரே நிபஜ்ஜாபெத்வா
போதா²பெஸ்ஸாமீதி ஆதீ³னி வத்வா தஜ்ஜேதி. ஸக்கோ விஜிதவிஜயோ ந தங்
மனஸி கரோதி, மஹாபடிக்³க³ஹணங் பனஸ்ஸ மத்த²கே விது⁴னந்தோ
ஸுத⁴ம்மதே³வஸப⁴ங் பவிஸதி சேவ நிக்க²மதி ச. அஜ்ஜ²பா⁴ஸீதி “கிங் நு
கோ² ஏஸ ஸக்கோ இமானி ப²ருஸவசனானி ப⁴யேன திதிக்க²தி, உதா³ஹு
அதி⁴வாஸனக²ந்தியா ஸமன்னாக³தத்தா”தி? வீமங்ஸந்தோ அபா⁴ஸி.

து³ப்³ப³ல்யா நோதி து³ப்³ப³லபா⁴வேன நு. படிஸங்யுஜேதி
படிஸங்யுஜெய்ய படிப்ப²ரெய்ய. பபி⁴ஜ்ஜெய்யுந்தி விரஜ்ஜெய்யுங்.
பகுஜ்ஜெ²ய்யுந்திபி பாடோ². பரந்தி பச்சத்தி²கங். யோ ஸதோ உபஸம்மதீதி
யோ ஸதிமா ஹுத்வா உபஸம்மதி, தஸ்ஸ உபஸமங்யேவாஹங் பா³லஸ்ஸ
படிஸேத⁴னங் மஞ்ஞேதி அத்தோ². யதா³ நங் மஞ்ஞதீதி யஸ்மா தங்
மஞ்ஞதி. அஜ்ஜா²ருஹதீதி அஜ்ஜோ²த்த²ரதி. கோ³வ பி⁴ய்யோ பலாயினந்தி
யதா² கோ³யுத்³தே⁴ தாவதே³வ த்³வே கா³வோ யுஜ்ஜ²ந்தே கோ³க³னோ

ஓலோகெந்தோ திட்ட²தி, யதா³ பன ஏகோ பலாயதி, அத² நங் பலாயந்தங்
ஸப்³போ³ கோ³க³ணோ பி⁴ய்யோ அஜ்ஜோ²த்த²ரதி. ஏவங் து³ம்மேதோ⁴
க²மந்தங் பி⁴ய்யோ அஜ்ஜோ²த்த²ரதீதி அத்தோ².

ஸத³த்த²பரம²தி ஸகத்த²பரமா. க²ந்த்யா பி⁴ய்யோ ந விஜ்ஜதீதி தேஸு
ஸகஅத்த²பரமேஸு அத்தே²ஸு க²ந்திதோ உத்தரிதரோ அஞ்ஞோ அத்தோ² ந
விஜ்ஜதி. தமாஹு பரமங் க²ந்திந்தி யோ ப³லவா திதிக்க²தி, தஸ்ஸ தங்
க²ந்திங் பரமங் ஆஹு. பா³லப³லங் நாம அஞ்ஞாணப³லங். தங் யஸ்ஸ ப³லங்,
அப³லமேவ தங் ப³லந்தி ஆஹு கதெ²ந்தீதி தீ³பேதி. த⁴ம்மகு³த்தஸ்ஸாதி
த⁴ம்மேன ரக்கி²தஸ்ஸ, த⁴ம்மங் வா ரக்க²ந்தஸ்ஸ. படிவத்தாதி
படிப்ப²ரித்வா வத்தா, படிப்ப²ரித்வா வா பா³லப³லந்தி வதெ³ய்யாபி, த⁴ம்மட்ட²ங்
பன சாலேதுங் ஸமத்தோ² நாம நத்தி². தஸ்ஸேவ தேன பாபியோதி தேன
கோதே⁴ன தஸ்ஸேவ புக³க³லஸ்ஸ பாபங். கதரஸ்ஸ? யோ குத்த⁴ங்
படிசுஜ்ஜதி. திகிச்ச²ந்தானந்தி ஏகவசனே ப³ஹுவசனங், திகிச்ச²ந்தந்தி
அத்தோ². ஜனா மஞ்ஞந்தீதி ஏவருபங் அத்தனோ ச பரஸ்ஸ சாதி உபி⁴ன்னங்
அத்த²ங் திகிச்ச²ந்தங் நிப்பா²தெ³ந்தங் புக³க³லங் “அந்த⁴பா³லோ அய”ந்தி
அந்த⁴பா³லபுது²ஜ்ஜனாவ ஏவங் மஞ்ஞந்தி. த⁴ம்மஸ்ஸ அகோவிதா³தி
சதுஸச்சத⁴ம்மே அசே²கா. இதா⁴தி இமஸ்மிங் ஸாஸனே. கோ²தி
நிபாதமத்தங். சதுத்த²ங்.

5. ஸுபா⁴ஸிதஜயஸுத்தவண்ணனா

251. பஞ்சமே அஸுரிந்த³ங் ஏதத³வோசாதி சே²கதாய ஏதங் அவோச. ஏவங்
கிரஸ்ஸ அஹோஸி “பரஸ்ஸ நாம கா³ஹங் மோசெத்வா பட²மங் வத்துங்
க³ரு. பரஸ்ஸ வசனங் அனுக்³ந்த்வா பன பச்சா² ஸுக²ங் வத்து”ந்தி.
புப்³தே³வாதி தே³வலோகே சிரனிவாஸினோ புப்³ஸாமிகா, தும்ஹாகங் தாவ
பவேணிஆக³தங் ப⁴ணதா²தி . அத³ண்டா³வசராதி த³ண்டா³வசரணரஹிதா,
த³ண்ட³ங் வா ஸத்த²ங் வா க³ஹேதப்³ந்தி ஏவமெத்த² நத்தீ²தி அத்தோ².
பஞ்சமங்.

6. குலாவகஸுத்தவண்ணனா

252. ச²ட்டே² அஜ்ஜ²பா⁴ஸீதி தஸ்ஸ கிர ஸிம்ப³லிவனாபி⁴முக³ஸ்ஸ
ஜாதஸ்ஸ ரத²ஸத்தோ³ ச ஆஜானியஸத்தோ³ த⁴ஜஸத்தோ³ ச ஸமந்தா
அஸனிபாதஸத்தோ³ விய அஹோஸி. தங் ஸுத்வா ஸிம்ப³லிவனே
ப³லவஸுபண்ணா பலாயிங்ஸு, ஜராஜிண்ணா சேவ ரோக³து³ப்³லா ச
அஸஞ்ஜாதபக்க²போதகா ச பலாயிதுங் அஸக்கொந்தா, மரணப⁴யேன தஜ்ஜிதா
ஏகப்பஹாரேனேவ மஹாவிரவங் விரவிங்ஸு. ஸக்கோ தங் ஸுத்வா “கஸ்ஸ
ஸத்தோ³, தாதா”தி? மாதலிங் புச்சி². ரத²ஸத்த³ங், தே தே³வ, ஸுத்வா
ஸுபண்ணா பலாயிதுங் அஸக்கொந்தா விரவந்தீதி. தங் ஸுத்வா

கருணாஸமாவஜ்ஜிதஹத்யோ அபாஸி. ஈஸாமுகேனாதி ரதஸ்ஸ
 ஈஸாமுகேன. யதா குலாவகே ஈஸாமுகங் ந ஸஞ்சுண்ணேதி, ஏவங் இமினா
 ஈஸாமுகேன தே பரிவஜ்ஜய. ஸோ ஹி ரதோ புஞ்ஞபச்சயனிப்பத்தோ
 சக்கவாளப்பத்தேபி ஸினேருமஹிபி ஸம்முகீபுதே வினிவிஜ்ஜித்வாவ
 கச்சத்தி ந ஸஜ்ஜதி, ஆகாஸகதஸதிஸேனேவ கச்சத்தி. ஸசே தேன
 ஸிம்பலிவனேன கத்தோ பவெய்ய, யதா மஹாஸகடே கதலிவனமஜ்ஜேன
 வா ஏரண்டவனமஜ்ஜேன வா கச்சந்தே ஸப்பவனங் விபக்கங் நிம்மதித்ந்
 ஹோதி, ஏவங் தம்பி ஸிம்பலிவனங் பவெய்ய. சட்டங்.

7. நதுப்பியஸுத்தவண்ணனா

253. ஸத்தமே உபஸங்கமீதி “அயங் ஸக்கோ யோபி மே அஸ்ஸ
 ஸுபச்சத்திகோ, தஸ்ஸ பாஹங் ந துப்பெய்யந்தி சிந்தேதி, மயா தஸ்ஸ
 பச்சத்திகதரோ நாம நத்தி, வீமங்ஸிஸ்ஸாமி தாவ நங், கிங் நு கோ மங்
 பஸ்ஸித்வா துப்பதி, ந துப்பதி”தி சிந்தெத்வா உபஸங்கமி. திட்ட
 வேபசித்தி கஹிதோஸீதி வேபசித்தி, எத்தேவ திட்ட, கஹிதோ த்வங் மயாதி
 வத்தி. ஸஹ வசனேனேவஸ்ஸ ஸோ கண்டபஞ்சமேஹி பந்தனேஹி
 பத்தோவ அஹோஸி. ஸபஸ்ஸ ச மேதி மயி அதுப்பத்தாய ஸபதங்
 கரோஹீதி வத்தி. யங் முஸாபணதோ பாபந்தி இமஸ்மிங் கப்பே
 படமகப்பிகேஸு சேதியரஞ்ஞோ பாபங் ஸந்தாயாஹ. அரியுபவாதினோதி
 கோகலிகஸ்ஸ விய பாபங். மித்தத்துனோ ச யங் பாபந்தி மஹாகபிஜாதகே
 மஹாஸத்தே துட்டசித்தஸ்ஸ பாபங். அகதஞ்ஞனோதி
 தேவதத்தஸதிஸ்ஸ அகதஞ்ஞனோ பாபங். இமானி கிர இமஸ்மிங் கப்பே
 சத்தாரி மஹாபாபானி. ஸத்தமங்.

8. வேரோசனஅஸுரிந்தஸுத்தவண்ணனா

254. அட்டமே அட்டங்ஸுதி த்வாரபாலருபகானி விய டிதா. நிப்பதாதி
 நிப்பத்தி, யாவ அத்தோ நிப்பஜ்ஜதி, தாவ வாயமேதேவாதி வத்தி.
 துதியகாதா ஸக்கஸ்ஸ. தத்த கந்தயா பிய்யோதி
 நிப்பன்னஸோபனேஸு அத்தேஸு கந்திதோ உத்தரிதரோ அத்தோ நாம
 நத்தி. அத்தஜாதாதி கிச்சஜாதா. ஸோணஸிங்காலாத்யோபி ஹி உபாதாய
 அகிச்சஜாதோ ஸத்தோ நாம நத்தி. இதோ எத்தோ கமனமத்தம்பி கிச்சமேவ
 ஹோதி. ஸங்யோகபரமா த்வேவ, ஸம்போகா ஸப்பபாணிநந்தி
 பாரிவாஸிகஓதனாதீனி ஹி அஸம்போகாரஹானி ஹொந்தி, தானி புன
 உண்ணாபெத்வா பஜ்ஜித்வா ஸப்பிமதுபாணிதாதீஹி ஸங்யோஜிதானி
 ஸம்போகாரஹானி ஹொந்தி. தேனாஹ “ஸங்யோகபரமா த்வேவ,
 ஸம்போகா ஸப்பபாணிநந்தி . நிப்பன்னஸோபனோ அத்தோதி இமே

அத்தா² நாம நிப்ப²ன்னாவ ஸோப⁴ந்தி. புன சதுத்த²கா³தா² ஸக்கஸ்ஸ.
தத்தா²பி வுத்தனயேனேவ அத்தோ² வேதி³தப்³போ³. அட்ட²மங்.

9. அரஞ்ஞாயதனஇஸிஸுத்தவண்ணனா

255. நவமே பண்ணகுடிஸு ஸம்மந்தீதி ஹிமவந்தபதே³ஸே ரமணீயே
அரஞ்ஞாயதனே ரத்திட்டா²னதி³வாட்டா²னசங்கமனாதீ³ஹி ஸம்பன்னாஸு
பண்ணஸாலாஸு வஸந்தி. ஸக்கோ ச தே³வானமிந்தோ³ வேபசித்தி சாதி
இமே த்³வே ஜனா ஜாமாதிகஸஸுரா காலேன கலஹங் கரொந்தி, காலேன
ஏகதோ சரந்தி, இமஸ்மிங் பன காலே ஏகதோ சரந்தி. படலியோதி
க³ணங்க³ணூபாஹனா. க²க்³க³ங் ஓலக்³கெ³த்வாதி க²க்³க³ங் அங்ஸே
ஓலக்³கெ³த்வா. ச²த்தேனாதி தி³ப்³ப³ஸேதச்ச²த்தேன மத்த²கே தா⁴ரயமானேன.
அபப்³யாமதோ கரித்வாதி ப்³யாமதோ அகத்வா. சிரதி³க்கி²தானந்தி
சிரஸமாதி³ண்ணவதானங். இதோ படிக்கம்மாதி “இதோ பக்கம பரிவஜ்ஜய, மா
உபரிவாதே திட்டா²”தி வத³ந்தி. ந ஹெத்த² தே³வாதி ஏதஸ்மிங் ஸீலவந்தானங்
க³ந்தே⁴ தே³வா ந படிக்கலஸஞ்ஞினோ,
இட்ட²கந்தமனாபஸஞ்ஞினோயேவாதி தீ³பேதி. நவமங்.

10. ஸமுத்த³கஸுத்தவண்ணனா

256. த³ஸமே ஸமுத்த³தீரே பண்ணகுடிஸுதி
சக்கவாளமஹாஸமுத்த³பிட்டி²யங் ரஜதபட்டவண்ணே வாலுகபுளினே
வுத்தப்பகாராஸு பண்ணஸாலாஸு வஸந்தி. ஸியாபி நோதி ஸியாபி
அம்ஹாகங். அப⁴யத³க்கி²ணங் யாசெய்யாமாதி அப⁴யதா³னங் யாசெய்யாம.
யேபு⁴ய்யேன கிர தே³வாஸுரஸங்கா³மோ மஹாஸமுத்த³பிட்டே² ஹோதி.
அஸுரானங் ந ஸப்³பகாலங் ஜயோ ஹோதி, ப³ஹுவாரே பராஜயோவ
ஹோதி. தே தே³வேஹி பராஜிதா பலாயந்தா இஸீனங் அஸ்ஸமபதே³ன
க³ச்ச²ந்தா “ஸக்கோ இமேஹி ஸத்³தி⁴ங் மந்தெத்வா அம்ஹே நாளேதி,
க³ண்ணத² புத்தஹதாய புத்தே”தி குபிதா அஸ்ஸமபதே³
பானீயக⁴டசங்கமனஸாலாதீ³னி வித்³த⁴ங்ஸெந்தி. இஸயோ அரஞ்ஞதோ
ப²லாப²லங் ஆதா³ய ஆக³தா நங் தி³ஸ்வா புன து³க்கே²ன படிபாகதிகங்
கரொந்தி. தேபி புனப்புனங் ததே²வ வினாஸெந்தி. தஸ்மா “இதா³னி தேஸங்
ஸங்கா³மோ பச்சபட்டி²தோ”தி ஸுத்வா ஏவங் சிந்தயிங்ஸு.

காமங்கரோதி இச்சி²தகரோ. ப⁴யஸ்ஸ அப⁴யஸ்ஸ வாதி ப⁴யங் வா
அப⁴யங் வா. இத³ங் வுத்தங் ஹோதி - ஸசே த்வங் அப⁴யங் தா³துகாமோ,
அப⁴யங் தா³துங் பஹோஸி. ஸசே ப⁴யங் தா³துகாமோ. ப⁴யங் தா³துங்
பஹோஸி. அம்ஹாகங் பன அப⁴யதா³னங் தே³ஹீதி. து³ட்டா²னந்தி
விருத்த³தா⁴னங். பவுத்தந்தி கெ²த்தே பதிட்டா²பிதங்.

திக்க²த்துங் உப்³பி³ஜ்ஜீதி ஸாயமாஸப⁴த்தங் பு⁴ஞ்ஜித்வா ஸயனங் அபி⁴ருய்ஹ நிபன்னோ நித்³தா³ய ஓக்கந்தமத்தாய ஸமந்தா ட²த்வா ஸத்திஸதேன பஹடோ விய விரவந்தோ உட்ட²ஹதி, த³ஸயோஜனஸஹஸ்ஸங் அஸுரப⁴வனங் “கிமித³”ந்தி ஸங்கோ²ப⁴ங் ஆபஜ்ஜதி. அத² நங் ஆக³ந்த்வா “கிமித³”ந்தி புச்ச²ந்தி. ஸோ “ந கிஞ்சீ”தி வத³தி. து³தியயாமாதீ³ஸுபி ஏஸேவ நயோ. இதி அஸுரானங் “மா பா⁴யி, மஹாராஜா”தி தங் அஸ்ஸாஸெந்தானங்யேவ அருணங் உக்³கச்ச²தி. ஏவமஸ்ஸ ததோ பட்டா²ய கே³லஞ்ஞஜாதங் சித்தங் வேபதி. தேனேவ சஸ்ஸ “வேபசித்தீ”தி அபரங் நாமங் உத³பாதீ³தி. த³ஸமங்.

பட²மோ வக்³கோ³.

2. து³தியவக்³கோ³

1. வதபத³ஸுத்தவண்ணனா

257. து³தியவக்³கஸ்ஸ பட²மே வதபதா³னீதி வதகொட்டா²ஸானி. ஸமத்தானீதி பரிபுண்ணானி. ஸமாதி³ன்னானீதி க³ஹிதானி. குலே ஜெட்டா²பசாயீதி குலஜெட்ட²கானங் மஹாபிதா மஹாமாதா சூளபிதா சூளமாதா மாதுலோ மாதுலானீதிஆதீனங் அபசிதிகாரகோ. ஸண்ஹவாசோதி பியமுது³மது⁴ரவாசோ. முத்தசாகோ³தி விஸ்ஸட்ட²சாகோ³. பயதபாணீதி தெ³ய்யத⁴ம்மதா³னத்தா²ய ஸதா³ தோ⁴தஹத்தோ². வொஸ்ஸக்³க³ரதோதி வொஸ்ஸஜ்ஜனே ரதோ. யாசயோகோ³தி பரேஹி யாசிதப்³பா³ரஹோ, யாசயோகோ³தி வா யாசயோகே³னேவ யுத்தோ. தா³னஸங்விபா⁴க³ரதோதி தா³னே ச ஸங்விபா⁴கே³ ச ரதோ. பட²மங்.

2. ஸக்கனாமஸுத்தவண்ணனா

258. து³தியே மனுஸ்ஸபு⁴தோதி மக³த⁴ரட்டே² மசலகா³மே மனுஸ்ஸபு⁴தோ. ஆவஸத²ங் அதா³ஸீதி சதுமஹாபதே² மஹாஜனஸ்ஸ ஆவஸத²ங் காரெத்வா அதா³ஸி. ஸஹஸ்ஸம்பி அத்தா²னந்தி ஸஹஸ்ஸம்பி காரணானங், ஜனஸஹஸ்ஸேன வா வசனஸஹஸ்ஸேன வா ஓஸாரிதே “அயங் இமஸ்ஸ அத்தோ², அயங் இமஸ்ஸ அத்தோ²”தி ஏகபதே³ டி²தோவ வினிச்சி²னதி. து³தியங்.

3. மஹாலிஸுத்தவண்ணனா

259. ததியே உபஸங்கமீதி “ஸக்கோ தே³வராஜாதி கதெ²ந்தி, அத்தி² நு கோ² ஸோ ஸக்கோ, யேன ஸோ தி³ட்ட²புப்³போ³தி இமமத்த²ங் த³ஸப³லங் புச்சி²ஸ்ஸாமீ”தி உபஸங்கமி. தஞ்ச பஜானாமீதி ப³ஹுவசனே ஏகவசனங், தே ச த⁴ம்மே பஜானாமீதி அத்தோ². ஸக்கோ கிர அனந்தரே அத்தபா⁴வே

மக³த⁴ரட்டே² மசலகா³மே மகோ⁴ நாம மாணவோ அஹோஸி பண்டி³தோ ப்யத்தோ, போ³தி⁴ஸத்தசரியா விய ச தஸ்ஸ சரியா அஹோஸி. ஸோ தெத்திங்ஸ புரிஸே க³ஹெத்வா கல்யாணமகாஸி. ஏகதி³வஸங் அத்தனோவ பஞ்ஞாய உபபரிக்கித்வா கா³மமஜ்ஜே² மஹாஜனஸ்ஸ ஸன்னிபதிதட்டா²னே கசவரங் உப⁴தோபஸ்ஸேஸு அபப்³யூஹித்வா தங் டா²னங் ரமணீயங் அகாஸி. புன தத்தே²வ மண்ட³பங் காரேஸி. புன க³ச்ச²ந்தே காலே ஸாலங் காரேஸி. கா³மதோ ச நிக்க²மித்வா கா³வுதம்பி அட்³ட⁴யோஜனம்பி திகா³வுதம்பி யோஜனம்பி விசரித்வா தேஹி ஸஹாயேஹி ஸத்³தி⁴ங் விஸமங் ஸமங் அகாஸி. தே ஸப்³பே³வ ஏகச்ச²ந்தா³ தத்த² தத்த² ஸேதுயுத்தட்டா²னே ஸேதுங், மண்ட³பஸாலாபொக்க²ரணிமாலாவச்ச²ரோபனபதீ³னங் யுத்தட்டா²னேஸு மண்ட³பஸாலாபொக்க²ரணிமாலாவச்ச²ரோபனாதீ³னி கரொந்தா ப்ஹுங் புஞ்ஞமகங்ஸு. மகோ⁴ ஸத்த வதபதா³னி பூரெத்வா காயஸ்ஸ பே⁴தா³ ஸத்³தி⁴ங் ஸஹாயேஹி தாவதிங்ஸப⁴வனே நிப்³ப³த்தி. தங் ஸப்³ப³ங் ப⁴க³வா ஜானாதி. தேனாஹ - யேஸங் த⁴ம்மானங் ஸமாதி³ன்னத்தா ஸக்கோ ஸக்கத்தங் அஜ்ஜ²கா³, தஞ்ச பஜானாமீதி. அயங் ஸக்கஸ்ஸ ஸக்கத்தாதி⁴க³மே ஸங்கே²பகதா², வித்தா²ரோ பன ஸுமங்க³லவிலாஸினியா தீ³க⁴னிகாயட்ட²கதா²ய ஸக்கபண்ஹவண்ணனாயங் வுத்தோ. ததியங்.

4. த³லித்³த³ஸுத்தவண்ணனா

260. சதுத்தே² மனுஸ்ஸத³லித்³தோ³தி மனுஸ்ஸஅத⁴னோ. மனுஸ்ஸகபணோதி மனுஸ்ஸகாருஞ்ஞதங் பத்தோ. மனுஸ்ஸவராகோதி மனுஸ்ஸலாமகோ. தத்ராதி தஸ்மிங் டா²னே, தஸ்மிங் வா அதிரோசனே. உஜ்ஜா²யந்தீதி அவஜ்ஜா²யந்தி லாமகதோ சிந்தெந்தி. கி²யந்தீதி கதெ²ந்தி பகாஸெந்தி. விபாசெந்தீதி தத்த² தத்த² கதெ²ந்தி வித்தா²ரெந்தி. ஏஸோ கோ² மாரிஸாதி எத்த² அயமனுபுப்³பி³கதா² - ஸோ கிர அனுப்பன்னே பு³த்³தே⁴ காலிரட்டே² பா³ராணஸிராஜா ஹுத்வா ஸமுஸ்ஸிதத்³த⁴ஜபடாகனானாலங்காரேன ஸுட்டு² அலங்கதங் நக³ரங் பத³க்கி²ணங் அகாஸி அத்தனோ ஸிரிஸம்பத்தியா ஸமாகட்³டி⁴தனெத்தேன ஜனகாயேன ஸமுல்லோகியமானோ. தஸ்மிஞ்ச ஸமயே ஏகோ பச்சேகபுத்³தோ⁴ க³ந்த⁴மாத³னபப்³பதா ஆக³ம்ம தஸ்மிங் நக³ரே பிண்டா³ய சரதி, ஸந்திந்த்³ரியோ ஸந்தமானஸோ உத்தமத³மத²ஸமன்னாக³தோ. மஹாஜனோபி ராஜக³தங் சித்தீகாரங் பஹாய பச்சேகபுத்³த⁴மேவ ஒலோகேஸி. ராஜா - “இதா³னி இமஸ்மிங் ஜனகாயே ஏகோபி மங் ந ஒலோகேதி. கிங் நு கோ² ஏத³ந்தி? ஒலோகெந்தோ பச்சேகபுத்³த⁴ங் அத்³த³ஸ. ஸோபி பச்சேகபுத்³தோ⁴ மஹல்லகோ ஹோதி பச்சி²மவயே டி²தோ. சீவரானிபிஸ்ஸ ஜிண்ணானி, ததோ ததோ ஸுத்தானி க³ளந்தி. ரஞ்ஞோ ஸதஸஹஸ்ஸாதி⁴கானி த்வே அஸங்க²யெய்யானி பூரிதபாரமிங்

பச்சேகபுத்த⁴ங் திஸ்வா சித்தபஸாத³மத்தங் வா ஹத்த²ங் பஸாரெத்வா வந்த³னமத்தங் வா நாஹோஸி. ஸோ ராஜா “பப்³புஜிதோ மஞ்ஞே ஏஸ உஸயாய மங் ந ஓலோகேதீ”தி குஜ்ஜி²த்வா “க்வாயங் குட்டி²சீவரானி பாருதோ”தி நிட்டு²பி⁴த்வா பக்காமி. தஸ்ஸ கம்மஸ்ஸ விபாகேன மஹானிரயே நிப்³புத்தித்வா விபாகாவஸேஸேன மனுஸ்ஸலோகங் ஆக³ச்சந்தோ ராஜக³ஹே பரமகபணாய இத்தி²யா குச்சி²ம்ஹி படிஸந்தி⁴ங் க³ண்ஹி. க³ஹிதகாலதோ பட்டா²ய ஸா இத்தீ² கஞ்ஜிகமத்தம்பி உத³ரபூரங் நாலத்த². தஸ்ஸ குச்சி²க³தஸ்ஸேவ கண்ணனாஸா விலீனா, ஸங்க²பலிதகுட்டி² ஹுத்வா மாதுகுச்சி²தோ நிக்க²ந்தோ. மாதாபிதரோ நாம துக்கரகாரிகா ஹொந்தி, தேனஸ்ஸ மாதா யாவ கபாலங் க³ஹெத்வா சரிதுங் ந ஸக்கோதி, தாவஸ்ஸ கஞ்ஜிகம்பி உத³கம்பி ஆஹரித்வா அதா³ஸி. பி⁴க்கா²ய சரிதுங் ஸமத்த²காலே பனஸ்ஸ கபாலங் ஹத்தே² த³த்வா “பஞ்ஞாயிஸ்ஸஸி ஸகேன கம்மேனா”தி பக்காமி.

அத²ஸ்ஸ ததோ பட்டா²ய ஸகலஸரீரதோ மங்ஸானி சி²ஜ்ஜித்வா சி²ஜ்ஜித்வா பதந்தி, யூஸங் பக்³க⁴ரதி, மஹாவேத³னா வத்தந்தி. யங் யங் ரச்ச²ங் நிஸ்ஸாய ஸயதி, ஸப்³புரத்திங் மஹாரவேன ரவதி. தஸ்ஸ காருஞ்ஞபரிதே³விதஸத்தே³ன ஸகலவிதி²யங் மனுஸ்ஸா ஸப்³புரத்திங் நித்த³ங் ந லப⁴ந்தி. தஸ்ஸ ததோ பட்டா²ய ஸுக²ஸயிதே பபோ³தே⁴தீதி ஸுப்பபுத்தோ⁴த்வேவ நாமங் உத³பாதி³. அதா²பரேன ஸமயேன ப⁴க³வதி ராஜக³ஹங் ஸம்பத்தே நாக³ரா ஸத்தா²ரங் நிமந்தெத்வா நக³ரமஜ்ஜே² மஹாமண்ட³பங் கத்வா தா³னங் அத³ங்ஸு. ஸுப்பபுத்தோ⁴பி குட்டி² க³ந்த்வா தா³னக்³மண்ட³பஸ்ஸ அவிதூ³ரே நிஸீதி³. நாக³ரா புத்த³த⁴ப்பமுக²ங் பி⁴க்கு²ஸங்க⁴ங் பணீதேன கா²த³னீயேன போ⁴ஜனீயேன பரிவிஸந்தா தஸ்ஸாபி யாகு³ப⁴த்தங் அத³ங்ஸு. தஸ்ஸ பணீதபோ⁴ஜனங் பு⁴த்தஸ்ஸ சித்தங் ஏகக்³ங் அஹோஸி. ஸத்தா² ப⁴த்தகிச்சாவஸானே அனுமோத³னங் கத்வா ஸச்சானி தீ³பேஸி, ஸுப்பபுத்தோ⁴ நிஸின்னட்டா²னே நிஸின்னோவ தே³ஸனானுஸாரேன ஞாணங் பேஸெத்வா ஸோதாபத்திப²லே பதிட்டி²தோ. ஸத்தா² உட்டா²ய விஹாரங் க³தோ. ஸோபி சும்ப³டங் ஆருய்ஹ கபாலமாதா³ய த³ண்ட³மோலுப்³ப⁴ அத்தனோ வஸனட்டா²னங் க³ச்சந்தோ விப்³ப⁴ந்தாய கா³வியா ஜீவிதா வோரோபிதோ மத்திகபாதிங் பி⁴ந்தி³த்வா ஸுவண்ணபாதிங் படிஸப⁴ந்தோ விய து³தியசித்தவாரே தே³வலோகே நிப்³புத்தோ அத்தனோ புஞ்ஞங் நிஸ்ஸாய அஞ்ஞே தே³வே அதிகம்ம விரோசித்த². தங் காரணங் த³ஸ்ஸெந்தோ ஸக்கோ தே³வானமிந்தோ³ ஏஸோ கோ² மாரிஸாதிஆதி³மாஹ.

ஸத்தா⁴தி மக்³கே³னாக³தஸத்தா⁴. ஸீலஞ்ச யஸ்ஸ கல்யாணந்தி கல்யாணஸீலங் நாம அரியஸாவகஸ்ஸ அரியகந்தஸீலங் வுச்சதி. தத்த²

கிஞ்சாபி அரியஸாவகஸ்ஸ ஏகஸ்ஸீலம்பி அகந்தங் நாம நத்தி², இமஸ்மிங் பனத்தே² ப⁴வந்தரேபி அப்பஹீனங் பஞ்சஸ்ஸீலங் அதி⁴ப்பேதங். சதுத்த²ங்.

5. ராமணெய்யகஸுத்தவண்ணனா

261. பஞ்சமே ஆராமசெத்யாதி ஆராமசேதியானி. வனசெத்யாதி வனசேதியானி. உப⁴யத்தா²பி சித்தீகதட்டே²ன செத்யங் வேதி³தப்³பங். மனுஸ்ஸராமணெய்யஸ்ஸாதி மனுஸ்ஸரமணீயபா⁴வஸ்ஸ. இதா³னி மனுஸ்ஸரமணீயகவஸேன பூ⁴மிரமணீயகங் த³ஸ்ஸெந்தோ கா³மே வாதிஆதி³மாஹ. பஞ்சமங்.

6. யஜமானஸுத்தவண்ணனா

262. ச²ட்டே² யஜமானானந்தி யஜந்தானங். ததா³ கிர அங்க³மக³த⁴வாஸிகா மனுஸ்ஸா அனுஸங்வச்ச²ரங் ஸப்பிமது⁴பா²ணிதாதீ³ஸு அக்³கங் க³ஹெத்வா ஏகஸ்மிங் டா²னே தா³ருனங் ஸட்டி²மத்தே ஸகடபா⁴ரே ராஸிங் கத்வா அக்³கிங் த³த்வா பஜ்ஜலிதகாலே “மஹாப்ரஹ்முனோ யஜாமா”தி தங் ஸப்³பங் பக்கி²பந்தி. “ஏகவாரங் பக்கி²த்தங் ஸஹஸ்ஸகு³ணப²லங் தே³தீ”தி நேஸங் லத்³தி⁴. ஸக்கோ தே³வராஜா “ஸப்³பே³பிமே ஸப்³ப³அக்³கா³னி க³ஹெத்வா ‘மஹாப்ரஹ்முனோ யஜாமா’தி அக்³கி³ம்ஹி ஜா²பெந்தி. அப²லங் கரொந்தி, மயி பஸ்ஸந்தே மா நஸ்ஸந்து, யதா² பு³த்த⁴ஸ்ஸ சேவ ஸங்க⁴ஸ்ஸ ச த³த்வா ப³ஹுங் புஞ்ஞங் பஸவந்தி, ஏவங் கரிஸ்ஸாமீ”தி தா³ருராஸிங் ஜலாபெத்வா ஓலோகெந்தேஸு மனுஸ்ஸேஸு புண்ணமதி³வஸே ப்ரஹ்மத்தபா⁴வங் மாபெத்வா மஹாஜனஸ்ஸ பஸ்ஸந்தஸ்ஸேவ சந்த³மண்ட³லங் பி⁴ந்தி³த்வா நிக்²ந்தோ விய அஹோஸி. மஹாஜனோ தி³ஸ்வா “இமங் யஞ்ஞங் படிக்க³ஹேதுங் மஹாப்ரஹ்மா ஆக³ச்ச²தீ”தி ஜண்ணுகேஹி பூ⁴மியங் பதிட்டா²ய, அஞ்ஜலிங் பக்³க்யஹ நமஸ்ஸமானோ அட்டா²ஸி. ப்ரஹ்மணா ஆஹங்ஸு “தும்ஹே ‘மயங் தக்கேன கதே²மா’தி மஞ்ஞத², இதா³னி பஸ்ஸத², அயங் வோ ப்ரஹ்மா ஸஹத்தா² யஞ்ஞங் படிக்க³ஹேதுங் ஆக³ச்ச²தீ”தி. ஸக்கோ ஆக³ந்த்வா தா³ருசிதகமத்த²கே ஆகாஸே ட²த்வா “கஸ்ஸாயங் ஸக்காரோ”தி புச்சி²? தும்ஹாகங், ப⁴ந்தே, படிக்க³ண்ணஹத² நோ யஞ்ஞந்தி. தேன ஹி ஆக³ச்ச²த², மா துலங் ச²ட்டெ³த்வா ஹத்தே²ன துலயித்த², அயங் ஸத்தா² து⁴ரவிஹாரே வஸதி, தங் புச்சி²ஸ்ஸாம “கஸ்ஸ தி³ன்னங் மஹப்ப²லங் ஹோதீ”தி ? உப⁴யரட்ட²வாஸினோ க³ஹெத்வா ஸத்து² ஸந்திகங் க³ந்த்வா புச்ச²ந்தோ ஏவமாஹ.

தத்த² புஞ்ஞபெக்கா²னந்தி புஞ்ஞங் இச்ச²ந்தானங் புஞ்ஞத்தி²கானங். ஓபதி⁴கங் புஞ்ஞந்தி உபதி⁴விபாகங் புஞ்ஞங். ஸங்கே⁴ தி³ன்னங் மஹப்ப²லந்தி அரியஸங்கே⁴ தி³ன்னங் விப்பா²ரவந்தங் ஹோதி. தே³ஸனாவஸானே சதுராஸீதிபாணஸஹஸ்ஸானி அமதபானங் பிவிங்ஸு.

ததோ பட்டா²ய மனுஸ்ஸா ஸப்³பா³னி அக்³க³தா³னானி பி⁴க்கு²ஸங்க⁴ஸ்ஸ
அத³ங்ஸு. ச²ட்ட²ங்.

7. பு³த்³த⁴வந்த³னாஸுத்தவண்ணனா

263. ஸத்தமே உட்டே²ஹீதி உட்ட²ஹ, க⁴ட, வாயம. விஜிதஸங்கா³மாதி
ராகா³தீ³னஞ்சேவ த்³வாத³ஸயோஜனிகஸ்ஸ ச மாரப³லஸ்ஸ ஜிதத்தா
ப⁴க³வந்தங் ஏவங் ஆலபதி . பன்னபா⁴ராதி
ஓரோபிதக²ந்த⁴கிலேஸாபி⁴ஸங்கா²ரபா⁴ர. பன்னரஸாய ரத்திந்தி
பன்னரஸாய புண்ணமாய ரத்திங். ஸத்தமங்.

8. க³ஹட்ட²வந்த³னாஸுத்தவண்ணனா

264. அட்ட²மே புது²த்³தி³ஸாதி சதஸ்ஸோ தி³ஸா சதஸ்ஸோ அனுதி³ஸா
ச. பு⁴ம்மாதி பூ⁴மிவாஸினோ. சிரரத்தஸமாஹிதேதி உபசாரப்பனாஹி
சிரரத்தஸமாஹிதசித்தே. வந்தே³தி வந்தா³மி. ப்³ரஹ்மசரியபராயணேதி த³ஸபி
வஸ்ஸானி வீஸதிபி வஸ்ஸானி...பே... ஸட்டி²பி வஸ்ஸானி ஆபாணகோடிகங்
ஏகஸெய்யங் ஏகப⁴த்தந்திஆதி³கங் ஸெட்ட²சரியங் ப்³ரஹ்மசரியங் சரமானேதி
அத்தோ². புஞ்ஞுகராதி சதுபச்சயதா³னங் குஸும்ப⁴ஸுமனபூஜா
தீ³பஸஹஸ்ஸஜாலந்தி ஏவமாதி³புஞ்ஞுகாரகா. ஸீலவந்தோதி உபாஸகத்தே
பதிட்டா²ய பஞ்சஹிபி த³ஸஹிபி ஸீலேஹி ஸமன்னாக³தா. த⁴ம்மேன
தா³ரங் போஸெந்தீதி உமங்க³பி⁴ந்த³னாதீ³னி அகத்வா த⁴ம்மிகேஹி
கஸிகோ³ரக்க²வணிஜ்ஜாதீ³ஹி புத்ததா³ரங் போஸெந்தி. பமுகோ² ரத²மாருஹீதி
தேவானங் பமுகோ² ஸெட்டோ² ரத²ங் ஆருஹி. அட்ட²மங்.

9. ஸத்தா²ரவந்த³னாஸுத்தவண்ணனா

265. நவமே ப⁴க³வந்தங் நமஸ்ஸதீதி ஏகங்ஸங் உத்தரியங் து³குலங்
கத்வா, ப்³ரஹ்மஜாணுகோ ஹுத்வா ஸிரஸி அஞ்ஜலிங் ட²பெத்வா நமஸ்ஸதி.
ஸோ யக்கோ²தி ஸோ ஸக்கோ. அனோமனாமந்தி ஸப்³ப³கு³ணேஹி
ஓமகபா⁴வஸ்ஸ நத்தி²தாய ஸப்³ப³கு³ணனேமித்தகேஹி நாமேஹி
அனோமனாமங். அவிஜ்ஜாஸமதிக்கமாதி சதுஸச்சபடிச்சா²தி³காய
வட்டமூலகஅவிஜ்ஜாய ஸமதிக்கமேன. ஸெக்கா²தி ஸத்த ஸெக்கா².
அபசயாராமாதி வட்டவித்³த⁴ங்ஸனே ரதா. ஸிக்க²ரேதி ஸிக்க²ந்தி. நவமங்.

10. ஸங்க⁴வந்த³னாஸுத்தவண்ணனா

266. த³ஸமே அஜ்ஜ²பா⁴ஸீதி கஸ்மா ஏஸ புனப்புனங் ஏவங் பா⁴ஸதீதி?
ஸக்கஸ்ஸ கிர தே³வரஞ்ஞோ ஸத்³தோ³ மது⁴ரோ, ஸுப²ஸிதங்
த³ந்தாவரணங், கத²னகாலே ஸுவண்ணகிங்கிணிகஸத்³தோ³ விய நிச்ச²ரதி. தங்
புனப்புனங் ஸோதுங் லபி⁴ஸ்ஸாமீதி பா⁴ஸதி. பூதிதே³ஹஸயாதி பூதிம்ஹி

மாதுஸரீரே வா, அத்தனோயேவ வா ஸரீரங் அவத்த²ரித்வா ஸயனதோ
பூதிதே³ஹஸயா. நிமுக³கா³ குணபம்ஹேதேதி த³ஸமாஸே
மாதுகுச்சி²ஸங்கா²தே குணபஸ்மிங் ஏதே நிமுக³கா³. ஏதங் தேஸங்
பிஹயாமீதி ஏதேஸங் ஏதங் பிஹயாமி பத்த²யாமி. ந தே ஸங் கொட்டே²
ஓபெந்தீதி ந தே ஸங் ஸந்தகங் த⁴ஞ்ஞங் கொட்டே² பக்கி²பந்தி. ந ஹி
ஏதேஸங் த⁴ஞ்ஞங் அத்தி². ந கும்பீ⁴தி ந கும்பி⁴யங். ந களோபியந்தி ந
பச்சி²யங். பரனிட்டி²தமேஸானாதி பரேஸங் நிட்டி²தங் பரக⁴ரே பக்கங்
பி⁴க்கா²சாரவத்தேன ஏஸமானா க³வேஸமானா. தேனாதி ஏவங் பரியிட்டே²ன.
ஸுப்ப³தாதி த³ஸபி...பே... ஸட்டி²பி வஸ்ஸானி ஸுஸமாதி³ன்னஸுந்த³ரவதா.

ஸுமந்தமந்தினோதி த⁴ம்மங் ஸஜ்ஜா²யிஸ்ஸாம, து⁴தங்க³ங்
ஸமாதி³யிஸ்ஸாம, அமதங் பரிபு⁴ஞ்ஜிஸ்ஸாம, ஸமணத⁴ம்மங்
கரிஸ்ஸாமாதி ஏவங் ஸுபா⁴ஸிதபா⁴ஸினோ. துண்ஹீபூ⁴தா ஸமஞ்சராதி
தியாமரத்திங் அஸனிகோ⁴ஸேன கோ⁴ஸிதா விய த⁴ம்மங் கதெ²ந்தாபி
துண்ஹீபூ⁴தா ஸமங் சரந்தியேவ நாம. கஸ்மா? நிரத்த²கவசனஸ்ஸாபா⁴வா.
புது²மச்சா சாதி ப³ஹுஸத்தா ச அஞ்ஞமஞ்ஞங் விருத்த³தா⁴.
அத்தத³ண்டே³ஸு நிப்ப³தாதி பரவிஹேட²னத்த²ங் க³ஹிதத³ண்டே³ஸு
ஸத்தேஸு நிப்ப³தா விஸ்ஸட்ட²த³ண்டா³. ஸாதா³னேஸு அனாதா³னாதி
ஸக³ஹனேஸு ஸத்தேஸு ச ப⁴வயோனிஆதீ³னங் ஏககொட்டா²ஸஸ்ஸாபி
அக³ஹிதத்தா அக³ஹணா. த³ஸமங்.

து³தியோ வக்³கோ³.

3. ததியவக்³கோ³

1. செ²த்வாஸுத்தவண்ணனா

267. ததியவக்³க³ஸ்ஸ பட²மங் வுத்தத்த²மேவ. பட²மங்.

2. து³ப்ப³ண்ணியஸுத்தவண்ணனா

268. து³தியே து³ப்ப³ண்ணோதி ஜா²மகா²ணுவண்ணோ. ஓகோடிமகோதி
லகுண்ட³கோ மஹோத³ரோ. ஆஸனேதி பண்டு³கம்ப³லஸிலாயங்.
கோத⁴ப⁴க்கோ²தி ஸக்கேன க³ஹிதனாமமேவேதங். ஸோ பன ஏகோ
ரூபாவசரப்³ரஹ்மா, “ஸக்கோ கிர க²ந்திப³லேன ஸமன்னாக³தோ”தி ஸுத்வா
வீமங்ஸனத்த²ங் ஆக³தோ . அவருத்த⁴கயக்கா² பன ஏவரூபங்
ஸங்விஹிதார்க்க²ங் டா²னங் பவிஸிதுங் ந ஸக்கொந்தி. உபஸங்கமீதி
தே³வானங் ஸுத்வா “ந ஸக்கா ஏஸ ப²ருஸேன சாலேதுங், நீசவுத்தினா பன
க²ந்தியங் டி²தேன ஸக்கா பலாபேது”ந்தி ததா² பலாபேதுகாமோ உபஸங்கமி.
அந்தரதா⁴யீதி க²ந்தியங் ட²த்வா ப³லவசித்தீகாரங் பச்சுபட்ட²பெத்வா

நீசவுத்தியா த³ஸ்ஸியமானாய ஸக்காஸனே டா²துங் அஸக்கொந்தோ
அந்தரதா⁴யி. ந ஸுபஹதசித்தொம்ஹீதி எத்த² ஸுதி நிபாதமத்தங்,
உபஹதசித்தொம்ஹீதி ஆஹ. நாவத்தேன ஸுவானயோதி ந
கோதா⁴வத்தேன ஸுஆனயோ, கோத⁴வஸே வத்தேதுங் ந ஸுகரொம்ஹீதி
வத³தி. ந வோ சிராஹந்தி வோதி நிபாதமத்தங், அஹங் சிரங் ந குஜ்ஜா²மீதி
வத³தி. து³தியங்.

3. ஸம்ப³ரிமாயாஸுத்தவண்ணனா

269. ததியே ஆபா³தி⁴கோதி இஸிக³ணேன அபி⁴ஸபகாலே
உப்பன்னாபா³தே⁴ன ஆபா³தி⁴கோ. வாசேஹி மந்தி ஸசே மங்
ஸம்ப³ரிமாயங் வாசேஸி, ஏவமஹங் தம்பி திகிச்சி²ஸ்ஸாமீதி வத³தி. மா கோ²
த்வங், மாரிஸ, வாசேஸீதி வினாபி தாவ ஸம்ப³ரிமாயங் ஸக்கோ அம்ஹே
பா³த⁴தி, யதி³ பன தங் ஜானிஸ்ஸதி, நட்டா² மயங், மா அத்தனோ ஏகஸ்ஸ
அத்தா²ய அம்ஹே நாலேஹீதி வத்வா நிவாரயிங்ஸு. ஸம்ப³ரோவ ஸதங்
ஸமந்தி யதா² ஸம்ப³ரோ அஸுரிந்தோ³ மாயாவீ மாயங் பயோஜெத்வா
வஸ்ஸஸதங் நிரயே பக்கோ, ஏவங் பச்சதி. தும்ஹே த⁴ம்மிகாவ, அலங் வோ
மாயாயாதி வத³தி. கிங் பன ஸக்கோ தஸ்ஸ கோத⁴ங் திகிச்சி²துங்
ஸக்குணெய்யாதி? ஆம ஸக்குணெய்ய. கத²ங்? ததா³ கிர ஸோ இஸிக³ணோ
த⁴ரதியேவ, தஸ்மா நங் இஸீனங் ஸந்திகங் நெத்வா க²மாபெய்ய, ஏவமஸ்ஸ
பா²ஸு ப⁴வெய்ய. தேன பன வஞ்சிதத்தா ததா² அகத்வா பக்கந்தோவ. ததியங்.

4. அச்சயஸுத்தவண்ணனா

270. சதுத்தே² ஸம்பயோஜேஸுந்தி கலஹங் அகங்ஸு. அச்சஸராதி
அதிக்கமி, ஏகோ பி⁴க்கு² ஏகங் பி⁴க்கு²ங் அதிக்கம்ம வசனங் அவோசாதி
அத்தோ². யதா²த⁴ம்மங் நப்படிக்க³ண்ணா²தி ந க²மதி. கோதோ⁴ வோ
வஸமாயாதூதி கோதோ⁴ தும்ஹாகங் வஸங் ஆகச்ச²து, மா தும்ஹே
கோத⁴வஸங் க³மித்தா²தி தீ³பேதி. மா ச மித்தே ஹி வோ ஜராதி எத்த² ஹீதி
நிபாதமத்தங், தும்ஹாகங் மித்தத⁴ம்மே ஜரா நாம மா நிப்³ப³த்தி. ப⁴ம்மத்தே²
வா கரணவசனங், மித்தேஸு வோ ஜரா மா நிப்³ப³த்தி, மித்தபா⁴வதோ
அஞ்ஞதா²பா⁴வோ மா ஹோதூதி அத்தோ². அக³ரஹியங் மா க³ரஹித்தா²தி
அகா³ரய்ஹங் கீ²ணாஸவபுக்க³லங் மா க³ரஹித்த². சதுத்த²ங்.

5. அக்கோத⁴ஸுத்தவண்ணனா

271. பஞ்சமே மா வோ கோதோ⁴ அஜ்ஜ²ப⁴வீதி கோதோ⁴ தும்ஹே மா
அபி⁴ப⁴வி, தும்ஹேவ கோத⁴ங் அபி⁴ப⁴வத². மா ச குஜ்ஜி²த்த²
குஜ்ஜி²தந்தி குஜ்ஜ²ந்தானங் மா படி³குஜ்ஜி²த்த². அக்கோதோ⁴தி மெத்தா ச
மெத்தாபுப்³பா⁴கோ³ ச. அவிஹிங்ஸாதி கருணா ச கருணாபுப்³பா⁴கோ³ ச.

அத² பாபஜனங் கோதோ⁴, பப்³ப³தோவாபி⁴மத்³த³தீதி லாமகஜனங் பப்³ப³தோ
விய கோதோ⁴ அபி⁴மத்³த³தீதி. பஞ்சமங்.

ததியோ வக்³கோ³.

ஸக்கஸங்யுத்தவண்ணனா நி²டி²தா.

இதி ஸாரத்த²ப்பகாஸினியா ஸங்யுத்தனிகாய-அட்ட²கதா²ய

ஸகா³தா²வக்³க³வண்ணனா நி²டி²தா.

ஸங்யுத்தனிகாய-அட்ட²கதா²ய பட²மோ பா⁴கோ³.